

Printed & Published by T. C. DASS.

THE CHERRY PRESS LTD.

251, Bowbazar Street,

CALCUTTA.

1916

নিবেদন ।

জাতীয় ইতিহাসের অভাব বর্তমান সামাজিক বিকৃতির অন্ততম কারণ । ইতিহাসের সাহায্যে জাতীয় উন্নতি ও অবনতির মূল কারণ হৃদয়ঙ্গম করা যায় । অধুনা এই অভাব মোচনের প্রতি দেশবাসীর মনোযোগ আকৃষ্ট হইতেছে বলিয়া বিবেচনা হয় । বিশেষতঃ বাঙ্গালার জাতীয় জীবনের ইতিহাস পাঠে লোকের আসক্তি জন্মিয়াছে, তজ্জন্ত এই চিত্র লইয়া দেশবাসীর সমক্ষে উপস্থিত হইতে সাহস পাইয়াছি ।

ইতিহাস প্রথম উত্তমে নির্দোষ হওয়া অসম্ভব, বিশেষতঃ ব্যক্তিগত ইতিহাস রচনা অতীব দুর্লভ কার্য্য । এই গ্রন্থে ভ্রম-প্রমাদ অবশ্যস্বাতী, তজ্জন্ত গ্রন্থ-সম্মিলিত বংশের বংশধরগণ ত্রুটি মার্জনা করিবেন । পাঠকগণের নিকট নিবেদন, তাঁহারা কোন ভ্রম-প্রমাদ জ্ঞাপন করিলে কৃতজ্ঞতার সহিত বান্ধাস্তরে তাঁহা সংশোধন করিয়া প্রকাশিত করিব ।

দশঘরা-ছগলী }
২৬শে জ্যৈষ্ঠ, ১৩২৩ সাল । }

বিনীত
শ্রীসুরেন্দ্রমোহন বসু ।

ভূমিকা ।

বাহার অচিন্তনীয় করুণা, অতুলনীয় মহিমা এবং অনধিগম্য কোশল শৃঙ্খলায় এই সুবিশাল বিশ্বব্রহ্মাণ্ডের প্রত্যেক মহদমুঠান উদ্ভাবিত ও সূচিত হইয়া থাকে, সেই পরমারাধ্য পরমেশ্বরের ন্যাদপন্ন স্মরণ করিয়া আমি সুবিস্তীর্ণ বঙ্গসাহিত্য-ক্ষেত্রে সামান্ত লেখনী হস্তে প্রবেশ করিতেছি।

সভ্যজগতে ভারতবর্ষ চিরকাল শীর্ষস্থানীয়। কিন্তু দুঃখের বিষয় ভারতবর্ষের কীর্ত্তিমান ব্যক্তিগণেব এবং অধিকাংশ সম্ভ্রান্ত বংশের ধারাবাহিক ইতিহাস প্রাপ্ত হওয়া যায় না। এ সম্বন্ধে জ্ঞাতব্য বিষয়গুলি লিপিবদ্ধ করিয়া জনসাধারণের গোচরীভূত করিবার জন্ত বহু দিবস হইতে আমার বাসনা রহিয়াছে। সম্প্রতি সেই চিরপোষিত বাসনার কিঞ্চিৎ তৃপ্তি সাধন করিতে প্রয়াস পাইয়াছি। তাহারই ফলস্বরূপ “ভারত-গৌরব” নামক এই গ্রন্থের প্রথম খণ্ডে বঙ্গদেশের কতিপয় জমিদারবংশের ইতিবৃত্ত ও চবিতাখ্যান প্রসঙ্গ পর্যায়ক্রমে সমাধিষ্ট করিয়া প্রকাশিত করিলাম। ইহার দ্বিতীয় খণ্ডে বিহার-উড়িষ্যা ও ছোটনাগপুর বিভাগের খ্যাতনামা জমিদারবংশের ইতিহাস, তৃতীয় খণ্ডে কতিপয় ভারতীয় মিত্র রাজস্বরের বংশাবলীর ইতিবৃত্ত পর্যায়ক্রমে এবং ষাঁহাদের চরিত্র-গৌরবে ভারতমাতার মুখ সমুজ্জ্বল, সেই সকল কীর্ত্তিমান লোকদিগের জীবনচরিত চতুর্থ খণ্ডে সন্নিবেশিত করিয়া প্রকাশ করিবার বাসনা রহিল।

জীবনী লিখিতে হইলে দোষ গুণ উভয়ের উল্লেখ করিতে হয়, কিন্তু দোষের উল্লেখ অপেক্ষা গুণের উল্লেখ করা উচিত, কারণ তাহাতে লোকসমাজের উপকার সংসাধিত হইয়া থাকে। তজ্জন্ত চরিত্রের উজ্জ্বল

অংশই ইহাতে সঙ্কলিত হইয়াছে। কিরূপে বঙ্গদেশের জমিদারবংশের উন্নতি ও অবনতি সাধিত হয়, এই প্রথম খণ্ডে তাহাই প্রতিপাদিত হইয়াছে।

কোন উপায় অবলম্বন করিলে লোকসমাজে সমাদৃত হওয়া যায়, ব্যক্তিবিশেষের জীবনী তাহারই একটি দৃষ্টান্তস্থল। সেই দৃষ্টান্তের অনুকরণে লোকে উন্নতির পথে অগ্রসর হয় এবং স্বীয় জীবনের দোষগুণ বিচার পূর্বক স্বয়ং উহা সংশোধন করিতে পারে।

কালের আবর্তনে ও প্রাকৃতিক বিপ্লবে এদেশের অনেক অতীত-গৌরব লুপ্ত হওয়ায় ঘটনার সত্যতা নিরূপণ এক্ষণে দুর্লভ হইয়া পড়িয়াছে। তবে সত্যনির্দ্ধারণের জন্ত যথাসাধ্য প্রয়াস স্বীকার করিতে ক্রটি করা হয় নাই।

এস্থের কলেবর সুন্দর চিত্রে সুশোভিত করিবার বাসনা থাকায় অনেকগুলি চিত্র সংগৃহীত হইয়াছিল, কিন্তু বর্তমান বিশ্বব্যাপী মহাসমরের জন্ত নানাপ্রকার অসুবিধা হওয়ায় তদ্বিষয়ে বিরত থাকিতে বাধ্য হইয়াছি। ভরসা করি, বারাস্তরে তদনুষ্ঠানের ক্রটি হইবে না।

এই খণ্ড প্রণয়ন জন্ত *Glimpses of Bengal by A. Claude Campbell*, *Native Princes &c. by Lokenath Ghosh*, দেবগণের মর্ত্যে আগমন, বাঙ্গালা সরল অভিধান, বঙ্গভাষার লেখক, বঙ্গীয় সমাজ, বাঙ্গালার সামাজিক ইতিহাস, ময়মনসিংহের বারেন্দ্র ব্রাহ্মণ জমিদার, রাজা সীতানাথ রায় প্রভৃতি গ্রন্থ হইতে সাহায্য প্রাপ্ত হইয়াছি; বিশেষতঃ ক্ষিতীশ বংশাবলীচরিত হইতে কৃষ্ণনগর রাজবংশ, বীরভূম রাজবংশ হইতে বীরভূম রাজবংশ, হেতমপুর কাহিনী হইতে হেতমপুর রাজবংশ, জয়কৃষ্ণ চরিত হইতে উত্তরপাড়া রাজবংশ, 'আমার পূর্বপুরুষ' হইতে কীৰ্ত্তিপাশা জমিদারবংশ, নোয়াখালীর ইতিহাস হইতে ভুলুয়া

রাজবংশ এবং রাজমালা হইতে ত্রিপুরা রাজবংশ সমূহের উপাদান সংগৃহীত হইয়াছে। ইহা সুসম্পন্ন করিতে কয়েকখানি পুস্তক ও সাময়িক পত্রিকারও সহায়তা গ্রহণ করিতে হইয়াছে, তজ্জন্তু সেই সকল গ্রন্থকার ও সম্পাদকগণের নিকট কৃতজ্ঞতাসূত্রে আবদ্ধ রহিলাম।

উপসংহারে বক্তব্য যে, এই পুস্তকখানি সম্পাদন করিতে ধৈর্য্যপরিশ্রম ও অমুসন্ধান আবশ্যক তাহার ক্রটি হয় নাই। এক্ষণে ইহা জনসাধারণের প্রীতিকর হইলে পরিশ্রম সার্থক জ্ঞান করিব।

কলিকাতা
৮৬ নং বেগমলা রোড,
৮ই জুন, ১৯১৬।

গ্রন্থকার।

সূচী পত্র ।

বিষয়

পত্রাঙ্ক

কলিকাতা ।

ঠাকুরবংশ	১—৪১
পাথুরিয়াঘাটা ঘোষবংশ	৪৩—৫১
শোভাবাজার দেববংশ	৫২—৭৫
পাথুরিয়াঘাটা রায়বংশ	৭৬—৮২
চোরবাগান মল্লিকবংশ	৮৩—৯৩
বাহুড়বাগান রায়বংশ	৯৪—১০৪
ঝামাপুকুর মিত্রবংশ	১০৫—১১১
বাগবাজার ঘোষবংশ	১১২—১১৯
কলুটোলা শীলবংশ	১২০—১২৫
বড়বাজার মল্লিকবংশ	১২৬—১৩৫
কুমারটুলির মিত্রবংশ	১৩৬—১৪১
ঠনঠনিয়া লাহাবংশ	১৪২—১৫১

চব্বিশ-পল্লগণা ।

পাইকপাড়া রাজবংশ	১৫২—১৬৭
আতুলিয়া রাজবংশ	১৬৮—১৭১
ভূটকলাস রাজবংশ	১৭২—১৭৮
টাকীর জমীদারবংশ	১৭৯—১৯৪
খড়দহ জমীদারবংশ	১৯৫—১৯৯

বিষয়

পত্রাঙ্ক

যশোহর ।

যশোহর রাজবংশ ২০ — ২০৯
চাঁচড়া রাজবংশ ২১০ — ২১৪
নলডাঙ্গা রাজবংশ ২১৫ — ২২০
মহম্মদপুর জমীদারবংশ ২২১ — ২৩০
নড়াইল জমীদারবংশ ২৩১ — ২৩৯

নদীয়া ।

কৃষ্ণনগর রাজবংশ ২৪০ — ২৫৪
রাণাঘাট জমীদারবংশ ২৫৫ — ২৬৩

মুর্শিদাবাদ ।

নবাব-বংশ ২৬৪ — ২৭৪
জগৎশেঠ বংশ ২৭৫ — ২৮৩
কাশীমবাজার রাজবংশ ২৮৪ — ৩০২
নশীপুর রাজবংশ ৩০৩ — ৩০৮
লালগোলা রাজবংশ ৩০৯ — ৩১৩

বর্দ্ধমান ।

বর্দ্ধমান রাজবংশ ৩১৭ — ৩৩৪
শিরাড়মোল রাজবংশ ৩৩৫ — ৩৩৮
চকদিঘী রাজবংশ ৩৩৯ — ৩৪৯

বীরভূম ।

বীরভূম রাজবংশ ৩৫০ — ৩৬১
হেতমপুর রাজবংশ ৩৬২ — ৩৭৫

বিষয়

পত্রাক

বাঁকুড়া ।

বিষ্ণুপুর রাজবংশ ৩৭৬—৩৮১
অম্বিকানগর রাজবংশ ৩৮২—৩৮৭

জুগলী ।

উত্তরপাড়া রাজবংশ ৩৮৮—৪০২
চুঁচুড়া জমীদারবংশ ৪০৩—৪১২

হাবড়া ।

আন্দুল রাজবংশ ৪২০—৪২৬
---------------	-----	-----	-------------

মেদিনীপুর ।

তমলুক রাজবংশ ৪২৭—৪৩১
কাশীঘোড়া রাজবংশ ৪৩২—৪৩৭
ময়না রাজবংশ ৪৩৮—৪৪১
মহিষাদল রাজবংশ ৪৪২—৪৪৭
নাড়াজোল রাজবংশ ৪৪৮—৪৫১

রাজসাহী ।

পুঁটিয়া রাজবংশ ৪৫৫—৪৬২
নাটোর রাজবংশ ৪৬৩—৪৭৭
দীঘাপাতিয়া রাজবংশ ৪৭৮—৪৮৪
পাকুড়িয়া জমীদারবংশ ৪৮৫—৪৮৯

দিনাজপুর ।

দিনাজপুর রাজবংশ ৪৯০—৪৯৮
-----------------	-----	-----	-------------

বিষয়

পত্রাক

ব্রহ্মপুর।

তাজহাট রাজবংশ	৪৯৯—৫০২
কাকিনা রাজবংশ	৫০৩—৫০৫
ভিতরবন্দ জমীদারবংশ	...	•	৫০৬—৫১৬
কুণ্ডি জমীদারবংশ	৫১৭—৫২২

প্লাবনা।

ভারিশ জমীদারবংশ	৫২৩—৫৩০
-----------------	-----	-----	---------

তাক।

নবাব বংশ	৫৩৩—৫৪০
ভাওয়াল রাজবংশ	৫৪১—৫৪৬

মহম্মনসিংহ।

রামগোপালপুর রাজবংশ	৫৪৭—৫৫৬
গৌরীপুর জমীদারবংশ	৫৫৭—৫৬২
গোলকপুর রাজবংশ	৫৬৩—৫৬৭
মুক্তাগাছা রাজবংশ	৫৬৮—৫৭৪
মুসঙ্গ রাজবংশ	৫৭৫—৫৮২
সন্তোষ জমীদারবংশ	৫৮৩—৫৮৮

বাথরগঞ্জ।

চন্দ্রদ্বীপ রাজবংশ	৫৮৯—৫৯৪
কীর্তিপাশা জমীদারবংশ	৫৯৫—৬০৩

নোয়াখালী।

ভুলুয়া রাজবংশ	৬০৭—৬১২
----------------	-----	-----	---------

৮/০

কোচবিহার।

কোচবিহার রাজবংশ ৬১৫—৬৩৪

ত্রিপুরা।

ত্রিপুরা রাজবংশ ৬৩৫—৬৫৮

শুদ্ধি পত্র ।

পৃষ্ঠা	পঙ্ক্তি	অশুদ্ধ	শুদ্ধ
২	২	প্রয়াগরত্নমালা	প্রয়োগরত্নমালা
৪	১০	যোতীন্দ্র	যতীন্দ্র (সর্বত্র)
৬	১৫	প্রতিষ্ঠিত	প্রতিষ্ঠিত
৭	১২	মণির	মণির
৮	১২	ভূমিষ্ট	ভূমিষ্ঠ
৯	২২	উপ-ক্ষে	উপলক্ষে
৯	২৫	ববিত	বরীত
১১	২৫	ঐ	ঐ
১১	১৪	টাউয়ার	টাওয়ার
১৪	১৮	ভূমিষ্ট	ভূমিষ্ঠ
১৭	১৬	লাগ্নয়ন	লায়ন
১৮	১১	কুষ্ঠাশ্রমে	কুষ্ঠাশ্রমে
১৯	২২	বারানসীধামেই	বারাণসীধামে
১৯	২২	কালীকুণ্ড	কালীকুঞ্চ
২৩	১৩	ভূমিষ্ট	ভূমিষ্ঠ
২৮	৪	সহপাঠী	সহপাঠী
২৮	২২	কলিকাতার	কলিকাতায়
৩৪	১৩	ভূমিষ্ট	ভূমিষ্ঠ
৪৪	১	এটেটের	এটেটের
৪৮	১১	ভূমিষ্ট	ভূমিষ্ঠ
৪৯	১৮	এসোসিয়েশন	এসোসিয়েসন

পৃষ্ঠা	পঙ্ক্তি	অন্তর্ভুক্ত	শব্দ
৫২	১৪	সম্পত্তির	সম্পত্তির
৫৪	১৩	ভূমিষ্ট	ভূমিষ্ট
৫৫	২২	জাহ্নয়ারী	জাহ্নয়ারী
৬০	৭	মনসব	মনসব
৬১	১৪	প্রতিষ্ঠিত	প্রতিষ্ঠিত
৬৩	১৯	প্রেক্ষস্কেবল	প্রেক্ষস্কেবল
৭৩	৫	অরনার্থ	অরনার্থ
৭৫	২	এটর্নী	এটর্নী
৭৭	১৪	কোম্পানী	কোম্পানী
৭৮	৭	ঐয়ুক্ত	ঐয়ুক্ত
৮২	৫	সংকার্যো	সংকার্যো
১০১	১৫	দারপরিগ্রহ	দারপরিগ্রহ
১০২	১	চন্দ্র-জ্যোতীঃ	চন্দ্রজ্যোতীঃ
১২৯	৯	ভূমিষ্ট	ভূমিষ্ট
১৩১	১৩	ঐ	ঐ
১৪৭	১৪	সম্প্রদায়ের	সম্প্রদায়ের
১৫২	৩	কাঁধি	কান্দি (প্রবন্ধে সর্বত্র)
১৫৬	২১	ঘনিষ্ঠতা	ঘনিষ্ঠতা
১৬৫	১৩	কুমার	কুমার
১৭২	৩	বারানসীধামে	বারানসীধামে (প্রবন্ধে সর্বত্র)
১৭৫	২১	সম্মানে	সম্মানে
১৭৬	১	সাধন	সমাধন

পৃষ্ঠা	পঙ্ক্তি	অঙ্ক	শব্দ
১৮৮	১১	হস্ত	হস্ত্য
১৮৯	২২	রূপ	পর
১৯১	১৩	অধিষ্টিত	অধিষ্ঠিত
১৯২	১৪	ষ্টেটের	এষ্টেটের
২১২	১২	পরোলোক	পরলোক
২২৫	৫	দীষাপতিয়া,	দীষাপাতিয়া
২২৬	১৩	ঐ	ঐ
২২৬	১৮	বাসমণী	বাসমণি
২২৮	১৮	ঠাকুর	বিগ্রহ
২৩৩	৩	উপাধি	পদবী
২৪৯	১	ষোড়শ	ষোড়শ
২৫২	৫	উৎকট	উৎকট
২৫৩	১৬	ভূমিষ্ট	ভূমিষ্ঠ
২৫৫	১২	ঐ	ঐ
২৬৭	২১	ষোড়শবর্ষ	ষোড়শবর্ষ
২৯৭	২০	সন্মিলন	সন্মিলন
৩০৯	১	লালাগোলার	লালগোলার
৩০৯	১	ভূম্যাধিকারিগণ	ভূম্যাধিকারিগণ
৩৩৩	১২	স্থানের	স্থানে
৩৪২	১৭	ভূমিষ্ট	ভূমিষ্ঠ
৩৪৮	২৪	লইয়া	হইয়া
৩৭২	৫	ত্রীযুক্ত	ত্ৰীগৌর
৩৭২	৮	ভূমিষ্ট	ভূমিষ্ঠ
৩৭৬	১১	ঐ	ঐ

পৃষ্ঠা	পঙ্ক্তি	অঙ্ক	শব্দ
৩৯৭	১৯	শীকারে	শিকারে
৩৯৭	২০	বাহাদুরে	বাহাদুরের
৪০১	৫	বিশেষর	বিশেষর
৪০৭	১২	জগদ্যা	জগদ্বাতী
৪০৮	১০	ঐ	ঐ
৪১৪	২	কনিষ্ঠ	কনিষ্ঠ
৪১৫	৩	ভূমিষ্ট	ভূমিষ্ঠ
৪৩০	১২	থারীজ	থারিজ
৪৪০	৭	নিলামে	নীলামে
৪৫১	৬	২২	২২শে
৪৫৬	১১	সাধারণে	সাধারণে
৪৬০	১৩	নাথেরাজ	নাথরাজ
৪৬০	২৩	টকা	টাকা
৪৬৭	১	সর্কাণী	সর্কাণী
৪৭০	১৪	নাথেরাজ	নাথরাজ
৪৭০	১৭	হাকিম	হকিম
৪৯৫	১৬	সন্তানাদি	পুত্রসন্তান
৫১৯	১৩	তঁহার	তঁহার
৫৪২	১২	স্বকীয়	স্বীয়
৫৪৩	৮	আয়তন	আয়
৫৪৪	১৭	মাত্র	মাত্র
৫৪৪	১৭	কুমার	কুমার
৫৫০	১৯	যুগলে	যুগল
৫৫৭	১০	তঁহারে	তঁহার

পৃষ্ঠা	পঙ্ক্তি	অঙ্ক	তুঙ্ক
৫৫৯	১১	জামতার	জামাতার
৫৬১	১৪	হুহু	হুঃহু
৫৬৩	১	বনিতা	বণিতা
৫৬৬	২২	সহরের	সহরে
৫৭০	১৮	রাজ	রাজা
৫৭১	১১	ব্যাভ্রের	ব্যাভ্রের
৫৭১	১৬	শীকার	শিকার
৫৮৭	৫	সেবীগণ	সেবিগণ
৫৮৭	৬	স্বহ	স্বহা
৫৯৭	১৬	-য়ণের	বাদের
৫৯৮	১৩	কবিরঞ্জনব	কবিরঞ্জনের
৬০৮	৩	প্রাচীর	প্রাচীন
৬২২	১৮	অধিবাসীগণ	অধিবাসিগণ
৬৪০	১	চিস্তাই	চস্তাই
৬৪০	১৭	ত্রিপুরার	ত্রিপুরার
৬৫৩	১৯	শীকারের	শিকারের

ଅଥବା ଏଠା :

ପ୍ରେସିଡେନ୍ସୀ ବିଭାଗ ।

ভারত-গৌরব ।

ঠাকুরবংশ—কলিকাতা ।

কলিকাতার ঠাকুরবংশ এদেশে সৰ্বজন পরিচিত । ধনে, মানে, বিদ্যায়, বুদ্ধিতে, শিল্পকলায় ঠাকুর পরিবার বঙ্গদেশে অদ্বিতীয় বলিলেও অতুক্তি হয় না । বিশেষতঃ লক্ষ্মী সরস্বতীর একত্র সমাবেশ এমন আর কোথাও প্রায় দেখিতে পাওয়া যায় না । ইহাদের বিপুল জমিদারী আছে । এই ঠাকুরবংশে বাঙ্গালা সাহিত্যের বিশেষ আলোচনা হইয়া থাকে । ইহাদের স্ত্রী, পুরুষ, বালক বালিকা পর্য্যন্ত সকলেই বাণীর সেবা করেন । স্কুমার সাহিত্যে এবং কবিতা ও সঙ্গীতে ইহাদের সকলেরই অল্লাধিক পরিমাণে অধিকার আছে ।

কলিকাতার ঠাকুরবংশ ভট্টনারায়ণের বংশোদ্ভব । ১০৭২ খৃঃ বৈষ্ণবংশীয় রাজা আদিশূর কাণ্ডকুজ হইতে যে পঞ্চজন বেদবেদাঙ্গপারগ ব্রাহ্মণ আনয়ন করিয়াছিলেন, ভট্টনারায়ণ তন্মধ্যে অন্যতম । তাঁহার প্রণীত মুক্তিবিচার, প্রয়োগরত্ন, বেণীসংহার প্রভৃতি কয়েকখানি গ্রন্থ আছে । ভট্টনারায়ণের পুত্র ভট্টরামকৃষ্ণ । ভট্টরামকৃষ্ণের পুত্র ভট্টকমলাকর । তৎপুত্র মহেশ্বর । মহেশ্বরের পুত্র ধনঞ্জয় । তদীয় পুত্র হলায়ুধ এই বংশে আবির্ভাব হইয়াছিলেন । তিনি বঙ্গের তদানীন্তন হিন্দুরাজা লক্ষ্মণ সেনের মন্ত্রী ছিলেন । হলায়ুধের পুত্রের নাম বিভু । তাঁহার দুই পুত্র মহেন্দ্র ও জ্ঞানেন্দ্র । মহেন্দ্রের পঞ্চম পুরুষ পরে রাজারাম

বন্দোপাধায় জন্মগ্রহণ করেন। তাঁহার পুত্রের নাম জগন্নাথ। তৎপুত্র পুরুষোত্তম বিদ্যাবাগীশ। তিনি প্রয়াগরত্নমালা, মুক্তি চিন্তামণি, বিষ্ণুভক্তি-কল্পলতা প্রভৃতি গ্রন্থ প্রণয়ন করেন। ১৭৭০ খৃঃ তিনিই প্রথমতঃ পিরালী নামে খ্যাত হন। তাঁহার পুত্রের নাম বলরাম। তিনি প্রবোধ-প্রকাশ নামক একখানি গ্রন্থ প্রচার করেন। তাঁহার সপ্তপুরুষ পরে পঞ্চানন বন্দোপাধায় জন্মগ্রহণ করেন। ইহাদের আদি নিবাস যশোহর জেলার অন্তর্গত একটি পল্লীগাঁও। পঞ্চানন যশোহর জেলার বাস পরিত্যাগ করিয়া কলিকাতার বর্তমান ফোর্ট উইলিয়ম দুর্গের নিকট গোবিন্দপুর নামক স্থানে আসিয়া বসতি করেন। তৎফলে ইংরাজগণ তাহাকে “ঠাকুর” বলিয়া ডাকিত; এজন্ত তিনি “ঠাকুর” উপাধিতে প্রখ্যাত হন। পঞ্চাননের পুত্রের নাম জয়রাম ঠাকুর। তিনি চব্বিশ পরগণার সেটেল্-মেন্ট অফিসার ছিলেন। তাহার সময়ে ইষ্ট ইণ্ডিয়া কোম্পানী তাঁহার বাসস্থান ক্রয় করিয়া লইলে তিনি পাথুরিয়াঘাটা নামক স্থানে আসিয়া বাস করেন। ১৭৫৭ খ্রীঃ লড ক্লাইব কর্তৃক কলিকাতা ফোর্ট উইলিয়ম দুর্গের পুনঃ নিৰ্ম্মাণ সময়ে জয়রাম ঠাকুর আমীন পদে নিযুক্ত ছিলেন। তিনি ক্রমে বহুল অর্থোপার্জন করিয়া কলিকাতার সুপ্রসিদ্ধ ঠাকুরবংশের প্রতিষ্ঠা করেন। তাহার চারি পুত্র, তন্মধ্যে দ্বিতীয় দর্পনারায়ণ ও চতুর্থ নীলমণি ঠাকুর। এই পুত্রদ্বয় হইতে পাথুরিয়াঘাটা ও ঘোড়াসাঁকোর ঠাকুরবংশের উদ্ভব হইয়াছে। দর্পনারায়ণ ঠাকুর ফরাসী গবর্নমেন্টের অধীনে কাম্ম করিয়া এবং পরিশেষে বাণিজ্য ব্যবসায় দ্বারা যথেষ্ট বিষয়-সম্পত্তি করেন। তাঁহার দুই বিবাহ; তন্মধ্যে প্রথমা স্ত্রীর গর্ভে—রাধামোহন, গোপীমোহন, কৃষ্ণমোহন হরিমোহন ও প্যারীমোহন নামে পাঁচ পুত্র এবং দ্বিতীয়া স্ত্রীর গর্ভে—লাদলিমোহন ও মোহিনীমোহন নামে দুই পুত্র জন্মগ্রহণ করিয়াছিলেন।

৩ গোপীমোহন ঠাকুর ।

দর্পনারায়ণের প্রথমা পত্নীর দ্বিতীয় পুত্র গোপীমোহন ঠাকুর একজন প্রধান জমিদার ও প্রসিদ্ধ ব্যক্তি ছিলেন । তিনি বাটীতে মহাসমারোহের সহিত ভূগোৎসব করিতেন এবং সেই সময়ে তাহার বাটীতে অনেক উচ্চতম রাজকর্মচারী, এমন কি গবর্ণর জেনারেল পর্য্যন্ত নিমন্ত্রণে আসিতেন । তিনি তৎকালে সমাজের একজন বিশিষ্ট ব্যক্তি বলিয়া গণ্য ছিলেন । তিনি শারীরিক বলেব উৎকর্ষ সাধনের জন্ত পালোয়ানগণের উৎসাহদাতা ছিলেন । বিখ্যাত কুস্তীগীর রাধাগোয়াল্লা, লক্ষ্মীকান্ত বেহালদার ও কালোয়াত কালী মীর্জাকে বেতন দিয়া রাখিয়াছিলেন । তিনি বহু-ভাষাবিজ্ঞ ছিলেন । দয়া, ধর্ম, বিখ্যাতরাগ, দানশীলতা প্রভৃতি বহুগুণে ভূষিত ছিলেন । এই মহাত্মা স্বীয় কর্মচারিদিগের প্রতি অত্যন্ত সদয় ব্যবহার করিতেন । এমন কি তাহার দেওয়ান গোদলপাড়া নিবাসী রামমোহন মুখোপাধ্যায়কে একখানি উচ্চ আয়েব জমিদারী প্রদান করেন ; উহা তদীয় পৌত্র শ্রীযুক্ত গোপালচন্দ্র মুখোপাধ্যায় মহাশয় অল্পাপি ভোগ করিতেছেন । তিনি বহু অর্থ ব্যয় করিয়া মূল্যবোধ গ্রামে গঙ্গাতীরে দ্বাদশটি শিবলিঙ্গ ও ব্রহ্মময়ী দেবী নামে এক কালীমূর্তি স্থাপিত করেন এবং তাঁহাদের যথোপযুক্ত সেবাদি ও অতিথি সংকার জন্ত প্রভূত দেবোত্তর সম্পত্তি দান করিয়া গিয়াছেন । তদানীন্তন হিন্দুকলেজ সংস্থাপনে তিনি প্রভূত অর্থ সাহায্য করেন ; তজ্জন্ত পুরুষানুক্রমে তাঁহার বংশের একজন উক্ত কলেজের গবর্ণর থাকিবেন, এইরূপ নিরূপিত হইয়াছিল । গোপীমোহনের ছয় পুত্র—স্বর্ধাকুমার, চন্দ্রকুমার, নন্দকুমার, কালীকুমার, হরকুমার ও প্রসন্নকুমার ঠাকুর ।

৬ হরকুমার ঠাকুর।

গোপীমোহনের পঞ্চম পুত্র হরকুমার ঠাকুর সংস্কৃত ভাষায় সুপণ্ডিত ছিলেন। মূলাঘোড় গ্রামে তাঁহার পিতার প্রতিষ্ঠিত দেবীমন্দিরে মন্মথ প্রস্তর ফলকে খোদিত তাঁহার একটি সংস্কৃত শ্লোক অত্যাশী সকলের দৃষ্টি পথে পতিত হইয়া থাকে। দক্ষিণাচর্য্য-পারিজাত, হর-তত্ত্ব দীপিকা, পুরাণ-চরিত্র-পদ্ধতি ও শিলাচক্রার্থ-বোধিনী প্রভৃতি কয়েক খানি গ্রন্থ রচনা করেন। তিনি একজন নিষ্ঠাবান হিন্দু ছিলেন। দেবার্চনায় ও শাস্ত্রচর্চায় তাঁহার অধিক সময় অতিবাহিত হইত। সংস্কৃত, ফারসী, পর্তুগীজ, ইংরাজী, পারসী, উর্দু প্রভৃতি ভাষায় তিনি পণ্ডিত ছিলেন। ১৮৫৮ খৃঃ হরকুমার ঠাকুর লোকান্তরিত হইয়াছেন। তিনি মৃত্যুকালে দুইটি পুত্ররত্ন রাখিয়া যান—যোতীন্দ্রমোহন ঠাকুর ও সৌরীন্দ্রমোহন ঠাকুর।

৭ প্রসন্নকুমার ঠাকুর।

গোপীমোহনের কনিষ্ঠপুত্র প্রসন্নকুমার ঠাকুর ১৮০৩ খৃঃ পাথুরিয়াঘাটা প্রাসাদে জন্মগ্রহণ করেন। বাল্যকালে তিনি সেরবোর্ণ সাহেবের স্কুলে প্রথম ইংরাজী শিক্ষা আরম্ভ করেন। ১৮১২ খৃঃ কলিকাতায় হিন্দুকলেজ প্রতিষ্ঠিত হইলে তিনি তথায় প্রবিষ্ট হন। অতঃপর বিদ্যালয় পরিত্যাগ করিয়া প্রথমে নীলকুঠি ও তৈলের কল স্থাপন করেন। তাহাতে বিশেষ চুবিধা না হওয়ায় তৎপরে তিনি কলিকাতা সদর দেওয়ানী আদালতে ওকালতী ব্যবসায় আরম্ভ করেন। জমিদারশ্রেণীর মধ্যে তিনিই প্রথম ওকালতী ব্যবসায় ব্রতী হন। অতঃপর গবর্ণমেন্টের উকীল বেদী সাহেব অবসর গ্রহণ করিলে প্রসন্নকুমার তৎপদে নিয়োজিত হন। ওকালতীতে প্রতি বৎসর তাঁহার প্রায় দেড় লক্ষ টাকা আয় ছিল। তিনি ইংরাজী

ভাষায় বিশেষ ব্যাপন্ন ছিলেন । ১৮৩৮ খৃঃ যখন গবর্ণমেন্ট লাথেরাজ ভূমি বজেয়াপ্ত করিবার প্রস্তাব করেন, তখন তিনি “বেঙ্গল হরকরা” নামক সংবাদ পত্রে তৎসম্বন্ধে তীব্রভাবে আলোচনা করিয়াছিলেন । তাহার কিছু দিবস পরে তিনি “অনুবাদক” নামক একখানি বাঙ্গালা সংবাদপত্র এবং “রিফরমার” নামে একখানি ইংরাজি সংবাদপত্র সম্পাদন করেন । ১৮৫১খৃঃ যখন প্রথম ব্যবস্থাপক সভার সৃষ্টি হয়, সেই সময় ভূতপূর্ব গবর্ণর জেনারেল লর্ড ডালহাউসী তাঁহাকে ভারতীয় ব্যবস্থাপক সভার সহকারী কার্যকারকের পদে নিযুক্ত করেন । তৎপদে অধিষ্ঠিত থাকিয়া প্রসন্নকুমার কৌজদারী আইন গঠন সম্বন্ধে কলিকাতা হাইকোর্টের তৎকালীন বিচারপতি স্যার বার্ণেস্ পিকক্ সাহেব বাহাদুরকে বিশেষ সাহায্য করিয়াছিলেন । তিনি বঙ্গীয় ব্যবস্থাপক সভার অগ্রতম সভ্য ছিলেন । *বাঙ্গালীর মধ্যে তিনিই সর্বপ্রথম ভারতীয় ব্যবস্থাপক সভার সদস্য পদে অভিষিক্ত হইয়া সম্মানিত হন । তিনি ব্রিটিশ ইণ্ডিয়ান এসোসিয়েসন্ সুভা স্থাপনে বিশেষ যত্নবান ছিলেন ; রাজা স্যার রাধাকান্ত দেবের পর প্রসন্নকুমার ঐ সভার সভাপতি পদে অধিষ্ঠিত হইয়াছিলেন । তিনি একটি স্বরহং শ্রুতকালয় স্থাপন করেন, তাহাতে কলিকাতা হাইকোর্টের তৎকালীন বিচারপতিগণও আসিয়া অধ্যয়ন করিতেন । ইহাতে সাহিত্য ও আইন বিষয়ক অনেকগুলি মূল্যবান পুস্তক আছে । তিনি পুরাতন হিন্দুকলেজের একজন অগ্রতম তত্ত্বাবধায়ক ও মেয়ো হাঁসপাতালের একজন অগ্রতম গবর্ণর ছিলেন । এই মহাত্মা আজীবন স্বদেশের উন্নতিসাধনে যত্নবান ছিলেন । তাঁহার *অদ্বৃত্ত স্মৃতিশক্তি ছিল । তিনি একবার উত্তর পশ্চিমাঞ্চলে ভ্রমণ করিতে গিয়া কাশ্মীরে গমন করেন ; তৎকালে কাশ্মীরাদিপতি মহারাজ গোলাপ সিংহ তাঁহাকে সম্মানের সহিত অভ্যর্থনা করিয়াছিলেন । প্রসন্নকুমার স্বীয় জমিদারীর মধ্যে অনেকগুলি দাতব্য ঔষধালয় স্থাপন করেন । তাঁহার বাটীতে প্রতিদিন শতাদিক দরিদ্রব্যক্তি ও স্কুলের ছাত্রবৃন্দ আহাৰ পাইত ।

তিনি সংকার্য্যে বহু অর্থ অকাতরে দান করিয়া গিয়াছেন । তিনি মুঙ্গেরের অন্তর্গত পীরপাহাড়ের উপর একটি সুন্দর অট্টালিকা নিৰ্ম্মাণ করাইয়াছিলেন, উহার কক্ষগুলি অত্যাধিক সুন্দররূপে সাজান আছে । মুঙ্গেরের জলবায়ু স্বাস্থ্যকর বলিয়া ঐ প্রদেশে তাঁহার অনেক বিষয় বৈভব থাকায় এই অট্টালিকাটি জনৈক ইংরাজের নিকট হইতে ক্রয় করেন । প্রভূত অর্থ ব্যয়ে পৰ্ব্বতের উপরিভাগে একটি কূপ খনন করা হয়, সেই কূপও অত্যাধিক বৰ্ত্তমান আছে । তিনি অতীব প্রজাবৎসল ছিলেন, এবং প্রজাপুঞ্জের উন্নতিকল্পে বহু অর্থ ব্যয় করিয়াছিলেন । তিনি সংস্কৃত হইতে দায় বিষয়ক গ্রন্থ সম্বলন করিয়া প্রকাশ করেন । তাঁহার মাতৃভক্তি অসীম ছিল । প্রসন্নকুমার তেজস্বী মনস্বী ও যশস্বী পুরুষ ছিলেন । ১৮৬৬ খৃঃ ৩০ শে এপ্রেল তিনি “ সি, এম্, আই ” উপাধি সম্মানে বিভূষিত হইয়াছিলেন । তিনি মৃত্যুকালে যে উইল করেন তাহাতে অনেক সংকার্য্যে দানের ব্যবস্থা করিয়া যান । তিন লক্ষ টাকা আইন শিক্ষাকল্পে কলিকাতা বিশ্ববিদ্যালয়ের হস্তে প্রদান করিয়া যান ; সেই টাকার সুদে ১৮৭০ খৃঃ “ ঠাকুর-ল, লেকচার ” প্রতিষ্ঠিত হইয়াছে । ঠাকুর আইন অধ্যাপক দ্বাদশটা বৃত্ততা দিয়া নয় হাজার টাকা পুরস্কার পাইয়া থাকেন । একরূপ লাভজনক পদ কলিকাতা বিশ্ববিদ্যালয়ে আর নাই । পূর্বে মাসিক এক সহস্র টাকা ছিল, অধুনা অধ্যাপকের বেতন নয় শত টাকা হইয়াছে । মূলাঘোড়ে সংস্কৃত বিদ্যালয়ের গ্রন্থ নিৰ্ম্মাণ জন্ত পঁয়ত্রিশ হাজার টাকা দান করেন । তথাকার ঠাকুরবাড়ীর সংলগ্ন সংস্কৃত বিদ্যালয়টি তাঁহারই প্রদত্ত মূলধনে পরিচালিত হইতেছে । মূলাঘোড়ে দাতব্য চিকিৎসালয়ের জন্ত এক লক্ষ টাকা, অনুগত স্বজনের জন্ত এক লক্ষ নয় হাজার টাকা, স্বীয় কর্ম্মচারী ও ভ্রাতৃগণের জন্ত এক লক্ষ ছয় হাজার টাকা দানের উল্লেখ করিয়া যান । এতদ্ব্যতীত উইলের দ্বারা নানা প্রকারে বহু অর্থ দান করিয়া যান এবং প্রসন্নকুমার জীবিত কালেও বহু অর্থ দান করিয়াছিলেন । তিনি

কলিকাতার গঙ্গাতীরে একটি বাঁধাঘাট নিৰ্ম্মাণ করিয়াছিলেন; ইহা মহারাজ স্যার যোতীন্দ্রমোহন ঠাকুর কর্তৃক স্তম্ভরূপে সংস্কার করিয়া দেওয়া হইয়াছিল। ১৮৬৮ খৃঃ ৩১শে আগষ্ট স্বনামধন্য প্রসন্নকুমার ঠাকুর স্বর্গারোহণ করিয়াছেন। মহারাজ স্যার যোতীন্দ্রমোহন ঠাকুরের প্রদত্ত প্রসন্নকুমারের প্রথমময়ী প্রতিমূর্তি ভূতপূর্ব রাজপ্রতিনিধি লর্ড রিপণ বাহাদুরের দ্বারা উন্মোচিত হইয়া কলিকাতা সিনেট হলের সোপানের উপর শোভাবর্দ্ধন করিতেছে। প্রসন্নকুমারের দুই কন্যা এবং এক মাত্র পুত্র জ্ঞানেন্দ্রমোহন ঠাকুর।

৩ জ্ঞানেন্দ্রমোহন ঠাকুর ।

প্রসন্নকুমারের পুত্র জ্ঞানেন্দ্রমোহন ঠাকুর, প্রথমে রেভারেণ্ড কৃষ্ণমোহন বন্দোপাধ্যায়ের নিকট ইংরাজি শিক্ষা করেন। পরিশেষে পিতার অনভিমতে তাঁহার দ্বারা খ্রীষ্ট ধর্ম্মে দীক্ষিত হইয়া তাঁহার কন্যা কমল-নর্দিন পাণিগ্রহণ করেন। স্বধর্ম্মচ্যুত হইলে পিতা প্রসন্নকুমার তাঁহাকে বিষয়চ্যুত করিলে তিনি বিলাত গিয়া বাস করেন। জ্ঞানেন্দ্রমোহন ইংলণ্ডে গিয়া ব্যারিষ্টারী পরীক্ষায় উত্তীর্ণ হইয়াছিলেন। বাঙ্গালীর মধ্যে তিনিই প্রথম ব্যাবিষ্টার; কিন্তু ব্যবসায় করিবার অবসর তাঁহার ঘটিয়া উঠে নাই। তিনি প্রায়ই ইংলণ্ডে বাস করিতেন এবং তথায় তাঁহার দেহত্যাগ ঘটিয়াছিল। জ্ঞানেন্দ্রমোহন মৃত্যুকালে দুই কন্যা ও একটি পোষ্যপুত্র রাখিয়া গিয়াছিলেন। প্রসন্ন কুমার মৃত্যুকালে যে উইল করেন, তাহাতে যাবতীয় বিষয়-সম্পত্তি পুত্র জ্ঞানেন্দ্রমোহনকে না দিয়া ভ্রাতুষ্পুত্র যোতীন্দ্রমোহনকে দান করিয়া যান। প্রসন্নকুমারের মৃত্যুর পর ঐ বিষয়ের জন্য জ্ঞানেন্দ্রমোহন সেই উইল লইয়া কলিকাতা হাইকোর্টে অনেক মোকদ্দমা করেন। অতঃপর হাইকোর্টের বিচারের বিরুদ্ধে

বিলাতের প্রিভিকাউন্সিলে আপীল হয়। তথাকার বিচারে নির্দ্ধারিত হয় যে, যোতীন্দ্রমোহন জীবিত কালে বিষয়ের স্বত্ব উপভোগ করিবেন; পরে জ্ঞানেন্দ্রমোহন কিম্বা তাঁহার উত্তরাধিকারিগণ বিষয় সম্পত্তির অধিকারী হইবেন। যোতীন্দ্রমোহনের জীবিতকালে জ্ঞানেন্দ্রমোহন তাঁহার ভাবাস্বত্ব ইংলণ্ডের এক সিণ্ডিকেটের নিকট বিক্রয় করিয়াছিলেন। অতঃপর ১৯০৮ খ্রীঃ যোতীন্দ্রমোহনের মৃত্যুর পর তাঁহার উত্তরাধিকারী মহারাজ স্যার প্রদ্যোৎকুমার ঠাকুর সেই সিণ্ডিকেটের নিকট হইতে বাবতীয় বিষয় ক্রয় করিয়া লইয়াছেন। এক্ষণে প্রসন্নকুমারের অতুল ঐশ্বর্য্যে প্রদ্যোৎকুমার স্থায়ীভাবে পূর্ণ অধিকারী হইয়াছেন। জ্ঞানেন্দ্রমোহনের পোষাপুত্র রামমন্ডেন ঠাকুর অধুনা বিলাতে বর্ত্তমান রহিয়াছেন।

৮ যোতীন্দ্রমোহন ঠাকুর ।

হরকুমার ঠাকুরের জ্যেষ্ঠপুত্র মহারাজ স্যার যোতীন্দ্রমোহন ঠাকুর ১৮১৫ খৃঃ পাথুরিয়াঘাটা প্রাসাদে ভূমিষ্ট হন। পঞ্চম বৎসর বয়ঃক্রমকালে তিনি আপন প্রাসাদেই গুরুমহাশয়ের নিকট বিদ্যারম্ভ করেন। তৎপরে পার্কিং সাহেবের ঘোড়াসাঁকোর ইন্ফেণ্ট স্কুলে কিছু দিবস অধ্যয়ন করেন। অষ্টম বৎসর বয়সে তৎকালীন হিন্দুকলেজে তিনি প্রবিষ্ট হন এবং নয় বৎসরকাল অধ্যয়ন করিয়া ছাত্রবৃত্তি প্রাপ্ত হন। কলেজে অধ্যয়ন সময় ইংরাজী ও বাঙ্গালা রচনায় তাঁহার অমুরাগ জন্মিয়াছিল। তিনি মধ্যে মধ্যে প্রভাকর পত্রিকায় বাঙ্গালা রচনা এবং মিলিটারী গেজেট ও অগ্নাত ইংরাজী পত্রে ইংরাজী প্রবন্ধ প্রচার করিতেন। ১৮৪০ খ্রীঃ হিন্দুকলেজ পরিত্যাগপূর্ব্বক বাটীতে কাপ্তেন রিচার্ডসন এবং রেভারেণ্ড জন গ্রাস্ নামক ইংরাজদ্বয়ের নিকট ইংরাজী এবং একজন পণ্ডিতের নিকট সংস্কৃত, বাঙ্গালা প্রভৃতি অধ্যয়ন করেন। তিনি একজন স্নকবি ছিলেন।

অনেকগুলি গদ্য-পদ্য গ্রন্থ, ইংরাজী সনেট, নাটক, প্রহসন, সঙ্গীত প্রভৃতি প্রণয়ন করেন। সঙ্গীতশাস্ত্রেও তাঁহার বিলক্ষণ অনুরাগ ছিল। গীতাভিনয় প্রথমতঃ তাঁহার দ্বারা প্রচারিত হয়। বেলগেছিয়ার উদ্যানে প্রথমতঃ রত্নাবলী নাটকের অভিনয়কালে তিনিই দেশীয় কম্পার্ট বাদ্যের প্রচলন করেন। তাঁহারই উৎসাহে বঙ্গদেশে প্রথম ইংরাজী প্রথা অনুসারে থিয়েটারের সূত্রপাত হয়। যোতীন্দ্রমোহনের উৎসাহে কবি-কুলভূষণ মাইকেল মধুসূদন দত্ত অগিত্তাক্ষরহৃদে তিলোত্তমা সম্ভব কাব্য বাঙ্গালা ভাষায় রচনা করেন এবং যোতীন্দ্রমোহন উক্ত গ্রন্থের মুদ্রাস্থান ব্যয়ভার বহন করিয়াছিলেন। ১৮৪৯ খৃঃ তিনি জমিদারী তত্ত্বাবধানের কতক ভার পিতার নিকট প্রাপ্ত হন। অতঃপর ১৮৫৮ খৃঃ পিতৃবিয়োগের পর তিনি সমস্ত বিষয় সম্পত্তি স্বয়ং তত্ত্বাবধান করিতে আরম্ভ করেন। প্রায় কুড়িটি জেলায় ইহাদের জমিদারী আছে। তিনি এই সময় খুল্লতাত প্রসন্নকুমারের নিকট জমিদারীর কার্যাদি শিক্ষা করেন। ১৮৬৬ খৃঃ ত্রিভিক্ষের সময় প্রজাপুঞ্জকে চল্লিশ সহস্র টাকা দান করেন এবং প্রত্যহ আড়াই শতলোক তিনমাস কাল তাঁহার বাটীতে আহার প্রাপ্ত হইয়াছিল। ১৮৬৭ খৃঃ ব্রিটিশ ইণ্ডিয়ান এসোসিয়েশন নামক জমিদার সভার অবৈতনিক সম্পাদক নিযুক্ত হন। ১৮৭০ খৃঃ ছোটলাট স্যার উইলিয়াম্ গ্রে বাহাদুর তাঁহাকে সর্বপ্রথম বঙ্গীয় ব্যবস্থাপক সভার সভা নিযুক্ত করেন। ১৮৭১ খৃঃ বড়লাট লর্ড মেও বাহাদুর তাঁহাকে “রাজা” উপাধি প্রদান করেন এবং ভারতীয় ব্যবস্থাপক সভার সদস্য নিয়োজিত হন। ১৮৭২ খৃঃ দ্বিতীয়বার বঙ্গীয় ব্যবস্থাপক সভার সদস্য পদে মনোনীত হন। ১৮৭৭ খৃঃ স্বর্গীয়া মহারাজী ভিক্টোরিয়ার “ভারতেশ্বরী” উপাধি গ্রহণ উপলক্ষে দিল্লী দরবারে ভূতপূর্ব বড়লাট লর্ড লিটন বাহাদুর তাঁহাকে “মহারাজা” উপাধি প্রদান করেন। ১৮৭৯ খৃঃ তিনি “সি-এস-আই” উপাধিতে ভূষিত হন। ১৮৮০ খৃঃ ব্রিটিশ ইণ্ডিয়ান এসোসিয়েশনের সভাপতি পদে বরিত এবং

দ্বিতীয়বার ভারতীয় ব্যবস্থাপক সভার সভ্য নিযুক্ত হন। ১৮৮১ খৃঃ কলিকাতা বিশ্ববিদ্যালয়ের সহকারী সভাপতি মনোনীত হন। ১৮৮২ খৃঃ মহারাজ যোতীন্দ্রমোহন “কে-সি-এস্-আই” উপাধিতে সম্মানিত হইয়াছিলেন। উক্ত বৎসর তিনি “ক্যাকাণ্টী অরু আটস্” নামক সভার সভাপতি এবং ইণ্ডিয়ান মিউজিয়মের সভাপতি ও ট্রস্টী নিযুক্ত হন। ১৮৮৩ খৃঃ মহারাজ কলিকাতা বিশ্ববিদ্যালয়ের হস্তে ৩,৫০০ টাকার কোম্পানীর কাগজ দিয়া গিয়াছেন; কলিকাতা বিশ্ববিদ্যালয়ের সংস্কৃত পরীক্ষায় উত্তীর্ণ সর্কশ্রেষ্ঠ ছাত্রকে, পিতা শিবকুমার ঠাকুরের নামে একটি সুবর্ণ মেডেল এবং খুল্লতাত প্রসন্নকুমার ঠাকুরের নামে “ঠাকুর-ল” পরীক্ষায় উত্তীর্ণ সর্কশ্রেষ্ঠ ছাত্রকে একটি রৌপ্যপদক প্রতিবৎসর পুরস্কারস্বরূপ দিবার ব্যবস্থা করিয়া গিয়াছেন। খুল্লতাত প্রসন্নকুমারের একটি সুন্দর প্রস্তর মূর্তি কলিকাতা বিশ্ববিদ্যালয়ে দান করেন, উহা এক্ষণে সিনেট হলের সম্মুখে বিদ্যমান। ১৮৯০ খৃঃ ছোটলাট স্যার চার্লস বেলী সাহেব বাহাদুর বেলভেডিয়া প্রাসাদে এক দরবার করিয়া তাঁহাকে “মহারাজা বাহাদুর” উপাধি সনন্দ প্রদান করেন! মহারাজ উক্ত বৎসর কলিকাতার “জষ্টিস্ অব দি পিস্,” বিশ্ববিদ্যালয়ের ফেলো, পাবলিক লাইব্রেরীর সভ্য, অবৈতনিক নাজিষ্ট্রেট, ডাক্তার মহেন্দ্রলাল সরকারের বিজ্ঞান সভার ট্রস্টী, এসিয়াটিক সোসাইটির সভ্য, লেডী ডক্টরিং ফণ্ডের সদস্য, মেও হাঁসপাতালের একজন গবর্নর পদে নিযুক্ত হইয়াছিলেন। মেও হাঁসপাতাল নিষ্কাণ জম্ম ভূমি এবং দশ সহস্র টাকা দান করেন; উক্ত হাঁসপাতালে মহারাজের নামে একটি ওয়ার্ড আছে। ১৮৯২ খৃঃ ছোটলাট স্যার চার্লস ইলিয়ট সাহেব বাহাদুর বেলভেডিয়া প্রাসাদে একটি দরবার করিয়া যোতীন্দ্রমোহনকে পুরুষানুক্রমে “মহারাজা” উপাধি সনন্দ প্রদান করেন। ১৮৯৩ খৃঃ জুরীর কার্য অনুসন্ধানার্থ যে কমিশন হয়, মহারাজ তাহার একজন সভাপদে বরিত হইয়াছিলেন। স্বীয় পিতৃদেবের

নামে একটি পার্ক নির্মাণ জন্ত উভয় ভ্রাতায় কলিকাতা তালতলায় ভূমি দান এবং তাহাতে পিতার একটি প্রস্তরময়ী মূর্তি স্থাপিত করেন । জননীর প্রতি মহারাজের অচলাভক্তি ছিল । বিধবাদিগের দুঃখ দূরী-
করণের অভিপ্রায়ে “মহারাজ মাতা শিবসুন্দরী দেবী হিন্দু উইডো ফণ্ড” নামে একলক্ষ টাকার একটি ফণ্ড করিয়া গিয়াছেন । সাধারণ হিতকর কার্যে মহারাজ বহু অর্থ দান করেন এবং গোপনেও প্রায় পঞ্চাশ সহস্র টাকা ও দাতব্য সভায় আট সহস্র টাকা দান করিয়া গিয়াছেন ।
অদ্যাপি রাজ বাটীতে প্রতিদিন অতিথি সেবা হইয়া থাকে । মহারাজ বলবিধ সংকার্য্য করিয়া গিয়াছেন । মহারাজের একটি বৃহৎ লাইব্রেরী আছে । তিনি স্বীয় জমিদারীতে স্কল ও দাতব্য ঔষধালয় স্থাপন করেন ।
১৯০৩ খৃঃ ভারত গবর্ণমেন্টের শিক্ষা কমিশনের একজন সদস্য নিযুক্ত হইয়াছিলেন । ভারতের ভূতপূর্ব রাজপ্রতিনিধি লর্ড নর্থব্রুক, লর্ড রিপণ ও লেডি রিপণ, লর্ড ল্যান্সডাউন এবং বঙ্গের অনেক ছোটলাট মহারাজের প্রাসাদে আসিয়া আতিথ্য গ্রহণ করিয়াছেন । “এমাবেল্ড টাউয়ার” নামে মহারাজের একটি সুন্দর উদ্যান আছে ; তিনি প্রত্যহ সন্ধ্যার সময় তথায় ভ্রমণ করিতেন । হিন্দুধর্ম্মে তাঁহার প্রগাঢ় অনুরাগ ছিল ; কিন্তু তিনি মহর্ষি দেবেন্দ্রনাথ ঠাকুরের শিষ্য ছিলেন । হোমিওপ্যাথিক চিকিৎসায় তাঁহার প্রগাঢ় বিশ্বাস ছিল । চব্বিশ পরগণার অন্তর্গত জগদল নিবাসী কৃষ্ণমোহন মল্লিকের কন্যার সহিত তাঁহার বিবাহ হয় ; কিন্তু সন্তানাদি না হওয়ায় স্বীয় কনিষ্ঠ ভ্রাতার মধ্যম পুত্র শ্রীযুক্ত প্রদ্যোৎকুমার ঠাকুরকে পোষ্যপুত্র গ্রহণ করেন । ১৯০৮ খৃঃ ১০ই জানুয়ারি লক্ষ্মী সরস্বতীর বরপুত্র মহারাজ স্মার যোতীন্দ্রমোহন ঠাকুর বাহাদুর অশূল রোগে কলেবর পরিত্যাগ করিয়াছেন ।

প্রদ্যোৎকুমার ঠাকুর।

মহারাজ শ্রার প্রদ্যোৎকুমার ঠাকুর ১৮৭৩ খৃঃ ১৭ই সেপ্টেম্বর পাথুরিয়াঘাটা প্রাসাদে জন্মগ্রহণ করেন। ইনি রাজা শ্রার সৌরীন্দ্র-মোহন ঠাকুরের মধ্যম পুত্র। ইনি প্রথমতঃ কলিকাতা হিন্দুস্কুলে শিক্ষাপ্রাপ্ত হন; তৎপরে কলিকাতা হাইকোর্টের ভূতপূর্ব রিসিভার ডব্লু এফ্ পিকক্ সাহেবের নিকট শিক্ষালাভ করেন। ইনি একজন সুদক্ষ ফটোগ্রাফার। ১৮৯০ খৃঃ হইতে কয়েক বৎসর ভারতীয় ফটো গ্রাফিক্ সমিতির একজন অন্যতম সদস্য ছিলেন। মহারাজ বিলাতের রাজকীয় ফটোগ্রাফিক্ সমিতির একজন সভ্য। ১৯০২ খৃঃ জুন মাসে স্বর্গীয় ভারত সম্রাট্ সপ্তম এডওয়ার্ডের অভিষেক উপলক্ষে কলিকাতার প্রতিনিধি স্বরূপ গবর্ণমেন্ট কর্তৃক নির্বাচিত ও নিমন্ত্রিত হইয়া ইংলণ্ড গমন করেন। তৎকালে বিলাতে অবস্থান কালে ৪ঠা জুন বাকিংহাম প্রাসাদে মহারাজ সম্রাটের বিশেষ সমাদর প্রাপ্ত হইয়াছিলেন। সেই সময় ভারতেশ্বর ইহাকে “করনেশন্ মেডেল” উপহার প্রদান করেন। উক্তবৎসর ১১ই জুলাই তৎকালীন যুবরাজ ও তৎপত্নী মহারাজকে বহু সম্মান প্রদর্শন করেন। তৎকালে মহারাজ ইউরোপের কয়েকটি জনপদ পরিভ্রমণ করিয়াছিলেন। অষ্ট্রিয়ার সম্রাট তাঁহার একখানি তৈলচিত্র উপহার দিয়াছিলেন। মহারাজ ২৪শে জুলাই ইটালীতে ভ্রমণ উপলক্ষে রোমের পোপের সহিত সাক্ষাৎরূপ সম্মানও প্রাপ্ত হন। এই সময়ে মহারাজ ভাটিকান প্রাসাদে পোপ মহোদয়কে ভারতীয় শিল্প-কার্যের অনেকগুলি বহুমূল্য উপহার প্রদান করেন। অতঃপর ভারতে প্রত্যাগমন করিয়া অভিষেক উৎসবের পর ৮ই আগষ্ট, কলিকাতা, বোম্বাই, মাদ্রাজ, উত্তর পশ্চিমাঞ্চল প্রদেশ, মধ্য প্রদেশ, সীমাঞ্চল প্রদেশ, আসাম প্রভৃতি দেশের প্রতিনিধিস্বরূপ তৎকালীন ভারত

সচিবকে একখানি সুদীর্ঘ রাজভক্তি পত্র প্রেরণ করেন। মহারাজ ভূতপূর্ব রাজপ্রতিনিধি লর্ড কর্জনের নিকট হইতে একখানি প্রশংসাপত্র প্রাপ্ত হন। বর্তমান নবীন ভারত সম্রাট পঞ্চম জর্জ মহোদয় যখন পত্নীসহ যুবরাজরূপে ভারতে শুভাগমন করেন ; তৎকালে তাঁহাদিগকে অভ্যর্থনা করিবার জন্য ভিক্টোরীয়া স্মৃতিসোধের নিকট কলিকাতা নয়দানে ১৯০৬ খৃঃ ২রা জানুয়ারি যে বিরাট অধিবেশন হইয়াছিল ; সেই রাজকীয় অভ্যর্থনা প্রদোৎকুমার এবং সি বি বেলী এম, ভি, ও মহোদয়দ্বয়ের উৎবোগে অনুষ্ঠিত হয় এবং উভয়ে তাহার সম্পাদক নিযুক্ত থাকেন। এই কাৰ্য্যে বিশেষ পারদর্শিতা দেখিয়া যুবরাজ বাহাদুর কলিকাতা পরিত্যাগের পূর্বে একখানি প্রশংসাপত্র সহ “কে, সি, আই, ই” উপাধি সনন্দ প্রদান করেন। তদানীন্তন বঙ্গেশ্বর শ্রার এণ্ড্রুফেজার বাহাদুর মহারাজের প্রাসাদে গিয়া উক্ত উপাধি সম্মানে ভূষিত করেন। পিতা ও পিতৃব্যের ন্যায় ইনি শিল্প বিজ্ঞানের উৎসাহদাতা। মহারাজ ব্রিটিশরাজের পরমভক্ত। ইনি ভারতীয় চিত্রশালার একজন ট্রস্টী, আলিপুরের পশুশালা পরিচালন সমিতির সভ্য, অবৈতনিক প্রেসিডেন্সী মাজিস্ট্রেট, ছয় বৎসর কাল কলিকাতা মিউনিসিপালিটির কমিশনার ছিলেন, বড়লাট কর্তৃক ভিক্টোরীয়া স্মৃতিসোধের একজন ট্রস্টী নিযুক্ত হন, বঙ্গীয় ব্যবস্থাপক সভার সভ্য ছিলেন, জমিদার সভার পক্ষ হইতে কলিকাতার যাজঘরের একজন ট্রস্টী নিযুক্ত হইয়াছেন। কয়েক বৎসর ব্রিটিশ ইণ্ডিয়ান এসোসিয়েসন্ নামক জমিদার সভার অবৈতনিক সম্পাদকের কার্য্য অতি যোগ্যতার সহিত সম্পাদন করিয়া আসিতেছেন। মহারাজ অন্যান্য অনেক সাধারণ কার্য্যের সহিত সংশ্লিষ্ট আছেন। গবর্ণমেন্টের নিকট হইতে মহারাজই “ইউনিয়ান জ্যাক্” উড্ডীন করিবার বিশেষ ক্ষমতা প্রাপ্ত হইয়াছেন। সঙ্গীত ও সাহিত্যের উন্নতিকল্পে মহারাজ যত্ন করিয়া থাকেন। ১৯০৮ খৃঃ মহারাজ শ্রার যৌতীন্দ্রমোহন

ঠাকুরের মৃত্যুর পর প্রদোৎকুমার বংশগত মহারাজা উপাধি ও যাবতীয় বিধয়ের অধিকারী হইয়াছেন। ১৯০৮ খৃঃ শেবার্দ্ধ হইতে ১৯০৯ খৃঃ শেষ পর্য্যন্ত মহারাজ কলিকাতার সেরিফ পদে অধিষ্ঠিত ছিলেন। ইনি বঙ্গসাহিত্যের অনুরাগী, সুপণ্ডিত, সুরসিক, সঙ্গীতবেত্তা, অমায়িক ও মিষ্টভাষী। কলিকাতা মহানগরীতে ভূতপূর্ব বড়লুট লর্ড মিন্টো বাহাদুরের এক প্রস্তরময়ী মূর্তি স্থাপনকল্পে একটি স্মৃতিভাণ্ডার প্রতিষ্ঠিত হয়, উক্ত ভাণ্ডারে ১৯১০ খৃঃ মহারাজ ঐক সহস্র টাকা চাঁদা দিতে প্রতিশ্রুত হন। ১৯১০ খৃঃ স্ফায় ভারতেশ্বর সপ্তম এডওয়ার্ডের স্মৃতি ভাণ্ডারে পাঁচসহস্র টাকা দান করিয়াছেন। ১৯১১ খৃঃ কলিকাতা সহরে নবীন ভাবতসম্রাট পঞ্চম জর্জ মহোদয়ের অভ্যর্থনা আয়োজন কল্পে চাঁদায় যে অর্থ সংগ্রহ হয়, তাহাতে তিনজন জয়েন্ট সেক্রেটারী মনোনীত হন—মিঃ ষ্টিউয়ার্ট, মহারাজ স্যার প্রদোৎকুমার ঠাকুর ও শ্রীযুক্ত ভূপেন্দ্র নাথ বসু। উক্ত কণ্ডে মহারাজ দুই সহস্র টাকা দান করেন। ১৯১১ খৃঃ ১২ই ডিসেম্বর দিল্লীর বিরাট অভিষেক দরবারে ইনি নির্মিত হন এবং সেই রাজস্থয় যজ্ঞে মহারাজ ব্যক্তিগত সম্মানে সম্মানিত হইয়া “মহারাজা বাহাদুর” উপাধি সনন্দ প্রাপ্ত হইয়াছেন।

৩ সৌরীন্দ্রমোহন ঠাকুর ।

রাজা স্যার সৌরীন্দ্রমোহন ঠাকুর ১৮৪০ খৃঃ পাথুরিয়াঘাটা প্রাসাদে জন্মিষ্ট হন। শৈশবকালে বাটীর পাঠশালায় বিদ্যারম্ভ হয়। অষ্টমবর্ষ বয়ঃক্রমকালে ইনি হিন্দু কলেজে প্রবিষ্ট হন এবং আট বৎসরকাল তথায় অধ্যয়ন করেন। অতঃপর বাটীতে পণ্ডিত তিলকচন্দ্র গ্রায়ভূষণের নিকট কলাপ ব্যাকরণ শিক্ষা করেন। কলেজের পাঠ্যাবস্থায় বঙ্গসাহিত্যে ইঁহঁর অসাধারণ প্রতিভার পরিচয় পাওয়া যায়। ১৮৫৬ খৃঃ মুক্তাবলী

নাটক নামে একখানি গ্রন্থ প্রচার করেন। তাহার কিছুদিন পরে কালিদাসের মালবিকাগ্নি মিশ্র নাটকের অনুবাদ করেন। ইতিহাস ও ভূগোলে ইহার অসাধারণ অভিজ্ঞতা ছিল। ১৮৫৭ খৃঃ “ভূগোল ও ইতিহাস ঘটিত বৃত্তান্ত” নামে একখানি পুস্তক প্রকাশ করেন। উক্ত বংসর সপ্তদশ বৎসর মাত্র বয়সে সঙ্গীত বিদ্যা আরম্ভ করেন। সেই বিদ্যা-বিশারদতায় ইনি সমগ্র পৃথিবীমণ্ডলে সমাদৃত হন। সংস্কৃত সঙ্গীত উচ্চায় মনোনিবেশ করিয়া ইনি সংস্কৃত শাস্ত্র আয়ত্ত করেন। ইউরোপীয় সঙ্গীত শাস্ত্রেবও আলোচনা করিয়াছিলেন। ইংরাজী ও আর্য্য সঙ্গীত বিষয়ক বিস্তর মূল্যবান পুস্তক ও হস্তলিপি ইনি সংগ্রহ করেন এবং সেই সকল পুস্তক মছন করিয়া হিন্দু সঙ্গীত শিক্ষাপযোগী অনেক গ্রন্থ প্রচার করিয়াছেন। ইনি একজন জাম্বাণ অধ্যাপকের নিকট পিয়ানো শিক্ষা করেন। সঙ্গীত বিদ্যা সম্বন্ধে এদেশে ও বিদেশে যে সকল বৃহৎ গ্রন্থ আছে, ইনি তাহার অধিকাংশ সংগ্রহ করিয়া “সঙ্গীতসার” নামে একখানি পুস্তক প্রচার করিয়া গিয়াছেন। সঙ্গীতের মূলমন্ত্র এই গ্রন্থে আলোচিত আছে এবং বহু প্রাচীন প্রমাণ হইতে সন্নিবেশিত হইয়াছে। ইহার অসীম অভিজ্ঞতার এবং অধ্যবসায়ের ফলে বাঙ্গালীর সঙ্গীত বিদ্যা সংস্কৃত ও ইউরোপীয় বিজ্ঞান পথে অগ্রসর হইয়াছে। বিখ্যাত সঙ্গীত শাস্ত্র বিশারদ লক্ষ্মীপ্রসাদ মিশ্র এবং অধ্যাপক ক্ষেত্র মোহন গোস্বামীর নিকট ইনি বেহালা শিক্ষা করেন। সঙ্গীত সম্বন্ধে ইহার স্বরচিত ও সঙ্কলিত অনেকগুলি সঙ্গীত আছে। বঙ্গ ক্ষেত্র দীপিকা গ্রন্থে ইহার রচিত অনেক সেতারের গৎ দৃষ্ট হয়। ইহার রচিত, প্রকাশিত অথবা অনুবাদিত গ্রন্থের সংখ্যা ন্যায়াধিক পঞ্চাশখানি হইবে। ইনি একজন সুবাদক ছিলেন। নাট্যকলা সম্বন্ধেও ইহার অনেক কীর্তি বিদ্যমান। ইনি কনসার্ট বাজ প্রণালীর অনেক গৎ প্রস্তুত করেন। হিন্দু সঙ্গীতের প্রধান পরিপোষক বলিয়া সৌরীন্দ্র মোহনের নাম চিরস্মরণীয় থাকিবে।

ইনি ভারতীয় সঙ্গীত বিদ্যা দেশে ও বিদেশে প্রচার করিবার জন্ত বহু অর্থ ব্যয় করিয়াছিলেন। ইহার সাহায্যে ভারতীয় সঙ্গীতের স্বরলিপি লিখন প্রথা প্রচলিত হইয়াছিল। ইনি রাগ রাগিণীর মূর্তি কল্পনা করিয়া চিত্র প্রকাশিত করিয়াছিলেন। সেই সকল চিত্রের কল্পনা সম্পূর্ণ মৌলিক এবং রাগাদির ভাবব্যাঞ্জক। প্রত্ন সম্বন্ধেও ইনি বিবিধ পুস্তক রচনা করেন। সেগুলিও গভীর গবেষণার পরিচায়ক। ইহার চিত্রশালা বহু মূল্যবান চিত্রে শোভিত ছিল। তিনি কেবল পুস্তক রচনা করিয়াই ক্ষান্ত হন নাই; পরন্তু আপনার ব্যয়ে সঙ্গীত বিদ্যালয়ের প্রতিষ্ঠা করিয়া বহু সঙ্গীত বিদ্যা বিশারদের সাহায্যে শিক্ষার্থীদিগকে সঙ্গীত শিক্ষা দিতেন। ইহার প্রদত্ত ভারতীয় বাদ্যযন্ত্রগুলি ভারতীয় মিউজিয়মের বহু মূল্য সংগ্রহের মধ্যে পরিগণিত। ইনি ভারতীয় বিভিন্ন রাগ রাগিণী সংযোগে ইংরাজী জাতীয় সঙ্গীত গাহিবার পদ্ধতি উদ্ভাবন এবং ইংরাজী জাতীয় সঙ্গীতের বাঙ্গালা অনুবাদ করিয়া লণ্ডনের জাতীয় সঙ্গীত সমিতির নিকট বিশেষ-রূপে সম্মানিত হইয়াছিলেন। ১৮৭১ খৃঃ বিপুল অর্থব্যয়ে কলিকাতা চিৎপুর রোডে “বঙ্গীয় সঙ্গীত বিদ্যালয়” প্রতিষ্ঠিত করেন। ১৮৭৫ খৃঃ এপ্রিল মাসে আমেরিকার ফিলেডেল্‌ফিয়া বিশ্ববিদ্যালয় হইতে “ডক্টার অব মিউজিক্” উপাধি প্রাপ্ত হন। ১৮৭৫ খৃঃ ডিসেম্বর মাসে স্বর্গীয় ভারত সম্রাট সপ্তম এডওয়ার্ড যবরাজরূপে ভারতে আগমন করিলে সৌরীন্দ্রমোহন বঙ্গভাষায় তাঁহার অভ্যর্থনা সঙ্গীত রচনা করিয়াছিলেন। ১৮৭৯ খৃঃ হইতে ইহার বঙ্গীয় সঙ্গীত বিদ্যালয় বঙ্গীয় গবর্ণমেন্ট হইতে সাহায্য প্রাপ্ত হয়। ১৮৮০ খৃঃ ইনি “রাজা” উপাধি প্রাপ্ত হন। ১৮৮১ খৃঃ ইনি “বেঙ্গল একাডেমিক্ অব মিউজিক্” সমিতি প্রতিষ্ঠিত করেন। ১৮৮২ খৃঃ সঙ্গীত শাস্ত্রে বিশারদ বলিয়া স্বর্গীয়া মহারাজাণী ভিক্টোরীয়া ইহাকে “কে-সি-আই-ই” উপাধি প্রদান করেন এবং উক্ত বৎসর কলিকাতা বিশ্ববিদ্যালয়ের সদস্য মনোনীত হন। “নাইট” উপাধি

বাল্মীকীর মধ্যে ইনি প্রথম লাভ করেন। সঙ্গীত বিদ্যাসূত্রে সৌরীন্দ্র মোহন বিশ্ববিশ্রুত। পৃথিবীর প্রায় সকল দেশের শক্তিশালী, গুণগ্রাহী রাজত্ববর্গ হইতে ইনি উপাধি, সম্মান ও পারিতোষিক প্রাপ্ত হন। এদেশে আর কাহারও ভাগ্যে এক্রপ ঘটে নাই। রোমের পোপ ত্রয়োদশ লিয়ো, ইহাঁকে উপাধি দিবার জন্ত নিমন্ত্রণ করিয়াছিলেন; কিন্তু ইনি তথায় বাইতে পারেন নাই। বেলজিয়মের রাজা দ্বিতীয় লিওপোল্ড ইহাঁকে রৌপ্যপদক উপহার প্রদান করেন। জার্মান সম্রাট প্রথম উইলিয়ম, গ্রীসের রাজা ভিকটর ইমানুয়ল, ইটালীর রাজা প্রথম হাম্বাট প্রভৃতি ইউরোপের রাজত্ববর্গ ইহাঁকে স্ব স্ব চিত্র উপহার প্রদান করেন। নাইট্ কমান্ডার অব দি অর্ডার অব ক্রাউন অব ইটালি; মেম্বর অব দি অর্ডার অব ফ্রান্সিস জোসেফ্ অব অস্ট্রিয়া; আলবার্ট অব স্প্যাননি; ফেডারিক অব উটেমবাগ; লিয়োপোল্ড অব বেলজিয়ম; ডানেনবার্গ অব ডেনমার্ক; ভাষা অব সুইডেন; দি ফ্রেঞ্চ রে-পাবলিকান্ অর্ডার; ড্রেগুন অব ব্রগাম্; ড্যানিলো অব মন্টিনিগো; ক্যাপিওলোনী অব হাউয়াই; নাইট অব দি অর্ডার অব ক্রায়েষ্ট অব পর্তুগাল; মেম্বর অব দি অর্ডার অব দি নেদারল্যান্ডেস্ত ল্যান্ডেন; দি ল্যান্ড এণ্ড সন্ অব পার্সিয়া; বাসা বামলা মব গ্রাম; পুসিং অব চীন; ভারতীয় সঙ্গীত নামক (নেপাল); দি গ্রাণ্ড্ কর্ডন অব দি অর্ডার অব দি লিসিবারেটার ভেনিজুরালা; মেম্বর মব দি অর্ডার অব সেন্ট্ সিসিলিয়া অব্ রোম প্রভৃতির রাজসম্মানে সম্মানিত হইয়াছিলেন। বর্তমান জার্মান সম্রাট দ্বিতীয় উইলিয়ম্ ইহাঁকে নিজ প্রতিমূর্তি অঙ্কিত রাজ-চিহ্নযুক্ত একখানি সম্মানপত্র প্রদান করিয়াছেন; অধিকন্তু ১৯০৩ খ্রীঃ সৌরীন্দ্রমোহন প্লেগ রোগাক্রান্ত হইলে কলিকাতাস্থ কম্বাল্ দারা ইহাঁর সমাচার জ্ঞাত হইতেন। ভারতবর্ষের মধ্যে ইনিই প্রথম বিদেশীয় নৃপতিবৃন্দের নিকট হইতে সম্মানসূচক উপাধি প্রাপ্ত হইয়াছেন। ১৮৯৬ খৃঃ অক্সফোর্ড বিশ্ববিদ্যালয় হইতে

ইনি “ডক্টার অব মিউজিক” উপাধি প্রাপ্ত হন। রাজপ্রতিনিধি লর্ড লিটন, লর্ড রিপণ, লর্ড ডফ্রিণ প্রভৃতি লাট ভবনে সঙ্গীত জ্ঞান নিমন্ত্রণ করেন। প্রতিবৎসর পারদর্শী ছাত্র অথবা ছাত্রীকে একটি কবিতা স্বর্ণ পদক পুরস্কার দিবার জন্য ইনি ভারতের ভূতপূর্ব ভারত সচিবের দ্বারা কলকাতার রয়েল্ কলেজ অব মিউজিক ফণ্ডে বহু অর্থ দান করিয়াছেন। কলিকাতা গবর্ণমেন্ট সংস্কৃত কলেজে পিতা হরকুমারের নামে এবং খুল্লতাত পত্নী আনন্দময়ী দেবীর নামে বৃত্তি দিবার জন্য কলিকাতা বিশ্ববিদ্যালয়ে বহু অর্থ দান করিয়াছেন। পিতৃদেবের নামে গঙ্গাসাগর দ্বীপে একটি পুষ্করিণী খনন এবং বরাহনগরের নিকট ভাগীরথী তীরে রাস্তা নিৰ্ম্মাণ করিয়া দিয়াছেন। বরিশালে বালিকা বিদ্যালয় স্থাপন জ্ঞান ভূমি দান করেন। কলিকাতার আল্‌বাট ভিক্টর কুষ্ঠাশ্রমে বহু অর্থ চাঁদা দিয়াছেন। বাকুড়া লেডী ডফ্রিণ্ হাসপাতাল নিৰ্ম্মাণ কল্পে সমুদয় ব্যয় ভার বহন করেন। বাথরগঞ্জ, বিষ্ণুপুর প্রভৃতি জেলায় ইহাঁর জমিদারী আছে। কলিকাতা তালতলায় ইহাঁর একটি বৃহৎ বাজার আছে। ইনি কলিকাতার জুষ্টিস্ আব দি পিস্, বিশ্ববিদ্যালয়ের একজন সদস্য ছিলেন। ইনি লাট-সাহেবের সহিত ইচ্ছামত সাক্ষাৎ করিবার অধিকার প্রাপ্ত হইয়াছিলেন। সশস্ত্র সাক্ষীধারী প্রহরী বাথিবার ক্ষমতা ও দুইটি কামান রাখিবার অনুমতি প্রাপ্ত হন। ইনি সদালাপী, বিনয়ী, সহৃদয় ও দাতা ব্যক্তি ছিলেন। মৃত্যুর পূর্বে প্রায় ছয়মাস কাল ইনি রোগাক্রান্ত হইয়া অবশেষে ১৯১৪ খৃঃ ৫ই জুন পাথুরিয়াঘাটার ভূবন বিখ্যাত রাজা শ্রীর সৌরীন্দ্রমোহন ঠাকুর স্বীয় প্রাসাদে ভবলৌল্য সম্বরণ করেন। এই কীর্ত্তিমান পুরুষের ঐহিক দেহের শেষ নিদর্শন কলিকাতার নিমতলার শ্মশান ঘাটে চিতাভস্মে পরিণত হয়।

রাজা বাহাদুরের জ্যেষ্ঠ পুত্র প্রমোদকুমার ঠাকুর অকালে পরলোক গমন করিয়াছেন। তিনিও পিতার গ্রাম সঙ্গীত অনুরাগী ছিলেন। মধ্যম পুত্র শ্রীমান প্রদ্যোৎকুমার ঠাকুরকে রাজা বাহাদুরের জ্যেষ্ঠ সহোদর

মহারাজ আর যোতীন্দ্রমোহন ঠাকুর বাহাদুর পোষ্য পুত্র গ্রহণ করেন। তৃতীয় পুত্র শ্রীযুক্ত কুমার নবাব গ্রামাকুমার ঠাকুর বাহাদুর কয়েক বৎসর পারশু সম্রাটের সহকারী রাজদূত নিযুক্ত ছিলেন। অধুনা ইনিই পিতৃ সম্পত্তির অধিকারী। চতুর্থ পুত্র শ্রীযুক্ত শিবকুমার ঠাকুর মহোদয়ও পিতার ত্রায় সঙ্গীত অনুরাগী। পঞ্চম পুত্র শ্রীযুক্ত প্রণবকুমার ঠাকুর বদান্যতা গুণে যশস্বী।

৬ কালীকৃষ্ণ ঠাকুর।

দর্পনারায়ণ ঠাকুরের দ্বিতীয়া পত্নীর গর্ভে লাদলিমোহন ও মোহিনী মোহন নামে দুই পুত্র জন্মগ্রহণ করেন। কনিষ্ঠ মোহিনীমোহনের দুই পুত্র কানাইলাল ঠাকুর ও গোপাল লাল ঠাকুর।

গোপাল লালের পুত্র কালীকৃষ্ণ ঠাকুর ১৮৪০ খৃঃ পাথুরিয়াঘাটা প্রাসাদে জন্মগ্রহণ করেন। বাল্যকালে তৎকালীন হিন্দুকুলেজে তাঁহার প্রাথমিক শিক্ষা আরম্ভ হয়। তৎপরে তিনি ওরিয়েন্টাল সেমিনারী স্কুলে প্রবিষ্ট হন। অতঃপর ডব্লিউ কলেজে কয়েক বৎসর অধ্যয়ন করেন। তিনি সাধারণ সভায় প্রায় যোগদান করিতেন না, কিন্তু সাধারণ হিতকর কার্যে অকাতরে অর্গদান করিতেন। তাঁহার পুত্রদ্বয়ের বিবাহ উপলক্ষে বহু অর্থ দান করিয়াছিলেন; তন্মধ্যে স্বর্গীয় ডাক্তার মহেন্দ্রলাল সরকারের প্রতিষ্ঠিত বিজ্ঞানালয়ের পরীক্ষা গৃহের যন্ত্রাদি ক্রয় করিবার জন্ত যে অর্থানুকূল্য করেন, তাহা বিশেষ উল্লেখযোগ্য। সাহিত্যে ও ধর্মসেবিগণকে এবং হুঃস্থজনকে তিনি মুক্ত হস্তে দান করিতেন। তাঁহার জীবিত কালেই তদীয় পুত্রদ্বয়ের অকাল মৃত্যু ঘটিয়াছে। জীবনের শেষভাগে তিনি প্রায়ই পূণাভূমি ৬ কালীধামে বাস করিতেন। অতঃপর ১৯০৫ খৃঃ সেপ্টেম্বর মাসে বারানসীধামেই কালীকৃষ্ণ ঠাকুর দেহত্যাগ করিয়াছেন।

প্রফুল্লনাথ ঠাকুর।

কালীকৃষ্ণ ঠাকুরের জ্যেষ্ঠপুত্রের একমাত্র পুত্র শ্রীযুক্ত প্রফুল্লনাথ ঠাকুর তাঁহার বিষয় সম্পত্তির অধিকারী হইয়াছেন। ইনি সাধারণ হিতকর কার্যে বহু অর্থ দান করিয়াছেন ও করিয়া থাকেন। ইনি ধার্মিক ও সজ্জন বলিয়া লোকপ্রিয়। ইনি বিজ্ঞ, উন্নত স্বভাব, উদার ও দাতা ব্যক্তি। ইনি অতি নিরীহ প্রকৃতির লোক। ১৯১৪ খৃঃ ডিসেম্বর মাসে ইনি রামমোহন লাইব্রেরীতে, রাজা রামমোহন রায়ের একখানি সুন্দর তৈলচিত্র উপহার দিয়াছেন।

পাথুরিয়াঘাটার শ্রুতিপ্রসিদ্ধ ঠাকুরবংশের প্রতিষ্ঠাতা জয়রাম ঠাকুরের চারি পুত্র, তন্মধ্যে দ্বিতীয় দর্পনারায়ণ ও চতুর্থ নীলমণি ঠাকুর। এই নীলমণি ঠাকুর ঘোড়াসাঁকো নামক স্থানে বাস করেন। তিনি ইংরাজ-দিগের অধীনে কৃষ্ম করিতেন। তাঁহার তিন পুত্র, তন্মধ্যে জ্যেষ্ঠ রামলোচন ও মধ্যম রামমণি ঠাকুর। জ্যেষ্ঠ ও কনিষ্ঠের সন্তানাদি হয় নাই। মধ্যম পুত্র রামমণির দুই পুত্র—দ্বারকানাথ ও রমানাথ ঠাকুর।

৩ দ্বারকানাথ ঠাকুর।

প্রিন্স দ্বারকানাথ ঠাকুর ১৭৯৪ খৃঃ কলিকাতা ঘোড়াসাঁকো গ্রামসদে জন্মগ্রহণ করেন। ১৭৯৯ খৃঃ পিতৃব্য রামলোচন ঠাকুর তাঁহাকে দত্তক গ্রহণ করেন। তিনি বাল্যকালে সেরবোর্ণ সাহেবের স্কুলে ষৎসামান্য ইংরাজী শিক্ষা করিয়া স্বীয় প্রতিভাবলে শাস্ত্রাদি আলোচনা দ্বারা যথেষ্ট উন্নতি লাভ করেন। তিনি প্রথমতঃ ওকালতী বাবসায় আরম্ভ করিয়াছিলেন। তৎপরে কোম্পানীর অধীনে কলিকাতায় নিম্নকির কালেক্টারের সেরেস্তাদার পদে নিযুক্ত হন। এই কৰ্ম করিতে

করিতে শুল্ক, লবণ ও অহিফেন বোর্ডের প্রধান দেওয়ান পদ প্রাপ্ত হন । কয়েক বৎসর এই কার্যে ব্রতী থাকিয়া ১৮৩৪ খৃঃ কর্ম পরিত্যাগ পূর্বক স্বাধীন ব্যবসায় করিতে প্রবৃত্ত হন । তিনি প্রথম স্বাধীন ব্যবসায় আরম্ভ করিলে ১৮৩৬ খৃঃ লর্ড উইলিয়ম্ বেটিক্ বাহাদুর তাঁহাকে একখানি প্রশংসাপত্র প্রদান করেন । অতঃপর তিনি উইলিয়ম্ কার নামে একজন ইংরাজের সহিত মিলিত হইয়া “কার ঠাকুর এণ্ড কোম্পানী” নামে একটি ব্যাঙ্ক প্রতিষ্ঠা করেন । তৎপরে নীল, রেশম ও চিনির কুঠী স্থাপন করিয়াছিলেন । এই সময় তিনি যথেষ্ট অর্থ উপার্জন করিয়া ক্রমে অনেকগুলি জমিদারী ক্রয় করেন । ১৮৩৮ খৃঃ কলিকাতায় “জমিদার সভা” প্রতিষ্ঠাতাদিগের মধ্যে তিনি একজন অন্ততম ; সেই সভা অধুনা “ব্রিটিশ ইণ্ডিয়ান এসোসিয়েসন্” নামে পরিচিত । ১৮৪০ খৃঃ তিনি অসহায় ও অন্ধদিগের সাহায্যার্থে ডিষ্ট্রিক্ট চেরিটেবল্ সোসাইটিতে দেড় লক্ষ টাকা দান করেন । সেই সময়ে রাজনৈতিক সমিতি নামে একটি সভা স্থাপন করেন ; কিন্তু অধুনা সেই সভা অস্তিত্ব হইয়াছে । তিনি চব্বিশ পরগণার দাতব্য চিকিৎসালয়ে একলক্ষ টাকা দান করেন । কলিকাতার কুষ্ঠাশ্রমটি তাঁহারই অর্থে স্থাপিত হইয়াছে । দ্বারকানাথের অদম্য উৎসাহে কলিকাতায় মেডিকেল কলেজ ও হিন্দুকলেজ প্রতিষ্ঠিত হয় । ডেপুটী মাজিষ্ট্রেট পদ স্থষ্টি বিষয়ে তিনি বিশেষ যত্নবান ছিলেন । তিনি প্রথমতঃ একজন নিষ্ঠাবান হিন্দু ছিলেন ; অতঃপর রাজা রামমোহন রায়ের সহিত আলাপ হইলে ব্রাহ্মধর্ম গ্রহণ করেন । ১৮৪২ খৃঃ ২ই জানুয়ারী স্বীয় ভাগিনেয় চন্দ্রমোহন চট্টোপাধ্যায় এবং প্রাইভেট সেক্রেটারী পরমানন্দ মৈত্রকে সঙ্গে লইয়া বিলাত যাত্রা করেন ; তথায় মহারানী ভিক্টোরীয়ার সহিত সাক্ষাৎ করিলে যথেষ্ট সমাদর প্রাপ্ত হন এবং রাজ প্রাসাদে মহারানীর সহিত ভোজন করিয়াছিলেন । মহারানীর অনুরোধে দ্বারকানাথ ইংলণ্ডের সৈন্য-সম্মিলন পরিদর্শন করেন । ভারতীয় কোন

প্রজাস্থানীয়ের পক্ষে এপর্যন্ত একরূপ সম্মান লাভ ঘটে নাই। তাঁহার অনুরোধে মহারাণী ও তাঁহার স্বামী প্রিন্স্ এল্‌বাট তাঁহাদের দুইখানি রুহৎ তৈরীচিত্র কলিকাতাবাসীগণকে উপহার প্রদান করেন; এই দুইখানি চিত্র এখনও কলিকাতার টাউনহল পুরিশোভিত করিয়া আছে। দ্বারকানাথ ঝটুলগুপ্তও বহু সম্মান প্রাপ্ত হন। তথা হইতে ইউরোপের কয়েকটি জনপদ পরিভ্রমণ করেন। রোমের পোপ, ফরাসী সম্রাট লুই ফিলিপ, বেলজিয়মের রাজা ও রাণী তাঁহাকে যথেষ্ট সমাদর করিয়া ছিলেন। তৎপরে তথাকার অগ্রান্ত দেশ ভ্রমণ করিয়া স্বদেশে প্রত্যাগমন করেন। দ্বারকানাথ ইউরোপ ভ্রমণ কালে যেরূপ সমারোহের সহিত থাকিতেন, তাহাতে তিনি “ইণ্ডিয়ান প্রিন্স্” এই আখ্যা প্রাপ্ত হইয়া ছিলেন। তাঁহার বিষয় বৃদ্ধি অত্যন্ত তীক্ষ্ণ ও ভবিষ্যৎ দৃষ্টি অতি প্রথর ছিল। ভারতবর্ষের মধ্যে তিনিই সর্বপ্রথম “জষ্টিস্ অব দি পিস্” সম্মান লাভ করেন। তাঁহার বেলগেছিয়ার উদ্যান বিখ্যাত। কুমারকুলি এষ্টেট, কটকের সম্পত্তি এবং কলিকাতার বিষয় সম্পত্তি তিনি রামলোচন ঠাকুরের নিকট হইতে প্রাপ্ত হন। ১৮৪৫ খ্রিঃ তিনি দ্বিতীয়বার বিলাত যাত্রা করেন। তৎকালে কাইরো নগরে ইজিপ্টের রাজপ্রতিনিধি ও নেপলস্ সহরে ইটালীর তৎকালীন রাজার সহিত সাক্ষাৎ করিয়াছিলেন। এই সময়েও ইংলণ্ডেশ্বরীর নিকট বিশেষ সম্মান প্রাপ্ত হন। বিলাতগমন কালে তাঁহার ব্যয়ে তথা হইতে ডাক্তারী শিক্ষা করিয়া আসিবার জন্ত ডাক্তার সূর্য্যকুমার (গুডিং) চক্রবর্তীকে সমভিব্যাহারে লাইয়া যান। ডাক্তার গুডিংবের তদ্বাবধানে ভোলানাথ বসু, কান্ত চক্রবর্তী, দ্বারকানাথ বসু ও গোপাললাল শীল নামক চারিজন বাঙ্গালী যুবক তাঁহার সহিত চিকিৎসাশাস্ত্র শিক্ষার্থ বিলাত গমন করেন। তাঁহাদের মধ্যে দুইজনের শিক্ষার ব্যয়ভার দ্বারকানাথ ঠাকুর বহন করেন এবং অপর দুইজনের ব্যয়ভার গবর্ণমেন্ট বহন করিয়া-

ছিলেন। এই সময়ে দ্বারকানাথ, মহাত্মা রাজা রামমোহন রায়ের সমাধির উপর একটি সুন্দর স্মৃতিস্তম্ভ নিৰ্ম্মাণ করাইয়া দিয়াছিলেন। ১৮৪৬ খৃঃ বেলফাষ্ট নগরে প্রিন্স্ দ্বারকানাথ ঠাকুর হঠাৎ মৃত্যুমুখে পতিত হন। ক্যান্সাল্ গ্রীন নামক স্থানে তাঁহার সমাধি হইয়াছে। সমাধিস্তম্ভে রজত ফলকে লিপি আছে—“১৮৪৬ খৃঃ ১লা আগষ্ট কলিকাতার স্ত্র প্রসিদ্ধ জমিদার দ্বারকানাথ ঠাকুরের মৃত্যু হইল”। কলিকাতার টাউনহলে তাঁহার একটি সুন্দর প্রতিমূর্ত্তি আছে। অষ্টাদশ বৎসর বয়ঃক্রমকালে যশোহর জেলার অন্তর্গত নরেন্দ্রপুর নিবাসী প্রাণকৃষ্ণ রায় চৌধুরীর কন্যার সহিত দ্বারকানাথের বিবাহ হইয়াছিল। সেই বিবাহে ত্রিশ সহস্র টাকা ব্যয় হয়। তিনি মৃত্যুকালে তিনটি পুত্র রাখিয়া যান—দেবেন্দ্রনাথ, গিরীন্দ্রনাথ ও নগেন্দ্রনাথ ঠাকুর।

৩. দেবেন্দ্রনাথ ঠাকুর।

দ্বারকানাথ ঠাকুরের জ্যেষ্ঠপুত্র মহর্ষি দেবেন্দ্রনাথ ঠাকুর ১৮১৭ খৃঃ ৩রা আগষ্ট কলিকাতা বোড়াসাঁকোর প্রাসাদে জন্মিষ্ট হন। তাঁহার পিতৃদেব পুত্রকে ইংরাজী, সংস্কৃত, বাঙ্গালা ও পারস্য ভাষা শিক্ষার জগ্ন বাটীতে বন্দোবস্ত করিয়াছিলেন। তৎপরে রাজা রামমোহন রায়ের স্কুলে ভর্ত্তি করিয়া দিয়াছিলেন। অতঃপর চতুর্দশ বর্ষ বয়সে হিন্দু কলেজে প্রবিষ্ট হন; তথায় কিয়দ্দিবস অধ্যয়ন করিয়া কলেজ পরিত্যাগ করেন। তাহার পর দ্বারকানাথ তাঁহাকে স্বীয় প্রতিষ্ঠিত “কার ঠাকুর এণ্ড কোম্পানী” এবং “ইণ্ডিয়ান ব্যাঙ্ক” প্রভৃতি বাণিজ্য কার্যালয়ে ব্যবসায় শিক্ষার নিমিত্ত নিযুক্ত করেন। এই সময়ে সঙ্গীত ও সংস্কৃতভাষা শিক্ষা করিতে থাকেন এবং বাঙ্গালা ভাষায় রচনা করিতে আরম্ভ করেন। তাঁহার জ্ঞান স্পৃহা অত্যন্ত বলবতী ছিল। তিনি সংস্কৃত মুক্ধোবোধ, রামায়ণ, মহাভারত ও

অন্যান্য শাস্ত্রগ্রন্থ পাঠ করেন। তৎপরে বেদান্ত ও উপনিষদের প্রতি তাঁহার শ্রদ্ধা হয়। কিছু দিন পরে তিনি বাঙ্গালাভাষায় একখানি সংস্কৃত ব্যাকরণ প্রণয়ন করেন। ১৮৩৯ খৃঃ দেবেন্দ্রনাথের দ্বারা রামচন্দ্র বিদ্যা-বাগীশের সাহায্যে হিন্দুশাস্ত্রান্তর্গত ব্রহ্মপ্রতিপাদক তত্ত্ব সমূহের বহুল প্রচারার্থ তত্ত্ববোধিনী নামক একটি সভা সংস্থাপিত হয়। ১৮৪০ খৃঃ বালক-দিগের বাঙ্গালা, সংস্কৃত ও ধর্ম্মনীতি শিক্ষা দিবার জন্ত তত্ত্ববোধিনী সভার অন্তর্গত তত্ত্ববোধিনী পাঠশালা স্থাপন করেন। ১৮৪৩ খৃঃ দেবেন্দ্রনাথের যত্নে ও ব্যয়ে তত্ত্ববোধিনী নামক একখানি মাসিক পত্রিকা প্রচারিত হয়। স্ত্রীপদ্মিনী কুমার দত্ত মহাশয় উহার সম্পাদক নিযুক্ত হন। ১৮৪৩ খৃঃ অষ্টাদশ জন সভ্যের সহিত প্রতিজ্ঞাপত্রে স্বাক্ষর পূর্বক দেবেন্দ্রনাথ ব্রাহ্মধর্ম্মে দীক্ষিত হন। ১৮৫০ খৃঃ “ব্রাহ্মধর্ম্ম” নামে একখানি সংস্কৃত এবং একখানি বাঙ্গালা ভাষায় পুস্তক প্রচার করেন। তৎপরে উহা কবিবর ঈশ্বরচন্দ্র গুপ্তের প্রভাকর প্রেস হইতে ইংরাজীতে অনুবাদ করিয়া প্রকাশিত হয়। ১৮৫৩ খৃঃ তিনি ব্রাহ্মসমাজে যোগদান করেন। তাঁহার “ব্রাহ্ম ধর্ম্মের আখ্যান” ধর্ম্মজগতে এক অতুলনীয় বস্তু। এতদ্ব্যতীত তিনি অনেক গুলি পুস্তক প্রণয়ন করিয়াছিলেন। ১৮৫৭ খৃঃ বাগ্মীকুলতিলক মহাশয় কেশবচন্দ্র সেন তাঁহার সহিত যোগদান করেন এবং উভয়ে ব্রাহ্মধর্ম্মের উন্নতিকল্পে প্রবৃত্ত হন। দেবেন্দ্রনাথ নানা স্থান হইতে তত্ত্ব সংগ্রহ পূর্বক একখানি উপাসনা প্রণালী সংগঠন করিয়া তাহা পুস্তকাকারে প্রচার করেন। ১৮৫৯ খৃঃ ব্রাহ্মধর্ম্ম প্রচারের জন্ত মহাশয় কেশবচন্দ্র সেনকে সমভিব্যাহারে লইয়া সিংহল যাত্রা করেন। ১৮৬১ খৃঃ তাঁহার অর্থ সাহায্যে ভারতমাতার সুসন্তান মনোমোহন ঘোষ কর্তৃক “ইণ্ডিয়ান মিরর” নামক একখানি ইংরাজী পত্র প্রচারিত হয়। ১৮৬২ খৃঃ বীরভূম জেলার অন্তঃ-পাতী বোলপুর রেলওয়ে স্টেশন হইতে প্রায় এক ক্রোশ দূরে বিপুল অর্থব্যয়ে তথায় “শান্তিনিকেতন” নামে একটি সুরম্য অট্টালিকা নিৰ্ম্মাণ

করেন । এই আশ্রমের ব্যয় নির্বাহার্থ তিনি মাসিক দেড়শত টাকা আয়ের সম্পত্তি প্রদান করিয়া গিয়াছেন । যাহারা এই আশ্রমে আসিয়া সাধনা করিতে ইচ্ছা করেন, তাঁহাদের আতিথ্যের সুবন্দোবস্ত আছে । ১৮৬৫ খৃঃ তিনি চারিজন পণ্ডিতকে বেদ অধ্যয়ন কবিবার জন্ত ৬ কাশীধামে প্রেরণ করেন, তাঁহারা তথা হইতে প্রত্যাগমন করিলে দেবেন্দ্রনাথ বেদের প্রকৃত তত্ত্ব অনুসন্ধান করিয়া দেখেন যে বেদ অশ্রুতবাদে পরিপূর্ণ । এই সময় তিনি বেদকে পরিত্যাগ করিয়া ব্রাহ্মসমাজ হইতে বৈদিকধর্ম উঠাইয়া দিয়াছিলেন । ১৮৭৮ খৃঃ যোগ সাধনের নিমিত্ত তিনি হিমালয় পর্বতের অন্তর্গত মহারী পর্বতে প্রায় চারিবৎসর কাল অবস্থান করেন । ১৮৮৪ খৃঃ মধ্যম পুল শ্রীবৃদ্ধ সত্যেন্দ্রনাথ ঠাকুরকে সিবিল সার্ভিস পরীক্ষা দিবার জন্ত বিলাত প্রেরণ করেন । ১৮৮৫ খৃঃ দেবেন্দ্রনাথ উপস্থিত তাগ করিয়াছিলেন এবং ব্রাহ্মমতে কন্যার বিবাহ প্রদান করেন । তিনি সংস্কৃত, ইংরাজী, বাঙ্গালা ও পারস্য ভাষায় বৃৎপন্ন ছিলেন । ধর্মের প্রতি সমধিক মনোযোগ থাকায় রাজপদ প্রাপ্ত না হইয়া “মহর্ষি” উপাধি ব্রাহ্মণগণ কর্তৃক প্রাপ্ত হইয়াছিলেন । তাঁহার দানশীলতাও যথেষ্ট ছিল । প্রতি বৎসর নিয়মিতরূপে প্রায় পঞ্চাশ হাজার টাকা দান করিতেন । তিনি ইণ্ডিয়ান এসোসিয়েশন নামক সভার সম্পাদক ছিলেন । জীবনের শেষ কয়েক বৎসর একরূপ সংসার ত্যাগী হইয়া পারিবারিক বাটী হইতে দূরে অবস্থান করিতেন । অতঃপর ১৯০৫ খৃঃ ১৯শে জানুয়ারি মহর্ষি দেবেন্দ্রনাথ ঠাকুর মহোদয় নম্বর মানবদেহ পরিত্যাগ করিয়াছেন । ষোড়শ বৎসর বয়ঃক্রম কালে যশোহর জেলার অন্তর্গত নরেন্দ্রপুর গ্রাম নিবাসী রায় চৌধুরী বংশের শ্রীমতী সারদাসুন্দরী দেবীর সহিত দেবেন্দ্রনাথের গুণ পরিণয় হয় । তাঁহার সাতটি পুত্রসন্তান ও পাঁচটি কন্যা হইয়াছিল । প্রথম কন্যা অল্প বয়সে ইহসংসার পরিত্যাগ করেন । যতুকালে মহর্ষি চারিপুল ও একটি কন্যা রাখিয়া পরমগতি লাভ করেন ।

দ্বিজেন্দ্রনাথ ঠাকুর ।

মহর্ষি দেবেন্দ্রনাথের জ্যেষ্ঠপুত্র শ্রীব্রত দ্বিজেন্দ্রনাথ ঠাকুর ১৮৪০ খৃঃ জ্যোড়াসাঁকোস্থ ভবনে জন্মগ্রহণ করেন। পঞ্চম বৎসর বয়ঃক্রম কালে দ্বিজেন্দ্রনাথ, সহোদর সত্যেন্দ্রনাথ একসঙ্গে পড়িতে আরম্ভ করেন। এই সময় রুত্তিবাসের রামায়ণ ও কাশীরাম দাসের মহাভারত ইহার প্রিয় পাঠ্য পুস্তক ছিল। অষ্টম বৎসর বয়সে ইনি প্রথমে একটি বাঙ্গালা স্কুলে ভর্তি হন। দশম বৎসর বয়সে ইনি সেন্ট্ পলস্ নামক এক ইংরাজী স্কুলে প্রবিষ্ট হন। বাল্যকাল হইতেই ইহার বাঙ্গালা রচনায় অনুরাগ জন্মে। সেই সময় হইতে সংস্কৃত কাব্যসাহিত্যের প্রতিও ইহার গভীর অনুরাগ হয়। ইনি পঞ্চদশ বৎসর বয়ঃক্রম কালে মেঘদূত কাব্য বাঙ্গালায় অনুবাদ করেন। তাহার পর হইতেই তত্ত্বজ্ঞানের আলোচনা আরম্ভ করেন। এই সময় দেশীয় ও বিদেশীয় সকল শাস্ত্র অধ্যয়ন করিতে থাকেন। অবশেষে বিংশতি বৎসর বয়সে ইহার প্রথম রচনা তত্ত্ববিদ্যা প্রকাশিত হয়। ইনি ত্রয়োবিংশ বৎসর বয়সে “স্বপ্ন-প্রয়াণ” কাব্য রচনা করেন। ব্রহ্মবিদ্যা নামক গ্রন্থ মনস্বী দ্বিজেন্দ্রনাথের বহু চিন্তা ও গবেষণার ফল। ইহা ব্যতীত ইনি কয়েক খানি ক্ষুদ্র প্রবন্ধ পুস্তক প্রণয়ন করিয়াছেন। সেই প্রবন্ধগুলি সভা বিশেষে সময়ে সময়ে ইনি পাঠ করিয়াছিলেন। প্রবন্ধ প্রণয়নে ইহার অসাধারণ গুণপনা প্রকাশ পায়। ইনি বঙ্গের একজন প্রগাঢ় দার্শনিক, কবি, নাট্যাচার্য্য ও সুগায়ক। পাশ্চাত্য ও প্রাচ্য দর্শনশাস্ত্রে ইহার পাণ্ডিত্য দৃষ্ট হয়। ইহার ঞ্চায় প্রগাঢ় দার্শনিক, সুপণ্ডিত, চিন্তাশীল লোক বঙ্গসাহিত্যে অতি বিরল। ইনি অঙ্কশাস্ত্র ও বিজ্ঞান রীতিমত অধ্যয়ন করিয়াছিলেন। বাল্যকাল হইতেই ইনি একজন অকৃত্রিম স্বদেশভক্ত। আদি ব্রাহ্মসমাজের উন্নতিকল্পে ইনি বিশেষ যত্নশীল।

ইনি আদি ব্রাহ্মসমাজের জ্ঞাত অনেক উপদেশ ও সঙ্গীত রচনা করিয়াছেন। বঙ্গসাহিত্যে ইহঁার বিশেষ অনুরাগ। ইনি অতি যোগ্যতার সহিত কয়েক বৎসর তত্ত্ববোধিনী পত্রিকা এবং ভারতী পত্রিকার সম্পাদকতা করেন। এই দুইখানি পত্রিকায় এবং অত্যাশ্চর্য্য অনেক মাসিক পত্রিকায় ইনি বহু সাববান প্রবন্ধ প্রকাশ করিয়াছেন। ইনি সাধারণ সভায় দর্শন, সাহিত্য ও সমাজ বিষয়ে অনেকগুলি স্ফুটিত এবং উপদেশপূর্ণ প্রবন্ধ পাঠ করিয়াছেন। ইনি কয়েক বৎসর বঙ্গীয়সাহিত্য পরিষদের সভাপতির আসনে অধিষ্ঠিত ছিলেন। ১৯১৪ খৃঃ এপ্রেল মাসে কলিকাতার টাউন-হলে বঙ্গীয় সাহিত্য সম্মেলনের সপ্তম অধিবেশনে দ্বিজেন্দ্রনাথ সভাপতি-পদে মনোনীত হইয়াছিলেন। এই প্রাচীন বয়সেও ইনি অক্লান্তভাবে ধর্ম্ম, সাহিত্য, বিজ্ঞান প্রভৃতির আলোচনা করিতেছেন। আজ পর্য্যন্ত ইহঁার সাহিত্যালোচনার কিছুমাত্র হ্রাস হয় নাই। দার্শনিক পণ্ডিতপ্রবর দ্বিজেন্দ্রনাথ বঙ্গীয় বিদ্বজ্জনমণ্ডলীর মধ্যে উচ্চস্থান গ্রহণ করিয়াছেন। ইনি সদালাপী, সামাজিক, নিরহঙ্কার, গুণগ্রাহী, ও প্রতিভাশালী ব্যক্তি। স্বর্গীয় রাজনারায়ণ বসুর প্রতি ইহঁার গভীর শ্রদ্ধা ছিল। শেষ বয়সে ইনি শান্তিনিকেতন আশ্রমের নির্জন কুঠিরে বাস করিতেছেন।

দ্বিজেন্দ্রনাথের পুত্র শ্রীযুত সুধীন্দ্রনাথ ঠাকুর কলিকাতা হাইকোর্টের উকীল। ইনি বঙ্গসাহিত্যে সুপরিচিত। ইহঁার রচিত ছোট গল্পগুলি বঙ্গসাহিত্য ভাণ্ডারের অমূল্য রত্ন। মঞ্জুবা, চিত্ররেখা, করক প্রভৃতি কয়েকখানি গ্রন্থ ইনি প্রণয়ন করিয়াছেন। ইনিও তাঁহার পিতার স্থায় নিরহঙ্কার ও সদালাপী।



সত্যেন্দ্রনাথ ঠাকুর।

মহর্ষি দেবেন্দ্রনাথের দ্বিতীয় পুত্র শ্রীযুক্ত সত্যেন্দ্রনাথ ঠাকুর ১৮৪১ খৃঃ বোড়াসাঁকোর প্রাসাদে জন্মগ্রহণ করেন। সপ্তম বর্ষ বয়ঃক্রম কালে তৎকালীন হিন্দুকলেজে প্রবিষ্ট হন। স্বর্গীয় স্তার তারকনাথ পালিত ইহারি সহপাঠী ছিলেন। তৎপরে ইনি ওরিয়েন্টাল সেমিনারী স্কুলে কিয়দিবস অধ্যয়ন করেন। ক্রমান্তর কিছুকালের জ্ঞাত সেন্ট পলস্ স্কুলে অধ্যয়ন করিয়া, পুনরায় হিন্দুকলেজে ভর্তি হন। তথা হইতে প্রবেশিকা পরীক্ষায় উত্তীর্ণ হইয়া কলিকাতা প্রেসিডেন্সী কলেজে প্রবেশ করেন। অতঃপর প্রেসিডেন্সী কলেজে অধ্যয়নকালে ১৮৬০ খৃঃ ইনি বিলাত যাত্রা করেন। তথায় গিয়া প্রথমতঃ কিছুদিন ইনি আত্মীয় জ্ঞানেন্দ্র মোহন ঠাকুরের বাটীতে অবস্থান করেন। বিলাতে অবস্থান কালে পণ্ডিত-প্রবর মোক্ষমূলার ইহঁাকে যথেষ্ট স্নেহ করিতেন। ১৮৬২ খৃঃ সত্যেন্দ্রনাথ ইণ্ডিয়ান সিভিল সার্ভিস্ পরীক্ষায় উত্তীর্ণ হন। ১৮৬৪ খৃঃ শেষভাগে স্বদেশে প্রত্যাগত হন। ১৮৬৫ খৃঃ বোম্বাই প্রেসিডেন্সীর অন্তর্গত আহামাদাবাদের সহকারী মাজিস্ট্রেট ও কলেক্টার রূপে নিযুক্ত হইয়া কন্মক্ষেত্রে অবতীর্ণ হন। প্রথম দুই বৎসর কালেক্টারের কন্ম জেলার নানা স্থান পরিভ্রমণপূর্বক যথাসময়ে ঐ প্রদেশের আসিষ্ট্যান্ট জজের পদে প্রতিষ্ঠিত হন। ক্রমে উত্তরে সিন্ধুদেশ হইতে দক্ষিণে কর্ণাট পর্য্যন্ত বোম্বাই প্রদেশের ভিন্ন ভিন্ন জেলায় জজের কন্ম ই সত্যেন্দ্রনাথের সমুদয় কাল অতিবাহিত হয়। এইরূপে ত্রিশ বৎসরের অধিককাল রাজকার্য্য করিয়া ১৮৯৬ খৃঃ শোলাপুরে সেমান-জজ পদে অবস্থান কালীন ইনি রাজকার্য্য হইতে অবসর গ্রহণ করেন। আধুনা ইনি কলিকাতার স্বীয় বাটীতে অবস্থান করিতেছেন। সত্যেন্দ্রনাথ বঙ্গ ভাষার একজন স্নলেখক। সাহিত্যালোচনায় ইহার বিশেষ অনুরাগ। ইনি

ঈশ্বর বিষয়ক অনেকগুলি সঙ্গীত রচনা করিয়াছেন । ইনি বঙ্গসাহিত্যের একজন সেবক । “ভারতী” প্রভৃতি মাসিক পত্রিকায় ইঁহার বহু প্রবন্ধ প্রকাশিত হইয়াছে । ইনি বাল্যকাল হইতেই স্ত্রী স্বাধীনতার পক্ষপাতী । স্ত্রী স্বাধীনতা নামে ইঁহার একখানি পুস্তক প্রকাশিত হইয়াছে । এতদ্ব্যতীত সচিন্দ্র বোসাই চিত্র, বৌদ্ধ ধর্ম, নবরত্নমালা, শ্রীমদ্ভগবদ্গীতা, মেঘদূত, গীতা (মূল ও পঞ্চানুবাদ), দেবেন্দ্রনাথের জীবনী (ইংরাজী) প্রভৃতি ইঁহার কয়েকখানি গ্রন্থ প্রচারিত হইয়াছে । বাল্যকাল হইতেই ব্রাহ্মসমাজের সহিত ইঁহার জীবনযাত্রা গ্রথিত । ১৯১২ খৃঃ ১৭ই জানুয়ারি কলিকাতার টাউন হলে হিন্দু বিশ্ববিদ্যালয় স্থাপনকালে এক সভা হইয়াছিল ; বিকানীর মহারাজ বাহাদুর সভাপতির আসন গ্রহণ করেন ; তৎকালে সত্যেন্দ্রনাথ প্রস্তাবিত হিন্দু বিশ্ববিদ্যালয় ফণ্ডে দশ সহস্র টাকা চাঁদা দিতে প্রতিশ্রুত হইয়াছেন । ১৯১৩ খৃঃ পরলোকগত রায় নরেন্দ্রনাথ সেন বাহাদুরের দ্বিতীয় বাৎসরিক মৃত্যুর স্মৃতি সভার অধিবেশনে ইনি সভাপতির আসন গ্রহণ করিয়াছিলেন । ভারতবর্ষের সর্ব প্রথম ভারতীয় জজ সত্যেন্দ্রনাথ শাস্ত্র প্রকৃতি, বুদ্ধিমান, এবং সৌজন্য গুণে সকলের চিত্ত আকর্ষণ করিয়াছেন । স্বনামখ্যাত স্বর্গীয় ব্যারিষ্টার ননোমোহন ঘোষ, সুপ্রসিদ্ধ দানবীর স্বর্গীয় স্মার তারকনাথ পালিত মহোদয় প্রভৃতির সহিত ইঁহার বিশেষ বন্ধুত্ব ছিল ।

সত্যেন্দ্রনাথের উপযুক্ত পুত্র শ্রীযুক্ত সুরেন্দ্রনাথ ঠাকুর হিন্দুস্থান কো-অপারেটিভ ইনসিওরেন্স সোসাইটির সম্পাদক । ইনি বঙ্গসাহিত্যের একজন সেবক । স্কুরা-পুষ্প, মহাভারত, প্রভৃতি কয়েকখানি গ্রন্থ প্রণয়ন করিয়াছেন । ইনি পরোপকারের জন্ত সুবিখ্যাত । সত্যেন্দ্রনাথের বিদূষী কন্যা শ্রীমতী ইন্দীরা দেবীও বঙ্গসাহিত্যে সুপরিচিতা । বঙ্গভাষার স্নেহক ও কলিকাতা হাইকোর্টের ব্যারিষ্টার এবং অধুনা সবুজ-পত্রের সম্পাদক শ্রীযুক্ত প্রমথ চৌধুরী মহাশয় শ্রীমতী ইন্দীরা দেবীর স্বামী ।

৬ হেমেন্দ্রনাথ ঠাকুর।

মহর্ষি 'দেবেন্দ্রনাথের তৃতীয়পুত্র হেমেন্দ্রনাথ ঠাকুর মধুর চরিত্র ও সৌজন্মের জন্ত সুবিখ্যাত ছিলেন। মহর্ষি যখন চুঁচুড়া সহরে অবস্থান করিতেন, তখন হেমেন্দ্রনাথ ঠাকুর অকালে কালের করাল কবলে পতিত হইয়াছিলেন।

ক্ষিতীন্দ্রনাথ ঠাকুর।

হেমেন্দ্রনাথের পুত্র পণ্ডিত ক্ষিতীন্দ্রনাথ ঠাকুর তত্ত্বনিধি ১৮৬৯ খৃঃ জন্মগ্রহণ করেন। ইনি প্রথমে কলিকাতার সংস্কৃত কলেজে এবং পরিশেষে প্রেসিডেন্সী কলেজে শিক্ষালাভ করেন। ১৮৯০ খৃঃ ক্ষিতীন্দ্রনাথ বি-এ পরীক্ষায় উত্তীর্ণ হন। স্বর্গীয় পিতামহের পদাঙ্ক অনুসরণে ইনি প্রথমে ব্রাহ্মসমাজের কক্ষে ব্রতী হইয়া ১৮৯২ খৃঃ আদি ব্রাহ্মসমাজের সম্পাদক নির্বাচিত হইয়াছিলেন। ১৮৯৭ খ্রীঃ ইনি হাবড়া মিউনিসিপালিটির সহকারী সম্পাদকের কক্ষ গ্রহণ করেন। এক বৎসর পরে ইনি সেক্রেটারীর পদে উন্নীত হন। এই কক্ষে ইহার কৃতিত্বের পরিচয় অনেকেই অবগত আছেন। বঙ্গীয় গবর্ণমেন্টের শাসন-বিবরণীতে তৎসম্বন্ধে ইহার ভূয়সী প্রশংসা প্রকটিত আছে। ক্ষিতীন্দ্রনাথ বঙ্গ-সাহিত্যের একজন খ্যাতনামা সেবক বলিয়া প্রসিদ্ধি সম্পন্ন। ইনি সরকারী কক্ষের গুরুভার মস্তকে বহন করিয়াও সাহিত্য সেবায় বিরত নহেন। ইনি শ্রীমদ্ভগবদ্গীতার একটি সংস্করণ প্রকাশ করিয়াছেন। তাহাতে ইহার পাণ্ডিত্য প্রতিভাত। ইহার প্রণীত সচিত্র অভিব্যক্তিবাদ গ্রন্থ পাশ্চাত্য জগতের সর্বত্র গৃহীত হইয়াছে। ইহাতে সাধামত বিদেশীয় ভাব ও দৃষ্টান্ত বর্জনপূর্বক দেশীয় দৃষ্টান্ত প্রদান করিয়া এবং অনেক

গুলি চিত্র সংলগ্ন করিয়া গ্রন্থখানিকে সরস করিবার বিশেষ চেষ্টা করা হইয়াছে। এতদ্ব্যতীত আৰ্য্য রমণীর শিক্ষা ও স্বাধীনতা, অধ্যাত্ম ধর্ম ও আগ্নেয়বাদ, রাজা হরিশ্চন্দ্র, আলাপ, ব্রাহ্মধর্মের বিবৃতি প্রভৃতি ইহার কয়েকখানি গ্রন্থ আছে। অধুনা ইনি “ব্রাহ্মধর্মের ইতিহাস” প্রণয়ন করিতেছেন। সাময়িক পত্রিকাতেও ইনি মধ্যে মধ্যে প্রবন্ধাদি লিখিয়া থাকেন।

মহর্ষি দেবেন্দ্রনাথের পৌত্র হিতৈশ্বরীনাথ ঠাকুর ৪১ বৎসর বয়সে ইহলোক হইতে প্রস্থান করিয়াছেন। তাঁহার স্নেহশীল ভ্রাতা শ্রীযুক্ত ঋতেন্দ্রনাথ ঠাকুর পরলোকগত ভ্রাতার কতকগুলি কবিতা পুস্তকাকারে মুদ্রিত করিয়া হিতগ্রন্থাবলী নামে প্রচার করিয়াছেন। গ্রন্থের প্রারম্ভে হিতৈশ্বরীনাথের জীবনের কতিপয় প্রাণস্পর্শী ঘটনার উল্লেখ করা হইয়াছে।

৩ অক্ষয়কুমার ঠাকুর।

মহর্ষি দেবেন্দ্রনাথের চতুর্থ পুত্র অক্ষয়কুমার ঠাকুর কলিকাতা বিশ্ব-বিদ্যালয় হইতে এম এ, পরীক্ষায় পাশ করেন। তিনি কলিকাতা হাইকোর্টের এটর্নি হইবার সঙ্কল্প করিয়াছিলেন। বাঙ্গালাভাষায় তাঁহার অনুরাগ ছিল। তিনি “সাহিত্য কল্লদ্রুম” নামক মাসিক পত্রে মহাকবি কালিদাসের “বিক্রমোর্ধ্বশী” সম্বন্ধে এক সারগর্ভ সুদীর্ঘ প্রবন্ধ লিখিয়াছিলেন। “সংস্কৃত চন্দ্রিকা” নামে মাসিক পত্রিকায় “হরিদ্বার ভ্রমণ” শীর্ষক তাঁহার একটি প্রবন্ধ প্রকাশিত হইয়াছিল। ইহা ব্যতীত কল্লিত নাম স্বাক্ষর করিয়া তিনি মধ্যে মধ্যে সংবাদ পত্রে প্রবন্ধাদি প্রচার করিতেন।

জ্যোতিরিন্দ্রনাথ ঠাকুর ।

মহর্ষি দেবেন্দ্রনাথের পঞ্চম পুত্র শ্রীযুক্ত জ্যোতিরিন্দ্রনাথ ঠাকুর ১৮৪৮ খৃঃ ৩রা মে জন্মগ্রহণ করেন । ইনি যৌবনকাল হইতেই মাতৃভাষার আলোচনা করিতেছেন । ইনি বহুদিন যাবৎ “ভারতী” নাম্নী মাসিক পত্রিকার সম্পাদক ছিলেন । ইহার সৃষ্টিত ও স্পৃহিত বহু প্রবন্ধ প্রকাশিত হইয়াছে । ইনি একজন সূক্ষ্ম সমালোচক বলিয়া প্রসিদ্ধ । ইনি অনুবাদে সিদ্ধ হস্ত । ইনি অনেকগুলি সংস্কৃত ও ফারাসী ভ্রমণ বৃত্তান্ত ও নাটকের বঙ্গানুবাদ প্রকাশ করিয়াছেন । ইনি সঙ্গীত রচনায় সুনিপুণ ; বহু সংখ্যক জাতীয় সঙ্গীত, প্রণয় সঙ্গীত, ব্রহ্ম সঙ্গীত রচনা করিয়া খ্যাতি লাভ করিয়াছেন । এক সময়ে তত্ত্ববোধিনী পত্রিকার সম্পাদন ভার ইহার উপর গুরুত্বপূর্ণ ছিল । কয়েক বৎসর যাবৎ অতি দক্ষতার সহিত ইনি “সঙ্গীত প্রকাশিকা” নামক মাসিক পত্রিকার সম্পাদন করিতেছেন । ইনি অনেকগুলি উৎকৃষ্ট নাটক ও প্রহসন রচনা করিয়াছেন । সরোজিনী, অভিজ্ঞান শকুন্তলা, পুরু-বিক্রম, রক্ত-গিরি, ধনঞ্জয়-বিজয়, ইংরাজ বর্জিত ভারতবর্ষ, অলিকাব্য, বসন্তলীলা, হিতৈ-বিপরীত, দায়ে-পড়ে-দার-গ্রহণ, ধানভঙ্গ, স্বরলিপি, গীতিমালা, অশ্রমতী, স্বপ্নময়ী প্রভৃতি বহুগ্রন্থ প্রণয়ন করিয়াছেন । এক সময়ে ইহার অশ্রময়ী, পুরু-বিক্রম, সরোজিনী নাটক বঙ্গীয় রঙ্গালয় সমূহে সমারোহের সহিত অভিনীত হইয়াছিল । সাময়িক পত্রিকায় ইনি প্রায়ই প্রবন্ধাদি প্রকাশিত করিয়া থাকেন । ভারতের ছুঁথে যে সকল কবি সর্বপ্রথম লেখনীধারণ করেন, তন্মধ্যে জ্যোতিরিন্দ্রনাথের নাম বিশেষ উল্লেখযোগ্য । ইনি একজন রেখাঙ্কন শিল্পী । বহুদিন পূর্বে ইনি মস্তিষ্ক তত্ত্বের আলোচনা করিতেন এবং সেই সূত্রেই মানবমুখের রেখাচিত্র অঙ্কন করিতে আরম্ভ করেন । ইনি বহুভাষাবিজ্ঞ, সঙ্গীত শাস্ত্রজ্ঞ ও সহৃদয় ব্যক্তি ।

স্বর্ণকুমারী দেবী ।

মহর্ষি দেবেন্দ্রনাথের কন্যা শ্রীমতী স্বর্ণকুমারী দেবী ১৮৫৭ খৃঃ সেপ্টেম্বর মাসে জন্মগ্রহণ করেন। বাল্যকালে পিতৃগৃহে ইনি সংস্কৃত ও বাঙ্গালাভাষা শিক্ষা করেন, অনন্তর বিবাহের পর স্বামীর নিকট ইংরাজী ভাষায় সুশিক্ষিতা হন। শিক্ষা ও জ্ঞান ইহাকে ভারতের বিদুষী রমণীদিগের মধ্যে উচ্চস্থান প্রদান করিয়াছে। ইনি ইউরোপ এবং আমেরিকাতেও অনেকের নিকট পরিচিতা। বঙ্গসাহিত্য সমাজে ইনিই মহিলামণ্ডলীর মধ্যে প্রথম উপগ্রাস প্রণয়ন করেন। ইহার প্রথম উপগ্রাস দীপ-নির্কষণ ; এতদ্ব্যতীত অনেকগুলি উপগ্রাস, কবিতাপুস্তক, নাটক ও শিশুপাঠ্য পুস্তক আছে। মালতী, ভগলীর ইমামবাড়ী, বিদ্রোহ, নবকাহিনী, ফুলের মালা, কাহাকে, ছিন্নমুকুল, স্নেহলতা, বসন্ত উৎসব, গীতিনাট্য, গাথা, পৃথিবী, কবিতা ও গান, কোতুক নাট্য বা বিবিধ কথা, দেব কোতুক নাটক, ক'নে বদল প্রহসন, পাকচক্র প্রভৃতি অনেকগুলি গ্রন্থ প্রচার করিয়াছেন। ১৮৮৪ খৃঃ হইতে ১৮৯৫ খৃঃ পর্য্যন্ত ইনি “ভারতী” পত্রিকার সম্পাদিকা ছিলেন, অনন্তর কয়েক বৎসর ইহার কন্যা শ্রীমতী সরলাবালা দেবী বি এ ঐ পত্রিকার সম্পাদনভার গ্রহণ করেন। স্বর্ণকুমারী পুনর্বার উহার সম্পাদন ভার গ্রহণপূর্বক কয়েক বৎসর অতি যোগ্যতার সহিত পত্রিকা পরিচালনা করিয়া সম্প্রতি অবসর গ্রহণ করিয়াছেন। ১৮৮৬ খৃঃ ইনি ‘সখি সমিতি’ নামে একটি সমিতি স্থাপন করেন, কিন্তু অর্থাভাবে তাহার কার্য সুচারুরূপে সম্পন্ন হইতে পারে নাই। মহিলাসমাজে শিল্পোন্নতি সাধন মানসে ইনি “মহিলা শিল্প মেলা” নামে একটি মেলা প্রতিষ্ঠিত করিয়াছেন।

নদীয়া জেলার অন্তর্গত জয়রামপুরের ঘোষাল বংশের সুপ্রসিদ্ধ ভারত-হিতৈষী জ্ঞানকীনাথ ঘোষাল মহাশয়ের সহিত একাদশ বর্ষ বয়ঃক্রমকালে

স্বর্ণকুমারীর পরিণয় ক্রিয়া সম্পন্ন হইয়াছিল। ১৯১৩ খৃঃ ২রা মে ভারতমাতার সুসন্তান জানকীনাথ ঘোষাল অমরধামে গমন করিয়াছেন। ইহার একমাত্র পুত্র সিবিলিয়ান শ্রীযুক্ত জ্যোৎস্নানাথ ঘোষালের সহিত ১৮৯৯ খৃঃ কুচবিহারের রাজনন্দিনী শ্রীমতী সুকৃতিবালা দেবীর শুভপরিণয় হইয়াছে। তৎকালে ইংলণ্ড হইতে ভারতেশ্বরী ভিক্টোরীয়া এবং তাঁহার জ্যেষ্ঠপুত্র যুবরাজ সপ্তম এডওয়ার্ড মহোদয় প্রায় তিন লক্ষ টাকার উপঢৌকন প্রেরণ করেন। স্বর্ণকুমারীর প্রথমা কন্যা শ্রীমতী হিরণ্ময়ী দেবী “সখি সমিতি” সম্পর্কে সুপরিচিতা; এবং দ্বিতীয়া কন্যা শ্রীমতী সরলাবালা দেবী বি, এ, পঞ্চনদের সুপ্রসিদ্ধ শ্রীযুক্ত রামভোজ দত্ত চৌধুরীর পত্নী।

রবীন্দ্রনাথ ঠাকুর।

মহর্ষি দেবেন্দ্রনাথের কনিষ্ঠপুত্র বঙ্গসাহিত্যের বর্তমান কবিসম্রাট শ্রীযুক্ত রবীন্দ্রনাথ ঠাকুর, ১৮৬১ খৃঃ ৬ই মে ষোড়শাঁকোর প্রাসাদে ভূমিষ্ট হন। অতি অল্প বয়সে ইহার বিচারসু হইয়া। অষ্টম বৎসর বয়ঃক্রমকালে কলিকাতা নর্থাল স্কুলে প্রবিষ্ট হন; কিন্তু বিদ্যালয় ভাল লাগিল না। অতঃপর পিতৃদেবের সহিত বোলপুর গমন করেন। তথায় ইনি পিতার নিকট জ্যোতিষ ও সংস্কৃত ব্যাকরণ শিক্ষা করেন। ইংরাজি জ্যোতিষের পুস্তক হইতে বাঙ্গালা অনুবাদ করিয়া এই সময় ইহার বাঙ্গালা রচনা শিক্ষা হইত। তৎপরে পিতার সহিত রসুরি পর্বতে কিয়দ্দিবস বাস করেন। অনন্তর ১৮৭৭ খৃঃ ষোড়শ বর্ষ বয়সে ইহার ভ্রাতা সিবিলিয়ান শ্রীযুক্ত সত্যেন্দ্রনাথ ঠাকুর আহামাদাবাদ নগরে কন্সল করিতেন; রবীন্দ্রনাথ কিছুদিন তথায় গিয়া অবস্থিতি করেন। শৈশব কাল হইতেই ইনি রামায়ণ, মহাভারত প্রভৃতি গ্রন্থের গল্প শুনিতে ভাল

বাসিতেন। সেই সময় হইতেই ইনি কবিতা ও প্রবন্ধ লিখিতে আরম্ভ করেন। আহামাদাবাদে সত্যেন্দ্রনাথের লাইব্রেরীতে বসিয়া ইংরাজী কবিতা পুস্তক পাঠ ইঁহার প্রধান কার্য ছিল। তৎকালে ইনি ইংরাজী ভাষায় বুৎপত্তি লাভ করেন। তথা হইতে “ভারতী” নাম্নী মাসিক পত্রিকায় ইঁহার রচনা প্রকাশিত হইত। অতঃপর রবীন্দ্রনাথ বিলাত যাত্রা করেন। তথায় লণ্ডন ইউনিভার্সিটী কলেজে অধ্যাপক মলি—ভারতের ভূতপূর্ব ষ্টেট সেক্রেটারী লর্ড মুলি—সাহেবের ইংরাজী সাহিত্য বিভাগে কয়েক মাস অধ্যয়ন করেন। অনন্তর ইউরোপের নানা জনপদ পরিভ্রমণ পূর্বক স্বদেশে প্রত্যাগত হন। তদবধি রবীন্দ্রনাথ মাতৃভাষার উন্নতি সাধনে প্রাণপণ পরিশ্রম করিতেছেন। সাহিত্য-সম্রাট রায় বঙ্কিমচন্দ্র চট্টোপাধ্যায় বাহাদুর ইঁহার প্রতিভার ভূমসী প্রশংসা করিতেন। গীতিকাব্য, কবিতা, নাটক, সাহিত্য, উপন্যাস, সমাজ অথবা রাজনীতি বিষয়ক প্রবন্ধ প্রণয়নে ইনি সমভাবে প্রতিষ্ঠাপন্ন। ইনি কয়েকবৎসর “বঙ্গদর্শন” পত্রিকার সম্পাদকতা করেন। এতদ্ব্যতীত অগ্ৰাণ্ণ অনেক সাময়িক পত্রিকায় ইনি কবিতা, প্রবন্ধ, গীত প্রভৃতি লিখিয়া থাকেন। ইনি অনেকগুলি কবিতাপুস্তক প্রণয়ন করিয়াছেন; রবীন্দ্রনাথের কবিতা বঙ্গভাষায় যুগান্তর উপস্থিত করিয়াছে। নাটক, প্রহসন, উপন্যাস ইঁহার অনেকগুলি আছে; এতদ্ব্যতীত প্রবন্ধ ও ক্ষুদ্র ক্ষুদ্র গল্পের সংখ্যা নাই। ইনি বিংশ শতাব্দীর সর্বশ্রেষ্ঠ লেখক বলিয়া বরণীয়। রাজা ও রাণী, রাজষি, চিত্রাঙ্গদা, বিসর্জন, রাজা, ছুটির পড়া, প্রায়শ্চিত্ত, গোড়ায় গলদ, বৈকুণ্ঠের খাতা, প্রজাপতির নির্বন্ধ, কথা চতুষ্টয়, চোকের বালি, নৌকাডুবী, গোরা, বোঠাকুরাণীর হাট, আলোচনা, সমালোচনা, নদী, পঞ্চভূত, ডাকঘর, শারদোৎসব, মুকুট, রাজা প্রজা, সমূহ, গল্পগুচ্ছ, নৈবেদ্য, স্বদেশ ও সংকল্প, কথা কাহিনী, শিশু, মায়ার খেলা, বিচিত্র প্রবন্ধ, খেয়া, ইংরাজী সোপান, প্রাচীন সাহিত্য, হাফা কোতুক, বাঙ্গ

কৌতুক, আধুনিক সাহিত্য, লোক সাহিত্য, সাহিত্য, শাস্তি নিকেতন, গীতাঞ্জলী, গান, চর্যনিকা, সংস্কৃত সোপান, ইংরাজী প্রতিশিক্ষা, ইংরাজী পাঠ, গীতিলিপি, ভক্তবাণী, সমাজ, ধর্ম, গল্পচারিটী, অচলায়তন, সন্ধ্যা সঙ্গীত, প্রভাত সঙ্গীত, ভানুসিংহের পদাবলী, ছবি ও গান, কড়ি ও কোমল, সোনার তরী, মানসী, চিত্রা, চৈতালি, কনিকা, ক্ষণিকা, কল্পনা, প্রকৃতির প্রতিশোধ, বিদায়, অভিশাপ, ছিন্নপত্র, জীবন স্মৃতি, গীতালী, ইউরোপ যাত্রীর ডাইরী প্রভৃতি বহুগ্রন্থ ইনি প্রচার করিয়াছেন। সকল প্রকারের সঙ্গীত রচনায় ইনি সিদ্ধ হস্ত এবং স্বয়ং একজন অতি সুকণ্ঠ সুগায়ক। ১৯১৩ খৃঃ রবীন্দ্রনাথ সপরিবারে বিলাত গমন করেন। তথায় ইহার কতকগুলি সঙ্গীতের ইংরাজী অনুবাদ “গীতাঞ্জলী” নামে প্রকাশিত হইয়াছে। বিলাতের সাহিত্যিক সনাজ অনুবাদে ইহার কবিতার মাধুরী আন্বাদন করিয়া মুদ্রিত হইয়াছেন। সহকারী ভারত সচিব ইহার কবিতার বিশেষ প্রশংসা করেন। সুইডেন দেশের বিখ্যাত শিল্পী ও রাসায়নিক এল্ফ্রেড নোবেল মৃত্যুকালে তাঁহার অধিকাংশ সম্পত্তি বাণীর সেবার্থে দান করিয়া যান। সেই সম্পত্তির পরিমাণ দুই কোটি ছয়টি লক্ষ পঞ্চাশ হাজার টাকা। তাঁহার অভিপ্রায় অনুসারে জাতি ধর্ম নির্বিশেষে উহার আয় হইতে প্রতি বৎসর পাঁচটি পুরস্কার দেওয়া হইয়া থাকে। এই পাঁচটির মধ্যে চতুর্থটি সর্বশ্রেষ্ঠ সাহিত্যিক রচনার জন্য প্রদত্ত হয়। ১৯০১—১৯১২ খৃঃ পর্যন্ত সাহিত্য বিভাগে নোবেল পুরস্কার কেবল ইউরোপীয়গণ প্রাপ্ত হইয়াছেন। আর ১৯১৩ খৃঃ বাঙ্গালী কবি রবীন্দ্রনাথ উক্ত পুরস্কার প্রাপ্ত হইয়া ভারতবাসীর গৌরব রক্ষা করিয়াছেন। ইহার পরিমাণ একলক্ষ বিশ হাজার টাকা। রবীন্দ্রনাথ জগতের সাহিত্য ভাণ্ডারে সর্বশ্রেষ্ঠ রত্ন উপহার প্রদান করেন বলিয়া পাশ্চাত্য জগতে তাঁহার এই সম্মান করিয়া ইউরোপের নোবেল পুরস্কার লাভ করিয়াছেন। বঙ্গদেশের জনপ্রিয় প্রথম গবর্ণর লর্ড

কারমাইকেল বাহাদুর কবিসম্রাট রবীন্দ্রনাথকে নোবেল পুরস্কারের নিদর্শন সূচক পদক ও ডিপ্লোমা প্রদান করেন। এই উপলক্ষে কলিকাতা গবর্ণমেন্ট প্রাসাদে যে সভা হইয়াছিল, উহাতে স্নাইডেনের বাণিজ্যদূত এবং অনেক সরকারী ও বে-সরকারী বিশিষ্ট ব্যক্তি উপস্থিত ছিলেন। ১৯১৩ খৃঃ কলিকাতা বিশ্ববিদ্যালয়ের সিণ্ডিকেট রবীন্দ্রনাথকে “ডক্টার অব্ লিটারেচার (সাহিত্য)” উপাধিদানে ভূষিত করিয়াছেন। ১৯১৫ খৃঃ ৩রা জুন ভারত সম্রাটের জন্মদিন উপলক্ষে ডক্টার রবীন্দ্রনাথ ঠাকুর “নাইট” উপাধি প্রাপ্ত হইয়াছেন। ইনি যেমন সাহিত্যসেবী, সেইরূপ স্বদেশপ্রিয়। জীবিত কবিগণের মধ্যে রবীন্দ্রনাথ সর্বশ্রেষ্ঠ কবি। অধুনা ইনি অনেক সময় বোলপুরে অতিবাহিত করেন। তথায় ইনি অনেক-গুলি বালক ও যুবককে প্রাচীন আখ্যায়ীতি অবলম্বনে ধর্ম্মনীতি ও সাধারণ বিদ্যাশিক্ষা দিবার ব্যবস্থা করিয়াছেন।

কবির রবীন্দ্রনাথের বিলাত প্রত্যাগত পুত্র শ্রীযুক্ত রথীন্দ্রনাথ ঠাকুরের সহিত কলিকাতা নিবাসী শ্রীযুক্ত শেষেন্দ্রভূষণ চট্টোপাধ্যায় মহাশয়ের বিধবা কন্যা শ্রীমতী প্রতিমাদেবীর পরিণয় ক্রিয়া সম্পন্ন হইয়াছে।

মহর্ষি দেবেন্দ্রনাথ ঠাকুরের মধ্যম ভ্রাতা গিরীন্দ্রনাথের দুই পুত্র—শ্রীযুক্ত গগনেন্দ্রনাথ ও শ্রীযুক্ত সমরেন্দ্রনাথ ঠাকুর।

৩২রমানাথ ঠাকুর।

প্রিন্স্ দ্বারকানাথ ঠাকুরের কনিষ্ঠ ভ্রাতা মহারাজ রমানাথ ঠাকুর ১৮০০ খৃঃ যোড়াসাঁকোর প্রাসাদে জন্মগ্রহণ করেন। তৎকালে কলিকাতায় বিদ্যাশিক্ষাপযোগী কোন বিদ্যালয় না থাকায় তিনি সেরবোর্গ সাহেবের স্কুলে সামান্যমাত্র বিদ্যা শিক্ষা করিয়াছিলেন। অতঃপর গৃহে শিক্ষক রাখিয়া স্বীয় মেধাবলে ইংরাজী, সংস্কৃত ও বাঙ্গালা ভাষায় যথেষ্ট

উন্নতি করেন। ১৮২৯খৃঃ কিছুদিন ইউনিয়ন ব্যাঙ্কের দেওয়ান ছিলেন। তিনি মহাত্মা রাজা রামমোহন রায়ের শিষ্য ছিলেন। ১৮৩০ খৃঃ রাজা রামমোহন রায় বিলাত যাত্রার পর তিনি ব্রাহ্ম সমাজের একজন ট্রাষ্ট নিযুক্ত হন। এই সময় প্রসন্ন কুমার ঠাকুরের সহযোগীতায় তিনি “ইণ্ডিয়ান রিফর্মার” নামক পত্রিকার প্রতিষ্ঠা ও পরিচালন করেন। তিনি জমিদার সভার একজন সভ্য ছিলেন এবং প্রজাপুঞ্জের পক্ষ হইয়া গবর্ণমেন্টের সহিত বাদামুবাদ করিতেন। জমিদার সভা বিলোপ হইলে রমানাথের উদ্যোগে ১৮৫১ খৃঃ ব্রটীশ ইণ্ডিয়ান এসোসিয়েসন্ নামক সভা সংস্থাপিত হয়। তিনি প্রথমে উহার সহকারী সম্পাদক এবং তৎপরে দশবৎসর কাল সভাপতি পদে অধিষ্ঠিত ছিলেন। ১৮৫৯ খৃঃ রেণ্টবিল সম্বন্ধে যে আন্দোলন হয়, রমানাথ ঠাকুর তৎসম্বন্ধে একখানি ক্ষুদ্র পুস্তক প্রচার করিয়া সেই বিলের দোষ প্রদর্শন করাইয়াছিলেন। তিনি স্বদেশীয়দিগের বিদ্যাপ্রাশিক্ষার উন্নতিকল্পে বিশেষ চেষ্টা করিতেন। তিনি হিন্দু কলেজের সম্পাদক ও শিক্ষা বিভাগের একজন সদস্য ছিলেন। ১৮৬৬ খৃঃ বঙ্গীয় ব্যবস্থাপক সভার সভ্যপদে বরীত থাকিয়া প্রধান প্রধান বিষয় লইয়া তর্ক করিতেন। কলিকাতার প্রত্যেক সভায় এবং মিউনিসিপালিটির প্রত্যেক অধিবেশনে যোগদান করিয়া সাধারণের উন্নতিকল্পে বক্তৃতা করিতেন। ১৮৭০ খৃঃ তিনি ভারতীয় ব্যবস্থাপক সভার অগ্রতম সদস্য মনোনীত হন। তিনি অতি সদক্তা ছিলেন। প্রত্যেক বিষয়ই যুক্তিপূর্ণ বক্তৃতা দ্বারা স্বীয় মত রক্ষা করিবার চেষ্টা করিতেন। তিনি দেশের লোকের অভাব ও দুঃখ বুঝিতে পারিতেন এবং তাহা দূর করিবার জন্ত সাধামত চেষ্টা করিতেন। সাধারণ হিতকর কার্যে যোগদান করাই তাঁহার ব্রতস্বরূপ ছিল। তিনি রাজা প্রজায় ক্রুরূপ ব্যবহার করা উচিত, তাহা বিলক্ষণ জানিতেন। ১৮৭৪ খৃঃ রাজ-প্রতিনিধি লর্ড নর্থব্রক বাহাদুর তাঁহাকে “রাজা” উপাধি প্রদান করেন।

তিনি নানা বিষয়ে রমানাথের পরামর্শ গ্রহণ করিতেন । ১৮৭৫ খৃঃ ডিসেম্বর মাসে যখন লোকান্তরিত ভারত সম্রাট সপ্তম এডওয়ার্ড যুবরাজ-রূপে ভারতে শুভাগমন করেন, তৎকালে তাঁহাকে অভ্যর্থনা করিবার জন্ত বেলগেছিয়ার উদ্যানে নিমন্ত্রিত হইলে রমানাথ সেই অভ্যর্থনা সমিতির সভাপতি মনোনীত হন । সেই সময় যুবরাজ তাঁহাকে একটা সুন্দর অঙ্গুরীয় উপহার প্রদান করেন এবং ভারতগবর্ণমেন্ট “সি এস্ আই” উপাধি সম্মানে ভূষিত করিয়াছিলেন । ১৮৭৭ খৃঃ দিল্লীর দরবারে রাজী ভিক্টোরীয়ার “ভারত রাজরাজেশ্বরী” উপাধি গ্রহণ উপলক্ষে, তৎকালীন রাজপ্রতিনিধি লর্ড লিটন্ বাহাদুর, রাজা রমানাথের গুণের প্রশংসা করিয়া “মহারাজা” উপাধি সনন্দ প্রদান করেন । কিন্তু দুঃখের বিষয় তাঁহাকে সেই উপাধি সম্মান অধিক দিবস ভোগ করিতে হয় নাই । অতঃপর মহারাজ রমানাথ ঠাকুর মহোদয় ১৮৭৭ খৃঃ ১০ই জুন ইহসংসার হইতে মহাপ্রস্থান করেন । তাঁহার মৃত্যু হইলে তদানীন্তন রাজপ্রতিনিধি লর্ড লিটন্ বাহাদুর, বাগ্মীকুলতিলক রায় কৃষ্ণদাস পাল বাহাদুরকে নিজহস্তে একখানি পত্র লিখিয়াছিলেন ; তাহাতে রমানাথের মৃত্যুতে দেশের যে বিশেষ ক্ষতি হইল, একথা অন্তরের সহিত ব্যক্ত করিয়াছিলেন ।

৬ গুণেন্দ্রনাথ ঠাকুর ।

মহারাজ রমানাথের পুত্র গুণেন্দ্র নাথ ঠাকুর সঙ্গীতাদি কলাবিদ্যায় বিশেষ পারদর্শী এবং তৎকালীক সাহিত্যিকদিগের মধ্যেও তিনি অগ্রগণ্য ছিলেন । তাঁহার প্রণীত “বিক্রমোর্কশী” নাটকের একটি সুন্দর অনুবাদ আছে । তাঁহার ভ্রাতুষ্পুত্র শ্রীযুক্ত গগনেন্দ্রনাথ ঠাকুর উহা সাহিত্য সমাজে প্রচার করিয়াছেন । নাট্য অভিনয় বিষয়েও তাঁহার বিশেষ উৎসাহ ছিল । তিনি অকালে তনুত্যাগ করিয়াছেন ।

অবনীন্দ্রনাথ ঠাকুর।

সুপ্রসিদ্ধ বারকানাতের ভ্রাতুষ্পুত্র গুণেন্দ্রনাথ ঠাকুরের কনিষ্ঠপুত্র শ্রীযুক্ত অবনীন্দ্রনাথ ঠাকুর অতি অল্প বয়সেই সরল ও সরসভাষায় গ্রন্থাদি লিখিতে আরম্ভ করিয়াছেন। ইনি সংস্কৃত ও বাঙ্গালা সাহিত্যের বিশেষ অনুরাগী। অনেক মাসিক পত্রিকা ইহার প্রবন্ধে অলঙ্কৃত হইয়া থাকে। রাজকাহিনী, শকুন্তলা, ক্ষীরের পতুল, ভারত শিল্প প্রভৃতি কয়েকখানি গ্রন্থ প্রণয়ন করিয়াছেন। বাল্যকাল হইতেই ইহার চিত্রবিদ্যায় অনুরাগ দৃষ্ট হয়। ইনি পুরাণ ও সংস্কৃত কাব্যাদি হইতে বিবিধ বিষয় নির্বাচন করিয়া অনেকগুলি চিত্র অঙ্কিত করিয়াছেন। বহু প্রদর্শনী হইতে পুরস্কার স্বরূপ অনেকগুলি পদক প্রাপ্ত হইয়াছেন। ভারতীয় পদ্ধতি অনুসারে ইহার চিত্রগুলি অঙ্কিত হইয়া থাকে। ইনি ভারত-চিত্রকলার এক নূতন দিক কুটাইয়াছেন; ইনি দেখাইয়াছেন যে, গ্রীক চিত্রকলাই চিত্রশিল্পের এক মাত্র মূল আদর্শ নহে; ভারতে স্বতন্ত্র ভারত চিত্রকলা বর্তমান। কলিকাতা গবর্ণমেন্ট আর্টস্কুলে ইনি এই চিত্রকলা শিক্ষাপ্রণালী প্রবর্তন করিয়াছেন। শিল্পে ইহার আবালা অনুরাগ। প্রথমে ইনি একজন ইংরাজ শিল্পীর নিকট পাশ্চাত্য শিল্পকলা শিক্ষা করেন। অধুনা ইহার শিল্পচিত্র ভারতের উচ্চ আধ্যাত্মিকভাবের আধার। ইনি সমগ্র শিল্প জগতে সুবিখ্যাত। ইহার চিত্রের নিপুণতা ইউরোপ, আমেরিকা, জাপান প্রভৃতি সভ্য জগতের কোন বিজ্ঞ সমাজে অবিদিত নাই। শ্রীযুক্ত নন্দলালবসু, শ্রীযুক্ত সুরেন্দ্রনাথ গঙ্গোপাধ্যায় প্রভৃতি ইহার শিষ্য। মহীশূরাধিপতির সভা-চিত্রকরের পুত্র শ্রীযুক্ত ভেঙ্কাটেপ্পা ইহার একজন শিষ্য। অধুনা ইনি গবর্ণমেন্ট আর্ট স্কুলের সহকারী অধ্যক্ষ। ইহার যত্নে গবর্ণমেন্ট আর্ট স্কুলে প্রাচীন চিত্র, ধাতু ও রজন শিল্পের বহু নিদর্শন সংগৃহীত হইয়াছে। ইনি সংস্কৃত ও পারস্য ভাষায় সুপণ্ডিত। ইহার প্রতিভা

কেবল শিল্পজ্ঞানেই পর্যাবসিত নহে ; সাহিত্যজগতেও ইহার বিশেষ প্রতিষ্ঠা । চিত্র ও সাহিত্য উভয় রত্নে ইহার সিংহাসন রচিত । ভারতী, সাধনা, প্রবাসী প্রভৃতি মাসিক পত্রিকায় ইহার প্রবন্ধাদি প্রকাশিত হইয়া থাকে । ইহার জ্যেষ্ঠ একজন প্রতিভাশালী শিল্পী এ দেশে জন্মগ্রহণ করিয়া বঙ্গজননী ধন্য হইয়াছেন । ১৯১১ খৃঃ ১২ই ডিসেম্বর কলিকাতার টাউনহলে ডেপুটী মেরিফ্‌ মিঃ ফোলি সাহেব বাহাদুর নবীন ভারত সম্রাট পঞ্চম জর্জ মহোদয়ের ঘোষণাবাদী পাঠ করিবার পর অবনীন্দ্রনাথকে একখানি “সার্টিফিকেট অব অনার” প্রদান করেন । ১৯১৩ খৃঃ ৩রা জুন মহামহিমাম্বিত ভারতেশ্বরের জন্মতিথি উপলক্ষে অবনীন্দ্রনাথ “সি আই ই” উপাধি সম্মানে ভূষিত হইয়াছেন । দ্বারকানাথের সময় হইতে অপৰ্য্যন্ত যোড়াসাঁকোর ঠাকুরবংশে এই প্রথম উপাধিবর্ষণ । স্বদেশী ব্যবসায়ের উন্নতিসাধনে ইনি সর্বদা ব্যাপৃত থাকেন । ইনি স্বভাবত তীক্ষ্ণ বুদ্ধি ও সরল প্রকৃতির লোক । ইহার মিষ্ট ভাষা ও শিষ্ট ব্যবহারে সকলেই মুগ্ধ হইয়া থাকেন ।

পাথুরিয়াঘাটা ঘোষবংশ ।

কলিকাতা পাথুরিয়াঘাটার ঘোষবংশের আদি নিবাস বর্দ্ধমান জেলার অন্তর্গত কোন পল্লীগ্রাম । ১৭৫৮ খৃঃ ওয়ারেন হেস্টিংস সাহেব বাহাদুর ইষ্ট ইণ্ডিয়া কোম্পানীর অধীনে মুর্শিদাবাদের অন্তর্গত কাশীমবাজারের কুঠির এজেন্ট নিযুক্ত হন । সেই সময় তিনি ব্যবসায় আরম্ভ করিলে একজন দালাল আবশ্যক হয় । ওয়ারেন হেস্টিংস সাহেব তৎকালে রামলোচন ঘোষ নামক এই বংশের এক ব্যক্তিকে ঐ কক্ষে নিযুক্ত করেন । রামলোচন ঘোষ কাস্তাবাবুর সহিত মিলিত হইয়া কার্য্য করিতে থাকেন । পরে যখন হেস্টিংস সাহেব কলিকাতায় আগমন করেন, সেই সময় রামলোচন কলিকাতায় আসিয়া তাঁহার দালাল নিযুক্ত হন । তৎপরে ১৭৭২ খৃঃ হেস্টিংস সাহেব বঙ্গদেশের গবর্ণর পদে উন্নীত হইলে রামলোচন এবং তাঁহার জ্যেষ্ঠ ভ্রাতা রামপ্রসাদ কোম্পানীর দালাল নিযুক্ত হন । দালালী করিয়া রামলোচন বিপুল অর্থার্জন করেন এবং পরিশেষে কোম্পানীর চাবিরক্ষক ও হেস্টিংস সাহেবের দেওয়ান পদে নিযুক্ত হইয়াছিলেন । তিনি হেস্টিংসের অধীনে দশশালা বন্দোবস্তের সময় কৰ্ম্ম করিয়াও যথেষ্ট সূখ্যাতি ও সম্মান লাভ করিয়াছিলেন ।

রামলোচনের জ্যেষ্ঠভ্রাতা রামপ্রসাদ ঘোষের দুই পুত্র রামনারায়ণ ও জয়নারায়ণ ঘোষ । কনিষ্ঠ জয়নারায়ণের পাঁচ পুত্র—জ্যেষ্ঠ শম্ভুচন্দ্র, মধ্যম পুত্র বালাবস্থাতেই গতাস্থ হন । তৃতীয় হরিশ্চন্দ্র, চতুর্থ কৃষ্ণচন্দ্র এবং পঞ্চমপুত্র কেশবচন্দ্র ঘোষ ।

৩ শম্ভুচন্দ্র ঘোষ ।

জয়নারায়ণেব জ্যেষ্ঠপুত্র শম্ভুচন্দ্র ঘোষ বর্দ্ধমান মহারাজের ষ্টেটের ম্যানেজার ছিলেন। অতঃপর ১৮৩৭ খৃঃ লংভিল্ ক্লার্ক নামক জনৈক ব্যারিষ্টারের চেষ্টায় ও সুপারিশে শম্ভুচন্দ্র একজন ডেপুটী কালেক্টার পদে নিযুক্ত হইয়াছিলেন। তাঁহার চারিপুত্র—তারিনীকুমার, প্রসন্নকুমার, নিমাইচরণ ও নিবারণচন্দ্র ঘোষ। প্রসন্নের পুত্র—সতাকুমার ঘোষ।

৩ তারিনী কুমার ঘোষ ।

শম্ভুচন্দ্রের জ্যেষ্ঠপুত্র তারিনী কুমার ঘোষ বর্দ্ধমান জেলার অন্তর্গত একটি ক্ষুদ্র পল্লীগ্রামে ১৮৪৮ খৃঃ ২৮শে জানুয়ারি জন্মগ্রহণ করেন। তিনি অষ্টাদশ বৎসর বয়ঃক্রম কালে বি-এ পরীক্ষায় উত্তীর্ণ হইয়া ডেপুটী মাজিষ্ট্রেট পদে নিযুক্ত হইয়াছিলেন। কলিকাতা আলিপুরে প্রায় আটবৎসরকাল ব্যাপিয়া তিনি গবর্ণমেণ্টের পক্ষ হইতে কলিকাতা মিউনিসিপালিটির এবং ইষ্টার্ন বেঙ্গল ষ্টেট রেলওয়ের জন্য ভূমি ক্রয় কার্যে ব্রতী ছিলেন। এই কার্যে তৎকালীন ছোটলাট বাহাদুর তাঁহাকে যথেষ্ট সুখ্যাতি ও সম্মান প্রদর্শন করিয়াছিলেন। ক্রমে তিনি বঙ্গদেশের ইন্স্পেক্টার জেনারেল অব রেজিষ্ট্রেশনের পদে অভিষিক্ত হইয়া সুখ্যাতি ও প্রতিষ্ঠা লাভ করেন। তিনি অধীনস্থ কর্মচারীর উপকারক, বন্ধু-বান্ধবের পরামর্শদাতা ও গবর্ণমেণ্টের সুদক্ষ কর্মচারী ছিলেন। তিনি উক্তপদ লাভ করিয়া রেজিষ্ট্রেশন্ বিভাগ নূতন ভাবে সংগঠিত করেন। কর্মজীবনে তাঁহার গুণপনায় দেশবাসী ও আফিসের কর্মচারীবৃন্দ সকলেই মুগ্ধ হইয়াছিল। বঙ্গেশ্বর স্বর্গীয় শ্রার জন্ উদ্ভবন্ সাহেব বাহাদুর ইহার গুণে বিশেষ মুগ্ধ ছিলেন; তাঁহার শাসনকালে তারিনীকুমার বঙ্গীয়

ব্যবস্থাপক সভার সভ্য পদে মনোনীত হন, তৎপরে অস্থায়ী ছোটলাট, বোর্ডিলনের সময়ে পুনরায় ব্যবস্থাপক সভার সদস্য পদে নিযুক্ত হইয়াছিলেন। তাঁহার ইংরাজী লিখিবার একরূপ ক্ষমতা ছিল যে, 'ছোটলাট হইতে প্রত্যেক সেক্রেটারী সকলেই তাঁহার লিপিপটুতায় মুগ্ধ হইতেন। পঁয়ত্রিশ বৎসরকাল গবর্ণমেন্টের কৰ্ম্ম করিয়া কার্য্য দক্ষতার পারিতোষিকস্বরূপ তিনি বিশিষ্ট বৃত্তি উপভোগ করেন। কৰ্ম্ম হইতে অবসর গ্রহণাবধি তাঁহার স্বাস্থ্য ভঙ্গ হইয়াছিল। তজ্জন্য তিনি মিউনিসিপালিটির কমিশনার পদ এবং শিয়ালদহ আদালতের অবৈতনিক মাজিস্ট্রেটের কার্য্য হইতে অবসর গ্রহণ করেন। তাঁহার বহুমূত্রের পীড়া হইয়াছিল। অতঃপর ১৯১০ খৃঃ ৫ই জুলাই বঙ্গদেশের রেজেষ্টারী বিভাগের ইন্স্পেক্টর জেনারেল্ তারিনী কুমার ঘোষ মহাশয় জর বিকারে জীবনলীলা সম্বরণ করিয়াছেন। তিনি গৃহ্যকালে চারিটা পুত্রসন্তান রাখিয়া গিয়াছেন।

তারিনীকুমারের মৃত্যুর পর তদীয় মধ্যম পুত্র বঙ্গদেশে ডেপুটি মাজিস্ট্রেট পদে নিযুক্ত হইয়াছেন।

তারিনীকুমারের তৃতীয় পুত্র শ্রীযুক্ত শরৎকুমার ঘোষ মহাশয় সিভিল সার্কিস পরীক্ষায় উত্তীর্ণ হইয়া বঙ্গদেশের বিভাগীয় জজ পদে সমাসীন।

জয়নারায়ণের চতুর্থ পুত্র কৃষ্ণচন্দ্র ঘোষের তিন পুত্র ; তন্মধ্যে কনিষ্ঠ পুত্র বনানাঁথ ঘোষকে তদায় জ্যাতী ভ্রাতা খেলাত চন্দ্র ঘোষ মহাশয় পোষ্য পুত্র গ্রহণ করিয়াছিলেন।

ওয়ারেন্ হেস্টিংস সাহেব বাহাদুরের অনুগ্রহে রানলোচনের তিনপুত্র—শিবনারায়ণ, দেবনারায়ণ ও আনন্দনারায়ণ—কলিকাতার সুপ্রসিদ্ধ জমিদার বলিয়া প্রখ্যাত হইয়াছিলেন।

রানলোচনের জ্যেষ্ঠপুত্র শিবনারায়ণের তিন পুত্র—কালীপ্রসন্ন, দুর্গাপ্রসন্ন ও গুরুপ্রসন্ন ঘোষ।

৩ কালীপ্রসন্ন ঘোষ ।

শিবনারায়ণের জ্যেষ্ঠপুত্র কালীপ্রসন্ন ঘোষ মহোদয় ইংরাজী ভাষায় ও সংস্কৃতশাস্ত্রে বিশেষ ব্যুৎপন্ন ছিলেন ; অধিকন্তু পারস্যী ভাষাও শিক্ষা করেন । তাঁহার একটি বৃহৎ লাইব্রেরী ছিল । সেই বিস্তৃত পুস্তকাগারে ও বিজ্ঞান চর্চার গৃহে সুপ্রসিদ্ধ অধ্যাপক ফাদার লাকোঁ, রামচন্দ্র দত্ত, রেভারেণ্ড কালীচরণ বন্দোপাধ্যায় প্রভৃতির সর্বদা গতিবিধি ছিল । ১৯০৯ খৃঃ ডিসেম্বর মাসে দম্মাহাটার ভীষণ অগ্নিবিপ্লবে ঐ লাইব্রেরী ভস্মীভূত হইয়া যায় ; তন্মধ্যে যে কয়েক খানি পুস্তক পাওয়া গিয়াছিল ; কালীপ্রসন্নের পুত্রগণ উহা জাতীয় বিদ্যামন্দিরে দান করিয়াছেন । তিনি একজন নিষ্ঠাবান, হিন্দু ছিলেন ; শাস্ত্রজ্ঞ ব্রাহ্মণ পণ্ডিতগণকে যথেষ্ট আনুকূল্য করিতেন । তিনি আগরণ নানারূপ সদাশুষ্ঠানের উৎসাহ দাতা ছিলেন । নানাপ্রকার সাধারণ হিতকর কার্যের সহিত তাঁহার সংশ্রব ছিল । সাধারণের হিতকর বিষয়ে তিনি বিশেষ মনোযোগী ছিলেন । তিনি সঙ্গীত বিদ্যায় পারদর্শী ছিলেন এবং সঙ্গীতজ্ঞকে উৎসাহ দান করিতেন । তিনি একজন সম্ভ্রান্ত ও কৃতবিদ্য ব্যক্তি ছিলেন । নানা বিষয়ে স্বীয় প্রতিভা প্রদর্শন পূর্বক সমাজে গণ্য হইয়া বংশের মান অক্ষুণ্ণ রাখিয়াছিলেন । তিনি নিজ ক্ষমতার বহু অর্থোপার্জন এবং অনেক ভূসম্পত্তি করেন । ১৯০৮ খৃঃ ৩রা মাচ্চ কালীপ্রসন্ন ঘোষ ৫৯ বৎসর বয়ঃক্রম কালে গঙ্গালাভ করিয়াছেন । তাঁহার মৃত্যুতে কলিকাতার কায়স্থ সমাজের বিশেষ ক্ষতি হইয়াছে । মানভূম জেলায় তাঁহার কিঞ্চিৎ ভূসম্পত্তি আছে । পুকলিয়ার সাহেববাঁধ নামক বৃহৎ সরোবরের তীরে তদীয় পুত্রগণ একটি সুরমা বাটী ও উদ্যান নির্মাণ করিয়াছেন এবং মধ্যে মধ্যে তথায় গিয়া অবস্থান করিয়া থাকেন । কালীপ্রসন্ন মৃত্যুকালে ছয়টি পুত্র রাখিয়া গিয়াছেন । নরেন্দ্রকৃষ্ণ, সুরেন্দ্রকৃষ্ণ, সতীন্দ্রকৃষ্ণ, রাজেন্দ্রকৃষ্ণ,

জ্ঞানেন্দ্রকৃষ্ণ ও অমরেন্দ্রকৃষ্ণ ঘোষ । ইঁহারা সকলেই জীবিত
আছেন ।

৬ দুর্গাপ্রসন্ন ঘোষ ।

শিবনারায়ণের মধ্যম পুত্র দুর্গাপ্রসন্ন ঘোষ মহাশয়ের দুই পুত্র অক্ষয়
কুমার ও দ্বিজেন্দ্র কুমার ঘোষ । অক্ষয় কুমার ঘোষ অকালে মৃত্যুমুখে
পতিত হইয়াছেন । তাঁহার বিধবা পত্নী শ্রীমতী চারুশীলা দাসী একটি
পোষ্যপুত্র গ্রহণ করিয়াছেন । কনিষ্ঠ দ্বিজেন্দ্র কুমারের মৃত্যুর পর তদীয়
বিধবা পত্নী মাসিক দ্বাদশ শত টাকা বৃত্তি গ্রহণপূর্বক তাঁহার সম্পত্তি
দুর্গাপ্রসন্নকে দান করেন । তিনি এখনও জীবিত আছেন ।

৭ গুরুপ্রসন্ন ঘোষ ।

শিবনারায়ণের কনিষ্ঠ পুত্র গুরুপ্রসন্ন ঘোষ মহাশয় বাগবাজারে একটি
অতিথিশালা প্রতিষ্ঠিত করেন । অদ্যাপি তথায় বহু দীনদরিদ্র প্রতি-
পালন হইতেছে । তিনি মৃত্যুকালে তাঁহার বিষয় সম্পত্তি কলিকাতা
বিশ্ববিদ্যালয়ের হস্তে দান করিয়া গিয়াছেন । ঐ টাকার সুদ হইতে
প্রতিবৎসর বিশ্ববিদ্যালয় “গুরুপ্রসন্ন বৃত্তি” প্রদান করিয়া থাকেন ।
তিনি একটি মাত্র কন্যা রাখিয়া যান । বাগবাজার নিবাসী স্বর্গীয়
নন্দলাল বসু মহাশয়ের মধ্যম পুত্র শ্রীবৃদ্ধ বিপিন বিহারী বসুর সহিত
তাঁহার বিবাহ হইয়াছে ।

৬ খেলাতচন্দ্র ঘোষ।

রামলেন্চনের মধ্যমপুত্র দেবনারায়ণের পুত্র খেলাতচন্দ্র ঘোষ মহোদয় দয়া দাক্ষিণ্য ও দান ধর্মের জন্য বিখ্যাত ছিলেন। তিনি উদার হৃদয় ও লোকবৎসল পুরুষ ছিলেন। তিনি নীরবে দেশের ও দশের সেবা করিতেন। তাঁহার অর্থাল্লুকুল্যে অনেক সদনুষ্ঠান সুসম্পন্ন হইয়াছে। তিনি দাতা, বিনয়ী ও মধুরভাসী ছিলেন। কয়েক বৎসর হইল তিনি পৃথিবীর রঙ্গভূমি হইতে অপসৃত হইয়াছেন। তাঁহার মৃত্যুতে কলিকাতার জনসমাজ বিশেষ ক্ষতিগ্রস্ত হইয়াছেন। তিনি তদীয় জ্ঞাতি ভ্রাতা কৃষ্ণচন্দ্রের কনিষ্ঠ পুত্র রমানাথ ঘোষকে পোষাপুত্র গ্রহণ করিয়াছিলেন।

৭ রমানাথ ঘোষ।

সুপ্রসিদ্ধ রমানাথ ঘোষ ১৮৬৬ খৃঃ কলিকাতা পাথুরিয়াবাটা প্রাসাদে ভূমিষ্ট হন। তিনি কলিকাতার হিন্দুশুলে অধ্যয়ন করেন। অতি অল্প বয়সে দত্তক পিতা খেলাত চন্দ্র ঘোষ মহাশয়ের মৃত্যু হওয়ায় তিনি প্রভূত বিয়ম সম্পত্তি প্রাপ্ত হন। তিনি একজন নিষ্ঠাবান হিন্দু ছিলেন। ক্ষত্রীয়সমাজ পুনর্জীবিত করিবার জন্য বিশেষ চেষ্টিত থাকেন। তিনি শিক্ষা বিষয়ে আন্তরিক যত্ন প্রকাশ করিতেন। কলিকাতার অধিকাংশ শিক্ষাসমিতির সহিত তাঁহার সংস্রব ছিল এবং তাহাদের উন্নতি কল্পে বহু অর্থ দান করেন। সংস্কৃত ভাষায় বিশেষ অনুরাগ থাকায় তিনি কয়েকটি চতুষ্পাঠী পোষণ করিতেন। সংস্কৃত হস্তলিপি সমূহেব পুনরুদ্ধার করিবার জন্য তিনি বহু অর্থ ব্যয় করিতেন। কলিকাতায় “খেলাতচন্দ্র ইন্সটিটিউশন্” নামে একটি ইংরাজী বিদ্যালয় স্থাপন করিয়া

গিয়াছেন। প্রতিবৎসর বহুছাত্র এই বিদ্যালয় হইতে ম্যাট্রিকুলেশন পরীক্ষায় উত্তীর্ণ হইয়া থাকে। ধর্ম এবং সমাজের বর্তমান নীতি সম্বন্ধে নির্ধারণ করিবার জন্য ১৮৯৪ খৃঃ তিনি পণ্ডিতমণ্ডলীর এক সভা প্রতিষ্ঠা করেন; এই সভা হইতেই বঙ্গদেশীয় কায়স্থ সভার সূত্রপাত হইয়াছে। বঙ্গদেশে সামাজিক সংস্কারের জন্য তাঁহার আন্তরিক চেষ্টা, বঙ্গবাসীর নিকট বিশেষ পরিচিত। শিক্ষাবিস্তারে তাঁহার অনুরাগ দেখিয়া গবর্ণমেন্ট তাঁহার গুণের সমাদর করিয়া ১৮৯৭ খৃঃ একখানি প্রশংসাপত্র প্রদান করেন। ১৮৯৭ খৃঃ ভীষণ দুর্ভিক্ষের সময় ভূতপূর্ব রাজপ্রতিনিধি লর্ড এলগিন্ বাহাদুরের পরামর্শে কলিকাতায় একটি সভা হয়; দুর্ভিক্ষ প্রপিড়িত ব্যক্তিগণের সাহায্যার্থে একটি ভাণ্ডার প্রতিষ্ঠার জন্য রমানাথ প্রথম পাঁচ সহস্র মুদ্রা প্রদান পূর্বক সূত্রপাত করেন। এই সময়ে তিনি কলিকাতার মিউনিসিপাল কমিশনার থাকিয়া বড়বাজারের প্রত্যেক প্লেগরোগীর গৃহে বঙ্গেশ্বর স্যার জন্ উডবরন্ সাহেব বাহাদুরের সহিত গিয়া তাহাদের গুশ্চর্য্যার বন্দোবস্ত করিয়া দিয়াছিলেন। তিনি লেডি ডক্‌রিণ্ ফণ্ডেও প্রভূত অর্থ সাহায্য করেন। কুষ্ঠাশ্রমের রোগীদিগের সেবার জন্য আড়াই সহস্র টাকা দান করেন; অধিকন্তু প্রতিমাসেও যথেষ্ট সাহায্য করিতেন। তিনি ব্রিটিশ ইণ্ডিয়ান এসোসিয়েশন্ নামক জমিদার সভার একজন অন্যতম সভ্য এবং পরিশেষে সহকারী সভাপতি পদে বরীত হইয়াছিলেন। তিনি কোন বিষয়ে পক্ষপাত করিতেন না এবং নির্ভীক চিত্তে রাজনীতি সম্বন্ধে গবর্ণমেন্টকে অভিমত প্রকাশ করিতেন। সাধারণ হিতকর কার্য্যে যোগদান তাঁহার জীবনের কর্তব্য বলিয়া মনে করিতেন। তিনি কলিকাতার অবৈতনিক মাজিষ্ট্রেট্ এবং মিউনিসিপাল কমিশনার পদে দুইবার অধিষ্ঠিত হইয়াছিলেন। তিনি বঙ্গদেশের হিন্দুসমাজের একজন প্রধান সভ্য ছিলেন এবং এই সম্প্রদায়ের জন্য অক্লান্ত পরিশ্রম করিতেন! হিন্দুসমাজের সংস্কার

এবং বিবাহের ব্যয় হ্রাস জন্য আন্দোলন কালে ১৮৯৭ খৃঃ কলিকাতা হাইকোর্টের তৎকালীন অস্থায়ী প্রধান বিচারপতি স্যার রমেশচন্দ্র মিত্র মহোদয়ের সাহায্য প্রাপ্ত হইয়াছিলেন। তিনি ভিক্টোরীয়া স্মৃতিসৌধ ভাঙারে দুইহাজার সাতশত টাকা দান করেন। প্লেগের সময় তাঁহার অবিশ্রান্ত পরিশ্রম ও সুবন্দোবস্ত দেখিয়া বঙ্গেশ্বর উড্‌বরন্ সাহেব ধন্যবাদ প্রকাশ করেন; তৎপরে ভারতগবর্ণমেন্ট ১৯০০ খৃঃ “কৈশর-ই-হিন্দু” নামক মেডেল্ পুরস্কার প্রদান করেন। রমানাথ উদারচরিত ও দাতা পুরুষ ছিলেন। প্রায় প্রত্যহ প্রাতঃকালে বহু অতিথি সৎকার করিতেন। গবর্ণমেন্টের নিকট তিনি বিশেষ সমাদৃত হইতেন। বঙ্গেশ্বর স্যার আলেক্‌জাণ্ডার মেকেঞ্জি এবং স্যার জন্ উড্‌বরন্ উভয়ে তাঁহার পাথুরিয়া-ঘাটার প্রাসাদে নিমন্ত্রিত হইয়া আগমন করেন। ১৯০৩ খৃঃ ১লা জানুয়ারি দিল্লীর অভিষেক দরবারে যোগদান করিবার জন্য তিনি গবর্ণমেন্ট কর্তৃক নিমন্ত্রিত হন এবং তৎকালে “করোনেশন্ দরবার” মেডেল্ ও গুনরায় একখানি প্রশংসাপত্র প্রাপ্ত হইয়াছিলেন। রমানাথের জ্যেষ্ঠ পুত্র কলিকাতার ইডেন্ গার্ডেনের নিকট ঘোটক হইতে পতিত হইয়া অকালে গতাস্থ হওয়ায় শোকসন্তপ্ত হৃদয়ে তাঁহার স্বাস্থ্য ভঙ্গ হইয়া যায়। তৎপরে তিনি বায়ু পরিবর্তন জন্য ৬ পুরুষোত্তমধাম গিয়া প্রায় তিনমাস কাল অবস্থিতি করেন। অনন্তর তথাহইতে কলিকাতায় প্রত্যাগমন করিবার কিয়দ্দিবস পরে, পক্ষাঘাত রোগাক্রান্ত হইয়া প্রায় সাতমাস কাল কষ্ট-ভোগ করিয়া ১৯০৪ খৃঃ ২৬শে জুলাই রমানাথ ঘোষ মহোদয় ইহলোক হইতে মহাপ্রস্থান করিয়াছেন। তিনি মৃত্যুকালে দুইটী নাবালক পুত্র রাখিয়া যান। শ্রীমান্ সিদ্ধেশ্বর ঘোষ ও শ্রীমান্ অক্ষয় কুমার ঘোষ বর্তমান।

৩ আনন্দনারায়ণ ঘোষ ।

রামলোচনের কনিষ্ঠ পুত্র আনন্দনারায়ণ ঘোষের তিন পুত্র—গিরীন্দ্রনাথ, নগেন্দ্রনাথ ও মনীন্দ্রনাথ ঘোষ ।

জ্যেষ্ঠপুত্র গিরীন্দ্রনাথের পুত্রসন্তান না হওয়ায় হেরস্বচন্দ্র ঘোষকে পোষ্যপুত্র গ্রহণ করেন । হেরস্বচন্দ্র অপুত্রক হইলে মৃত্যুকালে বিষয় সম্পত্তি তদীয় ভাগিনেয়কে দান করিয়া যান ।

আনন্দনারায়ণের কনিষ্ঠপুত্র মনীন্দ্রচন্দ্র ঘোষ মহাশয়ের দুইপুত্র—ত্রৈলোক্যনাথ ও অমরনাথ ঘোষ । জ্যেষ্ঠ ত্রৈলোক্যনাথের পুত্র শ্রীকৃষ্ণ ভূপেন্দ্রনাথ ঘোষ । কনিষ্ঠ অমরনাথের বিধবা পত্নী বিদ্যামুনি ।



শোভাবাজার দেববংশ ।

কলিকাতা শোভাবাজার দেববংশ মৌলিক কায়স্থ । ইহাদের আদি নিবাস নদীয়া জেলার অন্তর্গত মুড়াগাছা গ্রাম । এই বংশের জনৈক পূর্বপুরুষ শ্রীহরি দেব মুর্শিদাবাদের সন্নিকটে কর্ণস্বর্ণ অর্থাৎ কাণসোণা গ্রামে বসতি করিতেন ।

শ্রীহরি দেবের অতি বুদ্ধ প্রপৌত্র পীতাম্বর খাঁ একজন প্রসিদ্ধ ব্যক্তি ছিলেন ; তিনি কোন সময়ে সমস্ত ঘটক এবং কুলীনদিগকে নিমন্ত্রণ করেন, এবং নিমন্ত্রিত ব্যক্তিদিগের গমনাগমনের সুবিধার্থে একটি ক্ষুদ্র নদীর অংশবিশেষ ধাত্তদ্বারা পূর্ণ করিয়া সেতু স্বরূপ করিয়া দিয়াছিলেন ; এজন্য লোকে তাঁহাকে “ধাত্ত পীতাম্বর” বলিত । পীতাম্বর বঙ্গদেশের তাৎকালিক নবাবের নিকট হইতে “খাঁ বাহাদুর” উপাধি প্রাপ্ত হন ।

তাঁহার পুত্র ঋক্মণীকান্ত দেব মুর্শিদাবাদের তদানীন্তন নবাবের সমীপে কন্মের প্রার্থী হইলে, তিনি ঋক্মণীকান্তকে “ব্যবহর্ত্তা” উপাধি দিয়া পরগণা মুড়াগাছার অপ্রাপ্ত ব্যবহার জমীদার কেশবরাম রায় চৌধুরীর সম্পত্তির তত্ত্বাবধারকের পদে নিযুক্ত করেন । এই সময় হইতে ঋক্মণীকান্তের বংশ ব্যবহর্ত্তা নামে পরিচিত হয় এবং তিনি উক্ত পরগণার পঞ্চগ্রাম নামক গ্রামে বসতি করেন ।

ঋক্মণীকান্তের পরলোক গমনের পর তাঁহার জ্যেষ্ঠ পুত্র রামেশ্বর ব্যবহর্ত্তা তাঁহার পদে নিযুক্ত হন ; কিন্তু তাঁহার কর্তৃত্ব সময়ে নবাব সরকারের প্রাপ্য রাজস্ব অনেক বৃদ্ধি হওয়ায়, কেশবরাম তাঁহার প্রতি অত্যন্ত ক্রুদ্ধ হন এবং বয়ঃপ্রাপ্ত হইয়া তাঁহাকে নিজালয়ে কারারুদ্ধ করিয়া রাখেন ।

৮রামচরণ দেব ।

রামেশ্বরের দুইটি পুত্র জন্মিয়াছিল, তন্মধ্যে দ্বিতীয় রামচরণ দেব মুর্শিদাবাদে গমন করিয়া রাজস্ব বিভাগের মন্ত্রীর সহিত পরিচিত হন এবং মুড়াগাছা পরগণার রাজস্ব আরও বৃদ্ধি করিয়া বার্ষিক পঞ্চাশ সহস্র টাকা রাজ সরকারে প্রদান করিতে প্রতিশ্রুত হওয়ায়, তিনি উক্ত পরগণার কনিসনারের পদে নিযুক্ত হন। এই পদে অভিষিক্ত হইবার পর তিনি স্বীয় পিতাকে কারামুক্ত করিয়া কেশবরামকে কারারুদ্ধ করিয়া বৈর-নির্যাতন করেন। অতঃপর রামচরণ মুড়াগাছা পরিত্যাগ করিয়া গোবিন্দপুর গ্রামে বাস করেন। বর্তমান ফোর্ট উইলিয়ম্ নামক ভূগের ভূমি এবং তরিকটবর্তী স্থান পূর্বে গোবিন্দপুর নামে আখ্যাত ছিল। নবগৃহে পরিজনদিগকে রাখিয়া রামচরণ পুনর্বার নবাবের সমীপে উপনীত হইলে, তিনি তাঁহাকে হিজলী, তমলুক, মহিষাদল প্রভৃতি স্থানের নিমকের এজেন্ট ও কালেক্টারের পদে নিযুক্ত করেন। এই কার্য্য সূচাক্রমে সম্পাদন করিলে, নবাব তাঁহার প্রতি বিশেষরূপে সন্তুষ্ট হইয়া তাঁহাকে একটি অধিকতর সম্মানের পদ প্রদান করেন। রামচরণ পরলোক গমন করিলে পর বিভাভাব প্রযুক্ত তাঁহার বিধবা পত্নী, তিনটি পুত্র রামসুন্দর, মাণিকচন্দ্র, নবকৃষ্ণ এবং পাঁচটি শৈশবা কন্যা লইয়া কষ্টে কালাতিপাত করেন। তাঁহার স্বামী কর্তৃক নিশ্চিত গোবিন্দপুরের বাটী ভাগিরথীর গর্ভস্থ হইলে তিনি স্ত্রীহত্যার অন্তর্গত শোভাবাজারে আসিয়া বাস করেন।

৯রামসুন্দর দেব ।

রামচরণের জ্যেষ্ঠ পুত্র রামসুন্দর দেব বয়ঃপ্রাপ্ত হইবার পর, পঞ্চাশটি এবং অষ্টাশ্র স্থানের দেওয়ান হইয়া পরিবারবর্গের ভরণপোষণ করেন।

সেই সময় হইতে এই পরিবারের সৌভাগ্যবি উদয় হইবার উপক্রম হইয়াছিল। দেওয়ান রামচরণ দেব তৎকালে একজন সম্ভ্রান্ত ও কৃতবিদ্য ব্যক্তি ছিলেন। তাঁহার চারি পুত্র; তন্মধ্যে তৃতীয় পুত্র গোপীমোহনকে তদীয় কনিষ্ঠ ভ্রাতা নবকৃষ্ণ দেব দত্তকরূপে গ্রহণ করেন।

৬গোপীমোহন দেব।

রাজা গোপীমোহন দেব বাহাদুর সংস্কৃত ও পারস্য ভাষায় সুপণ্ডিত ছিলেন। তিনি ভূগোল, জ্যোতিষ ও সঙ্গীত বিদ্যার বিশেষ অনুরাগী ছিলেন। ১৮৩৩ খৃঃ ভারতের ভূতপূর্ব গবর্ণর জেনারেল লর্ড উইলিয়ম্ বেণ্টিঙ্ক বাহাদুর কর্তৃক গোপীমোহন “রাজা বাহাদুর” উপাধি সম্মানে ভূষিত হইয়াছিলেন। ১৮৩৬ খৃঃ ১৭ই মার্চ ৭৩ বৎসর বয়সে রাজা গোপীমোহন দেব বাহাদুর অনন্তধামে গমন করেন। মৃত্যুকালে তিনি রাধাকান্ত দেব নামে একটিমাত্র পুত্ররত্ন রাখিয়া যান।

৭রাধাকান্ত দেব।

গোপীমোহনের পুত্র হিন্দুসমাজ চূড়ামণি রাজা শ্রীর রাধাকান্ত দেব বাহাদুর ১৭৮৪ খৃঃ ১১ই মার্চ শোভাবাজার রাজপ্রাসাদে জন্মিষ্ট হন। তিনি শৈশবকালে বাটীতে পণ্ডিতের নিকট সংস্কৃত ভাষা শিক্ষা করেন; তন্নিম্ন পারস্য ও আরবী ভাষাও শিক্ষা করিয়াছিলেন। তৎপরে কলিকাতা একাডেমি স্কুলে ইংরাজী শিক্ষা প্রাপ্ত হন। তিনি অতি অল্প বয়সেই ইংরাজী, সংস্কৃত, আরবী ও পার্শীভাষায় সম্যক ব্যুৎপত্তি লাভ করেন। এই মহাত্মা নানা বিদ্যায় বিভূষিত হইয়াও একজন আদর্শ

হিন্দু ছিলেন। হিন্দুধর্মে তাঁহার দৃঢ় বিশ্বাস ছিল এবং এই ধর্মের আলোচনা করিতে ভাল বাসিতেন। সকল বিষয়েই তিনি তৎকালীন হিন্দুসমাজের অগ্রণী ছিলেন। রাজা রামমোহন রায়ের ধর্ম্মান্দোলন উপস্থিত হইলে, কলিকাতার ব্রাহ্মণ পণ্ডিতগণ রাধাকান্তকেই তাঁহাদের প্রতিপালক এবং সনাতন হিন্দুধর্ম্মের রক্ষকরূপে আশ্রয় করেন। তিনিও সেইকার্য্যে আত্মনিয়োগ করিয়াছিলেন। এতদ্ব্যতীত দেশহিতকর বিবিধ প্রকার সদনুষ্ঠানের সহিত তাঁহার সংশ্রব ছিল। ১৮২২ খৃঃ বিশ্ববিখ্যাত “শব্দ কল্পদ্রুম” নামক বিরাট গ্রন্থ প্রকাশিত করিয়া তিনি চিরস্মরণীয় হইয়াছেন। “শব্দ কল্পদ্রুমের” কার্য্য সাধনে বহু পরিশ্রম এবং চত্বারিংশৎ বর্ষাধিক সময় ও প্রভূত অর্থব্যয় করিয়া অক্লিধান প্রকাশিত হইয়া বিনামূল্যে বিতরণ করেন। তাহার জন্ম একটি স্বতন্ত্র মুদ্রাযন্ত্র স্থাপিত ও অক্ষর প্রস্তুত করাইয়াছিলেন। এই কার্য্যে তিনি অবিনশ্বর যশঃগৌরব লাভ করেন। ইউরোপীয় বিদ্বৎসমাজ হইতে স্ব স্ব সভার অবৈতনিক সদস্যরূপে গ্রহণ করিয়া তাঁহাকে নিয়োগপত্র প্রেরণ করিয়া ছিলেন। রুসিয়ার সম্রাট ও ডেনমার্কের রাজা তাঁহাকে একটি সুন্দর কারুকার্য্য সমন্বিত হীরকমণ্ডিত স্বর্ণপদক প্রেরণ করেন; ভারতেশ্বরী মহারানী ভিক্টোরিয়া তাঁহাকে “কে-সি-আই-ই” উপাধি প্রদান করেন এবং উপহারস্বরূপ একটি সুবর্ণ পদক প্রেরণ করিয়াছিলেন। তিনি ইউরোপের পণ্ডিতমণ্ডলী হইতে “ডিপ্লোমা” প্রাপ্ত হইয়াছিলেন। ১৮২৮ খৃঃ ১৭ই মে “রয়েল এসিয়াটিক সোসাইটি অব্ গ্রেট ব্রিটেন এণ্ড আয়ার্লণ্ড”; ১৮৩৫ খৃঃ ২৫শে মার্চ “এসিয়াটিক সোসাইটি অব্ প্যারিস”; ১৮৪৯ খৃঃ ২৯শে জানুয়ারী “রয়েল্ সোসাইটি অব্ নর্দান্ এণ্টিকোয়েরিস্ অব্ কোপেনহেগেন্”; ১৮৫৩ খ্রীঃ ১লা মার্চ “জার্মান ওরিয়েণ্টেল্ সোসাইটি”; ১৮৫৩ খ্রীঃ মে মাসে “আমেরিকেন্ ওরিয়েণ্টেল সোসাইটি অব্ বোস্টন”; ১৮৫৪ খ্রীঃ “ইন্স্টিটিউশন্ অব্ সায়েন্স্ অব্ সেন্টপিটার্সবার্গ”; ১৮৫৪ খ্রীঃ “ইন্স্টিটিউশন্ অব্ সায়েন্স্ অব্ সেন্টপিটার্সবার্গ”;

১৮৫৮ খৃঃ ২৭শে এপ্রেল “রয়েল একাডেমি অব সায়েন্স্ অব বার্লিন” প্রভৃতির সমিতি হইতে ডিপ্লোমা প্রাপ্ত হইয়াছিলেন। ১৮২৯ খ্রীঃ যখন সতীদাহ নিবারণ কল্পে মহাত্মা রাজা রামমোহন রায় এবং প্রিন্স্ দ্বারকানাথ ঠাকুর প্রভৃতি চেষ্টা করেন, তখন রাধাকান্ত দেব ধর্মসভার অধ্যক্ষ হইয়া অনেক প্রতিবাদ করিয়াছিলেন। ১৮৩০ খৃঃ তাঁহার বয়ে “সনাতন ধর্মরক্ষিণী” সভা সংস্থাপিত হইয়াছিল। ১৮৩৫ খ্রীঃ কলিকাতার “জুটিস্ অব দি পিস্” এবং প্রেসিডেন্সী মাজিস্ট্রেট মনোনীত হন। ১৮৩৭ খৃঃ ১০ই জুলাই তিনি “রাজা বাহাদুর” উপাধি সম্মানে ভূষিত হইয়াছিলেন। ১৮৫১ খ্রীঃ প্রেসন্নকুমার ঠাকুর, রমানাথ ঠাকুর এবং রাধাকান্ত দেবের বয়ে ব্রিটিস্ ইণ্ডিয়ান এসোসিয়েসন্ স্থাপিত হইলে তিনি প্রথম হইতে আজীবন ইহার সভাপতি পদে নিযুক্ত থাকেন। তাঁহারই পরামর্শে হিন্দুগণ কলিকাতার মেডিকেল কলেজে পুত্রগণকে শিক্ষা করিতে দিয়াছিলেন। তৎপূর্বে সকলের মনে বিশ্বাস ছিল যে, পুত্রগণ খ্রীষ্টানী পুস্তক অধ্যয়ন করিয়া খ্রীষ্টান হইয়া বাইবে। রাজাবাহাদুর স্কলবক সোসাইটী সভার সম্পাদক ছিলেন। তিনি ইংরাজী পুস্তকের অনুকরণে বাঙ্গালা “বর্ণপরিচয়” ও “নীতি কথা” নামে ক্ষুদ্র পুস্তিকা প্রণয়ন করেন ; তত্ত্বিন্ন আরও কয়েকখানি বাঙ্গালা পুস্তক প্রকাশ করিয়াছিলেন। তিনি তদানীন্তন হিন্দু কলেজের অগ্রতম প্রতিষ্ঠাতা ; প্রায় চৌত্রিশ বৎসরকাল উক্ত বিদ্যালয়ের পরিচালন সমিতির একজন সভ্য ছিলেন। তিনি কলিকাতা গবর্ণমেন্ট সংস্কৃত কলেজের পরিদর্শক এবং কয়েক বৎসর ইহার অবৈতনিক সম্পাদক ছিলেন। কৃষি ও উদ্যান কার্যের উন্নতি করিবার জন্ত যে রাজকীয় “কৃষি উদ্যান সমিতি” আছে, তিনি ইহার সভাপতি ছিলেন এবং কয়েকখানি পত্রিকায় কৃষি বিষয়ক প্রবন্ধ প্রচার করেন। উদ্যান তত্ত্ব ঘটত একখানি পারসী গ্রন্থের ইংরাজী অনুবাদ প্রস্তুত করিয়াছিলেন। তিনি দ্বী শিকার জন্ত যথেষ্ট উৎসাহ প্রদান

করিতেন এবং স্ত্রী শিক্ষার উন্নতিকল্পে স্বয়ং “স্ত্রীশিক্ষা বিষয়ক” নামে একখানি গ্রন্থ প্রণয়ন করিয়া স্কুলবুক সোসাইটীর হস্তে অর্পণ করিয়াছিলেন। প্রতি বৎসর স্বীয় ভবনে নবপ্রতিষ্ঠিত বিদ্যালয়সমূহের ছাত্র-বৃন্দকে সমবেত করিয়া পার্শ্ববর্তী বৃত্তিক বিতরণ করিতেন। সঙ্গীতে তাঁহার বিলক্ষণ অনুরাগী ছিল এবং তাঁহার যত্নে হাফ্ আখড়াই সৃষ্টি হয়। তিনি প্রাচ্য ও প্রতীচ্য ভাষায় সুপণ্ডিত ছিলেন। ১৮৬০ খ্রীঃ কলিকাতাবাসীগণ জাতিধর্ম নির্বিশেষে রাজাবাহাদুরের পাণ্ডিত্যের এবং তাঁহাদের ভক্তি সম্মানের নিদর্শনরূপে রাধাকান্তকে একখানি অভিনন্দন পত্র প্রদান করেন; অধিকন্তু সংগৃহীত অর্থদ্বারা তাঁহার একখানি তৈলচিত্র প্রস্তুত করাইয়াছিলেন। সেই চিত্রখানি এসিয়াটিক সোসাইটীর একটি প্রকোষ্ঠে বিদ্যমান আছে। ১৮৬৪ খ্রীঃ ধর্মসাধন মানসে কলিকাতা পরিত্যাগপূর্বক ৩ বৃন্দাবনধামে গিয়া বাস করেন। ১৮৬৬ খ্রীঃ মহারানী ভিক্টোরীয়ার নিকট হইতে তাঁহার গুণের পুরস্কার স্বরূপ “কে সি এস্ আই” উপাধি সম্মান লাভ করেন। এই উচ্চতর রাজ সম্মান বাঙ্গালীর মধ্যে তিনিই প্রথম প্রাপ্ত হন। উক্ত বৎসর ১৬ই নবেম্বর আগ্রা সহরে এক বৃহৎ দরবার করিয়া তৎকালীন রাজপ্রতিনিধি লর্ড লরেন্স বাহাদুর উপাধিসনন্দ প্রদান করেন। তিনি যাত্রা, থিয়েটার প্রভৃতি আমোদ প্রমোদে বহু অর্থ ব্যয় করিয়া গিয়াছেন। তাঁহার গায় সর্বজনপ্রিয়, উন্নতমনা, নিষ্পলচরিত্র মনীষী বঙ্গদেশে এ পর্য্যন্ত জন্মগ্রহণ করেন নাই। সেজগৎ রাজাবাহাদুর সকল সম্প্রদায়েরই সমাদর ও ভক্তিপ্রদা আকর্ষণ করিয়াছিলেন। অতঃপর ১৮৬৭ খ্রীঃ ১৯শে এপ্রেল হিন্দুর পবিত্রতীর্থ ৩ বৃন্দাবনধামে মহাত্মা রাজা স্মার রাধাকান্ত দেব বাহাদুর কলেবর পরিত্যাগ করিয়াছেন। ১৮৭৩ খ্রীঃ “রাধাকান্ত মেমোরিয়াল ফণ্ড” কলিকাতা বিশ্ববিদ্যালয়কে রাজা বাহাদুরের প্রতিমূর্ত্তি অঙ্কিত একটি স্বর্ণপদক পুরস্কার প্রদান জগৎ হই সহস্র টাকা দান করেন। প্রতিবৎসর “বি এ” পরীক্ষোত্তীর্ণ সর্বোৎকৃষ্ট

সংস্কৃতজ্ঞ ছাত্র এই পুরস্কার প্রাপ্ত হইয়া থাকেন। রাজাবাহাদুর মৃত্যুকালে মহেন্দ্রনারায়ণ, রাজেন্দ্রনারায়ণ ও দেবেন্দ্রনারায়ণ নামে তিনটী পুত্র সন্তান রাখিয়া পরমগতি লাভ করেন।

রাজা বাহাদুরের জ্যেষ্ঠ পুত্র মহেন্দ্রনারায়ণ দেব বাহাদুর প্রথম যৌবনে অকালে কাল গ্রাসে পতিত হইয়াছেন।

মধ্যম পুত্র রাজেন্দ্রনারায়ণ দেব পিতার স্থায় ধর্মনিষ্ঠ ও সদাচারী ছিলেন। নানারূপ সদহুষ্ঠানে তাঁহার বিশেষ অনুরাগ ছিল। তিনি ১৮৬৯খৃঃ ৩০শে এপ্রেল “রাজা বাহাদুর” উপাধি সম্মানে ভূষিত হইয়াছিলেন।

তাঁহার পুত্র কুমার শ্রীযুক্ত গিরীন্দ্র নারায়ণ দেব জয়েন্ট্‌ নাজিষ্ট্রেট্‌ পদে নিযুক্ত হইয়া স্থখ্যাতির সহিত রাজকার্য্য করিতেছেন।

৩নবকৃষ্ণ দেব।

শোভাবাজার রাজবংশের প্রতিষ্ঠাতা মহারাজ নবকৃষ্ণ দেব বাহাদুর ১৭৩২ খৃঃ কলিকাতা গোবিন্দপুর নামক স্থানে জন্মগ্রহণ করেন। পরে বর্তমান ফোর্ট উইলিয়ম দুর্গ নির্মাণ জন্ত যখন গোবিন্দপুর গ্রাম ইষ্ট ইণ্ডিয়া কোম্পানী গ্রহণ করেন এবং তদ্রাসন বাটী ভাগীরথীতে গ্রাস করিলে তদীয় জননী স্ত্রীতনুটিতে আসিয়া একটা বাটী ক্রয় করিয়া বসতি করেন। অতি শৈশবকালে নবকৃষ্ণ পিতৃহীন হইলেও মাতার যত্নে ও নিজের মেধাবলে অল্প বয়সে পারশ্ব ভাষায় বিলক্ষণ ব্যুৎপত্তি লাভ করেন। এতদ্ব্যতীত ইংরাজী, বাঙ্গালা, উর্দু ও আরবী ভাষাও শিক্ষা করিয়াছিলেন। ১৭৪৮ খৃঃ কলিকাতার নুতন বাজারের সন্নিকট নকুড়ধর নামে একজন ধনাঢ্য ব্যক্তির নিকট চাকরীর উমেদারী করিতে

থাকেন। তৎকালে ইষ্ট ইণ্ডিয়া কোম্পানী আবশ্যকমত তাঁহার নিকট টাকা কর্জ করিতেন। এই সময়ে তাঁহার দ্বারা ইংরাজদিগের সহিত নবকৃষ্ণের পরিচয় হয়। ১৭৫০ খৃঃ তিনি ওয়ারেন হেষ্টিংস্ সাহেবের পারস্যভাষার শিক্ষক নিযুক্ত হন। হেষ্টিংস্ সাহেব তখন কোম্পানীর একজন কেরানী ছিলেন। তিনি নবকৃষ্ণকে অত্যন্ত স্নেহ করিতেন। ১৭৫৩ খৃঃ হেষ্টিংস্ সাহেব মুর্শিদাবাদের অন্তর্গত কাশীমবাজারের কুঠীতে প্রেরিত হইলে, তিনি নবকৃষ্ণকে সঙ্গে লইয়া যান। তথায় মাসিক ৩০ টাকা বেতনে তাঁহাকে কোম্পানীর মুন্সীগিরি কর্মে নিযুক্ত করেন। এই কার্যে নবকৃষ্ণ এরূপ পারদর্শিতা লাভ করেন যে, সময়ে সময়ে রবার্ট ক্লাইব তাঁহাকে দূরূহ দৌত্যকার্যের ভার অর্পণ করিতেন। ১৭৫৭ খৃঃ নবাব সিরাজদ্দৌলা কলিকাতা আক্রমণেচ্ছায় আসিয়া হালসী বাগানে উমৌচাঁদের উদ্যানে শিবির সংস্থাপন করিলে নবকৃষ্ণ সন্ধি স্থাপনের জন্য উপটোকনসহ গিয়া দৌত্যকার্য্য করেন। তিনি প্রত্যাগমনপূর্ব্বক নবাবের সৈন্য সংখ্যা অত্যন্ত জানাইলে রবার্ট ক্লাইভ তৎপর দিবস প্রত্যুষে সিরাজকে আক্রমণ করেন। ক্লাইবের বীরত্ব দর্শনে ভীত হইয়া নবাব সিরাজদ্দৌলা তৎকালে সন্ধি স্থাপন করেন। অতঃপর ১৭৫৭ খৃঃ ২৩শে জুন নবাব সিরাজদ্দৌলা পলাণীর রণরঙ্গভূমে পরাজিত হইয়া পলায়ন করিলে তাঁহার অন্তঃপুর মধ্যে যে গুপ্ত ধনাগার ছিল, তাহাতে প্রায় অষ্ট কোটি মুদ্রার সম্পত্তি থাকে; তাহা মীরজাফর, আমীরবেগ খাঁ, উমৌচাঁদ ও নবকৃষ্ণ বিভাগ করিয়া লইয়াছিলেন। এইরূপে নবকৃষ্ণ এককালীন বহু অর্থ প্রাপ্ত হন। বঙ্গবিজয়ী লর্ড ক্লাইবের সহিত নবাবের প্রধান সেনাপতি মীরজাফরের সম্মিলন নবকৃষ্ণই ঘটাইয়া দিয়াছিলেন। উভয়ের মধ্যে দেওয়ানী সম্বন্ধে যে অঙ্গীকারপত্র লিখিত হয়, তাহার ভিতরেও নবকৃষ্ণ ছিলেন। মীরকাশীমের সহিত যুদ্ধের সময় তিনি মেজর এডাম্‌সের সঙ্গে ছিলেন। দিল্লীখবর সম্রাট সাহ আলম এবং

অযোধ্যার নবাব সুজাউদ্দৌলার মধ্যে যে সন্ধি স্থাপিত হয়, তাহার মধ্যেও নবকৃষ্ণ ছিলেন। ১৭৬৫ খৃঃ লর্ড ক্লাইব দ্বিতীয়বার শাসনকর্তা হইয়া ভারতবর্ষে আসিয়া বারাণসী সম্বন্ধে কাশীরাজ বলবন্ত সিংহের সহিত এবং বিহার সম্বন্ধে মহারাজ সিতাব রায়ের সহিত যে চুক্তি হয়, নবকৃষ্ণ তাহার মূলেও ছিলেন। এই সকল কার্যের জন্ত লর্ড ক্লাইব সম্ভ্রষ্ট হইয়া ১৭৬৫ খৃঃ দিল্লীর সম্রাট সাহ আলমের নিকট হইতে নবকৃষ্ণকে “রাজা বাহাদুর” এবং মনসুর পঞ্চহাজারী উপাধি সনন্দ এবং তৎসঙ্গে তিন সহস্র অশ্বারোহী সৈন্য, ঝালরদার পাকী ও নাকড়া রাখিবার অধিকার আনয়ন করিয়া দিয়াছিলেন। পরবৎসর ১৭৬৬ খৃঃ “মহারাজা বাহাদুর” ও বহুহাজারী উপাধি এবং চারি সহস্র অশ্বারোহী সৈন্য রাখিবার অধিকার দিল্লীশ্বরের নিকট হইতে লর্ড ক্লাইব আনাইয়া দিয়াছিলেন। অধিকন্তু পারশু ভাষায় গোদিত একটি স্বর্ণ পদক পুরস্কার প্রদান করেন। এই উপলক্ষে লর্ড ক্লাইব তাঁহাকে সম্মানসূচক পরিচ্ছদ, রত্ন ভূষণ, তরবারি, ঢাল, অশ্ব, গজ প্রভৃতি দান করেন; অধিকন্তু প্রাসাদ রক্ষার জন্ত সিপাহী সৈন্য প্রদান করেন। খেলাৎ গ্রহণান্তর মহারাজ নবকৃষ্ণ মহাসনারোহে গজপৃষ্ঠে স্বীয় প্রাসাদে প্রত্যাগমন করেন। তৎপরে কোম্পানীর বঙ্গ বিহার ও উড়িষ্যার দেওয়ানীর মুৎসুদ্দি পদে অভিষিক্ত হন।

নবকৃষ্ণের উপর (১) মুন্সীর দপ্তর অর্থাৎ পারশু বিভাগের সেক্রেটারী অফিস, (২) আরজবেগী দপ্তর অর্থাৎ যে স্থানে আবেদন সকল গৃহীত হইত, (৩) জাতিমালা কাছারি অর্থাৎ যে স্থানে জাতি ষটিত অভিযোগের বিচার হইত, (৪) খাজনা থানা অর্থাৎ যে স্থানে কোম্পানীর মুদ্রা রক্ষিত হইত, (৫) মাল আদালত অর্থাৎ চব্বিশ পরগণার রাজস্ব সম্বন্ধীয় বিচারালয় এবং (৬) তহশীল দপ্তর অর্থাৎ চব্বিশ পরগণার কালেক্টরের অফিস প্রভৃতি তাঁহার হস্তে অর্পিত ছিল; রাজ বাটীতে অবস্থিতি পূর্বক

তিনি সকল কার্য পরিচালনা করিতেন। পরন্তু ১৭৭০ খৃঃ ওয়ারেন্ হেস্টিংস্ সাহেব তাঁহাকে বর্দ্ধমানের তদানীন্তন নাবালক মহারাজকুমার তেজচন্দ্র রায় বাহাদুরের অভিভাবক এবং বর্দ্ধমান রাজসরকারের ম্যানেজার স্বরূপে নিযুক্ত করেন। ১৭৭৮ খৃঃ হেস্টিংস্ সাহেব তাঁহাকে নপাড়া প্রভৃতি গ্রামের বিনিময়ে সত্যাহুটীর জমিদারী স্বত্ব প্রদান করেন। ক্রমে ক্রমে লর্ড ক্লাইব এবং ওয়ারেন হেস্টিংসের অনুগ্রহে মহারাজ বাহাদুর অতুল ঐশ্বর্যের অধিকারী হইয়াছিলেন। রাজবাটীর “দেওয়ান খানা” নামক বৃহৎ হলগৃহটি পলাশীর যুদ্ধের স্মরণার্থ তিনি নিৰ্ম্মাণ করাইয়া ছিলেন। মহারাজ একজন নিষ্ঠাবান হিন্দু ছিলেন। দুর্গোৎসবের সময় কলিকাতার হিন্দু, মুসলমান, ইহুদী, ইংরাজ প্রভৃতিকে নিমন্ত্রণ করিতেন। সেই সময় গবর্ণর জেনারেল এবং প্রধান প্রধান রাজ-পুরুষগণ মহারাজের প্রাসাদে আগমন করিতেন। তিনি স্বীয়ভবনে শ্রীশ্রীগোপীনাথ জীউ ও শ্রীশ্রীগোবিন্দ জীউ নামক দুইটি দেবমূর্তি প্রতিষ্ঠিত করেন। দোলষাত্রা, জন্মাষ্টমী ও চড়কের সময় তিনি বহু অর্থ ব্যয় করিতেন। মাহেশের শ্রীশ্রীরামধ্বজ জীউর সেবার্থ বল্লবপুর নামে একখানি তালুক দান করেন। তাঁহার বিদ্যানুরাগ যথেষ্ট ছিল। সুপ্রসিদ্ধ পণ্ডিত জগন্নাথ তর্কপঞ্চানন, রাধাকান্ত তর্কবাগীশ বাগেশ্বর বিদ্যালঙ্কার, অনন্তরাম বিদ্যাবাগীশ, প্রভৃতি মহারাজের সভার পণ্ডিত ছিলেন। তিনি বহুদূরে ও ব্যয়ে পারশু এবং সংস্কৃত ভাষায় লিখিত অনেকগুলি লিপি সংগ্রহ করেন। মহারাজ কলিকাতার গঙ্গা-তীরে দুইটি ইষ্টক নিৰ্ম্মিত ঘাট প্রস্তুত করাইয়াছিলেন। তিনি মাতৃ-শ্রদ্ধাতি সমারোহে সম্পাদন করেন। সেই উপলক্ষে প্রায় দশ লক্ষ টাকা ব্যয় হয়। বেহালা হইতে কুল্লী পর্য্যন্ত দ্বাত্রিংশ মাইল দীর্ঘ “রাজার জাঙ্গাল” নামে তিনি একটা রাস্তা নিৰ্ম্মাণ করাইয়াছিলেন। মহারাজ বাহাদুর কলিকাতা সহরে স্বীয় নামিত একটা রাস্তা নিজ ব্যয়ে প্রস্তুত

করাইয়াছিলেন। নবকৃষ্ণ বঙ্গদেশের নানাস্থান হইতে প্রধান কুলীন কায়স্থ এবং কুলাচাৰ্য্যদিগকে নিমন্ত্রণ করিয়া আনয়ন করেন, আদান প্রদান এবং অত্যাশ্চর্য্য কাৰ্য্যানুসারে তাঁহাদিগের কুলমৰ্য্যাদা স্থিরীকৃত হয়। তৎকালে সমাগত কুলীন এবং কুলাচাৰ্য্যগণ নবকৃষ্ণকে একাদশ গোষ্ঠীপতি করিয়া বরণ করেন। এই সময় হইতেই তাঁহার বংশের কেহ কোন সামাজিক কার্য্যের সভায় উপস্থিত হইলে গোষ্ঠীপতির বংশোদ্ভব বলিয়া অগ্রে তাঁহার গলদেশে পুষ্পমালা ও কপালে চন্দনের ফোঁটা প্রদান করা হইত ; কিন্তু এই প্রথাটি এক্ষণে একপ্রকার তিরোহিত হইয়াছে। ১৭৯৭ খৃঃ ২২শ নবেম্বর মহারাজ নবকৃষ্ণদেব বাহাদুর ইহলোক হইতে মহা-প্রস্থান করেন। পুত্রাভিলাষে তিনি সপ্তমবার বিবাহ করিয়াছিলেন। তন্মধ্যে প্রথম স্ত্রীর গর্ভে একটি মাত্র কন্যা এবং চতুৰ্থা পত্নীর গর্ভে একমাত্র পুত্র ও দুইটি কন্যা জন্ম গ্রহণ করেন। পূৰ্বে পুত্রলাভে বঞ্চিত হইয়া জ্যেষ্ঠ ভ্রাতা রামসুন্দরের তৃতীয় পুত্র গোপীমোহনকে পোষ্যপুত্র-রূপে গ্রহণ করেন। পরিশেষে ১৭৮২ খৃঃ মেমারী নিবাসী রামকানাই বসু মল্লিকের কন্যার গর্ভে একটি পুত্র সন্তান জন্মগ্রহণ করেন, তাঁহার নাম রাজকৃষ্ণদেব। বিষয়ের জ্ঞাত হইয়া তাহারা উভয়ে তৎকালীন স্ত্রীমুকোটে বহুঅর্থ ব্যয় করিয়া মোকদ্দমা করেন ; অবশেষে বিষয় সম্পত্তি সমভাগে বিভক্ত হইয়াছিল।

৩ রাজকৃষ্ণ দেব ।

মহারাজ নবকৃষ্ণ বাহাদুরের চতুৰ্থা পত্নীর গর্ভে ১৭৮২ খৃঃ রাজা রাজকৃষ্ণদেব বাহাদুর জন্মগ্রহণ করেন। ১৮০১ খৃঃ রাজকৃষ্ণের বিবাহ মহাসমারোহে সম্পন্ন হয় ; তদানীন্তন গবর্ণর জেনারেল, প্রধান সেনাপতি

প্রভৃতি উচ্চতন রাজকৰ্মচারীগণ সেই বিবাহ অভিযানে যোগদান করেন । চারি সহস্র অশ্বারোহী সৈন্য উপস্থিত ছিল । তিনিও পিতার অনুরূপ বুদ্ধিমান এবং সংকার্য্যপরায়ণ ছিলেন । হিন্দুধর্ম্মে তাঁহার বিশেষ আস্থা ছিল এবং জনসাধারণের মধ্যে ও রাজদরবারে তাঁহার সম্মান ও প্রতিপত্তি দৃষ্ট হইত । রাজকুমার “রাজা বাহাদুর” উপাধি প্রাপ্ত হইয়াছিলেন । ১৮২৪ খৃঃ আগষ্ট মাসে রাজা রাজকুমারদেব বাহাদুর রাজলীলা সম্বরণ করিয়াছেন । নবম বৎসর মাত্র বয়ঃক্রমকালে খানাকুলনিবাসী কুলীন-শ্রেষ্ঠ রামানন্দ বসু সর্বাধিকারী মহাশয়ের কন্যার সহিত রাজকুমারের পরিণয়কার্য্য সম্পাদন হয় । তাঁহার আটটি পুত্র সন্তান হইয়াছিল—শিবকুমার, কালীকুমার, দেবীকুমার, অপূর্ব্বকুমার, মাধবকুমার, কমলকুমার, নরেন্দ্রকুমার ও যাদবকুমার দেব বাহাদুর ।

৩ শিবকুমার দেব ।

রাজা রাজকুমারের জ্যেষ্ঠপুত্র শিবকুমারদেব অল্পবয়সে সততা ও সুবুদ্ধি গুণে যথেষ্ট খ্যাতি লাভ করিয়াছিলেন । নানারূপ সদনুষ্ঠানে তাঁহার অনুরাগ ছিল । তিনি যুত্বকালে তিনটি পুত্র ভূপেন্দ্রকুমার, যোগেন্দ্রকুমার ও মণীন্দ্রকুমারকে রাখিয়া যান । জ্যেষ্ঠ ভূপেন্দ্রকুমারের দুই পুত্র—জীতেন্দ্রকুমার ও গিরীন্দ্রকুমার দেব । কনিষ্ঠ মণীন্দ্রকুমারের তিনপুত্র—কেশবেন্দ্রকুমার, জীয়েন্দ্রকুমার ও সৌরীন্দ্রকুমার দেব ।

৪ কালীকুমার দেব ।

রাজা রাজকুমারের দ্বিতীয় পুত্র রাজা কালীকুমারদেব বাহাদুর ১৮০৮ খৃঃ শোভাবাজার প্রাসাদে ভূমিষ্ঠ হন । তিনি রাসেলাস্, প্রেজস্ কেবল প্রভৃতি

গ্রন্থের বাঙালা অনুবাদ করিয়া যশোভাজন হইয়াছিলেন। তিনি মহা-নাটকের অনুবাদ করিয়া মহারাণী ভিক্টোরীয়াকে উৎসর্গ করিলে, মহারাণী স্বয়ং পত্র লিখিয়া তাঁহাকে প্রশংসা করেন। রাজা স্ত্রীর রাধাকান্ত দেব বাহাদুরের দেহত্যাগের পর কালীকৃষ্ণ হিন্দুসমাজের নেতা বলিয়া পরিগণিত হইতেন। তিনি সনাতন হিন্দুরক্ষিণী সভার সভাপতি ছিলেন। রাজা বাহাদুর প্রায় সকল প্রকার সদাচরণেই যোগদান করিতেন। স্ত্রী-শিক্ষা বাহাতে প্রসারিত হয়, তদ্বিষয়ে তাঁহার বিশেষ দৃষ্টি ছিল; এতৎকালে তিনি অনেক সময় ও বহু অর্থ ব্যয় করিতেন। ১৮৩৩ খৃঃ ভারতের তৃতীয়া গবর্ণর জেনারেল লর্ড উইলিয়ম বেন্টিক বাহাদুর তাঁহার গুণের প্রশংসা করিয়া “রাজা বাহাদুর” উপাধি সম্মানে ভূষিত করেন। ১৮৭৪ খৃঃ ১১ই এপ্রেল রাজা কালীকৃষ্ণ দেব বাহাদুর কালের কবলে পতিত হইয়াছেন। তিনি চারিটা পুত্রসন্তান রাখিয়া যান—হরেন্দ্রকৃষ্ণ, উদয়কৃষ্ণ, অতুলকৃষ্ণ ও সত্যেন্দ্রকৃষ্ণ দেব।

কালীকৃষ্ণের জ্যেষ্ঠপুত্র হরেন্দ্রকৃষ্ণ দেব বাহাদুর একজন সুপ্রসিদ্ধ ডেপুটি মাজিস্ট্রেট ছিলেন। তিনি একজন সম্ভ্রান্ত ও কৃতবিদ্য ব্যক্তি ছিলেন। কুমার হরেন্দ্রকৃষ্ণ দেব গবর্ণমেন্ট হইতে “রাজা বাহাদুর” উপাধি লাভ করেন। রাজা বাহাদুরের দুই পুত্র—কুমার রমেন্দ্রকৃষ্ণ ও কুমার সত্যেন্দ্রকৃষ্ণ দেব বাহাদুর।

৩রমেন্দ্রকৃষ্ণ দেব।

রাজা হরেন্দ্রকৃষ্ণের জ্যেষ্ঠ পুত্র কুমার রমেন্দ্রকৃষ্ণ দেব বাহাদুর বঙ্গদেশের কয়েকটি জেলায় জয়েন্ট মাজিস্ট্রেটের কার্যে বিশেষ সুখ্যাতি লাভ করেন। ক্রমে জেলার মাজিস্ট্রেট পদে উন্নীত হইয়া রাজ্য কার্যে বিশেষরূপ প্রতিষ্ঠা লাভ করেন। জনসাধারণের মধ্যে ও রাজসরকারে

তঁাহার যথেষ্ট সম্মান ও প্রতিপত্তি ছিল। তঁাহার স্মৃশাসনে জেলার অনেক উন্নতি হয় এবং তিনি বিচক্ষণ ও কর্মদক্ষ পুরুষ ছিলেন। বগুড়ায় কার্যকালীন তঁাহার উদ্যোগে বগুড়ার এডওয়ার্ডপার্ক, উডবরণ লাইব্রেরী ও টাউনহল সংস্থাপিত হয়। বগুড়া হইতে শেরপুর পর্য্যন্ত ষ্টীমার লাইন তঁাহারই কীর্তি। তিনি অমায়িক ও যশস্বী পুরুষ ছিলেন। বগুড়ায় অবস্থানকালে স্বাস্থ্য ক্ষুণ্ণ হওয়ায় ১৯১৩ খৃঃ জুন মাস হইতে অষ্টাদশ মাসের বিদায় গ্রহণ করেন; তঁাহার স্থানে কলিকাতার চতুর্থ প্রেসিডেন্সী মাজিষ্ট্রেট শ্রীযুক্ত রায় নন্দলাল বাগচী বাহাদুর মাজিষ্ট্রেট পদে নিযুক্ত হন। অতঃপর ১৯১৩ খৃঃ ৯ই সেপ্টেম্বর কুমার বাহাদুর পরলোক গমন করিয়াছেন। মৃত্যুকালে তঁাহার বয়ঃক্রম বাহান্ন বৎসর হইয়াছিল। রমেন্দ্রকৃষ্ণ দুইটি পুত্র রাখিয়া গিয়াছেন—শ্রীযুক্ত কুমার কেশবেন্দ্রকৃষ্ণ ও শ্রীযুক্ত কুমার সরজেন্দ্রকৃষ্ণ দেব বাহাদুর। জ্যেষ্ঠ পুত্র কেশবেন্দ্রকৃষ্ণ ব্যারিষ্টারী পরীক্ষায় উত্তীর্ণ হইয়া কলিকাতা হাইকোর্টে ব্যবহার শাস্ত্রে ব্রতী আছেন।

কালীকৃষ্ণের মধ্যম পুত্র কুমার উদয়কৃষ্ণ দেব বাহাদুরের পুত্র কুমার সদয়কৃষ্ণ দেব বাহাদুর। তঁাহার দুই পুত্র কুমার গুণেন্দ্রকৃষ্ণ ও কুমার ধনেন্দ্রকৃষ্ণ দেব।

কালীকৃষ্ণের তৃতীয় পুত্র কুমার অতুলকৃষ্ণ দেব বাহাদুরের পুত্র কুমার সুনীলকৃষ্ণ দেব; তদীয় পুত্র কুমার ধীরেন্দ্রকৃষ্ণ দেব বাহাদুর।

কালীকৃষ্ণের কনিষ্ঠ পুত্র কুমার অমরেন্দ্রকৃষ্ণ দেব বাহাদুরের চারি পুত্র—কুমার সমরেন্দ্রকৃষ্ণ, বিনোদকৃষ্ণ, গোপালকৃষ্ণ ও বীরেন্দ্রকৃষ্ণ দেব।

৬ দেবীকৃষ্ণ দেব ।

রাজা রাজকৃষ্ণের তৃতীয় পুত্র রাজা দেবীকৃষ্ণ দেব বাহাদুর সজ্জন বলিয়া অতি লোকপ্রিয় ছিলেন। তাঁহার দুই পুত্র, কুমার আনন্দকৃষ্ণ ও সুরেন্দ্রকৃষ্ণ দেব বাহাদুর। জ্যেষ্ঠ কুমারের চারি পুত্র—কুমার অনাথকৃষ্ণ, মন্থকৃষ্ণ, প্রমথকৃষ্ণ ও সুহৃৎকৃষ্ণ দেব বাহাদুর।

কুমার শ্রীযুক্ত অনাথকৃষ্ণ দেব বাহাদুর বঙ্গসাহিত্যের একজন পৃষ্ঠ-পোষক। ইনি বঙ্গভাষায় প্রবন্ধ রচনায় পারিতোষিকের জন্ম কলিকাতা বিশ্ববিদ্যালয়ের হস্তে ১৯১৩ খৃঃ পাঁচ সহস্র টাকা দান করিয়াছেন। সেই টাকার সুদ হইতে প্রতিবৎসর দুইটি করিয়া স্বর্ণপদক প্রদত্ত হয়। প্রবন্ধ রচনায় কেবল মহিলাগণই অধিকারিণী। ইনি “বঙ্গের কবিতা” নামক একখানি গ্রন্থ প্রণয়ন করিয়াছেন। ইংরাজ প্রভাবের পূর্বকাল পর্য্যন্ত বঙ্গীয় কবিগণেব রচনার পরিচয় ইহাতে বিবৃত করা হইয়াছে। রাজা বিনয়কৃষ্ণ ও কুমার উপেন্দ্রকৃষ্ণের মৃত্যুর পর ইনিই এখন শোভা-বাজার রাজবংশের সাহিত্যিক।

কুমার শ্রীযুক্ত মন্থকৃষ্ণ দেব বাহাদুর “সিভিল সাক্সিস” পরীক্ষায় উত্তীর্ণ হইয়া কয়েক বৎসর বঙ্গদেশের কয়েকটি জেলায় প্রথমতঃ জয়েন্ট মাজিষ্ট্রেটের কর্ম করেন। অধুনা মাজিষ্ট্রেটের পদে উন্নীত হইয়া উড়িষ্যা বিভাগে রাজকার্য্যে নিযুক্ত আছেন।

রাজা দেবীকৃষ্ণের কনিষ্ঠ পুত্র কুমার সুরেন্দ্রকৃষ্ণ দেব বাহাদুরের দুই পুত্র—কুমার রূপেন্দ্রকৃষ্ণ ও হেমেন্দ্রকৃষ্ণ দেব। জ্যেষ্ঠ কুমারের দুই পুত্র—কুমার রবীন্দ্রকৃষ্ণ ও কুমার জ্যোতিরিন্দ্রকৃষ্ণ দেব বাহাদুর।

৩ অপূর্বকৃষ্ণ দেব ।

রাজা রাজকৃষ্ণের চতুর্থ পুত্র রাজা অপূর্বকৃষ্ণ দেব বাহাদুর বিজ্ঞ, উন্নত স্বভাব ও উদার ব্যক্তি ছিলেন। তাঁহার দুই পুত্র—কুমারকৃষ্ণ ও উপেন্দ্রকৃষ্ণ দেব। জ্যেষ্ঠ কুমার কৃষ্ণের পুত্র শ্রীযুক্ত নারায়ণকৃষ্ণ দেব বাহাদুর। কনিষ্ঠ কুমার উপেন্দ্রকৃষ্ণ দেব বাহাদুর সাহিত্য সমাজে পরিচিত ছিলেন। তিনি “হরিদাসের গুপ্তকথা” নামক একখানি গ্রন্থ প্রকাশ করেন। তিনি আরও কয়েকখানি বাঙ্গালা পুস্তক প্রণয়ন করিয়াছিলেন। ১৯১৩ খৃঃ প্রায় ৭৩ বৎসর বয়সে কুমার বাহাদুর লোকান্তরিত হইয়াছেন।

কুমার উপেন্দ্রকৃষ্ণ মৃত্যুকালে তিনটি পুত্র রাখিয়া যান—শ্রীযুক্ত কুমার অসীমকৃষ্ণ, শ্রীযুক্ত কুমার অমূল্যকৃষ্ণ ও শ্রীযুক্ত কুমার গুণেন্দ্রকৃষ্ণ দেব। জ্যেষ্ঠ অসীমকৃষ্ণের দুই পুত্র শ্রীযুক্ত অনীলকৃষ্ণ দেব কলিকাতা হাইকোর্টের একজন ব্যারিষ্টার এবং কনিষ্ঠ শ্রীযুক্ত হরীশ্চন্দ্রকৃষ্ণ দেব বি এ পাশ করিয়াছেন।

রাজা রাজকৃষ্ণের পঞ্চম পুত্র মাধবকৃষ্ণ দেব বাহাদুর সরলহৃদয় ও ধার্মিক পুরুষ ছিলেন। তাঁহার সন্তানাদি হয় নাই।

৩ কমলকৃষ্ণ দেব ।

রাজা রাজকৃষ্ণের ষষ্ঠ পুত্র মহারাজ কমলকৃষ্ণ দেব ১৮২০ খৃঃ শোভাবাজার প্রাসাদে জন্মগ্রহণ করেন। তিনি তৎকালীন হিন্দু কলেজে শিক্ষাপ্রাপ্ত হইয়াছিলেন। বাল্যকাল হইতেই তিনি সাহিত্য ও হিন্দু শাস্ত্রের অন্বেষণ করিতেন। গুণাকর এবং ভাস্কর নামক দুইখানি মাসিক পত্রিকা তাঁহার আত্মকৃত্যে প্রতিষ্ঠিত হইয়াছিল। সেই দুইখানি

পত্রিকায় তিনি অনেক সময় প্রবন্ধাদি লিখিতেন । বিদ্যালয়, হাসপাতাল, অন্নসত্র প্রভৃতি বিষয়ে তিনি বহু অর্থ ব্যয় করিতেন । তিনি সাধারণ হিতকর কার্যের সহিত সংলিপ্ত থাকিতেন । হিন্দুধর্মে তাঁহার বিশেষ আস্থা ছিল । ১৮৭৭ খৃঃ ১লা জানুয়ারী প্রাচীন মোগল রাজধানী দিল্লীর রাজস্বয় যজ্ঞে রাজ্যী ভিক্টোরিয়ার “ভারত রাজরাজেশ্বরী” উপাধি গ্রহণ উপলক্ষে কমলকৃষ্ণ “রাজা” উপাধি সম্মান লাভ করেন । অতঃপর ১৮৮০ খৃঃ ২৩শে ফেব্রুয়ারী গবর্ণমেন্ট তাঁহার গুণের বিশেষ প্রশংসা করিয়া “মহারাজা” উপাধি সম্মানে ভূষিত করিয়াছিলেন । মহারাজের প্রতিষ্ঠিত ছাত্রফণ্ডের মাসিক পাঁচ টাকা হিসাবে চারিটি ছাত্রবৃত্তি দেওয়া হইয়া থাকে ; দক্ষিণ রাষ্ট্রীয় দরিদ্র ম্যাট্রিকুলেশন পরীক্ষোত্তীর্ণ কায়স্থ ছাত্রগণ এই বৃত্তি প্রাপ্ত হইয়া থাকেন । মহারাজ কমলকৃষ্ণ দেব কয়েক বৎসর হইল, নীলকৃষ্ণ ও বিনয়কৃষ্ণ নামে দুইটি পুত্র সন্তান রাখিয়া দেহত্যাগ করিয়াছেন ।

মহারাজ কমলকৃষ্ণের জ্যেষ্ঠপুত্র কুমার নীলকৃষ্ণ দেব বাহাদুর পবিত্র চরিত্রে অনুপ্রাণিত ছিলেন । তাঁহার পুত্র সন্তান ছিল না ; কয়েকটি কন্যা জন্মগ্রহণ করিয়াছিলেন ।

৩ বিনয়কৃষ্ণ দেব ।

মহারাজের কনিষ্ঠ পুত্র স্বনামধন্য রাজা বিনয়কৃষ্ণ দেব বাহাদুর ১৮৬৬ খ্রীঃ আগষ্ট মাসে শোভাবাজার রাজবংশে অবতীর্ণ হইয়াছিলেন । তিনি অতি অল্প বয়সে সাহিত্য ও রাজনীতি ক্ষেত্রে প্রতিষ্ঠালাভ করেন । বিনয়কৃষ্ণ বঙ্গসাহিত্যের একনিষ্ঠ সাধক ছিলেন । তিনি ধনীর সন্তান হইলেও বিদ্বানের সংসর্গ করিতে অধিক ভাল বসিতেন । বিনয়কৃষ্ণ বাঙ্গালার স্বারস্বত অঙ্গনের একটি আদর্শ প্রতিমা ছিলেন ।

তিনি বাঙ্গালার শিক্ষিত সমাজকে সাধনার পথ প্রদর্শন করেন। সাহিত্য সভা ও সাহিত্য পরিষদের প্রতিষ্ঠা তাঁহার মনীষা সাধনার পরিচায়ক। বঙ্গীয় সাহিত্য পরিষদ ও সাহিত্য সভার তিনি একজন প্রধান উদ্যোগী ছিলেন। ১৮৯৪ খৃঃ তিনি নিজ বাড়ীতে বঙ্গের সাহিত্য পরিষদ প্রতিষ্ঠা করেন; অনন্তর ১৯০০ খ্রীঃ ইহা স্থানান্তরিত হইয়া এক বৃহৎ বাড়ীতে সংস্থাপন হইয়াছে। সাহিত্য সভায় মধ্যে মধ্যে সারবান প্রবন্ধ পাঠ করিয়া তিনি চিন্তাশীলতা ও বহু গ্রন্থ অধ্যয়নের পরিচয় দিয়াছিলেন। তিনি ইংরাজী ভাষায় “কলিকাতার ইতিহাস” নামক গ্রন্থ প্রণয়ন করিয়া অধ্যবসায় ও অনুসন্ধিৎসার প্রভূত পরিচয় দিয়াছেন। এতদ্ব্যতীত পঞ্চপুষ্প প্রভৃতি কয়েকখানি পুস্তক প্রণয়ন করেন। তিনি দরিদ্রের হুঃখ মোচনে সর্বদা রুদ্ধপরিকর ছিলেন। তজ্জন্য শোভাবাজারে “বেনাভোলেন্ট সোসাইটী” নামক সভা স্থাপন করেন। এই সভার দ্বারা বহু দরিদ্র ব্যক্তি উপকৃত হইয়াছে। দাতব্য সভার দ্বারা তিনি অনেক নিরাশ্রয় রমণী ও নিঃসম্বল ছাত্রবৃন্দের উপকার করিয়াছেন। সাধারণ হিতকর কার্যে তিনি বাল্যকাল হইতে সংশ্লিষ্ট ছিলেন। তিনি সমাজ সংস্কারে সর্বদা উদ্যোগী ছিলেন। বাঙ্গালার সাহিত্যসমাজে ও রাজনীতি ঘটিত ব্যাপারে তিনি পৃষ্ঠপোষক ও উৎসাহী ছিলেন। দেশীয় ও বিদেশীয় সমাজের বর্নিষ্ঠ মিলনকল্পে তিনি মধ্যে মধ্যে সম্মিলনীর প্রতিষ্ঠা করিতেন; সেই সকল সম্মিলনীতে ভারতের প্রধান সেনাপতি, বঙ্গের ছোটলাট প্রভৃতি উচ্চতম রাজকর্মচারীগণও উপস্থিত হইতেন। ভারতের ভূতপূর্ব রাজপ্রতিনিধি লর্ড ডফারিণের বিদায় সভায় তাঁহার প্রতি ভারত-বাসীদিগের শ্রদ্ধা জ্ঞাপন করিবার জন্য যে আয়োজন হইয়াছিল, বিনয়কৃষ্ণ তাহার একজন প্রধান উদ্যোগী ছিলেন। মিউনিসিপাল আইনের বিরুদ্ধে তিনি প্রভূত আন্দোলন করিয়াছিলেন। সহবাস

সম্মতি আইন সৃষ্টির প্রস্তাব কালে সমগ্র হিন্দুসমাজকে জাগাইতে, বঙ্গবাসীর সহিত তিনি অকৃত্রিম উৎসাহে যোগদান করেন। মিউনিসিপাল 'আইনের প্রতিবাদ জন্য তিনি দেশবাসীকে জাগ্রত করিয়া তুলিয়াছিলেন। বাল্য-বিবাহ রোধের বিধি সংকল্পে তিনি স্বনামধন্য ডক্টার রাজা রাজেন্দ্রলাল মিত্র, রাজা শ্রীযুক্ত প্যারীশ্রীমোহন মুখোপাধ্যায় প্রভৃতির সহিত যোগদান পূর্বক প্রতিবাদ করেন। তিনি একজন বিশিষ্ট রাজনৈতিক ছিলেন। বঙ্গব্যবচ্ছেদের সময় হইতে তিনি নেতৃ-বর্গের সহিত বিচ্ছিন্ন হইয়াছিলেন বটে, কিন্তু পূর্বে তিনি তাঁহাদিগের ঘৃণিত একাত্মক ছিলেন। বিনয়কৃষ্ণ হিন্দুর সমুদ্রযাত্রার একজন পক্ষপাতী হিন্দুনেতা ছিলেন। এ সম্বন্ধে তিনি একখানি পুস্তিকা প্রকাশ করেন। বিলাসের, নিন্দা তাঁহার অঙ্গে প্রবেশ করিতে পারে নাই। তাঁহার লেখনী প্রসূত বিলাসপ্রবন্ধ “বঙ্গবাসী” আদর করিয়া বঙ্গ-ধারণ করিয়াছিল। তিনি একজন কন্সবীর ছিলেন। সেইজন্য বাঙ্গালার গণ্যমান্য সকল ব্যক্তি তাঁহার অশেষ গুণের উপচয় সাধন করিতেন। ব্রাহ্মণ পণ্ডিতে তাঁহার ভক্তি ছিল ও তাঁহাদের বিশেষ শ্রিয় ছিলেন। তিনি একজন আদর্শ সংস্কারক ছিলেন এবং রাজকুলের সর্ববিধ সংকার্য্য প্রকল্পতার সহিত সাধন করিতেন। তিনি কখন কাহারও অমুরোধ উপেক্ষা করিতেন না এবং কাহাকেও অর্থ সাহায্য করিতে কুণ্ঠিত হইতেন না। তিনি কলিকাতা মিউনিসিপালিটির কমিশনার, অবৈতনিক ম্যাজিস্ট্রেট, মেও হাঁসপাতালের অবৈতনিক ট্রস্টী, ক্যাম্বেল হাঁসপাতালের অন্ত্যতম তত্ত্বাবধায়ক, আলিপুর ডিষ্ট্রিক্ট বোর্ডের সভ্য এবং কলিকাতার অনেকগুলি পুস্তকালয়ের পৃষ্ঠপোষকরূপে দেশের অনেক কার্য্য করিয়াছিলেন। তিনি বিবিধ সদন্তুষ্ঠানের অগ্রণী ছিলেন। দলতঃ বর্তমান সময়ে শোভাবাজার রাজবংশের গৌরব বহু পরিমাণে তাঁহার দ্বারা রক্ষিত হইয়াছিল। কলিকাতা মিউনিসিপালিটিতে তিনি

গবর্ণমেন্ট কর্তৃক মনোনীত সদস্যরূপে কয়েক বৎসর কার্য্য করিয়াছিলেন। তিনি বহুবিধ প্রশংসনীয় ও স্বদেশ হিতৈষণামূলক জনহিতকর অনুষ্ঠানে যোগদান করিয়া তাঁহার যোগ্যতা প্রদর্শন করেন। ১৮৯৫ খ্রীঃ গবর্ণমেন্ট বিনয়কৃষ্ণকে “রাজা” উপাধি প্রদান করেন। “কৈশরী-হিন্দু মেডেল” যখন প্রবর্তিত হয়, তৎকালে বিনয়কৃষ্ণ প্রথমতঃ ঐ মেডেল পুরস্কার প্রাপ্ত হইয়াছিলেন। ১৯০৭ খ্রীঃ তিনি “কলিকাতা ঐতিহাসিক সমিতি” নামক সভার সুহকারী সভাপতি মনোনীত হন। ১৯১০ খ্রীঃ ২৪ শে জুন ভারত সম্রাট পঞ্চমজর্জ মহোদয়ের জন্ম-তিথি উপলক্ষে তিনি “রাজা বাহাদুর” উপাধি ভূষণে বিভূষিত হইয়াছিলেন। উক্ত দিবস বঙ্গের লোকান্তরিত ছোটলাট স্থার এডওয়ার্ড বেকার বাহাদুর শোভাবাজার রাজবংশ কুলতিলক বিনয়কৃষ্ণকে উপাধি সনন্দ প্রদান করিবার জন্ত এক দরবার করিয়াছিলেন। কলিকাতার ভূতপূর্ব বড়লাট লর্ড মিণ্টো বাহাদুরের প্রস্তরময়ী মূর্তি স্থাপন জন্ত যে স্মৃতি ভাণ্ডার প্রতিষ্ঠিত হয়; ১৯১০ খ্রীঃ উক্ত ভাণ্ডারে রাজা বাহাদুর এক সহস্র মুদ্রা চাঁদা দিয়াছিলেন। ১৯১০ খ্রীঃ স্বর্গায় ভারত সম্রাট সপ্তম এডওয়ার্ডের স্মৃতিভাণ্ডারে তিনি তিন সহস্র টাকা দান করেন। ১৯১১ খ্রীঃ কলিকাতা সহরে নবীন ভারত রাজরাজেশ্বরের অভ্যর্থনা আয়োজন কল্পে চাঁদায় যে অর্থ সংগ্রহ হয়, তাহাতে রাজা বাহাদুর আড়াই হাজার টাকা দান করেন। ১৯১২ খ্রীঃ ৪ঠা জানুয়ারী কলিকাতার রাজপ্রাসাদে ভারত সম্রাট ও তৎপত্নীর এক মঙ্গলিশ বসিয়াছিল; তৎকালে সেই রাজকীয় অভ্যর্থনা সমিতির সম্পাদক মুর্শিদাবাদের বর্তমান নবাব বাহাদুর বিনয়কৃষ্ণকে রাজসকাশে যথারীতি পরিচিত করেন। ১৯১২ খ্রীঃ ফেব্রুয়ারি মাসে রাজা বিনয়কৃষ্ণের সহধর্ম্মিণী রাণী শ্রীমতী জ্যোতিষ্ময়ী দাসী, রাজ প্রতিনিধি পত্নী লেডি হ্যাডিজ মহোদয়াকে নিমন্ত্রণ করিয়া স্বীয় প্রাসাদে লইয়া গিয়াছিলেন। রাজা বাহাদুর বহুমুত্র পীড়ায় আক্রান্ত ছিলেন।

অতঃপর রাজা বিনয়কৃষ্ণ দেব বাহাদুর ১৯১২ খৃঃ ১লা ডিসেম্বর বঙ্গমাতার ক্রোড় হইতে নিউমোনিয়া রোগে মহাপ্রস্থান করিয়াছেন। ১৯১৩ খৃঃ ১লা আগষ্ট মাসের ডিউক সাহেব বাহাদুর শোভাবাজার বেনাভোলেন্ট সোসাইটির সভামন্দিরে রাজা বাহাদুরের একটি সুন্দর প্রতিকৃতি প্রতিষ্ঠিত করিয়াছেন। স্বর্গীয় অধ্যাপক প্রসন্নকুমার সর্বাধিকারী মহাশয়ের কত্যা শ্রীমতী জ্যোতির্ময়ীর সহিত তাহার পরিণয় ক্রিয়া সম্পন্ন হয়। রাজা বাহাদুর আটটা পুত্র ও তিনটি কন্যা রাখিয়া গিয়াছেন। কুমার শ্রীযুক্ত প্রফুল্লকৃষ্ণ বি এ, প্রমোদকৃষ্ণ, প্রতাপকৃষ্ণ, প্রকাশকৃষ্ণ, প্রভাকৃষ্ণ, প্ৰভাসকৃষ্ণ, প্রভাসকৃষ্ণ ও প্রমথকৃষ্ণ দেব বাহাদুর।

৩ নরেন্দ্রকৃষ্ণ দেব।

রাজা রাজকৃষ্ণের সপ্তম পুত্র মহারাজ স্যার নরেন্দ্রকৃষ্ণ দেব বাহাদুর ১৮২২ খৃঃ ১০ই অক্টোবর শোভাবাজার রাজপ্রাসাদে জন্মগ্রহণ করেন। তিনি প্রথমে হিন্দুকলেজে বিদ্যারম্ভ করেন। ক্রমে স্বীয় ধীশক্তি বলে ইংরাজীভাষায় সম্যক ব্যুৎপত্তি লাভ করিয়াছিলেন। ১৮৫৩ খৃঃ বঙ্গদেশের প্রথম ছোটলাট স্যার ফ্রেড্রিক হালিডে সাহেব সম্রাট বংশসম্ভূত ব্যক্তির গণের জন্য একটি নুতন পদের সৃষ্টি করেন এবং তাহার একটি পদ নরেন্দ্রকৃষ্ণকে প্রদান করা হইয়াছিল। কিন্তু তিনি কয়েকবৎসর পরে সেই কন্ম পরিত্যাগ করেন। ১৮৭৫ খৃঃ গবর্ণর জেনারেল লর্ড নর্থকক তাঁহাকে “রাজা” উপাধিতে ভূষিত করিয়া ভারতীয় ব্যবস্থাপক সভার সদস্য নিযুক্ত করেন। ১৮৭৭ খৃঃ ১লা জানুয়ারি মহারাণী ভিক্টোরিয়ার “ভারতেধরী” উপাধি গ্রহণ উপলক্ষে দিল্লীর রাজদরবারে তিনি নিমন্ত্রিত হইয়া বড়লাট ভবনে অবস্থান করিবার অমুমতি প্রাপ্ত হন। সেই

দরবারে ভূতপূৰ্ব্ব রাজপ্রতিনিধি লর্ড লিটন বাহাদুর তাঁহাকে “মহারাজা” উপাধি প্রদান করেন। ১৮৮৮ খৃঃ মহারাজ নরেন্দ্রকৃষ্ণ “কে-সি-আই-ই” উপাধি সম্মানে ভূষিত হইয়াছিলেন। ১৮৯২ খৃঃ তিনি “মহারাজ বাহাদুর” উপাধি প্রাপ্ত হন। ১৯০১ খৃঃ ২২ শে জানুয়ারী ভারতেশ্বরী ভিক্টোরীয়া স্বর্ণমরোহণ করিলে, তাঁহার স্মরণার্থ প্রায় তিনলক্ষ হিন্দু সন্তান সমবেত হইয়া কলিকাতায় যে বিরাট সভার অধিবেশন হইয়াছিল ; তৎকালে সেই সভায় মহারাজ বাহাদুর হিন্দুসম্প্রদায়ের পক্ষ হইতে প্রতিনিধি নির্বাচিত হইয়াছিলেন। প্রত্যেক রাজনৈতিক, সামাজিক ও দেশহিতকর কার্যে তিনি যোগদান করিতেন। মহারাজ কলিকাতা মেও হাঁসপাতালের একজন গবর্নর, বহুদিন যাবৎ কলিকাতা মিউনিসিপালিটির অন্যতম কমিশনার, আলিপুরের তরুণ বঙ্গ অপরাধিদিগের সংশোধনার্থ বিদ্যালয়ের পরিদর্শক, কলিকাতা বিশ্ববিদ্যালয়ের একজন সভ্য, চব্বিশ পরগণার ডিষ্ট্রিক্ট বোর্ডের সদস্য এবং ব্রিটিশ ইণ্ডিয়ান এসোসিয়েশন নামক জমিদার সভার কয়েকবার সভাপতি হইয়াছিলেন। শোষণোক্ত সমিতির সহিত জীবনের শেষ পর্য্যন্ত সংশ্লিষ্ট ছিলেন। এতদ্ব্যতীত নানাপ্রকার সদনুষ্ঠানের সহিত তাঁহার সংস্রব ছিল। মহারাজ প্রকাশ্যে ও গোপনে বহু অর্থ দান করিয়া গিয়াছেন। মহারাজ বাল্যকালে ব্যায়াম ক্রীড়ার অনুরাগী এবং একজন সুদক্ষ বোডসওয়ার ছিলেন। তিনি অতিশয় অমায়িক ও মিষ্টভাষী ছিলেন। ১৯০৩ খৃঃ ২০শে মার্চ মহারাজ স্যার নরেন্দ্র কৃষ্ণ দেব বাহাদুর মৃত্যুমুখে পতিত হইয়াছেন। তাঁহার মৃত্যুতে উক্তবৎসর ৩রা এপ্রেল কলিকাতার তৎকালীন সেরিফের উদ্বোধনে টাউনহলে একটি বিরাট সভার অধিবেশন হইয়া মহারাজ বাহাদুরের শোক প্রকাশ করা হইয়াছিল। সেই সভায় বঙ্গের তদানীন্তন অস্থায়ী ছোটলাট মিঃ বোর্ডলিন্ বাহাদুর সভাপতির আসন গ্রহণ করেন। মৃত্যুকালে মহারাজ বাহাদুর সাতটি

পুত্র সন্তান রাখিয়া গিয়াছেন। মহারাজ কুমার শ্রীযুক্ত ব্রজেন্দ্রকৃষ্ণ, রাজা গোপেন্দ্র কৃষ্ণ, শৈলেন্দ্রকৃষ্ণ, দ্বীপেন্দ্রকৃষ্ণ, ধীরেন্দ্রকৃষ্ণ, মানবেন্দ্রকৃষ্ণ, ও যোতীন্দ্রকৃষ্ণ দেব বাহাদুর।

গোপেন্দ্রকৃষ্ণ দেব।

মহারাজ নরেন্দ্রকৃষ্ণের দ্বিতীয় পুত্র রাজা শ্রীযুক্ত গোপেন্দ্রকৃষ্ণ দেব কলিকাতা প্রেসিডেন্সী কলেজে অধ্যয়ন পূর্বক “এম, এ, বি, এল” পরীক্ষায় উত্তীর্ণ হইয়াছিলেন। অতঃপর তিনি রাজকার্যে নিযুক্ত হন। তিনি প্রথমে একজন ডেপুটি মাজিস্ট্রেট পদে নিযুক্ত হইয়া স্বীয় প্রতিভা-বলে উত্তরোত্তর উন্নীত হইয়া বিভাগীয় সেশন্স জজ পদে অধিষ্ঠিত হইয়া-ছিলেন। তিনি কয়েক বৎসর বঙ্গদেশের কয়েকটি জেলায় কার্য্য করিয়া তৃণলীল সেশন্স জজ হন। রাজকার্যে তাঁহার বিশেষ খ্যাতি ছিল। তাঁহার আইনজ্ঞতায় ও সংযত ভাষায় সকলে মুগ্ধ হইত। গবর্ণমেন্টের নিকট তিনি সমপিক প্রতিষ্ঠাভাজন হইয়াছিলেন। ইনি জনসাধারণের নিকটেও খ্যাতি অর্জন করিয়াছেন। রাজকার্য্য হইতে অবসর গ্রহণের পর ইনি ১৯০৬ খৃঃ ২৯ শে জুন “রাজা” উপাধি সম্মান লাভ করিয়াছেন। বিগত দিল্লীর বিরাট অভিষেক দরবারে রাজা গোপেন্দ্রকৃষ্ণ বঙ্গীয় গবর্ণমেন্ট কর্তৃক নিমন্ত্রিত হইয়াছিলেন; কিন্তু সেই রাজস্বয় যজ্ঞে যোগদান করিতে পারেন নাই। নবীন ভারতেশ্বর পঞ্চম জর্জ মহোদয়ের “করোনেশন মেডেল” পুরস্কার প্রদান উপলক্ষে ১৯১২ খৃঃ ১২ই এপ্রেল কলিকাতার টাউন হলে এক প্রকাশ্য দরবারে ৩৮ জন পুরস্কার প্রাপ্ত ব্যক্তিগণের মধ্যে গোপেন্দ্রকৃষ্ণ একজন ছিলেন। রাজা গোপেন্দ্রকৃষ্ণের তিন পুত্র—শ্রীযুক্ত কুমার দ্বিজেন্দ্রকৃষ্ণ, সচীন্দ্রকৃষ্ণ ও রবীন্দ্রকৃষ্ণ দেব বাহাদুর।

মহারাজ নরেন্দ্রকৃষ্ণের তৃতীয় পুত্র শ্রীযুক্ত শৈলেন্দ্রকৃষ্ণ দেব কলিকাতা হাইকোর্টের একজন সুপ্রসিদ্ধ এটর্নী । তিনি বহুবিধ সাধারণ কার্যের সহিত সংশ্লিষ্ট আছেন ।

মহারাজ নরেন্দ্রকৃষ্ণের চতুর্থপুত্র মহারাজকুমার দ্বীপেন্দ্রকৃষ্ণ দেব বাহাদুরের তিন পুত্র—কুমার শ্রীযুক্ত যোগেন্দ্রকৃষ্ণ, প্রনয়েন্দ্রকৃষ্ণ ও পরীন্দ্রকৃষ্ণ দেব বাহাদুর ।

মহারাজের ষষ্ঠ পুত্র মহারাজকুমার মানবেন্দ্রকৃষ্ণ দেব বাহাদুরের সন্তানাদি হয় নাই ।

মহারাজের কনিষ্ঠ পুত্র মহারাজকুমার যোতীন্দ্রকৃষ্ণ দেব বাহাদুরের চারি পুত্র—কুমার শ্রীযুক্ত অতীন্দ্রকৃষ্ণ, রতীন্দ্রকৃষ্ণ, সতীন্দ্রকৃষ্ণ ও পুর্ণেন্দ্রকৃষ্ণ দেব ।

মহারাজ নবকৃষ্ণ দেবের পৌত্র এবং রাজা রাজকৃষ্ণের অষ্টম পুত্র কুমার যাদবকৃষ্ণ দেব বাহাদুর নিঃসন্তান অবস্থায়, মৃত্যুমুখে পতিত হন ।



পাথুরিয়াঘাটা—রায়বংশ ।

প্রাচীনকালে বঙ্গেশ্বর আদিশূরের সময় সনকা আত্ম নামক জনৈক সুবর্ণবর্ণিক অগোধ্যা প্রদেশের অন্তর্গত রামগড় হইতে আসিয়া বঙ্গদেশে বাস করেন ; তদবধি ঐ স্থানের নাম সুবর্ণ গ্রাম হইয়াছে । ইঙ্গ অতি প্রাচীন নগর । ১৩৩৮ খৃঃ হইতে প্রায় দেড় শত বৎসরকাল সুবর্ণ গ্রাম পূর্ববঙ্গের রাজধানী ছিল । অধুনা গভীর জঙ্গলে আচ্ছন্ন ।

লক্ষ্মীনারায়ণ ধর ওরফে নকুড় ধর পূর্বোক্ত সনকা আত্মের বংশধর । এই রাজবংশ ইতিহাস প্রসিদ্ধ । ইউরোপীয়দিগের উপদ্রবে বিব্রত হইয়া নকুড় ধর সুবর্ণ গ্রাম পরিত্যাগপূর্বক কলিকাতার পূর্বকালীন জঙ্গলময় পল্লীতে, বর্তমান পাথুরিয়াঘাটার নিকট নূতন বাজার নামক স্থানে আসিয়া বাস করেন । তৎকালে তিনি ব্যবসায় দ্বারা প্রভূত অর্থোপার্জন করিয়াছিলেন । ধনকুবের লক্ষ্মীনারায়ণ ইংরাজদিগের মহারাজ্য যুদ্ধের সঙ্কট সময় ইষ্ট ইণ্ডিয়া কোম্পানীকে অকুণ্ঠিতচিত্তে অজস্র অর্থ সাহায্য করিয়াছিলেন । তখন জগৎশেঠ মুর্শিদাবাদের নবাবকে অর্থ সরবরাহ করিতেন এবং নকুড় ধর ইংরাজদিগের অর্থ যোগাইতেন । ওয়ারেন্ হেস্টিংস্ এবং লর্ড ক্লাইব প্রভৃতির নিকট তাঁহার যথেষ্ট প্রতিপত্তি ও সম্মান ছিল । অনেক গুরুতর বিষয়ে তাঁহারা লক্ষ্মীনারায়ণের পরামর্শ গ্রহণ করিতেন । মহারাজ নবকৃষ্ণ দেব বাহাদুরকে ওয়ারেন্ হেস্টিংস্ সাহেবের নিকট তিনিই প্রথমে পরিচিত করিয়া দিয়াছিলেন । তদবধি নবকৃষ্ণ হেস্টিংস্ সাহেবের গৃহ-শিক্ষক নিযুক্ত হন । ইষ্ট ইণ্ডিয়া কোম্পানী তাঁহার প্রতি সুপ্রসন্ন হইয়া “রাজা” উপাধি দিবার প্রস্তাব করেন, কিন্তু লক্ষ্মীনারায়ণ নিজে সেই সম্মান গ্রহণ না করিয়া তাঁহার একমাত্র দৌহিত্রকে সম্মানিত করিবার জন্ত অনুরোধ করিয়াছিলেন । লক্ষ্মীনারায়ণের সন্তানাদি

না থাকায় তিনি যাবতীয় বিষয় সম্পত্তি তাঁহার কত্তার একমাত্র পুত্র
সুখময় রায়কে দান করিয়া যান ।

৩ সুখময় রায় ।

লক্ষ্মীনারায়ণের দৌহিত্র রাজা সুখময় রায় বাহাদুর বদান্ততার জন্য
প্রসিদ্ধ ছিলেন । মারকুইস্ অব্ হেস্টিংসের সময় তিনি বহু অর্থ ব্যয়ে
৬ পুরুষোত্তম ধামের যাত্রীদিগের সুবিধার জন্য কটক রাস্তা নির্মাণ
করাইয়া দিয়াছিলেন ; এবং তাহার সংস্কার কার্যের জন্য গবর্ণমেন্টের
হস্তে দেড়লক্ষ টাকা দান করেন । এই সদনুষ্ঠানের জন্য মারকুইস্ অব্
হেস্টিংস বাহাদুর তাঁহাকে “রাজা বাহাদুর” উপাধি এবং একটি স্বর্ণপদক
উপহার প্রদান করেন । তিনি তৎকালীন দিল্লীর সম্রাট সাহ আলমের
নিকট হইতেও উক্ত “রাজা বাহাদুর” উপাধি প্রাপ্ত হইয়াছিলেন ।
সংক্ষেপে তাঁহার এতদূর খ্যাতি ছিল যে, দিল্লীর সম্রাট প্রদত্ত তাঁহার
রাজা বাহাদুর উপাধি পারস্যের তদানীন্তন সাহ পর্য্যন্ত অনুমোদন
করিয়া একখানি পরোয়ানা প্রেরণ করিয়াছিলেন । অতঃপর ইষ্ট
ইণ্ডিয়া কোম্পানী তাঁহাকে পাঁচ সহস্র পদাতিক সৈন্য রাখিবার
অনুমতি ও পাকীতে ঝালর ব্যবহার করিবার অধিকার প্রদান করেন ।
কলিকাতার বেঙ্গল ব্যাঙ্ক প্রতিষ্ঠার সময় তিনিই একমাত্র বাঙ্গালী
ডিরেক্টর ছিলেন । সকলের প্রতি তাঁহার সমান দৃষ্টি ছিল । রাজা
বাহাদুরের পাঁচ পুত্র—রামচন্দ্র, কৃষ্ণচন্দ্র, বৈষ্ণনাথ, শিবচন্দ্র ও
নরসিংচন্দ্র রায় ।

৩ রামচন্দ্র রায়।

রাজা বাহাদুরের জ্যেষ্ঠপুত্র কুমার রামচন্দ্র রায় বিবিধ সংকাষ্য দ্বারা দেশের অনেক উপকার করিয়া গিয়াছেন। তিনি মৃত্যুকালে একমাত্র পুত্র কুমার রাজনারায়ণ রায় বাহাদুরকে রাখিয়া যান। কুমার বাহাদুরের কোন সন্তানাদি হয় নাই। তিনি ব্রজেন্দ্রনারায়ণ রায়কে পোষ্য পুত্র গ্রহণ করেন। ব্রজেন্দ্রনারায়ণ নিঃসন্তান থাকায় মৃত্যুর পূর্বে তিনি কুমার দীনেন্দ্র নারায়ণ রায়কে পোষ্য পুত্র গ্রহণ করেন।

দীনেন্দ্রনারায়ণ রায়।

রাজা শ্রীযুক্ত দীনেন্দ্রনারায়ণ রায় সাধারণের হিতকর বিষয়ে বিশেষ মনোযোগী। ইনি একজন সম্মত্ত ও কৃতবিদ্য ব্যক্তি। ইনি নানা বিষয়ে স্বীয় প্রতিভা প্রদর্শন করিয়া সমাজে গণ্য হইয়া বংশের গৌরব রক্ষা করিয়াছেন। ইনি কলিকাতার অবৈতনিক প্রেসিডেন্সী মাজিস্ট্রেট, কলিকাতার ডিষ্ট্রিক্ট চেরিটেবল সোসাইটীর একজন সভ্য; পশুদিগের কষ্টনিবারিণী সমিতির সদস্য। দীনেন্দ্রনারায়ণ ১৯১৪ খৃঃ ইংরাজী নববর্ষ উপলক্ষে “রাজা” উপাধি সম্মান প্রাপ্ত হইয়াছেন।

রাজা স্বথময় বাহাদুরের মধ্যম পুত্র কুমার কৃষ্ণচন্দ্র রায় বিজ্ঞ ও উদারচরিত পুরুষ ছিলেন। তিনি নিঃসন্তান অবস্থায় মৃত্যুমুখে পতিত হইয়াছেন।

৩ বৈষ্ণনাথ রায়।

রাজা বাহাদুরের তৃতীয় পুত্র রাজা বৈষ্ণনাথ রায় বাহাদুর পিতার অমুরূপ বুদ্ধিমান ও সংকার্য্য পরায়ণ ছিলেন। তিনি সাধারণ হিতকর

কার্যে অকাতরে অর্থদান করিতেন। তিনি তৎকালীন হিন্দু কলেজে পঞ্চাশ সহস্র টাকা ; কাশীপুর গান্ধাউগুরি ঘাট এবং তথা হইতে দমদমা পর্যন্ত রাস্তা নির্মাণকল্পে চল্লিশ হাজার টাকা ; নেটীব্‌ হাঁসপাতাল ফণ্ডে ত্রিশ হাজার টাকা ; দেশীয় স্ত্রীলোকদিগের বিদ্যাশিক্ষার জন্ত বিশ হাজার টাকা ; কশ্মনাখা নদীর উপর সেতু নির্মাণার্থ আট হাজার টাকা ; লণ্ডন ভূতত্ত্ব সমিতিতে ছয় হাজার টাকা দান করেন। এতদ্ব্যতীত নানা প্রকার জনহিতকর অনুষ্ঠানের সহিত তাঁহার সংশ্লিষ্ট ছিল। রাজ্যপ্রতিনিধি লর্ড আমহার্স্ট বাহাদুর তাঁহার দানের বিশেষ প্রশংসা করিয়া বৈষ্ণবনাথকে “রাজা বাহাদুর” উপাধি সম্মানে ভূষিত করেন। অধিকন্তু একটি স্তব্ধ মেডেল ও সুন্দর কারুকার্য সমন্বিত একখানি তরবারি উপহার দিয়াছিলেন। তাঁহার দানের জন্ত লর্ড ল্যান্সডাউন বাহাদুর একখানি প্রশংসা পত্রসহ লণ্ডন ভূতত্ত্ব সমিতির একখানি “ডিপ্লোমা” প্রদান করিয়াছিলেন। রাজা বৈষ্ণবনাথ মৃত্যুকালে ছই পুত্র কুমার রাজকৃষ্ণ ও কুমার কালীকৃষ্ণ বায় বাহাদুরকে রাখিয়া যান।

রাজাবাহাদুরের জ্যেষ্ঠ পুত্র কুমার রাজকৃষ্ণের ছই পুত্র—কুমার জয়গোবিন্দ রায় ও কুমার শ্যামদাস রায়।

কুমার জয়গোবিন্দের একমাত্র পুত্র কুমার মনোহরচন্দ্র রায়।

৩ কালীকৃষ্ণ রায়।

রাজা বৈষ্ণবনাথের কনিষ্ঠ পুত্র কুমার কালীকৃষ্ণ রায় ধার্মিক ও স্বাধীনচেতা পুরুষ ছিলেন। তিনি পাইকপাড়ায় একটি বিদ্যালয় স্থাপন পূর্বক কয়েক বৎসর তাহার বায়ভৌর বহন করিয়াছিলেন। চিৎপুরে একটি হাঁসপাতাল প্রতিষ্ঠাকালে কালীকৃষ্ণ ২৫০০ টাকা দান করেন, অধিকন্তু প্রতিমাসে প্রায় এক শত টাকা সাহায্য করিতেন। ১৮৭৪ খৃঃ

২৫শে মে তিনি ভারতের ভূতপূর্ব রাজপ্রতিনিধি লর্ড নর্থব্রুক্ এবং প্রধান সেনাপতি লর্ড নেপিয়ারকে একটি সাক্ষা সম্মিলনীতে নিমন্ত্রণ করিয়াছিলেন ; তৎকালে কুমার বাহাদুর রাজপ্রতিনিধিকে পান ও আতর দানে আপ্যায়িত করেন ; সেই সময় ব্রীটিশ রাজের ৬২ নং রেজিমেন্ট অভ্যর্থনা করলে উপস্থিত হইয়াছিল ।

লর্ড আকল্যাণ্ডের সময় কালীকৃষ্ণ “কুমার” উপাধিতে ভূষিত হন ; সেই সময় পরিচ্ছদ এবং পাগড়ীর জন্ত একটি হীরকমণ্ডিত অলঙ্কার (Shirpatch) প্রাপ্ত হন । ভূতপূর্ব রাজপ্রতিনিধি লর্ড হাডিঞ্জ এবং লর্ড এল্‌গিন্ বাহাদুর উভয়ে কালীকৃষ্ণ ও তাঁহার ঞ্চংশে তরবারি ব্যবহারের অধিকার দিয়াছিলেন । ১৮৭৮ খৃঃ কুমার কালীকৃষ্ণ রায় মহাপ্রস্থান করেন । মৃত্যুকালে তিনি কুমার দোলচন্দ্র রায় ও নাগরনাথ রায় নামে দুইটি উপসক্ত পুত্র রাখিয়া যান ।

৬ দৌলচন্দ্র রায় ।

কালীকৃষ্ণের জ্যেষ্ঠ পুত্র কুমার দৌলচন্দ্র রায় ১৮৭৫-১৮৭৮ খৃঃ পর্য্যন্ত কাশীপুরের সাবরেজিষ্টার পদে নিযুক্ত থাকেন । অতঃপর পিতার মৃত্যু কালে জমিদারী পরিচালন জন্য বাধ্য হইয়া রাজকার্য্য পরিত্যাগ করেন । তিনি মৃত্যুকালে দুইটি শিশুপুত্র কুমার তেজচন্দ্র রায় ও কুমার সতীশচন্দ্র রায়কে রাখিয়া যান ।

রাজা স্মথময়ের চতুর্থ পুত্র কুমার শিবচন্দ্র রায় বহুবিধ সংকার্য্যের জন্য গবর্ণমেন্ট কর্তৃক “রাজা বাহাদুর” উপাধি সম্মানে ভূষিত হইয়াছিলেন । তিনি নিঃসন্তান অবস্থায় গতাস্থ হইয়াছেন ।

৩ নরসিংহচন্দ্র রায় ।

রাজা স্বথময়ের কনিষ্ঠ পুত্র নরসিংহচন্দ্র রায় পৈতৃক ভবন প্রাপ্ত হইয়াছিলেন । দানধর্ম্যে ও সংকল্পে তাঁহার সমূহ খ্যাতি ছিল । ভূতপূর্ব গবর্ণর জেনারেল লর্ড আমহার্স্ট বাহাদুর তাঁহাকে “রাজাবাহাদুর” উপাধিতে ভূষিত করেন । তিনি উদার হৃদয় ও লোকবৎসল পুরুষ ছিলেন । তিনি নীরবে দেশের ও দেশের সেবা করিতেন । তাঁহার অর্থানুকূল্যে অনেক সদনুষ্ঠান সুসম্পন্ন হইয়াছে । তিনি দাতা মধুরভাষী ও বিনয়ী ছিলেন ।

৩ রাজকুমার রায় ।

রাজা নরসিংহের একমাত্র পুত্র কুমার রাজকুমার রায় অবৈতনিক গাজিষ্ট্রেট, জুটিস্ অব দি পিস্ প্রভৃতি বহু সম্মানে সম্মানিত ছিলেন । তিনি অতি সরল, উদার, অমায়িক ও পরোপকারী লোক ছিলেন । বন্ধুবান্ধবের উপকারে তিনি বহু অর্থ ব্যয় করিয়া গিয়াছেন । তিনি আড়ম্বর শূন্য ছিলেন । তাঁহার দুই পুত্র—কুমার রাধাপ্রসাদ রায় ও কুমার দেবীপ্রসাদ রায় ।

৩ রাধাপ্রসাদ রায় ।

রাজকুমারের পুত্র কুমার রাধাপ্রসাদ রায় ১৮৫৩ খৃঃ কলিকাতায় জন্মগ্রহণ করেন । তিনি প্রথমে কলিকাতা নরম্যাল স্কুলে বিদ্যারম্ভ করিয়াছিলেন । তৎপরে হিন্দুস্কুলে প্রবিষ্ট হন । তিনি সুশিক্ষিত, সদন্তঃকরণ, দাতা ও অমায়িক পুরুষ ছিলেন । দেশহিতকর প্রায় সকল

কার্যেই তাঁহার দান মহিমা প্রকটিত ছিল। তিনি একটি পল্লী গ্রামের স্কুলের ব্যয়ভার বহন করিতেন। তিনি অনেকগুলি বৃত্তি সংস্থাপন করেন। এতদ্ব্যতীন গোপনে তাঁহার দান ছিল। তিনি প্রায় লক্ষ টাকা সাধারণ হিতকর কার্যে দান করিয়া গিয়াছেন। তিনি বন্ধু বংশলতায় ও সংকারণে অনুষ্ঠানে অবিচলিত চিত্ত ছিলেন। কুমার বাহাদুর বঙ্গ-ভাষার একজন অকপট অনুরাগী এবং নিজে একজন লেখক ও গ্রন্থকার ছিলেন। রাজনীতি, সমাজনীতি, মনোবিজ্ঞান ও দর্শন প্রভৃতি উচ্চ বিষয়সমূহে তিনি ছয়খানি স্তব্ধং চিন্তাশীল গ্রন্থ প্রণয়ন করিয়া তাহার প্রায় দশ সহস্র খণ্ড বিনামূল্যে বিতরণ করিয়াছিলেন। ১৯০২ খৃ তিনি ভিক্টোরিয়া স্মৃতিসৌধ ভাঙারে পঁচিশ সহস্র টাকা দান করেন। প্রায় একমাস কাগ রোপ শয্যায় শায়িত থাকিয়া ১৯০২ খৃঃ ৩রা সেপ্টেম্বর কুমার রাধাপ্রসাদ রায় বাহাদুর ইহলোক হইতে মহাপ্রস্থান করিয়াছেন। তাঁহার সুবিশাল সম্পত্তি তদীয় কন্যার পুত্র শ্রীযুক্ত গোরমোহন মল্লিককে দান করিবার ব্যবস্থা করিয়া যান। তিনি মৃত্যুকালে তাঁহাকে দত্তক ও উত্তরাধিকারী করিবার জন্য সহধর্মিণীকে একখানি উইল দ্বারা অনুমতি প্রদান করিয়া যান। ইহার বিধবা পত্নী ও ছইটি কন্যা বর্তমান।

কুমার রাধাপ্রসাদের কনিষ্ঠ ভ্রাতা দেবী প্রসাদেব পুত্র শ্রীযুক্ত হরি-প্রসাদ রায় অধুনা এই বংশের গৌরব রক্ষা করিতেছেন।



চোরবাগান মল্লিকবংশ ।

কলিকাতা চোরবাগানের মল্লিকদিগের আদি নিবাস হুগলী জেলার অন্তর্গত সপ্তগ্রাম । এই বংশের পূর্বপুরুষগণ স্রবর্ণরেখা নদীতীরে বাস করিতেন । তৎপরে সপ্তগ্রাম, হুগলী, চুঁচুড়া এবং পরিশেষে কলিকাতায় আসিয়া বসতি করেন । ইহারা জাতিতে স্রবর্ণবর্ণিক । এই বংশ বহুদিবস হইতে দানশীলতার জন্য প্রখ্যাত ।

মাথুশীল এই বংশের প্রপিতৃপিতা । তাঁহার দ্বাদশ পুত্র, তন্মধ্যে গজশীল জ্যেষ্ঠ ছিলেন । গজ শীলের তিন পুত্র, তাহার মধ্যে জ্যেষ্ঠ স্মার শীল । স্মারের পুত্র বারোণী শীল । তাঁহার পুত্র বাজেশীল ; তৎপুত্র তেজচন্দ্র শীল ; তৎপুত্র প্রয়াগ শীল ; তাঁহার পুত্র নাগর শীল । তিনি তিনটি পুত্র রাখিয়া যান ; তন্মধ্যে নৃত্যানন্দ জ্যেষ্ঠ ; তৎপুত্র নারায়ণ শীল ; তাঁহার সাত পুত্র ; তাঁহাদের মধ্যে মদন শীল জ্যেষ্ঠ । তৎপুত্র বনমালী শীল ; বনমালীর তিন পুত্র, তন্মধ্যে জ্যেষ্ঠ বাদব চন্দ্র শীল মুসলমান রাজত্বের সময় বিশেষ সূখ্যাতি লাভ করিয়া নবাব-সরকার হইতে “মল্লিক” উপাধি প্রাপ্ত হন । তাঁহার পাঁচপুত্র ; তন্মধ্যে কানুরাম মল্লিক জ্যেষ্ঠ ছিলেন । কানুরামের চারিপুত্র ; জ্যেষ্ঠ জয়রাম মল্লিক ১৬৩৫ খৃঃ বর্গাদিগের ভয়ে সপ্তগ্রাম পরিত্যাগ করিয়া প্রথমে কলিকাতায় আসিয়া বাস করেন । তিনি মৃত্যুকালে ছয়টি পুত্র রাখিয়া যান । তাঁহার জ্যেষ্ঠ পুত্র পদ্মলোচন মল্লিক বাণিজ্যের দ্বারা বিষয় সম্পত্তি বৃদ্ধি করেন । পদ্মলোচনের পুত্র শ্রামসুন্দর মল্লিক । তাঁহার দুই পুত্র রামকৃষ্ণ মল্লিক এবং গঙ্গাবিক্রম মল্লিক হইতেই এই বংশ প্রসিদ্ধি লাভ করিয়াছে । উভয় ভ্রাতায় পাথুরিয়াঘাটায় বাস করিতেন ।

৩ রামকৃষ্ণ মল্লিক।

বাঙ্গালা, বিহার, উত্তর পশ্চিমাঞ্চল, সিদ্ধাপুর, চীন প্রভৃতি দেশে তাঁহাদিগের বাণিজ্যাগার ছিল। তাঁহারা বাণিজ্য ব্যবসায় প্রভূত অর্থোপার্জন করেন। উভয় ভ্রাতায় অত্যন্ত দাতা ছিলেন। ধর্মশালা স্থাপন করিয়া বহু অতিথিকে অন্নদান এবং স্বজাতীয় দীন দরিদ্রদিগকে ভরণপোষণ করিতেন। তাঁহারা রোগীদিগের ঔষধ বিতরণ করিবার ব্যবস্থা করিয়াছিলেন। ১৭৭০ খৃঃ মন্বন্তরের সময় তাঁহারা আটটি অন্নসত্র খুলিয়া অকাতরে দরিদ্রদিগকে অন্নদান করেন। ৩বৃন্দাবন ধামে তাঁহাদিগের একটি অন্নসত্র আছে। ১৮০৩ খ্রীঃ ডিসেম্বর মাসে রামকৃষ্ণ মল্লিক মানবলীলা সম্বরণ করেন। তাঁহার তিন পুত্র—আনন্দলাল, বৈষ্ণবদাস ও সনাতন মল্লিক।

জ্যেষ্ঠপুত্র আনন্দলাল মল্লিক নিঃসন্তান অবস্থায় মৃত্যুমুখে পতিত হন।

৩ বৈষ্ণবদাস মল্লিক।

রামকৃষ্ণের মধ্যম পুত্র বৈষ্ণবদাস মল্লিক ১৭৭৫ খৃঃ ৮ই অক্টোবর জন্মগ্রহণ করেন। তিনি সংস্কৃত ভাষার অমুরাগী ছিলেন এবং বহু সংস্কৃত গ্রন্থ সংগ্রহ করিয়াছিলেন। তিনি সদাত্রত ও একটি বিদ্যালয় স্থাপন করেন। বৈষ্ণবদাস একজন নিষ্ঠাবান হিন্দু ছিলেন। মহা-সমারোহে বাটীতে ছুর্গোৎসব করিয়া বহু ব্রাহ্মণ পণ্ডিতকে বিদায় প্রদান করিতেন। তিনি ফুল আখড়ায়ের সৃষ্টি করেন; অধুনা তাহা হইতে হাফ আখড়াই হইয়াছে। নানা প্রকার অনুষ্ঠানে তাঁহার বিশেষ আগ্রহ ছিল। বাণিজ্য দ্বারা ও পরে বিষয় সম্পত্তি ক্রয় করিয়া তিনি বিপুল অর্থশালী হইয়াছিলেন। ১৮৪১ খৃঃ ১০ই মার্চ বৈষ্ণবদাস মল্লিক

লোকান্তরিত হইয়াছেন। তাঁহার পাঁচ পুত্র—বীরনরসিংহ, স্বরূপচন্দ্র, দীনবন্ধু, ব্রজবন্ধু ও গোষ্ঠ বিহারী মল্লিক ।

রামকৃষ্ণের কনিষ্ঠপুত্র সনাতন মল্লিক ১৭৮১ খৃঃ ৪ঠা সেপ্টেম্বর জন্মগ্রহণ করেন। ১৮০৫ খৃঃ তিনি অকালে মৃত্যুমুখে পতিত হন।

তাঁহার কোন পুত্রসন্তান হয় নাই।

৩ বীরনরসিংহ মল্লিক ।

বৈষ্ণবদাসের জ্যেষ্ঠপুত্র বীরনরসিংহ মল্লিক সকলের মধ্যে প্রসিদ্ধি লাভ করেন। তাঁহার বিনয় ও সদয় ব্যবহারে, ধর্মপরায়ণতায় জনসাধারণের প্রীতি আকর্ষণ করেন। তিনি অনেক জমিদারকে জমিদারী পরিচালনের সহপদেশ প্রদান করিতেন। তিনি স্বভাবতঃ তীক্ষ্ণবুদ্ধি ও সরল প্রকৃতির লোক ছিলেন। ১৮০৪ খৃঃ ২৩শে জুলাই বীরনরসিংহ মল্লিক লোকান্তরগমন করিয়াছেন। তিনি মৃত্যুকালে তুলসীদাস মল্লিক ও সুবলদাস মল্লিক নামে দুইটা পুত্র রাখিয়া যান।

বীরনরসিংহের জ্যেষ্ঠপুত্র তুলসীদাস মল্লিক একজন প্রশংসনীয় ব্যক্তি ছিলেন। তিনি ইংরাজী ভাষায় বিশেষ বুৎপন্ন ছিলেন। অনেকে তাঁহার পরামর্শ গ্রহণ করিতেন। অবৈতনিক প্রেসিডেন্সী মাজিস্ট্রেট পদ সৃষ্টি হইলে যে কয়েকজন ব্যক্তি প্রথম নিযুক্ত হন, তন্মধ্যে তিনি একজন ছিলেন। ১৮৬১ খৃঃ ২১ শে ডিসেম্বর তুলসীদাস মল্লিক গতাস্ব হইয়াছেন। তাঁহার দুই পুত্র—বলাইদাস মল্লিক ও গয়াপ্রসাদ মল্লিক।

বীরনরসিংহের কনিষ্ঠপুত্র সুবলদাস মল্লিক অতি নব্র ও বিনয়ী ছিলেন। ব্রজবন্ধু মল্লিকের মৃত্যুর পর তিনি এই বংশের প্রতিনিধি হন। তিনি অবৈতনিক মাজিস্ট্রেট এবং “জুটিস্ অব্ দি পিস্” ছিলেন।

১৮৭৬ খৃঃ শ্রবণদাস মল্লিক একমাত্র পুত্র গোপীমোহন মল্লিককে রাখিয়া মহাপ্রস্থান করেন।

বৈষ্ণবদাসের মধ্যমপুত্র স্বরূপ চন্দ্র মল্লিক ১৮৪৭ খৃঃ ২৫শে নবেম্বর দেহত্যাগ করেন। তাঁহার পুত্র সন্তান থাকে নাই।

বৈষ্ণবদাসের তৃতীয় পুত্র দীনবন্ধু মল্লিক এই বংশের ক্রিয়াকলাপ স্ফূর্তিরূপে পরিচালন করেন। বীরনরসিংহের মৃত্যুর পর তিনি এই বংশের প্রতিনিধি হইয়াছিলেন। তাঁহার একমাত্র পুত্র নন্দলাল মল্লিক।

৬ ব্রজবন্ধু মল্লিক।

বৈষ্ণবদাসের চতুর্থ পুত্র ব্রজবন্ধু মল্লিক অত্যন্ত দয়ালু ও ধার্মিক পুরুষ ছিলেন। তিনি কলিকাতার ক্লাইব রো নামক রাস্তার জন্য ভূমি দান করেন। দীনবন্ধু মল্লিকের মৃত্যুর পর, তিনি এই বংশের প্রতিনিধি হন। ব্রজবন্ধু গোপনে বহু অর্থ দান করিয়া গিয়াছেন। ১৮৬৯ খৃঃ আগষ্ট মাসে পঞ্চাশ বৎসর বয়সে পরলোকগত হইয়াছেন। তিনি মৃত্যুকালে পাঁচটি পুত্র আশুতোষ, গোবিন্দলাল, গোপাললাল, বনমালী ও মতিলাল মল্লিককে রাখিয়া যান।

মধুসূদন সাঙোল চিংপুররোডের পার্শ্বে দুইটি বাটী নির্মাণ করাইয়া ছিলেন। তাহাকে লোকে “ইণ্ডিয়ান প্যালেস” বলিত। সাঙোল বাবুগণ একটি বাটী বরণ কোম্পানীকে বিক্রয় করেন; তৎপরে আশুতোষ মল্লিক বরণ কোম্পানীর নিকট হইতে উহা ক্রয় করিয়া একটি প্রকাণ্ড অট্টালিকা নির্মাণ করেন। কিন্তু বাটী নির্মাণের সময় তাঁহার উৎকট পীড়া হওয়ায় স্থান পরিবর্তনের জন্য তিনি পশ্চিমাঞ্চলে গমন করিয়াছিলেন। অতঃপর তথায় আশুতোষ মল্লিক আশুধামে গমন করেন। নূতন বাটীতে বাস করা তাঁহার ভাগ্যে ঘটে নাই।

বৈষ্ণবদাসের কনিষ্ঠপুত্র গোষ্ঠবিহারী মল্লিক ১৮৫১ খৃঃ ভবলীলা সম্বরণ করেন। তিনি মৃত্যুকালে একমাত্র শিশুপুত্র ত্রীযুক্ত কুঞ্জবিহারী মল্লিককে রাখিয়া যান।

৩ নীলমণি মল্লিক ।

১৭৮৮ খৃঃ ৭ই ফেব্রুয়ারি গঙ্গাবিক্রম মল্লিকের মৃত্যু হইয়াছে।

তাহার একমাত্র পুত্র নীলমণি মল্লিক ১৭৭৫ খৃঃ ১০ই সেপ্টেম্বর জন্মগ্রহণ করেন। তিনি অত্যন্ত দাতা ও ধার্মিক পুরুষ ছিলেন। তিনি চোরবাগানে শ্রীশ্রীজগন্নাথ জীউর ঠাকুরবাড়ী ও একটি অতিথিশালা স্থাপন করেন। ৩ পুরুষোত্তমধামের যাত্রীগণ পথিমধ্যে ঝড় রষ্টিতে কষ্ট পাইত বলিয়া তিনি রাস্তার মধ্যে মধ্যে গৃহ নির্মাণ করাইয়া দিয়াছিলেন। যাত্রীগণকে “আঠার নালা” অতিক্রম করিবার জন্ত পয়সা যাহাতে না দিতে হয়, তজ্জন্ত তিনি কালেক্টারীতে বহু অর্থ প্রদান করিয়াছিলেন। তিনি বহু অর্থব্যয়ে ৩ পুরীধামের শ্রীশ্রীজগন্নাথ জীউর একটি সুন্দর নাট-মন্দির নির্মাণ করাইয়া দিয়াছিলেন। কলিকাতার গঙ্গাতীরে “নীলমণি মল্লিকের ঘাট” নামে একটি বাঁধাঘাট প্রতিষ্ঠা করেন। তিনি একটি ইংরাজী স্কুল ও একটি পাঠশালার ব্যয়ভার বহন করিতেন। ১৮২১ খৃঃ ২রা সেপ্টেম্বর নীলমণি মল্লিক সজ্জানে গঙ্গালাভ করেন। তিনি মৃত্যুকালে বিধবা পত্নী এবং তিন বৎসর বয়স্ক একমাত্র শিশুপুত্র রাজেন্দ্রলাল মল্লিককে রাখিয়া যান। তাঁহারা কিয়দিবস পরে পাথুরিয়াঘাটা হইতে চোরবাগানে আসিবা বাস করেন। নীলমণির মৃত্যুর পর ১৮৭৪ খৃঃ ২রা ফেব্রুয়ারি তদানীন্তন বঙ্গেশ্বর শোক প্রকাশ করিয়া রাজেন্দ্রলালকে একখানি পত্র দিয়াছিলেন।

৩ রাজেন্দ্রলাল মল্লিক ।

রাজা রাজেন্দ্রলাল মল্লিক বাহাদুর ১৮১৯ খৃঃ ২৪ শে জুন চোরবাগানে জন্মগ্রহণ করেন। তাঁহার নাবালক অবস্থায় তৎকালীন সুপ্রিম কোর্ট, স্যার জেমস্ হগ্ সাহেবকে, রাজেন্দ্রলালের অভিভাবক নিযুক্ত করেন। অতঃপর ১৮৩৫ খৃঃ বয়ঃপ্রাপ্ত হইয়া তিনি পিতার পরিত্যক্ত সম্পত্তির ভার গ্রহণ করেন। তিনি হিন্দুকলেজে অধ্যয়ন করিয়া ইংরাজী, সংস্কৃত, বাঙ্গালা ও পার্শ্বভাষায় উত্তমরূপ শিক্ষা প্রাপ্ত হন। বাল্যকাল হইতেই তিনি সদালাপী, দয়ালু ও দাতা ছিলেন। পাশ্চাত্য ও প্রাচীন শিল্প সংগ্রহে বিশেষ অনুরাগ থাকায় তিনি বহু চিত্র, প্রতিমূর্তি এবং নানা প্রকার শিল্প সংগ্রহ করিয়াছিলেন। তিনি একজন নিষ্ঠাবান হিন্দু ছিলেন। জাতি নির্বিশেষে ঠাকুরবাড়ীতে প্রত্যহ বহু দরিদ্রকে অন্ন দান করিতেন। তাঁহার বাটীতে অদ্যাপি প্রত্যহ অতিথি সংকার ও কাঙ্গালী ভোজন হইয়া থাকে। তিনি বদান্ততার জ্ঞাত যেমন প্রসিদ্ধ ছিলেন, সঙ্গীত, চিত্র, উদ্ভিদ ও প্রাণী বিদ্যায় সেইরূপ খ্যাতিলাভ করেন। তাঁহার দয়া, ধর্মনিষ্ঠা, বিনয় প্রভৃতি সঙ্গুণে জনসাধারণে মুগ্ধ ছিল। তিনি অতিশয় পশুপ্রিয় ছিলেন। এক সময়ে তাঁহার চোরবাগানের বাটীতে একটি বৃহৎ চিড়িয়াখানা ছিল। সেই পশুশালায় নানা প্রদেশ হইতে পক্ষী ও জন্তু সংগ্রহ করিয়াছিলেন। উহা হইতে অনেকগুলি দুর্লভ পশুপক্ষী তিনি আলিপুরের পশুশালায় প্রদান করেন। কলিকাতা-সহরের মধ্যে রাজেন্দ্রলাল প্রথম পশুশালা স্থাপন করেন। কলিকাতা-আলিপুরের পশুশালা বাহারা প্রতিষ্ঠা করেন; তন্মধ্যে রাজেন্দ্রলাল অন্যতম ছিলেন এবং ইহাতে অনেকগুলি মূল্যবান জন্তু উপহার প্রদান করেন। তাঁহার স্মরণার্থ পশুশালায় উদ্ভানের প্রথম নির্মিত গৃহটী “মল্লিকের ঘর” নামে অভিহিত হইয়াছে। তিনি নানা

জাতীয় পক্ষী ও জঙ্ঘ ইউরোপের অনেক পশুশালায় প্রেরণ করিয়া তাহার বিনিময়ে তথা হইতে অনেকগুলি মূল্যবান মেডেল, প্রশংসাপত্র এবং পশুপক্ষী প্রাপ্ত হন। ১৮৫৭ খৃঃ ৪ঠা জুলাই লণ্ডনের প্রাণিতত্ত্ব সমিতি একটি মেডেল উপহার প্রদান করেন। ১৮৬৩ খৃঃ ২৫শে মে অষ্ট্রেলিয়ার অন্তর্গত মেলবরন নগর হইতে “ভিক্টোরিয়া পশুপ্রদর্শনী সমিতি” তাঁহাকে একজন অবৈতনিক সদস্য মনোনীত করেন। উক্ত বৎসর বিলাতের প্রাণিতত্ত্ব সমিতি তাঁহাকে একজন অতিরিক্ত সভ্য নিযুক্ত করেন। বেলজিয়ম, এটোয়ার্প প্রভৃতির রাজকীয় প্রাণিতত্ত্ব সমিতির সভাপতি তাঁহাদের সমিতির সহিত সংস্রব রাখিয়া পশুপক্ষীদিগের বিনিময়ের জন্য তাঁহাকে অনুরোধ করেন। ১৮৬৫ খৃঃ উড়িষ্যার হুভিক্ষের সময় কলিকাতায় যে সকল আতুর ব্যক্তি আসিয়াছিল, তাহাদিগকে অকাতরে অন্নদান করিতেন এবং হুভিক্ষ ভাণ্ডারে চল্লিশ সহস্র মুদ্রা দান করেন। এই দানশীলতায় সন্তুষ্ট হইয়া গবর্ণমেন্ট তাঁহার গুণের প্রশংসা করিয়া ১৮৬৭ খৃঃ ৩রা জানুয়ারী “রায় বাহাদুর” উপাধি প্রদান করেন। উক্ত বৎসর মাদ্রাজ হুভিক্ষেও কয়েক সহস্র টাকা সাহায্য করিয়াছিলেন। ১৮৬৮ খৃঃ এসিয়াটিক সোসাইটির বঙ্গদেশের সভাপতি, রাজেন্দ্রলালের চাঁদা দানের জন্ত ও কয়েকটি জন্ত উপহার দেওয়ায় বিশেষ প্রশংসা করেন। ১৮৬৯ খৃঃ তিনি ইণ্ডিয়ান মিউজিয়মের ট্রস্টী এবং ভারতীয় ব্যবস্থাপক সভার সভ্য নিযুক্ত হন। তিনি প্রতিদিন বহু দীন দরিদ্রকে অন্নদান করায় ১৮৭৭ খৃঃ ১লা জানুয়ারী দিল্লী দরবারে লর্ড লিটন বাহাদুর তাঁহার বিশেষ প্রশংসা করিয়া একখানি প্রশংসাপত্র প্রদান করেন। অতঃপর ১৮৭৮ খৃঃ ১লা জানুয়ারী ভূতপূর্ব রাজপ্রতিনিধি লর্ড লিটন তাঁহাকে “রাজা বাহাদুর” উপাধি প্রদান করেন। অধিকন্তু উপাধি সন্দের সহিত খিলাত ও একটী বৃহৎ হীরক অনুরীয় উপহার দিয়াছিলেন। তদবধি দ্বারে শাস্ত্রী পাহারা

রাখিবার অনুমতি প্রাপ্ত হন। রাজা বাহাদুর বহুদিবস ব্রিটিশ ইণ্ডিয়ান এসোসিয়েসন নামক জমিদার সভার সভ্য ছিলেন। তিনি কলিকাতার “নূতন বাজার” স্থাপিত করেন। সুরমা হাশ্মের প্রতি বিশেষ আগ্রহ থাকায় স্বীয় স্রবৃহৎ তোষাখানা নূতন ধরণে নিৰ্মিত ও স্রসজ্জিত করেন। তাঁহার চোরবাগানের প্রাসাদটী মন্মর প্রস্তরে বহু অর্থব্যয়ে নিৰ্মিত এবং বহুসংখ্যক প্রস্তরমূৰ্ত্তি ও তৈলচিত্র অঙ্কিত। পৃথিবীর নানাদেশ হইতে বহুবিধ মন্মর প্রস্তর আনয়নপূৰ্ব্বক তোষাখানা নিৰ্ম্মাণ করাইয়াছিলেন। ইহা বহুমূল্য দ্রব্যাদির দ্বারা পরিপূর্ণ এবং স্বর্ণ, রৌপ্য, হীরকমণ্ডিত নানা প্রকার বৃক্ষসকল বিরাজমান। বহুবিধ কারুকার্য ও শিল্পী দ্বারা এবং বহুমূল্য দ্রব্যাদির দ্বারা উহা স্রসজ্জিত করেন। একুপ স্রসজ্জিত স্রবৃহৎ অট্টালিকা কলিকাতা সহরে আর দ্বিতীয় নাই। চোরবাগানের মল্লিক প্রাসাদ কলিকাতার দর্শনীয় বস্তুর মধ্যে অগ্রতম। তাহার পশুশালা অতি মনোহর। ১৮৮৭ খৃঃ ১৪ই এপ্রেল স্বনাম ধন্ত মহাত্মা রাজা রাজেন্দ্র মল্লিক বাহাদুর ইহলোক হইতে মহাপ্রস্থান করিয়াছেন। রাজা বাহাদুর রূপলাল মল্লিকের কন্যা ও গ্রামাচরণ মল্লিকের ভগ্নীকে বিবাহ করেন। তাঁহার ছয়টা পুত্র—দেবেন্দ্রনাথ, মহেন্দ্রনাথ, গিরীন্দ্রনাথ, সুরেন্দ্রনাথ, যোগেন্দ্রনাথ ও মণীন্দ্রনাথ মল্লিক।

৩ দেবেন্দ্রনাথ মল্লিক ।

রাজা বাহাদুরের জ্যেষ্ঠপুত্র কুমার দেবেন্দ্রনাথ মল্লিক ইংরাজী ও সংস্কৃত ভাষায় অভিজ্ঞ ছিলেন। তিনি কলিকাতার জষ্টিস অব দি পিস্, অবৈতনিক প্রেসিডেন্সী মাজিস্ট্রেট, মিউনিসিপাল কমিসনার, এসিয়াটিক সোসাইটীর সদস্য, ব্রিটিশ ইণ্ডিয়ান এসোসিয়েসনের সভ্য, ক্যামিন্ রিলিফ ফণ্ড কমিটির মেম্বর প্রভৃতি বহু সাধারণ হিতকর অনুষ্ঠানের সহিত

সংশ্লিষ্ট ছিলেন । তিনি বিবিধ রাজোচিত গুণে ভূষিত ছিলেন । তিনি পিতার অনুরূপ বুদ্ধিমান এবং সংকার্য্য পরায়ণ ও শিল্পানুরাগী ছিলেন । তিনি বিজ্ঞ, উন্নতস্বভাব, উদার ও দাতা ছিলেন । ১৮৯৪ খৃঃ ষষ্ঠী বৎসর বয়ঃক্রমকালে কুমার দেবেন্দ্রনাথ মল্লিক পরলোকগমন করিয়াছেন ।

নগেন্দ্রনাথ মল্লিক ।

দেবেন্দ্রনাথের একমাত্র পুত্র কুমার শ্রীযুক্ত নগেন্দ্রনাথ মল্লিক বাহাদুর অধুনা বংশের গৌরব রক্ষা করিতেছেন । ১৮৫৩ খৃঃ ১লা ডিসেম্বর ইনি জন্মগ্রহণ করিয়াছেন । কলিকাতার সংস্কৃত কলেজে ইহার বিদ্যারম্ভ হয় । তথা হইতে প্রবেশিকা পরীক্ষায় উত্তীর্ণ হইয়া চারি বৎসর কাল প্রেসিডেন্সী কলেজে অধ্যয়ন করেন । ইনি পিতার গ্রাম ইংরাজী ও সংস্কৃত ভাষায় ব্যুৎপন্ন । চোরবাগানের মল্লিক প্রাসাদ জগদ্ধিত্যাত । ইউরোপীয় কোন পরিদর্শক কলিকাতায় আগমন করিলে উহা দর্শন করিয়া থাকেন । সম্ভ্রান্তি কুমার বাহাদুর উহার একখানি সচিত্র তালিকা পুস্তক প্রকাশ করিয়াছেন । ইনি প্রায় বিশ বিবা ভূমি দশ লক্ষ টাকায় ক্রয় করিয়া একটি সুন্দর পাক নিৰ্ম্মাণ করাইয়াছেন । ১৯০২ খৃঃ ১৫ই জুলাই মিউনিসিপালিটীর ভূতপূৰ্ব্ব চেয়ারম্যান মিঃ গ্ৰীয়ার সাহেব বাহাদুর এই পাক পরিদর্শন করিতে আগমন করেন । সাধারণের উপকারার্থে কুমার বাহাদুর ইহা নিৰ্ম্মাণ করায় গ্ৰীয়ার সাহেব বাহাদুর ইহার রাজস্ব কমাইয়া দিয়াছেন । ১৯১০ খৃঃ ২৬শে মার্চ রাজপ্রতিনিধি লর্ডমিণ্টো বাহাদুর পত্নীসহ মল্লিক প্রাসাদ দর্শন করিতে আগমন করিয়াছিলেন । তৎকালে তিনি কুমার বাহাদুরকে একখানি স্বীয় ফটোগ্রাফ উপহার প্রদান করেন । কুমার বাহাদুরের ব্রাহ্মপুত্রের বিবাহ উপলক্ষে ১৯১২ খৃঃ ৪ঠা মার্চ রাজপ্রতিনিধি লর্ড

হাডিঞ্জ বাহাদুর পত্নীসহ রাজপ্রাসাদে আগমন করেন। তৎকালে লর্ড হাডিঞ্জ মহোদয় ইহাকে একখানি স্বীয় ফটোগ্রাফ উপহার প্রদান করিয়াছেন। ১৯১২ খৃঃ ১২ ই এপ্রেল কলিকাতার টাউনহলে প্রকাশ্য দরবারে ৩৮ জনকে নবীন ভারতেশ্বর পঞ্চমজর্জ মহোদয়ের করনেশন মেডেল পুরস্কার প্রদত্ত হয়, তন্মধ্যে ইনি একজন ছিলেন। ১৯১৩ খৃঃ আগষ্টমাসে বর্ধমান বিভাগে ভোগ বজাপীড়িত ব্যক্তিগণের সাহায্যার্থে কুমার বাহাদুর এক সহস্র টাকা দান করিয়াছেন। ইনি বহুবিধ সাধারণ হিতকর কার্যের সহিত সংলিপ্ত। ইনি সূবর্ণ বণিক সমাজের সভাপতি ; ব্রিটিশ ইণ্ডিয়ান এসোসিয়েশনের একজন ষ্ট্রীটী ; বহুবাজার শিল্প বিদ্যালয়ের সহকারী সভাপতি ; ডিষ্ট্রিক্ট্ চেরিটেবল্ সোসাইটীর একজন সভ্য। ইনি ব্যায়াম ক্রীড়ায় অমুরাগী ; অধিকন্তু “ষ্টার এমের ক্লাব” নামে একটুক্লাব প্রতিষ্ঠা করিয়াছেন। ইনি প্রায় ত্রিশ হাজার টাকা ব্যয়ে একটি বৃহৎ সাধারণ পাঠাগার স্থাপন করিয়াছেন। অধিকন্তু তাহাতে একটি “ডিবেটিং ক্লাব” আছে। ইনি কলিকাতার কয়েকটি সমিতিতে মাসিক ও বার্ষিক সাহায্য প্রদান করিয়া থাকেন। ইনি স্বধী, বিদ্যোৎসাহী, সাহিত্য সেবামুরাগী এবং একজন কৃতী পুরুষ। ইনি নীরবে দেশের ও দশের সেবা করিয়া থাকেন। ইহার অর্থানুকূল্যে অনেক সদনুষ্ঠান সুসম্পন্ন হইয়া থাকে। ইনি যেমন দাতা, মধুরভাষী ও বিনয়ী, সেইরূপ পুণ্যচেতা পুরুষ। ইহার একমাত্র পুত্র শ্রীযুক্ত কুমার জ্যোতেন্দ্র নাথ মল্লিক বাহাদুর পিতার ত্যায় নানারূপ সদনুষ্ঠানের উৎসাহ দাতা।

রাজা বাহাদুরের জীবিতকালে ১৮৭৯ খৃঃ তদীয় পুত্র কুমার গিরীন্দ্রনাথ ও কুমার সুরেন্দ্রনাথ মল্লিক পরলোকগত হন।

ব্রজেন্দ্রনাথ মল্লিক ।

গিরীন্দ্রনাথের পুত্র কুমার শ্রীযুক্ত ব্রজেন্দ্রনাথ মল্লিক ১৮৭৫ খৃ ১৫ই সেপ্টেম্বর জন্মগ্রহণ করেন। ইনি হিন্দুস্কুলে শিক্ষাপ্রাপ্ত হন। ইনি ত্রীশ্রীচৈতন্যদেবের পরম ভক্ত। ইনি গোপনে অর্থানুকূল্য করিয়া থাকেন। অধুনা “ষ্টার এম্‌চার ক্লাবের” সভাপতি এবং সঙ্গীত সমাজের সম্পাদক। ১৯১২ খৃঃ ১২ই এপ্রেল কলিকাতার টাউনহলের দরবারে করনেশন মেডেল প্রাপ্ত হইয়াছেন। ইঁহার একমাত্র পুত্র কুমার শ্রীযুক্ত দীনেন্দ্রনাথ মল্লিকের সহিত ১৯১২ খৃঃ ২রা মার্চ কলুটোলার দেবেন্দ্রনাথ মল্লিকের পৌত্রীর বিবাহ হইয়াছে।

জ্ঞানেন্দ্রনাথ মল্লিক ।

রাজা বাহাদুরের চতুর্থ পুত্র সুরেন্দ্রনাথ মল্লিক মহাশয়ের পুত্র কুমার শ্রীযুক্ত জ্ঞানেন্দ্রনাথ মল্লিক ১৮৭৬ খৃ ১৬ই জুন জন্মগ্রহণ করেন। ইনি কলিকাতার হিন্দুস্কুলে বিদ্যাশিক্ষা করেন। পুস্তকার্থে ইঁহার বিশেষ অনুরাগ আছে। ইনি ক্রীড়াকোতুক প্রিয়। ১৯১২ খৃঃ ১২ই এপ্রেল কলিকাতার টাউনহলের অভিষেক দরবারে ইনিও করনেশন মেডেল প্রাপ্ত হইয়াছেন। ইঁহার একমাত্র পুত্র কুমার শ্রীযুক্ত গোপেন্দ্রনাথ মল্লিক বাহাদুর।

রাজা বাহাদুরের পঞ্চম পুত্র যোগেন্দ্রনাথ এবং ষষ্ঠ পুত্র মণীন্দ্রনাথ মল্লিকের পুত্র সন্তান হয় নাই।

বাছুড়বাগান রায়বংশ ।

কলিকাতা বাছুড়বাগানের রায়বংশ শাণ্ডিল্য গোত্রীয় রাঢ়ীয় শ্রেণীর ব্রাহ্মণ । ভট্টনারায়ণের অধ্বয়ে সঞ্জাত । প্রথমে ভট্টনারায়ণ কাষকুজ হইতে পূর্ববঙ্গে সমাগত হন । দ্বাদশ পুরুষ ক্রমান্বয়ে সেইস্থানে তৎশীয়-দিগের বসতি ছিল ।

এই বংশের ত্রয়োদশ পুরুষ সঙ্কতে বন্দোপাধ্যায় পূর্ববঙ্গের অন্তর্গত বৃহৎ বাঙ্গালপাশ নামক গ্রামে আসিয়া বাস করেন । এই বংশসম্বৃত ঘোড়শ পুরুষ নিত্যানন্দ বন্দোপাধ্যায় সুরাই মেলের কুলীন ; তথায় পাঁচ পুরুষ ইহাদের বসতি হয় । তৎপরে অষ্টাদশ পুরুষ গোবিন্দ বন্দোপাধ্যায় মুর্শিদাবাদ জেলার অন্তর্গত বেণীপুর গ্রামে আসিয়া বাস করেন । তৎপুত্র কমল মিশ্র, তৎপুত্র রামনাথ, তৎপুত্র সুনরাচার্য্য, তৎপুত্র পরশুরাম, তৎপুত্র শ্রীবল্লভ, তন্ত পুত্র কৃষ্ণচন্দ্র বন্দোপাধ্যায় ।

৩ কৃষ্ণচন্দ্র রায় ।

ধর্মশিক্ষা দেওয়া এই বংশের পূর্বপুরুষগণের ব্যবসায় ছিল । কিন্তু দিল্লীশ্বর হিন্দুবিদ্বেষী সম্রাট আরঙ্গজেব যখন হিন্দু ধর্মের প্রতি বিদ্বেষ্ট নয়নে দৃষ্টিপাত করেন, তৎকালে কৃষ্ণচন্দ্র বন্দোপাধ্যায় নিজ ব্যবসায় পরিত্যাগ পূর্বক চাকরী করিতে আরম্ভ করেন । তিনি নবাব সরকারে কর্ম করিয়া “রায়” উপাধি প্রাপ্ত হইয়াছিলেন । কৃষ্ণচন্দ্র মুর্শিদাবাদের তৎকালীন নবাব সুলতান আজিম ওসমান কর্তৃক প্রেরিত হইয়া বর্ধমান-রাজ জগৎরাম রায়ের একজন প্রধান কর্মচারী নিযুক্ত হইয়াছিলেন । সেই পদের নাম শিকদার, অধুনা ইহাকে “সুপারিন্টেণ্ডেন্ট” বলিয়া

থাকে । অত্‍থাপি তথায় শিকদার নামে একটি পুষ্করিণী আছে । মুর্শিদাবাদ জেলার অন্তঃপাতী শাঁকাসা গ্রামে ইহাদের নিবাস ছিল । মুসলমান রাজগণের উপদ্রবে কৃষ্ণচন্দ্র ঐ গ্রাম পরিত্যাগ পূর্ব্বক হুগলী জেলার অন্তর্গত খানাকুল-কৃষ্ণনগরের সন্নিকট রাধানগর গ্রামে আসিয়া বসতি করেন । কৃষ্ণচন্দ্রের তিন পুত্র—অমরচন্দ্র, হরিপ্রসাদ ও ব্রজবিনোদ রায় ।

৩ ব্রজবিনোদ রায় ।

কৃষ্ণচন্দ্রের কনিষ্ঠ পুত্র ব্রজবিনোদ রায় নবাব সিরাজদ্দৌলার অধীনে মুর্শিদাবাদে কোন উচ্চপদে নিযুক্ত ছিলেন ; কিন্তু তাঁহার প্রতি অত্যাচার বাবহার হওয়াতে তিনি কস্মি পরিত্যাগ করিয়া গৃহে আসিয়া অবশিষ্ট জীবন অতিবাহিত করেন । তিনি সম্প্রতিশালী, দেবভক্ত ও পরোপকারী ছিলেন । ১৭৬৮ খৃঃ ব্রজবিনোদ রায় পরলোকগত হন । তাঁহার সাতটা পুত্র সন্তান জন্মে ; তন্মধ্যে জ্যেষ্ঠ পুত্র নিমানন্দ, মধ্যম বামকিশোর এবং পঞ্চম পুত্র রামকান্ত রায় ।

জ্যেষ্ঠ নিমানন্দের পুত্র গুরুপ্রসাদ রায় গৌরান্দ্রপুর নামক স্থানে বাস করিতেন । গুরুপ্রসাদের পুত্র ত্রিলোচন রায়ের বংশধরগণ অত্‍থাপি তথায় বাস করিতেছেন ।

৪ রামকিশোর রায় ।

মধ্যম রামকিশোরের পুত্র নবকিশোর রায় । তাঁহার দুই পুত্র—যাদবচন্দ্র ও শ্রীনাথ রায় ।

শ্রীনাথের পুত্র গোপীনাথ রায় । গোপীনাথের পুত্র পণ্ডিত মহেন্দ্রনাথ বিদ্যানিধি আজীবন অকপট সাহিত্যসেবী ছিলেন । তিনি বাঙ্গালা

সাহিত্যের সংস্কার সাধন ক্ষত্র বহু পরিশ্রম করিয়া গিয়াছেন । শ্রামুয়েল হানিমান ও সুপ্রসিদ্ধ কণ্ঠবীর অক্ষয় কুমার দত্ত মহোদয়ের জীবনচরিত লিখিয়া তিনি সাহিত্য প্রতিভার পরিচয় দিয়াছিলেন । আজীবন ভারতীর সেবা করেন বলিয়া তিনি কমলার অমুগ্রহণ্যভে বঞ্চিত হইয়াছিলেন । শেষ জীবনে দারিদ্র্য পীড়নে কাতর হইয়া অবশেষে তিনি হাবড়া-ব্যাটারা স্কুলের শিক্ষকের কর্ম গ্রহণ করিয়াছিলেন । অতঃপর ১৯১২ খৃঃ ১৮ই নবেম্বর জ্বরাতিসার রোগে বঙ্গসাহিত্যের লক্ষপ্রতিষ্ঠ পণ্ডিত মহেন্দ্রনাথ বিদ্যানিধি লোকান্তরিত হইয়াছেন ।

৩ রামকান্ত রায় ।

ব্রজবিনোদের পঞ্চম পুত্র রামকান্ত রায় প্রথমে মুর্শিদাবাদের নবাব সরকারে কর্ম করিতেন; কিন্তু তাঁহার প্রতি নবাব অসদ্ব্যবহার করিলে, তিনি কর্ম পরিত্যাগপূর্বক রাধানগর গ্রামে আসিয়া অবস্থিতি করেন । রামকান্ত রাধানগরের একজন সম্ভ্রান্ত ব্রাহ্মণ ছিলেন । পূর্বে রাধানগর বঙ্গব্রাহ্মণ জেলার অন্তর্গত ছিল । ঐ জেলায় তাঁহার পৈতৃক কিছু ভূসম্পত্তি থাকে । রামকান্তের সহিত শ্রীরামপুরের নিকটবর্তী চাতরা-নিবাসী গ্রামচাঁদ ভট্টাচার্য্য মহাশয়ের কন্যা তারিণী দেবীর পরিণয় হয় । তাঁহার গর্ভে জগন্মোহন ও রামমোহন এবং দ্বিতীয়া পত্নীর গর্ভে রামলোচন নামে এক পুত্র জন্মগ্রহণ করেন । তদীয় জ্যেষ্ঠ পুত্র জগন্মোহনের সহধর্মিণী ১৮১০ খৃঃ ৮ই এপ্রেল সহমৃত্যু হইয়াছিলেন । তিনি মৃত্যুকালে গোবিন্দ-প্রসাদ নামে একটি পুত্র রাখিয়া যান । রামকান্ত বর্ধমানাধিপতির জমিদারীর অন্তর্গত খানাকুল-কৃষ্ণনগর প্রভৃতি কয়েকখানি গ্রাম ইজারা লইয়াছিলেন । তৎপলক্ষে বর্ধমানরাজের সহিত তাঁহার সর্বদা বিবাদ হইত । রাজার অত্যাচার অসহ্য হইলে রামকান্ত সপরিবারে লক্ষ্মণপাড়া

নামক গ্রামে আসিয়া বাস করেন । তিনি যেক্রপ উচ্চশ্রেণীর লোক ছিলেন, তজ্জপ মহৎ কার্য্যদ্বারা দেশের অনেক উপকার করিয়া গিয়াছেন । ১৮০৩ খৃঃ রামকান্ত রায় স্বর্গারোহন করিয়াছেন ।

৬ রামমোহন রায় ।

রামকান্তের মধ্যম পুত্র জগদ্বিখ্যাত মহাত্মা রাজা রামমোহন রায় ১৭৭৪ খৃঃ ১০ই মে হুগলী জেলার অন্তঃপাতী রাধানগর গ্রামে ভূমিষ্ঠ হন । শৈশবকালে গ্রাম্য পাঠশালায় প্রাথমিক শিক্ষালাভ করেন । নবম বৎসর বয়ঃক্রমকালে পাটনা নগরীতে গমনপূর্ব্বক জৈনিক মৌলবীর নিকট আরবী ও পারসী ভাষা শিক্ষা করেন । তৎপায়ে তিন বৎসরকাল অবস্থিতি করিয়া সংস্কৃত শিক্ষার নিমিত্ত, ৬ বারানসীধাম গমনপূর্ব্বক প্রসিদ্ধ প্রসিদ্ধ অধ্যাপকগণের নিকট অভিনিবিষ্টচিত্তে সংস্কৃত ভাষা অধ্যয়ন করিয়াছিলেন । অসাধারণ মেধা ও পরিশ্রমগুণে সংস্কৃত শাস্ত্রে বিলক্ষণ ব্যুৎপত্তি হইয়াছিল । অতঃপর তিনি স্বদেশে প্রত্যাগত হইয়া ১৭৯০ খৃঃ “হিন্দুদিগের পৌত্তলিক ধর্ম্ম প্রণালী” নামে একখানি গ্রন্থ প্রচার করেন । পৌত্তলিক ধর্ম্ম মিথ্যা, ইহা ত্যাগ করা উচিত, সেই গ্রন্থে এই সকল বিষয় লিখিত হইয়াছিল । তাহাতে পৌত্তলিক নতাবলম্বী পিতা রামকান্ত অসন্তুষ্ট হইয়া রামমোহনকে গৃহ হইতে বহিস্কৃত করিয়া দিয়াছিলেন । তিনি ধর্ম্মতত্ত্ব-জিজ্ঞাসু হইয়া ভারতবর্ষের নানা স্থান পরিভ্রমণ পূর্ব্বক পরিশেষে তিব্বত গমন করিয়া ব্রাহ্মধর্ম্মের উপদেশ দিতে আরম্ভ করেন । তিনি চারি বৎসরকাল দেশ ভ্রমণ করিয়া বাটী প্রত্যাগমন করেন । ১৭৯৬ খৃঃ দ্বাবিংশ বৎসর বয়ঃক্রমকালে রামমোহন ইংরাজীভাষা শিক্ষা করিতে আরম্ভ করেন । ১৮০৩ খৃঃ পিতৃবিয়োগ হইলে তিন সহোদরে পৈতৃক সম্পত্তি বিভাগ করিয়া লইয়া সংসারধর্ম্ম অবলম্বন করিয়াছিলেন ।

অতঃপর রংপুরের তদানীন্তন কালেক্টার ডিগ্‌বী সাহেবের অধীনে দেওয়া-
 নের কক্ষে নিযুক্ত হইয়া স্বীয় কার্যদক্ষতাগুণে অতি অল্প দিনের মধ্যে
 তিনি সহর সেরেস্তাদারের পদে উন্নীত হইয়াছিলেন। সেই সময়ে তিনি
 প্রভূত পরিশ্রম করিয়া ইংরাজী ভাষায় বিশেষ ব্যুৎপন্ন ভাভ করেন।
 ১৮০৩ খৃঃ হইতে ১৮১৩ খৃঃ পর্য্যন্ত এই কয়েক বৎসর রাজকার্য্য করিয়া
 তিনি প্রায় এক লক্ষ টাকা উপার্জন করিয়াছিলেন। এই সময় অপর
 ভ্রাতৃগণের মৃত্যু হওয়াতে, তাঁহাদের পুত্রাদি না থাকায়, রামমোহন
 সমস্ত পৈতৃক বিষয় প্রাপ্ত হন; কিন্তু সেই বিষয় হস্তগত করিতে
 তাঁহাকে অনেক আয়াস স্বীকার করিতে হইয়াছিল এবং মোকদ্দমায়
 বহু অর্থ ব্যয়ও হইয়াছিল। কিছুদিন পরে রাজকার্য্য হইতে অবসর
 গ্রহণ পূর্ব্বক মুর্শিদাবাদ গমন করেন। তথায় “পৌত্তলিকতা সকল ধর্ম্মের
 বিরুদ্ধ” নামে পার্শীভাষায় একখানি পুস্তক প্রকাশ করেন। তজ্জগৎ
 জননী কর্তৃক গৃহ হইতে বিতাড়িত হইয়া রাধানগরের নিকটবর্ত্তী রঘুনাথ-
 পুর গ্রামে বাটী নির্মাণ করেন। উক্ত বাটীতে তাঁহার কনিষ্ঠ পুত্র
 রমাপ্রসাদ রায় জন্মগ্রহণ করিয়াছিলেন। ১৮১৪ খৃঃ তিনি উভয় পুত্রকে
 লইয়া কলিকাতায় আসিয়া বসতি করেন। অতঃপর রামমোহন অনন্তচিত্ত
 ও অনন্তকর্ম্মা হইয়া ধর্ম্মালোচনায় প্রবৃত্ত হন! এই সময় তিনি সংস্কৃত
 বেদান্তের অনুবাদ এবং সংক্ষেপে বেদের সারমর্ম্ম উদ্ধৃত করিয়া মুদ্রিত ও
 বিনামূল্যে বিতরণ করেন। ১৮১৬ খৃঃ সংক্ষিপ্তরূপে বেদ ইংরাজীতে
 অনুবাদ করিয়া প্রচার করেন। তিনি খ্রীষ্টধর্ম্মের বিরুদ্ধেও অনেকগুলি
 পুস্তক প্রচার করিয়াছিলেন। সেই সময় হুগলী-শ্রীরামপুর হইতে মার্শমন্
 সাহেব তাহার প্রতিকূলে কয়েকখানি গ্রন্থ প্রকাশ করিয়া প্রতিবাদ
 করিয়াছিলেন। ১৮২৭ খৃঃ রামমোহনের উদ্যোগে এবং প্রসন্নকুমার
 ঠাকুর, প্রিন্স্ দ্বারকানাথ ঠাকুর, কাশীনাথ রায় প্রভৃতির সাহায্যে
 কলিকাতায় কমল বসুর বাটীতে একটি ব্রাহ্মসমাজ স্থাপিত হয়। ইহাই

আদি ব্রাহ্মসমাজ । রামমোহন এই সময় হইতে আজীবন কেবল ব্রাহ্মধর্ম প্রচারেই নিযুক্ত ছিলেন । তিনি যতগুলি ভাষা শিক্ষা করেন, প্রায় সকল ভাষাতেই ব্রাহ্মধর্ম বিষয়ক পুস্তক রচনা করিয়া বিতরণ করিয়াছিলেন । তিনি ব্রাহ্মধর্মের কয়েকখানি পুস্তক এবং অনেকগুলি ব্রাহ্মসঙ্গীত রচনা করেন । প্রকৃতপক্ষে তিনিই মার্জিত বাঙ্গালা গদ্য লেখক । তৎকালে সংস্কৃত ভাষাধ্যায়ী কয়েকজন ব্যতীত অপর কেহই বাঙ্গালা ভাষায় শুদ্ধ করিয়া বলিতে ও লিখিতে পারিত না ; কিন্তু রামমোহন সেই সময় আপন শ্রম ও বুদ্ধিবলে যেরূপ বাঙ্গালাভাষা শিক্ষা করিয়াছিলেন এবং যে সকল বাঙ্গালা গ্রন্থ রচনা করিয়া গিয়াছেন, তাহাতে তাঁহাকে শত শত ধন্যবাদ দিতে হয় । তিনি সহমরণ প্রথা নিবারণ জন্ত প্রাণপণ চেষ্টা করেন এবং তৎসম্বন্ধে একখানি পুস্তক প্রচার করিয়াছিলেন । ১৮২৯ খৃঃ লর্ড উইলিয়ম্ বেণ্টিন্কে, সতীদাহ নিবারণী ব্যবস্থা বিধিবদ্ধ করেন । রামমোহন অসাধারণ পরিশ্রম ও অধ্যবসায়গুণে ইংরাজী, সংস্কৃত, বাঙ্গালা, লাটীন, গ্রীক, ফ্রেঞ্চ, হিব্রু, আরবী, পাশা, উর্দু, হিন্দী প্রভৃতি বহু ভাষায় সুপণ্ডিত ছিলেন এবং অনর্গল সংস্কৃত আরবী, পার্শী কবিতা সকল আবৃত্তি করিতে পারিতেন । বেদ, বেদান্ত, উপনিষদ, কোরাণ, বাইবেল প্রভৃতি শাস্ত্র গ্রন্থ সম্যকরূপে পাঠ করিয়া ছিলেন । ইউক্লিডের ক্ষেত্রতত্ত্ব ও আরিষ্টটলের তর্কশাস্ত্র পাঠ করিয়া বুদ্ধিকে তীক্ষ্ণতর ও সুমার্জিত করিয়াছিলেন । তিনি যে পথ ধরিয়া ভূবনব্যাপিনী কীর্তিলাভ করেন, মহম্মদের গ্রন্থই তাহার প্রবর্তক । এই গ্রন্থ তাঁহাকে সেই পথের পথিক করিয়াছিল এবং তৎপাঠে তাহার পৌতলিকধর্মে বিদ্বৈষ জন্মে ও একেশ্বরবাদী হন । তিনি নিজ ব্যয়ে কলিকাতায় একটি বিদ্যালয় ও মুদ্রাযন্ত্র স্থাপন করেন । তিনি সর্বপ্রথমে বাঙ্গালা ভূগোল প্রকাশ করিয়াছিলেন । তিনি জাতি কিম্বা বর্ণভেদ করিতেন না এবং ধর্ম, সমাজ, নীতি, সাহিত্য, রাজনীতি ও আইন

সংস্কারক ছিলেন । রামমোহন স্বীয় ক্ষমতা, অর্থ ও জীবন পরোপকার-রূপ মহাব্রতে উৎসর্গ করিয়াছিলেন । তিনি লোকের দ্বেষ, অত্যাচার ও তিরস্কারকে অস্ত্রের আভরণ জ্ঞান করিতেন । ধর্মসংস্কার, সমাজসংস্কার, রাজনৈতিক সংস্কার, বাঙ্গালা সাহিত্যের উন্নতি প্রভৃতি সকল প্রকার শুভকর কার্যে তিনি হস্তার্পণ করেন । তজ্জগৎ দিব্যরাত্রি পরিশ্রমে কাতর ছিলেন না । তিনি সুদক্ষ রাজনীতিজ্ঞ ও আইনজ্ঞ এবং শিক্ষা প্রচারক ছিলেন । বন্ধুগণের প্রতি তাঁহার ব্যবহার অতি কোমল ও মধুর ছিল । তিনি শিষ্যদিগের প্রতি অত্যন্ত স্নেহের সহিত ব্যবহার করিতেন । বালক-বালিকাগণকে তিনি অত্যন্ত ভালবাসিতেন । তিনি যাবজ্জীবন জীজাতির প্রতি ভক্তিমান ছিলেন এবং জীজাতিকে অত্যন্ত সমাদর করিতেন । দরিদ্রের প্রতি তাঁহার অপরিণীম সহানুভূতি ও দয়া ছিল । তাঁহার যেক্রপ পাণ্ডিত্য ও তর্কশক্তি, তদ্রূপ ধর্মভাব ছিল । উপাসনা তাঁহার চিরসঙ্গী ছিল । তিনি স্বাধীনভাব অতিশয় ভালবাসিতেন । নীচতার প্রতি তাঁহার আন্তরিক ঘৃণা ছিল । রাজনীতি ও ধর্মনীতি উভয় বিষয়েই পারদর্শী ছিলেন । বিবিধ ভাষায় ও বিবিধ বিদ্যায় তাঁহার অসাধারণ ব্যুৎপত্তি ছিল । তিনি পুরুষকারের অত্যুজ্জল দৃষ্টান্ত । রামমোহন রায় হইতে এ দেশে নবযুগের উৎপত্তি হইয়াছে । ১৮৩০ খৃঃ ১৫ই নবেম্বর দিল্লীস্থর দ্বিতীয় আকবরসাহ, রামমোহনকে “রাজা” উপাধি প্রদান পূর্বক নিজবৃত্তি হ্রাস হওয়ায় বোর্ড অব্ কন্ট্রোলে প্রার্থনার জন্ত তাঁহাকে বিলাত প্রেরণ করেন । এদেশবাসীর মধ্যে তিনিই সর্বপ্রথম বিলাত যাত্রা করেন । তিনি তথায় গিয়া যথেষ্ট প্রতিপত্তি ও সমাদর লাভ করিয়াছিলেন । তিনি ইংলণ্ডাধিপতির সহিত একত্রে ভোজনের জন্ত নিমন্ত্রিত হন । দিল্লীস্থরের কার্য সমাপনস্তে ১৮৩২ খৃঃ ইংলণ্ড হইতে ফ্রান্সের রাজধানী প্যারিস্ নগর গমন করিয়াছিলেন । তৎকালীন ফরাসীরাজ লুইস ফিলিপ তাঁহাকে বিশেষ সমাদর পূর্বক নিমন্ত্রণ করেন ।

তথায় একবৎসর কাল অবস্থান করিয়া ফরাসীভাষায় বিশেষ ব্যুৎপন্ন হন। ১৮৩৩ খৃঃ তিনি পুনরায় ইংলণ্ডে প্রত্যাবৃত্ত হন। রামমোহন স্বদেশ অপেক্ষা বিদেশে অধিক সম্মানলাভ করিয়াছিলেন। ইউরোপীয় ব্যক্তিগণ তাঁহার গুণের যুথার্থ গৌরব করিয়াছেন। কলিকাতা হিন্দু কলেজ সংস্থাপক ডেভিড হেয়ার সাহেবের কন্যা কুমারী হেয়ার তাঁহাকে ব্রিষ্টল নগরের নিকটবর্তী ষ্টেপিলটন গ্রোভ নামক স্থানে লইয়া যান। তাঁহার ভবনে কিছুদিন প্রমত্তস্থে অতিবাহিত করিয়া, ১৮৩৩ খৃঃ ২৭শে সেপ্টেম্বর মস্তিষ্কপ্রদাহ রোগে মহাত্মা রাজা রামমোহন রায় বিদেশে কলেবর পরিত্যাগ করেন। ব্রিষ্টল নগরে তাঁহার সমাধি হয়। ১৮৪৩ খৃঃ ২৯শে মে প্রসিদ্ধ প্রিন্স্ দ্বারকানাথ ঠাকুর সেই শব উত্তোলন পূর্বক ইয়ার-নোজ-ভেল্ নামক স্থানে সমাহিত করিয়া তাহার উপর একটি সুরম্য সমাধি মন্দির নির্মাণ করাইয়া দিয়াছিলেন ; তাহা অত্যাধি সৌন্দর্য্যের সহিত বিদ্যমান। রাজা রামমোহনের তিন বিবাহ। প্রথম পত্নী অল্প বয়সেই দেহত্যাগ করেন। তৎপরে বৰ্দ্ধমান জেলার অন্তর্গত কুড়মুন-পলাশী গ্রামে দ্বিতীয়বার দ্বারপরিগ্রহ করেন। অতঃপর কলিকাতা ভবানীপুরে তৃতীয়বার বিবাহ করিয়াছিলেন। তাঁহার দুই পুত্র—রাধাপ্রসাদ ও রমাপ্রসাদ রায়।

৩ রাধাপ্রসাদ রায় ।

রামমোহনের জ্যেষ্ঠ পুত্র রাধাপ্রসাদ রায় কৃষ্ণনগরে কন্ম করিতেন। তিনি বিশেষ খ্যাতি প্রতিপত্তি লাভ করিতে পারেন নাই। হুগলী জেলার অন্তর্গত ইড়পাড়া গ্রামের জনৈক সম্ভ্রান্ত ব্যক্তির কন্যার সহিত রাধাপ্রসাদের পরিণয় ক্রিয়া হইয়াছিল। তাঁহার পুত্র সন্তান হয় নাই ;

একমাত্র কথা চন্দ্র-জ্যোতীঃ দেবীর গর্ভে ললিতমোহন, কিশোরীমোহন, নন্দমোহন চট্টোপাধ্যায় প্রভৃতি কয়েকটি সন্তান জন্মগ্রহণ করেন ।

৬ রমাপ্রসাদ রায় ।

রামমোহনের কনিষ্ঠপুত্র রমাপ্রসাদ রায় রঘুনাথপুর গ্রামে জন্মগ্রহণ করেন । ১৮১৪ খৃঃ তিনি পিতৃদেব কর্তৃক কলিকাতায় আনীত হন । তাঁহার সহিত পণ্ডিতপ্রবর ঈশ্বরচন্দ্র বিদ্যাসাগর মহাশয়ের বিশেষ বন্ধুত্ব ছিল ; কিন্তু বিধবা বিবাহের আন্দোলনকালে সামান্য মনোমালিগ্ন সংঘটিত হইয়াছিল । শুনিতে পাওয়া যায়, বিদ্যাসাগর মহাশয় বিধবা বিবাহের আন্দোলনে প্রথমতঃ তাঁহার নিকট হইতে সবিশেষ সহায়ভূতি প্রাপ্ত হইয়াছিলেন ; কিন্তু কার্য্যকালে সাহায্য পাওয়ার পরিবর্তে তাঁহাকে দুই একটি মন্বাস্তিক কথা শুনিতে হইয়াছিল । বিদ্যাসাগর মহাশয় তাঁহার বাটীতে প্রায়ই যাতায়াত করিতেন ; কিন্তু তাহার পর গতিবিধি একরূপ বন্ধ হইয়াছিল । রমাপ্রসাদ তৎকালীন সদর দেওয়ানী আদালতে ওকালতী ব্যবসায় করিয়া প্রভূত অর্থোপার্জন করেন । ওকালতীতে বিশেষ প্রসিদ্ধি লাভ করিয়া তিনি ক্রমে সদর দেওয়ানী আদালতের গবর্ণমেন্ট উকীল পদে নিযুক্ত হন । এই পদ বাঙ্গালীর মধ্যে তিনিই প্রথম প্রাপ্ত হইয়াছিলেন । ১৮৬২ খৃঃ তৎকালীন সদর দেওয়ানী এবং সদর নিজামত আদালত বর্তমান হাইকোর্টে পরিণত হইলে, রমাপ্রসাদ রায় একজন দেশীয় জজ পদে মনোনীত হইয়া আজাপত্র প্রাপ্ত হন । এই সম্মান-সূচক পদ বাঙ্গালীর মধ্যে প্রথম প্রদত্ত হয় ; কিন্তু তিনি বিচারাসনে সমাসীন হইবার পূর্বেই লোকান্তর ঘটিলে শত্ৰুনাথ পণ্ডিত মহোদয় তৎপদে অধিষ্ঠিত হইয়াছিলেন । রমাপ্রসাদকে কলিকাতা হাইকোর্টের

পবিত্র আসনোপবেশন স্তম্ভ সন্তোষ করিতে হয় নাই । রমাপ্রসাদের
হই পুত্র হরিমোহন ও প্যারীমোহন রায় ।

৩ হরিমোহন রায় ।

রমাপ্রসাদের জ্যেষ্ঠ পুত্র হরিমোহন রায় অতিশয় বিলাসী ছিলেন ।
তাহার একটি সখের যাত্রার দল ছিল । তিনি বিলাসিতায় বিষয় সম্পত্তি
অনেক নষ্ট করিয়া যান । তাহার একটি সুন্দর পশুশালা ছিল । ভগলী
জেলার অন্তর্গত দশঘরা গ্রামের অন্ততম জমিদার শ্রীযুক্ত বিপিনকৃষ্ণ রায়
সেই পশুশালার অনেকগুলি পশু পক্ষী ক্রয় করিয়া স্বীয় জন্মভূমি দশঘরা
গ্রামে একটি পশুশালা স্থাপন করিয়াছিলেন । হুগলী জেলার অন্তর্গত
লাঙ্গুলপাড়া গ্রামে ১৯১২ খৃঃ হরিমোহন রায়ের সহধর্মিণী শ্রীমতী
গোলাপসুন্দরী দেবী পুরাণ সনাপ্তি উপলক্ষে কল্যাণী, নবদ্বীপ, ভটপল্লী
পূর্বস্থলী, কলিকাতা, রংপুর, ঢাকা ও অন্যান্য প্রসিদ্ধ স্থানের অধ্যাপক
গণকে আহ্বান করিয়া একটি সভা করিয়াছিলেন ।^{*} থানাकुल-कुञ्जनगर
নিবাসী পণ্ডিতপ্রবর শ্রীযুক্ত ধর্মদাস শিরোমণি এবং কলিকাতার
মহামহোপাধ্যায় পণ্ডিত শ্রীযুক্ত কামাখ্যানাথ তর্কবাগীশ মহাশয়দ্বয় উহার
কর্মকর্তা ছিলেন । তিন দিবস ব্যাপিয়া প্রায় সহস্রাধিক অধ্যাপক
যোগ্যতানুসারে বিদায় প্রাপ্ত হইয়াছিলেন ।

৩ প্যারীমোহন রায় ।

রমাপ্রসাদের কনিষ্ঠ পুত্র প্যারীমোহন রায় ধার্মিক ও দয়ালু বলিয়া
জনসমাজে পরিচিত ছিলেন । অর্থের প্রচুরতা না থাকিলেও তাহার মান

মর্যাদা যথেষ্ট ছিল । সঙ্গীত-শাস্ত্রের তিনি বিশেষ অহুরাগী ছিলেন । তিনি বিখ্যাত বাদকের নিকট বাণ্ড শিক্ষা করিয়া উৎকৃষ্ট বাদক মধ্যে গণ্য হইয়াছিলেন । তিনি মেধাবী ও বলবান্ পুরুষ ছিলেন । কয়েক বৎসর অতীত হইল প্যারীমোহন রায় ভবলীলা সম্বরণ করিয়াছেন ।

১৯১০ খৃঃ ১৮ই ফেব্রুয়ারি প্যারীমোহনের পুত্র শ্রীযুক্ত ধরণীমোহন রায়ের সহিত বীরভূম জেলার অন্তর্গত হেতমপুরের মহারাজকুমার শ্রীযুক্ত সদানিরঞ্জন চক্রবর্তী বাহাদুরের কন্যা শ্রীমতী প্রমোদবালা দেবীর শুভ পরিণয় সম্পন্ন হইয়াছে । অধুনা ধরণীমোহন রায় বিবিধ গুণে ভূষিত হইয়া বংশোজ্জ্বল করিতেছেন ।

ঝামাপুকুর মিত্রবংশ ।

কালুকুজ হইতে বজ্জের প্রথম হিন্দুরাজা আদিশুর যে পঞ্চজন ব্রাহ্মণ আনাইয়াছিলেন ; কালিদাস মিত্র তাঁহাদের একজন অনুচর ছিলেন । তাঁহার পঞ্চদশ অধস্তন বংশধর সত্যবান মিত্র চব্বিশ পরগণার অন্তর্গত বড়িশা নামক গ্রামে আসিয়া বাস করেন । তাঁহার পূর্বপুরুষগণ কখন কিরূপ অবস্থায় কোন স্থানে অবস্থিতি করিয়াছিলেন তাহা জানিবার উপায় নাই । তাঁহারা বংশপরম্পরা “বড়িশার মিত্র” বলিয়া প্রসিদ্ধ হইয়া উঠেন । এই বংশের কেহ কেহ হুগলী জেলার অন্তর্গত কোন্নগর গ্রামে গিয়া অবস্থিতি করেন । তাঁহারাই বংশক্রমে কোন্নগরের মিত্র পরিবার বলিয়া প্রসিদ্ধ হইয়া উঠিলেন । ক্রমে কোন্নগরের মিত্র পরিবার ভিন্ন ভিন্ন রূপে বিস্তৃত হইয়া পড়েন । সেই মিত্র পরিবার কোন্নগর হইতে প্রথমতঃ কলিকাতার অন্তঃপাতী গোবিন্দপুর ; তাহার পর ঝামাপুকুর নামক স্থানে বসতি করেন । এই মিত্রপরিবার চিরকাল সম্ভ্রান্তবংশ বলিয়া পরিচিত ।

কলিকাতা ঝামাপুকুরের মিত্রবংশ অতি প্রাচীন জমিদার বংশ । এই বংশোদ্ভব রামচন্দ্র মিত্র কলিকাতার তৎকালীন একটি ইংরাজ সওদাগর আফিসের খাজাঞ্জি ছিলেন । সেই কার্যে তিনি প্রভূত অর্থোপার্জন করিয়াছিলেন । তিনি মৃত্যুকালে শিবচন্দ্র, শম্ভুচন্দ্র ও রাজকৃষ্ণ মিত্র নামে তিনটি পুত্র এবং নগদ প্রায় পঞ্চাশ সহস্র মুদ্রা রাখিয়া যান ।

রামচন্দ্রের জ্যেষ্ঠপুত্র শিবচন্দ্র মিত্র একজন সম্ভ্রান্ত ব্যক্তি ছিলেন । তিনি স্বভাবতঃ তীক্ষ্ণবুদ্ধি ও সরল প্রকৃতির লোক ছিলেন । তাঁহার একটি পুত্রসন্তান হয় ; তিনিই স্বনামধন্য রাজা দিগম্বর মিত্র ।

৬ দিগম্বর মিত্র।

রাজা দিগম্বর মিত্র ১৮১৮খৃঃ জগলী জেলার অন্তর্গত কোন্নগর গ্রামে জন্মগ্রহণ করেন। অষ্টম বৎসর বয়ঃক্রম কালে তিনি কলিকাতায় আসিয়া ইংরাজী শিক্ষারম্ভ করেন। তৎকালে শ্যামবাজারে পিতার নিকট থাকিয়া ১৮২৭খৃঃ হেয়ার সাহেবের স্কুলে বিদ্যাশিক্ষার জন্য প্রবিষ্ট হন এবং সুপ্রসিদ্ধ রামতনু লাহিড়ী সেই দিবস স্কুলে প্রবেশ করেন। তৎপরে উভয়ে হিন্দুকলেজে ভর্তি হন। সেই সময় ডিরোজিও সাহেব তথায় শিক্ষকতা করিতেন। ১৮৩৪ খৃঃ কলেজ পরিত্যাগ পূর্বক দিগম্বর মূর্শিদাবাদের নিজামত স্কুলের ইংরাজী শিক্ষক নিযুক্ত হইয়া তথায় গমন করেন। ১৮৩৬ খৃঃ তিনি রাজসাহীর কলেঙ্কারের প্রধানকেরালীর কর্মে নিযুক্ত হন। তৎপরে মূর্শিদাবাদের খাসমহল বন্দোবস্তের সময় মূর্শিদাবাদের তদানীন্তন কালেক্টরের অধীনে তিনি তহশীলদার ও আমীন পদে নিযুক্ত হইয়া পুনরায় মূর্শিদাবাদ আগমন করেন। অতঃপর কাশীমবাজারের কুমার কৃষ্ণনাথ নন্দীর গৃহ-শিক্ষকরূপে নিযুক্ত হন। ১৮৪১ খৃঃ কাশীমবাজারের কুমার কৃষ্ণনাথ নন্দী প্রাপ্তবয়স্ক হইয়া বিষয় সম্পত্তি প্রাপ্ত হইলে দিগম্বর মাসিক একশত টাকা বেতনে তাঁহার বিষয় সম্পত্তির গ্যানেজার পদে উন্নীত হন। রাজা কৃষ্ণনাথ তাঁহার জমিদারীর সুবন্দোবস্ত ও উন্নতি দেখিয়া দিগম্বরকে একলক্ষ টাকা দান করেন। এই লক্ষ মুদ্রাই দিগম্বরের শ্রীরক্ষির প্রথম সোপান। ১৮৪৪ খৃঃ রাজা কৃষ্ণনাথ নন্দী কলিকাতা ঘোড়াসাঁকোর বাটীতে আত্মহত্যা করিলে, তিনি কর্ম পরিত্যাগ পূর্বক ঐ টাকায় মূর্শিদাবাদে রেশম ও নীলের ব্যবসায় আরম্ভ করেন। তাহাতে বিলক্ষণ লাভবান হইয়া রামখোলা, রাজাপতি ও দৌলতবাজার এই তিন স্থানে তিনটি রেশমের কুঠী পরিচালন করেন। তাহার পর সারণ

জেলায় দুইটা কুঠা ক্রয় করেন। এইরূপে বাণিজ্যের দ্বারা তিনি যথেষ্ট উন্নতি করিয়া জমিদারী ক্রয় করিতে আরম্ভ করিয়াছিলেন। অতঃপর স্বীয় বুদ্ধিবলে উত্তরকালে লাভবান হইয়া চাঁবিশ-পরগণা, বশোহর, বাথরগঞ্জ ও কটক জেলায় কয়েকখানি জমিদারী ক্রয় করেন। ১৮৫০ খৃঃ তিনি ঝামাপুকুর নামক স্থানে আসিয়া বসতি করেন। ১৮৫১ খৃঃ ব্রিটিশ ইণ্ডিয়ান এসোসিয়েসন্ নামক জমিদার সভা স্থাপিত হইলে দিগম্বর মিত্র প্রথমে এই সমিতির সভ্য, তৎপরে অবৈতনিক সহকারী সম্পাদক এবং পরিশেষে সভাপতি পদে বরীত হইয়াছিলেন। ১৮৬৪ খৃঃ ম্যালেরিয়া জ্বরের কারণ অনুসন্ধানার্থ এক রাজকীয় কমিশন গঠিত হয়, তিনি সেই সভার একজন অন্যতম সভ্য থাকিয়া এই সিদ্ধান্তে উপনীত হন যে, রেলপথ হইয়া মাঠের স্বাভাবিক পয়ঃপ্রণালী অবরুদ্ধ হওয়াতে ম্যালেরিয়া জ্বরের উৎপত্তি হইয়াছে। ১৮৬৫ খৃঃ তিনি বঙ্গীয় ব্যবস্থাপক সভার সদস্য নির্বাচিত হন ; তৎপরে ক্রমান্বয়ে তিনজন বঙ্গেশ্বর কল্লুক বঙ্গীয় ব্যবস্থাপক সভার সদস্যরূপে মনোনীত হইয়াছিলেন। তিনি দাতব্য সভার সভ্য, জষ্টিস্ অব দি পিস্, অবৈতনিক মাজিস্ট্রেট এবং ওয়ার্ডস্ ইনষ্টিটিউশনের পরিদর্শক ছিলেন। তিনি স্ত্রী শিক্ষার উৎসাহদাতা ছিলেন। লর্ড লিটন কর্তৃক মুদ্রাস্রব আইন বিধিবদ্ধ হইলে তিনি তদ্বিষয়ে বিশেষ আন্দোলন করেন। তিনি ডিস্ট্রিক্ট চেরিটেবল্ সোসাইটীর অবৈতনিক সভ্য ছিলেন। অধিকন্তু স্বীয় নামে একটি কণ্ড প্রতিষ্ঠা করিয়া প্রতিমাসে কুড়িটা দরিদ্র ব্যক্তি পোষণের ব্যবস্থা করেন। তিনি প্রায় আশীটি ছাত্রের ভরণ পোষণের ব্যয়ভার বহন করিতেন। ১৮৬৬ খৃঃ উড়িষ্যার হুভিন্সের সময় তিনি গবর্ণমেন্টকে অনেক সাহায্য করেন। ১৮৭৪ খৃঃ তিনি কলিকাতার সেরিফপদে অধিষ্ঠিত হন ; বাঙ্গালীর মধ্যে তিনিই প্রথম এই সম্মানসূচক পদলাভ করেন। দিগম্বর নিজস্বগুণে নিজের ভাগ্যলক্ষ্মীকে দাসীরূপে আয়ত্ত করিয়া

গিয়াছিলেন । ১৮৭৫ খৃঃ হইতে তাঁহার স্বাস্থ্যভঙ্গ হয় । স্বর্গীয় ভারতসম্রাট সপ্তম এডওয়ার্ড যখন যুবরাজরূপে ভারতবর্ষে শুভাগমন করিয়াছিলেন, তৎকালে ১৮৭৬ খৃঃ ১লা জানুয়ারি যুবরাজ সমক্ষে এক রাজকীয় দরবারে ভারত গবর্নমেন্ট দিগম্বরকে “সি.এস্. আই” উপাধিসম্মানে ভূষিত করেন । ১৮৭৭ খৃঃ ১লা জানুয়ারী দিল্লী নগরের পুরোভাগে এক অভূতপূর্ব রাজসভার অধিবেশন হইয়া রাজ্ঞী ভিক্টোরীয়া “ভারত রাজরাজেশ্বরী” বলিয়া ঘোষিতা হন । সেই রাজস্থয় যজ্ঞে দিগম্বর “রাজা” উপাধি প্রাপ্ত হইয়াছিলেন । ১৮৭৯ খৃঃ ২০শে এপ্রেল রাজা দিগম্বর মিত্র মহোদয় জরবিকারে পরলোকগমন করেন । উক্ত দিবস তিনি রাজা উপাধির সনন্দ প্রাপ্ত হইয়াছিলেন ; কিন্তু দুঃখের বিষয় রাজপ্রদত্ত উপাধিভোগ তাঁহার ভাগ্যে ঘটে নাই । পঞ্চদশ বৎসর বয়ঃক্রম কালে কলিকাতা কর্ণওয়ালিস্-স্বয়ার নিবাসী স্বর্গীয় চুনীলাল বসুর কন্যার সহিত রাজা দিগম্বরের প্রথম বিবাহ হয় ; চারি বৎসর মধ্যে সেই পত্নীর মৃত্যু ঘটয়াছিল । তৎপরে চোরবাগানের স্বর্গীয় বলরাম সরকারের তনয়ার পানিগ্রহণ করেন । তাঁহার গিরিশচন্দ্র মিত্র নামে একটি পুত্রসন্তান হইয়াছিল । ১৮৭০ খৃঃ রাজাবাহাদুরের জীবিত কালে কুমার গিরিশচন্দ্র ঘোটক হইতে পতিত হইয়া অকালে লোকান্তরিত হইয়াছেন । তিনি মৃত্যুকালে একটি কন্যা ও দুইটি শিশুপুত্র রাখিয়া যান । জ্যেষ্ঠ পুত্র শ্রীযুক্ত রায় মন্মথনাথ ও কনিষ্ঠ পুত্র শ্রীযুক্ত নরেন্দ্রনাথ মিত্র ।

মন্মথনাথ মিত্র ।

কুমার শ্রীযুক্ত মন্মথনাথ ও শ্রীযুক্ত নরেন্দ্রনাথ মিত্র মহাশয়দ্বয়ের নাবালক সময়ে রাজা দিগম্বর মিত্র মহোদয়ের এক ভ্রাতা ও জনৈক ভূতপূর্ব সবজজ মহেন্দ্রনাথ বসু মহাশয় ইহাদের অভিভাবক নিযুক্ত

ছিলেন। তৎপরে উভয় ভ্রাতায় সাবালক হইয়া বিষয় সম্পত্তি নিজ-
 হস্তে গ্রহণপূর্বক অশুশ্রুত পরিচালন করিতেছেন। পিতামহের পদানু-
 সরণ করিয়া ইহারা স্বর্গীয় পিতৃদেবের অরণ্যার্থ “গিরিশচন্দ্র মিত্র ঔষধালয়”
 নামে একটি দাতব্য ঔষধালয় স্থাপন করিয়াছেন। দুইজন বেতনভোগী
 সুবিজ্ঞ কবিরাজের তত্ত্বাবধানে দেশীয় ঔষধ আয়ুর্বেদ মতে প্রত্যহ
 প্রাতঃকালে প্রায় শতাধিক লোককে দেওয়া হইয়া থাকে। তাহার
 কার্য্য তত্ত্বাবধান ও পরামর্শ করিবার জন্ত বৎসরের মধ্যে দুইবার বহু
 বিখ্যাত কবিরাজ মণ্ডলীর সমবেত হইয়া একটি সভা হয়। ইহারা উভয়
 ভ্রাতায় সাধারণ হিতকর কার্য্যে মধ্যে মধ্যে অর্থদান করিয়া থাকেন।
 কলিকাতা ঝামাপুকুর লাইব্রেরী স্থাপন সময়ে উভয়ে যথেষ্ট সাহায্য করিয়া-
 ছিলেন। শিক্ষাকল্পে উৎসাহ প্রদান জগৎ কোল্লগর স্কুলে চারিটা বৃত্তি
 স্থাপন করিয়াছেন। বিদ্যাশিক্ষার উন্নতিকল্পে, স্বদেশ বাসীর মঙ্গল জন্ত
 চল্লিশ সহস্র টাকা; দুর্ভিক্ষ নিবারণ ভাণ্ডারে দশ সহস্র টাকা; ভিক্টো-
 রিয়া স্মৃতিসৌধ ভাণ্ডারে দশ হাজার টাকা; কলিকাতা অনাথাশ্রম,
 দক্ষিণ আফ্রিকার বুদ্ধ ভাণ্ডারে দশ হাজার টাকা; কলিকাতা কলেজ
 অব্ ফিজিসিয়ান্ এণ্ড সার্জ্যান্ স্কুলে এক সহস্র টাকা; প্রিন্স্ ভিক্টোর
 হাঁসপাতালে আড়াই হাজার টাকা দান করিয়াছেন। এতদ্ভিন্ন কোল্লগর
 স্কুল লাইব্রেরী, প্লেগ হাঁসপাতাল, দার্জিলিং লুইস্ জুবিলী স্বাস্থ্যনিবাস,
 কলিকাতা সিটি কলেজ, ডায়মণ্ডহারবার স্কুল, সাউথ সুবার্বন স্কুল, লেডি
 ডফ্রিন্ হাঁসপাতাল, পাস্তর হাঁসপাতাল, বহু নিবারণ ফণ্ড, দাতব্য
 ছাত্রনিবাস, ঝামাপুকুর আয়ুর্বেদিক ডিস্পেন্সারি ও এলোপ্যাথিক
 ডিস্পেন্সারি, ভারতীয় শিল্পসমিতি প্রভৃতি বহুস্থানে অর্থ সাহায্য করিয়া-
 ছেন। কুমার মন্থনাথ ব্রিটিশ ইণ্ডিয়ান্ এসোসিয়েসনের একজন সভ্য,
 শিয়ালদহ বেঙ্কের একজন অবৈতনিক ম্যাজিষ্ট্রেট, বঙ্গীয় কায়স্থ সভার
 একজন অগ্রতম সভ্য। জাতীয় ধনভাণ্ডারের একজন অধ্যক্ষ এবং স্বয়ং

রিক্তপদে দ্বারে দ্বারে গমন করিয়া ধনভাণ্ডারের জ্ঞাত অর্থ সংগ্রহ করিয়াছিলেন । পূর্ববঙ্গের ভীষণ দুর্ভিক্ষের সময় বহু অর্থ সংগ্রহপূর্বক নিরন্তর আতুরের প্রাণ রক্ষা করেন । ইনি ভারত সঙ্গীত-সমাজের প্রাণস্বরূপ । ইনি কলিকাতার একজন প্রসিদ্ধ জমিদার ১ গবর্ণমেন্ট ইহার গুণের বিশেষ প্রশংসা করিয়া ১৮৯৭ খৃঃ ইংরাজী নববর্ষ উপলক্ষে “রায়বাহাদুর” উপাধি সম্মানে ভূষিত করিয়াছেন । ইনি সাধারণের নিকট যথেষ্ট সুখ্যাতি অর্জন করিয়া থাকেন । জনসাধারণের মধ্যে ও রাজদরবারে ইহার বিশেষ সম্মান ও প্রতিপত্তি দৃষ্ট হয় ।

• কুমার নরেন্দ্রনাথের ছয় পুত্র—কুমার শ্রীযুক্ত শরৎচন্দ্র, বীসন্তকুমার, হেমন্তকুমার, শিশিরকুমার, কিরণকুমার ও বিষ্ণুপদ মিত্র । ১৯১০ খৃঃ মে মাসে নরেন্দ্রনাথের তৃতীয় পুত্রের সহিত চোরবাগান নিবাসী কলিকাতা হাইকোর্টের সুপ্রসিদ্ধ উকীল শ্রীযুক্ত অমরনাথ বসু মহাশয়ের এক পৌত্রীর বিবাহ হইয়াছে । ইনি কায়স্থ সভার একজন অগ্রতম সভ্য বলিয়া কত্য় পক্ষের নিকট কোন প্রকার যৌতুক গ্রহণ করেন নাই । বহু দরিদ্র বাক্তি, ব্রাহ্মণ পণ্ডিত, অনেকগুলি দাতব্য কার্য্য ও সাহিত্য পরিষদে অর্থ দান করা হইয়াছিল । সুপ্রসিদ্ধ একাউন্টেন্ট জেনারেল শ্রীযুক্ত কৃষ্ণলাল দত্ত মহাশয়ের মধ্যম পুত্র শ্রীযুক্ত ভূপেন্দ্রনাথ দত্তের সহিত রায়বাহাদুরের এক তনয়ার বিবাহ হইয়াছে ।

নরেন্দ্রনাথ মিত্র ।

কুমার শ্রীযুক্ত নরেন্দ্রনাথ মিত্র পৈত্রিক ভবনে বাস করিতেছেন । বিবিধ সাধারণ হিতকর কার্য্যের সহিত ইহার সংশ্লিষ্ট আছে । ইনি অতি অমায়িক, সজ্জন, আড়ম্বর শূন্য, ও মিষ্টভাবী ব্যক্তি ।

কুমার নরেন্দ্রনাথের একমাত্র পুত্র কুমার শ্রীমান্ হিরন্মকুমার
মিত্র ।

গিরিশচন্দ্রের কণ্ঠার সহিত ভবানীপুরের কৃষ্ণকিশোর ঘোষের পুত্র
সুরেশচন্দ্র ঘোষের গুণ পরিণয় হইয়াছিল । তাঁহার অনেকগুলি সন্তান
বিদ্যমান ।

বাগবাজার ঘোষবংশ ।

কলিকাতা বাগবাজারের ঘোষবংশ অতি প্রাচীন বংশ । এই বংশের আদি পুরুষ মকরন্দ ঘোষ বৈষ্ণবংশীয় রাজা আদিশূরের সময় কাগ্নকুজ হইতে বঙ্গদেশে আগমন করেন । অতঃপর মকরন্দ বঙ্গদেশের প্রাচীন রাজধানী গোড়ের বিচারালয়ে একটি কর্মে নিযুক্ত হইয়া তথায় বাস করেন । মকরন্দের পুত্র ভবনাথ, তৎপুত্র পুরুষোত্তম, তৎপুত্র মহাদেব, তৎপুত্র গবচন্দ্র ঘোষ । তাঁহার দুই পুত্র—প্রভাকর ও নিশাপতি ঘোষ । জ্যেষ্ঠ পুত্র প্রভাকর ঘোষ হুগলী জেলার অন্তর্গত আকনায় এবং কনিষ্ঠ নিশাপতি ঘোষ বালি গ্রামে বাস করেন । এই পুত্রদ্বয় হইতেই ঘোষ-বংশের দুইটা সমাজ উদ্ভূত হইয়াছে ।

নিশাপতির পুত্র উপাধিপতি, তাঁহার পুত্র প্রজাপতি, তৎপুত্র বিভাকর, তৎপুত্র হরচন্দ্র ঘোষ । তাঁহার দুই পুত্র ; তন্মধ্যে জ্যেষ্ঠ বিনায়ক ঘোষ । তাঁহার পুত্র কাকুস্থ ; তৎপুত্র মালাধর ঘোষ । তাঁহার চারি পুত্র ; তন্মধ্যে জ্যেষ্ঠ সত্যবান ঘোষ । তাঁহার তিন পুত্র ; তন্মধ্যে জ্যেষ্ঠ অনন্তরাম ঘোষের পুত্র পদ্মলোচন । তাঁহার দুই পুত্র ; তন্মধ্যে জ্যেষ্ঠ রামানন্দ ঘোষ । তাঁহার দুই পুত্র ; তন্মধ্যে জ্যেষ্ঠ গোপালচন্দ্র ঘোষ । তাঁহার ছয় পুত্র—মধুসূদন, জনার্দন, বিশ্বনাথ, মহাদেব ওরফে মনোহর, গণেশচন্দ্র ও পুরুষোত্তম ঘোষ ।

৩ বারাণসী ঘোষ ।

গোপালচন্দ্রের পঞ্চম পুত্র গণেশচন্দ্রের পুত্র রাধাকান্ত ঘোষের চারি পুত্র ; জ্যেষ্ঠ বারাণসী ঘোষ । তিনি চব্বিশ পরগণার তৎকালীন কালেক্টার

শ্বেডুইন্ সাহেবের দেওয়ান ছিলেন। তিনি সাধারণের উপকারার্থে বারাকপুরের নিকট হুগলী নদীর তীরে একটি স্থানঘাট নির্মাণ করাইয়া তৎপার্শ্বে ছয়টি শিবমন্দির প্রতিষ্ঠা করেন। তিনি ঘোড়াসাঁকো নামক স্থানে একটি বৃহৎ বাটী নির্মাণ করেন। তৎকালে তাঁহার বিশেষ প্রতিপত্তি ছিল; তজ্জন্ত তাঁহার নামে কলিকাতায় একটি রাস্তা নির্মিত হয়। তিনি ঘোড়াসাঁকোর শান্তিরাম সিংহের জামাতা ছিলেন।

৬ মনোহর ঘোষ।

গোপালচন্দ্রের চতুর্থ পুত্র মনোহর ঘোষ বারাকপুরের অন্তর্গত চল্লন-পুকুর নামক স্থানে বাস করেন। সম্রাট্ আকবর সাহের সময়ে তদীয় স্ত্রীদেবী রাজস্ব সচিব রাজা তোডরমলের অধীনে তিনি একজন গোমস্তা ছিলেন। তৎপরে মনোহর ঘোষ মোহরারপদে নিযুক্ত হন। দিল্লীশ্বরের আদেশে তিনিই সর্বপ্রথমে বঙ্গদেশের রাজস্ব বন্দোবস্ত করেন। তিনি খাসমহালের জায়গীরের ওয়াশীল জমা করিয়া প্রভূত অর্থ উপার্জন করিয়াছিলেন। অতঃপর তিনি স্ববর্ণরেখা নদীতীরে গিয়া বাস করেন; তথায় জীবনের শেষ পর্য্যন্ত অতিবাহিত করিয়াছিলেন। আকবরের সেনাপতি যোধপুররাজ মানসিংহ ও আফগানদিগের বিবাদ সময়ে, মনোহর ঘোষ ক্ষতিগ্রস্ত হইয়া স্ববর্ণরেখা তীর পরিত্যাগ করিয়া কলিকাতার অন্তর্গত চিত্রপুর নামক স্থানে আশ্রয় লইয়াছিলেন। অধুনা ইহা চিংপুর নামে প্রখ্যাত। তিনি এই স্থানে মন্দির নির্মাণ করাইয়া “সর্বমঙ্গলা” এবং “চিত্রেখরী” নামে দুইটি দেবী প্রতিষ্ঠা করেন। নরসিংহ নামক জনৈক মহাশয়কে তজ্জন্ত কিছু ভূসম্পত্তি দান করিয়াছিলেন। চিত্রেখরী দেবী, ইউরোপীয়গণ কর্তৃক তৎকালে “চিংপুরের

কালী" নামে প্রসিদ্ধ হন। ১৬৩৭ খৃঃ মনোহর ঘোষ লোকান্তর গমন করিয়াছেন। তাঁহার পাঁচ পুত্র ; তন্মধ্যে জ্যেষ্ঠ রামসন্তোষ ঘোষ ।

৩ রামসন্তোষ ঘোষ ।

মনোহরের মৃত্যুর পর তাঁহার জ্যেষ্ঠ পুত্র রামসন্তোষ ঘোষ চিত্রপুর ত্যাগ করিয়া বর্দ্ধমান গিয়া বাস করেন। তিনি অনেকগুলি ভাষা শিক্ষা করিয়াছিলেন। তিনি ক্রমান্বয়ে ইংরাজ, ফরাসী ও ওলন্দাজ কুঠাতে প্রায় সত্তর বৎসর বয়ঃক্রম পর্য্যন্ত কৰ্ম্ম করিয়াছিলেন। তিনি মৃত্যুকালে বলরাম ঘোষ নামে একটি মাত্র পুত্র রাখিয়া যান।

৩ বলরাম ঘোষ ।

বলরাম ঘোষ চন্দননগরে ফরাসী রাজ্যে বাস করেন। তথায় তিনি বাণিজ্য দ্বারা ঈঙ্গতিপন্ন হইয়াছিলেন। চন্দননগরের তদানীন্তন ফরাসী গবর্ণর ডুগ্লে বাণিজ্য বিষয়ে তাঁহার পরামর্শ লইতেন। তিনি ধনশালী হইলেও অতি সামান্যভাবে বাস করিতেন। ১৭৫৬ খৃঃ ৯৫ বৎসর বয়ঃক্রম কালে বলরাম ঘোষ পরলোকগত হন। তাঁহার চারিপুত্র রামহরি, শ্রীহরি, নরহরি ও শিবহরি ওরফে শিবনারায়ণ ঘোষ। তন্মধ্যে শেষোক্ত দুই পুত্র তাঁহার জীবিতকালে লোকান্তরিত হন। বলরামের মৃত্যুর পর রামহরি ঘোষ ও শ্রীহরি ঘোষ চন্দননগরে পিতার কারবার বন্ধ করিয়া কলিকাতা বাগবাজারে আসিয়া বাস করেন। এই স্থানে তাঁহারা প্রায় বিশ বিঘা ভূমি ব্যাপিয়া একটি বৃহৎ বাটী, উদ্যান ও পুষ্করিণী খনন করাইয়াছিলেন। সেই পুষ্করিণী অদ্যাপি বিদ্যমান।

৩ রামহরি ঘোষ ।

বলরামের জ্যেষ্ঠ পুত্র রামহরি ঘোষ ছয়বার বিবাহ করিয়াছিলেন । শোভাবাজার রাজবংশের রাজা গোপীমোহন দেব বাহাদুরের এক ভগ্নী তাঁহার পঞ্চম পত্নী ছিলেন । সেই পত্নীর মৃত্যুর পর ষষ্ঠবার সিমলার বিনোদরাম দাসের এক কন্যাকে বিবাহ করেন । তাঁহার গর্ভে তিন পুত্র হয় ; তন্মধ্যে বলরামের জীবিতকালে দুইটি পুত্র অকালে বস্তুচ্যুত হন এবং একমাত্র পুত্র আনন্দমোহন ঘোষ জীবিত থাকেন । প্রথম কাবল যুদ্ধের সময় কমিসরিয়েট গোমস্তা পদে নিযুক্ত হইয়া আনন্দমোহন বহু অর্থার্জন করিয়াছিলেন । তিনি দয়ালু ও বিলাসী পুরুষ ছিলেন । তিনি বহু অর্থ ব্যয়ে ৩ বারাগসীধামে একটি নাচগৃহ নির্মাণ করাইয়াছিলেন । তাঁহার দুই বিবাহ হয় । দ্বিতীয়া পত্নী ভুবনেশ্বরী দাসীকে তিনি একখানি তালুক দিয়া যান ; উহার উপসত্ত্ব হইতে তিনি ৩ গয়াধামে বাস করিতেন । এই রমণী বাঙ্গালী ভাষায় সুশিক্ষিতা ছিলেন । তিনি মহাসমারোহের সহিত শ্রীশ্রীঅন্নপূর্ণা দেবীর পূজা সমাপন করিতেন ।



৩ শ্রীহরি ঘোষ ।

বলরামের দ্বিতীয় পুত্র শ্রীহরি ঘোষ বাঙ্গালা ও পারশ্বভাষায় ব্যাংপন্ন ছিলেন এবং ষৎসামান্য ইংরাজী ভাষাও শিক্ষা করেন । ইষ্ট ইণ্ডিয়া কোম্পানীর অধীনে তিনি মুন্সের জুর্গের দেওয়ান পদে অভিষিক্ত হন । তিনি সৌজন্ত্যগুণে বহু অর্থ উপার্জন করেন এবং তাহার সন্ধ্যায়ও করিয়াছিলেন । মুন্সের জুর্গের দেওয়ানের পদ হইতে অবসর গ্রহণান্তর শ্রীহরি কলিকাতায় বাস করেন । তিনি বহু আত্মীয় স্বজনকে আশ্রয় প্রদান

করিতেন ; তজ্জন্ম তাঁহার বাটী “হরি ঘোষের গোশালা” নামে প্রচারিত হয় । তিনি বহু দরিদ্র ব্রাহ্মণ ও কায়স্থদিগের কন্যার বিবাহ বায় বহন করিতেন । তিনি একজন নিষ্ঠাবান হিন্দু ছিলেন ; প্রতিবৎসর ত্রয়োদশটী বাৎসরিক পার্শ্বক করিতেন । বন্ধুবান্ধব ও আত্মীয় স্বজনে বিশ্বাস-বাতকতা করিয়া তাঁহার বহু অর্থ আত্মসাৎ করিলে, তিনি শেষ জীবনে কষ্ট পাইয়াছিলেন । তাঁহাদের ব্যবহারে বিরক্ত হইয়া অবশিষ্ট জীবন পুণাভূমি ৬ বারাণসীধামে অতিবাহিত করেন । তথায় গমনের পূর্বে তিনি তাহার বৃহৎ বাটী বিক্রয় করেন ; এক্ষণে উহা গাঙ্গুলীদের হইয়াছে । তাঁহার কাঁটাপুকুর ও শ্রামপুকুরের ভূসম্পত্তি নকুড়চন্দ্র চট্টোপাধ্যায় নামক জনৈক ব্রাহ্মণের তত্ত্বাবধানে দিয়া যান ; অধুনা তাহার বংশধরগণ উপভোগ কবিতেছেন । অতঃপর দেওয়ান শ্রীহরি ঘোষ তদীয় জ্যেষ্ঠ পুত্র কাশীনাথকে সঙ্গে লইয়া ৬ বারাণসীধাম গমন করেন । তথায় তিনি কয়েক বৎসর বাস করিয়া ১৮০৬ খৃঃ জীবনলীলা সমাপন করেন । তাঁহার চারি পুত্র—কাশীনাথ, বিশ্বনাথ, হরলাল ও রসিকলাল ঘোষ এবং দুই কন্যা ; তন্মধ্যে প্রথমা কন্যা ভগবতী দাসীর সহিত বাগবাজার নিবাসী নিধুরাম বসুর পৌত্র জগন্নাথ বসুর বিবাহ হয় ।

দেওয়ান শ্রীহরির জ্যেষ্ঠ পুত্র কাশীনাথ ঘোষ ৬ বারাণসীধামে মৃত্যুমুখে পতিত হন । তাঁহার কোন পুত্র সন্তান হয় নাই ।

দেওয়ান শ্রীহরির মধ্যম পুত্র বিশ্বনাথ ঘোষের এক পুত্র ভৈরবচন্দ্র ঘোষ মৃজাপুরে গবর্ণমেন্ট অফিসে বহু দিবস কর্ম্য করেন । তিনি ত্রিশ বৎসর মাত্র বয়সে একমাত্র শিশুপুত্র বেণীমাধবকে রাখিয়া গতাস্ত্র হন ।



৮ বেণীমাধব ঘোষ ।

বেণীমাধব ঘোষ তদীয় মাতুল চোরবাগান নিবাসী আনন্দচন্দ্র বসুর দ্বারা প্রতিপালিত হন । তিনি হেয়ার স্কুলে বিদ্যাশিক্ষা করেন ; অধিকন্তু পারস্যভাষাও জানিতেন । চাষাধোপাপাড়া নিবাসী তারাচাঁদ বসুর কন্যার সহিত তাঁহার প্রথম বিবাহ হয় । সেই পত্নীর মৃত্যুর পর দ্বিতীয়বার ঠনঠনিয়ার নবকৃষ্ণ সরকারের কন্যাকে বিবাহ করেন । বেণীমাধব পিল্ ব্রেরী কোম্পানীর বাজার সরকারের কার্য্য করিতেন । সেই কৰ্ম্মে তিনি অর্থশালী হইয়াছিলেন । তিনি একজন প্রসিদ্ধ গায়ক ছিলেন । বেণীমাধব ঘোষ মৃত্যুকালে দুই পুত্র চন্দ্রনাথ ও যোগেন্দ্রনাথকে রাখিয়া যান । কনিষ্ঠ পুত্র যোগেন্দ্রনাথ ঘোষ চোরবাগানে বাস করেন । তিনি বাল্যকাল হইতেই স্বাধীনচেতা ছিলেন । প্রেস্ সম্বন্ধে তাঁহার অভিজ্ঞতা ছিল । “প্রেসিডেন্সী প্রেস্” নামে তিনি একটি মৃদুদ্রব্য স্থাপন করেন ।

৯ হরলাল ঘোষ ।

দেওয়ান শ্রীহরির তৃতীয় পুত্র হরলাল ঘোষের এক পুত্র ভোলানাথ ঘোষ আলিপুর মুনসেফ কোর্টের উকীল ছিলেন । তিনি ভবানীপুরে একটা বাটা ক্রয় করেন ; তথায় তাঁহার বিধবা পত্নী বাস করিতেন । তাঁহার একমাত্র পুত্র স্বর্ধ্যকুমার ঘোষ লণ্ডন মিশনারী স্কুলে অধ্যয়ন কালে খ্রীষ্টধর্ম গ্রহণ করেন । তিনি ইংরাজীভাষায় ব্যুৎপন্ন ছিলেন । স্বর্ধ্যকুমার ঘোষ বিস্মৃচীকা রোগে মৃত্যুমুখে পতিত হন । তাঁহার বংশধরগণ অধুনা খৃষ্টধর্মাবলম্বী ।

৬ রসিকলাল ঘোষ।

দেওয়ান শ্রীহরির কনিষ্ঠ পুত্র রসিকলাল ঘোষের সহিত বাগবাজারের স্প্রসিদ্ধ রামচরণ সোমের এক কন্যার বিবাহ হয়। পিতার জীবিতকালে কৈশোরে রসিকলাল ঘোষ জলাতঙ্ক রোগে মানবলীলা সমাপন করেন। তাঁহার সহধর্মিণী হরসুন্দরী দাসী সহমরণে গমন করেন। রসিকলালের তিন পুত্র কেদারেশ্বর, মুক্তিশ্বর, ভুবনেশ্বর এবং কন্যা তারাসুন্দরী দাসী। সিমলা নিবাসী তারিণীচরণ সরকারের সহিত বিবাহের কিছুদিন পরে তারাসুন্দরী গতাস্থ হন।

৭ মুক্তিশ্বর ঘোষ।

রসিকলালের মধ্যম পুত্র মুক্তিশ্বর ঘোষ মাতুলালয়ে প্রতিপালিত হন। তিনি হেয়ার স্কুলে বিদ্যাশিক্ষা করেন। চতুর্দশ বৎসর বয়সে পিতামহ শ্রীহরির বন্ধু ডাক্তার কাশ্যরল্যাণ্ড সাহেবের সহিত কলিকাতা ত্যাগ করিয়া উড়িষ্যা গমন করেন। ডাক্তার সাহেব তাঁহাকে নিজব্যয়ে ডাক্তারী অধ্যয়ন করাইয়াছিলেন। ডাক্তার সাহেব উড়িষ্যা পরিত্যাগ সময়ে বঙ্গোপসাগর তীরে ৬ পুরীধামে তাঁহাকে একটি সুন্দর বৃহৎ “বাঙ্গালা” দিয়া যান। মুক্তিশ্বর কটক ঔষধালয়ে কিছুদিন কর্ম করিয়া পুরীর হাঁসপাতালে বদলি হন। তথায় তিনি সূখ্যাতির সহিত প্রায় ৩৫ বৎসর কার্য্য করিয়াছিলেন। তিনি বহু দরিদ্রকে আহাৰ ও অর্থদান করিতেন; তজ্জন্ত ঋণগ্রস্ত হন। অবশেষে ডাক্তার কাশ্যরল্যাণ্ড প্রদত্ত বাঙ্গালা বিক্রয় করিতে বাধ্য হইয়াছিলেন। তিনি একজন নিষ্ঠাবান হিন্দু ছিলেন। তিনি ৬ পুরীধামের “রামচণ্ডী” মন্দির সংস্কার করাইয়া দিয়াছিলেন। রাজকার্য্য হইতে অবসর গ্রহণের পর আত্মীয় স্বজন কর্তৃক

অমুরুদ্ধ হইয়া বর্দ্ধমান জেলার অন্তর্গত কুলীন গ্রামে ১৮৬৮ খৃঃ তাঁহার জনৈক আত্মীয় গোলকচন্দ্র সিংহের বাটীতে একটি ঔষধালয় স্থাপন করেন। তিনি দানশীলতার জন্ত পুত্র কন্ঠার ভরণ পোষণার্থে কিছুই রাখিয়া যাইতে পারেন নাই। তিনি সংস্কৃত ভাষা কথঞ্চিৎ শিক্ষা করেন। ১৮৬৯ খৃঃ ওরা জানুয়ারী মুক্তিশ্বর ঘোষ মুক্তিনাথ করিয়াছেন। বর্দ্ধমান জেলার অন্তর্গত বেনাপুরের রাধাগোবিন্দ বসু চৌধুরীর প্রথমা কন্ঠার সহিত তাঁহার বিবাহ হইয়াছিল। তাঁহার পাঁচ পুত্র—লোকনাথ, প্রমথনাথ, চণ্ডীচরণ, ত্রৈলোক্যনাথ ও পূর্ণচন্দ্র ঘোষ। তন্মধ্যে তৃতীয় পুত্র শ্রীযুক্ত চণ্ডীচরণ ঘোষ বর্তমান।

মুক্তিশ্বরের জ্যেষ্ঠপুত্র লোকনাথ ঘোষের সহিত শ্যামপুকুর নিবাসী পঞ্চানন বসুর পুত্র কালীচরণ বসুর একমাত্র কন্যার বিবাহ হয়। কালীচরণ একজন সম্ভ্রান্ত ব্যক্তি ছিলেন। লোকনাথের পুত্র শ্রীযুক্ত আশুতোষ ঘোষ।

মুক্তিশ্বরের মধ্যম পুত্র চণ্ডীচরণ ঘোষের সহিত চন্নিশ পরগণার অন্তর্গত জগদল গ্রামের সুপ্রসিদ্ধ সেনবংশীয় গোবিন্দচরণ সেনের একমাত্র কন্যার বিবাহ হয়। তাঁহার পুত্র শ্রীযুক্ত পশুপতি ঘোষ।

রসিকলালের কনিষ্ঠপুত্র ভুবনেশ্বর ঘোষের দুই পুত্র; তন্মধ্যে কনিষ্ঠ শ্রীযুক্ত বিহারী লাল ঘোষ জীবিত আছেন।

কলুটোলা শীলবংশ ।

কলিকাতা কলুটোলার সুপ্রসিদ্ধ শীলবংশ জাতিতে স্বর্ণবর্ণিক । ইহারা বহু দিবস হইতে দান ধর্মের জন্ত প্রখ্যাত । এই বংশের চৈতন্য-চরণ শীল একজন মধ্যবিত্ত ও বস্ত্র ব্যবসায়ী ছিলেন । তিনি কলুটোলায় বাস করিতেন । তাঁহার একটি পুত্র ও চাইটি কন্যা হইয়াছিল ।

৩ মতিলাল শীল ।

চৈতন্যচরণের পুত্র স্বনামখ্যাত মতিলাল শীল ১৭৯১ খৃঃ কলুটোলায় জন্মগ্রহণ করেন । পঞ্চম বৎসর বয়ঃক্রমকালে মতিলালের পিতৃবিয়োগ হয় । তিনি বাল্যকালে গুরুমহাশয়ের পাঠশালায় বিদ্যারম্ভ করেন । বাঙ্গালা লিখন প্রণালী এবং গুণভঙ্করের অঙ্ক প্রণালী তিনি সুন্দররূপে শিক্ষা করিয়াছিলেন । ১৮০৯ খৃঃ তাঁহার বিবাহ হইয়াছিল । তাহার কিছুদিন পরে তিনি ষণ্ডের মহাশয়ের সহিত বৃন্দাবন, জয়পুর প্রভৃতি উত্তর পশ্চিম দেশীয় অনেকগুলি তীর্থস্থান পরিভ্রমণ পূর্বক কলিকাতায় প্রত্যাগমন করেন । ১৮১৫ খৃঃ কলিকাতা ফোর্টউইলিয়ম দুর্গে প্রথমে একজন সামান্য কেরানী এবং তৎপরে গুদাম সরকারের কর্মে নিযুক্ত হন । এই কর্ম করিতে করিতে ১৮১৯ খৃঃ বোতল ও কর্কের ব্যবসায় আরম্ভ করিয়া যথেষ্ট লাভ করেন । ১৮২০ খৃঃ দুর্গের কর্ম পরিত্যাগ করিয়া কয়েকটি ইউরোপীয় সওদাগর অফিসের মুন্সিফির কর্ম করিতে আরম্ভ করেন । বিলাত হইতে কোম্পানীর যে সকল দ্রব্যাদি জাহাজে করিয়া কলিকাতায় আসিত, তাহা বিক্রয় করিয়া

দিতেন এবং এদেশ হইতে যে সকল দ্রব্যাদি বিলাত যাইত তাহাও ক্রয় করিয়া দিতেন। ইহাতে তাঁহার বিলক্ষণ সম্মান ও যথেষ্ট লাভ হইত। ক্রমাগত নয় বৎসর কাল এই কার্য্য করিয়া মতিলাল বিলক্ষণ ধনবান হইয়াছিলেন। ১৮২৮ খৃঃ তিনটা ইউরোপীয় বাণিজ্যাগারের অধ্যক্ষ নিযুক্ত হন এবং ইউরোপীয় অগ্ন্যাগ্ন দ্রব্যের ব্যবসায় আরম্ভ করেন। এইরূপে মতিলাল প্রভূত সঙ্গতিপন্ন হইয়া উঠেন। যখন কুঠিওয়াল সাহেবদিগের কার্য্য বন্ধ হইয়া যায়, সেই সময় স্মিথসন্ সাহেবের কলিকাতার গঙ্গাতীরবর্তী একটি ময়দার কল তিনি ক্রয় করেন। সেই কল অত্য়াপি কলিকাতায় বর্তমান; অধুনা জনৈক ইংরাজ ভাড়া লইয়া তাহার কার্য্য পরিচালন করিতেছেন। যখন চতুর্দিক হইতে মতিলালের অজস্র অর্থ আসিতে ছিল, সেই সময় তিনি ভাড়াগীয়া বাটী প্রস্তুত করিবার জন্ত কলিকাতা ও তৎপার্শ্ববর্তী অনেক ভূখণ্ড ও গৃহাদি ক্রয় করিয়াছিলেন। অতঃপর শিক্ষাবিস্তারের উদ্দেশ্যে তিনি ১৮৪২ খৃঃ কলিকাতা সুরতিবাগানে “শীলস্ ফ্রী কলেজ” নামে একটি বিদ্যালয় স্থাপন করেন। প্রথমে ইহার বেতন মাসিক একটাকা মাত্র ছিল; পরে ইহা অবৈতনিকরূপে পরিণত হয়। এই কলেজে মাসিক প্রায় পাঁচ শত টাকা ব্যয় হইত। অধুনা ইহা “শীলস্ ফ্রী স্কুল” নামে পরিচিত। এই বিদ্যালয় চিরস্থায়ী করিবার জন্ত মতিলাল বহু অর্থ মূলধনরূপে প্রদান করিয়া গিয়াছেন। ১৮৪৭ খৃঃ পূর্ববঙ্গ রেলওয়ের বেলঘরিয়া ষ্টেশনের সন্নিহিত একটি অতিথিশালা স্থাপন করেন; তাহার এরূপ স্বন্দোবস্ত করিয়া দিয়া গিয়াছেন যে, প্রায় চারিশত নিরাশ্রয় দরিদ্র ব্যক্তি অত্য়াপি প্রতিপালিত হইয়া থাকে। ১৮৫৫ খৃঃ দেশহিতৈষী খ্যাতনামা রাজেন্দ্রলাল দত্তের উজোগে হিন্দু মেট্রোপলিটন্ কলেজ সংস্থাপনকালে মতিলাল তাঁহার বিশেষ সাহায্য করিয়াছিলেন। কলিকাতা মেডিকেল কলেজ স্থাপন জন্ত তিনি বিস্তৃত ভূখণ্ড দান করেন; তজ্জন্ত

তাঁহার নামে একটি ওয়ার্ড নির্মিত হয়। তাঁহার জ্যেষ্ঠতাত গৌরচন্দ্র শীল একজন ধনবান ব্যক্তি ছিলেন। পুত্র না থাকায় মৃত্যুকালে আপনার এক কন্যাকে সমস্ত বিষয়ের উত্তরাধিকারিণী করিয়া যান। সেই কন্যা অক্ষম ছিলেন বলিয়া মতিশীলের উপর বিষয় রক্ষণাবেক্ষণের ভার সমর্পিত হইয়াছিল। তিনি প্রথমাবস্থায় ঐ বিষয় হইতে মূলধন লইয়া নিজে ব্যবসায় আরম্ভ করিয়াছিলেন। তিনি এই পরিবারের দ্বারা উপকৃত হইয়াছিলেন বলিয়া, তাঁহাদিগের উন্নতির নিমিত্ত বিশেষ চেষ্টা করিতেন। তিনি যে স্মিথসন্ হোল্ডসওয়ার্থ সাহেবের নিকট কন্ম করিয়া উন্নত হইয়াছিলেন, সেই সাহেবের মৃত্যুর পর তাঁহার পত্নী অসহায় হইয়া অনেক দিন এই দেশে ছিলেন। মতিলাল, তাঁহার দুঃখ দূর করিবার জন্ত অনেক পরিশ্রম ও বহু অর্থ ব্যয় করিয়াছিলেন; এমন কি, তিনি ইংলণ্ডে গমন করিলে পর, মতিলাল তথায়ও স্টাকা পাঠাইয়া দিতেন। তাঁহার জ্যেষ্ঠ পুত্রের বিবাহের সময় কলিকাতার দেওয়ানী জেলের বন্দীদিগের মুক্তির জন্ত বহু অর্থ প্রদান করেন। মতিলাল পূর্ক্সাপর পর্যালোচনা না করিয়া কোন কার্যে হস্তক্ষেপ করিতেন না। তিনি বিলক্ষণ সদ্ব্যয়ী ছিলেন; কিন্তু একটি পয়সাও অপব্যয় করিতেন না। তিনি মিষ্টভাষী ও বিনয়ী ছিলেন। তাঁহার অদ্ভুত বিষয় বুদ্ধি ছিল। কলিকাতার তৎকালীন প্রধান প্রধান ব্যক্তিগণ তাঁহার পরামর্শ লইয়া কার্য্য করিতেন। জাতীয় ধর্ম্মের প্রতি তাঁহার প্রগাঢ় বিশ্বাস ছিল। আচার ভ্রষ্ট স্বধর্ম্মত্যাগীর প্রতি অত্যন্ত বিদ্বেষভাব প্রকাশ করিতেন। দরিদ্রের দুঃখ দেখিয়া দুঃখ মোচনে বিমুখ হইতেন না। পরোপকার তাঁহার ব্রতস্বরূপ ছিল। কোন ব্যক্তি বিপদে পতিত হইয়া শরণাগত হইলে তাহাকে রক্ষা করিবার জন্ত তিনি প্রাণপণ চেষ্টা করিতেন। যাহা বলিতেন কদাপি তাহার অগ্রথা করিতেন না। তাঁহার স্মৃতিশক্তি ও তর্কশক্তি বিলক্ষণ বলবতী

ছিল। তিনি বিলাসী ছিলেন না। সততার জ্ঞান জনসাধারণ সকলেই তাঁহাকে ভক্তিপ্রদা করিতেন। তিনি বীতিমত শিক্ষা করেন নাই, কিন্তু সর্বদা ইংরাজদিগের সহিত থাকিতেন বলিয়া কার্যোপযোগী ইংরাজী লিখিতে ও পড়িতে শিক্ষা করিয়াছিলেন। ঋণদান হইতেই তাঁহার ভূম্যধিকারের স্বত্বপাত হয়। এক্ষণে তাঁহার বংশধরগণের যত্নে জমিদারী দিন দিন বৃদ্ধি পাইতেছে। মতিলাল কেবল আপনার বুদ্ধি, পরিশ্রম ও যত্ন দ্বারাই উন্নীত হইয়াছিলেন, এবং নানা প্রকার সংকল্পদ্বারা লোকের উপকার করিয়া আপনার নাম চিরস্মরণীয় করিয়া গিয়াছেন। অতঃপর ১৮৫৪ খৃঃ ২০শে মে স্থায়ী প্রতিষ্ঠিত গঙ্গাতীরবর্তী বাধাঘাটে সুপ্রসিদ্ধ বণিকপ্রবর মতিলাল শীল মহোদয় মানবলীলা সম্বরণ করিয়াছেন। অষ্টাদশ বৎসর বয়ঃক্রমকালে কলিকাতা সুরতিবাগান নিবাসী স্বর্গীয় মোহনচাঁদ দে মহাশয়ের কন্যার সহিত মতিলালের বিবাহ হইয়াছিল। তাঁহার পাঁচটি পুত্র হীরালাল, চুনিলাল, পান্নালাল, গোপাললাল ও কানাইলাল শীল; এবং পাঁচটি কন্যা—তাঁহার সকলেই সংপাত্রে প্রদত্তা হইয়াছিলেন। মতিলালের এক কন্যা শ্রীমতী রাজরাণী দাসী চাঁদনী হাঁসপাতাল ফণ্ডে দশ সহস্র টাকা দান করিয়াছেন। এক্ষণে মতিলালের বিপুল সম্পত্তি পুত্রগণের মধ্যে বিভক্ত হইয়া গিয়াছে। দানশীলতায় তাঁহার পিতৃনাম অনেকাংশে অক্ষুণ্ণ রাখিয়াছিলেন। পুত্রগণ কেহই এখন জীবিত নাই।

৮ হীরালাল শীল।

মতিলালের জ্যেষ্ঠ পুত্র হীরালাল শীল মহাশয়ের নাম বঙ্গীয় নাট্যশালার সহিত সংলিপ্ত। কলিকাতার ধর্মতলার বাজারটি পূর্বে হীরালালের ছিল; ভূতপূর্ব মিউনিসিপাল কমিশনার হগ্‌ সাহেব বাহাদুর

মিউনিসিপাল বাজার সংস্থাপনকালে প্রভূত অর্থ ব্যয়ে উহা ক্রয় করেন ।
বিবিধ অমুষ্ঠানে তাঁহার বিশেষ অমুয়ুগ ছিল । তিনি উদার হৃদয় ও
লোকবৎসল পুরুষ ছিলেন । সাধারণের নিকট তিনি যথেষ্টখ্যাতি অর্জন
করিয়াছিলেন ।

৩ চুনীলাল শীল ।

মতিলালের মধ্যম পুত্র চুনীলাল শীল সামাজিক বিষয়ে উদার মতাবলম্বী
ছিলেন । তিনি স্বভাবত তীক্ষ্ণ বুদ্ধি ও সরল প্রকৃতির লোক ছিলেন ।
তিনিও পিতার অমুরূপ বুদ্ধিমান এবং সংকার্য্য পরায়ণ ছিলেন । তিনি
অত্যন্ত বিলাসী ও অপব্যয়ী ছিলেন । তিনি উইল করিয়া পঞ্চাশ
হাজার টাকা মেডিকেল কলেজের “ফিভার” হাঁসপাতালে দান করিয়া যান ।

৩ পান্নালাল শীল ।

মতিলালের তৃতীয় পুত্র পান্নালাল শীল বাণিজ্য ও পরে জমিদারী
ক্রয় করিয়া বিপুল সম্পত্তি সঞ্চয় করিয়াছিলেন । তিনি সাধারণ হিতকর
কার্য্যের সহিত সংশ্লিষ্ট ছিলেন । দয়াদাক্ষিণ্যে ও দানশীলতায় স্বীয়
মহানুভবতার পরিচয় পদে পদে প্রদর্শন করিতেন । তিনি যেরূপ অর্থ-
শালী ছিলেন, অর্থের সম্ভার জ্ঞাত তদ্রূপ বিখ্যাত ছিলেন । রাজসকাশে
তাঁহার প্রভূত সম্মান ছিল । ১৯০২ খৃঃ পান্নালাল শীলের মৃত্যুর পর,
তদীয় পুত্র স্প্রসিদ্ধ ধনকুবের জীযুক্ত মানিকলাল শীল মহাশয় “এল্‌বাট
ভিক্টার” নামক হাঁসপাতালের সহিত পিতার নামে একটি ঔষধালয় প্রতিষ্ঠা
করিবার জ্ঞাত দশ সহস্র টাকা দান করিয়াছেন ।

৩ গোপাললাল শীল ।

মতিলালের চতুর্থ পুত্র গোপাললাল শীল কলিকাতা সহরের একজন ধনবান ব্যক্তি ছিলেন । তিনি শাস্ত্রজ্ঞ ব্রাহ্মণপণ্ডিতগণের যথেষ্ট আনুকূল্য করিতেন । বিদেশীয় ও দেশীয় সমাজে তিনি ধনী ও তীক্ষ্ণ বিষয় বুদ্ধি সম্পন্ন বলিয়া সম্মানিত হইতেন । স্বর্গীয় গোপাললাল শীলের সম্পত্তির মূল্য এক্ষণে একষট্টি লক্ষ টাকা । তাঁহার দুই পত্নী—প্রথম পত্নী শ্রীমতী নয়নমঞ্জুরী ও দ্বিতীয়া পত্নী শ্রীমতী কুমুদিনী দাসী । নয়নমঞ্জুরী স্বামী কর্তৃক গৃহ হইতে বহিষ্কৃত হইয়াছিলেন । পরে সংসার যাত্রা নির্বাহার্থে মাসিক ৭৫০ টাকা পাইবার জন্ত ১৮৯৩ খৃঃ এক নালিশ করিয়াছিলেন ; বিংশতি বৎসর পরে ১৯১৩ খৃঃ 'নয়নমঞ্জুরী দাসী' ঐ টাকার ডিক্রী প্রাপ্ত হইয়াছেন ।

৩ কানাইলাল শীল ।

মতিলালের কনিষ্ঠ পুত্র কানাইলাল শীল নীরবে দেশের ও দশের সেবা করিতেন । তাঁহার অর্থানুকূল্যে অনেক সদনুষ্ঠান সুসম্পন্ন হইয়াছে ।

বড়বাজার মল্লিকবংশ ।

কলিকাতা বড়বাজারের এই সুপ্রসিদ্ধ দানশীল বংশের উপাধি দে ;
মোগলদিগের নিকট ইহাতে “মল্লিক” উপাধি প্রাপ্ত হন । ইহারা জাতিতে
সুবর্ণবর্ণিক ।

৩ বনমালী মল্লিক ।

এই বংশের জটনৈক পূর্বপুরুষ বনমালী মল্লিক ১৫৫৬ খৃঃ হুগলী
জেলার অন্তর্গত ত্রিবেণীর পশ্চিম সপ্তগ্রামে জন্মগ্রহণ করেন । হুগলী
নদীর পূর্বতীরে কাঁচড়াপাড়া নামক গ্রামে তাঁহার কৃষ্ণ আবাদ ভূমি
ছিল ; উহার সহিত তিনি একটি খাল খনন করাইয়াছিলেন, তাহা অত্যাধি
“মল্লিকের খাল” নামে প্রসিদ্ধ । বনমালী একজন বদান্ত পুরুষ ছিলেন ।
নদীয়া জেলায় তিনি একটি অতিথিশালা স্থাপন করেন । বনমালী মল্লিক
১৬০৮ খৃঃ লোকান্তরিত হন । তিনি মৃত্যুকালে তাঁহার একমাত্র পৌত্র
কৃষ্ণদাস মল্লিককে বিষয় সম্পত্তির উত্তরাধিকারী করিয়া যান ।

৩ কৃষ্ণদাস মল্লিক ।

কৃষ্ণদাস মল্লিক ১৬০১ খৃঃ জন্মগ্রহণ করেন । তিনি হুগলী নদীর
তীরবর্তী বালুভূমিতে একটি মন্দির প্রতিষ্ঠা এবং ত্রিবেণীতে একটি অতিথি-
শালা স্থাপন করেন । তিনি একজন উন্নতমনা ও উৎসাহী পুরুষ
ছিলেন । ১৬৮০ খৃঃ কৃষ্ণদাস মল্লিক জীবনশীলা সমাপন করেন । তিনি

মৃত্যুকালে তিন পুত্র রাজারাম, প্রাণবল্লভ ও কালিচরণ মল্লিককে রাখিয়া যান ; তন্মধ্যে কনিষ্ঠ পুত্র কালিচরণের সন্তান হয় নাই ।

৬ রাজারাম মল্লিক ।

কৃষ্ণদাসের জ্যেষ্ঠ পুত্র রাজারাম মল্লিক ১৬৩৬ খৃঃ জন্মগ্রহণ করেন । তিনি বাঙ্গালা, উর্দু ও পারস্য ভাষায় ব্যুৎপন্ন ছিলেন । ১৭০২ খৃঃ রাজারাম মল্লিক মহাপ্রস্থান করেন । তিনি মৃত্যুকালে দুইপুত্র দর্পনারায়ণ ও সন্তোষকুমার মল্লিককে রাখিয়া যান । তন্মধ্যে কনিষ্ঠের সন্তান হয় নাই ।

৭ প্রাণবল্লভ মল্লিক ।

কৃষ্ণদাসের মধ্যমপুত্র প্রাণবল্লভ মল্লিক ১৬৩৯ খৃঃ জন্মগ্রহণ করেন । তিনি মৃত্যুকালে একমাত্র পুত্র সুখদেব মল্লিককে রাখিয়া যান ।

সুখদেব মল্লিকের আট পুত্র ; তন্মধ্যে হরিরাম, যাদবচন্দ্র ও বিনোদ-বিহারী মল্লিক পিতার মৃত্যুকালে জীবিত ছিলেন ।

জ্যেষ্ঠ পুত্র হরিরাম মল্লিক রায় রায়ান্ ১৭০৭ খৃঃ জন্মগ্রহণ করেন । তিনি ইষ্ট ইণ্ডিয়া কোম্পানীর অধীনে ঢাকার এজেন্ট ছিলেন । তাঁহার কোন সন্তানাদি হয় নাই ।

৮ দর্পনারায়ণ মল্লিক ।

রাজারামের জ্যেষ্ঠ পুত্র দর্পনারায়ণ মল্লিক ১৬৭২ খৃঃ ত্রিবেণীতে ভূমিষ্ঠ হন । তিনি বদান্ত ধার্মিক বলিয়া প্রসিদ্ধ ছিলেন । ৬ বাগাণদী-

ধামে, নদীয়া ও হুগলী জেলায় তিনি অনেকগুলি অতিথিশালা *ও মন্দির স্থাপন করেন। মুসলমানদিগের উৎপীড়ন হইতে রক্ষা পাইবার জন্ত তদীয় জ্ঞাতি ভ্রাতা সুখদেব মল্লিকের সহিত ১৭০৩ খৃঃ তিনি প্রথমে কলিকাতায় আসিয়া বাস করেন। দর্পনারায়ণ মল্লিক ১৭৪০ খৃঃ মৃত্যুকালে একমাত্র পুত্র নয়ানচাঁদ মল্লিককে রাখিয়া যান।

৬ নয়ানচাঁদ মল্লিক।

নয়ানচাঁদ মল্লিক ১৭১০ খৃঃ কলিকাতায় জন্মগ্রহণ করেন। ৬ বারাণসীধাম, মাহেশ ও অত্রাত্ত স্থানে তিনি অনেকগুলি মন্দির ও ধর্মশালা স্থাপন, বঙ্গদেশের নানা স্থানে পুষ্করিণী খনন ও কলিকাতার বড়বাজারে একটি পাকা রাস্তা নির্মাণ করাইয়া দিয়াছিলেন। হুগলী, চব্বিশ পরগণা ও নদীয়া জেলায় তিনি কয়েকখানি জমিদারী করেন। ১৭৭৭ খৃঃ নয়ানচাঁদ মল্লিক লোকান্তরিত হন। তিনি মৃত্যুকালে তিন পুত্র গৌরচরণ, নিমাইচরণ ও রাধাচরণ মল্লিককে রাখিয়া যান। তাঁহারা তিন সন্তোদরে পিতার শ্রদ্ধা উপলক্ষে বহু অর্থ ব্যয় করেন। কনিষ্ঠ রাধাচরণের কোন পুত্র সন্তান হয় নাই।

৭ গৌরচরণ মল্লিক।

নয়ানচাঁদের জ্যেষ্ঠ পুত্র গৌরচরণ মল্লিক কনিষ্ঠ নিমাইচরণের সহিত একত্রে কাঁচড়াপাড়ায় একটি মন্দির নির্মাণ করেন। তাঁহার চারি পুত্র—বিশ্বম্ভর, রামলোচন, জগমোহন ও রূপলাল মল্লিক।

গৌরচরণের জ্যেষ্ঠ পুত্র বিশ্বম্ভর মল্লিক বদান্ততার জন্য প্রসিদ্ধ হইয়াছিলেন।

গৌরচরণের কনিষ্ঠ পুত্র রূপলাল মল্লিক সরল হৃদয় পুরুষ ছিলেন। তাঁহার চারি পুত্র—প্রাণকৃষ্ণ, শ্রীকৃষ্ণ, নবকুমার ও শ্রীমাচরণ মল্লিক। তাঁহারা সদনুষ্ঠানের জন্ত প্রসিদ্ধ ছিলেন। “গুপ্ত বৃন্দাবন” নামে প্রখ্যাত সাতটা পুষ্করিণী প্রতিষ্ঠা করেন। অধুনা উহা শ্রীমাচরণের পুত্র নন্দলাল মল্লিকের বংশধরগণের অধীন। ডিউক অব্ এডিনবার্গের শুভাগমনকালে ১৮৬৪ খৃঃ স্বদেশবাসীগণ কর্তৃক তথায় অভ্যর্থনার আয়োজন হইয়াছিল ; রাজদম্পতী সেই উদ্যান ও পুষ্করিণী দেখিয়া প্রীত হইয়াছিলেন।

৬ নিমাইচরণ মল্লিক ।

নয়ানটাদের মধ্যম পুত্র নিমাইচরণ মল্লিক ১৭৩৬ খৃঃ বড়বাজারে জন্মিষ্ট হন। তিনি ইংরাজী, বাঙ্গালা ও পারস্য ভাষায় বিজ্ঞ ছিলেন। তিনি একজন মহাশয় ব্যক্তি ও নিষ্ঠাবান হিন্দু ছিলেন। নিমাইচরণ পিতার নিকট প্রায় চল্লিশ লক্ষ টাকা প্রাপ্ত হন। তিনি বল্লভপুরে একটা মন্দির স্থাপন এবং ভ্রাতা গৌরচরণের সহিত একত্রে কাঁচড়াপাড়ায় শ্রীশ্রীকৃষ্ণরায় জীউর অট্টালিকা নিৰ্ম্মাণ করেন ; অধিকন্তু ঐ সকল কীর্তি রক্ষার জন্ত তৎকালীন সুপ্রিম কোর্টে বহু অর্থ দিয়া যান। চৈতন্যমঙ্গল গীত, পুরাণ, তুলসী ইত্যাদি অনেক গুলি ধর্ম্ম কস্মে বহু অর্থ ব্যয় করিয়াছিলেন ; সেই সময়ে ব্রীক্ষণ, গোস্বামী প্রভৃতিকে মুক্তা, স্বর্ণ হার, রোপা রেকাব ও অন্যান্য মূল্যবান দ্রব্য দান করেন ; এবং বহু সংখ্যক দরিদ্রকে পরিতোষসহকারে আহার করাইয়াছিলেন। তিনি ৬ সিংহবাহিনী দেবীর পূজার সময় কলিকাতার ছোট আদালতের অনেক দেওয়ানী আসামীকে অর্থদ্বারা অব্যাহতি করিতেন। তিনি পাথুরিয়াঘাটার গঙ্গাবিন্দু মল্লিক এবং রামকৃষ্ণ মল্লিকের ভগ্নীকে বিবাহ করেন। গঙ্গাবিন্দু মল্লিক, নরসিং মল্লিকের পিতামহ এবং রামকৃষ্ণ মল্লিক, চৌরবাগানের

রাজা রাজেন্দ্রলাল মল্লিকের পিতামহ ছিলেন। ১৮০৭ খৃঃ নবেম্বর মাসে ৭১ বৎসর বয়সে নিমাইচরণ মল্লিক ভবলীলা সম্বরণ করেন। মৃত্যুকালে তিনি প্রায় তিন কোর টাকার উপর রাখিয়া যান ; এতদ্ব্যতীত ভূসম্পত্তি ও কয়েক খানি তালুক ছিল। তাঁহার দুই কণ্ঠা এবং আট পুত্র রামগোপাল, রামরতন, রামতনু, রামকানাই, রামমোহন, হীরালাল, স্বরূপচন্দ্র ও মতিলাল মল্লিক ।

নিমাইচরণের জ্যেষ্ঠ পুত্র রামগোপাল মল্লিক ১৭৬৯ খৃঃ জন্মগ্রহণ করেন। তিনি ধার্মিক ও নিষ্ঠাবান হিন্দু ছিলেন। ১৮২৫ খৃঃ তিনি শ্রীশ্রীরাধাগোবিন্দ জীউ নামে এক কুলদেবতা স্থাপন করেন। রামগোপাল অনেকের বিবাদ মিটাইয়া দিতেন এবং তাহা উভয় পক্ষই গ্রহণ করিত। ১৮৩০ খৃঃ তিনি ধর্মসভার সভাপতি নির্বাচিত হন। ১৮৩৩ খৃঃ রামগোপাল মল্লিক মৃত্যুকালে বীরচরণ ও আদিত্যচরণ মল্লিক নামে দুইটা পুত্র রাখিয়া যান ।

নিমাইচরণের দ্বিতীয় পুত্র রামরতন মল্লিক, তাঁহার পুত্র পীতাম্বরের বিবাহে বহু অর্থ ব্যয় করেন। সেই সময়ে কলিকাতার স্থানীয় একটি রাস্তা গোলাপজলে সিক্ত করাইয়াছিলেন। ১৮১০ খৃঃ তিনি অনেক টাকার বস্ত্র ব্রাহ্মণ ও দরিদ্রগণকে দান করেন। লবণের একস্বত্ত্ব বাণিজ্যে তিনি বহু অর্থ অপব্যয় করিয়াছিলেন। ১৮৪১ খৃঃ রামরতন মল্লিক মৃত্যুমুখে পতিত হইয়াছেন।

৬ রামতনু মল্লিক ।

নিমাইচরণের তৃতীয় পুত্র রামতনু মল্লিক সংকার্যের জন্ত প্রসিদ্ধি লাভ করেন। ১৮৫৩ খৃঃ তিনি মৃত্যুকালে দুই পুত্র রমানাথ ও লোকনাথ মল্লিককে রাখিয়া যান।

রামতনুর জ্যেষ্ঠ পুত্র রমানাথ মল্লিক ১৮৬৫ খৃঃ গতানু হন । তিনি মৃত্যুকালে তিন পুত্র—কালীচরণ, ভগবতীচরণ ও বিনোদবিহারী মল্লিককে রাখিয়া যান ।

ভগবতীচরণ মল্লিক চব্বিশ পরগণার অবৈতনিক মাজিষ্ট্রেট ছিলেন । ১৮৭৭ খৃঃ ১লা জানুয়ারী মহারানী ভিক্টোরীয়ার “ভারত রাজরাজেশ্বরী” উপাধি গ্রহণ উপলক্ষে তিনি একখানি সম্মানসূচক প্রশংসাপত্র প্রাপ্ত হইয়াছিলেন ।

নিমাইচরণের চতুর্থ পুত্র রামকানাই মল্লিক অহিফেন্স ব্যবসারে অনেক ক্ষতি করেন । ১৮২৭ খৃঃ ২রা আগষ্ট তিনি কালগ্রাসে পতিত হন । তাহার পৌত্র—গঙ্গানারায়ণ, নকুড়চন্দ্র, ধনঞ্জয়, শ্রীমচাঁদ ও নরসিংচন্দ্র মল্লিক ।

৬ রামমোহন মল্লিক ।

নিমাইচরণের পঞ্চম পুত্র রামমোহন মল্লিক ১৭৭৯ খৃঃ অক্টোবর মাসে বড়বাজারে ভূমিষ্ট হন । তিনি সংস্কৃত, বাঙ্গালা, পারস্য ও উর্দুভাষায় শিক্ষিত এবং যৎসামান্য ইংরাজী ভাষাও জানিতেন । তিনি একজন প্রসিদ্ধ বেনিয়ান ছিলেন এবং বহু অর্থ উপার্জন করেন । অধিকন্তু পিতার নিকটও অনেক সম্পত্তি প্রাপ্ত হইয়া পূর্বপুরুষগণের ভ্রায় দাতব্য কার্যের প্রতিও লক্ষ্য ছিল । তিনি পালাক্রমে কুলদেবী ৬ সিংহবাহিনী দেবীর পূজা অতি সমারোহে সমাপন করিতেন । সেই সময় কলিকাতা ছোট আদালতের দেওয়ানী বন্দীগণকে মুক্ত করিতেন । ১৮৪৩ খৃঃ তিনি অষ্টাদশ পুরাণ পাঠের জন্য বিশেষ প্রসিদ্ধি লাভ করেন । উহা তিন মাসকাল হইয়াছিল ; তদুপলক্ষে ব্রাহ্মগণ মুক্তার হার, রৌপ্য রেকাব, বস্ত্র, শাল প্রভৃতি প্রাপ্ত হন । ১৮৫৫ খৃঃ সাধারণের উপকারার্থে হুগলী

সেতুর নিকট তিনি একটি স্থানঘাট নির্মাণ করাইয়াছিলেন। এই ঘাটটী নিউনিসিপাল ভূমির উপর নিশ্চিত হওয়ায়, তিনি ক্লাইব ষ্ট্রীটে স্থায়ী ভূমি বদল দিয়াছিলেন। এই ঘাট তাঁহার পিতা নিমাইচরণ মল্লিকের নামে উৎসর্গ হয়। তিনি নিম্নলি চরিত্র ও বটাত্ম পুরুষ ছিলেন। তিনি জ্যোতিষ শাস্ত্র শিক্ষা করিয়াছিলেন। পুত্রগণের বিবাহে তিনি বহু অর্থ ব্যয় করেন। ১৮৬৩ খৃঃ ১৭ই ডিসেম্বর ৮৫ বৎসর বয়সে রামমোহন মল্লিক পরলোকগত হন। তাঁহার এক কন্যা এবং পাঁচ পুত্র—দ্বারকানাথ, তারকনাথ, প্রেমনাথ, ভোলানাথ ও হরনাথ মল্লিক। তিনি মৃত্যুকালে তিন পুত্র তারকনাথ, প্রেমনাথ ও ভোলানাথকে রাখিয়া যান। তাঁহার পিতৃশ্রাদ্ধে অনেক টাকা ব্যয় করেন।

রামমোহনের জ্যেষ্ঠ পুত্র দ্বারকানাথ মল্লিক পিতার জীবিতকালে ১৮৫৮ খৃঃ মৃত্যুমুখে পতিত হন। তিনি অটলবিহারী মল্লিককে পোদ্দাপুত্র গ্রহণ করেন।

রামমোহনের দ্বিতীয় পুত্র তারকনাথ মল্লিক ১৮৬৬ খৃঃ গতাস্থ হন। তিনি মৃত্যুকালে পাঁচ পুত্র ব্রজনাথ, যত্ননাথ, বৈকুণ্ঠনাথ, বরেন্দ্রনাথ ও দেবেন্দ্রনাথ মল্লিককে রাখিয়া যান।

৬ প্রেমনাথ মল্লিক।

রামমোহনের তৃতীয় পুত্র প্রেমনাথ মল্লিক ১৮১৪ খৃঃ নবেম্বর মাসে জন্মগ্রহণ করেন। তিনি তাঁহার চতুর্থ ভ্রাতা ভোলানাথের সহিত একযোগে শ্রীশ্রীজগন্নাথ দেবের মন্দির সংলগ্ন পাকশালার সংস্কার করাইয়া দিয়াছিলেন। তাঁহারা উভয়ে একত্রে ৬ বৃন্দাবনধামে গোবর্দ্ধন ধরেন্দ্রের নিকট হইতে একটি প্রস্তর নিশ্চিত ত্রিতল কুঞ্জবাটী ক্রয় করেন। প্রেমনাথ একজন নিষ্ঠাবান হিন্দু ছিলেন এবং অনেক সময় পূজা আফিকে

অতিবাহিত করিতেন। তাঁহার তিন পুত্র—প্রসাদদাস, নৃত্যলাল ও মনুলাল মল্লিক ।

জ্যেষ্ঠ পুত্র প্রসাদদাস মল্লিকের উদ্যোগে “ফ্যামিলি লিটারারী ক্লাব” নামে একটি সমিতি প্রতিষ্ঠিত হয়। তিনি বহু বৎসর উহার সম্পাদক পদে অধিষ্ঠিত থাকিয়া তাহার উন্নতিকল্পে বিশেষ চেষ্টা করেন।

রামমোহনের চতুর্থ পুত্র ভোলানাথ মল্লিক ১৮১৬ খৃঃ ডিসেম্বর মাসে জন্মগ্রহণ করেন। তিনি ইংরাজী, সংস্কৃত ও বাঙ্গালা ভাষায় শিক্ষিত ছিলেন। অধিকন্তু বঙ্গভাষায় পত্র রচনা করিতে পারিতেন। তিনি দয়ালু ও দাতা ছিলেন। তাঁহার একমাত্র পুত্র বলাইচাঁদ মল্লিক অতি সরল প্রকৃতির লোক ছিলেন।

রামমোহনের কনিষ্ঠ পুত্র হরনাথ মল্লিক ১৮৪৮ খৃঃ পিতার জীবিত-কালে মানবলীলা সম্বরণ করেন। তিনি মৃত্যুকালে দুই পুত্র তুলসীদাস ও মহেশদাস মল্লিককে রাখিয়া যান।

নিমাইচরণের ষষ্ঠ পুত্র হীরলাল মল্লিক অকালে বৃদ্ধ্যুত হন। রঙ্গমনি, জয়মনি, অপূর্ণা ও নবীনকুমারী নামে চারি কন্যা রাখিয়া যান। তন্মধ্যে প্রথমা কন্যার সম্ভান না হওয়ায় তিনি একটি পোষ্যপুত্র গ্রহণ করিয়াছিলেন; দ্বিতীয়া কন্যার দুই পুত্র—হরিদাস দত্ত ও সিংহীদাস দত্ত।

নিমাইচরণের সপ্তম পুত্র স্বরূপচন্দ্র মল্লিক ইংরাজী ও বাঙ্গালা ভাষায় সুশিক্ষিত ছিলেন। তিনি দুইখানি বাঙ্গালা উপন্যাস প্রণয়ন করেন। ১৮৪৮ খৃঃ মৃত্যুকালে তিনি দুই পুত্র নৃত্যানন্দ ও চৈতন্যচরণকে রাখিয়া যান। ১৮৭৫ খৃঃ কনিষ্ঠ পুত্র চৈতন্যচরণ মল্লিক মৃত্যুর সময় এক পোষ্য পুত্র যোগেন্দ্রনাথ মল্লিককে রাখিয়া যান।

৬ মতিলাল মল্লিক ।

নিমাইচরণের কনিষ্ঠ পুত্র মতিলাল মল্লিক ৬ বৎসরবয়সে একটি কুঞ্জবাটী নির্মাণ করাইয়াছিলেন ; তথায় শ্রীশ্রীরাধাশ্রাম জীউ বিগ্রহ প্রতিষ্ঠা করেন । তিনি একজন ধার্মিক ও নিষ্ঠাবান পুরুষ ছিলেন । পুরাণ পাঠের সময় ও ৬ সিংহবাহিনী দেবীর পূজার সময় তিনি বহু অর্থ ব্যয় করিতেন । ১৮৪৬ খৃঃ মতিলাল মল্লিক মৃত্যুকালে পোষ্যপুত্র যদুনাথ মল্লিককে রাখিয়া যান । মতিলালের বিধবা পত্নী মাহেশে একটি কুঞ্জবাটী নির্মাণ করাইয়াছিলেন ; তথায় বহু দরিদ্র ব্যক্তি প্রতিদিন আহাৰ প্রাপ্ত হয় ।

' ৬ যদুনাথ মল্লিক ।

মতিলালের পোষ্য পুত্র যদুনাথ মল্লিক কলিকাতার একজন খ্যাতনামা ব্যক্তি ছিলেন । ১৮৭৪ খৃঃ জননীর তুলট ও পুরাণ উপলক্ষে তিনি বহু অর্থ ব্যয় করেন । তিনি মাহেশে একটি কুঞ্জবাটী প্রতিষ্ঠা করেন । তিনি কলিকাতা এবং চব্বিশ পরগণার অবৈতনিক মাজিস্ট্রেট ও বৃটীশ ইণ্ডিয়ান এসোসিয়েসনের সভ্য ছিলেন । তিনি নানা প্রকার সদহুষ্ঠানের জন্ত জনসাধারণের নিকট বিশেষ সম্মান প্রাপ্ত হন । ১৮৭৭ খৃঃ ১লা জাহ্নুয়ারী মহারানী ভিক্টোরিয়ার “ভারতেশ্বরী” উপাধি গ্রহণ উপলক্ষে কলিকাতা দরবারে যদুনাথ একখানি সম্মানসূচক প্রশংসাপত্র প্রাপ্ত হইয়াছিলেন । ১৮৮০ খৃঃ ১০ই জাহ্নুয়ারী হুগলী নদীর তীরবর্তী তাঁহার স্মরমা “দক্ষিণেশ্বর ভিলার” একটি উদ্ভান সম্মিলনের আয়োজন করেন ; তদুপলক্ষে স্তার রিচার্ড গার্থ, মিঃ এ-মেকেঞ্জি, মিঃ সি-টি ব্যাকল্যাণ্ড,

মিঃ ইংলিস্, মিঃ কল্ভিন্, মিঃ পিকক্, মহারাজ্ আর যোতীজ্জমোহন
ঠাকুর বাহাদুর, মহারাজ্ কমলকৃষ্ণ ঠাকুর বাহাদুর, মহারাজ্ নরেন্দ্রকৃষ্ণ
দেব বাহাদুর, ডাক্তার রাজা রাজেন্দ্রলাল মিত্র, রায় কৃষ্ণদাস পাল বাহাদুর
প্রভৃতি উহাতে উপস্থিত হইয়াছিলেন ।

কুমারটুলির মিত্রবংশ ।

বৈষ্ণবংশীয় রাজা আদিশূর কাণ্ডকুজ নগরাধিপতি বীরসিংহের নিকট হইতে ভট্টনারায়ণ বন্দোপাধ্যায়, শ্রীহর্ষ মুখোপাধ্যায়, বেদগর্ভ গঙ্গোপাধ্যায়, ছান্দড় ঘোষাল এবং দক্ষ চট্টোপাধ্যায় নামক পঞ্চজন বেদজ্ঞ ব্রাহ্মণ বঙ্গদেশে আনয়ন করিয়াছিলেন। এই পঞ্চজন ব্রাহ্মণ ও তাঁহাদের পঞ্চজন অনুচর বঙ্গের বর্তমান সম্ভ্রান্ত ব্রাহ্মণ ও কায়স্থদিগের আদিপুরুষ। ইহাদের মধ্যে কালিদাস মিত্র একজন অগ্রতম অনুচর ছিলেন। এই বংশোদ্ভব জনৈক পূর্বপুরুষ হংসেশ্বর মিত্র চাঁকিশ পরগণার অন্তর্গত বারাকপুর ও চাণকের নিকটবর্তী কোন গ্রামে বাস করিতেন। তাঁহার পুত্র রতনেশ্বর মিত্র।

৩ গোবিন্দরাম মিত্র ।

রতনেশ্বরের পুত্র গোবিন্দরাম মিত্র এই প্রাচীন বংশের প্রতিষ্ঠাতা। তিনি ১৬৮৬ খৃঃ জন্মভূমি পরিত্যাগ করিয়া বর্তমান ফোর্ট উইলিয়মের নিকট প্রাচীন গোবিন্দপুর নামক স্থানে আসিয়া বাস করেন। তিনি পারস্য, বাঙ্গালা ও সংস্কৃত ভাষায় শিক্ষিত ছিলেন এবং বংশসামান্য ইংরাজী ভাষাও জানিতেন। ইংরাজদিগের কুঠীর গবর্ণর ব্যবচারণ সাহেব ইষ্ট ইণ্ডিয়া কোম্পানীর অধীনে গোবিন্দরামকে একটি কক্ষে নিযুক্ত করেন। কলিকাতার বর্তমান ফোর্ট উইলিয়ম দুর্গ নিৰ্ম্মাণকালে তিনি গোবিন্দপুর হইতে কুমারটুলি নামক স্থানে আসিয়া বাস করেন। ১৭৫৭ খৃঃ পলাশীর যুদ্ধের পর, গোবিন্দরাম ইষ্ট ইণ্ডিয়া কোম্পানীর অধীনে একজন ডেপুটী

ফৌজদার নিযুক্ত হন। তৎকালে তাঁহাকে “কালী ডেপুটী কমিশনার” বলিত। গোবিন্দরাম একজন নিষ্ঠাবান হিন্দু ছিলেন। তিনি আপার চিৎপুর রোডে নয়টি মন্দির নিৰ্ম্মাণ করাইয়া উহাতে শিবলিঙ্গ প্রতিষ্ঠা করেন। ১৭৬৬ খৃঃ বার্ষিক্যে গোবিন্দরাম মিত্র দেহত্যাগ করিয়াছেন। তিনি মৃত্যুকালে একমাত্র পুত্র রঘুনাথ মিত্রকে রাখিয়া গান।

৬ রঘুনাথ মিত্র ।

পিতার মৃত্যুকালে রঘুনাথ মিত্রের বয়ঃক্রম পঁচিশ বৎসর হইয়াছিল। বিপুল বিভ্রাট প্রাপ্ত হইয়া তিনি অমোদ প্রমোদে দিনপাত করিতেন। ৬ দুর্গা ও ৬ কালীপূজা মহাসমারোহে সম্পাদন করিতেন। তাঁহার চারি পুত্র—রাধাচরণ, কৃষ্ণচন্দ্র, রসময় ও আনন্দময় মিত্র; তন্মধ্যে প্রথম ও তৃতীয় পুত্র পিতার জীবিতকালে লোকান্তরিত হন। ১৭৭৫ খৃঃ রঘুনাথ মিত্র পরলোক গমন করেন।

রঘুনাথের জ্যেষ্ঠ পুত্র রাধাচরণ মিত্র দুইবার বিবাহ করেন। তাঁহার প্রথমা পত্নীর এক পুত্র ও দ্বিতীয়ার দুই পুত্র জন্মগ্রহণ করিয়াছিল।

৭ অভয়চরণ মিত্র ।

রাধাচরণের কনিষ্ঠ পুত্র অভয়চরণ মিত্র চব্বিশ পরগণা ও মিনপুরীর কালেক্টারের দেওয়ান ছিলেন। তিনি পূর্বপুরুষগণের শ্রায় মহাসমারোহে ৬ দুর্গা ও ৬ কালীপূজা করিতেন। তাঁহার গুরুদেব কখন লক্ষ টাকা দেখেন নাই বলায় তিনি তাঁহাকে একলক্ষ টাকা দান করেন।

নিমাইচরণ মল্লিক ও বৈষ্ণবচরণ মল্লিকের সহিত তাঁহার বিশেষ বন্ধুত্ব ছিল। অভয়চরণের পিতৃব্য কৃষ্ণচন্দ্রের সহিত একটি মোকদ্দমায় তাঁহারা শালিসী থাকিয়া অভয়চরণের প্রতিকূলে বিচার করিয়া দেওয়ান অভয়চরণ বহু অর্থ প্রাপ্ত হন। তিনি স্বীয় বুদ্ধি ও অধ্যবসায় গুণে কয়েক বৎসর মধ্যে বিপুল বিত্তের অধিকারী হন। অভয়চরণ মিত্র মিনপুরীর কলেজের দেওয়ানের কার্যকালীন ১৮০৮ খৃঃ দেহত্যাগ করেন। তাঁহার ছয় পুত্র—ভগবতীচরণ, ভবানীচরণ, কালীচরণ, তারাচরণ, শ্রামাচরণ ও উমাচরণ মিত্র ।

অভয়চরণের জ্যেষ্ঠ পুত্র ভগবতীচরণ মিত্র পারস্য ও সংস্কৃত ভাষায় সুশিক্ষিত ছিলেন। তাঁহার চারি পুত্র—ভবযোনী, কালীকুমার, কালী-কিঙ্কর ও কালীসেবক মিত্র। জ্যেষ্ঠ পুত্র ভবযোনী মিত্র গবর্ণমেন্টের অধীনে কয়েক বৎসর এসেসার ও ডেপুটি কলেজের কন্স ক্লরেন। তিনি নির্মলচরিত্র ও সন্তুষ্ক পুরুষ ছিলেন। মধ্যমপুত্র কালীকুমার মিত্র মহাশয়ও বিবিধ গুণে ভূষিত ছিলেন।

অভয়চরণের মধ্যমপুত্র ভবানীচরণ মিত্র ইংরাজী ভাষায় ব্যুৎপন্ন ছিলেন। তাঁহার চারি পুত্র—ত্রিগুণাচরণ, কালাচাঁদ, মহেশচরণ ও উদয়চরণ মিত্র। তন্মধ্যে দ্বিতীয় ও তৃতীয় পুত্র কলিকাতা হাইকোর্টের সুপ্রসিদ্ধ অমুবাদক ছিলেন।

অভয়চরণের তৃতীয় পুত্র কালীচরণের এক পুত্র সারদাচরণ মিত্র।

অভয়চরণের চতুর্থ পুত্র তারাচাঁদ মিত্রের তিন পুত্র; তন্মধ্যে জ্যেষ্ঠ ভবদরচরণ মিত্র।

অভয়চরণের পঞ্চম পুত্র শ্রামাচরণ মিত্রের সন্তান হয় নাই।

অভয়চরণের কনিষ্ঠ পুত্র উমাচরণ মিত্রের এক পুত্র বিশদাচরণ মিত্র।

৬ কৃষ্ণচন্দ্র মিত্র ।

রঘুনাথের দ্বিতীয় পুত্র কৃষ্ণচন্দ্র মিত্র ঢাকার কালেক্টরের দেওয়ান ছিলেন। তিনি কলিকাতার নন্দনবাগান নামক স্থানে একটি বাড়ি নির্মাণ করেন; অত্যাধি ভাড়া তাঁহার বংশধরগণ বাস করিতেছেন। তাঁহার মধ্যম পুত্রের বিবাহ উপলক্ষে লর্ড কর্ণওয়ালিস্ বাহাদুর তাঁহার কুমারটুলির বাড়িতে কামানের তোপধ্বনি করিবার অনুমতি প্রদান করেন। নন্দনবাগানে তাঁহার বংশধরগণের নিকট এখনও উহার দুইটা কামান বিদ্যমান। সেই বিবাহ উপলক্ষে ফোর্ট উইলিয়ম্ দুর্গ হইতেও কয়েকটি সম্মানসূচক তোপধ্বনি হইয়াছিল। তাঁহার তিন পুত্র; তন্মধ্যে মধ্যম রাজচন্দ্র ও কনিষ্ঠ শম্ভুচন্দ্র পিতার মৃত্যুকালে জীবিত ছিলেন।

৭ শম্ভুচন্দ্র মিত্র ।

কৃষ্ণচন্দ্রের কনিষ্ঠ পুত্র শম্ভুচন্দ্র মিত্র করাচাবাদের কালেক্টরের দেওয়ান ছিলেন। ইউরোপীয় সমাজে তিনি সম্মানিত হইতেন। তাঁহার কয়েকটি পুত্র সন্তান হইয়াছিল, তন্মধ্যে বিশ্বেশ্বর ও কাশীশ্বর জীবিত থাকেন; অন্যান্য পুত্রগণ পিতার জীবিতকালে যৌবনে মৃত্যুমুখে পতিত হন।

শম্ভুচন্দ্রের কনিষ্ঠ পুত্র কাশীশ্বর মিত্র ইংরাজী ভাষায় শিক্ষিত ছিলেন। তিনি বহু বৎসর সূত্ৰাতির সহিত হুগলীর সদর আর্মীনের কার্য্য করেন। তিনি মহর্ষি দেবেন্দ্রনাথ ঠাকুরের একজন বন্ধু ছিলেন; অধিকন্তু ব্রাহ্মধর্মে দীক্ষিত হন। তিনি মৃত্যুকালে তিন পুত্র ক্রীনাথ, জগন্নাথ ও কেদারনাথ মিত্রকে রাখিয়া যান।

রঘুনাথের তৃতীয় পুত্র রসময় মিত্র নিঃসন্তান অবস্থায় গতাস্থ হন।

৬ আনন্দময় মিত্র ।

রঘুনাথের কনিষ্ঠ পুত্র আনন্দময় মিত্র রাজসাহীর কালেক্টারের দেওয়ান পদে কর্ম করিয়া বহু অর্থ উপার্জন করেন। অতঃপর পারিবারিক বিবাদে কলিকাতা পরিত্যাগ করিয়া ৬ বারাণসীধামের অন্তর্গত চৌখাঙ্গা নামক স্থানে গিয়া বাস করেন। তিনি তথায় মহাসমারোহে ৬ দুর্গা ও ৬ কালীপূজা করিতেন। ১৮১৯ খৃঃ আনন্দময় মিত্র ইহলীলা সম্বরণ করেন। তিনি মৃত্যুকালে একমাত্র পুত্র রাজেন্দ্রনাথকে রাখিয়া যান।

৬ রাজেন্দ্রনাথ মিত্র ।

আনন্দময়ের পুত্র রাজেন্দ্রনাথ মিত্র ৬ বারাণসীধামে বাস করিতেন। তিনি নানা প্রকার অর্জুনে দানের জন্ত “রাজা রাজেন্দ্র” নামেই প্রখ্যাত ছিলেন। তিনি রাজঘাট হইতে বারাণসী পর্য্যন্ত সাড়ে আট বিঘা ভূমি “গ্রাণ্ড্‌ট্রাক” রাস্তা নিৰ্ম্মাণার্থ গবর্ণমেন্টকে দিয়াছিলেন। অধিকন্তু নূতন বারাণসী কলেজের প্রবেশদ্বার নিৰ্ম্মাণার্থ বহু অর্থ দান করেন। তাঁহার দান দর্শনে সন্তুষ্ট হইয়া গবর্ণমেন্ট সম্মানস্বরূপ একটি হীরক অঙ্গুরীয়, মুক্তার মালা, সূবর্ণ কটিক, পাগড়ী, জামা, পাজামা ও একখানি পাক্সি খেলাত প্রদান করেন। ১৮৫৬ খৃঃ ২৬শে জানুয়ারি রাজেন্দ্রনাথ মিত্র প্রাণত্যাগ করিয়াছেন। মৃত্যুকালে তিনি দুই পুত্র গুরুদাস মিত্র ও বরদাদাস মিত্রকে রাখিয়া যান। তাঁহার মৃত্যুর পর উত্তর পশ্চিমাঞ্চলের তদানীন্তন ছোটলাট শোক প্রকাশ করিয়া তদীয় পুত্রদ্বয়কে একখানি পত্র দিয়াছিলেন।

৬ গুরুদাস মিত্র ।

রাজেন্দ্রনাথের জ্যেষ্ঠপুত্র গুরুদাস মিত্র পিতার উপযুক্ত পুত্র ছিলেন । ১৮৫৭ খৃঃ সিপাহী বিদ্রোহের সময় তিনি বিপন্ন বটীশরাজকে সাহায্য করার গবর্ণমেন্টের নিকট হইতে দুই সহস্র টাকার খেলাত প্রাপ্ত হন । কনিষ্ঠ ভ্রাতা বরদাদাসের সহিত একযোগে তিনি বারাণসীধামের কৃষ্ণাশ্রমের একটি বৃহৎ কুপ খনন জন্ত ছয় সহস্র টাকা, তথাকার চক-হাসপাতাল পরিচালনার্থে পাঁচ হাজার টাকা, এলাহাবাদ কলেজে এক হাজার টাকা, লোকান্তরিত ভারতেশ্বর সপ্তম এডওয়ার্ডের সুবরাজরূপে ভারতে শুভাগমন উপলক্ষে স্মৃতিচিহ্ন স্থাপনকল্পে ছয় হাজার টাকা, গাজসাহীর ছুর্ভিক্ষ নিবারিণী ভাণ্ডারে পাঁচ শত টাকা, দরিদ্রদিগের জন্ত এক হাজার টাকা দান করেন । গুরুদাস ইউরোপীয়দিগের জন্ত একটি হাসপাতালের ওয়ার্ড নির্মাণকল্পে তিন হাজার ছয় শত টাকা দান করেন । এবরাজের ভারতে আগমন উপলক্ষে ৬ বারাণসীর অধিবাসীগণের মধ্যে তিনি অধিক অর্থ চাঁদা দিয়াছিলেন । বিবিধ দানের জন্ত তিনি গবর্ণমেন্টের নিকট হইতে পুনরায় একটি খিলাত প্রাপ্ত হন ; অধিকন্তু গবর্ণমেন্টের নিকটে বিশেষ সম্মান ও প্রতিপত্তি ছিল ।

গুরুদাসের একমাত্র পুত্র প্রসন্নবদন মিত্র বি-এ বারাণসীর গবর্ণমেন্টের নিকট স্নাত্যতি লাভ করেন ।

বরদাদাসের একমাত্র পুত্র প্রমদাদাস মিত্র সংস্কৃত ভাষায় সুশিক্ষিত ছিলেন । তিনি কয়েকখানি সংস্কৃত গ্রন্থ প্রণয়ন করেন ।

ঠনঠনিয়া লাহাবংশ ।

কলিকাতা ঠনঠনিয়ার লাহাবংশ সপ্তগ্রামের সুবর্ণবণিক বংশোদ্ভূত । এই বংশের জনৈক পূর্বপুরুষ রাজীবলোচন লাহা পাটনার নন্দবাম বৈষ্ণনাথ নামক কোন ব্যক্তির কুঠাতে মাসিক পঁচিশ টাকা বেতনে একজন পোদ্ধার নিযুক্ত হইয়াছিলেন । তিনি তাঁহার সামান্য বেতন ও চুঁচুড়ার সামান্য ভূসম্পত্তি হইতে সংসার প্রতিপালন করিতেন । তাঁহার পুত্রগণ বয়ঃপ্রাপ্ত হইয়া উপায়কম না হওয়া পর্য্যন্ত তিনি ঐ কৰ্ম্ম করিয়া-ছিলেন । তৎপরে কৰ্ম্ম পরিত্যাগপূর্বক হুগলী-চুঁচুড়া নগরীতে আসিয়া বসতি করেন । ১৮৩০ খৃঃ ৬২ বৎসর বয়ঃক্রমকালে রাজীবলোচন লাহা লোকান্তরিত হইয়াছেন । তাঁহার তিন পুত্র—প্রাণকৃষ্ণ, নবকৃষ্ণ ও বটুকৃষ্ণ লাহা ।

৩ প্রাণকৃষ্ণ লাহা ।

রাজীবলোচনের জ্যেষ্ঠ পুত্র প্রাণকৃষ্ণ লাহা যৎসামান্য ইংরাজীভাষা শিক্ষা করিয়া চুঁচুড়ার এণ্ড্রু সাহেবের পুস্তকাগারে মাসিক দ্বাদশ টাকা বেতনে একটি কৰ্ম্ম করিতেন । সেই পুস্তকালয় উঠিয়া যাইলে তিনি হুগলীর আদালতে একজন শিক্ষানবীশ নিযুক্ত হন । তথা হইতে আইন ও অন্যান্য বিষয়ে জ্ঞানলাভ করিয়া তিনি কলুটোলার অবস্থানপূর্বক তৎকালীন সুপ্রীম কোর্টের একজন খ্যাতনামা এটর্নি মিঃ হাউয়ার্ড সাহেবের প্রধান কেরালীর কার্য্য গ্রহণ করেন । ক্রমে তথায় তাঁহার বেতন মাসিক তিন শত টাকা পর্য্যন্ত হইয়াছিল । তৎপরে তিনি কোম্পা-

নীর কাগজ, অহিফেন্ ও লবণের ব্যবসায় আরম্ভ করেন। সেই সময়ে তিনি স্ত্রী ক্রীড়ায় ৩৩,০০০ টাকা প্রাপ্ত হন; কিন্তু কোন একটি ব্যবসায় ছয় মাসের মধ্যে উহা নষ্ট হইয়া যায়। মতিলাল শীল তাঁহাকে ভাল বাসিতেন; এবং তাঁহারই চেষ্টায় প্রাণকৃষ্ণ সত্তার কোম্পানী নামক একটি সওদাগর অফিসে প্রধান মুৎসুদ্দি হইয়াছিলেন। ক্রমে কলিকাতার কয়েকটি সওদাগর অফিসের মুৎসুদ্দি পদে নিযুক্ত হন। অতঃপর ১৮৩৯ খৃঃ তিনি স্বয়ং একটি বাণিজ্য সম্বন্ধীয় অফিস সংস্থাপন করেন। তৎকালে তিনি একজন বিখ্যাত সওদাগর ও সম্ভ্রান্ত ব্যক্তি বলিয়া গণ্য হইতেন। এই সময় তিনি বেচু চট্টোপাধ্যায়ের স্ত্রীতে বাস করেন। ১৮৫৩ খৃঃ ৬৩ বৎসর বয়সে প্রাণকৃষ্ণ লাহা পরলোকগত হইয়াছেন। তিনি মৃত্যুকালে দুর্গাচরণ, শ্রীমাচরণ ও জয়গোবিন্দ নামে তিনটি পুত্র ও তিনটি কন্যা রাখিয়া যান।

৮ দুর্গাচরণ লাহা ।

মহারাজ দুর্গাচরণ লাহা ১৮২২ খৃঃ ২৩শে নবেম্বর হুগলী-চুঁচুড়া নগরীতে জন্মগ্রহণ করেন। অতি শৈশবকালে তিনি পিতার সহিত কলিকাতায় আগমন করিয়াছিলেন। অতঃপর শিবঠাকুরের গলিতে গোবিন্দ বসাকের বিদ্যালয়ে শিক্ষার্থ প্রবিষ্ট হন। তথায় দুই বৎসরকাল অধ্যয়ন করিয়া হিন্দু স্কুলে প্রবেশ করেন। এই স্থানে রাজা রাজেন্দ্রলাল মিত্র সি-আই-ই, জ্ঞানেন্দ্রমোহন ঠাকুর, রামবাগানের গোবিন্দচন্দ্র দত্ত প্রভৃতি তাঁহার সহপাঠী ছিলেন। কলেজে শিক্ষা সমাপ্ত হইবার পূর্বে ১৮৩৯ খৃঃ সপ্তদশ বৎসর বয়ঃক্রমকালে দ্বিতীয় শ্রেণী হইতে বিদ্যালয় পরিত্যাগপূর্বক তিনি স্বীয় পিতৃদেবের সহকারীরূপে ব্যবসায় আরম্ভ করিবার জন্ত তাঁহার অফিসে নিযুক্ত হন। ১৮৫৩ খৃঃ প্রাণকৃষ্ণ লাহার মৃত্যু হইলে দুর্গাচরণ

অফিসের স্বত্বাধিকারী হইয়া ব্যবসায় সমধিক উন্নতি সাধন করেন। তদনন্তর “প্রাণকৃষ্ণ লাহা এণ্ড কোম্পানী” নামে একটি বৃহৎ বাণিজ্যগার প্রতিষ্ঠা করেন; অধিকতর অনেকগুলি সওদাগর অফিসের মুৎসুদ্দি হইয়াছিলেন। কলিকাতার তৎকালীন প্রায় প্রত্যেক ইংরাজ সওদাগর অফিসের তিনি মুৎসুদ্দি ছিলেন। দুর্গাচরণ বাণিজ্যে ও পরে জমিদারী ক্রয় করিয়া বিপুল সম্পত্তি সঞ্চয় করেন। দেশীয় ও বিদেশীয় সমাজে তিনি তীক্ষ্ণ বিষয় বুদ্ধি সম্পন্ন ও ধনবান বলিয়া সম্মানিত হইতেন। গবর্ণমেন্টও অনেক সময় তাঁহার মতামত গ্রহণ করিতেন। ১৮৭৪ খৃঃ তিনি বঙ্গীয় ব্যবস্থাপক সভার সভ্য নিযুক্ত হন। ১৮৮০ খৃঃ তৎকালীন ছোটলাট স্তার ট্রয়ার্ট বেলি কর্তৃক তিনি “রাজা” উপাধিতে ভূষিত হন। ১৮৮২ খৃঃ লর্ড রিপণ বাহাদুর তাঁহাকে ভারতীয় ব্যবস্থাপক সভার সভ্য নির্বাচিত করেন। ১৮৮৩ খৃঃ তিনি কলিকাতার সেরিফ পদে অধিষ্ঠিত হন। ১৮৮৪ খৃঃ ভারতগবর্ণমেন্ট তাঁহার গুণের প্রশংসা করিয়া “সি-আই-ই” উপাধি সম্মানে সম্মানিত করেন। ১৮৮৮ খৃঃ রাজপ্রতিনিধি লর্ড ল্যান্স-ডাউন্ বাহাদুর তাঁহাকে ভারতীয় ব্যবস্থাপক সভার সভ্য মনোনীত করিয়াছিলেন। এদেশীয়গণের মধ্যে দুর্গাচরণ প্রথম পোর্টকমিসনারের পদলাভ করেন। কলিকাতার জষ্টিস্ অব দি পিস্, বিশ্ববিদ্যালয়ের সভ্য, মেও হাসপাতালের গবর্ণর, অবৈতনিক প্রেসিডেন্সী মাজিস্ট্রেট, বঙ্গীয় ব্যবস্থাপক সভার সভ্য, বেঙ্গল চেম্বার অব কমার্সের সভ্য, গ্রাসানেল চেম্বার অব কমার্সের সভাপতি প্রভৃতি পদে সুশোভিত ছিলেন। তিনি ব্রিটিশ ইণ্ডিয়ান এসোসিয়েসনের সদস্যরূপে রাজনীতি ক্ষেত্রেও অবতীর্ণ হইতেন। তৎপরে ব্রিটিশ ইণ্ডিয়ান এসোসিয়েসন নামক সভার দুইবার সভাপতি নির্বাচিত হইয়াছিলেন। তৎকালীন রাজকীয় পাবলিক সার্কিস্ কমিশনে সাক্ষ্য প্রদান কালে তিনি নির্ভীকভাবে স্বীয় অভিন্নত প্রকাশ করেন। বঙ্গীয় ব্যবসায়ীগণের মধ্যে তিনি অগ্রগণ্য ছিলেন। ভারত-

গবৰ্ণমেণ্ট তাঁহার গুণের বিশেষ প্রশংসা করিয়া ১৮৯১ খৃঃ “মহারাজা” উপাধি প্রদান করেন। মহারাজ বিদ্যাশিক্ষার উন্নতিকল্পে কলিকাতা বিশ্ববিদ্যালয়ের হস্তে পঞ্চাশ সহস্র মূদ্রা দান করেন। বৰ্ত্তমান কলিকাতা মেডিকেল কলেজ হাঁসপাতালে পাঁচ সহস্র টাকা প্রদান করেন ; তজ্জন্ত মহারাজের নামে উক্ত হাঁসপাতালে একটি “ওয়ার্ড” নিৰ্ম্মিত হইয়াছে। কলিকাতার দীন দরিদ্রদিগের সাহায্যার্থে ডিষ্ট্রিক্ট চেরিটেবল্ সোসাইটী এবং স্বৰ্ণবণিক চেরিটেবল্ এসোসিয়েসনে চব্বিশ হাজার টাকা দান করিয়া গিয়াছেন। মহারাজের প্রাসাদটী প্রথমে গোরাচাঁদ দত্তের ছিল ; তিনি বিলাসিতায় নষ্ট করিলে মহারাজ ইহা ক্ৰয় করেন। তিনি বৃড়ি উড়াইতে ভালবাসিতেন। ডক্টার রাজা রাজেন্দ্রলাল মিত্রের সহিত তাঁহার বিশেষ সদ্ভাব ছিল। মহারাজ অতিশয় বিনয়ী, নম্র, সদালাপী, দাতা ও পরোপকারী পুরুষ ছিলেন। নানাপ্রকার অল্পষ্ঠানে তাঁহার অল্পরাগ ছিল। তিনি আমরণ নানা সংকার্য্যের উৎসাহদাতা ছিলেন। তিনি ধাৰ্ম্মিক ও সজ্জন বলিয়া অতি লোকপ্ৰিয় ছিলেন। তিনি সকল ধৰ্ম্মকে সমভাবে জ্ঞান করিতেন। ধৰ্ম্মসেবীদিগকে ও হুঃস্থজনকে মহারাজ মুক্তহস্তে দান করিতেন। তিনি যেমন অর্থশালী ছিলেন, অর্থের সদ্ব্যয় জন্ত তজ্ৰূপ প্রখ্যাত হইয়াছিলেন। ১৯০৪ খৃঃ ২০শে মার্চ স্বনামধ্যাত মহারাজ হুৰ্গাচরণ লাহা উদব্রাময় রোগে মানবলীলা সম্বরণ করিয়াছেন। স্বৰ্ণবণিক কুলতিলক মহারাজ হুৰ্গাচরণের দুই পুত্র শ্ৰীযুক্ত কৃষ্ণদাস লাহা ও শ্ৰীযুক্ত হৰীকেশ লাহা। উভয়ে বাণিজ্য ব্যবসায় বিশেষ নিপুণ এবং পিতৃদেবের গ্রাম সাধারণ হিতকরকার্য্যে যোগদান করিয়া থাকেন।

কৃষ্ণদাস লাহা ।

মহারাজের জ্যেষ্ঠপুত্র রাজা শ্রীযুক্ত কৃষ্ণদাস লাহা ১৯০৭ খৃঃ কলিকাতার সেরিফ পদে অধিষ্ঠিত হইয়াছিলেন। ১৯১০ খৃঃ ২৪শে জুন নবীন ভারত-সম্রাট পঞ্চম জর্জ মহোদয়ের জন্মতিথি উপলক্ষে ইনি “রাজা” উপাধি সম্মানে বিভূষিত হইয়াছেন। ১৯১০ খৃঃ রাজা কৃষ্ণদাস, লোকান্তরিত ভারতেশ্বর সুপ্তম এডওয়ার্ডের স্মৃতিভাণ্ডারে পাঁচ সহস্র মুদ্রা দান করেন। ১৯১১ খৃঃ হুগলী-চুঁচুড়া নগরীতে জলের কল নির্মাণ-কালে ইনি আশী হাজার টাকা দান করিয়াছেন। ইনি বঙ্গীয় গবর্ণমেন্ট কর্তৃক ১৯১১ খৃঃ ১২ই ডিসেম্বর দিল্লীর বিরাট অভিষেক দরবারে নিমন্ত্রিত হইয়াছিলেন, কিন্তু যাইতে পারেন নাই। ১৯১২ খৃঃ ৪ঠা জানুয়ারী কলিকাতার রাজপ্রাসাদে নবীন ভারত সম্রাট ও তদীয় মহিষীর বে মজলিশ বসিয়াছিল; তৎকালে সেই রাজকীয় অভ্যর্থনা সমিতির সম্পাদক মুশিদাবাদের বর্তমান নবাব বাহাদুর, রাজা কৃষ্ণদাসকে সম্রাট সকাশে যথারীতি পরিচিত করেন। ১৯১২ খৃঃ ১২ই এপ্রেল কলিকাতার টাউন হলের দরবারে ৩৮ জন সম্ভ্রান্ত ব্যক্তিকে মহামান্য নবীন ভারতেশ্বরের “করোনেশন্ মেডেল” উপহার প্রদত্ত হয়, তন্মধ্যে কৃষ্ণদাস একজন ছিলেন। ১৯১২ খৃঃ রাজা শ্রীযুক্ত কৃষ্ণদাস লাহা, রাজা শ্রীযুক্ত হরীকেশ লাহা, শ্রীযুক্ত অম্বিকাচরণ লাহা ও শ্রীযুক্ত চণ্ডীচরণ লাহা কলিকাতা রিপন কলেজের সাহায্যার্থ পঞ্চদশ সহস্র টাকা দান করিয়াছেন। ১৯১৩ খৃঃ আগষ্ট মাসে বর্ধমান বিভাগের ভীষণ বন্যাপীড়িত ব্যক্তিগণের সাহায্যকল্পে তাঁহারা একত্রে পাঁচ সহস্র মুদ্রা দান করিয়াছেন। ১৯১৩ খৃঃ প্রস্তাবিত হিন্দু বিশ্ববিদ্যালয় ফণ্ডে ইহারা চারিভ্রাতার পঁচাত্তর সহস্র মুদ্রা প্রদানে প্রতিশ্রুত হইয়াছেন। ইনি কলিকাতার অবৈতনিক প্রেসিডেন্সী ম্যাজিস্ট্রেট, ভিক্টোরিয়া স্মৃতিসৌধ ভাণ্ডারের একজন ট্রস্টী ও সভ্য।

রাজা বাহাদুরের দুইপুত্র—কুমার শ্রীযুক্ত গোকুলচন্দ্র লাহা ও শ্রীযুক্ত বৃন্দাবনচন্দ্র লাহা ।

হুম্বীকেশ লাহা ।

মহারাজের কনিষ্ঠপুত্র রাজা শ্রীযুক্ত হুম্বীকেশ লাহা ১৯১০ খৃঃ স্বর্গীয় ভারতেশ্বর সপ্তম এডওয়ার্ডের স্মৃতি ভাণ্ডারে দেড় সহস্র টাকা দান করিয়াছেন । ১৯১১ খৃঃ ইনি প্রেসিডেন্সী বিভাগের ডিষ্ট্রিক্ট বোর্ডের পক্ষ হইতে বঙ্গীয় ব্যবস্থাপক সভার সভ্য মনোনীত হন । ১৯১২ খৃঃ প্রারম্ভে কলিকাতা মিউনিসিপালিটির পক্ষ হইতে কলিকাতা শহর সংস্কারের একজন ট্রাষ্টী নির্বাচিত হইয়াছেন । ১৯১২ খৃঃ ইনি প্রস্তাবিত হিন্দু বিশ্ববিদ্যালয় ফণ্ডে এক সহস্র টাকা দান কারিতে প্রতিশ্রুত হইয়াছেন । ১৯১২ খৃঃ ইংরাজি নববর্ষ উপলক্ষে ইনি ব্যক্তিগত “রাজা” এবং “সি, আই, ই” উপাধি সম্মানে সম্মানিত হইয়াছেন । উক্ত বৎসর ২৫শে নবেম্বর বঙ্গের প্রথম গবর্ণর লর্ড কারমাইকেল বাহাদুর কলিকাতার রাজ-প্রাসাদে এক বৃহৎ দরবার করিয়া ইহাকে রাজা উপাধি সনন্দ প্রদান করেন । ১৯১৩ খৃঃ ইনি গবর্ণমেন্ট কর্তৃক দেশীয় বণিক সম্প্রদায়ের পক্ষ হইতে বঙ্গীয় ব্যবস্থাপক সভার সভ্য নিয়োজিত হইয়াছেন । ১৯১৩ খৃঃ ডিসেম্বর মাসে রামমোহন লাইব্রেরীর সহকারী সভাপতি ও ট্রাষ্টী স্বরূপে ইনি এক সহস্র টাকা দান করিয়াছেন । ১৯১৫ খৃঃ মিঃ স্ত্রার ষ্ট্রাট সাহেব বাহাদুরের স্থানে ইনি কলিকাতার সেরিফ পদে মনোনীত হইয়াছেন । ইনি কলিকাতার অর্থেতনিক প্রেসিডেন্সী মাজিস্ট্রেট, রামকৃষ্ণ সমিতির অনাথভাণ্ডারের সভ্য ও আতুর আশ্রমের সহকারী সভাপতি ।

রাজা বাহাদুরের দুই পুত্র—কুমার শ্রীযুক্ত সুরেন্দ্রনাথ লাহা ও শ্রীযুক্ত নরেন্দ্রনাথ লাহা এম-এ, বি-এল ।

৩ শ্যামাচরণ লাহা ।

মহারাজ দুর্গাচরণের মধ্যম ভ্রাতা শ্যামাচরণ লাহা হেয়ার স্কুলে প্রাথমিক শিক্ষা প্রাপ্ত হন। তৎপরে তিনি হিন্দুকলেজে প্রবিষ্ট হইয়াছিলেন। তথায় তিনি একজন উৎকৃষ্ট ছাত্র মধ্যে পরিগণিত হইয়া ছাত্রবৃত্তি লাভ করেন। ঊনবিংশ বৎসর বয়ঃক্রমকালে পিতার তত্ত্বাবধানে ব্যবসায় নিযুক্ত হন। সেই কার্য উপলক্ষে ১৮৬৯ খৃঃ তিনি ইংলণ্ড যাত্রা করেন। তিনি কলিকাতা মেডিকেল কলেজের স্নিকট একটি দাতব্য চক্ষু চিকিৎসালয় স্থাপন করিয়া চিরস্মরণীয় হইয়াছেন। তিনি কয়েক বৎসর কলিকাতার মিউনিসিপাল কমিশনার এবং চব্বিশ-পরগণার অবৈতনিক মাজিস্ট্রেট পদে নিযুক্ত থাকেন। তিনি জ্যেষ্ঠ ভ্রাতার ঞায় দানশীলতার যথেষ্ট পরিচয় দিয়াছিলেন।

চণ্ডীচরণ লাহা ।

শ্যামাচরণের একমাত্র পুত্র শ্রীযুক্ত চণ্ডীচরণ লাহার নানা প্রকার সংকার্যে অনুরাগ দৃষ্ট হয়। ১৯১২ খৃঃ রাজা কৃষ্ণদাস লাহা, রাজা হৃষীকেশ লাহা, শ্রীযুক্ত অম্বিকাচরণ লাহা ও শ্রীযুক্ত চণ্ডীচরণ লাহা কলিকাতা রিপন কলেজের সাহায্যার্থ পঞ্চদশ সহস্র টাকা দান করিয়াছেন। ১৯১৩ খৃঃ আগষ্টমাসে বর্দ্ধমান বিভাগের ভীষণ বন্যা পীড়িত ব্যক্তিগণের সাহায্যকল্পে তাঁহারা একত্রে পাঁচ সহস্র মুদ্রা দান করেন। ইহঁার তিন পুত্র—শ্রীযুক্ত ভবানীচরণ লাহা, শ্রীযুক্ত তারিণীচরণ লাহা ও শ্রীযুক্ত সতীশচরণ লাহা। জ্যেষ্ঠপুত্র ভবানীচরণ একজন সুপ্রসিদ্ধ শিল্পী ও চিত্রকর।

৬ জয়গোবিন্দ লাহা ।

মহারাজ দুর্গাচরণের কনিষ্ঠ ভ্রাতা জয়গোবিন্দ লাহা কলিকাতার একজন সুপ্রসিদ্ধ লোক ছিলেন । কলিকাতার সেরিফ, ভারতীয় ও বঙ্গীয় ব্যবস্থাপক সভার সভ্য, পোর্ট ট্রাষ্টের সভ্য, প্রেসিডেন্সী জেলের পরিদর্শক, মেও হাঁসপাতালের একজন গবর্নর, বৃটিশ ইণ্ডিয়ান এসোসিয়ে-সনেব সহকারী সভাপতি, শ্রাসানাল চেম্বার অব কমার্সের সভাপতি, বেঙ্গল চেম্বার অব কমার্সের সভ্য, উদ্যান কর্ষণতত্ত্ব সমিতিব সদস্য, আলিপুর পশুশালায় সভ্য, জষ্টিস্ অব দি পিস্, সুবর্ণবিগিক সমাজেব সভাপতি, ডিস্ট্রিক্ট চেরিটেবল সোসাইটীর সভ্য, কলিকাতার মিউনিসিপাল কমিশনার, চব্বিশ পরগণার অবৈতনিক মাজিষ্ট্রেট প্রভৃতি পদে নিযুক্ত ছিলেন । গবর্নমেন্ট তাঁহার গুণের প্রশংসা করিয়া “সি-আই-ই” উপাধি সম্মানে ভূষিত করিয়াছিলেন । ভূতপূর্ব স্বর্গীয় বঙ্গেশ্বর স্থায় জন উদবরন, ভূতপূর্ব মিউনিসিপাল চেয়ারম্যান মিঃ গ্রীয়ার সাহেব বাহাদুর, কলিকাতার ভূতপূর্ব পুলিশ কমিশনার মিঃ বিগনেল্ সাহেব, বঙ্গের ভূতপূর্ব অস্থায়ী ছোটলাট মিঃ বোর্ডলিয়ন্ বাহাদুর প্রভৃতি তাঁহার বাটীতে শুভাগমন কবিয়াছিলেন । তিনি উদ্ভিদ বিদ্যায় অনুরাগী ছিলেন ও আলিপুরেব পশুশালায় একটা সর্প প্রদর্শনী নির্মাণ করাইয়া দিয়াছেন । কয়েক বৎসর অতীত হইল জয়গোবিন্দ লাহা পৃথিবীর রঙ্গভূমি হইতে অপমৃত্য হইয়াছেন ।

অম্বিকাচরণ লাহা ।

জয়গোবিন্দের একমাত্র পুত্র শ্রীযুক্ত অম্বিকাচরণ লাহা কলিকাতার প্রেসিডেন্সী মাজিষ্ট্রেট, প্রেসিডেন্সী জেলের পরিদর্শক, উদ্যান কর্ষণতত্ত্ব

সমিতির সভা, বেঙ্গল ন্যাশানাল চেম্বার অব কমার্সের সভা প্রভৃতি পদে অধিষ্ঠিত আছেন। অধিকাচরণের বিবাহ উপলক্ষে ১৮৮০ খৃঃ ৪ঠা জাহুয়ারি একটি নাচ হইয়াছিল ; তৎকালে ছোটলাট, প্রধান সেনাপতি, প্রধান বিচারপতি প্রভৃতি অত্যাশ্রয় উচ্চপদস্থ রাজকর্মচারী তদীয় ভবনে আগমন করিয়াছিলেন। সেই সময়ে বৃট্টশরাজের ১০ সংখ্যক রেজিমেন্ট উপস্থিত হইয়াছিল। অধিকাচরণের দুই পুত্র—শ্রীযুক্ত সত্যচরণ লাহা এম-এ, বি-এল এবং শ্রীযুক্ত বিমলাচরণ লাহা বি-এ।

৩ নবকৃষ্ণ লাহা ।

রাজীবলোচনের মধ্যম পুত্র নবকৃষ্ণ লাহা, জ্যেষ্ঠ সহোদর প্রাণকৃষ্ণের সহিত ব্যবসায় নিযুক্ত ছিলেন। তাঁহার একমাত্র পুত্র ভগবতীচরণ লাহা জনসমাজে বিশেষ প্রসিদ্ধি লাভ করিতে পারেন নাই। তিনি পৈতৃক ভবনে বাস করিতেন। তাঁহার একমাত্র পুত্র শ্রীযুক্ত শিবচরণ লাহা। ইহার দুই পুত্র—শ্রীযুক্ত প্যারীচরণ লাহা ও শ্রীযুক্ত অনন্তচরণ লাহা।

৩ বটুকৃষ্ণ লাহা ।

রাজীবলোচনের কনিষ্ঠ পুত্র বটুকৃষ্ণ লাহার তিন পুত্র—অভয়চরণ লাহা, দেবীচরণ লাহা ও শ্রীযুক্ত রামচরণ লাহা।

জ্যেষ্ঠ অভয়চরণের একমাত্র পুত্র শ্রীযুক্ত গৌরচরণ লাহা। ইহার একটি পুত্র—শ্রীমান নিতাইচরণ লাহা।

বটুকৃষ্ণের মধ্যম পুত্র দেবীচরণ লাহার তিন পুত্র—শ্রীযুক্ত শশিভূষণ লাহা, শ্রীযুক্ত রাসবিহারী লাহা ও শ্রীযুক্ত বিপিনবিহারী লাহা।

বটুকুম্ভের কনিষ্ঠ পুত্র শ্রীযুক্ত রামচরণ লাহা হুগলী-চুঁচুড়ার গঙ্গাতীরে
শ্মশানঘাটের নিকট একটি মূমুর্ষু আশ্রম নির্মাণ করাইয়া দিয়াছেন । ইনি
নীরবে দেশের ও দশের সেবা করিয়া থাকেন । 'ইহাঁর পাঁচ' পুত্র—
শ্রীযুক্ত হরিমোহন লাহা, শ্রীযুক্ত দীননাথ লাহা, শ্রীযুক্ত আশুতোষ লাহা,
শ্রীযুক্ত নগেন্দ্রনাথ লাহা ও শ্রীযুক্ত শ্রীকান্তচরণ লাহা ।

পাইকপাড়া রাজবংশ ।

চব্বিশ-পরগণা জেলার অন্তর্গত পাইকপাড়া রাজবংশ একটি প্রাচীন ও সম্ভ্রান্ত জমিদারবংশ । ইহাদের আদিনিবাস মুর্শিদাবাদ জেলার অন্তর্গত কাঁথি মহাকুমা । ইহারা উত্তর রাঢ়ীয় কায়স্থ । এই বংশের জনৈক পূর্বপুরুষ হরকৃষ্ণ সিংহ মুসলমান রাজত্বের সময় বহু অর্থ উপার্জন করিয়াছিলেন । তদীয় পুত্র গোরগোবিন্দ সিংহ । তাঁহার দুই পুত্র—রাধাগোবিন্দ ও গঙ্গাগোবিন্দ সিংহ ।

৬ রাধাগোবিন্দ সিংহ ।

গোরগোবিন্দের জ্যেষ্ঠ পুত্র রাধাগোবিন্দ সিংহ মুর্শিদাবাদের নবাব আলিবর্দি খাঁ এবং সিরাজদ্দৌলার সময়ে একজন উচ্চ রাজস্ব কর্মচারী ছিলেন । যখন ব্রিটিশরাজ বঙ্গদেশের রাজস্ব বন্দোবস্ত করেন, তৎকালে তিনি তদ্বিষয়ে বিশেষ সাহায্য করিয়াছিলেন । সেই কার্যের জন্ত তিনি একখানি “সেন্নার মহাল” প্রাপ্ত হন ।

৬ গঙ্গাগোবিন্দ সিংহ ।

গোরগোবিন্দের কনিষ্ঠ পুত্র দেওয়ান গঙ্গাগোবিন্দ সিংহ ১৭৪৯ খৃঃ মুর্শিদাবাদ জেলার অন্তর্গত কাঁথি গ্রামে জন্মগ্রহণ করেন । গঙ্গাগোবিন্দ বাল্যকালে স্বগ্রামে বৎসামাত্র লেখাপড়া শিক্ষা করেন । ১৭৬৯ খৃঃ তিনি স্বীয় জ্যেষ্ঠভ্রাতা রাধাগোবিন্দ সিংহের স্থলাভিষিক্ত হইয়া কিলদিবস-

বজ্রের নামেব সুবাদার মহম্মদ রেজা খাঁর অধীনে মুর্শিদাবাদে কাননগোর কর্ম করিয়াছিলেন ; তৎকালে ওয়ারেন্ হেস্টিংস্ ইষ্ট ইণ্ডিয়া কোম্পানীর কাশীমবাজারের রেশমের কুঠির রেসিডেন্ট ছিলেন । ক্রমে গঙ্গাগোবিন্দ হেস্টিংস্ সাহেবের বিশেষ প্রিয়পাত্র হন । মহম্মদ রেজা খাঁ পদচ্যুত হইলে সেই সময় গঙ্গাগোবিন্দেরও কর্ম বায় । অতঃপর তিনি কার্য্যক্ষেপে কলিকাতায় আসিয়া অবস্থিতি করেন । এই সময় সৌভাগ্যক্রমে তিনি তৎকালীন গবর্ণর জেনারেল ওয়ারেন হেস্টিংসের শুভ দৃষ্টিতে পতিত হন । তিনি গঙ্গাগোবিন্দকে খালসা বিভাগের রায়-বাঁইয়া রাজা রাজবল্লভ রায়েব অধীনে সহকারী দেওয়ান পদে নিযুক্ত করেন । ক্রমে ক্রমে তাঁহাব হস্তে রাজস্ব বিভাগের সমুদয় কার্য্যভার শুল্ক হয় ; তন্নিমিত্ত তিনি হেস্টিংস্ সাহেবের রূপায় নানা উপায়ে প্রভূত অর্থোপার্জন করিতে থাকেন । ১৭৭৩ খৃঃ হেস্টিংস্ সাহেব তাঁহাকে কলিকাতার রাজস্ব কোমিসলের দেওয়ান পদে নিযুক্ত করেন । ১৭৭৫ খৃঃ হেস্টিংস সাহেবের বিপক্ষদল তাঁহাকে উৎকোচ গ্রহণ অপবাধে পদচ্যুত করিয়াছিলেন । গঙ্গাগোবিন্দ পদচ্যুত হইলে সোমড়া-নিবাসী বায়-বাঁইয়া রামচন্দ্র সেন দেওয়ান পদে কিছুদিন কর্ম করেন । ১৭৭৬ খৃঃ হেস্টিংস্ সাহেবের বিরোধী সদস্য মনস্ সাহেবের মৃত্যু হইলে, তিনি গঙ্গাগোবিন্দকে পুনরায় দেওয়ান পদে নিযুক্ত করেন । তৎকালে চিরস্থায়ী বন্দোবস্ত ছিল না ; পাঁচ বৎসর অন্তব মেয়াদী বন্দোবস্ত হইত ; সুতরাং দেশের যাবতীয় জমিদার, তালুকদার প্রভৃতি গঙ্গাগোবিন্দের করতলস্থ ছিলেন । এমন কি, নদীয়ার মহারাজ কৃষ্ণচন্দ্র রায়ও তাঁহাকে ভয় করিতেন । নাটোর রাজবংশের পতন সময়ে যখন মহারাজ রামকৃষ্ণ রায় যোগে নিমগ্ন এবং তাঁহার জমিদারীর পরগণা-গুলি রাজস্ব দফতর বিক্রয় হইতেছিল, তখন গঙ্গাগোবিন্দ মহিমসাহী, নসরতসাহী, নসিবসাহী, নলদী প্রভৃতি পরগণা নীলামে ক্রয় করেন । দিনাজপুরের তদানীন্তন কালেক্টার গুড্‌ল্যাঙ্ক সাহেব ও তাঁহার দেওয়ান

দেবী সিংহ তৎকালীন নাবালক রাজাকে বাধ্য করিয়া তাঁহার জমিদারীর কিয়দংশ গঙ্গাগোবিন্দকে কবলা করিয়া দেওয়াইয়াছিলেন। ১৭৮৬ খৃঃ হেষ্টিংস সাহেব বিলাত গমন কালে নাটোররাজের জমিদারীর অন্তর্গত শালবারি পরগণার মালিকান স্বত্বও প্রদান করেন। গঙ্গাগোবিন্দ, হেষ্টিংস সাহেবের রূপায় উক্ত জমিদারীর এক অংশের মালিক হন; কিন্তু লর্ড কর্ণওয়ালিস্ আসিয়া তাহা রহিত করিলে উক্ত পরগণা নাটোরাদিপতিকে প্রত্যর্পণ করিতে হয়। গঙ্গাগোবিন্দ যশোহর-মহম্মদপুরের স্বাধীন রাজা সীতারাম রায়ের বংশধরগণের দুর্গতির কথা শুনিয়া ও স্বজাতীয় রাজ-বংশের সম্বন্ধ রক্ষার জন্ত সীতারামের বংশধরগণকে বার্ষিক বার শত টাকা বৃত্তি দান করিতেন। ১৭৮১ খৃঃ হইতে লর্ড কর্ণওয়ালিসের আগমন কাল পর্য্যন্ত রাজস্ব বন্দোবস্ত সম্বন্ধে দেওয়ান গঙ্গাগোবিন্দ সিংহ এক প্রকার সর্বময় কর্তা ছিলেন। তিনি বাকী জায়ের সেরস্তার ভার প্রাপ্ত হইয়া লর্ড কর্ণওয়ালিসের শাসনকাল পর্য্যন্ত কার্য্য করেন। অতঃপর এডমণ্ড, বার্ক প্রভৃতি ইংলণ্ডীয় মহাআগণ দেওয়ান গঙ্গাগোবিন্দের বিরুদ্ধে তুমুল আন্দোলন করিলে তিনি কস্মচ্যুত হন। জন্মভূমি কাঁথিতে এখনও ইহাদিগের বৃহৎ অট্টালিকা, দেবালয় ও অন্যান্য কীর্ত্তি বর্ত্তমান। গঙ্গাগোবিন্দের প্রতিষ্ঠিত ত্রীতীরাধাবল্লভ জীউ নামে এক বিষ্ণুমূর্ত্তি অद्याপি বিদ্যমান। সেই বিগ্রহ প্রত্যহ সমারোহের সহিত সেবা হইয়া থাকে এবং যত অতিথি উপস্থিত হয়, কাহাকেও বিমুখ করা হয় না। রাসের সময় মহাসমারোহ হইয়া থাকে। নৃত্য গীতাদির ব্যয় প্রায় দশ সহস্র টাকা ব্যবস্থা আছে। কথিত আছে যে, গঙ্গাগোবিন্দ মাতৃশ্রদ্ধে বিশেষ সমারোহ করিয়াছিলেন। পুষ্করিণী খনন করাইয়া তাহা যতদ্বারা পূর্ণ করিয়া উৎসর্গ করেন। সেই সময় হেষ্টিংস সাহেব স্বয়ং প্রত্যেক জেলার কালেক্টারগণকে দ্রব্যাদি সংগ্রহ করিয়া দিবার জন্য আদেশ প্রচার করিয়াছিলেন। বঙ্গদেশের যাবতীয় প্রসিদ্ধ জমিদারগণকে নিমন্ত্রণ করিয়া

আনিয়া শ্রীশ্রীজগন্নাথ দেবের টাটকা প্রসাদ খাওয়াইয়াছিলেন। তিনি সেই প্রসাদ কাঁথি হইতে ৮ পুরীধাম পর্য্যন্ত অশ্বের ডাক বসাইয়া আনয়ন করেন। মাতৃশ্রাদ্ধে তিনি প্রায় বিশ লক্ষ টাকা ব্যয় করেন। বেলুড় গ্রামে নিজ বাসভবনে পুস্তক পাঠ এবং পৌত্র লালাবাবুর অন্তর্প্রাশন উপলক্ষে গঙ্গাগোবিন্দ সিংহ বহু অর্থ ব্যয় করিয়াছিলেন। এই কার্যে স্বর্ণপত্রে ক্ষোদিত লিপিদ্বারা ব্রাহ্মণগণকে নিমন্ত্ৰণ করা হইয়াছিল। ১৭৯৩ খৃঃ পাইকপাড়া রাজবংশের প্রতিষ্ঠাতা দেওয়ান গঙ্গাগোবিন্দ সিংহ কলিকাতার প্রাসাদে কলেবর পরিত্যাগ করিয়াছেন। তিনি মৃত্যুকালে একটিমাত্র পুত্র রাখিয়া যান।

৮ প্রাণকৃষ্ণ সিংহ

দেওয়ান গঙ্গাগোবিন্দের মৃত্যুর পর তদীয় একমাত্র পুত্র প্রাণকৃষ্ণ সিংহ বিষয় সম্পত্তির উত্তরাধিকারী হন। তিনি কিঞ্চিৎ ব্যয়কৃৎ ছিলেন। শুনা যায়, সেই কারণ পুত্রের সহিত পিতার বিশেষ সদ্ভাব ছিল না। বর্ধমান জেলার অন্তর্গত বহরাণ-নিবাসী বল্লভীকান্ত দাস নামক একব্যক্তি তাঁহার ছেটের প্রধান কর্মচারী ছিলেন। তিনি বিলক্ষণ চতুর ও বিষয় কার্যে নিপুণ ছিলেন।

১৮০৬ খৃঃ প্রাণকৃষ্ণ সিংহ কাঁথির আবাসে দেহত্যাগ করেন। মৃত্যুকালে তিনি একমাত্র পুত্র কৃষ্ণচন্দ্রকে রাখিয়া যান।

৯ কৃষ্ণচন্দ্র সিংহ (লালাবাবু)

প্রাণকৃষ্ণের পুত্র কৃষ্ণচন্দ্র সিংহ “লালাবাবু” নামে প্রসিদ্ধ। তিনি ১৭৬৮ খৃঃ কাঁথির পৈতৃকভবনে জন্মগ্রহণ করেন। লালাবাবু বাল্যকালে

গ্রামের বিদ্যালয়ে যৎসামান্য বিদ্যাশিক্ষা করিয়াছিলেন। ১৭৮৫ খৃঃ শতাব্দীর বৎসর বয়ঃক্রম কালে পিতার সহিত মতান্তর হওয়ায় স্বাধীনভাবে জীবিকা নির্বাহ করিবার সঙ্কল্প করেন। অতঃপর প্রথমে বর্ধমানের মাজিষ্ট্রেট ও জজ সাহেব বাহাদুরের আফিসে সেরেস্টাদারের কার্যে নিযুক্ত হন। তথায় কার্য্য করিতে করিতে তিনি বর্ধমান জেলার অন্তর্গত লাট বিশালাক্ষীপুর জমিদারী ক্রয় করেন। ১৮০৩ খৃঃ উড়িষ্যার বন্দোবস্তের সময় তথাকার রাজস্ব বিভাগের বন্দোবস্ত কার্য্যের ভার গবর্ণমেন্ট তাঁহার হস্তে অর্পণ করিয়াছিলেন। সেই সময়ে তিনি সরকারী বন্দোবস্ত মহাল সমূহের দেওয়ান পদে নিযুক্ত হন। উড়িষ্যায় কর্ম্মকালীন লালাবাবু পরগণা রাহাং, সারার ও চারিসকুদ ক্রয় করেন। পুরীধামে শ্রীশ্রীজগন্নাথ দেবের সেবার জন্য তিনি দৈনিক দশ টাকা ব্যয়ের ব্যবস্থা করিয়া যান। ১৮০৬ খৃঃ সহসা একদিবস তাঁহার পিতার পীড়ার সংবাদ প্রাপ্ত হইয়া লালাবাবু বাথির আবাসে প্রত্যাগমন করেন ; কিন্তু সূদূর উড়িষ্যা প্রদেশ হইতে বাটী পৌঁছিবার পূর্বেই পিতৃদেবের পরলোক প্রাপ্তি হয়। পিতার মৃত্যুর পর তিনি গবর্ণমেন্টের কার্য্য হইতে অবসর গ্রহণ করেন। অতঃপর লালাবাবু মনুষ্যের দাসত্ব পরিত্যাগ পূর্ব্বক ঈশ্বরে আত্ম সমর্পণ করেন। শাস্ত্রজ্ঞান লাভ করিবার নিমিত্ত তিনি সময়ে সময়ে কলিকাতায় অবস্থান করিতেন এবং সর্বদাই বহুসংখ্যক শাস্ত্রজ্ঞ পণ্ডিত নিকটে রাখিতেন। শোভাবাজার রাজবংশীয় এবং ঘোড়াসাঁকর সিংহবংশীয় ব্যতীত কলিকাতায় আর কাহারও সহিত তাঁহার বিশেষ ঘনিষ্ঠতা ছিল না। রাজা রাজকৃষ্ণ দেবের জননীকে লালাবাবু যথেষ্ট ভক্তি করিতেন এবং তিনিও লালাবাবুকে পুত্রবৎ দর্শন করিতেন। কথিত আছে যে, লালাবাবুর নীতি শিক্ষা দান প্রভাবেই রাজা রাজকৃষ্ণের চরিত্র বিশেষ পরিবর্তিত হইয়াছিল। লালাবাবু কলিকাতায় হাবড়ার সেতুর মিকট গঙ্গাতীরে ৬' জগন্নাথের ঘাট ও

দেবমূর্তি প্রতিষ্ঠা করেন, তাহা অদ্যাপি বর্তমান আছে । তিনি নানা প্রকার কার্যে ব্যাপৃত থাকিয়াও ঈশ্বরের চিন্তা বিশ্বত হইতেন না । জীবনের প্রায় অর্দ্ধাংশ সময় আত্মিক, পূজা, হরিনাম, শাস্ত্রগ্রন্থ পাঠ প্রভৃতি নিষ্ঠাবান হিন্দুর দৈনিক কর্তব্য কর্ম সম্পাদনে অতিবাহিত করিতেন । কাঁথির কুলদেবতা শ্রীশ্রীরাধাবল্লভ জীউর নিত্য সেবার যথেষ্ট উন্নতি সাধন করেন । যদিও পূর্কোপেক্ষা বর্তমান সময়ে সেবার ব্যয়ের কিঞ্চিৎ হ্রাস হইয়াছে, তথাপি এখনও রাধাবল্লভ জীউর ভোগের বেরূপ বন্দোবস্ত আছে, তাহা বিশেষ উল্লেখযোগ্য । দেবসেবা, অতিথিসেবা ও সদাব্রত প্রভৃতি সংকার্য্য যাহাতে সুশৃঙ্খলায় নির্বাহিত হয়, সে বিষয়ে লালাবাবু বিশেষ দৃষ্টি ছিল । গবর্ণমেন্টের কার্য্য হইতে অবসর গ্রহণের পর তিনি অধিক দিবস বাটীতে বাস করেন নাই । সম্পত্তির সুবন্দোবস্ত করিয়া ৬ বৃন্দাবনধামে বাসের নিমিত্ত উৎসুক হইয়াছিলেন । সেই কারণ, অল্পকাল মধ্যেই লালাবাবু তাঁহার একমাত্র শিশুপুত্রের শিক্ষাদানের এবং বাটীর তত্ত্বাবধান ও কর্তৃত্ব বন্দোবস্ত করেন । তিনি কলিকাতা চোরবাগান-নিবাসী নীলমণি বসু মহাশয়কে আইন ও জমিদারী সংক্রান্ত বিষয়ের বন্দোবস্তের নিমিত্ত নিযুক্ত করেন । তৎপরে কাঁথির বাটীতে কিয়দ্বিধ অবস্থিতি করিতে করিতে কোন বিশেষ কারণে তাঁহার মনে বৈরাগ্যের সঞ্চার হওয়ায় তিনি সংসার ক্ষেত্র হইতে অবসর লইয়া প্রভূত ঐশ্বর্য্য, প্রিয়তম একমাত্র শিশুপুত্র শ্রীনারায়ণ ও প্রিয়তমা পত্নী কাত্যায়নী সমুদয় পরিত্যাগ পূর্ব্বক পবিত্র তীর্থক্ষেত্র ৬ বৃন্দাবনধামে গমন করেন । তৎকালে পঁচিশ লক্ষ টাকা গ্রহণ করিয়া তিনি হিন্দুর পরম পবিত্র তীর্থ, পূর্ব্ব্রক্ষ শ্রীকৃষ্ণের লীলাভূমি, বৈষ্ণবমণ্ডলীর আশ্রয়স্থল, রমণীয় বৃন্দাবনধামে গিয়া বসতি করিলেন । সেই সময় এতদঞ্চলে কিছু জমিদারীও ক্রয় করেন । এই স্থানে থাকিয়া তিনি বৈষ্ণব ধর্ম্ম গ্রহণ

করিয়াছিলেন। বৃন্দাবনে “কৃষ্ণচন্দ্রমা” নামক এক বিগ্রহ স্থাপন করিয়া তাঁহার জন্য রাজপুতানা হইতে উৎকৃষ্ট প্রস্তুত আনাইয়া প্রায় পঁচিশ লক্ষ টাকা ব্যয়ে এক চতুষ্কোণ মন্দির প্রতিষ্ঠা করেন। এই মন্দির সংলগ্ন একটি অন্নসত্র আছে। তাহার জন্ম বার্ষিক দ্বাবিংশ সহস্র মুদ্রা ব্যয় হয়। মথুরা জেলায় “রাধাকানু” নামে এক বৃহৎ সরোবর প্রতিষ্ঠা করেন। বৃন্দাবনধামে “লালাবাবুর কুঞ্জ” নামে একটি কুটীর আছে; তথায় স্রষ্টাপি বহু তীর্থযাত্রী গিয়া বাস করিয়া থাকেন। এই কুঞ্জের সন্নিকটে তিনি জায়েন মন্দির নামে আর একটি উৎকৃষ্ট মন্দির প্রতিষ্ঠা করেন। সেই মন্দির মধ্যে রংজী নামে এক প্রতিমূর্তি বিরাজ করিতেছেন। ঠাকুরবাড়ীর মধ্যে এক কৃষ্ণমূর্তি প্রতিষ্ঠা করিয়া ইহার সেবার্থে চল্লিশ সহস্র টাকা আয়ের বিষয় সম্পত্তি করিয়া দিয়া গিয়াছেন। দেব সেবার বন্দোবস্ত প্রত্যহ একশত টাকা। প্রতিদিবস এই স্থানে প্রায় পাঁচশত লোক প্রসাদ পাইয়া থাকে। পঞ্চদশ দিবসের অধিক একজনকে প্রসাদ দেওয়া হয় না। লালাবাবু স্বয়ং দ্বারে দ্বারে ভিক্ষা করিয়া যাহা কিছু প্রাপ্ত হইতেন, তাহাতেই জীবিকা নির্বাহ করিতেন। ব্রজবাসীগণ তাঁহাকে ভিক্ষা দিবার জন্ম এক প্রকার রুটী প্রস্তুত করিয়া রাখিতেন; তদবধি বৃন্দাবনে “লালাবাবুর রুটি” নামে এক প্রকার রুটির নাম হইয়াছে। ভক্তমালা গ্রন্থের বঙ্গানুবাদক কৃষ্ণদাস বাবাজী তাঁহার ধর্মগুরু স্থানীয় ছিলেন। প্রায় চল্লিশ বৎসর বয়সে লালাবাবু বৈরাগ্য অবলম্বন করেন। উত্তর পশ্চিমাঞ্চলে বিশেষতঃ মথুরা ও বৃন্দাবনে লালাবাবুর নাম প্রাণঃস্মরণীয় হইয়া আছে। তিনি শেষ জীবনে গোবর্দ্ধন গিরির গুহায় বাস করিতেন। ১৮১০ খৃঃ সেই স্থানেই হঠাৎ পতিত হইয়া পাইকপাড়ার পুণ্যবান মহাত্মা কৃষ্ণচন্দ্র সিংহ (লালাবাবু) মহাপ্রস্থান করেন। তিনি মৃত্যুকালে একমাত্র শিশুপুত্র ত্রীনারায়ণকে রাখিয়া যান। লালাবাবুর পত্নী

পাইকপাড়ার প্রসিদ্ধা রাণী কাত্যায়নী দানশীলতার জন্ত খ্যাতনামা ছিলেন । অন্নমেক ও তুলাদান উপলক্ষে তাঁহার পূর্বনিবাসস্থল বেলুড় গ্রামে মহাসমারোহ হইয়াছিল । তিনি ধর্ম্মকর্ম্মে ও দানাদিতে অনূন ঘোড়শ লক্ষ মুদ্রা ব্যয় করিয়াছিলেন । তাঁহারই সময়ে পাইকপাড়ার রাজবাটী ও কাশীগুরের ঠাকুরবাড়ী প্রতিষ্ঠিত হইয়াছে ।

৩ শ্রীনারায়ণ সিংহ

রাণী কাত্যায়নীর পুত্রের নাম শ্রীনারায়ণ সিংহ । তাঁহার দুই পত্নী—তারাসুন্দরী ও করুণাময়ী । উভয় পত্নীর গর্ভে সন্তানাদি না হওয়ার কাত্যায়নীর অরুরোধে দুইটি দত্তক পুত্র গ্রহণ করা হইয়াছিল । তারাসুন্দরীর পোষ্যপুত্রের নাম প্রতাপচন্দ্র এবং করুণাময়ীর পোষ্য পুত্রের নাম ঈশ্বরচন্দ্র সিংহ । প্রতাপচন্দ্র ও ঈশ্বরচন্দ্র উভয়ে সহোদর ভ্রাতা এবং কাত্যায়নীর ভ্রাতুষ্পুত্র । তাঁহারা যুতদিন অপ্রাপ্ত বয়স্ক ছিলেন, ততদিন পর্য্যন্ত কাত্যায়নী তাঁহাদের বিষয় সম্পত্তি তত্ত্বাবধান করিতেন । ১৮৬৮ খৃঃ ১৭ই আগষ্ট রাণী কাত্যায়নী মানবলীলা সম্বরণ করেন ।

৩ প্রতাপচন্দ্র সিংহ

স্বনামধন্য মহাশয় লালাবাবুর পৌত্র প্রতাপচন্দ্র সিংহ পাইকপাড়ার রাজা বলিয়া বিখ্যাত ছিলেন । তিনি কলিকাতা মেডিকেল কলেজের ফিভার হাঁসপাতাল নির্মাণ জন্ত পঞ্চাশ সহস্র মুদ্রা দান এবং অগ্ৰাণ্ড নানাবিধ দেশহিতকর কার্য্যের সহায়তা করেন । প্রতাপচন্দ্র লর্ড

ডালহাউসী কর্তৃক ১৮৫৪ খৃঃ “রাজা বাহাদুর” উপাধি সম্মানে ভূষিত হইয়াছিলেন। “বেলগেছিয়া ভিলা” নামক সুরমা উদ্যান প্রতাপচন্দ্র এবং কনিষ্ঠভ্রাতা ঈশ্বরচন্দ্রের সম্পত্তি। এই উদ্যানেই ভারতের লোকান্তরিত সম্রাট্ সপ্তম এডওয়ার্ড যুবরাজরূপে ১৮৭৫ খৃঃ শেষভাগে দেশীয়গণ কর্তৃক নিমন্ত্রিত হইয়া শুভাগমন করেন। এই স্থানেই উভয় ভ্রাতার যত্নে এবং মহারাজ স্যার যোতীন্দ্রমোহন ঠাকুর বাহাদুর প্রভৃতি বন্ধুগণের সহায়তায় বাঙ্গালা নাটক অভিনীত হয় এবং বাঙ্গালা ঐক্যতান বাদন ঐণালী উদ্ভূত হইয়াছিল। উগাই বর্তমান সাধারণ নাট্যক্ষেত্রের সূত্রপাত বলিয়া পরিগণিত হয়। রাজা প্রতাপচন্দ্রের নানাপ্রকার কার্যের বিশেষ প্রশংসা করিয়া গবর্ণমেন্ট “সি এস আই” উপাধি দ্বারা ভূষিত করিয়াছিলেন। তিনি বৃটীশ ইণ্ডিয়ান এসোসিয়েসনের সহকারী সভাপতি ছিলেন। তিনি বিদ্যাসাগর মহাশয়ের পরম বন্ধু ছিলেন। বিধবা-বিবাহ, স্ত্রীশিক্ষা এবং অন্যান্য অনেক কার্যে তিনি বিদ্যাসাগর মহাশয়ের প্রধান সহায় ও পৃষ্ঠপোষক ছিলেন। তিনি কাঁথির বিষয় সম্পত্তি দর্শনাভিলাষে গমন করিয়া তথায় পীড়িত হন; ডাক্তার মহেন্দ্রলাল সরকার তাঁহার চিকিৎসার জন্য প্রেরিত হইয়াছিলেন। সেই সময় রাজা বাহাদুরকে পাইকপাড়ায় আনয়ন করা হইয়াছিল। অতঃপর ১৮৬৬ খৃঃ ১৯শে জুলাই ৩৯ বৎসর বয়ঃক্রম কালে রাজা প্রতাপচন্দ্র সিংহ বাহাদুর কলিকাতা কাশীপুরের গঙ্গাতীরে দেহত্যাগ করেন। তিনি মৃত্যুকালে কুমার গিরিশচন্দ্র, পূর্ণচন্দ্র, কান্তিচন্দ্র ও শরচ্চন্দ্র নামে চারিপুত্র রাখিয়া যান। প্রতাপচন্দ্র পরলোক গমন করিলে পাইকপাড়া রাজপরিবারের শোচনীয় অবস্থা উপস্থিত হইয়াছিল। প্রতাপচন্দ্রের পিতামহী রাণী কাত্যায়নীর অহুরোধে বিদ্যাসাগর মহাশয় তৎকালীন বঙ্গেশ্বর বীড়ন সাহেব বাহাদুরকে অহুরোধ করিয়া পাইকপাড়া ষ্টেট কোর্ট্ অব ওয়ার্ডশের অন্তর্ভুক্ত করিয়া দিয়াছিলেন।

৩ গিরিশচন্দ্র সিংহ ।

রাজা প্রতাপচন্দ্রের মৃত্যুর পর ১৮৬৬ খৃঃ তদীয় জ্যেষ্ঠপুত্র, কুমার গিরিশচন্দ্র সিংহ এই বংশের প্রতিনিধি হন। তিনি সিংহবংশের আদি নিবাস কাঁথি গ্রামে একটি হাঁসীপাতাল প্রতিষ্ঠা ও পরিচালন জন্য ১১৫০০০ টাকা দান করেন। নানাপ্রকার সদ্ব্যুষ্ঠানে তাঁহার অমুরাগ ছিল। তিনি সুরল প্রকৃতির লোক ছিলেন। ১৮৮৭ খৃঃ কুমার গিরিশচন্দ্র সিংহ লোকান্তরিত হইয়াছেন। তাঁহার কোন পুত্র সন্তান না হওয়ায় তিনি স্বীয় মধ্যম ভ্রাতা পূর্ণচন্দ্রের কনিষ্ঠপুত্র শ্রীশচন্দ্র সিংহকে পোষ্য-পুত্র গ্রহণ করেন। শ্রীশচন্দ্রের দুই পুত্র—মনীন্দ্রচন্দ্র ও ফণীন্দ্রচন্দ্র সিংহ। অধুনা কুমার শ্রীযুক্ত মনীন্দ্রচন্দ্র সিংহ এই বংশের প্রতিনিধি। ১৯১৪ খৃঃ মে মাসে কুমার বাহাদুরের শুভবিবাহ সমারোহে সুসম্পন্ন হইয়াছে। ইহার কনিষ্ঠ ভ্রাতা কুমার ফণীন্দ্রচন্দ্র সিংহ কয়েক বৎসর হইল অকালে কালের কবলে পতিত হইয়াছেন।

৩ পূর্ণচন্দ্র সিংহ ।

প্রতাপচন্দ্রের মধ্যম পুত্র রাজা পূর্ণচন্দ্র সিংহ বিবিধ সংকার্যে অর্থ ব্যয় করিতেন। তিনি মিষ্টভাষী ও পরোপকারী পুরুষ ছিলেন। গবর্ণ-মেন্টের নিকট তাঁহার বিশেষ খ্যাতি ছিল। ১৮৮৫ খৃঃ তিনি “রাজা” উপাধি সম্মানে সম্মানিত হন। ১৮৯০ খৃঃ রাজা পূর্ণচন্দ্র সিংহ পৃথিবীর রক্তভূমি হইতে অপমৃত হইয়াছেন। তাঁহার দুই বিবাহ হইয়াছিল; তন্মধ্যে প্রথমা রাণীর গর্ভে সতীশচন্দ্র এবং দ্বিতীয়া পত্নীর গর্ভে শ্রীশচন্দ্র নামে দুইটি পুত্র জন্মগ্রহণ করেন। জ্যেষ্ঠ কুমার সতীশচন্দ্র সিংহ অকালে মৃত্যুমুখে পতিত হইয়াছেন। কনিষ্ঠ কুমার শ্রীশচন্দ্র সিংহকে

রাজা বাহাদুরের জ্যেষ্ঠ ভ্রাতা কুমার গিরিশচন্দ্র পোষ্যপুত্র গ্রহণ করেন। রাজা পূর্ণচন্দ্রের দ্বিতীয়া পত্নী রাণী শ্রীমতী চন্দ্রমোহিনী আধুনা ৬ বৃন্দাবন-ধামে অবস্থিতি করিতেছেন।

৬ কান্তিচন্দ্র সিংহ।

প্রতাপচন্দ্রের তৃতীয় পুত্র কুমার কান্তিচন্দ্র সিংহ বিনয়ী ও নিরীহ প্রকৃতির লোক ছিলেন। লোকজনের আদর আপ্যায়নে তাঁহার স্বভাব-সিদ্ধ সৌজন্য লক্ষিত হইত। ১৮৮০ খৃঃ কুমার কান্তিচন্দ্র সিংহ সংসার লীলা সম্বরণ করিয়াছেন। তাঁহার সন্তানাদি হয় নাই। কুমার কান্তিচন্দ্রের বিধবা পত্নী ৬ পুরীধামে বাস করেন।

৭ শরচ্চন্দ্র সিংহ।

প্রতাপচন্দ্রের কনিষ্ঠ পুত্র কুমার শরচ্চন্দ্র সিংহ ১৮৫৯ খৃঃ জন্মগ্রহণ করেন। তিনি বিদ্যোৎসাহী সমাজ-হিতৈষণা ও সৌজন্য প্রভৃতি গুণে বঙ্গের ভূস্বামী সমাজের ভূষণস্বরূপ ছিলেন। তিনি জমিদারীর কার্য পরিচালনে সিদ্ধহস্ত ছিলেন এবং স্বয়ং জমিদারী কার্য করিতেন। তিনি বহুমূল্যের জমিদারীও ক্রয় করেন। তিনি কঠোর শাসন নীতির পক্ষপাতী ছিলেন না। তিনি প্রজার সহিত মোকদ্দমা করিতে নিতান্ত অনিচ্ছুক ছিলেন। শরচ্চন্দ্র প্রজা ও কর্মচারীগণকে বিপদকালে অর্থ সাহায্য দ্বারা বিশেষ উপকৃত করিতেন। তাঁহার মস্তিষ্ক এরূপ সতেজ ছিল যে বড় বড় ইঞ্জিনিয়ারগণ তাঁহার কৃতিত্বের প্রশংসা করিতেন। কাঁথির প্রাসাদ, কাশীপুরের দেবালয় এবং ঐতিহাসিক বেলগেছিয়া-ভিলা

তঁাহার স্থাপত্য-শিল্পের পরিচয় প্রদান করিতেছে। তিনি একজন উৎকৃষ্ট ফটোগ্রাফার ছিলেন। ভারতবর্ষের ‘প্রসিদ্ধ’ প্রসিদ্ধ রমণীয় স্থান ও বহুতীর্থ স্থানের ফটোগ্রাফ স্বয়ং গ্রহণ করিয়াছিলেন। “পিক্চার-গ্যালারি” তঁাহার চিত্র-বিদ্যার সম্যক পরিচয় অদ্যাপি প্রদান করিতেছে। সুপ্রসিদ্ধ অধ্যাপক ‘আস্কার ব্রাউনিং সাহেব তঁাহার “টুর অব ইণ্ডিয়া” নামক গ্রন্থে বেলগেছিয়া ভিলা এবং পিক্চার গ্যালারির ভূয়সী প্রশংসা করিয়াছেন। পাশ্চাত্য শিক্ষায় তঁাহার বিশেষ সহানুভূতি ছিল। তিনি কলিকাতা বিশ্ববিদ্যালয়ে দশ সহস্র টাকা এবং কাঁথির আংলো-সংস্কৃত বিদ্যামন্দিরে পঞ্চাশ সহস্র মুদ্রা দান করেন। তিনি পরোপকার ব্রতে ব্রতী ছিলেন। ৬ বৃন্দাবনধামের স্বাস্থ্যোন্নতিকল্পে পয়ঃপ্রণালী নির্মাণ জন্য পাঁচ সহস্র এবং যশোহরের জলের কল নির্মাণকল্পে দশ সহস্র ও হিন্দু বিধবাক্ষেপে পঞ্চদশ সহস্র মুদ্রা দান করিয়াছিলেন। তিনি পিতৃ-পুরুষগণের ন্যায় প্রকৃত রাজভক্ত ছিলেন। ভিক্টোরীয়া স্মৃতিসৌধ প্রতিষ্ঠা কক্ষে পঁচিশ সহস্র টাকা এবং এডওয়ার্ড স্মৃতিক্ষেপে পাঁচ সহস্র টাকা দান করেন। তিনি বহু বালককে অন্নদান ও বিদ্যাদান করিতেন। তিনি গোপনেও বহু অর্থ দান করেন। শরচ্চন্দ্র তঁাহার লোকান্তরিত পুল জিতেন্দ্রচন্দ্রের স্মৃতিরক্ষাকল্পে কলিকাতা বিশ্ববিদ্যালয়ের হস্তে একটি বৃত্তির ব্যবস্থা করিয়া গিয়াছেন। কাঁথির ইংরাজি বিদ্যালয় হইতে যে ছাত্র ম্যাট্রিকুলেশন পরীক্ষায় প্রথম অথবা দ্বিতীয় বিভাগে উত্তীর্ণ হইয়া গবর্ণমেন্টের বৃত্তি প্রাপ্ত না হয়, সেই ছাত্র দুই বৎসর পনের টাকা করিয়া এই বৃত্তি প্রাপ্ত হন। ইহার নাম “জিতেন্দ্র বৃত্তি” হইয়াছে। ১৯১১ খৃঃ এপ্রেল মাসে চিৎপুর মিউনিসিপালিটির চিকিৎসালয়ের ভূমি ক্রয় জন্য তিনি পাঁচ হাজার টাকা দান করেন। সংস্কৃতভাষায় তঁাহার বিশেষ অমুরাগ ছিল। তিনি শাস্ত্রজ্ঞ ব্রাহ্মণ পণ্ডিতগণের যথেষ্ট আনুকূল্য করিতেন। হিন্দু ধর্ম্মে তঁাহার বিশেষ আস্থা ছিল।

তিনি ভারতবর্ষের বহু তীর্থস্থান ভ্রমণ করিয়াছিলেন। রাজকার্য্য পর্য্যবেক্ষণ করিয়া অবসর সময়ে তীর্থ পর্য্যটনে অতিবাহিত করিতেন। তিনি পূর্বপুরুষগণের ক্রিয়াকলাপ অক্ষুণ্ণ রাখিয়া জনসমাজে আদৃত ছিলেন। জাতীয় উন্নতি সম্বন্ধে তাঁহার বিশেষ লক্ষ্য ছিল। তাঁহার উদ্যোগে উত্তর-রাষ্ট্রীয় কায়স্থ সভা স্থাপিত হয় এবং তিনি এই সভার সভাপতির আসন অলঙ্কৃত করেন। তাঁহার নৈতিক বুদ্ধিও অসাধারণ ছিল। তিনি সচ্চরিত্র, বিনয়ী ও উদার স্বভাব পুরুষ ছিলেন। ১৯১২ খৃঃ ২৭শে মার্চ কুমার শরচ্চন্দ্র সিংহ অপস্মার রোগে চিন্ময়ধামে গমন করিয়াছেন। কুমার শ্রীযুক্ত বীরেন্দ্রচন্দ্র সিংহ স্বর্গীয় পিতৃদেবের আদ্য শ্রাদ্ধে শ্রী চিরদানশীল বংশের মর্য্যাদা অক্ষুণ্ণ রাখিয়াছেন। কাশীপুরের গঙ্গা-তীরস্থ ঠাকুরবাড়ীতে বিরাট দানসাগর শ্রাদ্ধের অনুষ্ঠান করিয়াছিলেন।

বীরেন্দ্রচন্দ্র সিংহ ।

কুমার শরচ্চন্দ্র মৃত্যুকালে কুমার শ্রীযুক্ত বীরেন্দ্রচন্দ্র সিংহ নামে একমাত্র পুত্র রাখিয়া গিয়াছেন। ১৮৮১ খৃঃ কুমার বীরেন্দ্রচন্দ্র জন্মগ্রহণ করিয়াছেন। কুমার বাহাদুর ১৯১৩ খৃঃ এপ্রেল মাসে লোকাভ্যন্তরিত রাজা প্রতাপচন্দ্রের নামে কাশীপুর শ্মশানঘাটে গঙ্গাতীরে স্মৃদশ্য লোহনির্ম্মিত সোপানাবলী নিম্মাণ করা হয় দিয়াছেন। স্থার উইলিয়ম্ ডিউক বাহাদুর এই ঘাট জনসাধারণের জগু উন্মুক্ত করেন। অধুনা স্বর্গায় লালাবাবুর বংশের এই নবীন বংশধর নিজকুলের গৌরব ও মর্য্যাদা সম্পূর্ণরূপে অক্ষুণ্ণ রাখিতেছেন।

কুমার বাহাদুরের পুত্র সন্তান হয় নাই। তিনটা কন্যা বিদ্যমান ; তন্মধ্যে দুইটি তনয়ার শুভপরিণয় ক্রিয়া সম্পন্ন হইয়াছে।

৬ ঈশ্বরচন্দ্র সিংহ ।

রাজা প্রতাপচন্দ্র বাহাদুরের কনিষ্ঠ ভ্রাতা রাজা ঈশ্বরচন্দ্র সিংহ বঙ্গীয় নাট্যশালার উন্নতিকল্পে বিশেষ যত্ন ও অপৰ্যাপ্ত অর্থব্যয় করিয়াছিলেন। তাহার পরিচয় দিতে হইলে বেলগেছিয়ার নাট্যশালার সংক্ষিপ্ত বিবরণ দিতে হয়। তিনি কলিকাতা-বোড়াসাঁকোর স্বর্গীয় দ্বারকানাথ ঠাকুর মহাশয়ের স্নবিখ্যাত বেলগেছিয়া উদ্যান ক্রয় করেন। কলিকাতার সমাজে তৎকালে তাঁহার বিলক্ষণ প্রতিপত্তি ছিল। অতুল ঐশ্বৰ্য্যের অধিপতি এবং সাধারণের হিতকর প্রত্যেক অনুষ্ঠানের উৎসাহদাতা বলিয়া রাজপুরুষগণ তাঁহাকে যথেষ্ট সম্মান করিতেন। তিনি বিদ্যাসাগর মহাশয়ের সম্পূর্ণ গুণগ্রাহী ও কণ্ঠামুরাগী ছিলেন। বিদ্যাসাগর মহাশয়ের অনুষ্ঠিত সকল কার্যেই তাহার সবিশেষ সহানুভূতি ছিল। পাইকপাড়া রাজবংশও বিদ্যাসাগর মহাশয়ের নিকট নানা প্রকারে কৃতজ্ঞ। ১৮৬১ খৃঃ ২৬শে ফেব্রুয়ারি তারিখে রাজা ঈশ্বরচন্দ্র সিংহ ঐশ্বর্য্যালীলা সমাপন করেন। তিনি মৃত্যুকালে একমাত্র পুত্র কুমার ইন্দ্রচন্দ্র সিংহকে রাখিয়া যান।

৭ ইন্দ্রচন্দ্র সিংহ ।

রাজা ঈশ্বরচন্দ্রের পুত্র কুমার ইন্দ্রচন্দ্র সিংহ অল্প বয়সে সততা ও সুবুদ্ধির গুণে যথেষ্ট খ্যাতি লাভ করেন। তিনি উদার হৃদয় ও সজ্জন বলিয়া অতি লোকপ্রিয় ছিলেন। যখন ষ্টেটসম্যানের স্বর্গীয় স্বত্বাধিকারী ও সম্পাদক রবার্ট নাইট সাহেব বর্ধমানের মানহানির নোকর্দ্দমায় বিপন্ন, যখন ওরিয়েন্টাল্ বীমা কোম্পানীর অবস্থা শোচনীয়, তখন তিনি অর্থানুকূল্য দ্বারা উহাদের রক্ষা করিয়াছিলেন। ১৮৭৭ খৃঃ

১লা জানুয়ারি দিল্লীর রাজস্ব যজ্ঞে তিনি ভারতগবর্ণমেন্ট কর্তৃক নিমন্ত্রিত হইয়াছিলেন ; তৎকালে ভূতপূর্ব রাজপ্রতিনিধি লর্ড লিটন বাহাদুর ইন্ড্রচন্দ্রের বিশেষ প্রশংসা করিয়া একটি “দরবার মেডেল” উপহার প্রদান করেন। ১৮৯৪ খৃঃ ৩৭ বৎসর বয়ঃক্রম কালে কুমার ইন্ড্রচন্দ্র সিংহ নখরদেহ পরিত্যাগ করিয়াছেন। তাঁহার দুই বিবাহ হইয়াছিল ; তন্মধ্যে প্রথমা পত্নী, একমাত্র কন্যা সরস্বতীকে রাখিয়া লোকান্তরিতা হন। সেই কন্যার সহিত মুর্শিদাবাদ জেলার অন্তর্গত পাঁচখুপী-নিবাসী শ্রীযুক্ত শরৎচন্দ্র ঘোষ মৌলিক মহাশয়ের পরিণয় ক্রিয়া সমাপন হয়। তদীয় একমাত্র পুত্র শ্রীমান সত্যেন্দ্রনাথ ঘোষ মৌলিক বিদ্যমান। কুমার ইন্ড্রচন্দ্র, প্রথমা পত্নীর মৃত্যুর পর রশোড়া-নিবাসী ভাগলপুরের ডাক্তার লাডলীমোহন ঘোষ মহাশয়ের কন্যা শ্রীমতী মৃণালিনীর পাণিগ্রহণ করেন। ইন্ড্রচন্দ্রের মৃত্যুর পর মৃণালিনী শ্রীযুক্ত অরুণচন্দ্র সিংহকে পৌষাপুত্র গ্রহণপূর্বক তাঁহার বিষয় সম্পত্তির উত্তরাধিকারী করিয়াছেন।

অরুণচন্দ্র সিংহ ।

কুমার শ্রীযুক্ত অরুণচন্দ্র সিংহ ১৮৮৫ খৃঃ ১৩ই ডিসেম্বর তারিখে জন্ম গ্রহণ করিয়াছেন। ইনি কলিকাতার প্রেসিডেন্সী কলেজে বি-এস-সি পর্য্যন্ত অধ্যয়ন করেন। ইহঁার অপ্রাপ্ত বয়স্ক সময়ে জমিদারী বঙ্গদেশের এড্‌মিনিষ্ট্রেটর জেনারেলের তত্ত্বাবধানে ছিল ; অতঃপর ইনি সাবালক হইয়া স্বীয় জমিদারী প্রাপ্ত হইয়াছেন। ইনি জমিদারী স্বহস্তে পরিচালন করিতেছেন। নানাপ্রকার সংকার্য্য এবং শিক্ষাবিস্তারে ইহঁার অমুরাগ আছে। নোয়াখালী, ফরিদপুর, বুলেন্দুসহর প্রভৃতি জেলায় ইহঁার জমিদারী আছে। ইনি প্রজাপুঞ্জের শিক্ষা বিস্তারে

এবং বিদ্যালয়ের ছাত্রবৃন্দের শিক্ষা সৌকর্য্যার্থে অর্থানুকূল্য করিয়া থাকেন । ইনি স্বীয় জমিদারীর মধ্যে রাস্তা নিৰ্ম্মাণ, বিদ্যালয়, ঔষধালয়, কুপথনন প্রভৃতি দেশহিতকর কার্যো যথোচিত সাহায্য করেন । দেশে শ্বাহাতে শিল্প বাণিজ্যের উন্নতি হয়, তদ্বিষয়ে ইহঁার বিশেষ চেষ্টা ও সহানুভূতি দৃষ্ট হয় ।

আমুলিয়া রাজবংশ ।

১২০৩ খৃঃ বঙ্গ, বিহার ও উড়িষ্যার হিন্দুরাজত্ব বিলুপ্ত হয়। সেই অবধি ১৫৭৪ খৃঃ পর্য্যন্ত আফগান অথবা পাঠানগণ বঙ্গদেশে রাজত্ব করেন। ১৫৭৪ খৃঃ শেষ খাঠান সম্রাট দাউদ খাঁ মোগলদিগকে বঙ্গদেশে অর্পণ করিয়া উড়িষ্যা প্রদেশ আপন অধীনে রাখেন। তাহার কিছু দিন পরে দাউদ খাঁ পুনরায় বঙ্গদেশ আক্রমণ করেন। ১৫৭৬ খৃঃ অশ্বরাধিপতি রাজা মান সিংহ রাজমহলের যুদ্ধে দাউদ খাঁকে নিহত করেন। সেই সময়ে মোগলদিগের সহিত যোগদান পূর্বক রাজা গন্ধর্ব সিংহ যুদ্ধে জয়লাভ করিয়া বঙ্গদেশে প্রথ্যাত হন।

৮ সমররাম সিংহ ।

১৫৮০ খৃঃ রাজা মানসিংহ সেনাপতি ও শাসন কণ্ঠপদে নিযুক্ত হইয়া দিল্লীখর সম্রাট জাহাঙ্গীর কণ্ঠক বঙ্গদেশে প্রেরিত হন। তৎকালে গন্ধর্ব সিংহের পৌত্র সমররাম সিংহ চব্বিশ পরগণার অন্তর্গত আমুলিয়া পরগণার রাজা ছিলেন। বে সময়ে রাজা মানসিংহ বঙ্গদেশ জয় করিতে আগমন করেন, সেই সময় আমুলিয়ার হিন্দু রাজগণ পাঠানদিগের দক্ষিণ হস্তস্বরূপ ছিলেন। তাঁহারা বহুদিবস পাঠানদিগের রাজসভায় উচ্চ সম্মান প্রাপ্ত হইয়াছিলেন। এমন কি, পাঠানদিগের ধনাগার আমুলিয়া প্রাসাদে সুরক্ষিত হইত।

৩ দাতারাম সিংহ ।

অতঃপর যুদ্ধান্তে রাজা মানসিংহ সন্ধি করিয়া সমররামের পুত্র রাজা দাতারাম সিংহ মহেন্দ্রবাহাদুরকে গোবিন্দপুর প্রভৃতি কয়েকখানি গ্রাম অর্পণ করেন । রাজা দাতারাম আহুলিয়ার গড় পরিত্যাগ পূর্বক গোবিন্দপুরে দুর্গ নির্মাণ করিয়া বাস করিয়াছিলেন ।

৩ রামকৃষ্ণ সিংহ ।

আহুলিয়া রাজপ্রাসাদ উক্ত সময়ে ভাগীরথী গর্ভে অর্দ্ধাংশ নিমজ্জিত হইলে দাতারামের মধ্যম পুত্র রাজা রামকৃষ্ণ সিংহ চব্বিশ পরগণার অন্তর্গত ঢাকুরিয়ায় গড় নির্মাণ করেন । রাজা গঙ্গার্ব সিংহ বহু যত্নে রাজপুতানা পরিত্যাগ পূর্বক বঙ্গদেশে রাজ্য স্থাপনা করিয়া যান, কিন্তু এক্ষণে উহা কালবশে অর্দ্ধ চক্রাকারে চুণী নদীতীরে ভগ্নাবশেষ মাত্র বিদ্যমান । রাজা মানসিংহের সময় হইতেই আহুলিয়া হিন্দুরাজ্য বিলুপ্ত হয় ; কিন্তু তাহার অনেক পরেও আহুলিয়া নগরে মুসলমানদিগের আধিপত্য ছিল । ক্রমে রাজনগর আহুলিয়া গড় জনশূন্য স্থানে পরিণত হইয়াছে । বর্তমানে গড়ের সীমানা কাটিয়া রাণাবাটের সুপ্রসিদ্ধ পাল চৌধুরী বংশীয় জমীদারগণের রাস্তা হইয়াছে ।

৩ শোভারাম সিংহ ।

রাজা রামকৃষ্ণের পুত্রগণের মধ্যে রাজা রাজারাম, রঘুনাথ, কাশীনাথ প্রভৃতি মেদিনীপুর জেলার অন্তর্গত চেতুয়া-বরদা পরগণা ক্রয় করিয়া তথায় রাজ্যস্থাপনা করেন । সেই বীরকূলে রাজা সহস্ররাম, রাজা শোভা-

রাম, রাজা হিম্মৎরাম সিংহ প্রভৃতি জন্মগ্রহণ করেন। তৎকালে বঙ্গদেশে শোভারাম সিংহ একজন পরাক্রমশালী জমীদার ছিলেন। ১৬৯০ খৃঃ শোভারাম তাঁহার প্রথমা রাণী অজিতাকুম্ম দেবীকে চেতুয়া বরদার শত্রুপ্রাসাদ হইতে বহিষ্কৃত করিয়া দিলে, স্মৃতানুচীত জঙ্গলে চৌরঙ্গী নামক জনৈক মহাপুরুষ তাঁহাকে আশ্রয় দিয়াছিলেন। তজ্জন্ত বর্দ্ধমানাধিপতি মহারাজ কৃষ্ণরাম রায় তাঁহাকে পূর্ব প্রতিশ্রুতি অনুসারে কত্থা সম্প্রদান কারিতে ভীত হইয়াছিলেন। অতঃপর ১৬৯৬ খৃঃ চেতুয়া-বরদার রাজা শোভারাম সিংহ, বিষ্ণুপুরের রাজা গোলাপ সিংহ এবং চন্দ্রকোণার জমীদার রঘুনাথ সিংহ বিদ্রোহী হইয়া উড়িষ্যার বিখ্যাত পাঠান দলপতি রহিম খাঁর সহিত যোগদানপূর্ব্বক বর্দ্ধমানে বিদ্রোহ উপস্থিত করেন। অতঃপর মহারাজ কৃষ্ণরাম রায়কে নিহত করিয়া তাঁহার পরিবারবর্গকে অবরুদ্ধ করিয়া রাখেন। মহারাজকুমার জগৎরাম রায় কোশলে রাজপ্রাসাদ হইতে পলায়নপূর্ব্বক জীবন রক্ষা করেন; তন্মধ্যে মহারাজের এক অপরূপ লাবণ্যময়ী রূপবতী কুমারী কত্থাকে দেখিয়া পাপাচারী শোভারাম তাঁহার সতীত্ব নাশের চেষ্টা করিলে, রাজকত্থা স্বীয় অঙ্গ-বস্ত্র মধ্যে লুক্কায়িত এক তীক্ষ্ণধার ছুরিকাঘাতে শোভারামের প্রাণান্ত করিয়া সেই ছুরিকাঘাতে নিজেও প্রাণত্যাগ করেন। ১৭০৫ খৃঃ বর্দ্ধমানের অধীশ্বর বীর্যবান মহারাজ কীর্ত্তিচন্দ্র রায় পিতামহ হস্তা শত্রু শোভারামের ভ্রাতা হিম্মৎরামকে যুদ্ধে পরাস্ত করিয়া তাঁহার জমিদারী চেতুয়া-বরদা অধিকার করেন।

বর্ত্তমান সময়ে রাজা শোভারামের প্রপৌত্র কুমার শ্রীযুক্ত গিরীশচন্দ্র সিংহ, চব্বিশ পরগণা জেলার অন্তর্গত ঢাকুরিয়া গ্রামে অবস্থান করিতেছেন। তাঁহার ভ্রাতৃপুত্রের পৌত্র কুমার শ্রীযুক্ত নবীনচন্দ্র সিংহ ও কুমার শ্রীযুক্ত বেণীমাধব সিংহ, হগলী জেলার অন্তর্গত প্রাচীন আকনা নগরে অবস্থান করিতেছেন। জ্যেষ্ঠ নবীনচন্দ্রের পুত্রগণের মধ্যে শ্রীযুক্ত ক্ষেত্র-

মোহন সিংহ, শ্রীযুক্ত বটকৃষ্ণ সিংহ, শ্রীযুক্ত অপূর্বকৃষ্ণ সিংহ ও শ্রীযুক্ত শচীন্দ্রকৃষ্ণ সিংহ বিদ্যমান । কনিষ্ঠ বেণীমাধবের পুত্রগণ শ্রীযুক্ত শিবচন্দ্র সিংহ ও শ্রীযুক্ত কৃষ্ণচন্দ্র সিংহ প্রভৃতি এই প্রাচীন রাজবংশের গৌরব বর্ধন করিতেছেন ।

ভূকৈলাস রাজবংশ ।

চক্ৰিশ পরগণা জেলার অন্তর্গত ভূকৈলাস রাজবংশ অতি প্রাচীন জমীদারবংশ । ত্রিপুরা, ভুলুয়া, বাথরগঞ্জ, চক্ৰিশ পরগণা, ঢাকা প্রভৃতি জেলায় ইহাদের জমিদারী এবং বারানসীধামে বিবয় সম্পত্তি আছে । ভূকৈলাস রাজবংশ এক সময় লক্ষ্মী ও সরস্বতীর বরপুত্র ছিলেন ।

এই রাজবংশের উপাধি বন্দ্যোপাধ্যায় ; সর্বানন্দী মেল । পশুপতি বন্দ্যোপাধ্যায় এই বংশের আদিপুরুষ । তাঁহার পুত্র ত্রিনয়ন । ত্রিনয়নের তিন পুত্র—কৃষ্ণচন্দ্র, উদয়চন্দ্র ও সূর্য্যাক্ষ বন্দ্যোপাধ্যায় । মধ্যম উদয়চন্দ্রের পুত্র বানেশ্বর ; তাঁহার পুত্র বিশ্বনাথ ; তদীয় পুত্র কংসারি সর্বানন্দী মেল ছিলেন । কংসারির পুত্র শ্রীধর পাঠক ; তাঁহার পুত্র যদুনাথ সর্বপ্রথমে কুলভঙ্গ করিয়া “ঘোষাল” উপাধি প্রাপ্ত হন । তাঁহার সময় হইতেই এই বংশের উন্নতি আরম্ভ হয় । যদুনাথের পুত্র গোপীকান্ত ; তৎপুত্র রামকৃষ্ণ ; তাঁহার পুত্র রাজেন্দ্রনাথ ঘোষাল । রাজেন্দ্রনাথের দুই পুত্র—বিষ্ণুদেব ও কৃষ্ণদেব ঘোষাল । বিষ্ণুদেবের পুত্র—কন্দর্প ও রামচন্দ্র । কনিষ্ঠ রামচন্দ্রের তিন পুত্র—রামনিধি, রামলোচন ও রামজীবন ।

বিষ্ণুদেবের জ্যেষ্ঠ পুত্র কন্দর্প ঘোষালের সময় ইহাদিগের গোবিন্দপুর নামক স্থানে বাস ছিল । ১৭৫৪ খৃঃ বর্তমান ফোর্ট উইলিয়ম দুর্গ নিৰ্ম্মাণ কালে কন্দর্প ঘোষাল কলিকাতা—গোবিন্দপুর পরিভ্রমণ পূর্বক খিদিরপুর নামক স্থানে বাসস্থান নিৰ্ম্মাণ করেন । তাঁহার তিন পুত্র—কৃষ্ণচন্দ্র, গোকুলচন্দ্র ও রামচন্দ্র ঘোষাল ।

কন্দর্পের জ্যেষ্ঠ পুত্র কৃষ্ণচন্দ্র ; তাঁহার পুত্র স্বনামধন্য মহারাজ জয়-নারায়ণ ঘোষাল ।

৬ গোকুলচন্দ্র ঘোষাল ।

কন্দর্পের মধ্যম পুত্র গোকুলচন্দ্র ঘোষাল বঙ্গদেশের তৎকালীন শাসনকর্তা ভেরেলষ্ট সাহেবের দেওয়ান ছিলেন । তিনি প্রভূত অর্থার্জন করিয়া বিস্তৃত সম্পত্তির অধিকারী হন । ১৭৭২ খৃঃ দেওয়ান ঈগাকুলচন্দ্র ঘোষাল লোকান্তরিত হন । তাঁহার বৃন্দাবনচন্দ্র ও রামনারায়ণ নামে দুই পুত্র এবং হরিনতী, গঙ্গামতী ও লক্ষ্মীদেবী নামে তিন কন্যা হইয়াছিল । গোকুলচন্দ্রের জীবিতকালে তাঁহার দুই পুত্র অকালে কালগ্রাসে পতিত হইলে, তাঁহার মৃত্যুর পর জয়নারায়ণ ঘোষাল তদীয় বিষয় সম্পত্তির উত্তরাধিকারী হন ।

৭ জয়নারায়ণ ঘোষাল ।

১৭৫১ খৃঃ ৩রা আশ্বিন মহারাজ জয়নারায়ণ ঘোষাল বাহাদুর কলিকাতা গোবিন্দপুর নামক স্থানে জন্মগ্রহণ করেন । তিনি পঞ্চদশ বৎসর বয়সক্রমে কালে ইংরাজী, সংস্কৃত, বাঙ্গালা, আরবী ও পারস্য ভাষায় বুৎপন্ন লাভ করেন । বঙ্গোপসাগরে অবস্থিত নোয়াখালী জেলার অন্তর্গত সন্দ্বীপে তিনি কিছুকাল কাননগোর কর্ম করিয়াছিলেন । জয়নারায়ণের নামে চট্টগ্রামের অন্তর্গত নওয়াবাদের সন্নিকট জয়নগর জমিদারী সৃষ্টি হইয়াছিল । ১৭৬৫ খৃঃ তিনি মুর্শিদাবাদের নবাব নিজামদ্দৌলার অধীনে কয়েক বৎসর কার্য্য করেন । ১৭৬৮ খৃঃ নবাব সরফদ্দৌলার সময় নবাব সরকারের কার্য্য হইতে অবসর গ্রহণ করিয়া তিনি খিদিরপুরের নিকট ভূকৈলাস নামক স্থানে আসিয়া বসতি করেন । তৎপরে যশোহরের রাজস্ব সংক্রান্ত গোলযোগ নিবারণকল্পে যখন কলিকাতার ভূতপূর্ব পুলিশ সুপারিন্টেণ্ডেণ্ট কর্ণেল সেক্সপিয়ার, কোম্পানী কর্তৃক

প্রেরিত হন ; তৎকালে তিনি জয়নারায়ণকে সহকারীরূপে সমভি-
 বাহারে লইয়া যান । তাঁহার কার্যে বিশেষ সন্তুষ্ট হইয়া ১৭৮১ খৃঃ
 ওয়ারেন্ হেস্টিংস সাহেব বাহাদুর দিল্লীখর সাহ আলমের নিকট হইতে
 জয়নারায়ণের “মহারাজা বাহাদুর” উপাধি সনন্দ আনাইয়া দিয়াছিলেন ;
 অধিকন্তু সম্রাট তাঁহাকে তিন হাজারী মনসবদারী পদে নিযুক্ত করেন ;
 অর্থাৎ ৩৫০০ অশ্বারোহী সৈন্য রাখিবার অনুমতি প্রাপ্ত হন ।
 অতঃপর তিনি বাণিজ্য দ্বারা প্রভূত ধনসম্পত্তি অর্জন করিয়াছিলেন ।
 তাঁহার সময়ে খিদিরপুরে ভূকৈলাস প্রাসাদ নির্মিত হয় । নানাপ্রকার
 সংকল্পে তিনি বহু অর্থ ব্যয় করিয়া গিয়াছেন । তিনি খিদিরপুরে
 “পতিতপাবনী” নামে একটি দেবী মূর্তি প্রতিষ্ঠা করেন এবং দুইটি
 শিবমন্দির ও অগ্ন্যাত্ৰ দেব-দেবীর প্রতিমূর্তি স্থাপিত হয় । তিনি
 ৬ কালীঘাটের দেবীর চারিখানি রৌপ্যনির্মিত হস্ত নির্মাণ করাইয়া
 দিয়াছেন । শেষজীবনে তিনি পুণ্যভূমি ৬ বারানসীধামে বাস করিতেন ।
 ১৭৯৩ খৃঃ তথায় “করুণা-নিধান” নামক রাধাকৃষ্ণ মূর্তি প্রতিষ্ঠা করেন ।
 বারানসীধামের দুর্গাকুণ্ডের সন্নিকট ধাতুময় গুরু-প্রতিমা স্থাপন এবং
 উহার নিকট গুরুকুণ্ড নামক একটি পুষ্করিণী খনন করাইয়াছিলেন ।
 অন্যান্য স্থানেও তিনি বহুকীর্তি রাখিয়া গিয়াছেন । ৬ বারানসী-
 ধামের জয়নারায়ণ কলেজ মহারাজ বাহাদুরের শ্রেষ্ঠতম কীর্তি । ১৮১৭ খৃঃ
 এই কলেজ প্রতিষ্ঠার জন্য তিনি বহু অর্থ ব্যয় করিয়াছিলেন । তথায়
 নির্দিষ্ট সংখ্যক শিক্ষক এবং ছাত্র বিনাব্যায়ে আহার ও অবস্থান করিবার
 ব্যবস্থা করিয়া যান । এই বিদ্যামন্দির পরিচালনার জন্য মহারাজ বাহাদুর
 মৃত্যুকালে লণ্ডন মিশনারী সোসাইটীর হস্তে বিংশতি সহস্র মুদ্রা অর্পণ
 করিয়া গিয়াছেন । তিনি একজন সুকবি ছিলেন এবং “রাজকবি”
 বলিয়া সম্বোধিত হইতেন । বারানসীধামে অবস্থান কালে মহারাজ
 কয়েকখানি গ্রন্থ রচনা করেন ; তন্মধ্যে সংস্কৃতভাষায় শব্দকরী

সঙ্গীত, ব্রাহ্মনার্চণ চন্দ্রিকা, জয়নারায়ণ কল্পদ্রুম এবং বাঙ্গালা ভাষায় কাশীখণ্ড (অনুবাদ) ও করুনানিধান বিলাস উল্লেখযোগ্য । মহারাজের প্রণীত “কাশী পরিভ্রমণ” কাব্য কলিকাতার সাহিত্য পারিষদ হইতে প্রকাশিত হইয়াছে । তিনি মৃত্যুর সপ্ত দিবস পূর্বে ৬ কাশীবাসী আত্মীয়গণকে পত্র লিখিয়া শেষ বিদায় প্রার্থনা করিয়াছিলেন । অতঃপর ১৮২১ খৃঃ ২৫শে কার্তিক পূর্ণিমার দিবস ভূটেলাস রাজবংশের প্রতিষ্ঠাতা মহারাজ জয়নারায়ণ ঘোষাল বাহাদুর, পুণ্যভূমি ৬ বারানসীধামে দেহরক্ষা করিয়াছেন ।

৬ কালীশঙ্কর ঘোষাল ।

মহারাজ জয়নারায়ণের মৃত্যুর পর তাঁহার একমাত্র পুত্র কালীশঙ্কর ঘোষাল তদীয় বিষয়ের উত্তরাধিকারী হন । তৎকালে বারানসীধামে পাশ্চাত্ত্য বিদ্যার ও ইংরাজীভাষার আলোচনা অতি অল্প ছিল । তথায় কলেজ প্রতিষ্ঠার প্রস্তাব মহারাজ জয়নারায়ণ ও রাজা কালী শঙ্করের মস্তিষ্ক হইতেই প্রথম নিঃসৃত হইয়াছিল । তিনি এই হিতকর অনুষ্ঠানের সৰ্ব্বাগ্রগণ্য ছিলেন । তাঁহার যত্নে বারানসী নগরীতে কলেজ কমিটি স্থাপিত হয় এবং বাঙ্গালীর মধ্যে তিনিই ইহার প্রথম ও প্রধান সভ্য নির্বাচিত হইয়াছিলেন । কালীশঙ্কর কাশী কলেজ কমিটি ও ইংবাজী শিক্ষা বিস্তার কমিটির সর্বপ্রথম বাঙ্গালী সভ্য ছিলেন । কাশীর কুইন্স কলেজের প্রথম নক্সা তাঁহার সিদ্ধ হস্তের তুলিকা হইতে নিঃসৃত হইয়াছিল । তিনি গবর্ণমেন্টের বিশেষ প্রশংসাজনক হন এবং তাঁহার বদান্যতা গুণে মুগ্ধ হইয়া লর্ড এলেনবরা ১৮৪৩ খৃঃ কালীশঙ্করকে “রাজা বাহাদুর” উপাধি সম্মানে সম্মানিত করেন । তিনি বহু অর্থ ব্যয়ে বারানসীধামের গঙ্গাতটে দশাশ্বমেধ ঘাটে একটি

যজ্ঞ সাধন করিয়াছিলেন । তিনি তথায় একটি অক্লান্ত প্রতীষ্ঠা করেন । রাজা বাহাদুরের সাত পুত্র—কাশীকান্ত, সত্যপ্রসাদ, সত্যকিঙ্কর, সত্যচরণ, সত্যশরণ, সত্যপ্রসন্ন ও সত্যভক্ত ঘোষাল ।

৩ কাশীকান্ত ঘোষাল ।

কাশীশঙ্করের জ্যেষ্ঠপুত্র কাশীকান্ত ঘোষাল অতিথি-বৎসল ছিলেন । দরিদ্র ও নিঃসহায় ব্যক্তির উপর তাঁহার দয়া ছিল । তিনি অকালে তনুত্যাগ করেন । তাঁহার একমাত্র পুত্র সত্যদয়াল ঘোষাল ।

৩ সত্যপ্রসাদ ঘোষাল ।

কাশীশঙ্করের মধ্যম পুত্র সত্যপ্রসাদ ঘোষাল দেশের উন্নতি সাধন বিষয়ে যথোচিত উৎসাহ প্রকাশ করিয়াছিলেন । তাঁহার পুত্র সত্যজীবন ঘোষাল নানারূপ হৃদয়স্থানে বিশেষ সহানুভূতি প্রকাশ করেন । তৎপুত্র সত্যকিঙ্কর ঘোষাল ।

৩ সত্যকিঙ্কর ঘোষাল ।

কাশীশঙ্করের তৃতীয় পুত্র সত্যকিঙ্কর ঘোষাল জনসাধারণের নিকট বিশেষ প্রতিষ্ঠা লাভ করেন । তিনি মিষ্টভাষী ও বিনয়ী পুরুষ ছিলেন । তাঁহার কর্তব্য নিষ্ঠাতায়, শিষ্টাচার ও লোকপ্রিয়তায় সকলেই মুগ্ধ হইতেন । গবর্ণমেন্ট তাঁহার গুণের প্রশংসা করিয়া “রায় বাহাদুর” উপাধি সম্মানে সম্মানিত করেন ।

৮ সত্যচরণ ঘোষাল ।

কালীশঙ্করের চতুর্থ পুত্র সত্যচরণ ঘোষাল একজন সম্ভ্রান্ত ও ক্ষুদ্রবিদ্য ব্যক্তি ছিলেন । তাঁহার দুই পুত্র—সত্যানন্দ ও সত্যসত্য ঘোষাল ।

সত্যচরণের ক্ষেষ্ঠ পুত্র সত্যানন্দ ঘোষাল বুদ্ধিবলে ও চরিত্রগুণে তৎকালে বঙ্গদেশের একজন খ্যাতনামা পুরুষ হইয়াছিলেন । তিনি নানাপ্রকার সাধারণ সদ্ব্যুষ্ঠানে অর্থ ব্যয় করিতেন । তিনি দেশের উন্নতিকল্পে মনোনিবেশ করিতেন এবং একজন বদাগ্র পুরুষ ছিলেন । তিনি ব্রিটিশ ইণ্ডিয়ান এসোসিয়েশনের সদস্য এবং কয়েক বৎসর বঙ্গীয় ব্যবস্থাপক সভার সভ্য পদে নিযুক্ত ছিলেন । ১৮৬৯ খৃঃ ৩০শে সেপ্টেম্বর সত্যানন্দ ব্যক্তিগত “রাজা” উপাধি সম্মান প্রাপ্ত হন । তাঁহার পরবর্ত্তীগণ আর কেহই রাজা উপাধিতে এপর্য্যন্ত ভূষিত হন নাই ।

৯ সত্যশরণ ঘোষাল ।

কালীশঙ্করের পঞ্চম পুত্র সত্যশরণ ঘোষাল একজন বিদ্যান ও বিচক্ষণ পুরুষ ছিলেন । তিনি প্রভূত অর্থোপার্জন ও অনেক সদ্ব্যুষ্ঠান করিয়া যান । তিনি প্রথমে “রায় বাহাদুর” উপাধি প্রাপ্ত হন । তৎপরে গবর্ণমেন্ট তাঁহার গুণের বিশেষ প্রশংসা করিয়া “সি-এস-আই” উপাধি সম্মানে সম্মানিত করেন । তাঁহার অনেকগুলি সন্তান হইয়াছিল, কিন্তু তাঁহার সকলেই অকালে গতান্ব হন ; কেবল মাত্র একটি কন্যা জীবিত থাকেন ; কলিকাতার প্রেসিডেন্সী কলেজের ভূতপূর্ব অধ্যাপক শ্রীযুক্ত মহেশচন্দ্র বন্দোপাধ্যায়ের সহিত তাঁহার বিবাহ হইয়াছিল ।

৩ সত্যপ্রসন্ন ঘোষাল ।

কালীশঙ্করের ষষ্ঠ পুত্র সত্যপ্রসন্ন ঘোষাল একজন দূরদর্শী ও তেজস্বী পুরুষ ছিলেন। কোন সম্প্রদায়ের প্রতি তাঁহার বিদ্বেষ ছিল না; যে কোন ধর্মের প্রতি তিনি শ্রদ্ধা প্রদর্শন করিতেন। তাঁহার পুত্র সত্যাক্ষয় ঘোষাল নানা বিষয়ে স্বীয় প্রতিভা প্রদর্শন করেন। তিনি কলিকাতার অবৈতনিক প্রেসিডেন্সী ম্যাজিস্ট্রেট ও মিউনিসিপাল কমিশনার ছিলেন। তিনি একজন মেধাবী, মনীষী ও অস্বাভাবিক পুরুষ ছিলেন।

৩ সত্যভক্ত ঘোষাল ।

কালীশঙ্করের কনিষ্ঠ পুত্র সত্যভক্ত ঘোষাল অমায়িক ও লোক-বৎসল পুরুষ ছিলেন। তিনি দেশের ও দেশের কল্যাণে অর্থ ব্যয় করিতেন।

টাকার জমীদারবংশ ।

চব্বিশ পরগণা, জেলার অন্তর্গত এই বংশ একটি প্রাচীন ও সম্ভ্রান্ত জমীদার বংশ। মুসলমান সম্রাটদিগের সময় হইতে ইহার সৌভাগ্য-শালী হইতে থাকেন এবং তৎকালে ইহাদের বিশেষ প্রতিপত্তি ছিল। আধুনা এই বংশ বঙ্গদেশের নানা স্থানে বহু বিস্তৃত হইয়াছে।

বৌদ্ধধর্মাবলম্বী চন্দ্রবংশীয় রাজা আদিশূরের সময় পঞ্চজন ব্রাহ্মণ কাণ্ডকুজ হইতে বঙ্গদেশে আগমন করেন; তাঁহাদের সহিত বিরাট গুহ নামক জনৈক সহচর আসিয়াছিলেন।

৩ ভবানীদাস রায় চৌধুরী ।

বিরাট গুহ হইতে অধঃস্তন ত্রয়োদশ পুরুষ হ্রস্বভ গুহ একজন ঐশ্বর্য্যশালী ব্যক্তি ছিলেন। তিনি মুসলমানাধীনে উচ্চ পদবী লাভ করিয়া যথেষ্ট বিত্ত, প্রভূত সম্পদ এবং “মজুমদার” আখ্যা প্রাপ্ত হইয়াছিলেন। যশোহরের রাজা বসন্ত রায়ের আনীত তদীয় বৈবাহিক যত্ননন্দন বস্তুর সহিত তাঁহার অতি নিকট জাতি ভ্রাতা হ্রস্বভ গুহের পুত্র প্রতিভাশালী কৃতবিত্ত যুবক ভবানীদাস রায় চৌধুরী বাক্লা হইতে উঠিয়া আসিয়া বর্তমান খুলনা জেলার অন্তর্গত মাইহাটি পরগণা বৃত্তি প্রাপ্তে তদন্তর্গত ত্রীপুর গ্রামে বাসগ্রহণ করেন। তিনি এই বিস্তীর্ণ পরগণার অধীশ্বর হইয়া যশোহর সমাজে বিশেষ গণ্যমান্য হইয়াছিলেন এবং কুলীনগণ তাঁহাকে রাজবংশের নিম্নে আসন প্রদান করিয়াছিলেন। ভবানীদাস যশোহর রাজবংশের আদিপুরুষ রামচন্দ্র নিয়োগীর খুল্লতাত

চতুর্ভুজ গুহের প্রপৌত্র। তিনি অতি সচ্চরিত্র, নিষ্ঠাবান, সুপণ্ডিত ও ধার্মিক পুরুষ ছিলেন।

ভবানীদাসের দুই বিবাহ; তন্মধ্যে প্রথমা স্ত্রীর গর্ভে চণ্ডীশরণ ও যছনন্দন নামক দুই পুত্র জন্মে। তৎপরে দ্বিতীয়া পত্নীর গর্ভে তৃতীয় পুত্র কৃষ্ণদাস এবং সর্বশেষে প্রথমা স্ত্রীর কনিষ্ঠ পুত্র রুক্মিণীকান্ত জন্ম গ্রহণ করেন।

ভবানীদাসের মৃত্যুর পর চণ্ডীশরণ ও যছনন্দন বলপূর্বক পিতৃত্যক্ত সমস্ত বিষয় অধিকার করিয়া লইয়া কৃষ্ণদাস ও রুক্মিণীকান্তকে সম্পত্তিচ্যুত করিয়া শ্রীপুর হইতে নির্বাসিত করেন। সেই সময়ে কৃষ্ণদাস কঠুর গ্রামে মাতামহ আশ্রয়ে প্রতিপালিত হন। রুক্মিণীকান্ত বাধ্য হইয়া পূর্ববঙ্গের কোন আত্মীয়ের আশ্রয়ে বরিশাল জেলার অন্তর্গত ইদীলপুর গ্রামে বাসগ্রহণ করেন। তাঁহার বংশীয়গণ এক্ষণে তথায় বাস করিতেছেন।

ভবানীদাসের জ্যেষ্ঠ পুত্র চণ্ডীশরণ রায়চৌধুরী পরিশেষে রাজবংশের আশ্রয়ে যশোহর শ্লোকটে বাস করেন। পরে তাঁহার বংশীয়গণ সৈয়দপুরে উত্তিয়া বাসগ্রহণ করেন। সৈয়দপুরের বর্তমান রায়চৌধুরী, চাকলাদার ও সরকার বংশীয়গণ চণ্ডীশরণের বংশ সন্তৃত।

ভবানীদাসের মধ্যম পুত্র যছনন্দন রায় চৌধুরী শ্রীপুরেই ছিলেন। তথাকার রায়চৌধুরীগণ যছনন্দনের সন্তান।

৮ কৃষ্ণদাস রায় চৌধুরী।

ভবানীদাসের মৃত্যুর পর তাঁহার তৃতীয় পুত্র কৃষ্ণদাস রায় চৌধুরী মাতামহ আশ্রমে পালিত হন। সম্রাট জাহাঙ্গীরের সময়ে টাকীর পশ্চিমপ্রান্তে কঠুর গ্রামে ঘোষবংশীয় এক ঘর কুলজ “রায়” আখ্যাত

বঙ্গজ কায়স্থের বাস ছিল । আগড়গাড়া পরগণা তাঁহাদেরই জমিদারী । কৃষ্ণদাস এই বংশের দৌহিত্র ছিলেন এবং মাতামহের দেহান্তে তাঁহার সম্পত্তি প্রাপ্ত হন । পরে তিনি সপ্তগ্রাম সরকারের ফৌজদারের নিকট আবেদন করিয়া পৈতৃক সম্পত্তির চতুর্থাংশ প্রাপ্ত হন । এইরূপে তিনি প্রভূত বিত্তশালী ও ধনাঢ্য হইয়াছিলেন । এতদিন তিনি খুলনা জেলার সাতক্ষীরা মহকুমার অন্তর্গত জামীরা পরগণা অর্জন করেন ; তৎপরে তিনি টাকীতে বাস করিয়াছিলেন । কৃষ্ণদাসের পাঁচ পুত্র রঘুনাথ, রত্নেশ্বর, কাশীশ্বর, রাধাকান্ত ও কেশবদাস রায় চৌধুরী । কৃষ্ণদাসের দেহাবসানে পঞ্চভ্রাতা টাকীতে পৃথক পৃথক বাসস্থান গ্রহণ করেন । এই পঞ্চজন হইতে টাকীতে পঞ্চঘর কুলীন গুহবংশ উদ্ভূত হইয়াছেন ।

৬ রঘুনাথ রায় চৌধুরী ।

কৃষ্ণদাসের জ্যেষ্ঠপুত্র রঘুনাথ রায় চৌধুরীর বংশীয়গণ বড় রায় চৌধুরী নামে খ্যাত । ইঁহারা বড় চৌধুরী বংশের আদি । টাকীর বড় চৌধুরীগণের প্রভাবে যশোহর সমাজের অবস্থা অতি উন্নত হইয়াছিল । সামাজিক শাসনের প্রতাপ যথেষ্ট প্রবল ছিল । বংশ বিশুদ্ধি রক্ষার প্রতি সমূহ দৃষ্টি ছিল । তৎকালে বড় চৌধুরীগণ নদীর পশ্চিম তটবর্তী অঞ্চলের অধীশ্বর ছিলেন । তাঁহাদিগের বাটীস্থিত বিগ্রহ শ্রীশ্রীকৃষ্ণরায় জীউর দোলপর্ক অদ্যাপি প্রতি বর্ষে সমারোহের সহিত সমাহিত হইয়া থাকে । কুলিয়ার প্রসিদ্ধ গ্রাম্য দেবতা ৬ কালিকা দেবীও ইঁহাদের ঠাকুর । অদ্যাপি প্রতি শনি ও মঙ্গলবারে এবং প্রতি অমাবস্তা তিথিতে ইঁহারা দেবীর ষোড়শোপচারে পূজা করিয়া থাকেন ।

৬ রত্নেশ্বর রায় চৌধুরী ।

কৃষ্ণদাসের মধ্যম পুত্র রত্নেশ্বর রায় চৌধুরীর পুত্র মধুসূদন রায়-চৌধুরী হইতে টাকীর দ্বিতীয় গৃহবংশ উৎপন্ন হইয়াছেন। তাঁহার পুত্রগণ মধ্যে প্রথম দুইজন মূল ভদ্রাসন ত্যাগ করেন নাই। বহুগোষ্ঠী হেতু স্থানাভাব বশতঃ, তাঁহার কনিষ্ঠ পুত্রত্রয় বর্তমান গবর্ণমেন্ট স্কুল বাটীর সম্মুখস্থ গলির মধ্যে বড় চৌধুরীগণ কঙ্ক স্থাপিত হন। মূল ভদ্রাসনে তাঁহার গৃহদেবতার দোলপর্ক প্রতিবৎসর সমারোহের সহিত সম্পাদিত হইতেছে।

৭ কাশীধর রায় চৌধুরী ।

কৃষ্ণদাসের তৃতীয় পুত্র কাশীধর রায়চৌধুরীর পুত্র রামদেব রায়-চৌধুরী হইতে টাকীর নৃন্দীবংশ উৎপন্ন হইয়াছেন। রামদেবের চারি পুত্র—রামশঙ্কর, রামসন্তোষ, বৃন্দাবন ও গদাধর রায়চৌধুরী। তদীয় পুত্রগণ মধ্যে জ্যেষ্ঠ রামশঙ্কর ও কনিষ্ঠ গদাধর পৈতৃক ভদ্রাসন পরিত্যাগ পূর্বক টাকীর অন্তরে বাস পরিবর্তন করেন।

কৃষ্ণদাসের চতুর্থ পুত্র রাধাকান্ত রায়চৌধুরীর বংশ খালকুলিয়া গোষ্ঠী নামে অভিহিত। তথায় তাঁহার বংশধরগণ অद्याপি বাস করিতেছেন।

কৃষ্ণদাসের কনিষ্ঠ পুত্র কেশবদাস রায় চৌধুরীর বংশধরগণ টাকীর ছোট চৌধুরী নামে পরিচিত।

৮ রামশঙ্কর রায় চৌধুরী ।

রামদেবের জ্যেষ্ঠ পুত্র রামশঙ্করের তিন পুত্র—মনোহর, অযোধ্যারাম ও বিজয়রাম রায় চৌধুরী।

মনোহরের পুত্র পঞ্চানন, তৎপুত্র রাধানাথ, তাঁহার দুই পুত্র—কৈলাস চন্দ্র ও প্রসন্নচন্দ্র ; প্রসন্নের পুত্র ব্রজেন্দ্র, রাজেন্দ্র বি-এল উকীল, দ্বিজেন্দ্র ও নগেন্দ্রনাথ বি-এল, উকীল ।

অযোধ্যারামের পুত্র ভৈরবচন্দ্র, তাঁহার দুই পুত্র ভবানন্দ ও মহেশ ; ভবানন্দের পুত্র নিবারণ ও গোবিন্দচন্দ্র ; নিবারণের পুত্র বঙ্কিমচন্দ্র, গোবিন্দের পুত্র ক্ষুদিরাম । মহেশের পুত্র প্রসন্নচন্দ্র, তাঁহার পুত্র যোগেশ, অশ্বিনী ও ভূপেন ; যোগেশের পুত্র রমেশ, নরেশ ও প্রবেশ ; অশ্বিনীর পুত্র সুরেশ । বিজয়রামের দুই পুত্র রামলোচন ও গুরুদাস । রামলোচনের পুত্র হুর্গাচরণ, কালীচরণ ও দেবীচরণ রায় চৌধুরী ।

এই ধারার রামলোচন চৌধুরীর কীৰ্ত্তি অद्याপি গায়ধামে বিद्यমান ।

৩ রামসন্তোষ রায় চৌধুরী ।

রামদেবের দ্বিতীয় পুত্র রামসন্তোষ রায় চৌধুরী ১৭৫৭ খৃঃ জন্মগ্রহণ করেন । তিনি মেধাবী, সুধী ও সৌজন্যশালী ব্যক্তি ছিলেন । তিনি জালালপুরবাসী রামেশ্বর ঘোষের কন্যা মনোরমার পাণিগ্রহণ করেন । মনোরমার গর্ভে তাঁহার চারিপুত্র দয়ারাম, শ্রামসুন্দর, রামকান্ত ও গোবিন্দপ্রসাদ রায় চৌধুরী জন্মগ্রহণ করেন ।

৪ দয়ারাম রায় চৌধুরী ।

রামসন্তোষের জ্যেষ্ঠ পুত্র দয়ারাম রায় চৌধুরীর চারি পুত্র—রামচন্দ্র, দেওয়ান কমলাকান্ত, রঘুনাথ ও রাজীবলোচন রায় চৌধুরী । তাঁহার জ্যেষ্ঠ পুত্র রামচন্দ্রের দুই পুত্র—কালীকৃষ্ণ ও কৃষ্ণমোহন রায় চৌধুরী ।

দয়্যারামের মধ্যম পুত্র দেওয়ান কমলাকান্ত রায় চৌধুরী উত্তর পশ্চিম প্রদেশে গোরক্ষপুর অঞ্চলে ইংরাজ রাজের অধীনে দেওয়ানী পদ লাভ করিয়াছিলেন। গোরক্ষপুর অঞ্চলে আধিপত্যকালে, তিনি কাশীরেশের রাজ্যের বন্দোবস্ত কার্যে নিযুক্ত হইয়াছিলেন। সেই স্ত্রে পূণ্যধাম কাশীপুৰীতে তাঁহাকে কর্তৃত্ব করিতে হইয়াছিল। তদুপলক্ষে, কাশীর ভূবৃত্ত গুণ্ডাদিগের অত্যাচার নিবারণকল্পে তিনি কাশীতে স্থানে স্থানে তোরণ নিৰ্ম্মাণ করিয়াছিলেন। কাশীতে কমলাকান্ত শক্তি সাধনার প্রধান অঙ্গ “কুমারী পূজা” প্রবর্তন করেন। তদবধি বঙ্গদেশের সর্বত্র বিশেষতঃ কাশীধামে কুমারী পূজা বঙ্গবাসীর আদরণীয় হইয়াছে।

দেওয়ান কমলাকান্তের পুত্র শ্রীকান্ত রায় চৌধুরী মহাশয় আত্মীয় স্বজনদের প্রতিপালক, উদারচেতা, নিৰ্ম্মল স্বভাব পুরুষ ছিলেন। শ্রীকান্তের পুত্র শ্রীযুক্ত হর্যাকান্ত রায় চৌধুরী বি-এ, এক্ষণে ঐশ্বর্য ও সন্মান লাভ করিয়াছেন। তিনি কৃতবিদ্য, সচরিত্র ও ধান্মিক ব্যক্তি। তাঁহার দুই পুত্র—শ্রীমান শচীকান্ত ও শ্রীমান নারায়ণচন্দ্র রায় চৌধুরী।

দয়্যারামের তৃতীয় পুত্র রঘুনাথ রায় চৌধুরীর তিন পুত্র—দীননাথ, হরনাথ ও বজনাথ রায় চৌধুরী।

দয়্যারামের কনিষ্ঠ পুত্র রাজীবলোচনের পুত্র দ্বারকানাথ, তৎপুত্র ডাক্তার জ্ঞানেন্দ্রনাথ ; তাঁহার পুত্র শ্রীযুক্ত শিবেন্দ্রনাথ রায় চৌধুরী।

৩ শ্যামসুন্দর রায় চৌধুরী।

রামসন্তোষের মধ্যম পুত্র শ্যামসুন্দর রায় চৌধুরীর চারি পুত্র—বিশ্বনাথ যত্নাজয়, গঙ্গাধর ও কুশকৃষ্ণ।

শ্যামসুন্দরের জ্যেষ্ঠ পুত্র দেওয়ান বিশ্বনাথ রায় চৌধুরী পারসী ভাষায় সুপণ্ডিত ছিলেন। পিতৃব্য রামকান্ত মুন্সীর সাহায্যে তিনি বৰ্দ্ধমান

রাজসরকারে দেওয়ানের পদ প্রাপ্ত হইয়াছিলেন। পত্নী আইন অর্থাৎ ১৮১৯ খৃঃ ৮ আইন তাঁহার অসীম পাণ্ডিত্যের ও কার্য্য দক্ষতার পরিচায়ক। দেওয়ান বিশ্বনাথ যে প্রণালীতে বর্ধমান রাজ্যে পত্নী বিলি করিয়াছিলেন তদাদর্শে ইংরাজ রাজ এই আইন বিধিবদ্ধ করেন।

শ্রীমন্দের মধ্যম পুত্র মৃত্যুঞ্জয় রায় চৌধুরীর চারিপুত্র—কালীশঙ্কর, প্রসন্নচন্দ্র, উমাশঙ্কর ও বাণীশঙ্কর। কালী শঙ্করের পুত্র শ্রীযুক্ত আশুতোষ রায় চৌধুরী। প্রসন্নচন্দ্রের পুত্র—উপেন্দ্র ও তেজেন্দ্রচন্দ্র রায় চৌধুরী এম-এ, বি-এল। উমাশঙ্করের পুত্র—শ্রীযুক্ত ভবনাথ কলিকাতা হাইকোর্টের উকীল, ক্ষিতিনাথ, পার্শ্বনাথ, ইঞ্জিনিয়ার কুমুদনাথ ও অজিতনাথ। ভবনাথের পুত্র শ্রীমান সনৎকুমার; ক্ষিতিনাথের পুত্র শ্রীমান অনিলকুমার; পার্শ্বনাথের পুত্র শ্রীমান সমরেন্দ্রনাথ। বাণীশঙ্কর বি-এল মহাশয়ের পুত্র শ্রীযুক্ত শিবপ্রসাদ রায় চৌধুরী।

শ্রীমন্দের তৃতীয় পুত্র গঙ্গাধর রায় চৌধুরীর পুত্র তারাশঙ্কর; তদীয় দত্তক পুত্র অক্ষয়কুমার; তাঁহার দত্তক পুত্র শ্রীযুক্ত অশোককুমার রায় চৌধুরী।

৬ গোবিন্দপ্রসাদ রায় চৌধুরী।

রামসন্তোষের কনিষ্ঠ পুত্র গোবিন্দপ্রসাদ রায় চৌধুরী ‘আটচালার’ বাটীর মূল। তাঁহার একমাত্র পুত্র ভবানীপ্রসাদ রায় চৌধুরী। ভবানী-প্রসাদের পাঁচ পুত্র—মোহিনীমোহন, নবীনচন্দ্র, রাজমোহন, ললিতমোহন ও বিরাজমোহন রায় চৌধুরী। রাজমোহনের পুত্র মণিমোহন রায় চৌধুরী। ললিতমোহনের দুই পুত্র—লালমোহন ও সুধীরঞ্জন; কনিষ্ঠের পুত্র অমলকুমার ও বিমলকুমার রায় চৌধুরী।

৩ রামকান্ত রায় চৌধুরী।

রামসন্তোষের তৃতীয় পুত্র মুন্সী রামকান্ত রায় চৌধুরী ১৭৪১ খৃঃ জন্মগ্রহণ করেন। তিনি পারস্য, উর্দু ও বাঙ্গালা ভাষায় বিশেষ বুৎপন্ন ও অঙ্কশাস্ত্রে সুদক্ষ হইয়াছিলেন ; অধিকন্তু সংস্কৃত ভাষাও শিক্ষা করেন। পারস্য চর্চ্চায় তাঁহার সর্বাপেক্ষা অধিক দক্ষতা জন্মিয়াছিল। রামকান্ত কলিকাতায় আগমন করিয়া দেওয়ান গঙ্গাগোবিন্দ সিংহের নিকট চাকরী প্রার্থনা করিলে গঙ্গাগোবিন্দ তাঁহাকে নিজ সেরস্তায় একজন সামান্য কন্সচারীর পদ প্রদান করেন। হেষ্টিংস সাহেব রামকান্তের পারস্য ভাষায় লিপি কুশলতা লক্ষ্য করিয়া ভারতীয় রাজত্ববর্গকে রাজ্য সম্বন্ধীয় পত্রাদি লিখিবার জন্য মুন্সী অর্থাৎ “করেন সেক্রেটারী” পদে উন্নতি করেন। তিনি দক্ষতার সহিত মুন্সীর কার্য্য নির্বাহ করিতেন। তিনি উক্তপদ প্রাপ্ত হইয়া অতি অল্পকাল মধ্যে বিপুল বিভাগশালী হন। রঙ্গপুর ও দিনাজপুরের বন্দোবস্ত কার্য্যেও তিনি প্রভূত অর্থাভাজন করেন। তাঁহার বন্দোবস্ত দ্বারা গবর্ণমেন্টেরও বিশেষ লাভ হইয়াছিল। এজন্য হেষ্টিংস সাহেব প্রীত হইয়া তাঁহাকে বর্তমান নদীয়া জেলার পরগণা তালবেড়িয়া ও পরগণা বনবেড়িয়া নামক দুইখানি বিস্তৃত তালুক সামান্য রাজস্ব নির্দ্ধারণে জায়গীর স্বরূপ প্রদান করেন, অধিকন্তু নগ্নমুক্তা বিজড়িত বহুমূল্য শিরপেচ প্রদান করেন, লর্ড কর্ণওয়ালিস ও স্ত্রীর জন্ম শৌরের সময় তিনি কিসদিবস, রঙ্গপুর, বারাণসী ও গোরক্ষপুরের রাজস্ব সংগ্রহে নিযুক্ত হন। রামকান্তের প্রভাবে টাকীগ্রাম সাতিশয় সমৃদ্ধি লাভ করিয়াছিল। রামকান্ত হইতেই টাকী ও বরাহনগরের মুন্সীবংশ সমুদ্ভূত হইয়াছেন। তিনি কলুটোলার বাটী পরিত্যাগ করিয়া কলিকাতার উত্তরে বরাহনগর গ্রামে ভাগীরথীর নিকটে বাটী ও প্রশস্ত রাজপথ নির্মাণ করিয়া বাস করেন। রামকান্ত টাকীতে চারিটি শিব মন্দির নির্মাণ করাইয়া তাহাতে

চারি সহোদরের নামে চারিটি শিবলিঙ্গ প্রতিষ্ঠা করেন। সেই শিব মন্দির চতুষ্টিয় অত্য়পি বর্তমান আছে। তিনি টাকীর বাটীতে শালগ্রাম শিলা এবং বরাহনগরের বাটিতে শ্রীশ্রীরাধামোহন জীউ নামক বিগ্রহ স্থাপন করেন। এতদ্ভিন্ন তিনি এক সন্ন্যাসীর নিকট একটি শালগ্রাম শিলা প্রাপ্ত হইয়া উক্ত শ্রীশ্রীবৃনাথ জীউ নামক শিলা খণ্ড বরাহনগরের বাটীতে স্থাপন করেন। তিনি পুঁড়ার রাঘব বসুবংশীয় রামশঙ্কর বসুর কন্যা পদমখীকে বিবাহ করেন। ১৮০১ খৃঃ মুন্সী রামকান্ত রায় চৌধুরী পরলোকগত হইয়াছেন। তাঁহার ছয় পুত্র শ্রীনাথ, দেবনাথ, জানকীনাথ, প্রাণনাথ, গোপীনাথ ও ভারতনাথ এবং দুই কন্যা কৃষ্ণাঙ্গী ও ত্রিপুরা-সুন্দরী দাসী।

৬ শ্রীনাথ রায় চৌধুরী ।

রামকান্তের জ্যেষ্ঠ পুত্র শ্রীনাথ রায় চৌধুরী ১৭৯৩ খৃঃ জন্মগ্রহণ করেন। তিনি গোরক্ষপুরে কোম্পানীর অধীনে একটি কন্ঠে নিযুক্ত ছিলেন। ১৮০১ খৃঃ পিতৃদেবের মৃত্যুর পর তিনি রাজকাৰ্য্য পরিত্যাগ করেন। ১৮১৩ খৃঃ পর্য্যন্ত তিনি মুন্সী স্টেটের কাৰ্য্য পরিচালন করিয়া বিস্তৃত জমিদারীর শ্রীবৃদ্ধি করিয়াছিলেন। ১৮১৩ খৃঃ বরাহনগরের গঙ্গাতীরে শ্রীনাথ রায় চৌধুরী দেহত্যাগ করেন। তাঁহার পাঁচ পুত্র কালীনাথ, বৈকুণ্ঠনাথ, মথুরানাথ, হরিনাথ ও কৃষ্ণনাথ রায় চৌধুরী।

৭ কালীনাথ রায় চৌধুরী ।

শ্রীনাথের জ্যেষ্ঠ পুত্র কালীনাথ রায় চৌধুরী ১৮০১ খৃঃ জন্মগ্রহণ করেন। তিনি একবিংশ বর্ষ বয়ঃক্রমকালে পিতৃব্যাকৃত উইল অনুসারে

মুন্সীবংশের বিপুল সম্পত্তির আধিপত্য গ্রহণ করেন। গোপীনাথের মৃত্যুকালীন সমর্পণ অনুসারে প্রিন্স্ দ্বারকানাথ ঠাকুর সৰ্ব্ব বিষয়ে কালীনাথকে পরামর্শ দ্বারা সাহায্য করিতেন। তিনি টাকীর নদীতীরে একটা স্কুল স্থাপন করেন। তিনি টাকী হইতে সৈদপুর পর্য্যন্ত প্রশস্ত রাজপথ প্রস্তুতের জন্ত লক্ষ টাকা ব্যয়ভার বহন করেন, সেই রাজপথ অত্যাধিক বিদ্যমান থাকিয়া তাঁহার কীর্তির অলন্ত সাক্ষ্য প্রদান করিতেছে। প্রতিবৎসর দুর্গোৎসবের সময় তিনি বহু অর্থ দান করিতেন। তিনি রাজদ্বারে লক্ষ মুদ্রা দাখিল করিয়া এক ব্রাহ্মণের প্রাণদণ্ডের আদেশ রহিত করেন। তিনি বরাহনগরের “রাসবাড়ী” জমা করিয়া লইয়া তথায় একটা বিল খনন ও অতিথিশালার বিস্তৃত প্রাপ্তি পাঠে কালীনাথ সুরম্য দ্বিতল হস্ত নিৰ্ম্মাণপূর্ব্বক বরাহনগরের সেই বাড়িতেই অধিক সময় অবস্থিতি করিতেন। এক্ষণে সেই অট্টালিকা ও অতিথিশালার কোন চিহ্ন নাই। তিনি গ্রামের মধ্যে কয়েকটা রাস্তা প্রস্তুত করাইয়াছিলেন। তিনি অতিশয় সঙ্গীত প্রিয় ছিলেন। সঙ্গীত রচনা ও গীত গাহিবার শক্তি তাঁহার যথেষ্ট ছিল। তিনি সংস্কৃতভাষায় সুপণ্ডিত এবং পরম সাধক ছিলেন। তাঁহার সময়ে বরাহনগরে সঙ্গীতের প্রভূত আলোচনা হইত। তিনি বিদ্যাসুন্দরের পালা অবলম্বনে যাত্রাও করেন, সেই যাত্রার আদর্শে পশ্চাৎ বিখ্যাত গোপাল উড়ে বিদ্যাসুন্দর যাত্রা সৃষ্টি করেন। তিনি হাফ আখড়াই গীত রচনা করিয়াছিলেন। তাঁহার পাচালীতেও বিশেষ প্রীতি ছিল। সমাজ সংস্কার বিষয়ে তিনি রাজা রামমোহন রায়ের যথেষ্ট সাহায্য করিয়াছিলেন। কালীনাথ নামের পূর্বে “রায়” সম্মানের অধিকার প্রাপ্ত হন। ১৮৪০ খৃঃ রায় কালীনাথ চৌধুরী বরাহনগরের বাড়িতে সজ্জানে গঙ্গালাভ করেন। তাঁহার দুই কন্যা ভুবনমোহিনী ও বিদ্যাবাসিনী। মৃত্যুর পূর্বে কালীনাথ উইল দ্বারা মহোদর ভ্রাতাদিগকে সম্পত্তি অর্পণ করিয়া বিধবা পত্নীকে জীবিতকাল

পর্যন্ত মাসিক পঞ্চাশ টাকা বৃত্তি এবং কত্য়স্বয়কে চারি সহস্র হিসাবে:
অষ্ট সহস্র মুদ্রা দানের আদেশ করিয়া যান ।

৬ বৈকুণ্ঠনাথ রায় চৌধুরী ।

শ্রীনাথের মধ্যম পুত্র বৈকুণ্ঠনাথ রায় চৌধুরী বরাহনগর পরিত্যাগ-
পূর্বক ফরাসডাঙ্গায় বাস করেন । তথায় অবস্থিতিকালে চন্দন-
নগরের ফরাসী গবর্ণরের সহিত তাঁহার বিশেষ সৌখ্য হয় এবং তিনি
ফরাসীভাষা শিক্ষা করিয়া ফরাসীদিগের সহিত মিলিত হন । তথায় তিনি
সাধারণের প্রিয়পাত্র হইয়াছিলেন । ফরাসী গবর্ণর, শাসন সংক্রান্ত
বিষয়ে তাঁহার পরামর্শ গ্রহণ করিতেন । তিনি তথায় একটি ঘাট পুনঃ
নির্মিত করিয়া দিয়াছিলেন, সেই ঘাট অত্য়পি বিদ্যমান আছে । কালী-
নাথের মৃত্যুর পর ১৮৪০ খৃঃ তাঁহার বিষয় সম্পত্তি বৈকুণ্ঠনাথ প্রাপ্ত হন ।
শোভাবাজারের রাজা স্মার রাধাকান্ত দেব বাহাদুর স্বীয় বুদ্ধি দোষে এবং
নড়াইলের সুপ্রসিদ্ধ জমিদার রামরতন রায়ের পন্থামর্শে তাঁহার সহিত
শত্রুতা করিয়া অপমানিত হইয়াছিলেন । তিনি সঙ্গীত প্রিয় ছিলেন ।
বঙ্গের তাৎকালীন কয়েকজন প্রসিদ্ধ গায়ক তাঁহার বেতনভোগী
ছিলেন । বৈকুণ্ঠনাথ স্বয়ং সেতারে নিপুণ ছিলেন । তিনি শাস্ত্রেও
অভিজ্ঞ ছিলেন । স্ববংশের সম্বন্ধের প্রতি তাঁহার বিশেষ দৃষ্টি ছিল ।
তিনি দান শৌণ্ডতার জগ্য় প্রসিদ্ধ ছিলেন । পরদুঃখ মোচনের জগ্য় তিনি
ব্যগ্র হইতেন । তিনি বারাসত হইতে সোলাদান পর্যন্ত রাজপথের ব্যয়
ভার বহন করেন । তিনি স্বাধীনচেতা ও গুণগ্রাহী পুরুষ ছিলেন ।
সদগুণশালী ব্যক্তিকে পুরস্কৃত করিতে তিনি মুক্ত হস্ত ছিলেন ।
১৮৫৫ খৃঃ ঊন পঞ্চাশ বর্ষে বৈকুণ্ঠনাথ রায় চৌধুরী স্বর্গারোহণ করেন ।
তাঁহার মৃত্যুর রূপ মুন্সী পরিবারের গৃহ বিবাদে পতন হইতে আরম্ভ

হয়। অতঃপর এই পরিবার দুইভাগে বিভক্ত হইয়াছে। শ্রীনাথ ও গোপীনাথের বংশধরগণ অধুনা দুই শাখার প্রতিনিধি থাকিয়া বংশের গৌরব রক্ষা করিতেছেন।

৮ মথুরানাথ রায় চৌধুরী।

শ্রীনাথের তৃতীয় পুত্র মথুরানাথ রায় চৌধুরী সম্পত্তি বৃদ্ধি করিয়াছিলেন; কিন্তু এই সময় হইতেই মুন্সীবংশের সম্পত্তি হ্রাসের সূচনা হয়। তাঁহার চেষ্টায় কলিকাতার সন্নিকট বালিয়াঘাটার বিস্তর কারবার অনুষ্ঠিত হইয়াছিল। তজ্জন্ত তিনি তথায় উদ্যানবাটী নির্মাণপূর্বক বংশের অধিকাংশ কাল অবস্থিতি করিতেন। বালিয়াঘাটা অঞ্চলে তাঁহার দোদীপ্ত প্রতাপ ছিল। তিনি কতকগুলি মল্ল রাখিয়াছিলেন। তাঁহার প্রভাবে বরাহনগরে সামাজিক শাসন প্রথর ছিল। * ১৮৫৫ খৃঃ তিনি বরাহনগরের নিকটবর্তী নদীতীরে মুন্সীদিগের বর্তমান বাসভবন নির্মাণ করেন। মথুরানাথের পরলোকান্তে তাঁহার উইলের বিধান মতে তদীয় দিতায়ী পত্নী সুরেন্দ্রনাথকে এবং কনিষ্ঠা পত্নী শ্রীযুক্ত রায় যোতীন্দ্র নাথকে ১৮৬৬ খৃঃ দত্তক গ্রহণ করেন।

৯ সুরেন্দ্রনাথ রায় চৌধুরী।

১৮৮৫ খৃঃ সুরেন্দ্রনাথ বরাহনগরের বাসভবনের বিশেষ উন্নতি করেন। তিনি অতি সদাশয় ব্যক্তি ও মুক্ত হস্ত পুরুষ ছিলেন। স্বধর্ম্যে তাঁহার বিশেষ আস্থা ছিল। নবীন বয়সে কঠোর পুরশ্চরণাদি ক্রিয়া সম্পাদন করিয়া তিনি সাধারণের বিশেষ শ্রদ্ধাভাজন হইয়াছিলেন। ১৮৮৯ খৃঃ অষ্টবিংশ বৎসর বয়সে তিনি অকালে মৃত্যুমুখে পতিত হন।

তাঁহার মৃত্যুর দুই দিবস পরে তৎপুত্র শ্রীযুক্ত হরেন্দ্রনাথ রায় চৌধুরী ভূমিষ্ঠ হন। অধুনা ইনি বংশের গৌরব রক্ষা করিতেছেন। ইঁহার দুই পুত্র বিद्यমান।

যোতীন্দ্রনাথ রায় চৌধুরী ।

রায় শ্রীযুক্ত যোতীন্দ্রনাথ রায় চৌধুরী শ্রীকণ্ঠ এম, এ, বি, এল মহাশয় প্রতিভাবলে ও চরিত্রগুণে বঙ্গদেশের একজন খ্যাতনামা ব্যক্তি বলিয়া পরিচিত। ইনি কলিকাতা হাইকোর্টের একজন সুপ্রসিদ্ধ উকীল। নানাবিধ সাধারণ সদহুষ্ঠানে ইনি অর্থ ব্যয় করিয়া থাকেন। ইনি নানাশাস্ত্রে বিশেষতঃ দর্শনশাস্ত্রে বিশেষ পারদর্শী। ইনি বেদান্ত, সাংখ্য, পাতঞ্জল প্রভৃতি শাস্ত্রে ব্যুৎপত্তি লাভ করিয়াছেন। বিদ্যাচর্চা ব্যতীত ধর্মচর্চাও ইঁহার যথেষ্ট আছে। ইনি শিক্ষাক্ষেত্রে দেশের নানাবিধ কল্যাণসাধন করিতেছেন। ইনি কলিকাতা বিশ্ববিদ্যালয়ের একজন সভ্য, জাতীয় মহাসমিতির অগ্রতম সদস্য, বঙ্গীয় সাহিত্য পরিষদের সম্পাদক, বঙ্গীয় কায়স্থ সভার সভ্য প্রভৃতি পদে অধিষ্ঠিত আছেন। ইনি একবার সাহিত্য পরিষদের রঙ্গপুর শাখা সভার বার্ষিক অধিবেশনে সভাপতির আসন অলঙ্কৃত করেন। তৎকালে রঙ্গপুরের স্বনামখ্যাত পণ্ডিতপ্রবর মহামহোপাধ্যায় শ্রীযুক্ত যাদবেন্দ্র তর্করত্ন মহোদয় যোতীন্দ্রনাথকে “শ্রীকণ্ঠ” উপাধি প্রদান করিয়াছেন। দেশের প্রায় সকল সদহুষ্ঠানে ইনি যোগদান করিয়া থাকেন। ইনি সাহিত্য ও ধর্মানুরাগ বর্দ্ধিত করিবার জন্ত একান্তমনে চেষ্টা করিতেছেন। ইনি মিষ্টভাষায় মনোহর বক্তৃতা করিয়া থাকেন। ইনি কৃতবিদ্যা, স্বদেশভক্ত, মাতৃভাষার অনুরাগী ও বিদ্যোৎসাহী ব্যক্তি। ইনি দেশের ও সমাজের অগ্রণী। যোতীন্দ্রনাথ বিদ্যাবুদ্ধির বিচক্ষণতা, আইন জ্ঞানের কৃতিত্ব ও হৃদয়ের বলবন্ততার

পরিচয় পদেপদে প্রদর্শন করিতেছেন। ইহার একমাত্র পুত্র শ্রীমান
ধীরেন্দ্রনাথ রায় চৌধুরী।



৬ কৃষ্ণনাথ রায় চৌধুরী।

শ্রীনাথের কনিষ্ঠ পুত্র কৃষ্ণনাথ রায় চৌধুরী জ্যেষ্ঠের আদর্শে বিদ্যা-
সুন্দর বাত্না করিয়াছিলেন।^{১০} তিনি জনসমাজে বিশেষ প্রতিপত্তি লাভ
করিতে পারেন নাই। ১৮৬১ খৃঃ চল্লিশ বৎসর বয়সে কৃষ্ণনাথ রায়
চৌধুরী পরলোকগমন করেন। তাঁহার উইল অনুসারে তৃতীয় ভ্রাতা
মথুরানাথ মুন্সী-সম্পত্তির অদ্ধাংশের উত্তরাধিকারী হইয়াছিলেন। কৃষ্ণ
নাথের পুত্র শ্রীযুক্ত যোগেন্দ্রনাথ রায় চৌধুরীর সন্তানাদি হয় নাই।

রামকান্তের চতুর্থ পুত্র প্রাণনাথ রায় চৌধুরী এবং কনিষ্ঠ পুত্র ভারত
নাথ রায় চৌধুরী পিতার জীবিতকালে ইহলোক পরিত্যাগ করেন।
তাঁহাদের সন্তানাদি হয় নাই।



৭ গোপীনাথ রায় চৌধুরী।

রামকান্তের পঞ্চম পুত্র গোপীনাথ রায় চৌধুরী অল্পকাল মধ্যে
বাঙ্গালা, পারসী ও সংস্কৃত ভাষায় বিশেষ বুৎপন্ন এবং হিসাবপত্রে
সুদক্ষ হইয়াছিলেন। ১৮১৩ খৃঃ তিনি মুন্সী ষ্টেটের প্রতিনিধি হন।
তাঁহার সময়ে মুন্সীদিগের সৌভাগ্য সর্বোচ্চ হয়। তিনি অতিশয়
প্রজাবৎসল ছিলেন। তাঁহার সময়ে জমীদারীর উপসত্ত্ব বহুল পরিমাণে
বর্দ্ধিত হইয়াছিল এবং তিনি প্রচুর অর্থ সঞ্চয়ে সক্ষম হইয়াছিলেন।
এতদ্ভিন্ন বশোহর, খুলনা, বাথরগঞ্জ, হুগলী, নদীয়া, মানভূম, ত্রিপুরা,
কটক প্রভৃতি জেলায় বহুতর জমীদারী, তালুক, ইজারা ও পত্তনী মহাল

গ্রহণ করেন। টাকীর নিকটবর্তী সাতক্ষীরা মহকুমার অন্তর্গত পানিতর ও ঝইকিরী নামক দুইখানী তালুকের অংশ ক্রয় করেন। পাইক-পাড়া রাজবংশের পূণ্যবান মহাত্মা লালাবাবু যখন সংসার ত্যাগ করেন, তখন তাঁহার নাবালক পুত্র শ্রীনারায়ণের রক্ষনাবেক্ষণ ও জমিদারীর শাসনভার তিনি গোপীনাথের হস্তে অর্পণ করিয়া যান। তিনি টাকীতে ব্রাহ্মণ ও কায়স্থদিগের বসতির জন্ত বহুল সাহায্য করেন। তিনি কলিকাতার হিন্দু কলেজ প্রতিষ্ঠায় বোঁগদান ও অর্থদান করিয়াছিলেন। দেবতা, ব্রাহ্মণ ও গুরুজনের প্রতি তাঁহার অসীম ভক্তি শ্রদ্ধা ছিল। তিনি দুইটী শিবলিঙ্গ স্থাপন করেন। অতিথিসেবা ও দানাদি কার্যে প্রতিবর্ষে তাঁহার প্রভূত অর্থ ব্যয় হইত। ধর্ম্মকার্যে তাঁহার সাতিশয় আস্তা ছিল। লৌকিক আচার ব্যবহারে তিনি সর্বজন প্রিয় ছিলেন। তিনি শ্রুতিধর ছিলেন। ভূসম্পত্তি ব্যতীত তাঁহার কোম্পানীর কাগজের কারবার ছিল। তাঁহার বশঃ সৌরভ বঙ্গদেশের সর্বত্র প্রচারিত হইয়াছিল। তিনি নবমবর্ষকাল মাত্র মুন্সীবংশের, বিপুল সম্পত্তির আধিপত্য করেন। ১৮২২ খৃঃ উনত্রিংশ বৎসর বয়সে গোপীনাথ রায় চৌধুরীর জীবনকাল পর্য্যবসিত হয়। তিনি মৃত্যুকালে ২৮ লক্ষ টাকা নগদ, অলঙ্কার তৈজসাদিসহ বিশাল ভূসম্পত্তি রাখিয়া যান। সেই সময়ে তাঁহার একমাত্র নাবালক পুত্র প্রিয়নাথ ও বিধবা পত্নী ছিলেন। তিনি একখানি উইল দ্বারা তাঁহার বিষয় সম্পত্তি তদীয় ভ্রাতুষ্পুত্র কালীনাথকে তত্ত্বাবধানের জন্ত নিযুক্ত করিয়া যান।

৩ প্রিয়নাথ রায় চৌধুরী ।

গোপীনাথের পুত্র প্রিয়নাথ রায় চৌধুরী ১৮১৯ খৃঃ জন্মগ্রহণ করেন। তিনি বয়ঃপ্রাপ্ত হইয়া নিজ কর্তব্য পালনে কৃতিত্ব ও স্বাধীন চিন্ততার

পরিচয় দিয়া জনসমাজে সমাদরভাজন হইয়াছিলেন। তিনি অতি সরল-চেতা ছিলেন। কয়েক বৎসর অতীত হইল প্রিয়নাথ রায় চৌধুরী ইহলোক হইতে চিরবিদায় গ্রহণ করিয়াছেন। মৃত্যুকালে তিনি চারি পুত্র ভূপেন্দ্রনাথ, জ্ঞানেন্দ্রনাথ, নরেন্দ্রনাথ ও ক্ষীরোদকৃষ্ণ এবং এক কন্যা স্মারময়ীকে রাখিয়া যান। বহুদিবস মোকদ্দমা করিয়া প্রিয়নাথের পুত্রগণ অনেক বিষয় সম্পত্তি নষ্ট করেন।

প্রিয়নাথের জ্যেষ্ঠপুত্র ভূপেন্দ্রনাথ রায় চৌধুরী উদারচেতা পুরুষ ছিলেন। সাহিত্যসেবাও তাঁহার গণ্যে ছিল। তিনি “শৈল-নন্দিনী” নামে একখানি নাটক প্রণয়ন করেন। ১৮৯৪ খৃঃ ৫১ বৎসর বয়সে ভূপেন্দ্রনাথ রায় চৌধুরী মহাপ্রস্থান করিয়াছেন। তাঁহার পাঁচ পুত্র শ্রীযুক্ত কিরণচন্দ্র, কমলকৃষ্ণ, অমলকৃষ্ণ, শ্রীযুক্ত জ্যোতিরিন্দ্রনাথ ও শ্রীযুক্ত জিতেন্দ্রনাথ রায় চৌধুরী।

প্রিয়নাথের মধ্যম পুত্র জ্ঞানেন্দ্রনাথ রায় চৌধুরী ১৮৭৭ খৃঃ একবিংশ বৎসর বয়সে বেলিয়াঘাটার উত্তান বাটিতে অকালে ইহ্যাম পরিত্যাগ করিয়াছেন। তাঁহার তিন পুত্র শ্রীযুক্ত সত্যেন্দ্রনাথ, শ্রীযুক্ত গুণেন্দ্রনাথ ও রমেন্দ্রনাথ এবং দুই কন্যা শ্রীমতী সৌদামিনী ও কুমুমকুমারী দাসী।

প্রিয়নাথের তৃতীয় পুত্র নরেন্দ্রনাথ রায় চৌধুরী বি, এল, পরীক্ষায় উত্তীর্ণ হইয়াছিলেন। ১৮৭৭ খৃঃ বঙ্গেশ্বর শ্রার এসলী ইডেন্ তাঁহাকে ডেপুটি মাজিস্ট্রেট পদে নিযুক্ত করেন। সেই হুত্রে তিনি খুলনা, কুমিল্লা, ছাপরা প্রভৃতি জেলায় বিশেষ দক্ষতার সহিত রাজকার্য্য সম্পাদন করিয়া যশস্বী হন। ১৮৮৩ খৃঃ চব্বিশ বৎসর মাত্র বয়ঃক্রম কালে তিনি মৃত্যু মুখে পতিত হইয়াছেন।

প্রিয়নাথের কনিষ্ঠ পুত্র ক্ষীরোদকৃষ্ণ রায় চৌধুরী মহাশয়ের কোন সম্ভানাদি হয় নাই।

খড়দহ জমীদারবংশ

চব্বিশ পরগণা জেলার অন্তর্গত খড়দহ গ্রামের বিশ্বাস বংশ একটি প্রাচীন জমীদারবংশ। এই কায়স্থবংশের প্রতিষ্ঠাতা রামদাস দাসের জ্যৈষ্ঠ বংশধর শিবচন্দ্র দাস হাবড়া জেলার অন্তর্গত আন্দুলের সন্নিকট সাকরেল গ্রামে বাস করিতেন। মুর্শিদাবাদের নবাবের অধীনস্থ জ্যৈষ্ঠ কালেক্টারের অধীনে তিনি একজন সহকারী মুন্সীর কর্মে নিযুক্ত ছিলেন। তৎকালে মহারাষ্ট্রাণ কালেক্টারী আক্রমণ করিলে শিবচন্দ্র তাঁহার অর্থাৎ লইয়া মুর্শিদাবাদ পলায়ন করেন ; কিন্তু পথিমধ্যে শত্রুগণ কর্তৃক আক্রান্ত হন। অতঃপর নবাব বাটিতে প্রবেশ করিবার কিছু পূর্বেই নিহত হইয়াছিলেন।

৩ রামজীবন বিশ্বাস।

নবাব তাঁহার ধনরত্ন শিবচন্দ্রের বিশ্বাসজনক কার্যে রক্ষা হয় দেখিয়া তৎক্ষণাৎ তিনি শিবচন্দ্রের পুত্র রামজীবনকে আনাইয়া বসন্তপুর নামে একখানি গ্রাম জায়গীর প্রদান করিয়া “বিশ্বাস” উপাধি ভূষণে সন্মানিত করেন। তৎপরে তিনি সপরিবারে বসন্তপুরে বাস গ্রহণ করিয়াছিলেন।

৩ দয়ারাম বিশ্বাস।

রামজীবনের পুত্র দয়ারাম বিশ্বাস কোন রাজার অধীনে একজন নায়েব ছিলেন। তিনি রাইরতদিগের প্রতি অত্যাচার করিলে তাহারা

দয়ারামকে হত্যা করিয়াছিল ; অধিকন্তু রাইয়তেরা তাঁহার বাটি বেচন পূর্বক ধনসম্পত্তি লুণ্ঠন ও স্ত্রীপুত্রকে নিধন করিবার চেষ্টা করিয়াছিল । সেই বিপদের সময় দয়ারামের পত্নী ভবানী দাসী তাঁহার শিশুপুত্র রাম-হরিকে লইয়া একজন বিখণ্ড ভৃত্যের সহিত পশ্চাৎভাগের দ্বার দিয়া চব্বিশ-পরগণার অন্তর্গত আনোয়ারপুরের অধীন মহেশ্বরপুর গ্রামে তাঁহার পিতৃভবনে পলায়ন করিয়াছিলেন । তথায় তিনি অতি সামান্য ভাবে দিন যাপন করিয়া একমাত্র পুত্র রামহরিকে প্রতিপালন ও বিদ্যাশিক্ষা দিয়াছিলেন ।

৩ রামহরি বিশ্বাস ।

দয়ারামের পুত্র রামহরি বিশ্বাস অতি অল্পকাল মধ্যেই নানাবিষয়ে অভিজ্ঞ হইয়াছিলেন । তিনি বয়ঃপ্রাপ্ত হইয়া চট্টগ্রামে লবণ বিভাগে একটি কন্স প্রাপ্ত হন এবং কয়েক বৎসর মধ্যে তথাকার দেওয়ান পদে উন্নীত হইয়াছিলেন । সেই কন্সে তিনি প্রভূত বিভ্রাণী হন । অতঃপর রাজকার্য্য হইতে অবসর গ্রহণ পূর্বক তিনি প্রায় এককোষ টাকা আনিয়া বারাকপুরের সন্নিকট খড়দহ নামক গ্রামে বসতি করেন । তথায় বাস করিবার কয়েক বৎসর পর মাতৃবিয়োগ হয় । তিনি স্নান-পরায়ণ, পরম ধার্মিক ও সদাচারী পুরুষ ছিলেন । বারাণসী, গয়া, প্রয়াগ, মথুরা, বৃন্দাবন, পুরুষোত্তম প্রভৃতি বহু তীর্থস্থান তিনি ভ্রমণ করিয়াছিলেন । তিনি ৬ কাশীধামে এক মন্দির নির্মাণ করাইয়া শিব স্থাপনা করেন এবং ৬ পুরীধামে একটি ধর্মকর্মানুষ্ঠানের সময় প্রায় চারি সহস্র দরিদ্র ব্যক্তিকে পরিতোষসহকারে ভোজন করাইয়া তাহাদের প্রত্যেক ব্যক্তিকে একটি পিতলের ঘটি, কঙ্কল এবং নগদ মুদ্রাও দিয়া-ছিলেন । তিনি চট্টগ্রামে ৬ ভুবনেশ্বরীর মন্দির উৎসর্গ করেন । তিনি

খড়দহে শ্রীশ্রীগোপাল জীউর সেবার সুবন্দোবস্ত, দ্বাদশ মন্দির নির্মাণ এবং একটি স্নানঘাট প্রতিষ্ঠা করেন। তিনি চব্বিশ-পরগণা, নোয়াখালী ও অন্তান্ত জেলায় অনেকগুলি জমিদারী ক্রয় করিয়াছিলেন। তিনি ব্রাহ্মণগণকে ব্রহ্মভর দান করিয়া গিয়াছেন। ১৮০৩ খৃঃ রামহরি বিশ্বাস জাবলীলার অবসান করিয়াছেন। তিনি মৃত্যুকালে দুই পুত্র প্রাণকৃষ্ণ ও জগমোহনকে রাখিয়া যান।

৬ প্রাণকৃষ্ণ বিশ্বাস ।

রামহরির জ্যেষ্ঠ পুত্র প্রাণকৃষ্ণ বিশ্বাস কুচবিহার ও শ্রীহটে দেওয়ানের কার্য্য করেন। তিনি অনেকগুলি সংস্কৃত গ্রন্থ প্রণয়ন করিয়া বিনামূল্যে বিতরণ করিয়াছিলেন; তন্মধ্যে প্রাণতোষিনী, বৈষ্ণবামৃত, বিষ্ণুকোমুদী, ভাস্কোমুদী, শঙ্কাসুদী, ক্রিয়াসুদী, ঔষধাবলী প্রভৃতি কয়েকখানি গ্রন্থ বিশেষ উল্লেখযোগ্য। তিনি স্বীয় জমিদারী আনোয়ারপুরে একটি কালীমন্দির নির্মাণ করেন; এবং তাঁহার পিতৃদেবের নিম্নিত খড়দহের মন্দিরের নিকট তিনি পুনরায় চতুর্দশ মন্দির নির্মাণ করেন। ৬ পুরুষোত্তমধামের ত্রায় খড়দহ গ্রামে দ্বিতীয় রত্নবেদী করিবার উদ্দেশে তিনি আশী হাজার শালগ্রাম এবং বিশ হাজার বাণলিঙ্গ সংগ্রহ করিয়াছিলেন; কিন্তু অকস্মাৎ পক্ষাঘাত রোগে মৃত্যু হওয়ায় তাঁহার উদ্দেশ্য কার্য্যে পরিণত হয় নাই। প্রাণকৃষ্ণ বিশ্বাস ১৮৩৫ খৃঃ ইললোক পরিত্যাগ করিয়াছেন। তিনি মৃত্যুকালে ছয় পুত্র আনন্দময়, রামচন্দ্র, বিশ্বনাথ, শত্ৰুনাথ, কাশীনাথ, চন্দ্রনাথ এবং দুই কন্যা রাখিয়া যান।

প্রাণকৃষ্ণের জ্যেষ্ঠ পুত্র আনন্দময় বিশ্বাস সর্বপ্রকার দেশহিতকর কার্য্যে সহানুভূতি প্রকাশ করিতেন। তিনি সরল ও উদার প্রকৃতি

বিশিষ্ট ছিলেন। তিনি মৃত্যুকালে এক পুত্র তারকনাথ বিশ্বাসকে রাখিয়া যান।

প্রাণকৃষ্ণের মধ্যম পুত্র রামচন্দ্র বিশ্বাস জমিদারী কার্যে সুদক্ষ ছিলেন। তিনি নিঃসন্তান অবস্থায় লোকান্তরিত হইয়াছেন।

প্রাণকৃষ্ণের তৃতীয় পুত্র বিশ্বনাথ বিশ্বাস সংস্কৃত, বাঙ্গালা, ইংরাজী, আরবী ও পারসী ভাষায় ব্যুৎপন্ন ছিলেন। তিনি একজন নিষ্ঠাবান হিন্দু, সঙ্গীতবেত্তা এবং দাতা ছিলেন। বিশ্বনাথ বিশ্বাস ১৮৭৯ খৃঃ ৭৪ বৎসর বয়সে ইহলীলা সম্বরণ করেন। তিনি মৃত্যুকালে এক পুত্র রাজেন্দ্রনারায়ণ বিশ্বাসকে রাখিয়া যান। রাজেন্দ্রনারায়ণ সরল প্রকৃতির লোক ও সচরিত্র ছিলেন। তাঁহার কৃতবিদ্য পুত্র অন্নদাপ্রসাদ বিশ্বাস ; তৎপুত্র শ্রীব্রজ অমরেন্দ্রপ্রসাদ বিশ্বাস।

প্রাণকৃষ্ণের চতুর্থ পুত্র শঙ্করনাথ বিশ্বাস সামাজিক আচার ব্যবহার, নীতি পদ্ধতি বিষয়ে শিক্ষা দিতেন। ১৮৭৩ খৃঃ তিনি পরলোকগত হইয়াছেন। তিনি মৃত্যুকালে সাতটি পুত্র রাখিয়া যান ; তন্মধ্যে জ্যেষ্ঠ কৈবল্যনাথ বিশ্বাস।

প্রাণকৃষ্ণের পঞ্চম পুত্র কাশীনাথ বিশ্বাস ; তাঁহার তিন পুত্র, তন্মধ্যে জ্যেষ্ঠ কৈদারনাথ বিশ্বাস একজন সুপ্রসিদ্ধ ডেপুটি মাজিস্ট্রেট ও কালেক্টর ছিলেন। তিনি বালেশ্বর জেলায় বহুদিবস সুখ্যাতির সহিত রাজকার্য্য সমাপন করেন।

প্রাণকৃষ্ণের কনিষ্ঠ পুত্র চন্দ্রনাথ বিশ্বাস সমদর্শিতা ও শ্রমশীলতা গুণে ভূষিত ছিলেন। তিনি মৃত্যুকালে একমাত্র পুত্র তারানাথ বিশ্বাসকে রাখিয়া যান।

প্রাণকৃষ্ণের পুত্রগণ বারাসত হইতে ঘোলা পর্য্যন্ত রাস্তা নির্মাণ, বিখালয়ে ও হাঁসপাতালে চাঁদা দানের জন্ত প্রসিদ্ধি লাভ করেন।

৩ জগমোহন বিশ্বাস ।

রামহরির কনিষ্ঠ পুত্র জগমোহন বিশ্বাস এলাহাবাদ অঞ্চলের রাজা ও জমীদারদিগের সহিত চিরস্থায়ী বন্দোবস্ত জ্ঞাত গবর্ণমেন্ট কর্তৃক নিযুক্ত হন। সেই কার্যে তিনি প্রভূত অর্থার্জন করেন ; কিন্তু অধিকাংশ অর্থ দাতব্য কার্যে ব্যয় করিয়াছিলেন। ১৮১৬ খৃঃ জগমোহন বিশ্বাস ইহলোক ত্যাগ করিয়াছেন। তিনি মৃত্যুকালে একমাত্র পুত্র কৃষ্ণানন্দকে রাখিয়া যান।

৩ কৃষ্ণানন্দ বিশ্বাস ।

জগমোহনের পুত্র কৃষ্ণানন্দ বিশ্বাস স্বীয় জ্যেষ্ঠতাত প্রাণকৃষ্ণের জীবিতকালে পৈতৃক বিষয় বিভক্ত করিয়া লইয়াছিলেন। সেই সময়ে মোকুদ্দমায় উভয় পক্ষে প্রায় বিশলক্ষ টাকা ব্যয় হইয়াছিল। কৃষ্ণানন্দ বিশ্বাস নিঃসন্তান ছিলেন। তাঁহার মৃত্যুর পর বিধবা পত্নীদ্বয় দুইটি দত্তক গ্রহণ করেন। তদীয় প্রথম পত্নী রাধারমণকে ও কনিষ্ঠা পত্নী অশ্বিকানন্দনকে পোষাপুত্র গ্রহণ করিয়াছিলেন।

জ্যেষ্ঠ পুত্র রাধারমণ বিশ্বাস অপুলক অবস্থায় মৃত্যুমুখে পতিত হইয়াছিলেন। তিনি তাঁহার যাবতীয় বিষয় আপন ভ্রাতা গ্রামবাজারের সুপ্রসিদ্ধ দেওয়ান কৃষ্ণরাম বসুর বংশীয় বিশ্বস্তর বসু ও কৃষ্ণরাম বসুকে দান করিয়া যান।

যশোহর রাজবংশ ।

বঙ্গেশ্বর আদিশূর আনীত শ্রীহর্ষ মুখোপাধ্যায়ের অনুচর বিরাট গুহ
এই বংশের আদি পুরুষ ।

৩ রামচন্দ্র রায় ।

বিরাটগুহের অধস্তন দ্বাদশ পুরুষ রামচন্দ্র গুহ নিরঞ্জণী নামক জনৈক
ব্যক্তি পূর্ববঙ্গের বাকলানগরী পরিত্যাগ পূর্বক সপ্তগ্রামে আসিয়া বাস
করেন । নবাব সরকারে কোন পদ গ্রহণ করিয়া স্থায়ী দরিদ্রতা মোচন
করাই তাঁহার উদ্দেশ্য ছিল । সপ্তগ্রামে উপস্থিত হইয়া রামচন্দ্র ভাগ্য-
ক্রমে শ্রীকান্ত বোষ নামক জনৈক স্বজাতীয়ের আশ্রয় প্রাপ্ত হইয়াছিলেন ।
অতঃপর আশ্রয়দাতা 'তাঁহার গুণে মুগ্ধ হইয়া তাঁহাকে কণ্ঠ্য সম্পাদন
করেন ; অধিকন্তু চেষ্টা করিয়া তাঁহাকে সপ্তগ্রাম সরকারে কাননগো
সেরেস্তার অগ্রতম মুহুরীর পদে নিযুক্ত করিয়া দিয়াছিলেন । নবাব
সরকারে দক্ষতার সহিত কার্য্য সম্পাদন করায় তাঁহার পদোন্নতি হইয়া-
ছিল । অতি অল্পকাল মধ্যে তিনি সপ্তগ্রামে বিত্তশালী ও সম্ভ্রান্ত ব্যক্তি
মধ্যে পরিগণিত হন । তৎপরে রামচন্দ্র নবাব সরকার হইতে “রায়”
উপাধি প্রাপ্ত হন । তাঁহার তিন পুত্র ভবানন্দ মজুমদার, গুণানন্দ ও
শিবানন্দ রায় । পুত্রত্রয় অতি অল্পকাল মধ্যে সংস্কৃত, বাঙ্গালা, পারসী ও
আরবী ভাষায় বিশেষ ব্যুৎপন্ন হইয়াছিলেন ।

রামচন্দ্র, স্থায়ী জ্যেষ্ঠ পুত্র ভবানন্দকে কার্য্যদক্ষ দেখিয়া তাঁহাকে নিজ
সেরেস্তায় জনৈক মুহুরীর পদে নিযুক্ত করেন । ভবানন্দের পুত্র শ্রীহরিক

অথবা রাজা বিক্রমাদিত্য রায় । তাঁহার দুই পুত্র—মহারাজ প্রতাপাদিত্য ও ভূপতি রায় ।

রামচন্দ্রের মধ্যম পুত্র গুণানন্দ রায়ের দুই পুত্র জানকীবল্লভ অথবা বসন্ত রায় ও বসুদেব রায় ।

রামচন্দ্রের কনিষ্ঠ পুত্র শিবানন্দ রায় অতি চতুর ছিলেন । গোড়ের সদর কাননগোর মৃত্যুর পর বাঙ্গালার নবাব সুলতান সুলেমান খাঁ তাঁহাকে তৎপদে নিযুক্ত করেন । শিবানন্দের বংশধরগণ এক্ষণে পূর্ববঙ্গে বাকলা সমাজাধীনে বাস করিতেছেন ।

নবাবের কনিষ্ঠ পুত্র দাউদ খাঁ যখন পাঠশালায় পারসী শিক্ষা করিতেন, তৎকালে ভবানন্দের পুত্র শ্রীহরি রায় এবং গুণানন্দের পুত্র জানকীবল্লভ রায় নবাব তনয়ের সহিত সেই পাঠশালায় বিদ্যাশিক্ষা সময়ে প্রণয় হইয়াছিল ; সেই সময়ে তিনি শ্রীহরি ও জানকীবল্লভকে অমাত্য পদে অভিষিক্ত করিবেন বলিয়া প্রতিশ্রুত হইয়াছিলেন । অতঃপর ১৫৭৩ খৃঃ দাউদ খাঁ বঙ্গদেশের সিংহাসন প্রাপ্ত হইয়া জ্যেষ্ঠ শ্রীহরিকে “মহারাজ বিক্রমাদিত্য” উপাধি দিয়া সর্বাধক্ষ্য এবং কনিষ্ঠ জানকীবল্লভকে “রাজা বসন্ত রায়” উপাধি দিয়া ভূমি সংক্রান্ত সমুদয় কর্মের অধ্যক্ষ নিযুক্ত করেন । এই সময়ে ১৫৭৪ খৃঃ দাউদের নিকট হইতে তাঁহার সন্দর-বনের পশ্চিমভাগস্থ চাঁদ খাঁ মসন্দরির জায়গীর বন্দোবস্ত করিয়া লইয়া-ছিলেন । অবশেষে নবাব দাউদ খাঁ, মহামতি দিল্লীখর সম্রাট আকবর সাহের বিরুদ্ধে উত্থিত হইয়া দিল্লী সরকারে রাজস্ব বন্ধ করেন । ১৫৭৬ খৃঃ সম্রাটের সেনাপাতিদ্বয় মুনেম্ খাঁ ও রাজা তোডরমল্ল মোগলবাহিনী-সহ প্রেরিত হন । বঙ্গের শেষ পাঠান সুলতান দাউদ খাঁ মোগলসৈন্যের যুদ্ধে পরাস্ত হইয়া সম্রাটের সহিত সন্ধি করিয়া বঙ্গের রাজ্যভার মোগল-হস্তে অর্পণ করেন । সেই সময়ে ভ্রাতৃত্ব পরামর্শ করিয়া খুলনা জেলার অন্তর্গত সাতক্ষীরা মহকুমার অধীন বর্তমান নূরনগর গ্রামের নিকটবর্তী

ধুমঘাট নামক স্থানে এক নগর নির্মাণ পূর্বক তথায় বাস করেন । তাহার দক্ষিণাংশ অতাপি সুন্দরবন নামে প্রসিদ্ধ আছে । শিবানন্দ, শ্রীহরি ও জানকীবল্লভ তিন জনে গোড় রাজধানীতে রহিলেন এবং অত্যাগ সকলে ঐ নূতন বাটিতে আসিয়া অবস্থিতি করেন । সেই সময়ে শিবানন্দ কাননগো ও মহারাজ বিক্রমাদিত্য, রাজা বসন্ত রায়কে পূর্ব দেশের অধিপতি করিয়া যশোহরে প্রেরণ করেন এবং তাঁহারা গোড় রাজধানীতে থাকিয়া রাজকার্য্য করিতেন ।

৩ শ্রীহরি রায় (বিক্রমাদিত্য) ।

মহারাজ বিক্রমাদিত্য কয়েক মাস মধ্যে তিন প্রদেশের সমুদয় হিসাব বুঝাইয়া দিয়া কন্দ পরিত্যাগপূর্বক যশোহরে প্রত্যাবৃত্ত হন । অতঃপর তিনি তথায় বাস করিতে থাকেন । এই সময় অনেক বঙ্গ কায়স্থ পূর্ববঙ্গ পরিত্যাগ করিয়া যশোহরে আসিয়া বাস করেন । মহারাজ বিক্রমাদিত্য প্রত্যেক গ্রামে চতুষ্পাঠী ও পাঠশালা স্থাপন করিয়া উপযুক্ত অধ্যাপক ও শিক্ষক নিযুক্ত করিয়াছিলেন । তিনি নিজ অধিকার মধ্যে দেবালয় সংস্থাপন করিয়া তাহার নিকট অতিথিশালা প্রতিষ্ঠা করেন । প্রতাপাদিত্য, পিতা ও পিতৃব্যের অনুগত ছিলেন না ; বিশেষতঃ সরল প্রকৃতি পিতৃব্য বসন্ত রায়কে তিনি বিদ্বেষ করিতেন । বিক্রমাদিত্য তাহা বুঝিতে পারিয়া ভবিষ্যতে বিবাদ নিবারণোদ্দেশে যশোহর রাজ্য দুই ভাগে বিভক্ত করিয়া দশ আনা অংশ প্রতাপাদিত্যকে এবং ছয় আনা অংশ বসন্ত রায়কে প্রদান করেন । যশোহরের পশ্চিমাংশ বসন্ত রায়ের ও পূর্বাংশ প্রতাপের ভাগে পড়িয়াছিল ।

৬ প্রতাপাদিত্য রায় ।

মহারাজ বিক্রমাদিত্যের জ্যেষ্ঠ পুত্র বীৰ্য্যবান মহারাজ প্রতাপাদিত্য রায় দ্বাদশ ভৌমিকের মধ্যে সর্বপ্রধান ছিলেন । তিনি অতি অল্পকাল মধ্যে অষ্টাদশ বিছায় সুপণ্ডিত হন । তাঁহার সময়ে যশোহর সমাজ সমগ্র বঙ্গদেশের আদর্শস্থানীয় হইয়াছিল । তিনি বিক্রমপুর, চন্দ্রদ্বীপ প্রভৃতি স্থান হইতে কুলীন কায়স্থ আনিয়া স্থায়ী সমাজে ঘাস করাইয়াছিলেন । তাঁহার প্রতিষ্ঠিত সমাজকে এক্ষণে ঢাকী শ্রীপুরের সমাজ বলে । পিতার মৃত্যুর পর প্রতাপাদিত্য দিল্লীশ্বর আকবর সাহের সহিত সাক্ষাৎ করিয়া এই রাজ্যের ভার গ্রহণপূর্বক আত্মপাত্র প্রাপ্ত হন । গোড় নগরের যশঃ হরণ করায় প্রতাপের রাজধানী “যশোহর” নামে অভিহিত হয় । এক্ষণে সুন্দরবন নামক মহারণ্যে পরিণত হইয়া হিংস্র জন্তুর আবাস ভূমি হইয়াছে । তিনি উড়িয়া হইতে শ্রীশ্রীগোবিন্দ জীউ বিগ্রহ এবং উৎকলেশ্বর শিবলিঙ্গ তুলিয়া আনিয়া স্বরাজ্যে প্রতিষ্ঠা করেন । যশোহরের নিকটবর্তী বসন্তরায়ে বংশধরদিগের বাসস্থান নূরনগরে গোবিন্দ জীউ অত্মাপি অধিষ্ঠিত আছেন এবং প্রতিবর্ষে দোলপূর্ণ উপলক্ষে তথায় বহুতর জনসমাগম হইয়া থাকে । তিনি যশোহরেশ্বরী দেবীর মূর্তি প্রতিষ্ঠা করিয়া মন্দিরের পার্শ্ববর্তী স্থানের নাম ঈশ্বরীপুর রাখিয়া এই গ্রামের উপস্থিত দেবীর সেবার্থ অর্পণ করেন । যশোহরেশ্বরী দেবীর সেবাকৃতগণ অত্মাপি সেই সমস্ত দেবদ্র উপভোগ করিতেছেন । তাঁহার প্রতিষ্ঠিত মন্দির ও দেবীমূর্তি অত্মাপি বর্তমান আছে । তিনি সত্যবাদী, জিতেন্দ্রিয় ও মহাযোগী ছিলেন । তাঁহার জ্ঞান, নিষ্ঠাবত্তা ও ক্রিয়ালীলতা যথেষ্ট ছিল । তিনি ৬ কালীর সেবক ছিলেন । কালী সাধনায় তিনি সিদ্ধিলাভ করিয়াছিলেন । প্রবাদ আছে, তাঁহার ইষ্টদেবী কালী সুপ্রসন্না হইয়া কত্কারূপে তাঁহার গৃহে অবস্থিতি করিতেন ; কিন্তু প্রতাপের বিরুদ্ধ

দশার সময়ে সেই দেবীই প্রতিকূলা হইয়াছিলেন। তিনি নিষ্ঠাবান সাধক শাক্ত সিদ্ধপুরুষ ছিলেন এবং দৈবশক্তি প্রভাবে তাঁহার দ্বারা বহুতর অনাধ্য কার্য সাধিত হইত। তিনি মহাপ্রতাপশালী পুরুষ ছিলেন। প্রতাপাদিত্যের বাহ্যিক হাজার ঢালী, একাত্তর হাজার তীরন্দাজ ও বহু মুদগর-প্রসারী সৈন্ত ছিল। তাঁহার দশ হাজার অশ্বারোহী ও ঘোড়য যুথ হস্তী ছিল। পর্তুগীজ সেনাপতিদের অধীনে তাঁহার সৈন্তগণ কামান বন্দুকাদি পরিচালন অভ্যাস করিয়াছিল। সাগর দ্বীপে তাঁহার নৌ-বাহিনীর প্রধান অবস্থিতি স্থান ছিল। গড় মুকুন্দপুরে তাঁহার একটি দুর্গ ও কুশলী নামক স্থানে কামান গোলাগুলি প্রস্তুত করিবার কারখানা ছিল। সূর্য্যকান্ত গুহ তাঁহার প্রধান সেনাপতি ছিলেন। প্রতাপাদিত্য কিছুদিন পরমসুখে দিনপাত করিয়া স্বাধীনভাবে কার্য করিতে আরম্ভ করেন। তৎকালে বঙ্গ, বিহার, উড়িষ্যা ও আসাম প্রদেশের কিয়দংশ দ্বাদশ জন রাজার অধিকারে ছিল—তাঁহারা দ্বাদশ ভূঁইয়া নামে পরিচিত ছিলেন। তাঁহাদের মধ্যে প্রতাপাদিত্য অতি প্রতাপশালী হইয়া সকলকে বশীভূত করেন। এই সময়ে তিনি বঙ্গে স্বাধীন হিন্দুরাজ্য স্থাপনে যত্নবান হন। ক্রমশঃ প্রভূত সৈন্ত সংগ্রহ করিয়া প্রতাপাদিত্য সমরসাগরে সম্ভরণার্থ সুসজ্জিত হন। তিনি স্বয়ং সেনাপতি হইয়া প্রথমে রাজমহলের নবাবকে যুদ্ধে পরাজিত করেন। তৎপরে কেদারনাথ রায় প্রভৃতি জমীদারদিগকে নিধন করিয়া তাঁহাদিগের রাজ্য গ্রহণ করেন। চন্দ্র-দ্বীপাধিপতি রাজা কন্দর্পনারায়ণ রায়ের পুত্র রামচন্দ্রের সহিত প্রতাপের কন্যা বিন্দুমতীর বিবাহ হইয়াছিল। রামচন্দ্র, প্রতাপের সহিত একমত হইয়া প্রথমে মোগলের বিরুদ্ধে যুদ্ধ করিতে সম্মত ছিলেন ; কিন্তু পরে যুদ্ধে অসম্মতি প্রকাশ করিলে প্রতাপের সহিত তাঁহার বিরোধ হয়। রাজা কন্দর্পনারায়ণের দেহান্তের পর প্রতাপ স্বীয় জামাতা রামচন্দ্রকে স্বগৃহে নিমন্ত্রণ করিয়া আনিয়া শুণ্ডভাবে তাঁহার প্রাণনাশ পূর্বক চন্দ্রদ্বীপ রাজ্য

স্বীয় শাসনাধীন করিবার চেষ্টা করেন ; কিন্তু রামচন্দ্র তদ্বিষয় জানিতে পারিয়া রাত্রিযোগে মশালধারীর ছদ্মবেশে যশোহর দুর্গ হইতে পলায়ন করিয়া জীবন রক্ষা করেন। ক্রমে সমগ্র বঙ্গদেশ প্রতাপাদিত্যের অধিকারভুক্ত হইলে তিনি একচ্ছত্র স্বাধীন অধীশ্বর হইয়া দিল্লীশ্বরের রাজস্ব প্রেরণ বন্ধ করেন। এই সময়ে কচুরায় দিল্লীশ্বরের নিকট পিতার নিধন বৃত্তান্ত বর্ণনা করেন। অতঃপর সম্রাট জাহাঙ্গীর সাহ প্রতাপের দোষাত্মকের বিষয় অবগত হন এবং কাননগো নিবেদন করিয়াছিল যে বহুকালাবধি মহারাজ প্রতাপাদিত্য রাজস্ব প্রেরণ করেন নাই। দিল্লীশ্বর অতিশয় ক্রুদ্ধ হইয়া প্রতাপকে দমন করিবার জন্ত রাজা মানসিংহকে বঙ্গদেশে প্রেরণ করেন। সেই সময়ে মানসিংহ কিছুদিন বর্দ্ধমানে অবস্থিতি করিয়াছিলেন। অতঃপর উভয়পক্ষে ঘোরতর যুদ্ধের পর মোগল সৈন্য বিজয়া হয়। মানসিংহ, প্রতাপকে লৌহপিঞ্জরে আবদ্ধ করিয়া দিল্লী যাত্রা করেন ; কিন্তু পথিমধ্যে ৮ কাশীধামে অবস্থিতিকালে বঙ্গের শেষ-বীর মহারাজ প্রতাপাদিত্য রায় ১৬১৮ খৃঃ জ্যৈষ্ঠ মাসে ৪৫ বৎসর বয়সে ইহলোক পরিত্যাগ করেন। ছুরাচার মানসিংহ প্রতাপের দেহ সম্রাটকে উপহার দিবার জন্ত উহা ঘৃতে ভাজিয়া সঙ্গে লইয়া দিল্লী যাত্রা করিয়া-ছিলেন। মানসিংহের সহিত যুদ্ধে প্রতাপের জ্যেষ্ঠ পুত্র কুমার উদয়াদিত্য রায় প্রভৃতি একাদশ পুত্র নিহত হইয়াছিলেন।

৩ ভূপতি রায় ।

প্রতাপের পরাজয়ের পর তাঁহার কনিষ্ঠ ভ্রাতা ভূপতি রায়ের পুত্র মুকুটমণি রায় মোগলের প্রপীড়নে নিতান্ত নিঃস্ব হইয়া স্থানান্তরে বাস গ্রহণ করেন। তাঁহার বংশধরগণ এক্ষণে খুলনা জেলার বাগেরহাট মহকুমার অন্তর্গত উৎকুল গ্রামে বাস করিতেছেন।

৬ জানকীবল্লভ রায় (বসন্ত রায়)।

সম্রাট আকবর সাহের সময় রাজা বসন্ত রায় যশোহর সমাজ নামক বঙ্গজ কায়স্থের একটা কুলীন প্রধান সমাজ স্থাপন করেন। তৎকালে কলিকাতার কালীঘাট তাঁহার রাজ্যভুক্ত ছিল। কালীর প্রথম সেবক ভুবনেশ্বর চক্রবর্তীর শিষ্য রাজা বসন্ত রায় প্রথমে কালীর ইষ্টক নিশ্চিত মন্দির প্রস্তুত করাইয়া দিয়াছিলেন। মন্দির নির্মাণ পূর্বক কালীঘাট প্রকাশিত করিয়া দেবীর সেবা সৌকর্য্যার্থে রাজা বসন্তরায় কালীঘাট গ্রাম গুরুদেবকে দান করেন। ভুবনেশ্বর চক্রবর্তীর দ্রোহিত্র বংশসম্মত কালীর বর্তমান সেবক হালদারগণ রাজা বসন্তরায়ের প্রদত্ত সেই ব্রহ্মত্র অত্মপি উপভোগ করিতেছেন। যশোহর রাজবংশের পতন সময়ে যখন কালীঘাট অঞ্চল বড়িয়ার সাবর্ণ চৌধুরীদিগের অধিকার ভুক্ত হয়, তখন সেই প্রসিদ্ধ রাজগুণবংশ কৃত কালীর মন্দির প্রভৃতি বর্তমান কীর্তিকলাপ সৃষ্টি হইয়াছিল। বসন্তরায় অসিদ্ধে নিপুণ ছিলেন। প্রতাপ অসিচালনা তাঁহারই নিকট শিক্ষা করেন। বসন্তরায় কৃষ্ণবিষয়ক সঙ্গীত শ্রবণে পরম আনন্দ লাভ করিতেন এবং নিজেও বহুতর কৃষ্ণপ্রেম বিষয়ক সঙ্গীত রচনা করিয়াছিলেন। বৈষ্ণব কবি গোবিন্দ দাস তাঁহার সভার সভাসদ ছিলেন। মোগলের সহিত যুদ্ধকালে বসন্তরায়ের সহিত প্রতাপের মনোমালিঙ্গ সংঘটিত হইলে, প্রতাপ পিতৃব্য বসন্তরায়ের শিরচ্ছেদ করেন; অধিকন্তু তাঁহার পুত্র গোবিন্দ রায় প্রভৃতিকেও হত্যা করিয়াছিলেন। অতঃপর বসন্তরায়ের পত্নী চিতারোহণে প্রাণত্যাগ করেন। এই সময়ে বসন্ত রায়ের এক পুত্র রাঘবচন্দ্র রায়ের বয়ঃক্রম দ্বাদশবর্ষ মাত্র। তাঁহার খাত্তী তাঁহাকে ঐ সময় কচুবনে লুক্কায়িত রাখায় তিনি প্রতাপের হস্তে নিধন হন নাই। কচুবনে লুক্কায়িত থাকায় তিনি “কচুরায়” নামে প্রচারিত হইয়াছিলেন। এই সময়ে রাজা বসন্তরায়ের একজন

ভ্রাতৃ-জামাতা রূপরাম বসু রাজকুমারের বিপদে ব্যথিত হইয়া উড়িয়ায় বিখ্যাত জৈশা খাঁ মসন্দবীর নিকট সকল বিষয় জ্ঞাপন করিলে তিনি রাজকুমারকে সমভিব্যাহারে লইয়া দিল্লীনগরে উপস্থিত হইয়া সম্রাট সমীপে প্রতাপের দৃষ্ণতের প্রতিবিধানার্থ দরবার করেন ।



৬ রাঘবচন্দ্র রায় (কচুরায়) ।

প্রতাপাদিত্যের পতনের পর দিল্লীস্থর সম্রাট জাহাঙ্গীর সাহ, রাজা নানসিংহের অনুরোধে রাজা বসন্তরায়ের জ্যেষ্ঠপুত্র রাঘবচন্দ্র রায়কে “যশোহরজিৎ” উপাধি দিয়া দিল্লীস্থরের করদ রাজহ্মস্বরূপ যশোহরের শূন্য সিংহাসন অর্পণ করেন । রাঘবচন্দ্র দিল্লীস্থরের নিকট হইতে বিদায় লইয়া যশোহরে প্রত্যাবৃত্ত হন ; কিন্তু তাঁহার মনে বৈরাগ্য জন্মিলে তিনি সকল রাজ্য বন্ধু বান্ধবকে বিভাগ করিয়া দিয়া স্বয়ং কেবল স্বীয় পরিবারের ভরণপোষণার্থ কয়খানি গ্রাম মাত্র অধীনে রাখিয়াছিলেন । তাঁহার সম্ভান সম্ভূতি হয় নাই । কচুরায় দীর্ঘকাল রাজ্যভোগ করিতে পারেন নাই । অপূত্রক অবস্থায় তাঁহার দেহান্তে কনিষ্ঠ ভ্রাতৃ চাঁদরায় যশোহর রাজ্যের অধীস্থর হইয়াছিলেন ।



৭ চন্দ্রশেখর রায় (চাঁদরায়)

যশোহরজিৎ রাঘবচন্দ্র রায় যখন যশোহর রাজ্য প্রাপ্ত হন, সেই সময়ে চন্দ্রশেখর রায় (চাঁদরায়) নামক তাঁহার এক ভ্রাতা আঁধারমাণিক গ্রামে গুরুদেব শ্রীকৃষ্ণ তর্কপঞ্চাননের আশ্রয়ে ছিলেন । রাজা কচুরায়ের রাজ্যাধিকারের পর যখন তর্কপঞ্চানন যশোহর আগমন করেন, তখন

চাঁদরায় তৎসহ আগমন করিয়া ভ্রাতার সন্তিত মিলিত হন। এই চাঁদরায় বর্তমান রাজবংশের প্রতিষ্ঠাতা।

রাজা চাঁদরায় পরলোক গমন করিলে, তৎপুত্র রাজা রাজারাম রায় রাজ্যের অধিকারী হন। রাজারামের চারিপুত্র ছিল, তন্মধ্যে তৃতীয় ও চতুর্থ বাল্যকালে কালকবলিত হন। কেবল জ্যেষ্ঠ নীলকণ্ঠ ও কনিষ্ঠ গ্রামসুন্দর পিতার মৃত্যুকালে জীবিত ছিলেন।

রাজারামের মৃত্যুর পর তাঁহার জ্যেষ্ঠ পুত্র নীলকণ্ঠ রায় যশোহর রাজ্যের অধীশ্বর হন। নীলকণ্ঠের সময় হইতেই যশোহর রাজবংশের পতন আরম্ভ হয়। তাঁহার সময়ে তদীয় কনিষ্ঠ ভ্রাতা গ্রামসুন্দর রায় সম্পত্তি বিভাগ জ্ঞাত প্রস্তাব করেন। অবশেষে জ্যেষ্ঠ নীলকণ্ঠ রাজ্যের নয় আনা অংশ এবং কনিষ্ঠ গ্রামসুন্দর সাত আনা অংশ প্রাপ্ত হন। এইরূপে যশোহর রাজবংশ দুই ভাগে বিভক্ত হইয়াছে। যশোহরের অস্বাস্থ্যকর জলবায়ু পরিহার মানসে খোড়গাছী গ্রামে এই রাজবংশের নয় আনী শাখার বাস হইয়াছে।

রাজা নীলকণ্ঠের জ্যেষ্ঠ পুত্র মুকুন্দদেব রায় খোড়গাছীতে বাস করেন। সেই সময়ে তাঁহার পিতৃব্য রাজা গ্রামসুন্দর রায়ের পুত্রগণ নূরনগরে প্রত্যাগমন করেন। তদবধি যশোহর রাজবংশ দ্বিধা বিভক্ত হইয়া জ্যেষ্ঠ শাখা খোড়গাছীতে ও কনিষ্ঠ শাখা নূরনগরে অবস্থিতি করিতেছেন।

নীলকণ্ঠের পাঁচ পুত্র মধ্যে যখন সম্পত্তি বিভাগ হয়, তখন মুকুন্দদেবের কনিষ্ঠ ভ্রাতা রাজা ব্রজমোহন রায় পৈতৃক সম্পত্তির নয় আনা অংশের পনের পাই অংশ প্রাপ্ত হইয়াছিলেন। এই বিভাগের পর ব্রজমোহনের পুত্রগণ খোড়গাছী পরিত্যাগ পূর্বক নূরনগর অঞ্চলে প্রত্যাবৃত্ত হইয়া মাণিকপুরে বাস করেন।

৩ রামকান্ত রায় ।

যশোহরজিৎ রাঘবচন্দ্র রায়ের আর এক ভ্রাতা রামকান্ত রায় প্রাণভয়ে তৎকালে পূর্ববঙ্গে পলায়ন করেন । চাঁদরায়ের রাজ্যাধিকারের পর তাঁহার কনিষ্ঠ ভ্রাতা রামকান্ত রায় পূর্ববঙ্গ হইতে সপরিবারে যশোহরে আগমন করেন । তিনি যশোহরে আসিলে চাঁদরায় তাঁহাকে স্থান দেন নাই । রামকান্ত পৈতৃক বিষয়ে বঞ্চিত হইলে, বর্তমান খুলনা জেলার সাতক্ষীরা মহকুমার অন্তর্গত বাঁশদহ-নিবাসী নন্দকিশোর রায় চৌধুরী তাঁহাকে আশ্রয় দান করিয়াছিলেন । অতঃপর রামকান্ত রায় বাঁশদহ হইতে উঠিয়া পুড়ায় বাস করেন । তদবধি রামকান্তের বংশীয় রাজ-জ্ঞাতিগণ পুড়া গ্রামে বাস করিতেছেন ।

টাঁচড়া রাজবংশ ।

৮ ভবেশ্বর রায় ।

বর্তমান যশোহর জেলার অন্তর্গত টাঁচড়ার উত্তররাঢ়ীয় কায়স্থ রাজবংশ প্রতাপাদিত্যের পতনের পর আবির্ভাব হইয়াছিল। প্রবাদ এই যে, যশোহর রাজবংশের জনৈক পূর্বপুরুষ ভবেশ্বর রায় তৎকালে প্রতাপাদিত্যের সৈনিক বিভাগে নিযুক্ত ছিলেন। তিনি যশোহরের দক্ষিণ টাঁচড়া গ্রামে বাস করিতেন। ১৫৮২ খৃঃ দিল্লীশ্বর সম্রাট আকবর সাহের সময়ে আজীম খাঁ নামক একজন মোগল সেনাপতি বঙ্গদেশের বিদ্রোহ দমন করিতে আগমন করেন। সেই সময়ে ভবেশ্বর রায় তাঁহার একজন সহচর সেনানায়ক থাকিয়া প্রভূত সাহায্য করিয়াছিলেন। যুদ্ধান্তে তিনি আজীম খাঁর নিকট সৈয়দপুর, আমদপুর, মুড়াগাছা ও মল্লিকপুর পরগণার জমিদারীস্বত্ব উপহার প্রাপ্ত হন। পূর্বে এই সকল স্থান প্রতাপাদিত্যের জমিদারী ছিল। ১৫৮৮ খৃঃ ভবেশ্বর রায় গতাস্থ হন।

৯ মাতাবরাম রায় ।

ভবেশ্বরের মৃত্যুর পর তাঁহার উত্তরাধিকারী মাতাবরাম রায় পূর্বোক্ত পরগণার অধিকার প্রাপ্ত হন। তিনি মোগল সম্রাট আকবর সাহের বিশেষ অমুগত ও বিশ্বস্ত মিত্ররাজ ছিলেন। বঙ্গের শেষবীর প্রতাপাদিত্যের সহিত অম্বরাধিপতি রাজা মানসিংহের সংগ্রামকালে তিনি তাঁহাকে যথেষ্ট সাহায্য করেন। মানসিংহ যুদ্ধে বিজয়ী হইলে পূর্বোক্ত পরগণা সকল তিনি মাতাবরামের অধিকারে রাখিয়া যান। ১৬১১ খৃঃ

হইতে তিনি দিল্লীর মোগল সরকারে রাজস্ব প্রদান করিতে আরম্ভ করেন। ১৬১২ খৃঃ মাতাবরাম রায় পরলোক গমন করিয়াছেন।

৬ কন্দর্পনারায়ণ রায় ।

মাতাবরামের পর কন্দর্পনারায়ণ রায় চাঁচড়া রাজ্যের অধীশ্বর হন। তিনি যশোহর জেলার অন্তর্গত দাঁড়িয়া, খলিসাখালি, বাগমাড়া, সেলিমা-বাদ, সাজিয়ালপুর প্রভৃতি পরগণায় স্বীয় আধিপত্য বিস্তার করেন। এই সকল স্থান সৈয়দপুর পরগণার দক্ষিণ পশ্চিমে অবস্থিত। ১৬৪৯ খৃঃ কন্দর্পনারায়ণ রায় ইহলোক ত্যাগ করেন।

৭ মনোহর রায় ।

কন্দর্পনারায়ণের উত্তরাধিকারী মনোহর রায় যশোহর জেলার অন্তঃপাতী মহম্মদপুরের রাজা সীতারাম রায়ের স্বমসাময়িক লোক ছিলেন। তিনিও সীতারামের গ্রাম রাজ্য বিস্তারে প্রমত্ত ছিলেন। তজ্জগৎ তাঁহার সহিত সীতারামের অসম্মত ছিল। তিনি সীতারামের রাজধানী মহম্মদপুর আক্রমণ করেন; সেই ক্রোধে তিনিও মনোহরের রাজ্য আক্রমণ করিয়াছিলেন। মনোহরের সহিত কুব্বনগরের রাজা রামচন্দ্র রায়ের বিবাদ হয়। তিনি রামচন্দ্রপুর, হোসেনপুর, রংদিয়া, রহিমাবাদ, চেঙ্গুটিয়া, ইস্রাপপুর, মাল্লে, ছোবনালা, সাহস প্রভৃতি পরগণা অধিকার করেন। তল্লা, ফলুয়া, ভাটুলা প্রভৃতি অনেকগুলি ক্ষুদ্র গ্রামও তাঁহার শাসনাধীন হইয়াছিল। তিনি রাজ্যের সবিশেষ উন্নতি সাধন করেন। তিনি কায়স্থগণের মধ্যে প্রতিপত্তি লাভ করিয়া নানাস্থান হইতে সম্ভ্রান্ত কায়স্থ আনিয়া স্ব-সমাজের পুষ্টিসাধন করেন। ১৭০৫ খৃঃ মনোহর

রায় যত্নমুখে পতিত হইয়াছেন। তিনি যত্নাকালে একমাত্র পুত্র কৃষ্ণরাম রায়কে রাখিয়া যান।

৬ কৃষ্ণরাম রায় ।

অতঃপর মনোহরের পুত্র কৃষ্ণরাম রায় চাঁচড়া রাজ্যে অভিষিক্ত হন। মুসলমান সরকারে রাজস্ব অনাদায়ে তাঁহার সময়ে মহেশ্বরপাশা ও রায়মঙ্গল পরগণা এবং অগ্ৰাণ্ড কয়েকটি ক্ষুদ্র জমিদারী এই রাজ্যের অধিকারভুক্ত হয়। তিনি কৃষ্ণনগরের রাজার নিকট হইতে বাজিৎপুর পরগণার কিয়দংশ ক্রয় করেন। ১৭২৯ খৃঃ রাজা কৃষ্ণরাম রায় কলেবর পরিত্যাগ করিয়াছেন।

৭ শুকদেব রায় ।

কৃষ্ণরামের পর শুকদেব রায় রাজ্যাধিকার লাভ করেন। মনোহর রায়ের বিধবা পত্নীর অনুরোধে তিনি রাজ্যের চারি আনা অংশ তাঁহার ভ্রাতা শ্রামসুন্দর রায়কে অর্পণ করেন। এই সময়ে জমিদারী দুইভাগে বিভক্ত হয়। ১৭৪৫ খৃঃ রাজা শুকদেব রায় পরোলোক গমন করিয়াছেন। তিনি যত্নাকালে এক পুত্র নীলকণ্ঠ রায়কে রাখিয়া যান।

৮ নীলকণ্ঠ রায় ।

শুকদেবের পর তদীয় পুত্র নীলকণ্ঠ রায় রাজ্যলাভ করেন। ১৭৫৮ খৃঃ মর্শিদাবাদের নবাব মীরজাফর ইষ্ট ইণ্ডিয়া কোম্পানীকে কলিকাতার সন্নিকট কিছু ভূসম্পত্তি দান করেন। সেই ভূসম্পত্তির মালিক ছালাউদ্দীন

খাঁ যখন নবাবের নিকট স্বীয় সম্পত্তি হাশে পুনরায় সম্পত্তির প্রার্থী হন ; তখন শ্রামসুন্দর ও তদীয় শিশু পুত্রের মৃত্যু হওয়ার তাঁহাদের উত্তরাধিকারী না থাকায় চাঁচড়া রাজ্যের চারি আনা অংশ তাঁহার সহিত বন্দোবস্ত করেন। এই জমিদারীর বার আনা অংশকে ইসুপপুর ও চারি আনা অংশকে সৈয়দপুর রাজ্য বলিত। ১৭৬৪ খৃঃ রাজা নীলকণ্ঠ রায় ভবলীলা সম্বরণ করেন।

৮ শ্রীকণ্ঠ রায় ।

নীলকণ্ঠের পর তাঁহার বার আনা অংশে শ্রীকণ্ঠ রায় রাজা হন। ১৭৯৩ খৃঃ ইস্ট ইণ্ডিয়া কোম্পানীর চিরস্থায়ী বন্দোবস্তের সময় তিনি সকল জমিদারী হারাইয়া ব্রিটিশরাজের বৃত্তিভোগী হন। চাঁচড়া রাজ্যের চারি আনা জমিদারীর চিরস্থায়ী বন্দোবস্ত সময়ে হুগলীর মন্সজান সাহেব তাহার তত্ত্বাবধান করিতেন। তদীয় ভ্রাতা সূর্যসিদ্ধ দানবীর হাজী মহম্মদ মহসীন, মন্সজানের দেহান্তে ঐ চারি আনা জমিদারী ১৮১৪ খৃঃ প্রাপ্ত হন। তিনি মৃত্যুকালে এই জমিদারী হুগলীর ইমামবাড়ীর কার্য পরিচালনার জন্ত দান করিয়া যান। মহসীনের এই জমিদারীর আয় হইতে হুগলী কলেজ ও মুসলমান শিক্ষার বিশেষ সুবিধা হইয়াছে। ১৮০২ খৃঃ রাজা শ্রীকণ্ঠ রায় দেহত্যাগ করিয়াছেন।

৯ বাণীকণ্ঠ রায় ।

শ্রীকণ্ঠের মৃত্যুর পর তাঁহার পুত্র বাণীকণ্ঠ রায় এই রাজ্যের উত্তরাধিকারী হন। তিনি তৎকালীন সুলতান কোর্টে মোকদ্দমা করিয়া ১৮০৮ খৃঃ

পৈতৃক জমিদারী উদ্ধার করেন। ১৮১৭ খৃঃ রাজা বাণাকণ্ঠ রায় লোকান্তরে গমন করিয়াছেন।

৬ বরদাকণ্ঠ রায়।

অতঃপর বাণীকণ্ঠের পুত্র বরদাকণ্ঠ রায় পৈতৃক সম্পত্তির অধিকারী হন। তৎকালে তিনি নাবালক থাকায় তাঁহার সম্পত্তি কোট অব ওয়াড্‌সের অন্তর্ভুক্ত হয়। সেই সময়ে সম্পত্তির আয় বদ্ধিত হইয়াছিল। বরদাকণ্ঠের পদগৌরব এবং ১৮৫৭ খৃঃ সিপাহী বিদ্রোহকালে সহায়তার প্রতি লক্ষ্য করিয়া ভূতপূর্ব রাজপ্রতিনিধি লর্ড ক্যানিং তাঁহাকে “রাজা বাহাদুর” উপাধি সম্মান প্রদান করেন। অধিকন্তু গবর্ণমেন্ট তাঁহাকে ১৮২৩ খৃঃ তাঁহাদের বাজেয়াপ্ত সাহস পরগণা প্রত্যর্পণ করিয়াছিলেন। রাজা বাহাদুর রাজভক্ত ও প্রজাবৎসল ছিলেন। তিনি স্বীয় প্রতিভাবলে ও চরিত্রগুণে তৎকালে বঙ্গদেশের একজন খ্যাতনামা ব্যক্তি হইয়াছিলেন। ১৮৮০ খৃঃ রাজা বরদাকণ্ঠ রায় বাহাদুর রাজলীলা সম্বরণ করেন। তিনি মৃত্যুকালে তিন পুত্র কুমার জ্ঞানদাকণ্ঠ রায়, কুমার মানদাকণ্ঠ রায় ও কুমার হেমদাকণ্ঠ রায় বাহাদুরকে রাখিয়া যান।

নলডাঙ্গা রাজবংশ ।

যশোর জেলার অন্তর্গত নলডাঙ্গার রাজবংশ রাঢ়ীয় শ্রেণীর ব্রাহ্মণ । ইহঁরা শান্তিল্য গোত্রীয় শ্রেষ্ঠ বংশজ আখণ্ডল সন্তান । এই রাজবংশ দেবালয় ও দেবমূর্তি স্থাপন এবং নিকর ভূমি দানের জ্ঞাত সুবিখ্যাত । ঢাকা জেলার অন্তঃপাতী ভবনুবা গ্রামে হলধর ভট্টাচার্য্য নামক এক ধার্মিক ব্রাহ্মণ বাস করিতেন । তিনিই এই রাজবংশের আদিপুরুষ ।

৩ বিষ্ণুদাস হাজরা ।

হলধরের পঞ্চম পুরুষ নিয়ে বিষ্ণুদাস হাজরা নামে একব্যক্তি যোগ-বলে বিশেষ শক্তিদর হইয়াছিলেন । তিনি পিতৃগৃহ পরিত্যাগপূর্ব্বক নলডাঙ্গার সন্নিকট ক্ষত্রসুনি বর্ত্তমান হাজরাহাটা গ্রামের জঙ্গলে বাস করিতে থাকেন । তৎকালে ঢাকা বঙ্গদেশের রাজধানী ছিল । এক দিবস ঢাকা হইতে নবাব এব্রাহিম খাঁ নৌকাপথে গমনকালে খাওয়াদার অভাবে পতিত হন । নবাবের অনুচরগণ খাত্তের অনুসন্ধানে বহির্গত হইয়া ঐ যোগীর আশ্রম প্রাপ্ত হন । বিষ্ণুদাস যোগবলে নবাবের অনুচরগণকে প্রয়োজনীয় দ্রব্যাদি প্রদান করেন । ইহাতে নবাব পরিতুষ্ট হইয়া বিষ্ণুদাসকে হাজরাহাটা ও তন্নিকটস্থ পাঁচখানি গ্রাম জায়গীর দান করিয়া যান ।

৩ শ্রীমন্ত দেবরায় ।

বিষ্ণুদাসের পুত্র শ্রীমন্ত দেবরায় সমর নৈপুণ্যের জ্ঞাত “রণবীর খাঁ” নামধারণ পূর্ব্বক স্বরূপপুরের আফগণ জমীদারকে পরাভূত করিয়া তাঁহার

সমগ্র মামুদসাহী পরগণা অধিকার করিয়াছিলেন। তিনি ছুষ্ঠের দমন ও শিষ্টের পালনদ্বারা প্রজারঞ্জক হিন্দুনরপতির খ্যায় রাজত্ব করেন। তিনি রাজ্যের উন্নতি সাধনে বিশেষ মনোযোগী ছিলেন। তিনি সাহস ও বীৰ্য্যে অসাধারণ ছিলেন।

৬ গোপীনাথ দেবরায়।

শ্রীমন্তের পুত্র গোপীনাথ দেবরায় পিতার উপযুক্ত সন্তান ছিলেন। তিনি পৈতৃক প্রভাব অক্ষুণ্ণ রাখিবার জন্ত বিশেষ চেষ্টা করেন। তাঁহার প্রভাবে ও সূশাসনে রাজ্যের উন্নতি ও বৃদ্ধি হইয়াছিল। তিনি নানা সদৃশ্যের আধার ছিলেন এবং স্বীয় চরিত্রের মহত্বে জনসাধারণের প্রীতি ও শ্রদ্ধা আকর্ষণ করিয়াছিলেন। প্রজাবৎসলতা তাঁহাতে সমধিক পরিমাণে বিদ্যমান ছিল।

৭ চণ্ডীচরণ দেবরায়।

গোপীনাথের পর চণ্ডীচরণ দেবরায় বিষয় সম্পত্তি প্রাপ্ত হন। তিনি প্রথমে দিল্লীখয়ের নিকট হইতে “রাজা” উপাধি প্রাপ্ত হইয়াছিলেন। তিনি স্বীয় বুদ্ধিবলে ও চরিত্রগুণে তৎকালে একজন প্রসিদ্ধ নরপতি বলিয়া পরিচিত ছিলেন। তাঁহার প্রকৃতি নম্র ও হৃদয় দয়াদ্র ছিল। তিনি পরোপকারী ও দীনপালক ছিলেন। তিনি সৌজন্ত ও চরিত্রের মাধ্যমে লোকের শ্রদ্ধাভক্তি অর্জন করিয়াছিলেন।

৬ শূরনারায়ণ দেবরায় ।

চণ্ডীচরণের পর শূরনারায়ণ দেবরায় রাজ্যাভিষিক্ত হন; তিনি দীর্ঘকাল রাজত্ব করিয়া রাজ্যের বিবিধ প্রকার উন্নতি সাধন করিয়াছিলেন। তাঁহার সময়ে রাজধানীর শোভা সৌন্দর্য্য বহু পরিমাণে বর্দ্ধিত হইয়াছিল। তিনি হিন্দু মুসলমান সকল প্রজাকেই সমভাবে প্রীতি ও স্নেহ করিতেন। রাজা শূরনারায়ণের ছয় পুত্র—উদয়নারায়ণ, রামদেব, খনশ্রাম, নারায়ণ, রাজারাম ও রামকৃষ্ণ দেবরায়।

৭ উদয়নারায়ণ দেবরায় ।

শূরনারায়ণের পর তাঁহার জ্যেষ্ঠ পুত্র উদয়নারায়ণ দেবরায় এই রাজ্যের উত্তরাধিকারী হন। অতঃপর তাঁহার ভ্রাতৃগণ গৃহ বিবাদে মত্ত হইয়া জমিদারী বিভাগ করিতে প্রবৃত্ত হইয়াছিলেন। সেই সময়ে রাজস্বও বাকী পড়িয়াছিল। অনন্তর নবাব সরকার হইতে উদয়নারায়ণকে ধৃত করিবার জন্ত সৈন্ত প্রেরিত হইয়াছিল। ১৬৯৮ খৃঃ তদীয় মধ্যম ভ্রাতা রামদেবের চক্রান্তে নবাব সৈন্ত হস্তে উদয়নারায়ণ নিহত হন।

৮ রামদেব দেবরায় ।

উদয়নারায়ণের মধ্যম ভ্রাতা রামদেব দেবরায় ভ্রাতৃ নিধন করিয়া জমিদারী হস্তগত করেন। তিনি যশোহরের অন্তর্গত মহম্মদপুরের সুপ্রসিদ্ধ রাজা সীতারাম রায়ের সমসাময়িক লোক ছিলেন। নলডাঙ্গা রাজ্যের মামুদসাহী পরগণায় কিয়দংশ সীতারাম রায় হস্তগত করিলে, এই রাজবংশের সহিত তাঁহার অসম্ভাব হইয়াছিল। ১৭২৭ খৃঃ রামদেব দেবরায় লোকান্তরে গমন করেন।

৬ রঘুদেব দেবরায়।

রামদেবের পুত্র রঘুদেব দেবরায় নবাবের আদেশ পালন না করায় তাঁহার জমিদারী নবাবের আদেশে নাটোরাধিপতি রাজা রামকান্ত রায় অধিকার করেন। তিন বৎসর পরে পুনরায় তিনি স্বীয় জমিদারী প্রাপ্ত হইয়াছিলেন। তিনি প্রজাপুঞ্জের হিতসাধনে নানাবিধ উপায়ে অর্থব্যয় করিয়াছিলেন।

৬ কৃষ্ণদেব দেবরায়।

অতঃপর রঘুদেবের পুত্র কৃষ্ণদেব দেবরায় পৈতৃক সম্পত্তি লাভ করেন। তাঁহার সময়ে রাজ্যমধ্যে কৃষি বাণিজ্যের উন্নতি হইয়াছিল। তাঁহার শরীর সুগঠিত ও সুদীর্ঘ ছিল এবং বলবীৰ্য্যও তদনুযায়ী ছিল। তাঁহার শাসনকালে রাজ্যে সম্পূর্ণ শান্তি বিরাজ করিয়াছিল। তিনি পরমসুখে রাজ্য শাসন করিয়া গিয়াছেন। ১৭৭৩ খৃঃ রাজা কৃষ্ণদেব দেবরায় পরলোক গমন করিয়াছেন। তিনি মৃত্যুকালে দুই ঔরষ পুত্র মহেন্দ্রশঙ্কর ও রামশঙ্কর এবং এক পোষাপুত্র গোবিন্দচন্দ্র দেবরায়কে রাখিয়া বান।

৬ রামশঙ্কর দেবরায়।

কৃষ্ণদেবের পর রামশঙ্কর দেবরায় এই অংশের প্রতিনিধি হন। তাঁহার সময়ে মামুদসাহী পরগণা তিন অংশে বিভক্ত হয়। মহেন্দ্রশঙ্কর ও রামশঙ্কর প্রত্যেকে তাঁহারা রাজ্যের ছয় আনা অংশ প্রাপ্ত হন এবং গোবিন্দচন্দ্র অবশিষ্ট সিকি অংশ প্রাপ্ত হইয়াছিলেন। অতঃপর মহেন্দ্র-

শঙ্কর ও গোবিন্দর উত্তরাধিকারীগণের জমিদারী নড়াইলের জমিদারগণ ক্রয় করেন । রামশঙ্করের বংশধরগণ এখনও তাঁহাদের জমিদারী ভোগ করিতেছেন ।

৩ শশিভূষণ দেবরায় ।

রামশঙ্করের পুত্র শশিভূষণ দেবরায় বিবিধ রাজোচিত গুণে ভূষিত ছিলেন । তিনি নানা প্রকার দেশহিতকর অমুষ্ঠান করিতে সমর্থ হইয়াছিলেন । তিনি দাতা ও সহৃদয় পুরুষ ছিলেন । তাঁহার সন্তানাদি না হওয়ায় তিনি ইন্দুভূষণকে পোষ্যপুত্র গ্রহণ করিয়া যান ।

৩ ইন্দুভূষণ দেবরায় ।

শশিভূষণের দেহান্তে তাঁহার দত্তকপুত্র ইন্দুভূষণ দেবরায় রাজ্যাভিষিক্ত হন । তিনি অসীম প্রতিভাশালী, পরিশ্রমী, উদ্যোগী ও ধীমান পুরুষ ছিলেন । তিনি জনসাধারণের মধ্যে ও গবর্ণমেন্টের নিকট বিশেষ সম্মান ও প্রতিপত্তি লাভ করেন । তিনি অনেক সদনুষ্ঠানে যোগদান করিতেন । তিনি প্রজাবৎসল ছিলেন ; অধিকন্তু প্রজাপুঞ্জের উন্নতিকল্পে অর্থ ব্যয় করিয়াছিলেন । তিনি স্বয়ং রাজকার্য্য পরিদর্শন করিতেন এবং বিষয় বুদ্ধির প্রার্থর্য্যে সম্পত্তির আয় বৃদ্ধি করিতে সমর্থ হন । গবর্ণমেন্ট তাঁহার গুণের পুরস্কারস্বরূপ ১৮৬০ খৃঃ ইন্দুভূষণকে “রাজা” উপাধি সম্মানে সম্মানিত করেন । ১৮৮৫ খৃঃ রাজা ইন্দুভূষণ দেবরায় দেহত্যাগ করিয়াছেন । তিনি অপুলক থাকায় প্রমথভূষণকে পোষ্যপুত্র গ্রহণ করিয়া যান ।

প্রমথভূষণ দেবরায়।

ইন্দ্রভূষণের পরলোকান্তে ১৮৮৫ খৃঃ তদীয় পোষ্যপুত্র রাজা শ্রীযুক্ত প্রমথভূষণ দেবরায় বাহাদুর রাজ্যাধিকার লাভ করিয়াছেন। ইহার নাবালক সময় বিষয় সম্পত্তি কোর্ট অব্ ওয়ার্ড্‌সের তত্ত্বাবধানে ছিল ; অতঃপর বয়ঃপ্রাপ্ত হইয়া ইনি জমিদারীর ভার স্বহস্তে গ্রহণ করিয়াছেন। পল্লীগ্রামবাসী ভূস্বামীবৃন্দের মধ্যে ইনি একজন প্রতিভাশালী ও শান্তিপ্রিয় জমিদার। প্রজাপুঞ্জের সাধারণ হিতকরকার্যে ইনি অর্থ ব্যয় ও শ্রমস্বীকার করিতে কুণ্ঠিত হন না। ইনি প্রজার ও জেলার উন্নতিসাধনে সচেষ্ট। গবর্ণমেন্টের নিকট ইনি প্রভূত সম্মান ও প্রতিপত্তি প্রাপ্ত হইয়া থাকেন। সময়ে সময়ে স্থানীয় গবর্ণমেন্ট নানা বিষয়ে ইহার যুক্তিপূর্ণ পরামর্শ গ্রহণ করেন। ১৯১০ খৃঃ স্বর্গীয় ভারতেশ্বর সপ্তম এডওয়ার্ডের স্মৃতি ভাণ্ডারে রাজা বাহাদুর এক সহস্র টাকা দান করিয়াছেন। ১৯১৩ খৃঃ ইংরাজী নব বর্ষ উপলক্ষে প্রমথভূষণ ব্যক্তিগত “রাজা বাহাদুর” উপাধি সম্মানে ভূষিত হইয়াছেন। ১৯১৩ খৃঃ ২৫শে নভেম্বর বঙ্গের জনপ্রিয় প্রথম গবর্ণর লর্ড কারনাইকেল বাহাদুর কলিকাতার লাটভবনে এক বৃহৎ দরবার করিয়া ইহাকে রাজা বাহাদুর উপাধি সনন্দ প্রদান করেন। “বশোহর মোটর সার্ভিস কোম্পানী লিমিটেড্” নামে যে একটি কোম্পানী প্রতিষ্ঠিত হইয়াছে, স্বদেশহিতৈষী রাজা বাহাদুর এই শুভ অনুষ্ঠানের পৃষ্ঠপোষক এবং বশোহরের সুপ্রসিদ্ধ উকীল রায় শ্রীযুক্ত যদুনাথ মজুমদার বাহাদুর ইহার সম্পাদক। রাজা বাহাদুর অমায়িক, দয়াবান, দাতা, ধর্মপরায়ণ, প্রতিভাশালী ও বিচক্ষণ ব্যক্তি। ইনি নানা বিষয়ে স্বীয় প্রতিভা প্রদর্শন করিয়া সমাজে গণ্য হইয়া বংশের গৌরব বৃদ্ধি করিতেছেন।

মহম্মদপুর জমিদারবংশ ।

বর্তমান মুর্শিদাবাদ জেলার অন্তর্গত গিধিনা গ্রামে এই বংশের পূর্ব-
পুরুষগণের নিবাস ছিল । ইহারা জাতিতে উত্তর রাঢ়ীয় কায়স্থ ।

৩ রামদাস গজদানী ।

এই বংশের জনৈক পূর্বপুরুষ রামদাস দাস মাতার দানসাগর শ্রাদ্ধে
গজদান করায় গজদানী উপাধি প্রাপ্ত হন । রামদাস গজদানীর তিন
পুত্র—অনন্ত, ধনন্ত ও শিবরাম ।

জ্যেষ্ঠ অনন্তের পুত্র ধরাধর । তাঁহার দুই পুত্র—রামলোচন ও
সুধাকর দাস ।

রামলোচনের পুত্রের নাম কৃষ্ণচন্দ্র, তাঁহার পুত্র লক্ষণ ; তৎপুত্র বক্সী
নন্দকিশোর দিল্লীতে সম্রাট আরঙ্গজেবের সভায় কোন উচ্চপদে নিযুক্ত
ছিলেন । তিনি বক্সী উপাধি ও বঙ্গদেশে অনেক জায়গীর প্রাপ্ত হন ।
তাঁহার পুত্র কিরণচন্দ্র, তৎপুত্র রামনাথ, তৎপুত্র লক্ষীকান্ত । নবাব
মুর্শিদকুলি খাঁ লক্ষীকান্তের জায়গীরগুলি লইয়া মেদিনীপুর ও উড়িষ্যায়
নূতন জায়গীর প্রদান করেন । তাঁহার পুত্র প্রাণনাথ ; তৎপুত্র শ্রীনাথের
অবস্থা মন্দ হওয়ায় তিনি রাজা সীতারামের সরকারে বৃত্তি প্রাপ্ত হইতেন ।
শ্রীনাথের পুত্র বন্দাবন, তৎপুত্র কৃষ্ণবল্লভ, তৎপুত্র নদন, তৎপুত্র শোভা-
রাম, তৎপুত্র কুড়ারাম ; তৎপুত্র রাধাচরণ দাস ইংরাজ গবর্ণমেন্টের সময়ে
সুখ্যাতির সহিত সবজজের কার্য্য করেন । তাঁহার তিন পুত্র—জগমোহন,
কৃষ্ণমোহন ও হরিমোহন । কৃষ্ণমোহন ছগলীর উকীল ছিলেন । তাঁহার

দুই পুত্র—রাজীবলোচন ও রামলোচন দাস । রাজীবলোচন সেরেস্তাদার ও রামলোচন মুনসেফ ছিলেন ।

জ্যেষ্ঠ রাজীবলোচনের দুই পুত্র—শ্রামাচরণ ও কৈলাসচরণ । শ্রামাচরণ মেদিনীপুর কলেজের অধ্যক্ষ । তাঁহার দুই পুত্র কুঞ্জবিহারী ও বিপিনবিহারী । কুঞ্জবিহারী, বি-এল উকীল এবং বিপিনবিহারী চিত্রকর । ইহার পুত্র মণীন্দ্রনাথ দাস, বি-এ ।

কৃষ্ণমোহনের দ্বিতীয় পুত্র রামলোচনের ছয় পুত্র—চন্দ্রশেখর, যত্ননাথ, উপেন্দ্রনাথ, দেবেন্দ্রনাথ, মহেন্দ্রনাথ ও সত্যেন্দ্রনাথ ।

রামলোচনের জ্যেষ্ঠ পুত্র চন্দ্রশেখর দাস “বি-সি-ই” পরীক্ষায় উত্তীর্ণ হইয়া ডিষ্ট্রিক্ট ইঞ্জিনিয়ার পদে নিযুক্ত হন । ইহার পুত্র অমরেন্দ্রনাথ দাস এম-এ একজন সুপ্রসিদ্ধ ডেপুটি মাজিষ্ট্রেট ।

রামলোচনের দ্বিতীয় পুত্র যত্ননাথ দাস বি-এল একজন সবজজ । ইহার পুত্র শৈলেন্দ্রনাথ দাস ।

রামলোচনের তৃতীয় পুত্র উপেন্দ্রনাথ দাস এল-এম-এস্ । ইহার পুত্র যোতীন্দ্রনাথ দাস বি-এ ।

রামলোচনের চতুর্থ পুত্র দেবেন্দ্রনাথ দাস বি-এল, বাঁকীপুরের উকীল । ইহার পুত্র অচলেন্দ্রনাথ দাস ।

রামলোচনের পঞ্চম পুত্র মহেন্দ্রনাথ দাস বি-এল, মেদিনীপুরের উকীল । ইহার পুত্র কালীপদ দাস ।

রামলোচনের কনিষ্ঠ পুত্র সত্যেন্দ্রনাথ দাস এম-এ বি-এল প্রতিযোগিতা পরীক্ষায় অতি উচ্চস্থান অধিকার করিয়া ডেপুটি মাজিষ্ট্রেট পদ প্রাপ্ত হন । ইনি সাধারণের হিতকার্যের অমুরাগী বলিয়া জনসাধারণের প্রশংসা-ভাজন হইয়াছেন । ইহার পাঁচ পুত্র—হীরেন্দ্রনাথ, হরেন্দ্রনাথ, কিরাতনারায়ণ, কিরণচন্দ্র ও জ্যোৎস্নাকুমার দাস ।

রামদাস গঙ্গদানীর পৌত্র ধরাধরের কনিষ্ঠপুত্র সুধাকার, তৎপুত্র

নীলাধর, তৎপুত্র রত্নাকর, তৎপুত্র হিমকর ; তৎপুত্র রামদাস রাজমহলের নবাব সরকারের সেরেস্‌তায় কোন রাজপদে বিচক্ষণতার সহিত কার্য করিয়া “বিশ্বাস” উপাধি লাভ করেন ;

রামদাসের পুত্র হরিশ্চন্দ্র বিশ্বাস রাজমহলের নবাব সরকারের কোন উচ্চপদে সমাসীন হইয়া “রায়-রাঁইয়া” উপাধি প্রাপ্ত হন । এই উপাধি মুসলমান শাসনকালে উচ্চপদ ও সাতিশয় সম্মানের পরিচয় ছিল ।

৮ উদয়নারায়ণ রায় ।

হরিশ্চন্দ্রের পুত্র উদয়নারায়ণ রায় প্রথমে রাজমহলে পিতৃপদ প্রাপ্ত হইয়া “রায়-রাঁইয়া” উপাধিতে ভূষিত হন । তাঁহার কার্যাকুশলতা দেখিয়া কর্তৃপক্ষ তাঁহাকে ঢাকার নবাব ইব্রাহিম খাঁর অধীনে প্রেরণ করেন । ১৬১৫ খৃঃ তিনি ঢাকা হইতে ভূষণার ফৌজদারের অধীনে রাজস্ব-সংক্রান্ত কন্‌চাৰী নিযুক্ত হইয়া তথায় প্রেরিত হন । অতঃপর তিনি ভূষণার নিকটবর্তী গোপালপুরে সপরিবারে বাস করিতে থাকেন । ক্রমে তিনি ভূষণার সন্নিকট একখানি তালুক এবং মহম্মদপুরের নিকট মহম্মদপুর জোত বন্দোবস্ত করিয়া লইয়াছিলেন । উদয়নারায়ণ বঙ্গীয় জেলার অন্তঃপাতী কাটোয়া মহকুমার অধীন মহিপতিপুর গ্রামে এক কুলীনের কন্যার পাণিগ্রহণ করেন । তাঁহার দুই পুত্র—রাজা সীতারাম রায় ও লক্ষ্মীনারায়ণ রায় ।

৯ সীতারাম রায় ।

রাজা সীতারাম রায় ১৬৫৭ খৃঃ মাতুলালয়ে জন্মগ্রহণ করেন । তিনি ঢাকার আরবী ও পারসী ভাষা শিক্ষার সময় মৈনিকদলে গিয়া অল্প-

বিদ্যাও শিক্ষা করেন। ঢাকার তদানীন্তন নবাব সায়ের্ত্তা খাঁ তাঁহার অস্ত্র পরিচালনার কৌশল দেখিয়া তাঁহাকে বিশেষ সমাদর করিতেন। সেই সময়ে ফতেয়াবাদে করিম খাঁ নামক একজন পাঠান বিদ্রোহী হইলে, নবাব সায়ের্ত্তা খাঁ তাঁহাকে সাত হাজার পদাতিক ঢালী সৈন্ত ও তিন হাজার অশ্বরোহী সৈন্ত দিয়া করিম খাঁর বিরুদ্ধে প্রেরণ করেন। সীতারাম সেই যুদ্ধে জয়লাভ করিলে, নবাব তাঁহার প্রতি পরিতুষ্ট হইয়া ভূষণার অধীন নলদী পরগণা জায়গীর প্রদান পূর্বক “রায়-রাইয়া” উপাধিতে ভূষিত করেন। অতঃপর কালীগঙ্গা নদীতীরে হরিহর নগর নামে এক নূতন নগর ও বাসভবন নিশ্চিত হয়। দেবালয় নিশ্চিত হইয়া ৮ শ্রীধরনারায়ণ শীলা প্রতিষ্ঠিত হয়। পিতামাতার বিয়োগান্তে তাঁহাদের স্মরণার্থ তিনি একটি বৃহৎ পুষ্করিণী খনন করাইয়াছিলেন। তদনন্তর তিনি বৈদ্যানাথ, গয়া, কান্ধী, প্রয়াগ, অযোধ্যা, বৃন্দাবন, মথুরা প্রভৃতি তীর্থস্থান পর্য্যটন করিয়া মোগল রাজধানী দিল্লীনগরে সম্রাট আরঙ্গজেবের দরবারে উপস্থিত হন। তৎকালে আসামী, আরাকানী ও পর্তুগীজদিগের অত্যাচারে নিম্নবঙ্গে প্রায় লোক বাস করিতে পারিত না। সেইজন্য সম্রাট আরঙ্গজেব তাঁহাকে “রাজা” উপাধি দিয়া নিম্ন বঙ্গের আবাদী সনন্দ প্রদান করেন। অনন্তর সীতারাম মুর্শিদাবাদে আসিয়া নবাব মুর্শিদকুলি খাঁর সহিত সাক্ষাৎ করিলে, নবাব তাঁহাকে গড় বেষ্টিত বাটি নির্মাণ ও অত্যাচার নিবারণ জন্ত সৈন্ত রাখিবার অমূল্য প্রদান করেন। অতঃপর তিনি ১৬৯৮খৃঃ নারায়ণপুর নামক স্থানে রাজধানী মনোনীত করেন; কিন্তু তথায় মহম্মদ আলি নামে একজন মুসলমানের বাস থাকায় তাঁহার নামানুসারে নগরের নাম মহম্মদপুর হইয়াছে। সীতারাম ভূগর্ভ হইতে ৮ লক্ষ্মীনারায়ণ শীলা প্রাপ্ত হইয়া উহা প্রতিষ্ঠা করেন। তাঁহার পিতার নামানুসারে উদয়গঞ্জের খাল ও বাজার হয়। তিনি কানাইপুরে ৮ কৃষ্ণবলরাম বিগ্রহ সংস্থাপিত করেন। তাঁহার

রাজধানীতে অনেকগুলি দেবদেবী প্রতিষ্ঠিত আছেন। এই সকল দেবতার নামে তিনি যে নিষ্কর ভূসম্পত্তি দান করিয়া যান, তাহা অদ্যাপি রহিয়াছে। নাটোরের মহারাজ শ্রীযুক্ত জগদীজনাথ রায় সেবাইতরূপে সেই সকল সম্পত্তি অধিকার করিয়া দেবসেবা পরিচালনা করিতেছেন। সীতারামের প্রতিষ্ঠিত ৮ কৃষ্ণবিগ্রহ এখনও দীঘাপতিয়ার রাজভবনে আছেন। ষাটশ ভূঁইয়ার মধ্যে অনেকের জমিদারী তিনি অধিকার করেন। নলডাঙ্গা রাজবংশের মামুদসাহী পরগণার কিয়দংশ তাঁহার হস্তগত হয়। তাঁহার জমিদারী যশোহর, ফরিদপুর খুলনা, বরিশাল, নদীয়া ও পাবনা জেলায় ছিল। চাঁচড়ার রাজা মনোহর রায় তাঁহার রাজ্য আক্রমণ করেন; তজ্জন্তু সীতারামও তাঁহার রাজ্য আক্রমণ করিয়াছিলেন। তিনি স্বীয় জমিদারীর মধ্যে পুষ্করিণী, রাস্তা, বাজার, বন্দর প্রভৃতি প্রতিষ্ঠা করেন। তিনি প্রজাগণকে নানাপ্রকারে সাহায্য করিতেন। তিনি বিবিধ জাতীয় প্রকৃতিপুঞ্জের মধ্যে শাস্তি ও একতা স্থাপন করেন। তিনি অধ্যাপক ও পণ্ডিতগণের প্রতি যথেষ্ট সম্মান প্রদর্শন করিতেন। তাঁহার জমিদারীতে বহুসংখ্যক চতুষ্পাঠী, পাঠশালা ও মোকতাব ছিল। তিনি বহু ব্রাহ্মণ পণ্ডিতকে ও নিজ কর্মচারীদিগকে অনেক ভূসম্পত্তি দান করেন। তাঁহার দানশীলতা, সত্যবাদিতা, ত্রায়নিষ্ঠতা ও নিরপেক্ষতা প্রসিদ্ধ ছিল। ভূষণার ফৌজদার আবুতরাপ, সীতারামের সমৃদ্ধি দেখিয়া তাঁহার নিকট হইতে রাজস্ব আদায়ের জন্ত নবাব মুর্শিদকুলি খাঁকে অমুরোধ করেন। অনন্তর নবাব তাঁহার নিকট হইতে রাজস্ব আদায়ের জন্ত আদেশ করিয়াছিলেন। সেই স্ত্রে আবুতরাপের সহিত যুদ্ধ উপস্থিত হইলে সীতারামের সেনাপতি মেনাহাভী ভূষণার যুদ্ধে ফৌজদারের শিরচ্ছেদ করেন। এই সময়ে নাটোর রাজবংশের প্রতিষ্ঠাতা রঘুনন্দন রায়, সীতারামের রাজ্য প্রাপ্তির লোভে নবাবের দরবারে তাঁহার নিম্ন-

করিতেন। অতঃপর নবাব তদীয় কর্মচারী রঘুনন্দন ও তাঁহার জ্যেষ্ঠ ভ্রাতা রামজীবনকে স্বেদারী সৈন্তের সহিত সেনাপতি সিংহরাম সাহকে 'সীতারামের নিধনার্থ' মহম্মদপুরে প্রেরণ করেন। রাজা রামজীবন ও রঘুনন্দনের কুটিল চক্রান্তে সেনাপতি মেনাহাতী মহম্মদপুরে অস্তায়রূপে নিহত হন। অতঃপর রজনীবোঙ্গে মুসলমানবাহিনী সীতারামের রাজধানী আক্রমণ করিলে বীরকুলচূড়ামণি সীতারাম বন্দী হন। তিনি নৈশ বুদ্ধে রাহুগ্রাসে পতিত হইয়া মুর্শিদাবাদে আনীত হন এবং সেই স্থানেই ১৭১৫ খৃঃ রাজা সীতারাম রায়ের মৃত্যু হয়। সীতারামের পতনের পর ১৭২০ খৃঃ নবাব মুর্শিদকুলী খাঁ, রামজীবনকে উপযুক্ত ব্যক্তি বিবেচনা করিয়া সীতারামের বিশাল রাজ্যের অধিকাংশ তাঁহার সহিত বন্দোবস্ত করেন। তাঁহার জমিদারীর কতকগুলি পরগণা পাইকপাড়ার দেওয়ান গঙ্গাগোবিন্দ সিংহ ক্রয় করেন। সাহ-উজিয়াল প্রভৃতি পরগণা দিবাপতিয়ারাজ নীলামে ক্রয় করেন। সাঁতৈল প্রভৃতি পরগণা শ্রীরামপুরের গোস্বামীগণ ক্রয় করেন। নলদী পরগণা ঢাকার নবাব ক্রয় করেন। দিঘালিয়া প্রভৃতি পরগণা চাঁচড়ার রাজা ক্রয় করেন। তেলিহাটি, রোকনপুর প্রভৃতি পরগণা নড়াইলের কালীশঙ্কর রায় নীলামে ক্রয় করেন। খড়েয়া পরগণা কলিকাতার হাটখোলার দত্তগণ এবং মজিলপুর পরগণা রাণী রাসমণী ক্রয় করেন। বেলগাছি পরগণা নলডাঙ্গার রাজা ক্রয় করেন। অন্ত্যান্ত পরগণা জমীদারগণ ক্রয় করিয়াছিলেন। সীতারামের পাঁচ বিবাহ হইয়াছিল। মুর্শিদাবাদ জেলার অন্তর্গত দাসপালসা গ্রামে সরল ঘোষের কন্যা কমলার সহিত প্রথম বিবাহ হয়; তিনি নিঃসন্তান ছিলেন। অগ্রদ্বীপের নিকটবর্তী পাটুলীতে তিনি দ্বিতীয়বার বিবাহ করেন। মধ্যমা স্ত্রীর গর্ভে শ্রামসুন্দর ও সুরনারায়ণ নামে দুই পুত্র জন্মগ্রহণ করেন। ভূষণার অধীন ইদিলপুর গ্রামে তৃতীয়বার বিবাহ হইয়াছিল। তৃতীয়া পত্নীর গর্ভে রামদেব ও

জয়দেব নামে দুই পুত্র জন্মিয়াছিল। তাঁহারা নিঃসন্তান অবস্থায় পরলৌকিক গমন করেন। সীতারামের জীবদ্দশায় বসন্তরোগে তাঁহার চতুর্থ ও পঞ্চম স্ত্রীর মৃত্যু হইয়াছিল।

৬ প্রেমনারায়ণ রায় ।

সীতারামের মধ্যম পুত্র সুরনারায়ণ রায়ের পুত্র প্রেমনারায়ণ রায় এই বংশের প্রতিনিধি হন। যৎকালে প্রাতঃস্মরণীয়া রাণী ভবানী নাটোরের রাজকার্য্য পরিচালনা করিতেছিলেন ; সেই সময়ে বৃট্টশরাজের চিরস্থায়ী বন্দোবস্ত আরম্ভ হয়। তখন রাণী ভবানী, সীতারামের সমগ্র জমিদারী চিরস্থায়ী বন্দোবস্ত করিয়া লইয়াছিলেন। পরিশেষে রাণী ভবানী, প্রেমনারায়ণকে নলদী ও সাঁতৈর পরগণার মধ্যে তাঁহার ভরণপোষণের জন্ত কঞ্চিৎ ভূসম্পত্তি দান করেন। তিনি যশোহর জেলার অন্তর্গত শিয়ালজোড় গ্রামে ভগবানচন্দ্র দাসের কন্যাকে বিবাহ করিয়াছিলেন।

৭ নবকুমার রায় ।

প্রেমনারায়ণের পুত্র রাধাকান্ত রায়। তাঁহার পুত্র নবকুমার ও কন্যা আলোকমণি। নাটোরের পতন সময়ে যখন মহারাজ রামকৃষ্ণ রায়ের জমিদারী রাজস্ব দায়ে বিক্রয় হইতেছিল ; তখন দেওয়ান গঙ্গাগোবিন্দ সিংহ নলদী পরগণা ক্রয় করেন। তিনি সীতারামের বংশধরগণের দুর্গতির অবস্থা জ্ঞাত হইয়া তাঁহার বংশধরগণকে বার্ষিক দ্বাদশ শত টাকা বৃত্তি দান করিতেন। এই বৃত্তি নবকুমার রায়ের সময়ে ছয় শত টাকা ছিল ; পরে নবকুমারের বৃদ্ধাবস্থায় ৩৬০ টাকায় পরিণত হয়। এক্ষণে এই বৃত্তি বিলুপ্ত হইয়াছে। ষাঁহাদিগেব পূর্বপুরুষগণের বার্ষিক আয়

৭৮ লক্ষ টাকা ছিল, অদৃষ্টচক্রে কালের প্রভাবে অধুনা তাঁহাদের অবস্থা অতি শোচনীয় হইয়াছে। মহম্মদপুরের প্রকাণ্ড ভগ্নাবশেষ ভিন্ন এই প্রাচীন বংশের গৌরবের স্মৃতি আর কিছুই নাই।

৬ লক্ষ্মীনারায়ণ রায় ।

সীতারামের কনিষ্ঠ ভ্রাতা লক্ষ্মীনারায়ণ রায় মুসলমানদিগের সহিত যুদ্ধ আরম্ভ হইবার পূর্বে মহম্মদপুর পরিত্যাগ পূর্বক হরিহর নগর পলায়ন করিয়া তথাকার বাটিতে বাস করিতেন। তিনি অতি সরল প্রকৃতির লোক ছিলেন। জ্যেষ্ঠের ছায়া রাজ্যের প্রতি তাঁহার দৃষ্টি ছিল না। তাঁহার চারিপুত্র—যহ্ননাথ, নরনারায়ণ, জয়নারায়ণ ও বিজয়নারায়ণ রায়।

লক্ষ্মীনারায়ণের মধ্যমপুত্র নরনারায়ণ রায়ের দুই পুত্র মনসুখচাঁদ ও নেহালচাঁদ রায়।

জ্যেষ্ঠ মনসুখচাঁদের তিনপুত্র—রঘুনাথ, রমানাথ ও প্রাণনাথ রায়। মধ্যম রমানাথের দুই পুত্র—কমলাকান্ত ও মাধবচন্দ্র রায়।

নরনারায়ণের কনিষ্ঠ পুত্র নেহালচাঁদের পৌষ্যপুত্র কৃষ্ণকান্ত রায়ের দুই পুত্র গুরুদয়াল ও চৈতন্তচরণ রায়। কনিষ্ঠ চৈতন্তচরণের দুই পুত্র—সূর্যনাথ ও দেবনাথ রায়। লক্ষ্মীনারায়ণের শেষ বংশধর দেবনাথের অবস্থাও ভাল নহে। ইনি হরিহর নগরের বাটিতে বাস করেন। ইহার পৈতৃক ঠাকুর ৬ শ্রীধর জীউ এখনও বিদ্যমান আছেন। দেবনাথের সামান্য সম্পত্তি আছে, তাহাতেই কোন ক্রমে গ্রাসাচ্ছাদন চলিয়া থাকে।

৬ শিবরাম রায় ।

রামদাস গজদানীর কনিষ্ঠ পুত্র শিবরামের বংশে পঞ্চম পুরুষ নিয়ে অশোকরাম দাসের জন্ম হয়। তাঁহার পুত্র বল্লভরাম। তৎপুত্র বীরভদ্র নবাব মুর্শিদকুলি খাঁর অধীনে মুর্শিদাবাদে কার্য্য করিতেন। তিনি নবাব সাহসুজার সভাসদ থাকিয়া বহু ভূসম্পত্তি ও “সরকার” উপাধি প্রাপ্ত হন।

বীরভদ্রের পুত্র দয়ালচন্দ্র সরকার মেদিনীপুর জেলায় ভূসম্পত্তি প্রাপ্ত হইয়া তথায় অবস্থিতি করেন।

দয়ালচন্দ্রের পুত্র রামচন্দ্র সরকারের দুই পুত্র শ্রামাচরণ ও গুরুপ্রসাদ। জ্যেষ্ঠ শ্রামাচরণের পুত্র টাঁকারাম, তৎপুত্র শ্রীকান্ত, তৎপুত্র দৈবরচন্দ্র। তাঁহার পুত্র পূর্ণচন্দ্র মুনসেফ ছিলেন। তাঁহার পুত্র শ্রীযুক্ত পৃথ্বীশনারায়ণ সরকার।

রামচন্দ্রের কনিষ্ঠ পুত্র গুরুপ্রসাদের পুত্র ব্রজমোহন, তৎপুত্র কৃষ্ণমোহন। তাঁহার দুই পুত্র—যাদবচন্দ্র ও উদয়চন্দ্র সরকার।

জ্যেষ্ঠ যাদবচন্দ্রের পুত্র কালীচরণ সরকার গবর্ণমেন্ট হইতে পেন্সন্ ভোগ করিতেছেন। তাঁহার দুই পুত্র—সতীশচন্দ্র ও হেমচন্দ্র সরকার।

কৃষ্ণমোহনের কনিষ্ঠ পুত্র উদয়চন্দ্রের ছয় পুত্র—কালীকিঙ্কর, বরদা প্রসাদ, চন্দ্রশেখর, হুর্গাচরণ, সারদাপ্রসাদ ও অন্নদাপ্রসাদ সরকার। উদয়চন্দ্রের জ্যেষ্ঠপুত্র কালীকিঙ্করের তিন পুত্র—শরচ্চন্দ্র, সরিৎচন্দ্র ও মন্থথকুমার সরকার।

উদয়চন্দ্রের তৃতীয় পুত্র শ্রীযুক্ত চন্দ্রশেখর সরকার প্রবেশিকা হইতে এম-এ পর্য্যন্ত কোন পরীক্ষায় প্রথম দশ জনের মধ্যে নাই। বি-এ, এম-এ, এবং বি-এল পরীক্ষায় ইনি প্রথম স্থান অধিকার করেন। ইনি ভাগলপুরের গবর্ণমেন্ট উকীল ছিলেন; এক্ষণে সেই পদ পরিত্যাগ করিয়া স্বাধীনভাবে ওকালতী করিতেছেন। ইনি তথাকার একজন

প্রধান উকীল । ইহঁার পাঁচপুত্র—যামিনীমোহন বি-এ, যোতীন্দ্রমোহন, সৌরীন্দ্রমোহন, ভূপেন্দ্রমোহন ও নৃপেন্দ্রমোহন সরকার ।

উদয়চন্দ্রের চতুর্থ পুত্র শ্রীযুক্ত হুর্গাচরণ সরকার এণ্ট্রান্স, এফ-এ ও বি-এ পরীক্ষায় প্রথম স্থান অধিকার করেন ।

উদয়চন্দ্রের পঞ্চম পুত্র শ্রীযুক্ত সারদাপ্রসাদ সরকার এণ্ট্রান্স হইতে এম-এ পর্য্যন্ত সকল পরীক্ষায় উচ্চস্থান অধিকার পূর্ব্বক প্রতিযোগিতা পরীক্ষায় উত্তীর্ণ হইয়া ডেপুটী ম্যাজিষ্ট্রেট পদে নিযুক্ত হইয়া স্মৃতিচিহ্ন সহিত রাজকার্য্য করিতেছেন ।

নড়াইল জমিদারবংশ ।

বঙ্গের প্রথম হিন্দুরাজা আদিশূর ইন্দ্রযজ্ঞ করিতে তৎকালে বঙ্গদেশে শাস্ত্রবিৎ পণ্ডিত ব্রাহ্মণ না পাওয়ায় কান্তকূজাধিপতি রাজা বীরসিংহ দেবের সহিত প্রীতি করিয়া তদেশীয় বেদজ্ঞ ভট্টনারায়ণ, দক্ষ, শ্রীহর্ষ, বেদগর্ভ ও ছান্দড় নামক পঞ্চজন সুপণ্ডিত ব্রাহ্মণ আনয়ন করেন। তাঁহাদের সহিত মকরন্দ ঘোষ, দশরথ বসু, কালিদাস মিত্র, দশরথ গুহ ও পুরুষোত্তম দত্ত নামে পঞ্চজন কায়স্থ অমুচর আগমন করিয়াছিলেন। শেযোক্ত পুরুষোত্তম দত্ত যশোহর জেলার অন্তর্গত নড়াইলের জমিদারগণের আদিপুরুষ। তিনি প্রথমে হাবড়া জেলার অন্তর্গত বালি গ্রামে বাস করেন। ঘটকের মতে, ইহারা বালির দত্ত এবং কায়স্থ গোষ্ঠীপতি বলিয়া পরিচিত।

৬ মদনগোপাল দত্ত ।

১৭৫১ খৃঃ বঙ্গদেশে বর্গাদিগের অত্যাচার সময় ইহাদের একজন পূর্ব-পুরুষ বালি হইতে মুর্শিদাবাদের অন্তর্গত চোরা গ্রামে গিয়া বাস করেন। এই বংশোদ্ভব জনৈক পূর্বপুরুষ মদনগোপাল দত্ত বহুদিবস মুর্শিদাবাদের নবাব সরকারে কর্ম করিয়াছিলেন। তৎপরে বাণিজ্যের দ্বারা বিস্তাশালী হন। অতঃপর তিনি চোরা গ্রাম হইতে বর্গাদিগের ভয়ে পলায়নপূর্বক নড়াইল আসিয়া বসতি করেন। তাঁহার পুত্র—রামদেব ও রামগোবিন্দ।

মদনগোপালের কনিষ্ঠ পুত্র রামগোবিন্দ দত্ত বাটীতে অবস্থিতি পূর্বক ব্যবসায় করিয়া জীবিকা নির্বাহ করিতেন। তিনি জীবনের স্ত্রীর্ষকাল

ধর্মচর্চায় ও ধর্মানুষ্ঠানেই অতিবাহিত করিয়াছিলেন। তাঁহার চারি-
পুত্র—রামানন্দ, রূপরাম, রুদ্ররাম ও গঙ্গারাম দত্ত ।

৬ রূপরাম দত্ত ।

রামগোবিন্দের মধ্যম পুত্র রূপরাম দত্ত নাটোররাজের মোক্তার পদে
নিযুক্ত হইয়া মুর্শিদাবাদের নবাব দরবারে প্রেরিত হন। ১৭৯১ খৃঃ
তিনি নাটোরাধিপতি মহারাজ রামকৃষ্ণ রায়ের অধীনে ১৪৮ টাকায়
যশোহরে একটি জমা গ্রহণ করেন। তিনি কঠোর পরিশ্রমী, উদ্যোগী,
স্বধর্মসেবী ও ধার্মিক পুরুষ ছিলেন। ১৮০২ খৃঃ রূপরাম দত্ত লোকান্তরে
গমন করেন। তিনি মৃত্যুকালে নন্দকিশোর, কালীশঙ্কর ও রামনিধি নামে
তিনটি পুত্র সন্তান রাখিয়া যান।

৭ কালীশঙ্কর রায় ।

রূপরামের মধ্যম পুত্র কালীশঙ্কর রায় নাটোর রাজসরকারে দেওয়ানের
কার্য্য করিতেন। ব্রিটিশরাজের চিরস্থায়ী বন্দোবস্তের সময় নাটোর-
রাজের অধীনে ভূষণা জমিদারী তাঁহার সহিত বন্দোবস্ত করা হইয়াছিল।
সেই সময়ে ১৭৯৫ খৃঃ বাকী রাজস্ব দায়ে নাটোররাজের পরগণা সকল
নীলামে বিক্রয় হইতে আরম্ভ হইলে তিনি তেলিহাটা, বিনোদপুর, রূপাবাদ
খালিয়া ও পোক্তানী পরগণা ক্রয় করেন; এতদ্ব্যতীত ১৭৯৯ খৃঃ অত্যন্ত
কয়েকটি ক্ষুদ্র পরগণাও তিনি ক্রয় করিয়াছিলেন। ১৮০০ খৃঃ কালী-
শঙ্করের বিক্রমে ইস্ট ইণ্ডিয়া কোম্পানী মোকদ্দমা করিয়া তাঁহাকে রাজস্ব
অনাদায়ের জন্য কারাবদ্ধ করেন। চারি বৎসর পরে কিছু টাকা রাজস্ব
দিয়া মোকদ্দমা মিটাইয়া কালীশঙ্কর মুক্তি প্রাপ্ত হন। তদবধি তিনি

নড়াইল গ্রামে বাস গ্রহণ করেন । ১৮০৬ খৃঃ তিনি মুর্শিদাবাদের নবাব বাবরজঙ্গের নিকট হইতে “রায়” উপাধি প্রাপ্ত হন ; তদবধি এই বংশের দত্ত উপাধি লোপ হইয়াছে । তাঁহার জীবিতকালে দুইটা পুত্রের মৃত্যু হওয়ায়, কালীশঙ্কর ১৮২০ খৃঃ ৬ বারাণসীধামে গিয়া অবস্থিতি করেন । তথায় তিনি কয়েকখানি জমিদারী ক্রয় করিয়াছিলেন । তিনি অসাধারণ প্রতিভা ও গুণসম্পন্ন লোক ছিলেন । তিনি মৃত্যুকালে প্রায় শতাধিক ভূসম্পত্তি রাখিয়া যান । ১৮৩৪ খৃঃ ৯০ বৎসর বয়সে কালীশঙ্কর রায় পূণ্যভূমি ৬ বারাণসীধামে শিবস্ত্র প্রাপ্ত হন । তাঁহার দুই পুত্র রামনারায়ণ রায় ও জয়নারায়ণ রায় হইতে নড়াইলের বর্তমান জমিদার-বংশ দুইভাগে বিভক্ত হইয়াছে ।

৬ রামনারায়ণ রায় ।

কালীশঙ্করের জ্যেষ্ঠ পুত্র রামনারায়ণ রায় পিতার পরিবর্তে কিছুদিন দেওয়ানী কারাগারে বাস করিয়া তাঁহাকে কতিপয় ধন্যমুষ্ঠানের অবসর দেওয়ায় তিনি অধিকাংশ সম্পত্তি রামনারায়ণকে উইল করিয়া যান । তিনি ধীমান, কার্যাপটু, স্বজাতিপ্রিয় ও সহৃদয় ছিলেন । ১৮২৭ খৃঃ পিতার জীবিতকালে রামনারায়ণ রায় মৃত্যুমুখে পতিত হন । তিনি মৃত্যুকালে রামরতন, হরনাথ ও রাধাচরণ নামে তিন পুত্র রাখিয়া যান ।

৭ রামরতন রায় ।

রামনারায়ণের দেহান্তে তদীয় জ্যেষ্ঠ পুত্র স্বনামখ্যাত রামরতন রায় বিষয় সম্পত্তির প্রতিনিধি হন । অতঃপর কালীশঙ্করের উইল স্বস্বক্কে রামনারায়ণের পুত্র রামরতন এবং জয়নারায়ণের পুত্র গুরুদাস এই দুই

জনের মধ্যে ৪৪ লক্ষ টাকার দাবিতে ১৮৪৭ খৃঃ অক্টোবর মাসে একটি মোকদ্দমা উপস্থিত হইয়াছিল। ১৮৫৮ খৃঃ গুরুদাস রায় জজ আদালতে ঐ মোকদ্দমায় অকৃতকার্য হন। অতঃপর ১৮৬১ খৃঃ গুরুদাস কলিকাতার তৎকালীন সদর দেওয়ানী আদালতে জয়লাভ করেন। পরিশেষে বিলাতের প্রিভি-কাউন্সিলে এই মোকদ্দমা উপস্থিত হইয়াছিল ; কিন্তু নিম্নত্ব হইবার পূর্বে উভয় পক্ষ মোকদ্দমা আপোষে মীমাংসা করিয়াছিলেন। রামরতন মামুদসাহী পরগণার দ্বাদশ আনা অংশ প্রাপ্ত হন এবং অগ্রাণ্ড জমিদারী ক্রয় কারিয়া ভূসম্পত্তি বৃদ্ধি করেন। নীল-করের অত্যাচার সময়ে নড়াইলের জমিদারবংশে মধ্যাহ্ন-সূর্য্য সদৃশ রামরতন রায় জমিদারী পরিচালনা করিতেন। নীলকর নিপীড়িত প্রজার হৃৎথে তাঁহার হৃদয় বিগলিত হয়। তিনি তাঁহার দুইজন প্রধান মোক্তার যশোহর জেলার অন্তর্গত কালিয়া-নিবাসী গিরিধর সেন ও পাবনা জেলার অন্তর্গত আড়পাড়া-নিবাসী জগৎচন্দ্র চট্টোপাধ্যায়, বাটীর কৰ্ম্মচারী ব্রজকিশোর সরকার, মৃত্যুঞ্জয় সরকার প্রভৃতির সহিত পরামর্শ করিয়া রামরতন নীলকর অত্যাচার নিবারণের জন্ত কঠোর পরিশ্রম ও বহু অর্থ ব্যয় করেন। তিনি সাধারণে “রতন রায়” নামেই পরিচিত ছিলেন। যশোহর, ফরিদপুর, বাথরগঞ্জ, পাবনা, নদীয়া, চব্বিশ-পরগণা, হুগলী, মৃজাপুর ও বারানসী প্রভৃতি জেলায় ভূসম্পত্তি রাখিয়া যান। তিনি অতি বুদ্ধিমান, বিচক্ষণ, শ্রমশীল, প্রতিভাশালী ও নিষ্ঠাবান পুরুষ ছিলেন। ১৮৬০ খৃঃ সুপ্রসিদ্ধ জমিদার রামরতন রায় আত্মমানিক ৭৫ বৎসর বয়সে মানবলীলা সম্বরণ করেন। তিনি মৃত্যুকালে দুইটা উপযুক্ত পুত্র চন্দ্রকুমার ও কালীপ্রসন্নকে রাখিয়া যান। তাঁহার পিতৃ-শ্রদ্ধ ক্রিয়া সমারোহের সহিত সমাপন করিয়াছিলেন।

৬ চন্দ্রকুমার রায় ।

রামরতনের জ্যেষ্ঠপুত্র চন্দ্রকুমার রায় সাধারণের প্রতি সাহায্য বিতরণ করিতেন । পণ্ডিত ও গুণী ব্যক্তিগণের প্রতিও তাঁহার দয়ার ও আনু-
কূল্যের ক্রটি ছিল না । সনাতন হিন্দু শাস্ত্রের প্রতি তাঁহার প্রগাঢ়
আসক্তি ছিল । তিনি অমায়িক, বদাশ, ধর্মপরায়ণ ও প্রতিভাশালী
ব্যক্তি ছিলেন । তিনি পুরাতনের ভক্ত, উদারচরিত ও লোকবৎসল
ছিলেন । হিন্দু সমাজের প্রতি তাঁহার প্রীতি ছিল । তাঁহার দুই পুত্র—
রাজকুমার ও সুরেন্দ্রকুমার রায় ।

৭ রাজকুমার রায় ।

চন্দ্রকুমারের জ্যেষ্ঠ পুত্র নড়াইলের অত্যন্ত জমিদার রাজকুমার রায়
পূর্বপুরুষগণের শ্রায় সদৃশে ভূষিত ছিলেন । তিনি প্রজারঞ্জন জমিদার
ছিলেন । তাঁহার চরিত্রে পুরাতন বাঙ্গালার মনুষ্যত্ব ও মহত্ব সম্যক
পরিস্ফুট হইয়াছিল । পুরাতনের পরম ভক্ত হইলেও দেশ কাল পাত্রের
প্রতি লক্ষ্য রাখিয়া তিনি নূতনের প্রতি অনাদর প্রকাশ করেন নাই ।
তিনি নড়াইলের কলেজ, বালিকা বিদ্যালয়, দাতব্য ঔষধালয়, অম্বুর্ষেদীয়
চিকিৎসালয়, সংস্কৃত চতুষ্পাঠী প্রভৃতির উন্নতিসাধন বিষয়ে সর্বদা
মনোযোগী ছিলেন ; তাঁহার যত্নে ও অর্থব্যয়ে ঐ সকল অনুষ্ঠানের প্রভূত
উন্নতি হইয়াছে । তিনি জীবনের প্রত্যেক কার্য্যে বংশের মর্যাদা রক্ষা
করিবার চেষ্টা করিয়া গিয়াছেন । তিনি দাতা, বিনয়ী, মিষ্টভাষী ও
পরোপকারী পুরুষ ছিলেন । ১৯১২ খৃঃ ২২শে জুলাই সুপ্রসিদ্ধ জমিদার
রাজকুমার রায় ইহলোক পরিত্যাগ করিয়াছেন । তাঁহার দুই পুত্র—
শ্রীযুক্ত হেমসুন্দর ও শ্রীযুক্ত নীরদকুমার রায় ।

৬ কালীপ্রসন্ন রায়।

রামরতনের কনিষ্ঠ পুত্র কালীপ্রসন্ন রায় পিতার অনুরূপ বুদ্ধিমান এবং সংকার্য্যপরায়ণ ছিলেন। তিনি অতি ধর্ম্মভীরু ও নিরীহ প্রকৃতির লোক ছিলেন। কালীপ্রসন্ন রায় মৃত্যুকালে এক পুত্র শ্রীযুক্ত ভূপেন্দ্র-কুমার রায়কে রাখিয়া যান। ইহার পুত্র শ্রীযুক্ত গোবিন্দপ্রসন্ন ও শ্রীযুক্ত শ্রীমাংসপ্রসন্ন রায়।

৬ হরনাথ রায়।

রামনারায়ণের মধ্যম পুত্র হরনাথ রায় নড়াইল হইতে যশোহর পর্য্যন্ত একটি রাস্তা নির্মাণকল্পে বহু অর্থ ব্যয় করেন। নানাপ্রকার সদনুষ্ঠানে তাঁহার বিশেষ অনুরাগ ছিল। তিনি একজন সম্ভ্রান্ত ও কৃতবিদ্যা ব্যক্তি ছিলেন। তিনি আড়ম্বরশূন্য, নিরহঙ্কার, ধর্ম্মপরায়ণ ও উদারহৃদয় পুরুষ ছিলেন। গবর্ণমেন্ট তাঁহার গুণের প্রশংসা করিয়া হরনাথকে “রায় বাহাদুর” উপাধি প্রদান করেন। ১৮৬৮ খৃঃ রায় হরনাথ রায় বাহাদুর পরলোকগত হইয়াছেন। তাঁহার দুইটি পুত্র সন্তান জন্মগ্রহণ করেন। হরনাথের জীবিত কালে তাঁহার জ্যেষ্ঠ পুত্র উমেশচন্দ্র রায় অকালে গতাস্থ হন। উমেশচন্দ্র মৃত্যুকালে স্বরংকুমার, উপেন্দ্রচন্দ্র ও কিরণচন্দ্র নামে তিন পুত্র রাখিয়া যান।

উপেন্দ্রচন্দ্রের একমাত্র পুত্র নড়াইলের অগ্রতম জমিদার শ্রীযুক্ত ভবেন্দ্রচন্দ্র রায় ১৯১৩ খৃঃ যশোহরে জলের কল নির্মাণকল্পে দুই হাজার পাঁচ শত টাকা দান করিয়াছেন।

কিরণচন্দ্র রায় ।

রায় শ্রীযুক্ত কিরণচন্দ্র রায় বাহাদুর জনসাধারণের মধ্যে ও রাজ-দরবারে বিশেষ সম্মান ও প্রতিপত্তি লাভ করিয়াছেন । ১৯১০ খৃঃ ১লা জানুয়ারী ইংরাজী নববর্ষ উপলক্ষে ইনি “রায় বাহাদুর” উপাধি সম্মানে ভূষিত হন । ১৯১০ খৃঃ ইনি বঙ্গদেশের প্রধান জমিদার শ্রেণীর অন্তর্ভুক্ত হইয়াছেন । ১৯১০ খৃঃ স্বর্গীয় ভারত সম্রাট সপ্তম এডওয়ার্ডের স্মৃতি-ভাণ্ডারে ইনি চারিশত টাকা দান করেন । ইনি জন-রঞ্জন, দয়াশীল, ত্রায়পরায়ণ ও লোকপ্রিয় ব্যক্তি বলিয়া পরিচিত । ইহার পুত্র শ্রীযুক্ত নীলগোপাল ও শ্রীযুক্ত জ্যোতিষচন্দ্র রায় ।

হরনাথের কনিষ্ঠ পুত্র কালিদাস রায় পিতার মৃত্যুকালে বর্তমান ছিলেন । তাঁহার দুই পুত্র—শ্রীযুক্ত নরেন্দ্রভূষণ ও শ্রীযুক্ত নৃপেন্দ্রভূষণ রায় ।

১৯১৩ খৃঃ ১৬ই জুন নড়াইলের জমিদার শ্রীযুক্ত নরেন্দ্রভূষণ রায়ের পুত্র ও মাননীয় শ্রীযুক্ত ভূপেন্দ্রনাথ বসুর দৌহিত্র শ্রীমান খগেন্দ্রচন্দ্র রায় বি, এ, মহাশয়ের শুভবিবাহ কলিকাতা সহরে সমারোহের সহিত সুসম্পন্ন হইয়াছিল ।

১৯১৪ খৃঃ নড়াইলের জনপ্রিয় দানশীল জমিদার শ্রীযুক্ত নৃপেন্দ্রভূষণ রায় বিপন্ন হইয়াছেন ।

৩ রাধাচরণ রায় ।

রামনারায়ণের কনিষ্ঠ পুত্র রাধাচরণ রায় আত্মীয়জনের প্রতি অকৃত্রিম দয়া ও সহানুভূতি বশতঃ তাহাদের উপকার সাধন ও সাধারণের প্রতি সাহায্য বিতরণ করিতেন । তিনি নগরবাসীগণের প্রীতি ও

অমুরাগ লাভ করেন। হিন্দুশাস্ত্রের প্রতি তাঁহার প্রগাঢ় অমুরাগ ছিল। ১৮৭১ খৃঃ রাখাচরণ রায় লোকান্তর গমন করেন। তিনি মৃত্যুকালে দুইটি উপযুক্ত পুত্র যোগেন্দ্রনাথ ও পুলিনবিহারীকে রাখিয়া যান।

রাখাচরণের জ্যেষ্ঠ পুত্র যোগেন্দ্রনাথ রায় সাধারণের নিকট যথেষ্ট খ্যাতি অর্জন করেন। তাঁহার ছয় পুত্র—যোতীন্দ্রনাথ, জিতেন্দ্রনাথ, ধীরেন্দ্রনাথ নীরেন্দ্রনাথ, গিরীন্দ্রনাথ ও বীরেন্দ্রনাথ রায়।

রাখাচরণের কনিষ্ঠ পুত্র পুলিনবিহারীর তিন পুত্র—বিনোদবিহারী, বিজনবিহারী ও শিবশঙ্কর রায়।

যোগেন্দ্রনাথের জ্যেষ্ঠ পুত্র শ্রীযুক্ত যোতীন্দ্রনাথ রায় স্মৃতিচিহ্নের সহিত বিলাতের “সিবিল্ সার্ভিস্” পরীক্ষায় উত্তীর্ণ হন। কোচিন রাজ্যের দেওয়ান শ্রীযুক্ত আলবিয়ান্ রাজকুমার বন্দোপাধ্যায়ের স্থানে ইনি দেওয়ান পদে নিযুক্ত হইয়া মাতৃ ভূমির গৌরব বৃদ্ধি করিয়াছেন। ইনি কাশ্মীরের সুপ্রসিদ্ধ ডাক্তার স্বর্গীয় আশুতোষ মিত্র মহাশয়ের জামাতা।

৮ জয়নারায়ণ রায়।

কালীশঙ্করের কনিষ্ঠ পুত্র জয়নারায়ণ রায় হইতে নড়াইল জমীদার-বংশের দ্বিতীয় শাখার আবির্ভাব হইয়াছে। তিনি নানাবিধ হিতানুষ্ঠানে উত্তমশীলতা প্রকাশ করিতেন। তিনি পরোপকারী, মিষ্টভাষী ও কর্মদক্ষ ব্যক্তি ছিলেন। ১৮২২ খৃঃ জয়নারায়ণ রায় জীবনলীলা সম্বরণ করিয়াছেন। তিনি মৃত্যুকালে দুই পুত্র দুর্গাদাস ও গুরুদাস রায়কে রাখিয়া যান।

জয়নারায়ণের জ্যেষ্ঠ পুত্র দুর্গাদাস রায় নিঃসন্তান অবস্থায় পরলোক-গত হন।

জয়নারায়ণের কনিষ্ঠ পুত্র গুরুদাস রায় মহাশয়ের সহিত রামরতন রায়ের একটি মোকদ্দমা উপস্থিত হইয়াছিল । এতদ্বিষয়ে পূর্বে উল্লেখিত হইয়াছে । তিনি মৃত্যুকালে একমাত্র পুত্র গোবিন্দচন্দ্রকে রাখিয়া গান ।

গুরুদাসের পুত্র গোবিন্দচন্দ্র রায় অত্যন্ত বিলাসপরায়ণ ও অপব্যয়ী ছিলেন । তিনি সঙ্গীতের বিশেষ অনুরাগী ছিলেন । তাঁহার দুই পুত্র শ্রীযুক্ত জীতেন্দ্রনাথ রায় ও শ্রীযুক্ত দেবেন্দ্রনাথ রায় নাট্যমোদী ও নাট্যসাহিত্যানুরাগী । নাট্যশালার শ্রীবৃদ্ধিকল্পে ইহারা অর্থ ব্যয় করিয়া থাকেন ।

কৃষ্ণনগর রাজবংশ ।

নদীয়া জেলার অন্তর্গত কৃষ্ণনগরের রাজগণ বঙ্গদেশে বহুকাল প্রসিদ্ধ। ইহারা হিন্দু সমাজপতি, কুলধর্মের রক্ষক ও গুলীগণের উৎসাহদাতা ।

বঙ্গেশ্বর আদিশূর কাণ্ডকুজ হইতে যে পঞ্চজন বেদজ্ঞ ব্রাহ্মণ আনয়ন করেন, ভট্টনারায়ণ বন্দোপাধ্যায় তাঁহাদের মধ্যে অন্যতম ছিলেন। সেই ভট্টনারায়ণ হইতে কৃষ্ণনগর রাজবংশ সমুদ্ভূত। ভট্টনারায়ণ—নিপু—হলাব্ধ—হরিহর—কন্দর্প—বিশম্ভর—নরহরি—নারায়ণ—প্রিয়ঙ্কর—ধর্ম্মাঙ্গদ—তারাপতি—কামদেব—এই দ্বাদশ পুরুষ ক্রমান্বয়ে ১৩৯৯ খৃঃ পর্যন্ত রাজ্যভোগ করেন। কামদেবের চারিপুত্র ছিলেন; তন্মধ্যে জ্যেষ্ঠ বিখনাথ, দিল্লীর সম্রাটের সহিত সাক্ষাৎ করিয়া তাঁহার অনুগ্রহে রাজ্যের অধিকারী হন। বিখনাথ—রামচন্দ্র—সুবুদ্ধি—কংসারি—ত্রিলোচন—বর্জীদার—কাশীনাথ—এই সপ্তপুরুষ ক্রমে ১৫৯৭ খৃঃ পর্যন্ত জমিদারী পরিচালনা করেন।

৩ কাশীনাথ বন্দোপাধ্যায় ।

বিক্রমপুর ইহাদিগের আদি নিবাস ছিল। ত্রিপুরার রাজা, দিল্লীশ্বর সম্রাট আকবর সাহকে একটি হস্তী রাজস্বরূপে প্রদান করেন; সেই হস্তী উন্নত হইয়া নদীয়া অঞ্চলে উপদ্রব করিলে কাশীনাথ বন্দোপাধ্যায় তাহাকে হত্যা করিয়াছিলেন। এই কারণে তিনি আকবর সাহের সম্মুখে বঙ্গদেশের নবাবের দোঁরায়ে বিক্রমপুর হইতে বিতাড়িত হইয়া পশ্চিমধ্যে নবাবের সেনানী কর্তৃক নিহত হন। সেই সময়ে কাশীনাথ :

আসন্ন-প্রসবা বিধবা পত্নী জলজী নদীর অদূরবর্তী আন্দুলিয়া-নিবাসী বাগওয়ান পরগণার জমিদার হরেকৃষ্ণ সমাদারের ভবনে আশ্রয় প্রাপ্ত হইয়াছিলেন ।

৬ রামচন্দ্র সমাদার ।

সমাদার ভবনে কাশীনাথের একটি পুত্রসন্তান জন্মগ্রহণ করেন ; তাঁহার নাম রামচন্দ্র রাখা হইয়াছিল । নিঃসন্তান হরেকৃষ্ণ সেই শিশুকে পুত্ররূপে গ্রহণ করিয়া তাঁহাকে সমাদার উপাধি প্রদান পূর্বক স্বীয় সম্পত্তির উত্তরাধিকারী করেন । রামচন্দ্র সমাদারের চারি পুত্র—ভবানন্দ, জগদীশ, হরিবল্লভ ও সুবুদ্ধি ।

৬ ভবানন্দ মজুমদার ।

রামচন্দ্র সমাদারের জ্যেষ্ঠ পুত্র ভবানন্দ মজুমদার কৃষ্ণনগরের সুপ্রসিদ্ধ রাজবংশের প্রতিষ্ঠাতা । তৎকালে দিল্লীর সম্রাটের একজন মুসলমান শাসনকর্তা হুগলী অঞ্চলে সপ্তগ্রামে অবস্থিতি করিতেন । ভবানন্দ সেই ফৌজদারকে কোন বিষয়ে সহায়তা করিলে তিনি ভবানন্দকে সপ্তগ্রামে লইয়া গিয়া পারসীভাষা ও রাজকার্য্য শিক্ষা দিয়াছিলেন । সেই ফৌজদারের অমুগ্রহে নবাব ইস্‌মাইল খাঁ, ভবানন্দের প্রতি প্রসন্ন হইয়া তাঁহাকে বর্জ্জমানের কাননগো পদে নিযুক্ত করেন ; অধিকন্তু দিল্লীশ্বরের নিকট হইতে তাঁহার “মজুমদার”—জেলায় রাজস্ব সংগ্রাহকের হিসাব পরীক্ষক—উপাধি আনাইয়া দিয়াছিলেন । তদবধি তিনি ভবানন্দ মজুমদার নামে খ্যাত হন । অন্তঃপর বিদ্রোহী যশোহরাধিপ মহারাজ প্রতাপাদিত্য রায়েকে দমন করিবার নিমিত্ত সম্রাট জাহাঙ্গীরের সেনাপতি

রাজা মানসিংহ সসৈন্তে বঙ্গদেশে আগমন করিলে, সপ্তদিবস ঘোরতর বর্ষার সময় তিনি বর্ধমানে অবস্থিতি করেন । সেই সময় ভবানন্দ তাঁহার সৈন্যদ্বিগকে আহাৰ্য্য ও বাসস্থান প্রদান করিয়াছিলেন । যুদ্ধজয়ের পর ১৬০৬ খৃঃ মানসিংহ তাঁহাকে লইয়া দিল্লীতে উপস্থিত হন । তাঁহার চেষ্টায় ভবানন্দ, সম্রাট জাহাঙ্গীরের নিকট হইতে বঙ্গদেশের অন্তর্গত মহৎপুর, লেপা, মারুপদহ, সুলতানপুর, কাশীমপুর, নদীয়া প্রভৃতি চতুর্দশ পরগণার জমিদারী সনন্দ এবং “মহারাজা” ও রায় উপাধি প্রাপ্ত হইয়া দেশে প্রত্যাবর্তন করেন । অতঃপর ভবানন্দ তাঁহার পিতা রামচন্দ্র সমাদ্বারের জমিদারী আপনার ও ভ্রাতৃগণের মধ্যে বিভাগ করিয়া ছিলেন । অনন্তর ভবানন্দ বল্লভপুরে, জগদীশচন্দ্র কুড়ুলগাছিতে, হরিবল্লভ ফতেপুরে এবং সুবুদ্ধি পাটকাবাড়ি গ্রামে বাস করেন । তৎপরে ভবানন্দ মাটীয়ারি নামক গ্রামে প্রাসাদতুল্য বাসভবন নির্মাণ করিয়া তথায় বসতি করিতে থাকেন । তাঁহার তিনপুত্র—শ্রীকৃষ্ণ, গোপাল ও গোবিন্দরাম । জ্যেষ্ঠপুত্র শ্রীকৃষ্ণ নিঃসন্তান অবস্থায় লোকান্তরিত হন ।

৬ গোপালচন্দ্র রায় ।

ভবানন্দের মধ্যম পুত্র গোপালচন্দ্র রায় অতি বিচক্ষণ ও কৰ্ম্মদক্ষ ছিলেন ; তজ্জন্তু ভবানন্দ অত্র তনয়দ্বয়কে তাঁহাদের ভরণপোষণোপযোগী বিষয় নির্দিষ্ট করিয়া মধ্যম পুত্র গোপালকে স্বীয় উত্তরাধিকারী করিয়া যান । পিতার মৃত্যুর পর গোপালচন্দ্র দিল্লীর সম্রাটের নিকট হইতে শান্তিপুর, সাহাপুর, ভালুকা, রাজপুর প্রভৃতি কয়েকখানি পরগণার জমিদারী সনন্দ প্রাপ্ত হন । তিনি মৃত্যুকালে তিন পুত্র নরেন্দ্র, রামেশ্বর ও রাঘবচন্দ্রকে রাখিয়া যান ।

৬ রাঘবচন্দ্র রায় ।

গোপালের কনিষ্ঠ পুত্র রাঘবচন্দ্র রায় প্রজারঞ্জক, কৰ্ম্মদক্ষ ও ধার্মিক পুরুষ ছিলেন। তিনি পৈতৃক সম্পত্তির উত্তরাধিকারী হইয়া স্বীয় ভ্রাতৃগণকে মাসিক বৃত্তি নিরূপিত করিয়া দিয়াছিলেন। তিনি সম্রাট সাজাহানের নিকট হইতে রায়পুর, বেদারপুর, আলনিয়া, মূলগড় প্রভৃতি কতিপয় পরগণা প্রাপ্ত হন। পূর্বে মাটীয়ারি নামক স্থানে ইহাদের রাজধানী ছিল ; কিন্তু রাঘবচন্দ্র বর্তমান কৃষ্ণনগরে রাজধানী পরিবর্তন করেন। তিনি গ্রামের চতুর্দিকে পরিখা খনন করাইয়াছিলেন, তাহা অद्याপি নগরের স্থানে স্থানে বর্তমান আছে। তিনি 'বিশ সহস্র মুদ্রা ব্যয়ে একটি বৃহৎ সরোবর খনন করাইয়া মহাসমারোহে শিব উদ্দেশ্যে উৎসর্গ করিয়াছিলেন। রাঘবচন্দ্রের দুই পুত্র—রুদ্রনারায়ণ ও প্রতাপনারায়ণ। জ্যেষ্ঠ পুত্র রুদ্রনারায়ণ বুদ্ধিমান ও ধার্মিক ছিলেন। কনিষ্ঠ প্রতাপনারায়ণ প্রজাপীড়ক ও পিতার অবাধ্য ছিলেন ; তজ্জন্ত রাঘবচন্দ্র দিল্লীর সম্রাটের অনুমতি লইয়া জমিদারীর দশ আনা অংশ রুদ্রনারায়ণকে এবং ছয় আনা অংশ প্রতাপনারায়ণকে দিয়া যান।

৭ রুদ্রনারায়ণ রায় ।

রাঘবচন্দ্রের জ্যেষ্ঠ পুত্র রুদ্রনারায়ণ রায় রাজধানীর নাম কৃষ্ণনগর রাখিয়া তথায় তিনি নূতন প্রাসাদ, নাচঘর, পিলখানা প্রভৃতি নির্মাণ করেন। তিনি কৃষ্ণনগর হইতে শান্তিপুর পর্য্যন্ত বহু ব্যয়ে একটি প্রশস্ত রাজপথ প্রস্তুত করাইয়াছিলেন ; ইহা অद्याপি বিদ্যমান আছে। তিনি বহুবিধ সংকার্যের জন্ত দিল্লীখয়ের নিকট হইতে “রাজা” উপাধিসহ পরগণা খড়্গজুড়ি ও খিলাৎ প্রাপ্ত হন; প্রতিদানে তিনি দিল্লীসরকারে

বহুমূল্য উপঢৌকন প্রেরণ করিয়াছিলেন। তাঁহার দুই রাণী ছিল ; তন্মধ্যে প্রথমা রাণীর গর্ভে রামচন্দ্র ও রামজীবন এবং কনিষ্ঠা মহিষীর গর্ভে রামকৃষ্ণের জন্ম হয়। রামজীবন সর্বদা শাস্ত্রাত্মশীলন ও রাজকার্য্য পরিচালনা করিতেন ; তজ্জন্ত পিতা রুদ্রনারায়ণ জ্যেষ্ঠ পুত্র রামচন্দ্রকে স্বীয় উত্তরাধিকারী না করিয়া মধ্যম পুত্র রামজীবনকে জমিদারী দিবার ব্যবস্থা করিয়া যান।

৩ রামকৃষ্ণ রায় ।

রুদ্রনারায়ণের মৃত্যুর পর তদীয় বৈমাত্র ভ্রাতা রামকৃষ্ণ রায়, রামজীবনকে সংগ্রামে পরাভূত করিয়া জমিদারী অধিকার করেন। মুর্শিদাবাদের নবাব আজীম ওসমানের সহিত রামকৃষ্ণের বিশেষ প্রণয় ছিল। তাঁহার তিন সহস্র অশ্বারোহী ও সপ্ত সহস্র পদাতিক সৈন্ত ছিল। অতঃপর নবাব সরকারে তাঁহার রাজস্ব বাকী পড়িলে, নবাব তাঁহাকে লইয়া গিয়া কারারুদ্ধ করেন। রামকৃষ্ণ অল্পদিন মধ্যে বসন্তরোগাক্রান্ত হইয়া কারাগারেই পঞ্চম প্রাপ্ত হন।

৩ রামজীবন রায় ।

রামকৃষ্ণের সন্তানাদি না থাকায় তাঁহার মধ্যম ভ্রাতা রামজীবন রায় পৈতৃক সম্পত্তি পুনঃপ্রাপ্ত হন। তিনি মুর্শিদাবাদে মানবলীলা সম্বরণ করেন। তাঁহার তিন বিবাহ হইয়াছিল। প্রথমা পত্নীর গর্ভে রাজারাম ও কৃষ্ণরাম ; মধ্যমার গর্ভে রঘুরাম এবং কনিষ্ঠার গর্ভে রামগোপাল নামে তিন পুত্র জন্মগ্রহণ করিয়াছিলেন।

৮ রঘুরাম রায় ।

রামজীবনের পুত্রগণের মধ্যে রঘুরাম রায় সর্বাপেক্ষা কাঁর্য্যদক্ষ, ধর্ম্মপরায়ণ ও প্রজারঞ্জক ছিলেন ; তজ্জন্ত রামজীবন মৃত্যুকালে রঘুরামকে আপন বিষয় সম্পত্তির উত্তরাধিকারী করিয়া যান । তিনি অত্যন্ত বলবান, সাহসী ও অসামান্য ধুবুর্বিৎ ছিলেন । সনাতন হিন্দুশাস্ত্রে তাঁহার প্রগাঢ় আশক্তি ছিল । তিনি বাঙ্গালা, সংস্কৃত ও পারসী ভাষায় পারদর্শী ছিলেন । প্রাচীন হিন্দুশাস্ত্রে সুপণ্ডিত বলিয়া পরিচিত ছিলেন । তিনি ধর্ম্মভীরু ও নিষ্ঠাবান স্ত্রাক্ষণ ছিলেন । আত্মীয়জনের প্রতি তাঁহার অকৃত্রিম দয়া ও সহানুভূতি ছিল । ১৭২৮ খৃঃ রঘুরাম রায় পরলোক গমন করেন । তিনি মৃত্যুকালে একমাত্র পুত্র হিন্দুসমাজ-চুড়ামণি মহারাজ কৃষ্ণচন্দ্র রায়কে রাখিয়া যান ।

৯ কৃষ্ণচন্দ্র রায় ।

রঘুরামের মৃত্যুর পর তদীয় পুত্র স্বনামখ্যাত মহারাজ কৃষ্ণচন্দ্র রায় বাহাদুর অষ্টাদশ বৎসর বয়সে পিতৃরাজ্যের উত্তরাধিকারী হন । তিনি বাল্যকালে যৎসামান্য বিদ্যা শিক্ষা করিয়া অসাধারণ মেধা প্রভাবে সংস্কৃত, বাঙ্গালা ও পারসীভাষায় বিশেষ ব্যুৎপত্তি লাভ করেন । তিনি সর্বদা পণ্ডিতগণে পরিবৃত থাকিয়া তাঁহাদের সহিত আলাপ করিতে ভাল বাসিতেন । হিন্দু ধর্ম্মে তাঁহার বিশেষ অনুরাগ ছিল । তিনি অগ্নিহোত্র, রাজপের প্রভৃতি অনেক গুলি যজ্ঞ করিয়াছিলেন ; তাহাতে প্রায় বিশ লক্ষ মুদ্রা ব্যয় হইয়াছিল । তন্ত্রশাস্ত্রে তাঁহার অসাধারণ ব্যুৎপত্তি ছিল । কথিত আছে, তিনি বঙ্গদেশে কালীপূজা ও দীপাবলী প্রদান প্রথা প্রচলিত করেন । ৮ জগদ্ধাত্রী পূজার

প্রচলন তাঁহার উদ্যোগেই এদেশে আরম্ভ হয়। তিনি অনেক ব্রাহ্মণ পণ্ডিতকে নিজের ভূসম্পত্তি দান করিয়া গিয়াছেন। অধ্যাপনার্থ অধ্যাপককে চতুষ্পাঠী ও বৃত্তি নির্দ্ধারিত করিয়া দিয়াছিলেন। মহারাজ অনেকগুলি বিগ্রহ প্রতিষ্ঠা করেন। তৎকালে মহারাত্রীদিগের উপদ্রবে উত্কলিত হইয়া নিরাপদে বাস করিবার জন্য তিনি শিবনিবাস নগরে একটি সুরম্য বাস ভবন নিৰ্ম্মাণ করাইয়া তাহাতে কিছুকাল অবস্থিতি করিয়াছিলেন। তথায় রাজবাটী ও তাঁহার প্রতিষ্ঠিত তিনটি দেবমূর্তি অদ্যাপি বিদ্যমান আছে। মহারাজ কয়েকবার আসন্ন বিপদ হইতে পরিত্রাণ লাভ করেন। ১৭২২ খৃঃ নবাব মুর্শিদকুলি খাঁ রাজস্ব আদায় করিবার জন্য কয়েকজন জমিদারকে কারারুদ্ধ করেন। কথিত আছে, সেই সময় নবাব, বাকী রাজস্ব আদায় করিবার জন্য কৃষ্ণচন্দ্রকে কারারুদ্ধ করিয়া ভয় দেখাইয়াছিলেন যে, যদি নির্দ্ধিষ্ট দিবস মধ্যে রাজস্ব দাখিল না হয়, তাহা হইলে তাঁহাকে মুসলমান ধর্মে দীক্ষিত করা হইবে; কিন্তু নির্দ্ধারিত দিবসে কৃষ্ণচন্দ্রের রাজস্ব উপস্থিত হয় নাই। সৌভাগ্যবশতঃ ঐ সময়ে সমুদ্রগড়ের রাজার রাজস্ব আসিয়া উপস্থিত হয়। তিনিও রাজস্বের জন্য কারারুদ্ধ ছিলেন। সমুদ্রগড়াধিপতি দেখিলেন, কৃষ্ণনগরের কৃষ্ণচন্দ্র বঙ্গদেশের হিন্দুসমাজের শিরোমণি! তাঁহার ধর্ম্মনাশে দেশের বিশেষ ক্ষতি হইবে; তজ্জন্ত তিনি আপনার টাকা দ্বারা কৃষ্ণনগরের রাজার রাজস্ব পরিশোধ করিয়া নিজে মুসলমান ধর্ম্ম গ্রহণ করেন। এই রাজবংশ এখনও বিদ্যমান আছে। কৃষ্ণনগরের রাজগণ অদ্যাপি তাঁহাদিগকে বিশেষ সম্মান করিয়া থাকেন। নবাব সিরাজদ্দৌলাকে পদচ্যুত করিবার যে ষড়যন্ত্র সভা হয়, সেই সভার কৃষ্ণচন্দ্র অন্ততম সভ্য ছিলেন। পলাশীর যুদ্ধের পর বঙ্গবিজয়ী লর্ড ক্লাইব তাঁহাকে উপহারস্বরূপ দ্বাদশটি কামান উপঢৌকন প্রদান করেন; তন্মধ্যে কয়েকটি কামান অদ্যাপি কৃষ্ণনগর রাজবাটীতে বিদ্যমান আছে।

লর্ড ক্লাইব চেষ্টা করিয়া তাঁহাকে দিল্লীখবরের নিকট হইতে “মহারাজা বাহাদুর” উপাধি সনন্দ আনয়ন করিয়া দিয়াছিলেন । ইছামতী নদী তীরস্থ কৃষ্ণগঞ্জ, কৃষ্ণপুর প্রভৃতি গ্রামগুলি মহারাজ স্থাপন করিয়া গিয়াছেন । তিনি অতিশয় বুদ্ধিমান, বিচক্ষণ ও প্রজাহিতৈষী ভূপতি ছিলেন । রাস্তা, ঘাট, পান্থনিবাস, সরোবর প্রভৃতি সাধারণ হিতকর কার্যে মহারাজ মনোযোগী ছিলেন । তিনি ধর্ম্মকিদায় ও অস্ত্রবিদ্যায় বিশেষ পারদর্শী ছিলেন । ভবানন্দের সময় হইতে ইহাদিগের জমিদারী উত্তরোত্তর বৃদ্ধি হইয়া অবশেষে কৃষ্ণচন্দ্রের সময় ৮৪ পরগণা এই রাজ্যের অন্তর্ভুক্ত হয় । ১৭৮০ খৃঃ মহারাজ এক উইল করিয়া জ্যেষ্ঠপুত্র শিবচন্দ্রকে সমুদয় জমিদারীর উত্তরাধিকারী মনোনীত করেন এবং অগ্ন্যগ্ন পরিজনগণের ভরণপোষণার্থে বাৎসরিক চল্লিশ সহস্র টাকা দিবার ব্যবস্থা করিয়া যান । তৎপরে কৃষ্ণনগরের নিকটবর্তী অলকানন্দ নদীতীরে “গঙ্গাবাস” নামে একটি সুন্দর অট্টালিকা নিৰ্ম্মাণ করাইয়া কিয়দ্দিবস বাস করেন । অতঃপর তথায় ১৭৮২ খৃঃ ২২শে আষাঢ় মহারাজ কৃষ্ণচন্দ্র রায় বাহাদুর ৭০ বৎসর বয়ঃক্রম কালে দেহত্যাগ করেন । মহারাজ বাহাদুরের দুই সিমন্তিনী ছিলেন । তাঁহার প্রথমা রাণীর গর্ভে শিবচন্দ্র, ভৈরবচন্দ্র, মহেশচন্দ্র, হরচন্দ্র ও ঈশানচন্দ্র নামে পাঁচ পুত্র সন্তান হয় ; কনিষ্ঠা মহিষীর গর্ভে শম্ভুচন্দ্র নামে এক পুত্র হইয়াছিল ।

৩ শিবচন্দ্র রায় ।

মহারাজ কৃষ্ণচন্দ্রের মৃত্যুর পর তাঁহার জ্যেষ্ঠপুত্র শিবচন্দ্ররায় রাজপদ প্রাপ্ত হইয়া স্বীয় জননীসহিত হরধাম নামক স্থানে গিয়া বাস করেন এবং অগ্ন্যগ্ন সহোদরগণ শিবনিবাসে অবস্থিতি করিতে থাকেন ।

শিবচন্দ্র সংস্কৃত, আরবী ও পারসী ভাষায় বিলক্ষণ পারদর্শিতা লাভ করেন। তাঁহার সময় হইতেই জমিদারী হ্রাস হইতে আরম্ভ হয়। রাজস্ব বাকী হওয়ায় অনেকগুলি পরগণা নীলামে বিক্রয় হইয়া যায়। তিনি উৎকট রোগাক্রান্ত হইলে, তাঁহার একমাত্র পুত্র ঈশ্বরচন্দ্রকে যাবতীয় বিষয় সম্পত্তির উত্তরাধিকারী করিয়া একখানি দানপত্র লিখিয়া দিয়াছিলেন। অতঃপর ১৭৮৮ খৃঃ রাজা শিবচন্দ্র রায় ৪৭ বৎসর বয়সে লোকান্তর গমন করেন।

৮ ঈশ্বরচন্দ্র রায়।

শিবচন্দ্রের পর তদীয় একমাত্র পুত্র ঈশ্বরচন্দ্র রায় রাজ্যাভিষিক্ত হন। পূর্বপুরুষগণের জায় তিনি বিদ্যোন্নতির বিষয়ে যত্ন করিতেন। সঙ্গীতে তাঁহার বিশেষ অমুরাগ ছিল। তিনি নিজেও একজন প্রসিদ্ধ সঙ্গীতবিদ্যা বিশারদ ছিলেন। ঈশ্বরচন্দ্র হরধাম পরিত্যাগ পূর্বক কৃষ্ণনগরের ভবনে অবস্থিতি করেন। বিষ্ণুমহাল, বারদ্বারী ইত্যাদি কয়েকটি প্রাসাদ তিনি নির্মাণ করাইয়াছিলেন। কৃষ্ণনগরের নিকটবর্তী অঞ্জন নদীতীরে এক সুরম্য অট্টালিকা নির্মাণ করাইয়া ঐ স্থান শ্রীধন নামে প্রচারিত করেন। তাঁহার সময়ে বাকী রাজস্বের জ্ঞাত কয়েকখানি জমিদারী বিক্রয় হইয়া যায়। তিনি সমাজে বিশেষ প্রতিষ্ঠা লাভ করিতে পারেন নাই। ১৮০২ খৃঃ রাজা ঈশ্বরচন্দ্র রায় ৫৫ বৎসর বয়ঃক্রম কালে পরলোক গমন করেন। তিনি মৃত্যুকালে একমাত্র পুত্র গিরীশচন্দ্রকে রাখিয়া যান।

৮ গিরীশচন্দ্র রায় ।

ঈশ্বরচন্দ্রের পর তাঁহার পুত্র গিরীশচন্দ্র রায় ষোড়শ বৎসরমাত্র বয়সে পৈতৃক সম্পত্তির উত্তরাধিকারী হন। তিনি কোন বিদ্যায় পারদর্শী ছিলেন না ; কিন্তু সংস্কৃত ও পারসী ভাষায় কথা কহিতে ও বুঝিতে পারিতেন। সঙ্গীত শাস্ত্রে কিঞ্চিৎ ব্যুৎপত্তি ছিল। তিনি কৃষ্ণনগরে দুইটি মন্দির নিৰ্ম্মাণ করাইয়া ৮ আনন্দময় নামে এক শিবমূর্ত্তি ও ৮ আনন্দময়ী নামে এক কালীমূর্ত্তি প্রতিষ্ঠা করেন। ১৮২৫ খৃঃ তিনি নবদ্বীপে দুইটি বৃহৎ মন্দির প্রস্তুত করাইয়া ৮ ভবতারণ নামে এক শিবমূর্ত্তি ও ৮ ভবতারিণী নামে এক কালীমূর্ত্তি প্রতিষ্ঠা করিয়া তাঁহাদের সেবার্থে নিষ্কর ভূসম্পত্তি দান করেন। তিনি অতিশয় অপব্যয়ী ছিলেন। ক্রমে রাজস্ব বাকী হওয়ায় অনেকগুলি পরগণা নীলামে বিক্রয় হইয়া যায়। পৈতৃক জমিদারীর অন্তর্গত ৮৪ পরগণার মধ্যে তাঁহার সময়ে ৫৬ খানি পরগণা এবং কতকগুলি নিষ্কর গ্রামমাত্র থাকে। গিরীশচন্দ্রের সন্তানাদি না হওয়ায় তাঁহার মাতুল পুত্রের গড়বতী পত্নীকে রাজবাটীতে আনিয়া রাখিয়াছিলেন। সেই রমণী ১৮১৯ খৃঃ জ্যৈষ্ঠ মাসে এক পুত্র সন্তান প্রসব করিয়া কিয়দ্দিন পরে গতাস্ব হন। গিরীশচন্দ্রের কনিষ্ঠা রাজমহিষী সেই শিশুকে প্রতিপালন করেন। বালক ষষ্ঠ বর্ষ মাত্র বয়ঃপ্রাপ্ত হইলে গিরীশচন্দ্র তাঁহাকে পোষ্য পুত্র গ্রহণ করিয়া শ্রীশচন্দ্র নাম রাখিয়াছিলেন। তিনি বিষয় কার্যে ওদাস্ত হওয়ায় তদীয় দত্তক পুত্র কুমার শ্রীশচন্দ্র ত্রয়োদশবর্ষ বয়সে সাংসারিক ভার গ্রহণ করেন। ১৮৪১ খৃঃ রাজা গিরীশচন্দ্র রায় ৬০ বৎসর বয়ঃক্রমকালে মানবলীলা সম্বরণ করেন।

৬ শ্রীশচন্দ্র রায় ।

গিরীশচন্দ্রের দেহান্তের পর শ্রীশচন্দ্র রায় ষাটবিশতি বৎসর বয়সে তাঁহার উত্তরাধিকারী হন। তিনি অতিশয় বুদ্ধিমান ছিলেন এবং অল্পকাল মধ্যে বিষয় কার্যের প্রণালী বুঝিতে পারেন। তিনি ইংরাজী ভাষায় সুশিক্ষিত ছিলেন। ১৮৪৪ খৃঃ হইতে তিনি ব্রাহ্মধর্মের পৃষ্ঠ-পোষক হন। তিনি রাজবাটীতে একটি ব্রাহ্মসমাজ ও অবৈতনিক ইংরাজী বিদ্যালয় প্রতিষ্ঠা করেন। ১৮৪৬ খৃঃ কৃষ্ণনগর কলেজ প্রতিষ্ঠিত হইলে তিনি ইহার জন্ম বহু অর্থ ও ভূমি দান করিয়াছিলেন। মহারাজ, জ্যেষ্ঠ পুত্র কুমার সতীশচন্দ্রকে উক্ত কলেজে প্রবেষ্ট করিয়াছিলেন এবং নিজে কলেজ কমিটির সভ্য নিযুক্ত হন। ১৮৫৮ খৃঃ ২৭শে জুলাই তদানীন্তন গবর্ণর জেনারেল লর্ড ডাল্‌হাউসী তাঁহাকে “মহারাজা বাহাদুর” উপাধি সম্মানে সম্মানিত করেন। মহারাজ রাজবাটীতে একটি সাধারণ হিতকারী সভা সংস্থাপন করিয়া স্বয়ং তাহার সভাপতি নিযুক্ত হন। অতঃপর তিনি এতদ্দেশে বেদবিহিত ধর্ম সংস্থাপন ও স্বদেশের কলুষিত রীতি সংশোধন করিতে যত্নবান হইয়াছিলেন। বিদ্যাসাগর মহাশয়ের সহিত মহারাজের বিশেষ সৌহার্দ ছিল। এমন কি, তিনি বিদ্যাসাগর মহাশয়ের বিধবা-বিবাহ বিষয়ে সহায়তা করিতে পশ্চাৎপদ হন নাই। বিধবা বিবাহের আইন সম্বন্ধে আবেদন পত্রে মহারাজ স্বাক্ষর করিয়াছিলেন। ১৮৪৯ খৃঃ কৃষ্ণনগরে গবর্ণমেন্ট দাতব্য চিকিৎসালয় সংস্থাপনে তিনি যথেষ্ট আনুকূল্য করেন। ইহার গৃহ নির্মাণার্থ ভূমিও দান করিয়াছিলেন। মহু, স্মৃতি, ভগবদগীতা, বেদান্ত ইত্যাদি শাস্ত্রের অমূল্যশীলন এবং পণ্ডিতগণের সহিত তাহার আলোচনা করিতে তিনি ভাল বাসিতেন। সঙ্গীত শাস্ত্রে তাঁহার বিশেষ পারদর্শীতা ছিল এবং নিজে একজন সুগায়ক ছিলেন। সংস্কৃত ও ইংরাজী ভাষার উন্নতি

কলে মহারাজের বিশেষ উৎসাহ ও যত্ন ছিল। অধ্যাপক পণ্ডিতগণকে বথাসাধ্য আমুকুল্য এবং তাঁহাদের চতুষ্পাঠীর ব্যয় জন্ত বার্ষিক বৃত্তি প্রদান করিতেন। মহারাজের তিন পুত্র ও এক কন্যা জন্মিয়াছিল ; তন্মধ্যে দ্বিতীয় পুত্র স্মৃতিকাগারে এবং কনিষ্ঠ পুত্র কুমার কৃতীশচন্দ্র ত্রয়োদশ বৎসর বয়সে অকালে মৃত্যুমুখে পতিত হন। বেলগড়িয়া-বাটী-নিবাসী অঘোরচন্দ্র মুখোপাধ্যায়ের সহিত রাজকুমারী কালীকুমারীর বিবাহ হইয়াছিল। তাঁহার ভরণ পোষণ জন্ত মহারাজ বার্ষিক দুই সহস্র টাকা বৃত্তি নির্দিষ্ট করিয়া দিয়াছিলেন। যৌবনের শেষাবস্থায় মহারাজ বাহাহুর কুসংসর্গে মিশিয়া মদিরা পানে ও গীতবাত্তের আমোদে কালান্তিপাত করিতে থাকেন। অবশেষে ১৮৫৭ খৃঃ ৭ই ডিসেম্বর ৩৮ বৎসর বয়ঃক্রমকালে মহারাজ ক্রীশচন্দ্র রায় বাহাহুর অকালে কালগ্রাসে পতিত হইয়াছেন।

৩ সতীশচন্দ্র রায় ।

মহারাজ ক্রীশচন্দ্র লোকান্তর গমন করিলে তদীয় জ্যেষ্ঠ পুত্র কুমার সতীশচন্দ্র রায় বিংশতি বৎসর বয়সে পিতৃসিংহাসন প্রাপ্ত হন। তিনি উত্তরাধিকারী হইবার অব্যবহিত পরেই গবর্ণমেন্ট হইতে পৈতৃক উপাধি ও খেলাত প্রাপ্ত হন। তিনি কৃষ্ণনগর কলেজে অধ্যয়ন করিয়াছিলেন। মহারাজ ইউরোপীয় রীতি নীতি ও আচার ব্যবহারের অমুরাগী ছিলেন। পিতার জায় বিজ্ঞানসাগর মহাশয়কে তিনি শ্রদ্ধা ভক্তি করিতেন। নবদ্বীপ-নিবাসী রাজপুরোহিত বংশোদ্ভূত এক বালিকার সহিত তাঁহার প্রথম বিবাহ হইয়াছিল ; ১৮৫৬ খৃঃ বালি-নিবাসী হরিমোহন মুখোপাধ্যায়ের কন্যার সহিত দ্বিতীয় পরিণয় ক্রিয়া হয়। উভয় পত্নী অপুত্রকবতী হইলে ১৮৫৯ খৃঃ সতীশচন্দ্র, রাণীদ্বয়কে দত্তক গ্রহণের অমুমতি প্রদান

করেন। উহার কিয়দিবস পরে প্রথমা মহিষী গতানু হন। মহারাজ অতিশয় ভ্রমণ প্রিয় ছিলেন। ১৮৭০ খৃঃ জুন মাসে ভ্রমণে বহির্গত হন ; কিন্তু আর প্রত্যাগমন করিলেন না। পূণ্যভূমি ৬ বারাণসীধাম ও আগ্রায় কিছুদিন যাপন করিয়া মসুরী-শৈলে অবস্থিতি করেন। তথায় অপরিমিত সুরাপান জনিত উৎকণ্ঠ পীড়ায় আক্রান্ত হইয়া ১৮৭০ খৃঃ ২৫শে অক্টোবর ৩৩ বৎসর বয়সে মহারাজ সতীশচন্দ্র রায় বাহাদুর মহাপ্রস্থান করেন। হরিদ্বারে মহারাজের অন্ত্যেষ্টিক্রিয়া সমাপন হইয়াছিল।

৬ ক্ষিতীশচন্দ্র রায়।

সতীশচন্দ্রের পরলোকান্তে তাঁহার কনিষ্ঠা মহিষী মহারাণী ভুবনেশ্বরী যাবতীয় সম্পত্তির উত্তরাধিকারিণী হন। তিনি প্রেসিডেন্সী বিভাগের কমিশনার বাহাদুর ও বিজ্ঞানসাগর মহাশয়ের উপদেশানুসারে ১৮৭১ খৃঃ ৫ই জানুয়ারী স্থায়ী সম্পত্তির কর্তৃত্বভার কোর্ট অব ওয়ার্ডসের হস্তে অর্পণ করেন। ১৮৭১ খৃঃ ২৪শে নবেম্বর নদীয়া জেলার অন্তর্গত আড়পাড়া-নিবাসী মাধবচন্দ্র চট্টোপাধ্যায় নামক জনৈক ভঙ্গকুলীনের পুত্র ক্ষিতীশচন্দ্রকে মহারাণী ভুবনেশ্বরী পোষ্যপুত্র গ্রহণ করেন। মাধবচন্দ্র, মহারাজ ভবানন্দ মজুমদারের কনিষ্ঠ পুত্র গোবিন্দরামের পুত্রের দৌহিত্র বংশোদ্ভূত। ক্ষিতীশচন্দ্র ১৮৬৮ খৃঃ ১১ই মে জন্মগ্রহণ করেন। তিনি ইংরাজী ও সংস্কৃত সাহিত্যে ব্যুৎপন্ন ছিলেন। বিশেষতঃ গণিতশাস্ত্রে বিশেষ অভিজ্ঞতা লাভ করেন। তিনি বিদ্যাবুদ্ধি ও সচরিত্রতার জন্ত সর্বজন প্রশংসিত ছিলেন। মহারাজ রাজবংশের গৌরব রক্ষা করিতে সচেষ্ট ছিলেন। তিনি বাহা কর্তব্য মনে করিতেন, বিদ্য বাধা উপেক্ষা করিয়া তাহা পালন করিতে পশ্চাৎপদ হইতেন না।

তিনি সংস্কৃত শিক্ষার ও শাস্ত্রালোচনার উন্নতিকল্পে কয়েকটি চতুষ্পাঠী প্রতিষ্ঠা করেন। তিনি আমরণ নানা সৎকার্যের উৎসাহদাতা ছিলেন। তিনি জনসাধারণের প্রীতি ও অহুতাগ লাভ করেন। ১৯০৩ খৃঃ দিল্লীর অভিষেক দরবারে মহারাজ ভারত গবর্ণমেন্ট কর্তৃক নিমজ্জিত হইয়াছিলেন; কিন্তু সেই যজ্ঞে যোগদান করিতে পারেন নাই। ১৯১০ খৃঃ ১৮ই আগষ্ট বঙ্গের অক্সফোর্ড্ নবদ্বীপের হিন্দুকুলচূড়ামণি মহারাজ ক্ষিতীশচন্দ্র রায় ৪৪ বৎসর বয়সে ইহলোক পরিত্যাগ করিয়াছেন। কলিকাতার বহুবাজারে মতিলালদের বাটিতে তাঁহার বিবাহ হইয়াছিল। তিনি মৃত্যুকালে একটি পুত্র ও কন্যা রাখিয়া গিয়াছেন। হুগলী জেলার অন্তর্গত বৈঁচির জমিদার বাটিতে রাজকন্যার বিবাহ হইয়াছে। ১৯১৩ খৃঃ ১৯শে সেপ্টেম্বর কৃষ্ণনগরের মহারানী নলিনী দেবী ৩৫ বৎসর বয়সে হৃদরোগে মর্ত্যধাম পরিত্যাগ করিয়াছেন। নবদ্বীপের ভাগীরথী তীরে মহারানীর অন্ত্যেষ্টিক্রিয়া সম্পন্ন হইয়াছিল।

ক্ষৌণীশচন্দ্র রায় ।

ক্ষিতীশচন্দ্রের একমাত্র পুত্র মহারাজ শ্রীযুক্ত ক্ষৌণীশচন্দ্র রায় এক্ষণে নদীয়ার রাজপদে সমাসীন। ১৮৮৯ খৃঃ ২৮শে অক্টোবর ইনি কৃষ্ণনগরের রাজপ্রাসাদে ভূমিষ্ট হইয়াছেন। ১৯১১ খৃঃ ১২ই ডিসেম্বর ব্রিটনীয় নরপতি এবং ভারতীয় সম্রাট্ পঞ্চম জর্জ মহোদয়ের রাজ্যাভিষেক উপলক্ষে ক্ষৌণীশচন্দ্র সম্রাট প্রদত্ত ব্যক্তিগত “মহারাজা” উপাধি সম্মান প্রাপ্ত হইয়াছেন। ১৯১২ খৃঃ ৪ঠা জানুয়ারি কলিকাতার লাটভবনে ভারতেশ্বর ও তদীয় মহিষীর একটি সভা হইয়াছিল; তৎকালে সেই রাজকীয় অভ্যর্থনা সমিতির সম্পাদক মুর্শিদাবাদের নবাব বাহাদুর নদীয়ার মহারাজকে রাজসকাশে যথারীতি পরিচিত করেন। ১৯১৪ খৃঃ

৩১শে মার্চ কলিকাতার টাউন হলে বরপণ প্রথার বিরুদ্ধে আন্দোলন করিবার জুড় এক বরপণ-নিবারিণী সভা হইয়াছিল, তৎকালে নদীয়ার মহারাজ বাহাদুর সভাপতির আসন গ্রহণ করেন । ১৯১৪খৃঃ জুন মাসে ইনি তিন বৎসরের জুড় অবৈতনিক মাজিষ্ট্রেট পদে নিযুক্ত হইয়া ইংরাজীতে জবানবন্দী লিখিবার অধিকার প্রাপ্ত হইয়াছেন । ইনি কৃষ্ণ-নগরে একটি অবৈতানক প্রাথমিক বিদ্যালয় এবং দাতব্য ঔষধালয় প্রতিষ্ঠার সঙ্কল্প করিয়া তথাকার অধিবাসিগণের ধন্যবাদভাজন হইয়াছেন । ইনি বিলাসশূন্য, সদাচারী, ত্রায়পরায়ণ, ধর্মনিষ্ঠ ও পরিশ্রমী ব্যক্তি । গবর্ণমেন্টের নিকট ইহার বিশেষ সম্মান ও প্রতিপত্তি দৃষ্ট হয় । মহারাজ নানা বিষয়ে স্থায়ী প্রতিভা প্রদর্শন পূর্বক ইতিহাস-বিশ্রুত মহারাজ কৃষ্ণচন্দ্রের বংশের গৌরব রক্ষা করিয়া জনসাধারণের হৃদয় অধিকার করিয়াছেন । ইনি মুর্শিদাবাদ জেলার অন্তর্গত কাশীমবাজারের প্রসিদ্ধা রাণী আন্নাকালীর পুত্রবধু শ্রীমতী রাণী সরোজিনী দেবীর জামাতা ।



রাণাঘাট জমিদারবংশ ।

নদীয়া জেলার অন্তর্গত রাণাঘাট মহকুমার পাল চৌধুরীগণ বহুদিনের প্রাচীন জমিদারবংশ । কৃষ্ণকান্ত পান্ডী ও তদীয় মধ্যম ভ্রাতা শম্ভুচন্দ্র পাল হইতে এই বংশের উৎপত্তি হইয়াছে । নদীয়া, চব্বিশ-পরগণা, যশোহর প্রভৃতি জেলায় ইহাদের জমিদারী আছে । অধুনা ইহার বাৎসরিক প্রায় ১,২৫,০০০ টাকা গবর্ণমেন্টকে রাজস্ব দিয়া থাকেন ।

৩ সহস্ররাম পাল ।

নদীয়া জেলার অন্তঃপাতী রাণাঘাট গ্রামে সহস্ররাম পাল নামে এক ব্যক্তির বসবাস ছিল । তিনি অতি হীনাবস্থাপন্ন তিলিকুলে জন্মগ্রহণ করেন । বাল্যকালে নিম্ন অবস্থার জন্ত তদীয় মাতুলালয়ে সমাতৃক প্রতিপালিত হন । তিনি মৃত্যুকালে কৃষ্ণকান্ত, শম্ভুচন্দ্র ও নিধিরাম পাল নামে তিনটি পুত্র রাখিয়া যান ।

৩ কৃষ্ণকান্ত পান্ডী ।

সহস্ররামের জ্যেষ্ঠ পুত্র কৃষ্ণকান্ত পান্ডী ১৭৪৯ খৃঃ নবেম্বর মাসে রাণাঘাট গ্রামে ভূমিষ্ঠ হন । ইহাদের উপাধি পাল ; কিন্তু কৃষ্ণকান্ত রাণাঘাটে পান বিক্রয় করিতেন বলিয়া পান্ডী নামে অভিহিত হন । তিনি রাণাঘাটের নিকটবর্তী গাংনাপুর নামক স্থানের হাট হইতে দ্রব্যাদি ক্রয় করিয়া এবং আশুলের তিলিদিগের নিকট হইতেও মধ্যে মধ্যে

চাউল খাওয়া প্রভৃতি ক্রয় করিয়া আনিয়া বিক্রয় করিতেন। তাহাতে বৎসামাত্র মূলধন হইয়াছিল। ১৭৮৬ খৃঃ কলিকাতায় ছোলা দুস্রাপ্য হওয়ার জনৈক মহাজন ছোলা ক্রয় করিতে আসিলে রাণাঘাটের ঘাটে কৃষ্ণকান্তের সহিত তাঁহার আলাপ হয়। তিনি ছোলা ক্রয় করিয়া দিতে প্রতিশ্রুত হইলে সেই মহাজন একখানি চুক্তিপত্র করিয়াছিলেন। সেই সময়ে আড়াংঘাটার ৬ যুগোলকিশোর জীউ নামক বিগ্রহের মহাস্ত গঙ্গারামের গোলার সমুদয় ছোলায় পোকা ধরিলে তিনি সমস্ত উহা বিক্রয় করিতে মনস্থ করেন। কৃষ্ণকান্ত এই সময় মহাস্তের নিকট হইতে অল্প মূল্যে সমুদয় ছোলা ক্রয় করিয়াছিলেন। মহাজনকে সেই ছোলা বিক্রয় করিয়া কৃষ্ণকান্ত প্রায় ছয় সহস্র টাকা লাভ করেন। তদবধি তাঁহার ভাগ্যচক্র পরিবর্তিত হয়। ঐ টাকায় তিনি কলিকাতায় লবণের ব্যবসায় করিয়া প্রভূত অর্থার্জন করেন। তৎপরে তিনি নীলামে দ্রব্য ক্রয় করিতে আরম্ভ করিয়াছিলেন। অতঃপর মধ্যম ভ্রাতা শম্ভুচন্দ্রের পরামর্শে তিনি কয়েকখানি জমিদারী ক্রয় করেন। শম্ভুচন্দ্র সেই সকল জমিদারীর কার্য পর্যবেক্ষণ করিতেন। তৎকালে কৃষ্ণনগরের রাজগণ তাঁহার নিকট হইতে মধ্য মধ্য টাকা কর্জ লইতেন। ১৭৯৯ খৃঃ কৃষ্ণকান্ত রাণাঘাট ক্রয় করিয়া বাসভবন, উদ্যান বাটী, গোলা বাটী, অখশালা, পুষ্করিণী প্রভৃতি নিৰ্ম্মাণ করাইয়া নগরের শোভাবর্দ্ধন করিতে থাকেন। কৃষ্ণনগরের তদানীন্তন মহারাজ কৃষ্ণচন্দ্র রায় বাহাদুর তাঁহার উন্নতি দেখিয়া “চৌধুরী” উপাধি প্রদান করেন। তাহার পর হইতেই এই বংশ “পাল চৌধুরী” নামে সাধারণে পরিচিত হইয়াছে। ১৮১৪ খৃঃ মার্কুইন্স অব্ হেষ্টিংস্ রাণাঘাট পরিদর্শন কালে কৃষ্ণকান্তের উন্নতি দেখিয়া তাঁহাকে রাজা উপাধি দানের প্রস্তাব করেন; কিন্তু তিনি তাহাতে অনিচ্ছুক হইলে পূর্বোক্ত পাল চৌধুরী উপাধি মঞ্জুর করিয়া আশাশোঁটা রাখিবার সম্মান প্রদান করেন। তদবধি তাঁহার

বংশধরগণ ইহা ব্যবহার করিয়া আসিতেছেন। কৃষ্ণকান্তের অর্থে অনেকে বিভ্রাট হইয়াছেন। তিনি সাধারণের উপকারার্থে রাণাঘাটে একটি বৃহৎ পুষ্করিণী খনন করাইয়াছিলেন। মাল্লাজ দুর্ভিক্ষের সময় তিনি প্রায় তিন লক্ষ টাকার চাউল বিতরণ করেন। শুনিতে পাওয়া যায়, কৃষ্ণকান্তের জননী ব্যবসায় করিবার জন্ত তাঁহাকে প্রথমে একটি “আধুলী” দিয়াছিলেন; সেই আধুলী মাত্র মূলধন লইয়া তিনি স্বীয় অধ্যবসায়গুণে ক্রমে ক্রোরপতি হইয়াছিলেন। তিনি কখন মিথ্যা বাক্য বলিতেন না এবং সকল কার্যেই আর্থিক লাভ অনুসন্ধান করিতেন। তিনি লেখাপড়া জানিতেন না, কিন্তু নিরন্তর অভ্যাস দ্বারা হিসাবে ব্যুৎপত্তি লাভ করেন। তিনি অতিশয় সত্যপ্রিয় ছিলেন। তাঁহার সততা ও সত্যবাদিতা বিষয়ক বহুবিধ গল্প প্রচলিত আছে। অতুল ঐশ্বর্যের অধিপতি হইয়াও তিনি কখন বিলাসভোগে উন্মত্ত হন নাই। ১৮১৯ খৃঃ রাণাঘাট জমিদারবংশের প্রতিষ্ঠাতা কৃষ্ণকান্ত পাল চৌধুরী ইহলোক হইতে মহাপ্রস্থান করিয়াছেন। তাঁহার দুই পত্নীর গর্ভে ঈশ্বরচন্দ্র, প্রেমচন্দ্র, উমেশচন্দ্র ও রামরতন নামে চারি পুত্র জন্মিয়াছিল।

কৃষ্ণকান্তের জ্যেষ্ঠ পুত্র ঈশ্বরচন্দ্র পাল চৌধুরীর একমাত্র পুত্র অকালে লোকান্তরিত হন। তিনি মৃত্যুকালে দুই পুত্র শ্রীযুক্ত ব্রজনাথ পাল চৌধুরী ও শ্রীযুক্ত দ্বারকানাথ পাল চৌধুরীকে রাখিয়া গিয়াছেন।

কৃষ্ণকান্তের মধ্যম পুত্র প্রেমচন্দ্র পাল চৌধুরীর তিন পুত্র—ব্রজেন্দ্রকুমার, প্রসন্নকুমার ও যোগেন্দ্রকুমার পাল চৌধুরী; তন্মধ্যে মধ্যম ও কনিষ্ঠ পুত্র নিঃসন্তান ছিলেন। জ্যেষ্ঠ ব্রজেন্দ্রকুমারের তিন পুত্র—শ্রীযুক্ত সুধাংশুকুমার, শ্রীযুক্ত শরৎকুমার ও শ্রীযুক্ত চিন্ময়কুমার পাল চৌধুরী।

কৃষ্ণকান্তের তৃতীয় পুত্র উমেশচন্দ্র পাল চৌধুরীর বংশধরগণ কৃষ্ণকান্তের মহোৎসব বাটীতে বাস করিতেছেন। উমেশচন্দ্রের পাঁচ পুত্র—

বিশেষ, পরমেশ্বর, রাজরাজেশ্বর, গোপেশ্বর ও কেশবচন্দ্র পাল চৌধুরী। চতুর্থ গোপেশ্বরের ছই পুত্র—শ্রীযুক্ত সর্বেশ্বর ও শ্রীযুক্ত তারকেশ্বর পাল চৌধুরী বি-এল কলিকাতা হাইকোর্টের একজন উকীল। কনিষ্ঠ কেশবচন্দ্রের ছই পুত্র—শ্রীযুক্ত শরৎচন্দ্র ও শ্রীযুক্ত সুরৎচন্দ্র পাল চৌধুরী।

কৃষ্ণকান্তের কনিষ্ঠ পুত্র রামরতন পাল চৌধুরী নিঃসন্তান অবস্থায় মহাবিশ্রাম লাভ করেন।

৩ শম্ভুচন্দ্র পাল।

সহস্ররামের মধ্যম পুত্র শম্ভুচন্দ্র পাল শারীরিক আনন্দ লাভের জগ্ৰ যথেষ্ট পরিশ্রম স্বীকার করিতেন। তিনি বহুদর্শিতায় বিশেষ জ্ঞানবান ছিলেন। তাঁহার পরামর্শে তদীয় জ্যেষ্ঠ ভ্রাতা কৃষ্ণকান্ত অনেকগুলি জমিদারী ক্রয় করেন। শম্ভুচন্দ্র সেই সকল জমিদারীর কার্য পরিচালনা করিতেন। তিনি মৃত্যুকালে ছই পুত্র বৈকুণ্ঠনাথ ও কাশীনাথকে রাখিয়া যান।

শম্ভুচন্দ্রের জ্যেষ্ঠ পুত্র বৈকুণ্ঠনাথের একমাত্র পুত্র নীলকমল পাল চৌধুরী দেশহিতকর কার্যে সহানুভূতি প্রকাশ করিতেন। তাঁহার তিন পুত্র—শ্রীগোপাল, প্রসন্নগোপাল ও ব্রজেন্দ্রগোপাল পাল চৌধুরী।

৩ শ্রীগোপাল পাল চৌধুরী।

নীলকমলের জ্যেষ্ঠপুত্র শ্রীগোপাল পাল চৌধুরী ১৮২১ খৃঃ তৎকালীন স্বপ্রীম কোর্টে এক মোকদ্দমা করেন; পরিশেষে উহা বিলাতের "প্রিভিকাউন্সিল" পর্যন্ত পরিচালিত হইয়াছিল। সেই সময়ে ইষ্টাঙ্গের

সাতোড় পরগণার অর্দ্ধাংশ মিষ্টার ম্যাকিন্টস সাহেব এবং অপর অর্দ্ধাংশ হুগলী-শ্রীরামপুরের ঠাকুরদাস গোস্বামীকে বিক্রয় করা হইয়াছিল। শ্রীগোপাল একজন বুদ্ধিমান, রাজনীতিজ্ঞ ও স্বাধীনচেতা জমিদার ছিলেন। তিনি দেশীয় ও ইউরোপীয়গণ কর্তৃক বিশেষ সমাদৃত হইতেন। তৎকালে তিনি নদীয়া জেলার প্রায় সকল জনহিতকর কার্যে যোগদান করিতেন। তিনি কৃষ্ণনগর কলেজ গৃহ নির্মাণকল্পে দুই সহস্র টাকা দান করেন। তিনি রাণাঘাট মিউনিসিপালিটির উন্নতি সাধনে বিশেষ যত্ন করিতেন; অধিকন্তু রাস্তা ও পয়ঃপ্রণালীর নিমিত্ত বিনামূল্যে ভূমিদান করিয়াছিলেন। তিনি রাণাঘাটে একটা ইংরাজী এবং একটি বঙ্গ বিদ্যালয় প্রতিষ্ঠা করেন। অদ্যাপি তাঁহার বংশধরগণ তাঁহার পরিচালন কল্পে নৃত্যাধিক দ্বাদশ সহস্র মুদ্রা সাহায্য করিয়া থাকেন। তাঁহার দুই কনিষ্ঠ সহোদর তদ্বিষয়ে বিশেষ সহায়তা করিয়াছিলেন। শ্রীগোপাল মৃত্যুকালে দুইটা কৃতবিদ্যা পুত্র সুরেন্দ্রনাথ ও নগেন্দ্রনাথকে রাখিয়া যান।

৩ সুরেন্দ্রনাথ পাল চৌধুরী।

শ্রীগোপালের জ্যেষ্ঠপুত্র সুরেন্দ্রনাথ পাল চৌধুরী পাঁচ বৎসরকাল ডেপুটি ম্যাজিস্ট্রেটের কার্য্য করেন। অতঃপর রাজকার্য্য পরিত্যাগপূর্ব্বক জমিদারী পরিচালনা করিতেন। তিনি পিতার পদানুসরণ করিয়া যশস্বী হন। কৃষ্ণনগর কলেজে বি-এ শ্রেণী খুলিবার জন্ত তিনি এক সহস্র টাকা দান করেন। রাণাঘাটের নূতন হাঁসপাতাল গৃহ প্রধানতঃ তাঁহার অর্থানুকূল্যে হইয়াছে। তিনি রাণাঘাট বালিকা বিদ্যালয়ের পোষণভার বহন করিতেন। এই সকল কার্য্যে তাঁহার কনিষ্ঠ ভ্রাতা নগেন্দ্রনাথ এবং জ্যোতি ভ্রাতা যোগেন্দ্রচন্দ্রও বিশেষ সাহায্য করেন। এতদ্বিত্ত তিনি নানা প্রকার সাধারণ হিতকর কার্য্যে অর্থ ব্যয় করিতেন। তাঁহার উদ্যোগে

রাণাঘাটের ইংরাজী বিদ্যালয়টি পরিপুষ্ট হয়। ইহাদের যত্নে স্বর্গীয় স্মশীলকুমার বসু কর্তৃক স্থাপিত রাণাঘাট সাধারণ পুস্তকালয়ের বিশেষ উন্নতি হইয়াছে। সুরেন্দ্রনাথ বহুদিবস রাণাঘাট মিউনিসিপালিটির অবৈতনিক মাজিষ্ট্রেট এবং চেয়ারম্যান ছিলেন। তাঁহার উদ্যোগে জমিদারী পঞ্চায়েৎ সৃষ্টি হয় এবং তিনি আমরণ ইহার সম্পাদক ছিলেন। ১৮৮৪ খৃঃ ভূতপূর্ব বঙ্গেশ্বর শ্রার রিভাস্ টম্‌সন্ তাঁহার আতিথ্য গ্রহণ-পূর্বক রাণাঘাটের ভবনে গমন করেন। তাহার কিছুদিন পরে রাজপ্রতিনিধি লর্ড রিপণ বাহাদুর রাণাঘাটের পাঠশালা পরিদর্শনকালে তাঁহার আতিথ্য গ্রহণ করিয়াছিলেন। সুরেন্দ্রনাথ চারিজন সশস্ত্র শাস্ত্রিদারী প্রহরী রাখিবার অনুমতি প্রাপ্ত হন। তিনি যে বাটীতে বাস করেন, ঐ বাটীতে কৃষ্ণপাক্তীর দুর্গোৎসব, রাসপর্ক, দোলপর্ক প্রভৃতি হইত। ৪৬ বৎসর বয়সে সুরেন্দ্রনাথ পাল চৌধুরী ইহলোক পরিত্যাগ করেন। তিনি মৃত্যুকালে দুইটি পুল রাখিয়া গিয়াছেন।

সুরেন্দ্রনাথের জ্যেষ্ঠ পুল শ্রীযুক্ত গুণেন্দ্রনাথ পাল চৌধুরী রাণাঘাট মিউনিসিপালিটির চেয়ারম্যান।

সুরেন্দ্রনাথের কনিষ্ঠ পুল শ্রীযুক্ত বরেন্দ্রনাথ পাল চৌধুরী জমিদারী পরিচালনে স্নদক্ষ।

৩ নগেন্দ্রনাথ পাল চৌধুরী।

শ্রীগোপালের কনিষ্ঠ পুল রায় নগেন্দ্রনাথ পাল চৌধুরী বাহাদুর ১৮৮১ খৃঃ ডেপুটী মাজিষ্ট্রেটের কার্যে নিযুক্ত হন। দ্বাবিংশ বৎসরকাল স্থাতিত সহিত রাজকার্য্য করিয়া ১৯০৩ খৃঃ অবসর বৃত্তি গ্রহণ করেন। তিনি একজন প্রজাবৎসল জমিদার ছিলেন। তিনি স্বীয় গুণে সাধারণের বিশেষ প্রশংসাভাজন হন। নদীয়া জেলার প্রায় সকল সদনুষ্ঠানে তিনি

উৎসাহ প্রকাশ করিতেন। নানা প্রকার জনহিতকর কার্যের সহিত তাঁহার সংশ্লিষ্ট ছিল। তিনি রাণাঘাট মিউনিসিপালিটির চেয়ারম্যান ; সাধারণ পুস্তকালয় ও পিপল্‌স্ ব্যাঙ্কের সভাপতি ; মিত্রসভা, টাউন ক্লাব, ছাপা ক্লাব প্রভৃতি বহু সমিতির পৃষ্ঠপোষক ছিলেন। ১৯১০ খৃঃ ২৪শে জুন ভারতেশ্বর পঞ্চম জর্জ মহোদয়ের জন্মতিথি উপলক্ষে নগেন্দ্রনাথ “রায় বাহাদুর” উপাধি প্রাপ্ত হন। তিনি চারিজন সশস্ত্র শাস্ত্রধারী প্রহরী রাখিবার অধিকারী ছিলেন। রাণাঘাটের সুপ্রসিদ্ধ জমিদার রায় নগেন্দ্রনাথ পাল চৌধুরী বাহাদুর ১৯১৫ খৃঃ ৭ই অক্টোবর ৬৩ বৎসর বয়সে কলেবর পরিত্যাগ করিয়াছেন। তিনি মৃত্যুকালে বিধবা পত্নী এবং দুইটি উপযুক্ত পুত্র সম্ভান রাখিয়া গিয়াছেন।

নগেন্দ্রনাথের জ্যেষ্ঠ পুত্র শ্রীযুক্ত অমরেন্দ্রনাথ পাল চৌধুরী বি-এ স্নাত্যতির সহিত ডেপুটি মাজিষ্ট্রেটের কার্য করিতেছেন।

নগেন্দ্রনাথের কনিষ্ঠ পুত্র শ্রীযুক্ত গিরীন্দ্রনাথ পাল চৌধুরী কলিকাতা মিউনিসিপালিটির লাইসেন্স ইন্সপেক্টর্।

৬ প্রসন্নগোপাল পাল চৌধুরী ।

নীলকমলের মধ্যম পুত্র প্রসন্নগোপাল পাল চৌধুরী স্বগ্রামে স্বাধীন-ভাবে কালবাণন করিয়া গিয়াছেন। তিনি সঙ্গীতের উৎসাহদাতা ছিলেন। ১৮৭৪ খৃঃ অক্টোবর মাসে প্রসন্নগোপাল পাল চৌধুরী প্রাণত্যাগ করেন। তাঁহার দুই পুত্র—শ্রীযুক্ত যোগেশচন্দ্র ও শ্রীযুক্ত সতীশচন্দ্র পাল চৌধুরী।

প্রসন্নগোপালের জ্যেষ্ঠ পুত্র শ্রীযুক্ত যোগেশচন্দ্র পাল চৌধুরী জমিদারী কার্য পরিচালনা করেন। ইহার একমাত্র পুত্র শ্রীমান কুমুদচন্দ্র পাল চৌধুরী।

সতীশচন্দ্র পাল চৌধুরী ।

প্রসন্নগোপালের কনিষ্ঠ পুত্র শ্রীযুক্ত সতীশচন্দ্র পাল চৌধুরী বি-এ, ১৮৬৮ খৃঃ জন্মগ্রহণ করেন। সপ্তমবৎসর মাত্র বয়ঃক্রমকালে পিতৃ-বিরোগে হওয়ায় মাতার যত্নে ভ্রাতৃত্ব প্রতাপিত হন। প্রথমে গ্রাম্য বিদ্যালয়ে ইহঁার বিদ্যারম্ভ হয়। তৎপরে ইনি কলিকাতার হিন্দু স্কুলে প্রবিষ্ট হন। তথা হইতে প্রবেশিকা পরীক্ষায় উত্তীর্ণ হইয়া জেনারেল এসেম্রি কলেজে ভর্তি হন। অতঃপর প্রেসিডেন্সী কলেজ হইতে বি-এ পরীক্ষায় উত্তীর্ণ হইয়া ১৮৯৩ খৃঃ কলিকাতা হাইকোর্টের তৎকালীন জনৈক সলিসিটর্ মিষ্টার সেন্ট্ কার্থার সাহেবের অধীনে শিক্ষানবীশ নিযুক্ত হন। তৎপরে ১৮৯৯ খৃঃ ১লা ডিসেম্বর ইনি কলিকাতা হাইকোর্টের একজন এটর্নী শ্রেণীভুক্ত হইয়াছেন। ইনি একজন সুপ্রসিদ্ধ এটর্নী। সতীশচন্দ্র ব্রিটিশ ইণ্ডিয়ান এসোসিয়েশনের সভ্য, বঙ্গীয় জমিদার সমিতির অবৈতনিক সহকারী সম্পাদক, বেঙ্গল ছাসানেল্ চেম্বার্স অব্ কমার্সের সভ্য, ইণ্ডিয়ান এসোসিয়েশনের সভ্য, কলিকাতার অবৈতনিক প্রেসিডেন্সী মাজিষ্ট্রেট, শোভাবাজার বেনাভোলেন্ট্ সোসাইটীর সম্পাদক, ইম্পিরিয়াল্ লিগের সভ্য, সাহিত্য পরিষদের সভ্য, সাহিত্য সভার সভ্য, তিলি-জাতি সম্মিলনীর সম্পাদক ও কোষাধ্যক্ষ ; এতদ্ভিন্ন নানা প্রকার সাধারণ কার্যের সহিত ইহঁার সংস্রব আছে। ইনি রাজনীতি, সামাজিক, সাহিত্যিক প্রভৃতি বহুবিধ অনুষ্ঠানে সংশ্লিষ্ট। ইনি ভারত সম্রাটের শুভাগমনকালে রাজকীয় অভ্যর্থনা সম্মিলনীতে নিমন্ত্রিত হন। জনসাধারণের মধ্যে ও রাজদরবারে ইহঁার বিশেষ প্রতিপত্তি ও সম্মান দৃষ্ট হয়। ১৯১৪ খৃঃ ২৭শে ফেব্রুয়ারী বঙ্গের জনপ্রিয় গবর্নর লর্ড কারমাইকেল বাহাদুর ইহঁাকে দর্শনদানে সম্মানিত করেন। ষোড়শ বৎসর বয়সে রাণাঘাটের দে চৌধুরী বংশে ইহঁার বিবাহ হয় ; কিন্তু কোন সন্তানাদি হয় নাই।

৬ ব্রজেন্দ্রগোপাল পাল চৌধুরী ।

নীলকমলের কনিষ্ঠ পুত্র ব্রজেন্দ্রগোপাল পাল চৌধুরী দরিদ্রগণকে ঔষধ বিতরণের জন্য প্রসিদ্ধ ছিলেন । কৃষ্ণকান্তের বসত বাটীতে তৎসংশ্লিষ্টগণ বাস করিতেছেন । ব্রজেন্দ্রগোপালের চারি পুত্র—শ্রীযুক্ত জ্ঞানেন্দ্রনাথ, শ্রীযুক্ত হরেন্দ্রনাথ, শ্রীযুক্ত হেমেন্দ্রনাথ ও শ্রীযুক্ত বিপ্লবেন্দ্রনাথ পাল চৌধুরী ।

৬ কাশীনাথ পাল চৌধুরী ।

শম্ভুচন্দ্রের কনিষ্ঠ পুত্র কাশীনাথ পাল চৌধুরীর একমাত্র পুত্র জয়চন্দ্র পাল চৌধুরী । জয়চন্দ্রের পুত্র যোগেন্দ্রচন্দ্র পাল চৌধুরী একজন হোমিওপ্যাথিক চিকিৎসক ছিলেন । তিনি বহু দরিদ্রগণকে ঔষধ বিতরণ করিতেন । এক সময়ে তিনি রাণাঘাট মিউনিসিপালিটির চেয়ারম্যানের কার্য করিয়া তথাকার উন্নতি সাধনে যথোচিত উত্তম উৎসাহ প্রকাশ করিয়াছিলেন । যোগেন্দ্রচন্দ্র নিঃসন্তান অবস্থায় মানবলীলা সম্বরণ করেন ।

৬ নিধিরাম পাল চৌধুরী ।

সহস্ররামের কনিষ্ঠ পুত্র নিধিরাম পাল চৌধুরীর একমাত্র পুত্র বৈষ্ণবনাথ পাল চৌধুরী । তাঁহার দুই পুত্র—শ্রামচাঁদ ও রামচাঁদ পাল চৌধুরী ; তন্মধ্যে জ্যেষ্ঠ পুত্র শ্রামচাঁদ নিঃসন্তান ছিলেন । কনিষ্ঠ পুত্র রামচাঁদও অপুত্রক থাকায় শ্রীযুক্ত কান্তিচন্দ্রকে পোষ্যপুত্র গ্রহণ করিয়াছিলেন ।

নবাববংশ ।

৬ নবাব মীরজাফর ।

১৭৫৭ খৃঃ ২৩শে জুন সুপ্রসিদ্ধ পলাশীর রণরঙ্গভূমে ইংরাজের বিজয় বৈজয়ন্তী উড্ডীন হইলে তদানীন্তন দিল্লীখর সম্রাট আলমগীরের অনুমতি না লইয়াই বঙ্গবিজয়ী রবার্ট ক্লাইব বাহাদুর, নবাব সিরাজদ্দৌলার প্রধান সেনাপতি মীরজাফরকে বাঙ্গালার সিংহাসনে প্রতিষ্ঠিত করেন। নবাব তাহার পরিবর্তে ইংরাজদিগকে পুরস্কারস্বরূপ কলিকাতার চতুষ্পার্শ্ববর্তী সমস্ত ভূভাগের জমিদারী স্বত্ত্ব প্রদান করেন। এই ভূখণ্ড চব্বিশ পরগণা নামে অভিহিত হইয়াছে। তৎকালে চব্বিশ পরগণার পরিমাণ ফল ৮৮২ বর্গ মাইল এবং রাজস্ব দশলক্ষ টাকা ছিল। এই দশ লক্ষ টাকার মধ্যে কোম্পানী ২,২২,৯৮৫ টাকা রাজস্ব স্বরূপে নবাব সরকারে প্রদান করিতেন। অতঃপর ১৭৫৯ খৃঃ দিল্লীর সম্রাট আলমগীর চব্বিশ পরগণার মালিকান স্বত্ত্ব ও ২,২২,৯৮৫ টাকা রাজস্বে জায়গীর স্বরূপে লর্ড ক্লাইবকে প্রদান করেন। নবাব মীরজাফর সুশাসক হইতে পারেন নাই। তিনি অতিশয় অহিফেনসেবী ছিলেন এবং বিলাসিতায় ও আমোদ উৎসবে তাঁহার প্রভূত অর্থ ব্যয় হইত। এইরূপ অপব্যয় নিবন্ধন তাঁহার সৈন্যদিগকে বেতন দানে অক্ষম হইয়া বঙ্গদেশের ধনবান হিন্দু মহাজনদিগের সর্বস্ব লুণ্ঠনের উদ্যোগ করেন; কিন্তু লর্ড ক্লাইব, নবাবের অন্তরায় হইলে তিনি অত্যন্ত ক্রুদ্ধ হইয়া চুঁচুঁড়াস্থিত ওলন্দাজদিগের নিকট সাহায্য প্রার্থনা করেন। অতঃপর একটি খণ্ড যুদ্ধে নবাব ও ওলন্দাজেরা পরাভূত হন। রাজ্যে নানা প্রকার বিশৃঙ্খলা উপস্থিত হইলে লর্ড ক্লাইবের পরবর্তী ইংরাজ গবর্নর ভ্যান্সিটাট সাহেব কোম্পানির

সদস্ত্রগণের পরামর্শে ১৭৬১ খৃঃ নবাব মীরজাফরকে সিংহাসনচ্যুত করিয়াছিলেন।

৩ নবাব মীরকাশীম।

১৭৬১ খৃঃ অক্টোবর মাসে মীরজাফরের প্রতিনিধিরূপে তদীয় জামাতা মীরকাশীমকে কলিকাতার তৎকালীন গবর্ণর ভ্যান্সিটাট্ সাহেব বাঙ্গালার মসনদে অধিষ্ঠিত করেন। মীরকাশীম প্রতিদানে কোম্পানীকে বর্দ্ধমান, মেদিনীপুর ও চট্টগ্রাম এই তিনটি জেলা প্রদান করেন। তৎকালে ইহার আয় বাৎসরিক পঞ্চাশ লক্ষ টাকা ছিল। মীরকাশীম ক্ষমতাপন্ন ও তেজস্বী শাসনকর্তা ছিলেন। তিনি মীরজাফরের সমস্ত ঋণ পরিশোধ করিয়া শাসন ব্যাপারে সুশৃঙ্খলা স্থাপন করিয়াছিলেন। তাঁহার রাজধানী মুর্শিদাবাদ হইতে মুন্সেরে স্থানান্তরিত হয়। তথায় তিনি ইউরোপীয় সমর-পদ্ধতি অনুসারে এক প্রবল সৈন্যদল সুশিক্ষিত ও পরিচালিত করিতে লাগিলেন এবং ইংরাজদিগের সহিত বিবাদের অবসর প্রতীক্ষায় রহিলেন। এই সময়ে সকলেই বিনা শুষ্কে বাণিজ্য করিবার অধিকার প্রাপ্ত হয়; কিন্তু কোম্পানীর কর্মচারীগণ তাহাতে অসন্তুষ্ট হন। অবশেষে উভয়পক্ষের অসন্তাব শত্রুতায় পরিণত হইয়াছিল। অতঃপর নবাব যুদ্ধের জন্ত প্রস্তুত হইলেন। ১৭৬৩ খৃঃ নবাব মীরকাশীমের সৈন্যগণ রাজমহলের নিকটবর্তী উদয়নালা ও ঘেরিয়া নামক স্থানদ্বয়ে পরাভূত হইলে নবাব অযোধ্যায় পলায়নপূর্বক তথাকার সুবাদার সুজাউদ্দৌলার শরণাপন্ন হন। এই সময় দিল্লীখ্বর সাহ আলম্ ইংরাজদিগের হস্ত হইতে বঙ্গদেশ উদ্ধার করিবার আশায় বাঙ্গালা ও অযোধ্যার নবাবদিগের সহিত মিলিত হন। তদনন্তর সম্রাট সাহ আলম্, নবাব সুজাউদ্দৌলার সহিত ষড়যন্ত্র করিয়া তিনজনে মিলিত

হইয়া পাটনার ইংরাজ বণিকদিগকে আক্রমণ করেন। তাঁহার প্রায় দুই মাসকাল ইতস্ততঃ অভিযান করিয়াছিলেন। অবশেষে ১৭৬৪ খৃঃ ইংরাজ 'সেনাপতি মেজর মনরো বক্সার নামক স্থানে সকলকেই যুদ্ধে পরাভূত করেন। অযোধ্যার সুবাদার স্বরাজ্যে পলায়ন করিলেন, দিল্লীশ্বরের সঙ্গে যে ধনরত্ন ছিল নবাব তাহা আত্মসাৎ করিলে, সম্রাট যথাসর্বস্ব হত হইয়া রোহিলখণ্ডে পলায়ন করেন। তৎপরে দিল্লীতে প্রত্যাগমনপূর্বক নিতান্ত হীনাবস্থায় মৃত্যুমুখে পতিত হন। তিনি ইংরাজের বিরুদ্ধে দণ্ডায়মান হইলে সিংহাসনচ্যুত হইয়াছিলেন।

৬ নবাব মীরজাফর ।

নবাব মীরকাশীম পরাজিত হইয়া সিংহাসনচ্যুত হইলে ১৭৬৪ খৃঃ জুলাই মাসে কলিকাতাস্থিত কোম্পানীর মন্ত্রণা সভা পুনরায় মীরজাফরকে বঙ্গদেশের দেওয়ান পদে নিযুক্ত করেন। মুর্শিদাবাদ পুনরায় বাঙ্গালার রাজধানী হইয়াছিল। মীরজাফর ব্যাধিগ্রস্ত ছিলেন। তিনি কয়েক মাস মাত্র সুবাদারী করিয়া গলংকুঠ রোগে মৃত্যুমুখে পতিত হন। নবাব মীরজাফরের অন্ততম পত্নী মণি বেগমের দুই পুত্র—নিজামতদৌলা ও সৈয়ফদৌলা যথাক্রমে মীরজাফরের মৃত্যুর পর মুর্শিদাবাদের মসনদে অধিরূঢ় হন। তৎপরে মীরজাফরের অপরা পত্নী বুঝু বেগমের পুত্র মুবারকদৌলা নবাব তক্তে আসীন হইয়াছিলেন।

৬ নবাব নিজামতদৌলা ।

নবাব মীরজাফরের মৃত্যুর পর তাঁহার পত্নী মণি বেগমের জ্যেষ্ঠ পুত্র নিজামতদৌলা ১৭৬৫ খৃঃ ১৬ই আগষ্ট পিতৃ-সিংহাসন প্রাপ্ত হন। এই

বৎসর কোম্পানী সম্রাটকে বৎসরে ২৬ লক্ষ টাকা ও মুর্শিদাবাদের নবাবকে ৫২ লক্ষ টাকা রাজস্ব দিতে প্রতিশ্রুত হইয়া দিল্লীর সম্রাট সাহ আলমের নিকট হইতে বাঙ্গালা, বিহার ও উড়িষ্যার দেওয়ানী পদ লাভ করেন । ১৭৬৫ খৃঃ ১২ই আগষ্ট ইংরাজেরা এই সনন্দ প্রাপ্ত হন । দেওয়ানী সনন্দে উড়িষ্যার উল্লেখ থাকিলেও উহার সপ্তত্রিংশত বৎসর পরে ইংরাজেরা প্রকৃত প্রস্তাবে উক্ত প্রদেশের অধিকারী হন । দেওয়ানী সনন্দের সময় কোম্পানী এবং নবাবের সহিত একটি সন্ধি হয় ; তাহাতে নবাব ৫৩,৮৬,১৬১ টাকা বাৎসরিক নিজ ব্যয় এবং ২৩,০০০ টাকা মাসিক তাঁহার জ্ঞাতিবর্গের দত্ত প্রাপ্ত হইবেন স্থির হইয়াছিল । অতঃপর নবাব কোম্পানীর অধীনে উক্ত তিনটি প্রদেশের দেওয়ান নিযুক্ত হন । তাঁহাকে কতকগুলি দেশীয় কন্সচারীর সাহায্যে রাজ্য-শাসন ও রাজস্ব আদায় করিয়া কোম্পানীকে অর্পণ করিতে হইত । ইংরাজেরা রাজ্যশাসন ব্যাপারে কোনরূপ হস্তক্ষেপ করিতেন না ; কেবল রাজ্য রক্ষার জন্য সৈন্য পোষণ করিতেন । মোগল সম্রাটদিগের সময়ে বঙ্গদেশের দেওয়ান কেবল রাজস্ব ও আয় ব্যয়ের কৰ্ম করিতেন ; কিন্তু ইংরাজেরা রাজস্ব সংক্রান্ত কৰ্ম ব্যতীত দেশরক্ষার ভার এবং সৈন্য সংক্রান্ত কৰ্ম আপনাদের অধীনে রাখিয়া, বিচার সংক্রান্ত কার্যের ভার নবাবের উপর ন্যস্ত করেন । ১৭৬৬ খৃঃ ৩রা মে নবাব নিজামতদৌলা বসন্ত রোগে গতানু হন ।

৬ নবাব সৈয়ফদৌলা ।

তাহার পর নবাবের কনিষ্ঠ ভ্রাতা ভূতপূর্ব নবাব মীরজাকরের পত্নী মণি বেগমের কনিষ্ঠ পুত্র সৈয়ফদৌলা ষোড়শবর্ষ মাত্র বয়ঃক্রমকালে ১৭৬৬ খৃঃ ১২শে মে কোম্পানীর দেওয়ান নিযুক্ত হইয়াছিলেন । নবাব

রাজ্য শাসনে অসমর্থ হওয়ায় তাঁহাকে ৪১,৮৬,১৩১ টাকা বাৎসরিক বৃত্তি প্রদানের ব্যবস্থা হয়। এই সময়ে নবাবের পক্ষ হইতে সহকারী রূপে জনৈক কর্মচারী শাসন কার্য পরিচালন করিতে থাকেন। মুর্শিদাবাদ সহরে যে চক মসজিদ আছে, তাহা ১৭৬৭ খৃঃ মণি বেগম প্রতিষ্ঠিত করেন। ১৭৭০ খৃঃ ১০ই মার্চ নবাব নাজিম সৈয়ফদ্দৌলা বসন্তরোগে অকালে কালগ্রাসে পতিত হইয়াছেন।

৬ নবাব মুবারকদ্দৌল্লা।

নবাবের মৃত্যুর পর মীরজাফরের অপরা পত্নী বব্বু বেগমের পুত্র মুবারকদ্দৌলা ১৭৭০ খৃঃ মুর্শিদাবাদের নবাব সিংহাসন লাভ করেন। তিনি নবাব মীরজাফরের কনিষ্ঠ পুত্র। তাঁহার সময়ে টঙ্কশালা মুর্শিদাবাদ হইতে উঠিয়া কলিকাতায় স্থাপিত হয়। তদবধি মুর্শিদাবাদে রাজকীয় ব্যাপার লোপ হইয়াছে। তিনি ৩১,৮১,৯৯১ টাকা বাৎসরিক নিজ বৃত্তি প্রাপ্ত হইতেন। ১৭৯৩ খৃঃ ৬ই সেপ্টেম্বর নবাব মুবারকদ্দৌল্লা ইহলোক পরিত্যাগ করিয়াছেন।

৭ নবাব বাবরজঙ্গ।

নবাব মুবারকের মৃত্যুর পর তদীয় পুত্র বাবরজঙ্গ নাজির উল-মুলুক পিতৃ সিংহাসন প্রাপ্ত হন। তিনি দীলদারজঙ্গ নামে পরিচিত ছিলেন। এই সময় হইতে নবাবের কোন ক্ষমতা রহিল না। মুর্শিদাবাদের নবাব ইংরাজের বৃত্তিভোগী হইলেন। তিনি ইংরাজ গবর্ণমেন্টের নিকট হইতে বাৎসরিক ষোল লক্ষ টাকা মাত্র বৃত্তিভোগ করিতেন। ১৮১০ খৃঃ ২৮শে এপ্রেল নবাব বাবরজঙ্গ পরলোকগত হইয়াছেন।

৮ নবাব জয়নুদ্দীন আলী খাঁ ।

নবাব বাবরজঙ্গের মৃত্যুর পর, বঙ্গের নবাবী লইয়া গৃহ বিবাদ উপস্থিত হয়। মীরজাফরের পত্নী তাঁহার দ্বিতীয় পুত্রকে দেওয়ানী দিবার জন্ত প্রার্থনা করেন ; কিন্তু বাবরজঙ্গের পুত্র থাকায় তাহা অগ্রাহ্য হয়। অতঃপর নবাব বাবরজঙ্গের জ্যেষ্ঠ পুত্র জয়নুদ্দীন আলী খাঁ কোম্পানীর দেওয়ান নিযুক্ত হন। তিনি কোম্পানীর নিকট রুত্তিমাত্র প্রাপ্ত হইতেন, শাসনকার্য্যে নবাবের কোন ক্ষমতা ছিল না। ১৮২১ খৃঃ ২ই আগষ্ট নবাব জয়নুদ্দীন আলী খাঁ লোকান্তর গমন করেন।

৮ নবাব ওয়ালাজা ।

নবাবের মৃত্যুর পর তাঁহার সন্তানাদি না থাকায় তদীয় ভ্রাতা ওয়ালাজা বঙ্গের সিংহাসন প্রাপ্ত হইয়াছিলেন। কিন্তু তিনি কয়েক বৎসর মাত্র নবাবী করিয়া ১৮২৪ খৃঃ ৩০শে অক্টোবর পরলোক গত হন।

৮ নবাব হুমায়ুনজা ।

তৎপরে নবাবের পুত্র হুমায়ুনজা বঙ্গের দেওয়ান পদে নিয়োজিত হন। তাঁহার সময়ে বর্ত্তমান “হাজার ছয়ারী” নামক সুরম্য প্রাসাদ ষোড়শ লক্ষ পঞ্চাশ সহস্র মুদ্রা ব্যয়ে নির্মিত হইয়াছে। ১৮২৯ খৃঃ ৯ই আগষ্ট নির্মাণারম্ভ এবং ১৮৩৭ খৃঃ ডিসেম্বর মাসে কার্য্য সমাধা হয়। কথিত আছে যে, এই প্রাসাদে এক সহস্র দরজা ও জানালা আছে ; সেই জন্ত ইহাকে হাজার ছয়ারী বলিয়া থাকে। ১৮৩৮ খৃঃ ২৯শে ডিসেম্বর নবাব হুমায়ুনজা কলেবর পরিত্যাগ করেন।

৩ নবাব মনসুর আলী খাঁ ।

নবাব সৈয়দ মনসুর আলী খাঁ বাহাদুর ১৮৩০ খৃঃ অক্টোবর মাসে মুর্শিদাবাদ প্রাসাদে জন্মগ্রহণ করেন । ১৮৩৮ খৃঃ পিতৃ-বিয়োগের পর তদীয় সিংহাসন প্রাপ্ত হন । শৈশবকালে জেনারেল সাউয়ার্স তাঁহার গৃহ-শিক্ষক ও অভিভাবক ছিলেন । তাঁহার নাবালক সময়ে নিজামতের সকল কার্য্য বড় লাটের একজন প্রতিনিধি পরিচালনা করিতেন । তিনি বয়ঃপ্রাপ্ত হইয়া নবাবী পদ প্রাপ্তির পর ভূতপূর্ব রাজপ্রতিনিধি লর্ড আকল্যাণ্ডের সহিত সাক্ষাৎ করিবার জন্ত কলিকাতায় আগমন করিয়াছিলেন । তৎকালে বড়লাট বাহাদুর তাঁহাকে বিশেষ সমাদর করেন । ১৮৫৩ খৃঃ রাজা প্রসন্ননারায়ণ দেব বাহাদুর তাঁহার দেওয়ান নিযুক্ত হন ; কিন্তু নবাবের সহিত মতান্তর হওয়ায় ১৮৬১ খৃঃ তিনি নিজামতের কার্য্য পরিত্যাগ করেন । ১৮৫৪ খৃঃ নিজামত স্কুল ও কলেজ প্রতিষ্ঠিত হয় । অধ্যয়নে অমুরাগ থাকায় তিনি নিজামত লাইব্রেরীতে অনেকগুলি পুস্তক সংগ্রহ করেন । ১৮৫৫ খৃঃ সাঁওতাল বিদ্রোহের সময় তিনি গবর্ণমেন্টকে সাহায্য করিয়াছিলেন । ১৮৫৭ খৃঃ ভারতে সিপাহী বিদ্রোহের সময়ও ব্রিটিশ গবর্ণমেন্টকে যথেষ্ট সাহায্য করেন । তৎকালে নবাবের উপাধি ছিল “হিজ হাইনেস্ দি নবাব নাজিম অব্ বেঙ্গল, বিহার এণ্ড উড়িষ্যা” এবং ২১টী তোপ সম্মান ছিল । তখন তিনি ১২ লক্ষ টাকা অর্থাৎ প্রতি মাসে এক লক্ষ টাকা করিয়া বৃত্তি প্রাপ্ত হইতেন । তৎপরে ভূতপূর্ব রাজপ্রতিনিধি লর্ড ক্যানিং বাহাদুরের সময়ে ১২ লক্ষ টাকা হইতে নবাবের ৭ লক্ষ টাকা বৃত্তি নির্দ্ধারিত হইয়া উপাধি হইতে “বিহার ও উড়িষ্যা” দুইটা শব্দ অন্তর্হিত হয় ; অধিকন্তু কয়েকটী তোপ সম্মানও কমিয়া যায় । ১৮৬৯ খৃঃ নবাব, বিলাতের গবর্ণমেন্টের সহিত তাঁহার বৃত্তি সম্বন্ধে স্বেন্দোবস্ত করিবার জন্ত বিলাত যাত্রা করেন । তৎকালে

ভারতেশ্বরী মহারানী ভিক্টোরিয়া নবাব বাহাদুরকে রাজসম্মানে বাকিংহাম প্রাসাদে অবস্থান করিতে অহুমতি দিয়াছিলেন। তিনি ইমাম্বাড়ী, অখশালা, নুতন প্রাসাদ, দাতব্য ঔষধালয় ও হাঁসপাতাল প্রভৃতি নিৰ্ম্মাণ করাইয়াছিলেন। শিল্প, বিজ্ঞান ও সঙ্গীতে তাঁহার বিশেষ অনুরাগ ছিল। ইংরাজী ভাষায় অধিকার ছিল এবং অনর্গল কহিতে পারিতেন। তিনি বাঙ্গালা ভাষায় সম্পূর্ণ অনভিজ্ঞ ছিলেন। নবাব বাহাদুর শীকার প্রিয় এবং অস্বারোহণে সুদক্ষ ছিলেন। সাধারণ গোবাক পরিচ্ছদ সৰ্ব্বদা ব্যবহার করিতেন। কাহারও প্রতি কোন কঠিন ব্যবহার কিম্বা কৰ্কশভাষা প্রয়োগ করিতেন না। তিনি বিলাত হইতে একটা ইংরাজ রমণীকে বিবাহ করিয়া মুর্শিদাবাদে প্রত্যাগমন করেন এবং তাহার কিছুকাল পরেই বিয়োগ ঘটয়াছিল। ১৮৮০ খৃঃ ১লা নবেম্বর তিনি বাঙ্গলার নবাবী পদ পরিত্যাগ করেন। ১৮৮২ খৃঃ ১৭ই ফেব্রুয়ারী তদীয় জ্যেষ্ঠ পুত্র বংশ মর্যাদানুসারে নবাব বাহাদুর উপাধি প্রাপ্ত হন। ১৮৮৪ খৃঃ ৫ই নবেম্বর নবাব সৈয়দ মনসুর আলী খাঁ বাহাদুর পক্ষাঘাত রোগে মুর্শিদাবাদ প্রাসাদে মহাপ্রস্থান করেন। ১৮৯০ খৃঃ তাঁহার মৃতদেহ কারবেলায় লইয়া গিয়া সমাধি করা হইয়াছিল। তাঁহার ১৫টা পুত্র সন্তান জন্মগ্রহণ করেন।

৬ নবাব হুসেন আলী মীরজা খাঁ ।

নবাব বাহাদুরের বিয়োগান্তে তদীয় জ্যেষ্ঠ পুত্র হুসেন আলী মীরজা খাঁ বাহাদুর উত্তরাধিকারী হন। তিনি ১৮৪৬ খৃঃ ২৫শে আগষ্ট মুর্শিদাবাদ প্রাসাদে জন্মগ্রহণ করেন। ১৮৬৫ খৃঃ জনৈক ইংরাজ গৃহ শিক্ষকের নিকট বিদ্যারম্ভ হয়। উক্ত বৎসর নবাব বাহাদুর তাঁহার অপর ছই কনিষ্ঠ ভ্রাতাকে সঙ্গে লইয়া বিলাত যাত্রা করেন। তৎকালীন বুরজ

স্বর্গীয় ভারতসম্রাট সপ্তম এডওয়ার্ড মহোদয় একটি সভা করিয়া সকলের সহিত তাঁহাদিগের পরিচিত করিয়া দিয়াছিলেন। ভারতে প্রত্যাগমন কালে তাঁহার ইউরোপের প্যারিস, বোলগুনা, জেনোয়া, ফ্লোরেন্স, রোম, নেপলস প্রভৃতি নানা জনপদ পরিদর্শন করিয়া ১৮৬৬ খৃঃ মার্চ মাসে কলিকাতায় উপনীত হন। ১৮৬৯ খৃঃ নবাব বাহাছর দ্বিতীয়বার বিলাত যাত্রা করেন। তাঁহার পিতৃদেব নবাবী পদ পরিত্যাগ করিলে ১৮৮২ খৃঃ ১৭ই ফেব্রুয়ারী তিনি নবাবী সনন্দ প্রাপ্ত হইয়াছিলেন। তদ্বারা নবাব বাহাছর বংশগত সম্মান এবং নির্দ্ধারিত বৃত্তি ও কলিকাতা, মুর্শিদাবাদ, মেদিনীপুর, হুগলী, বীরভূম, ঢাকা, মালদহ, পুর্ণিয়া, রংপুর, রাজসাহী, পাটনা এবং সাঁওতাল পরগণা প্রভৃতির বিষয় সম্পত্তির উত্তরাধিকারী হন। ১৮৮৭ খৃঃ ১৬ই ফেব্রুয়ারী ভারতেশ্বরী স্বর্গগতা মহারানী ভিক্টোরিয়ার “স্বর্ণ জুবিলী” মহোৎসব উপলক্ষে মহারানী ভিক্টোরিয়া নবাব বাহাছরকে “কে-সি-আই-ই” উপাধি প্রদান করেন। উক্ত বৎসর মে মাসে নবাব বাহাছর “মহবৎ জঙ্গ” খেলাং প্রাপ্ত হন। ১৮৯০ খৃঃ ইংরাজী নববর্ষ উপলক্ষে তিনি “জি-সি-আই-ই” উপাধি সম্মানে বিভূষিত হইয়াছিলেন। ১৮৯১ খৃঃ ১২ই মার্চ নবাব বাহাছর এবং ভারত সচিবের মধ্যে এক সন্ধি হয়; তদ্বারা নবাবের পিতৃদেবের সন্তসমূহ স্থিরীকৃত হইয়াছিল। তিনি একজন পরোপকারী ও দাতা পুরুষ ছিলেন। মুসলমানদিগের নানারূপ অসুস্থানে তাঁহার বিশেষ অসুস্থ ছিল। তিনি হিন্দু মুসলমান সকল প্রজাকেই সমভাবে প্রীতি ও স্নেহ করিতেন। নবাব বাহাছর স্বয়ং রাজকার্য্য পরিদর্শন করিতেন। ব্রিটিশ রাজের নিকট তিনি প্রভূত সম্মান ও প্রতিপত্তি লাভে সক্ষম হইয়াছিলেন। ১৯০৮ খৃঃ নবাব শ্রীর সৈয়দ হুসেন আলী মীর্জা খাঁ বাহাছর পক্ষাঘাত-রোগে কলেবর পরিত্যাগ করিয়াছেন। নবাব বাহাছর মৃত্যুকালে সৈয়দ ওয়াসিফ আলী মীর্জা, সৈয়দ নাসির আলী মীর্জা, সৈয়দ আসিফ

আলী মীর্জা, সৈয়দ টাকুবালা মীর্জা ও সৈয়দ মসিনালী মীর্জা নামে পাঁচটা পুত্র সন্তান রাখিয়া যান । ১৯১২ খৃঃ ৩০শে জামুয়ারী নবাব বাহাছরের পত্নী কুলসুম-উন্নিসা বেগম মহোদয়া চৌষটি বৎসর বয়সে পরলোক গমন করিয়াছেন । এই পুণ্যলীলা মুসলমান মহিলা পরম দয়াবতী ছিলেন । তাঁহার দানে বহু দরিদ্র উপকৃত হইয়াছে ।

নবাব ওয়াসিফ আলী মীর্জা খাঁ ।

নবাব বাহাছর লোকান্তরিত হইলে তদীয় জ্যেষ্ঠ পুত্র আসিফ কাদের সৈয়দ ওয়াসিফ আলী মীর্জা খাঁ বাহাছর বংশমর্যাদানুসারে উপাধি সনন্দ প্রাপ্ত হইয়াছেন । ইমি ১৮৭৫ খৃঃ ৭ই জামুয়ারী মুর্শিদাবাদ প্রাসাদে জন্মগ্রহণ করিয়াছেন । ইনি কলিকাতার ডভট্ন্ কলেজে বিদ্যাশিক্ষা করেন । তৎপরে বিলাত গমনপূর্বক তথায় সেল্‌বর্ন, রাগি ও অক্সফোর্ড বিদ্যালয়ে অধ্যয়ন করেন । বিলাতে অধ্যয়ন কালে ইনি ইংলণ্ড, স্কটলণ্ড, আয়রলণ্ড, ওয়েল্‌স্, প্রভৃতি জনপদ পরিভ্রমণ করেন এবং ফ্রান্স, স্পেন, জার্মানি, অস্ট্রিয়া, তুরস্ক, ইজিপ্ট্ প্রভৃতি অত্রান্ত বহুস্থান পরিদর্শন করেন । ইনি ইংরাজী ভাষায় ব্যুৎপন্ন এবং ইংরাজী ও ফরাসী ভাষায় সুন্দর কথাবার্তা কহিতে পারেন । ইনি ব্যায়াম, ফুটবল, ক্রিকেট্ এবং পোলো ক্রীড়ায় বিশেষ পারদর্শী । ইনি একজন সুদক্ষ ঘোড়সওয়ার এবং শিকারী । নবাব বাহাছর নিজামতের অনেক শাসন কার্যে পিতৃদেবের সহায়তা এবং বিশাল সম্পত্তির তত্ত্বাবধান করিতেন । ইনি মুর্শিদাবাদের বহু সাধারণ হিতকর কার্যে যোগদান করিয়া থাকেন । নবাব বাহাছর কয়েক বৎসর মুর্শিদাবাদ মিউনিসিপালিটীর চেয়ারম্যান ছিলেন । ১৯০১ খৃঃ জামুয়ারী মাসে ভূতপূর্ব স্বর্গীয় বঙ্গেশ্বর শ্রার জন্ম উদ্‌বরণ কর্তৃক বঙ্গীয় ব্যবস্থাপক সভার সভ্য মনোনীত হন । ১৯০২ খৃঃ

স্বর্গীয় ভারত সম্রাট সপ্তম এডওয়ার্ড মহোদয়ের অভিষেক উৎসব সময় ভূতপূর্ব রাজপ্রতিনিধি লর্ড কর্জেন বাহাদুর কর্তৃক বঙ্গদেশের প্রতিনিধি স্বরূপ বিলাতে নিমন্ত্রিত হইয়াছিলেন। নবাব বাহাদুর তৎকালে কনিষ্ঠ ভ্রাতাকে সঙ্গে লইয়া বিলাত যাত্রা করেন; কিন্তু সম্রাট মহোদয়ের অসুস্থতা বশতঃ তৎকালে অভিষেক ক্রিয়া বন্ধ হইয়া যায় এবং নবাব বাহাদুরেরও শরীর অসুস্থ হওয়ায় অভিষেক উৎসব না দেখিয়া বিলাত হইতে প্রত্যাগমন করেন। ১৯১০ খৃঃ ইংরাজী নববর্ষ উপলক্ষে ইনি “কে-সি-এস-আই” উপাধি সম্মানে ভূষিত হইয়াছেন। নবাব বাহাদুর কলিকাতা রিপণ কলেজের গৃহ নির্মাণ ভাণ্ডারে তিন সহস্র টাকা এবং স্বর্গীয় ভারত সম্রাট সপ্তম এডওয়ার্ডের স্মৃতিভাণ্ডারে ত্রিশ সহস্র মূদ্রা দান করেন। ১৯১১ খৃঃ কলিকাতা সহরে ভারতেশ্বর মহামাণ্ড পঞ্চমজর্জ মহোদয়ের অভ্যর্থনা আয়োজনকল্পে টানায় যে অর্থ সংগ্রহ হয়, তাহাতে নবাব বাহাদুর পাঁচ সহস্র টাকা দান করেন। ১৯১২ খৃঃ ৪ঠা জানুয়ারী কলিকাতার লাট-ভবনে রজনীতে সম্রাট ও সম্রাট-মহিষীর এক সভা হইয়াছিল; সেই রাজদরবারে মাননীয় নবাব বাহাদুর “কে-সি-ভি-ও” অর্থাৎ নাইট কমান্ডার অব দি রয়াল্ ভিক্টোরিয়ান্ অর্ডার উপাধি সনন্দ প্রাপ্ত হইয়াছেন। তৎকালে ইনি সেই রাজকীয় অভ্যর্থনা সমিতির সম্পাদক পদে নিযুক্ত হইয়া সমাগত ব্যক্তিবর্গকে রাজসকাশে যথারীতি পরিচিত করেন। নবাব বাহাদুর দেশবাসীর উন্নতিসাধনে বৃটিশরাজের সহায়তা করিয়া এবং নানা কার্যে স্বাধীনভাবে গবর্ণমেন্টকে পরামর্শ দিয়া নিজ গৌরব ও লোক-প্রীতির মর্যাদা রক্ষা করিতেছেন।

জগৎশেঠ বংশ ।

অনেকের বিশ্বাস “জগৎশেঠ” কোন একজন ব্যক্তির নাম ; কিন্তু ইহা কোন ব্যক্তি বিশেষের নাম নহে—ইহা রাজদত্ত একটি উপাধি । শ্রেষ্ঠী শব্দের অপভ্রংশ শেঠ বৈষ্ণবদিগের উপাধিমাাত্র । শেঠবংশীয়দিগের আদি নিবাস রাজপুতনার মধ্যস্থ ঘোধপুরের অন্তর্গত নাগর গ্রাম । রাজপুত হইতে এই বংশের উৎপত্তি হইয়াছে । শেঠগণ পূর্বে খেতবরীয় জৈন সম্প্রদায়ভুক্ত ছিলেন, পরে বৈষ্ণবধর্ম অবলম্বন করেন ।

মুর্শিদাবাদের জগৎশেঠগণ অষ্টাদশ শতাব্দীতে বাঙ্গালার সমুদয় রাজনৈতিক ব্যাপারে মূল ছিলেন । রাজস্ব বিষয়ে জমিদারদিগের সহিত তাঁহাদেরই সংস্রব ছিল, বাণিজ্য বিষয়ে তাঁহারা তত্ত্বাবধান করিতেন, রাজ্যের মুদ্রা তাঁহাদের মতানুসারে মুদ্রিত হইত ; এতদ্বিন্ন শাসনকার্য্য তাঁহাদের পরামর্শে নির্বাহিত হইত । শেঠদিগের ক্ষমতা ও অর্থের তুলনা ছিল না । ভারতের নানা স্থানে তাঁহাদের গদী সংস্থাপিত থাকায়, বাদশাহ, নবাব, মহারাজা, রাজা, জমিদার, মহাজন ও বণিকগণ সেই গদী হইতে প্রয়োজনানুসারে অর্থ গ্রহণ করিতেন । তৎকালে হিন্দুস্থান অথবা দাক্ষিণাত্যে তাঁহাদের ত্রায় অর্থশালী মহাজন দৃষ্ট হইত না ।

৬ হীরানন্দ সাহ ।

১৬৫৩ খৃঃ মুর্শিদাবাদের সুপ্রসিদ্ধ জগৎশেঠ বংশের প্রতিষ্ঠাতা হীরানন্দ সাহ নামে জনৈক পূর্বপুরুষ নাগর গ্রাম হইতে ভাগ্য পরীক্ষার্থে পাটনা নগরীতে উপস্থিত হন । তৎকালে পাটনায় ইউরোপীয় বিভিন্ন জাতির

কুঠি ছিল। কথিত আছে, হীরানন্দ এক দিবস সন্ধ্যাকালে নগরের বহির্ভাগে কোন বন মধ্যে প্রবেশ করিয়া সহসা একটি আর্তনাদ শ্রবণ করেন। তিনি কিয়দূর অগ্রসর হইয়া দেখিলেন একটি ভয় অট্টালিকার প্রকোষ্ঠে জনৈক বৃদ্ধ মৃত্যুশয্যায় যন্ত্রণায় আর্তনাদ করিতেছিল। বৃদ্ধের শোচনীয় অবস্থা দেখিয়া হীরানন্দ তাহার যথাসাধ্য সেবা করেন; কিন্তু কিয়ৎক্ষণ মধ্যে বৃদ্ধ যম যন্ত্রণা হইতে নিকৃতি লাভ করে। হীরানন্দের সেবার পরিতুষ্ট হইয়া সেই বৃদ্ধ মৃত্যুর পূর্বে গৃহের একটি কোণে অঙ্গুলি সঙ্কেত করিয়া যায়। অতঃপর হীরানন্দ সেই স্থান হইতে প্রচুর ধনলাভ করেন। এইরূপে তিনি বিপুল বিত্তের অধীশ্বর হইয়া আপনার সাত পুত্রকে ভারতের সাতটি স্থানে মহাজনের কার্যে নিযুক্ত করিয়াছিলেন।

৬ জগৎশেঠ মাণিকচাঁদ ।

হীরানন্দের জ্যেষ্ঠ পুত্র মাণিকচাঁদ ঢাকায় আসিয়া গদী সংস্থাপন করেন। ঢাকা তখন বঙ্গদেশের রাজধানী ছিল। সেই সময়ে মুর্শিদকুলি খাঁ বাঙ্গালার দেওয়ান হইয়া ঢাকায় উপস্থিত হন। রাজস্ব সম্বন্ধে নবাবের হস্তে সমুদয় ভার অর্পিত হওয়ায়, অর্থের প্রয়োজনবশতঃ মাণিকচাঁদের সহিত তাঁহার বিশেষ সৌহার্দ ঘটিয়াছিল। ১৭০৪খৃঃ মুর্শিদকুলি খাঁ ঢাকা হইতে মুর্শিদাবাদে আসিয়া বঙ্গদেশের রাজধানী স্থাপন করিলে, রাজস্ব বিভাগের যাবতীয় কর্মচারী এবং মাণিকচাঁদও মুর্শিদাবাদে আগমন করিয়াছিলেন। মাণিকচাঁদ মুর্শিদাবাদে আসিয়া ভাগীরথীর পূর্বতীরে মহিমাপুর নামক স্থানে আপনার বাসভবন নির্মাণ করেন। মুর্শিদাবাদে নূতন টঙ্কশালা প্রতিষ্ঠিত হইলে, মাণিকচাঁদ তাহার কর্তৃত্ব প্রাপ্ত হন। শেঠদিগের বাসভবনের সম্মুখে ভাগীরথীর পশ্চিমতীরে অদ্যাপি সেই টঙ্কশালার ভগ্নাবশেষ দৃষ্ট হয়। তৎকালে জমিদারগণ তাঁহার নিকট

স্ব স্ব রাজস্ব প্রদান করিতেন। তদ্ব্যতীত দিল্লীর রাজসরকারে প্রতি বৎসর যে দেড় কোটি টাকা রাজস্ব প্রদান করিতে হইত, তাহাও মাণিকচাঁদ কর্তৃক প্রেরিত হইত। ১৭১৫ খৃঃ নবাব মুর্শিদকুলি খাঁ, দিল্লীস্থর ফেরক সাহকে অঙ্কুরোধ করিয়া মাণিকচাঁদকে প্রথম “জগৎ শেঠ” উপাধি প্রদান করেন। ১৭২২ খৃঃ জগৎশেঠ মাণিকচাঁদ পরলোক গমন করেন। ভাগীরথীর পশ্চিমতীরে দয়াবাগে তাঁহার স্মৃতিস্তম্ভ বহু দিবস পর্য্যন্ত বিদ্যমান ছিল, এক্ষণে ভাগীরথী তাহাকে নিজ গর্ভে স্থান দান করিয়াছেন। মাণিকচাঁদ অপুলক থাকায় আপনার কনিষ্ঠ ভ্রাতৃ ধনবাইয়ের পুত্র ফতেচাঁদকে পোষাপুত্র ও উত্তরাধিকারী মনোনীত করিয়া যান।

৬ জগৎশেঠ ফতেচাঁদ ।

মাণিকচাঁদের মৃত্যুরপর তদীয় পোষাপুত্র ফতেচাঁদ উত্তরাধিকারী হন। ১৭২৪ খৃঃ তিনি সম্রাট মহম্মদ সাহের নিকট হইতে “জগৎশেঠ” উপাধি প্রাপ্ত হইয়াছিলেন। ১৭২৫ খৃঃ নবাব মুর্শিদকুলি খাঁর মৃত্যু হইলে তাঁহার জামাতা সাজাউদ্দৌলা বাঙ্গালার সুবাদারী পদ লাভ করেন। এই সময়ে ফতেচাঁদ তাঁহার অগ্রতম প্রধান অমাত্য ছিলেন। নবাব সাজাউদ্দৌলা শাসন সংক্রান্ত সকল বিষয়ে তাঁহার পরামর্শ ব্যতীত কোন কার্য্য করিতেন না। দিল্লীর মোগল দরবারেও তাঁহার বিশেষ প্রতিপত্তি ও সূচ্যাপ্তি ছিল। ১৭৩২ খৃঃ নবাবের পুত্র সরফরাজ খাঁ মুর্শিদাবাদের মসনদে উপবিষ্ট হন। তিনি অত্যন্ত বিলাসপরায়ণ হওয়ায় জগৎশেঠের সহিত তাঁহার মনোমালিন্য ঘটিয়াছিল। অতঃপর ১৭৪০ খৃঃ নবাবের প্রধান মন্ত্রী হাজী আহম্মদ ও রায় রাইয়ান্ আলম চাঁদের সহিত জগৎশেঠ ফতেচাঁদ মিলিত হইয়া সুবাদার সরফরাজ খাঁকে সিংহাসনচ্যুত

করিয়া আজিমাবাদের শাসনকর্তা আলিবর্দী খাঁকে বাঙ্গালার সিংহাসনে প্রতিষ্ঠিত করেন। আলিবর্দী খাঁ, জগৎশেঠকে বিশেষরূপে সম্মান প্রদর্শন করিয়া সমস্ত কার্যোই তাঁহার পরামর্শ গ্রহণ করিতেন। ১৭৪২ খৃঃ নাগপুরের মহারাষ্ট্র রাজা রঘুজী ভোঁসলার দেওয়ান ভাস্কর পণ্ডিত মুর্শিদাবাদ আক্রমণপূর্বক জগৎশেঠের আড়াই কোটি টাকা ও অগ্ন্যগ্ন বহুমূল্যবান দ্রব্যাদি লুণ্ঠন করিয়া লইয়া যান। ১৭৪৪ খৃঃ জগৎশেঠ ফতেচাঁদ পরলোকগত হইয়াছেন। তাঁহার দুই পুত্র আনন্দচাঁদ ও দয়্যচাঁদ পিতার জীবদ্দশাতে কালগ্রাসে পতিত হইলে, জ্যেষ্ঠ আনন্দচাঁদের পুত্র মহাতাবচাঁদ এবং কনিষ্ঠ দয়্যচাঁদের পুত্র স্বরূপচাঁদকে জগৎশেঠ ফতেচাঁদ উত্তরাধিকারী মনোনীত করিয়া যান।

৩ জগৎশেঠ মহাতাবচাঁদ ।

ফতেচাঁদের মৃত্যুর পর তাঁহার পৌত্রস্বয় উত্তরাধিকারী হন। ১৭৪৪ খৃঃ সম্রাট্ মহম্মদ সাহের নিকট হইতে মহাতাবচাঁদ “জগৎ শেঠ” এবং স্বরূপচাঁদ “মহারাজা” উপাধি প্রাপ্ত হন। এই সময়ে শেঠদিগের উন্নতি চরম সীমায় উপনীত হইয়াছিল। রাজ্যের মুদ্রা জগৎশেঠের মতামুসারে মুদ্রিত হইত। তৎকালে তাঁহার অর্থের তুলনা ছিল না। ইংরাজ, ফরাসী প্রভৃতি বৈদেশিক বণিকগণ তাঁহার নিকট হইতে টাকা কর্জ লইতেন। ১৭৪২ খৃঃ নবাব আলিবর্দী খাঁ, ইংরাজদিগের কাশীম-বাজারের কুঠি আক্রমণ করিলে, ইংরাজেরা জগৎশেঠের নিকট হইতে দ্বাদশ লক্ষ মুদ্রা লইয়া নবাবকে প্রদান পূর্বক অব্যাহতি লাভ করেন। এই সময় হইতে শেঠদিগের সহিত ইংরাজদিগের মিত্রতা আরম্ভ হয়। জগৎশেঠ মহাতাবচাঁদই ইংরাজদিগের ভারত সাম্রাজ্য স্থাপনের সূত্রপাত করিয়া দিয়াছিলেন। ১৭৫৬ খৃঃ নবাব আলিবর্দী খাঁর মৃত্যু হইলে,

তাহার দৌহিত্র তরুণ বয়স্ক সিরাজদ্দৌলা^{*} যজ্ঞ বিহার ও উড়িষ্যার সিংহাসনে আরোহণ করেন। তাহার কিছু দিবস পরে পুর্ণিমার শাসনকর্তা বিদ্রোহী হইলে নবাবের সেনাপতি মীরজাফর তাহার বিরুদ্ধে প্রেরিত হন। সেই সময় সিরাজদ্দৌলা জগৎশেঠকে তিন কোটি মুদ্রা প্রদানের আদেশ করেন। জগৎশেঠ তাহাতে প্রতিবাদ করিলে, নবাব সিরাজদ্দৌলা তাহার গণ্ডদেশে এক চপেটাঘাত করিয়াছিলেন। এইরূপে অবমানিত হইয়া জগৎশেঠ, নবাব সিরাজদ্দৌলাকে সিংহাসনচ্যুত করিবার জন্ত দৃঢ় প্রতিক্ষা হন। অতঃপর নবাবকে সিংহাসনচ্যুত করিবার যে ষড়যন্ত্র হয়, লক্ষ্মীধর মহাতাবচাঁদ তাহার প্রধান উদ্যোগী ছিলেন। সেই ষড়যন্ত্রের ফলে, পলাশীর রণক্ষেত্রে ১৭৫৭ খৃঃ ২৩শে জুন সুবিস্তীর্ণ ভারত সাম্রাজ্য ইংরাজ হস্তে অর্পিত হইয়াছে। ১৭৬০ খৃঃ ইংরাজের সহিত নবাব মীরকাশীমের বিরোধ উপস্থিত হয়, সেই সময় জগৎশেঠ ইংরাজদিগের পক্ষ অবলম্বন করিলে, তাহা জানিতে পারিয়া নবাব মীরকাশীম, জগৎশেঠ মহাতাবচাঁদ ও তদীয় কনিষ্ঠ ভ্রাতা মাহারাজ স্বরূপচাঁদকে বন্দী করিয়া মুন্সেরের হীরাঝিলের প্রাসাদে কারাবদ্ধ করিয়া রাখেন। তৎপরে ১৭৬৩ খৃঃ নবাব মীরকাশীম কাটোয়া, ঘেরিয়া ও উদয়নালার যুদ্ধে পরাজিত হইয়া মুন্সেরে অবস্থিতি কালে জগৎশেঠ মহাতাবচাঁদকে অত্যুচ্চ হুগলিধর হইতে গঙ্গাগর্ভে নিক্ষেপ করা হয়; মাহারাজ স্বরূপচাঁদও তৎসঙ্গে তনুত্যাগ করেন। জগৎশেঠ মহাতাবচাঁদের চারি পুত্র—খোসালচাঁদ, গুমরচাঁদ, গোলাপচাঁদ ও শুকলচাঁদ।

মাহারাজ স্বরূপচাঁদের তিন পুত্র—উদয়চাঁদ, অভয়চাঁদ ও মিহিরচাঁদ। জ্যেষ্ঠ উদয়চাঁদের পুত্র কিরাৎচাঁদ। মধ্যম অভয়চাঁদের পুত্র খনখলচাঁদ; তৎপুত্র গুলালচাঁদ। কনিষ্ঠ মিহিরচাঁদ নিঃসন্তান ছিলেন।

৮ জগৎশেঠ খোসালচাঁদ ।

জগৎশেঠ মহাতাবচাঁদ ও মহারাজ স্বরূপচাঁদের মৃত্যুর পর তাঁহাদের জ্যেষ্ঠ পুত্র খোসালচাঁদ ও উদয়চাঁদ তাঁহাদের উত্তরাধিকারী হন । ১৭৬৬ খৃঃ সম্রাট সাহ আলমের নিকট হইতে খোসালচাঁদ “জগৎশেঠ” এবং উদয়চাঁদ “মহারাজা” উপাধি লাভ করেন । তাঁহারা মহাতাবচাঁদ ও স্বরূপচাঁদের জায় একসঙ্গে কারবার চালাইতেন ; কিন্তু এই সময় হইতে তাঁহাদের ব্যবসায় মন্দীভূত হইতে আরম্ভ হয় । ১৭৬৫ খৃঃ ১২ই আগষ্ট দিল্লীখর সম্রাট সাহ আলমের নিকট হইতে ইষ্ট ইণ্ডিয়া কোম্পানী তিন প্রদেশের দেওয়ানী গ্রহণ পূর্বক দেশের ভাগ্যবিধাতা স্বরূপ হইলেন । অতঃপর লর্ড ক্লাইব বাহাদুর, জগৎশেঠ খোসালচাঁদকে কোম্পানীর “সফর” পদে নিযুক্ত করেন । এই সময় হইতে শেঠদিগের দুর্দশা আরম্ভ হয় । খোসালচাঁদ অত্যন্ত অপরিমিত ব্যয়ী ছিলেন, কিন্তু তাঁহার অধিকাংশ অর্থ সদ্ব্যয় হইত । তিনি তাঁহার পত্নীর ধর্মার্থে ১০৮টি পুষ্করিণী খনন করাইয়াছিলেন । জগৎশেঠদিগের ভবনের সন্নিবর্তন একটি সুন্দর উদ্যান আছে, ইহা খোসালচাঁদের নির্মিত বলিয়া খোসালবাগ নামে পরিচিত । তিনি পরেশনাথ পর্বতে অনেকগুলি জৈন মন্দির নির্মাণ ও বিগ্রহ প্রতিষ্ঠা করেন । তথাকার মন্দির ও গুমটা অত্যাধিক তাঁহার কীর্ত্তি ঘোষণা করিতেছে । সেই সকল মন্দির এক্ষণে মুর্শিদাবাদের জৈন বণিক সম্প্রদায় কর্তৃক রক্ষিত হইতেছে । তিনি অপুত্রক হওয়ায় তদীয় মধ্যম ভ্রাতা গুমরচাঁদের পুত্র হরকচাঁদকে পোষ্য পুত্র গ্রহণ করেন । ১৭৮২ খৃঃ জগৎশেঠ খোসালচাঁদ ৩৯ বৎসর বয়সে সহসা কর্ত্তরোধ হইয়া মৃত্যুমুখে পতিত হন । এইরূপ প্রবাদ আছে, খোসালচাঁদের সমস্ত অর্থ ভূগর্ভে প্রোথিত ছিল এবং সহসা তাঁহার মৃত্যু হওয়ায় তিনি উহা প্রকাশ করিয়া বাইতে পারেন নাই । সেইজন্য তাঁহার পরবর্ত্তী বংশধরগণ ছরবস্থাপন্ন হন ।

৬ জগৎশেঠ হরকচাঁদ ।

খোশালচাঁদের মৃত্যুর পর তদীয় পোষ্যপুত্র হরকচাঁদ বিষয় সম্পত্তি লাভ করেন । ১৭৮২ খৃঃ ওয়ারেন্ হেস্টিংস্, দিল্লীর সম্রাট সাহ আলমের অনুমতি না লইয়া হরকচাঁদকে “জগৎশেঠ” উপাধি ও খেলাত প্রদান করেন । এই সময় হইতে কোম্পানী স্বয়ং উপাধি দানের ক্ষমতা গ্রহণ করিয়াছিলেন । তিনি পূর্ব-পুরুষগণের জৈনধর্ম পরিভ্যাগপূর্বক বৈষ্ণব ধর্ম গ্রহণ করেন । তদবধি জগৎশেঠ বংশীয়গণ বঙ্গদেশে বৈষ্ণব বলিয়া পরিচিত হইতেছেন । তিনি স্বায় বাসভবনের সংলগ্ন একটি ঠাকুরবাড়ী নির্মাণ করিয়া তাহাতে ৬ গোবিন্দদেব জীউ নামক বিগ্রহ প্রতিষ্ঠা করেন । যদিও জগৎশেঠ বংশীয়গণ বৈষ্ণবধর্মে দীক্ষিত হন, তথাপি তাঁহাদের আচার ব্যবহার অনেক পরিমাণে জৈনদিগের স্থায় রহিয়াছে ; অধিকন্তু জৈনদিগের সহিত তাঁহাদের আদান-প্রদান ইইয়া থাকে । জগৎশেঠ বংশীয়গণ অত্যাধি জৈন সমাজের অধিপতি এবং সাধারণ জৈনগণ তাঁহাদের সহিত আদান-প্রদানে আপনাদিগকে গৌরবান্বিত মনে করেন । ১৭৮৮ খৃঃ জগৎশেঠ হরকচাঁদ দেহত্যাগ করিয়াছেন । তিনি মৃত্যুকালে ইন্দ্রচাঁদ ও বিষণচাঁদ নামে দুইটি পুত্র সন্তান রাখিয়া যান ।

৬ জগৎশেঠ ইন্দ্রচাঁদ ।

হরকচাঁদের মৃত্যুর পর তাঁহার দুই পুত্র ইন্দ্রচাঁদ ও বিষণচাঁদ পিতৃ-সম্পত্তি তুল্যাংশে বিভাগ করিয়া লইয়াছিলেন । ১৭৮৮ খৃঃ লর্ড কর্ণওয়ালিস্ বাহাদুরের নিকট হইতে ইন্দ্রচাঁদ “জগৎশেঠ” উপাধি লাভ করেন । তাঁহার পর আর কাহাকেও জগৎশেঠ উপাধি দেওয়া হয় নাই ।

ইন্দ্রচাঁদের পর জগৎশেঠদিগের গৌরব অন্তর্হিত হইয়াছে। জ্যেষ্ঠ ইন্দ্র-চাঁদের পুত্র গোবিন্দচাঁদ এবং কনিষ্ঠ বিষণচাঁদের পুত্র কিষণচাঁদ।

৬ গোবিন্দচাঁদ শেঠ।

ইন্দ্রচাঁদের দেহান্তে তাঁহার পুত্র গোবিন্দচাঁদ শেঠদিগের গদী প্রাপ্ত হন। তিনি অত্যন্ত অপরিমিতব্যয়ী ছিলেন। তিনি অপব্যয়ে অনেক সম্পত্তি নষ্ট করিয়া ক্রমে আপনাদিগের বহুকালের রক্ষিত রত্নালঙ্কারাদি বিক্রয় আরম্ভ করেন। তাহাতে জীবিকা-নির্বাহ কঠিন হওয়ায় বৃত্তির জন্ত ব্রিটিশরাজের শরণাগত হন। অবশেষে ১৮৪৩ খৃঃ গবর্ণমেন্ট হইতে গোবিন্দচাঁদ জীবনাবধি মাসিক দ্বাদশ শত টাকা বৃত্তি প্রাপ্ত হন। তিনি অপুলক হওয়ায় গোপালচাঁদকে পোষ্য পুত্র গ্রহণ করেন। গোপালচাঁদের বিবাহের সময় নিজামত তহবিল হইতে গোবিন্দচাঁদকে পাঁচ সহস্র টাকা সাহায্য প্রদান করা হইয়াছিল। ১৮৬৪ খৃঃ ডিসেম্বর মাসে গোবিন্দচাঁদ স্বীয় পত্নী প্রাণকুমারী ও দত্তক পুত্র গোপালচাঁদকে রাখিয়া লোকান্তরিত হন।

৬ গোপালচাঁদ শেঠ।

গোবিন্দচাঁদের মৃত্যুর পর, গোপালচাঁদ ও কিষণচাঁদ এই মন্ডে গবর্ণমেন্টের নিকট আবেদন করেন যে, গোবিন্দচাঁদের দ্বাদশ শত টাকা বৃত্তির মধ্যে গোপালচাঁদকে সাত শত ও কিষণচাঁদকে পাঁচ শত টাকা দেওয়া হউক; গবর্ণমেন্ট সেই আবেদন অগ্রাহ্য করিয়া কিষণচাঁদকে জীবনাবধি আট শত টাকা বৃত্তি নির্দিষ্ট করিয়া গোবিন্দচাঁদের বিধবা পত্নী ও অন্যান্য পরিবারবর্গের প্রতিপালনের জন্ত আদেশ প্রদান করেন।

তৎপরে গোপালচাঁদ পুনরায় আবেদন করিলে, তাঁহাকে কিষণচাঁদের আট শত টাকা হইতে তিন শত টাকা দিবার আদেশ হয় ; কিন্তু তিনি উক্ত অল্প পরিমাণ বৃত্তি লইতে অস্বীকার করেন । গোপালচাঁদ বার্ষিক্য দশায় অত্যন্ত অর্থকষ্টে পতিত হইয়া ইহজীবনের লীলা সমাপন করেন ।

৬ গোলাপচাঁদ শেঠ ।

তদনন্তর কিষণচাঁদের মৃত্যু হইলে, গোবিন্দচাঁদের বিধবা পত্নী প্রাণ-কুমারী গবর্ণমেন্টের নিকট হইতে তিন শত টাকা বৃত্তি প্রাপ্ত হন । গোপালচাঁদের মৃত্যুর পর তিনি পুনরায় গোলাপচাঁদকে পোষাপুত্র গ্রহণ করেন । প্রাণকুমারীর পরলোকান্তে গোলাপচাঁদ গবর্ণমেন্টের নিকট নিজের বৃত্তির জন্ত আবেদন করেন ; কিন্তু গবর্ণমেন্ট আবেদন অগ্রাহ্য করিয়া তাঁহার বাসভবন নিশ্চীর্ণের জন্ত কেবল পাঁচ সহস্র টাকা প্রদান করেন । গোলাপচাঁদ অতি দীনভাবে জীবনযাপন করিয়া ১৯১৩ খৃঃ জীবনলীলার অবসান করিয়াছেন ।

যে জগৎশেঠদিগের নাম ও গৌরব এক সময়ে সমগ্র জগতে বিঘোষিত হইয়াছিল, যে জগৎশেঠগণ হীনাবস্থা হইতে গৌরব ও সমৃদ্ধির উচ্চতম শিখরে অধিরূঢ় হন, যে জগৎশেঠগণ বাঙ্গালার অষ্টাদশ শতাব্দীর যাবতীয় রাজনৈতিক কার্যের পরামর্শদাতা ছিলেন ; এক্ষণে সেই জগৎশেঠের নাম ইতিহাসগত । অধুনা জগৎশেঠের বংশধরগণ শ্রীভ্রষ্ট হইয়া দীনভাবে দিনযাপন করিতেছেন । ইহাদিগের সুবিস্তৃত বিশাল ভবনের অধিকাংশ ভগ্নস্তূপে পরিণত ও ভাগীরথী গর্ভস্থ হইয়াছে । চতুর্দিক বিস্তৃত সেই ভগ্নস্তূপের মধ্যে থাকিয়া জগৎশেঠদিগের বংশধরগণ কালের বিশ্বয়কারী লীলা সন্দর্শন করিতেছেন ।

কাশীমবাজার রাজবংশ ।

মুর্শিদাবাদ জেলার অন্তর্গত কাশীমবাজার রাজবংশের পূর্বপুরুষগণের বর্তমান জেলার অন্তঃপাতী রিপী বা সিজনা নামক গ্রামে বাস ছিল। এই বংশোদ্ভূত কালীপদ নন্দী তথা হইতে ব্যবসায়ের উদ্দেশ্যে প্রথমে কাশীমবাজারে আগমন করেন। তৎপরে কাশীমবাজারের সন্নিকট ত্রীপুর নামক স্থানে বসতি করিয়াছিলেন। বর্তমান কাশীমবাজার রাজবাটী সেই ত্রীপুর নামক স্থানে অবস্থিত। ইহারা জ্ঞাতিতে তিলি।

৬ রাধাকৃষ্ণ নন্দী ।

কালীপদ নন্দীর পুত্র রাধাকৃষ্ণ নন্দী রেশম ও সুপারির ব্যবসায় করিতেন। তিনি ধনশালী ব্যবসায়ী না হইলেও কখন কোনরূপ কষ্ট-ভোগ করেন নাই। কাহারও মতে রাধাকৃষ্ণের পিতা সীতারাম নন্দী, এবং কাহারও মতে পিতামহ অর্থাৎ সীতারামের পিতা কালীপদ নন্দী প্রথমে কাশীমবাজারে আগমন করেন। রাধাকৃষ্ণ ভাল ঘুড়ি উড়াইতে পারিতেন বলিয়া লোকে তাঁহাকে খলিফা বলিতেন। তিনি বর্তমান জেলার অন্তর্গত কুড়ু গ্রামে বিবাহ করিয়াছিলেন। রাধাকৃষ্ণের পাঁচ পুত্র ; তন্মধ্যে জ্যেষ্ঠ কৃষ্ণকান্ত নন্দী “কান্তবাবু” বলিয়া সুপরিচিত ছিলেন।

৭ কৃষ্ণকান্ত নন্দী (কান্তবাবু) ।

কৃষ্ণকান্ত নন্দী ওরফে কান্তবাবু ১৭২৭ খৃঃ কাশীমবাজার রাজবংশে জন্মগ্রহণ করেন। এই কান্তবাবু কাশীমবাজার রাজবংশের প্রতিষ্ঠাতা।

তিনি বাল্যকালে বাঙ্গালা, পারসী এবং সামান্যরূপ ইংরাজীভাষা শিক্ষা করেন । জনশ্রুতি আছে যে, কাস্তবাবু দুই হাজার ইংরাজী শব্দ কণ্ঠস্থ করিয়াছিলেন । এতস্তিগ্ন বাঙ্গালা হিসাবপত্রে তাঁহার বিশেষ জ্ঞান ছিল । কাশীমবাজারে তাঁহার একটি সামান্য মুদ্রিৎ দোকান ছিল ; তজ্জন্ত তিনি “কাস্তমুদ্রি” নামে অভিহিত হইতেন । অতঃপর তিনি কাশীমবাজারে ইংরাজ কুঠিতে একজন মুত্তরী পদে নিযুক্ত হন । রেশমের ব্যবসায় তাঁহার ব্যুৎপত্তি ছিল । সেই সময় ওয়ারেন্ হেষ্টিংস্ ইষ্ট ইণ্ডিয়া কোম্পানীর একজন নিম্নতর কর্মচারী ছিলেন । হেষ্টিংসের সহিত কাস্তবাবুর পরিচয় হয় : ১৭৫০ খৃঃ ওয়ারেন্ হেষ্টিংস্ ইষ্ট ইণ্ডিয়া কোম্পানীর কাশীমবাজারের রেশমের কুঠির রেসিডেন্ট নিযুক্ত হইয়াছিলেন । পূর্বে ইষ্ট ইণ্ডিয়া কোম্পানীর কর্মচারীগণ নিজ নিজ ব্যবসায় পরিচালনা করিতে পারিতেন না । হেষ্টিংস্ যখন রেসিডেন্ট নিযুক্ত হন, তখন কর্মচারীগণ নিজে ব্যবসায় চালাইবার অধিকার প্রাপ্ত হন । হেষ্টিংস্ সাহেব কাস্তবাবুকে ভাল বাসিতেন । তিনি কাস্তবাবুর নামে ও বে-নামে ব্যবসায় চালাইতেন এবং জমিদারী, ফার্ম প্রভৃতি ইজারা লইয়াছিলেন । ১৭৫৬ খৃঃ নবাব সিরাজদ্দৌলা কর্তৃক কলিকাতায় অন্ধকূপ হত্যার অভিনয় হয় ; সেই সময় ওয়ারেন্ হেষ্টিংস্ কাশীমবাজারের কুঠির রেসিডেন্ট ছিলেন । নবাব ইংরাজ জাতির উপর ক্রুদ্ধ হইয়া কলিকাতা আক্রমণের পূর্বে ইষ্ট ইণ্ডিয়া কোম্পানীর কাশীমবাজারের কুঠি লুণ্ঠন করিয়া হেষ্টিংস্ প্রভৃতি কয়েকজন ইংরাজকে বন্দী করিয়াছিলেন । হেষ্টিংস্ কোন প্রকারে পলাইয়া গিয়া কাস্তমুদ্রির নিকট আশ্রয় প্রার্থনা করেন । কাস্তমুদ্রি তাঁহাকে লুকাইয়া রাখিয়া জীবন দান করিয়াছিলেন । এই সময়ে হেষ্টিংস্ সাহেব কাস্তমুদ্রিকে এক নিদর্শন পত্র দিয়াছিলেন । তৎপরে ১৭৭৪ খৃঃ ওয়ারেন্ হেষ্টিংস্ ভারতবর্ষের গবর্নর জেনারেল পদে উন্নীত হন । তিনি পূর্বকার্যের স্মৃতিস্তম্ভরূপ কাস্তবাবুকে নিজের দেওয়ানী পদে নিযুক্ত করেন । তিনি

চতুর্দশ বৎসরকাল কার্যা করিয়া প্রচুর অর্থ সঞ্চয় করিয়াছিলেন। সেই সময় গাজিপুর ও রংপুর জেলায় অনেকগুলি জমিদারী ও লবণের ফার্ম ইজারা প্রাপ্ত হন। কিছুদিন পরে হেষ্টিংস সাহেবের অমুগ্রহে কাস্তাবাবু কোম্পানীর নিকট গাজিপুর ও আজীমগড় জেলার অন্তর্গত কয়েকটি পরগণা জায়গীরস্বরূপ প্রাপ্ত হইয়াছিলেন। কাস্তাবাবুকে জমিদারী, ফার্ম প্রভৃতি দিবার জন্ত হেষ্টিংসকে অনেক অসহুণায় অবলম্বন করিতে হইয়াছিল। তাঁহার জন্ত হেষ্টিংস এ দেশের অনেক জমিদারের উপর অত্যাচার করিতে ক্রটি করেন নাই। হেষ্টিংস সাহেব নাটোরাধিন্যরী রানী ভবানীর বাহারবন্দ জমিদারী বলপূর্বক গ্রহণ করিয়া কাস্তাবাবুকে দিয়াছিলেন। বাহারবন্দ রংপুর জেলার অন্তর্গত একটি বিস্তৃত ও আয়কর জমিদারী। এই বাহারবন্দ অত্থাপি কাশীমবাজার রাজবংশের অধীন আছে। তাঁহার অমুগ্রহে বাহারবন্দে চিরস্থায়ী বন্দোবস্তের সময় কাস্তাবাবুকে আর অধিক রাজস্ব দিতে হয় নাই। হেষ্টিংসের আদেশে দেওয়ান গঙ্গাগোবিন্দ সিংহ বেক্রপ বন্দোবস্ত করিয়াছিলেন, চিরস্থায়ী বন্দোবস্তের সময় তাহাই নির্দ্ধারিত থাকে। অত্থাপি কাশীমবাজার রাজবংশ সেই অমুগ্রহ লাভ করিতেছেন। বাহারবন্দ ব্যতীত হেষ্টিংস সাহেব কাস্তাবাবুকে আরও অনেক জমিদারী এবং লবণের ফার্ম ইজারা করিয়া দিয়াছিলেন। ক্রমে কাস্তাবাবুর পুত্র লোকনাথের নামে জমিদারী গৃহীত হইয়াছিল। ১৭৮১ খৃঃ হেষ্টিংস সাহেব কাশীর রাজা চৈৎসিংহকে আক্রমণ করেন। কাস্তাবাবু অত্যাচার নিবারণের জন্ত চেষ্টা করিয়াছিলেন; কিন্তু কৃতকার্য হইতে পারেন নাই। এই সময় কাস্তাবাবু রাজস্বতার নিকট হইতে অনেকগুলি বহুমূল্য অলঙ্কার প্রাপ্ত হইয়াছিলেন। কাস্তাবাবু কাশীর লুণ্ঠিত দ্রব্যের সহিত :রাজভবন হইতে ৬ লক্ষীনারায়ণ জীউ রামচন্দ্রী মোহর, একমুখ রুদ্রাক্ষ, দক্ষিণাবর্ত শঙ্খ ও একটি প্রস্তরের দাশান লুণ্ঠনের অংশস্বরূপ প্রাপ্ত হন। কাস্তাবাবু

হেষ্টিংসের দক্ষিণ হস্তস্বরূপ ছিলেন । তিনি যখন যে স্থানে গমন করিতেন, কাস্তাবাবুকে সঙ্গে লইতেন । ক্রমে তিনি হেষ্টিংসের রূপায় অতুল ঐশ্বৰ্য্যের অধিকারী হন । বাঙ্গালা, বিহার এবং উত্তর পশ্চিম অঞ্চলে তাঁহার জমিদারী বিস্তৃত হয় । কাস্তাবাবু কাশীমবাজার রাজবংশের ত্রীবিধিসাধন করেন এবং প্রভূত অর্থ ও সম্পত্তি রাখিয়া যান । তিনি হেষ্টিংসের নিকট হইতে একটি সরকারী কার্গো নিযুক্ত হইয়াছিলেন । কোম্পানীর বিচারালয়সমূহে জাতিঘটিত কোন তর্ক উপস্থিত হইলে, কাস্তাবাবুর উপর তাহার বিচারভার অর্পিত হইত ; কিন্তু ব্রাহ্মণকুলতিলক মহারাজ নন্দকুমার রায়ের প্রাণদণ্ডের তিনি একজন প্রধান উদ্যোগী ছিলেন । হেষ্টিংস সাহেব তাঁহাকে রাজা উপাধি দিতে প্রস্তাব করেন ; কিন্তু কাস্তাবাবু স্বয়ং উপাধি না লইয়া, তদীয় পুত্র লোকনাথকে উপাধি দিবার জন্ত অনুরোধ করিয়াছিলেন । তাঁহার অনুরোধে ১৭৮৮ খৃঃ কাস্তাবাবুর পুত্র লোকনাথ নন্দী হেষ্টিংস সাহেব কর্তৃক “রাজা” উপাধি প্রাপ্ত হইয়াছিলেন । ১৭৯৩ খৃঃ ২৯শে ডিসেম্বর কমলার বরপুত্র কৃষ্ণকান্ত নন্দী জাহ্নবী তীরে জীবন বিসর্জন করেন । লোকনাথ মহাসমারোহে পিতার শ্রাদ্ধ করিয়াছিলেন । সেরূপ শ্রাদ্ধ পূর্ব্বে বঙ্গদেশে আর হয় নাই । পরে মাতৃশ্রাদ্ধে বাজা নবকৃষ্ণ দেব বাহাদুর দ্বাদশ লক্ষ টাকা এবং দেওয়ান গঙ্গাগোবিন্দ সিংহ ছয় লক্ষ টাকা ব্যয় করিয়াছিলেন ।

৩ লোকনাথ নন্দী ।

অতঃপর রাজা লোকনাথ নন্দী কাস্তাবাবুর মৃত্যুর পর পিতৃদেবের অতুল ঐশ্বৰ্য্যের উত্তারিকারী হন । পিতার জীবিতাবস্থায় লোকনাথ ১৭৮৮ খৃঃ হেষ্টিংস সাহেব কর্তৃক রাজ্যোপাধি প্রাপ্ত হইয়াছিলেন । কাস্তাবাবুর জীকৃতকালে রাজা লোকনাথ জমিদারী কার্যে বিশেষ

অভিজ্ঞতা লাভ করিয়াছিলেন । তাঁহার সেই অভিজ্ঞতার ফলে জমিদারী উত্তরোত্তর বৃদ্ধি প্রাপ্ত হইয়াছিল । তিনি অনেকগুলি জমিদারী ক্রয় করিয়া বিষয় সম্পত্তি বৃদ্ধি করেন । একাদশ বৎসরকাল রাজ্যাভোগ করিয়া ১৮০৪ খৃঃ রাজা লোকনাথ নন্দী ইহলোক পরিত্যাগ করিয়াছেন । তিনি মৃত্যুকালে এক বৎসর বয়স্ক শিশু পুত্র কুমার হরিনাথকে রাখিয়া যান ।

৩ হরিনাথ নন্দী ।

রাজা লোকনাথের মৃত্যুরপর তদীয় পুত্র হরিনাথ নন্দী পৈতৃক রাজ্যের অধিকারী হন । তিনি নাবালক থাকায় তাঁহার বিষয় সম্পত্তি কোর্ট অব্ ওয়ার্ডসের অন্তর্ভুক্ত হইয়াছিল । হরিনাথ শৈশবে পিতৃহীন হইয়াও রীতিমত শিক্ষালাভ করিয়াছিলেন । ১৮১৮ খৃঃ কলিকাতায় হিন্দুকলেজ প্রতিষ্ঠিত হয় ; তাঁহার সাহায্যকল্পে কুমার হরিনাথ পঞ্চদশ সহস্র টাকা দান করেন । ১৮২৫ খৃঃ কুমার হরিনাথ নন্দী প্রাপ্ত বয়স্ক হইলে উক্ত বৎসর ২৬শে ফেব্রুয়ারি লর্ড আম্‌হাষ্ট বাহাদুর তাঁহাকে “রাজা বাহাদুর” উপাধি সনন্দ প্রদান করেন । তিনি উদারমনা ও বিলক্ষণ দাতা ছিলেন । হিন্দুকলেজে দান ব্যতীত রাজা হরিনাথ অনেক সংকার্যোপ দান করিয়াছিলেন । তাঁহার ধনভাণ্ডার স্বদেশবাসী দীন-দরিদ্রের ভ্রুঃখ বিমোচনে সর্বদা উন্মুক্ত ছিল । পুষ্করিণী ও কূপ খনন এবং অন্নসত্তা খুলিয়া আর্ন্ত প্রজাকুলের আশীর্বাদ ভাজন হন । দেশের লোককে বলিষ্ঠ করিবার অভিপ্রায়ে তিনি ব্যায়ামকারীদিগকে উৎসাহ প্রদান করিতেন । ১৮৩৬ খৃঃ ১৮ই অগ্রহায়ণ রাজা হরিনাথ নন্দী বাহাদুর পার্শ্বি বিষয় সম্পত্তি, পত্নী রাণী হরম্মন্দরী, পুত্র কুমার কৃষ্ণনাথ ও কন্যা গোবিন্দমুন্দরীকে রাখিয়া পরমপথে প্রয়াণ করেন ।

৩ কৃষ্ণনাথ নন্দী ।

রাজা হরিনাথের যখন লোকান্তর হয়, কুমার কৃষ্ণনাথ নন্দী তখন অপ্রাপ্ত বয়স্ক ছিলেন ; তজ্জন্ত বিষয় সম্পত্তি কোর্ট অব ওয়ার্ডসের অধীন হইয়াছিল । কৃষ্ণনাথের শিক্ষা ব্যবস্থার কোন ক্রটি হয় নাই । তিনি ওয়ার্ডসের অধীনে থাকিয়া ইংরাজী ও পারসী ভাষার বিশেষ ব্যুৎপত্তি লাভ করিয়াছিলেন । সন্ধ্যায় ও অপব্যয়ে তাঁহার অনেক অর্থ ব্যয় হইয়াছিল । ক্রমে তিনি ঋণগ্রস্ত হন । ১৮৩৮ খৃঃ এপ্রেল মাসে স্বর্ণময়ীর সহিত তাঁহার স্তবপরিণয় হইয়াছিল । ১৮৪০ খৃঃ কুমার কৃষ্ণনাথ প্রাপ্তবয়স্ক হইয়া বিষয় সম্পত্তি কোর্ট অব ওয়ার্ডসের নিকট হইতে প্রাপ্ত হন । ১৮৪১ খৃঃ লর্ড আক্‌ল্যান্ড বাহাদুর কৃষ্ণনাথকে “রাজা বাহাদুর” উপাধি প্রদান করেন । তিনি রীতিমত সুশিক্ষিত, দেশহিতৈষী এবং বিদ্যাশিক্ষার উৎসাহদাতা ছিলেন । রাজা কৃষ্ণনাথ মুক্তহস্ত ছিলেন । তিনি তদীয় শিক্ষক কলিকাতা-ঝামাপুকুরের রাজা দিগম্বর মিত্র মহোদয়কে এক লক্ষ টাকা দান করেন । এই লক্ষ টাকাই তাঁহার শ্রীবৃদ্ধির সোপান । কলিকাতায় মহামতি ডেভিড্‌ হেয়ার সাহেবের স্মৃতিচিহ্ন স্থাপনকল্পে রাজা বাহাদুর সর্বাপেক্ষা অধিক টাকা দিয়াছিলেন । মৃগয়ায় তাঁহার পরম প্রীতি ছিল । তিনি শিক্ষাকল্পে প্রভূত অর্থ ব্যয় করেন । গোপাল দফাদার নামে রাজা কৃষ্ণনাথের অধীনস্থ কোন লোক মূল্যবান্‌ দ্রব্যপূর্ণ একটি বাস্ক চুরির সন্দেহে তাঁহার ভৃত্যবর্গ কর্তৃক গ্রেহৃত হয়, গম্ভীর সিংহ নামে রাজাবাহাদুরের একজন সিপাহী তজ্জন্ত অভিযুক্ত হইয়াছিল ; সেই মোকদ্দমায় রাজা কৃষ্ণনাথও অভিযুক্ত হন । মুর্শিদাবাদের তদানীন্তন ম্যাজিস্ট্রেট বেল সাহেব রাজাকে ধৃত করিবার জন্য নাজির ও কতিপয় লোক প্রেরণ করেন; কিন্তু তাহারা কাশীমবাজার রাজবাটী হইতে রাজাকে ধৃত করিতে

অক্ষম হওয়ায়, প্রিন্স দ্বারকানাথ ঠাকুরের ভাগিনেয় বহরমপুরের তৎ-কালীন ডেপুটি ম্যাজিষ্ট্রেট স্বর্গীয় চন্দ্রমোহন চট্টোপাধ্যায় রাজাকে ধৃত করিবার জন্ত কাশীমবাজার রাজবাটী ঘেরাও করেন। রাজা বাহাদুর ধরা দিলে, তাঁহাকে পঞ্চাশ হাজার টাকার জামিনে মুক্তি দেওয়া হয়। কাস্তাবাবুকে অনেক সময় কলিকাতায় কার্যাসূত্রে থাকিতে হইত ; সেই সময় ঘোড়াসাঁকোতে তিনি একটি বাটী প্রস্তুত করাইয়াছিলেন ; রাজা কৃষ্ণনাথ কাশীমবাজার হইতে ঘোড়াসাঁকোর বাটীতে পলায়ন করেন। ইতিমধ্যে গোপাল দফাদারের মৃত্যু হইলে, মুর্শিদাবাদের ম্যাজিষ্ট্রেট রাজাকে কলিকাতা হইতে বহরমপুরে আসিবার জন্ত ওয়ারেন্ট জারি করেন। রাজা বাহাদুর এই অপমান সহ্য করিতে না পারিয়া ঘোড়াসাঁকোর বাটীতে ১৮৪৪ খৃঃ ৩১শে অক্টোবর নিজহস্তে পিস্তলের দ্বারা আত্মহত্যা করেন। তাঁহার মৃত্যুর পূর্বের একখানি পত্রে জানা যায় যে, তিনি গোপালের প্রতি অত্যাচার ব্যাপারে সংশ্লিষ্ট ছিলেন না।

৬ মহারাণী স্বর্ণময়ী ।

অতঃপর রাজা কৃষ্ণনাথ বাহাদুরের পত্নী স্বর্ণময়ী বিষয় সম্পত্তির উত্তরাধিকারিণী হইয়াছিলেন। তিনি ১৮২৭ খৃঃ ২৬শে অগ্রহায়ণ বর্দ্ধমান জেলার অন্তর্গত ভাঁটাকুল গ্রামে রামতনু নন্দীর ঔরসে তিলি বংশে জন্মগ্রহণ করেন। ১৮৩৮ খৃঃ তিনি রাজা কৃষ্ণনাথের পত্নীরূপে কাশীমবাজার রাজবংশের কুললক্ষ্মী হইয়াছিলেন। বিবাহের পর তিনি বাঙ্গালা লেখাপড়া শিক্ষা করিয়াছিলেন। রাজা কৃষ্ণনাথ মুর্শিদাবাদে নিজ উদ্যানবাটী বান্ধেষ্টিয়ায় “কৃষ্ণনাথ বিদ্যালয়” নামে একটি বিদ্যালয় ও তৎপার্শ্বে একটি হাঁসপাতাল প্রতিষ্ঠা করিবার জন্ত ; এবং বিধবা পত্নী স্বর্ণময়ীকে মাসিক দেড় সহস্র টাকা বৃত্তির ব্যবস্থা

করিয়া তিনি মৃত্যুকালে যাবতীয় বিষয় সম্পত্তি ইষ্ট ইণ্ডিয়া কোম্পানীর নামে উইল করিয়া যান। রাজার মৃত্যুর পর ইষ্ট ইণ্ডিয়া কোম্পানী সেই উইল দাখিল করিয়াছিলেন। এই সময় স্বর্ণময়ী ঢাকা ভিল্লি-নিবাসী রাজীবলোচন রায় নামক একজন কার্যদক্ষ ব্যক্তিকে তিনি দেওয়ান পদে নিযুক্ত করেন। অতঃপর তাঁহার পরামর্শে তদানীন্তন সূপ্রীম কোর্টে ইষ্ট ইণ্ডিয়া কোম্পানীর নামে অভিযোগ করিতে হইয়াছিল। শ্রীরামপুরের বিখ্যাত এটর্নী হরচন্দ্র লাহিড়ী মহাশয় রাণীর পক্ষসমর্থন করেন। প্রায় তিন বৎসর কাল মোকদ্দমা হইবার পর ১৮৪৭ খৃঃ ১৫ই নবেম্বর সূপ্রীম কোর্টের ফুলবেঞ্চের বিচারে রাজা কৃষ্ণনাথের উইল অগ্রাহ্য হওয়ায়, স্বর্ণময়ী জয় লাভ করিয়া অতুল ঐর্ষ্যা প্রাপ্ত হন। মহারাণী স্বয়ং জমিদারীর দলিল পত্রাদিতে স্বাক্ষর করিতেন। মুর্শিদাবাদ, বঙ্কমান, হাবড়া, চব্বিশ-পরগণা, নদীয়া, যশোহর, রাজসাহী, পাবনা, রংপুর, দিনাজপুর, মালদহ, বগুড়া, ফরিদপুর, গাজিপুর, আজীমগড় প্রভৃতি জেলায় তাঁহার জমিদারী আছে। কলিকাতা সহরে অনেকগুলি ভাড়াটীয়া বাটী এবং বড়-বাজারে তাঁহার নামে একটি চক আছে। বস্ত্রহীনকে বস্ত্রদান, অন্ন-হীনকে অন্নদান, নিরাশ্রয় রোগীকে শুশ্রূষা ও আশ্রয় প্রদান তাঁহার স্বভাবসিদ্ধ ধর্ম ছিল। দয়া তাঁহার নিত্য সহচরী ও পরোপকার জীবনের ব্রত ছিল। প্রতিদিন কোন প্রকার সংকার্য না করিয়া দিন যাইতে দিতেন না। তিনি কখন কোনও যাচককে নিরাশ করেন নাই। তাঁহার কতকগুলি দানের কথা এস্থলে উল্লেখ করা হইল। ১৮৭১ খৃঃ চট্টগ্রামের “সোলারহোম” নির্মাণার্থ ৩,০০০; মেদিনীপুর হাইস্কুলে ১,০০০; কলিকাতা চাঁদনী হাঁসপাতালে ১,০০০ টাকা দান করেন। তাঁহার দান দর্শনে সন্তুষ্ট হইয়া গবর্ণমেন্ট ১৮৭১ খৃঃ ১০ই আগষ্ট “মহারাণী” উপাধি প্রদান করেন; উক্ত বৎসর ১৩ই অক্টোবর

কাশীমবাজার রাজবাটিতে একটি বৃহৎ দরবার হয় এবং প্রেসিডেন্সী বিভাগের তদানীন্তন কমিশনার মনোনি সাহেব বাহাদুর উপস্থিত থাকিয়া একখানি সনন্দপত্র প্রদান করেন। ১৮৭২ খৃঃ বেথুন জমী বিখ্যালে ১,৫০০ ; বগুড়া ইন্সটিটিউসনে ৫০০ টাকা দান করেন। ১৮৭৩ খৃঃ যশোহর ভৈরব নদের সংস্কারার্থ ১,০০০ ; নেটিভ হাঁসপাতালে ৮,০০০ ; ম্যালেরিয়া রোগগ্রস্ত ব্যক্তিগণের সাহায্যার্থে ১,৫০০ ; বহরমগঞ্জের রাস্তা নিৰ্ম্মাণার্থ ১,০০০ টাকা দান করেন। উক্ত বৎসর ভারত গবর্ণমেন্ট প্রতিক্রমিত হন যে, তাঁহার উত্তরাধিকারীগণ “মহারাজা” উপাধি সম্মানে ভূষিত হইবেন। ১৮৭৪ খৃঃ মুর্শিদাবাদ, বগুড়া, পাবনা, নদীয়া, চব্বিশ-পরগণা এবং বর্ধমান জেলার অন্তর্ক্ৰিষ্ট ব্যক্তিগণের জন্ত একলক্ষ দশ হাজার টাকা দান করেন। উক্ত বৎসর মহারানী ভিক্টোরীয়া তাঁহার গুণের প্রশংসা করিয়া “সি-আই” অর্থাৎ ক্রাউন্ অব ইণ্ডিয়া উপাধি প্রদান করেন। ১৮৭৫ খৃঃ বহরমপুর কলেজে ১,০০০ ; রাজসাহী মাদ্রাসায় ৫,০০০ ; কটক কলেজে ২,০০০ ; গারো হিল দাতব্য চিকিৎসালয়ে ৫০০ টাকা দান করেন। ১৮৭৬ খৃঃ কলিকাতা জমী বিখ্যালে ১০,০০০ ; আলিগড় কলেজে ১,০০০ ; রংপুর হাইস্কুলে ৪,০০০ ; কলিকাতা জিয়েলজিকেল উদ্যানে ১৪,০০০ ; কলিকাতা হুর্ভিক্ষ নিবারিণী ভাণ্ডারে ৮,০০০ ; বাথরগঞ্জ জেলার মহাবাড়ি ক্ষতিগ্রস্ত ব্যক্তিগণের সাহায্যার্থে ৩,০০০ টাকা দান করেন। ১৮৭৭ খৃঃ জঙ্গীপুর দাতব্য চিকিৎসালয়ে ৫০০ ; মাদ্রাজ হুর্ভিক্ষ নিবারিণী ভাণ্ডারে ১০,০০০ ; টম্পল্ নেটিভ অনাথাশ্রমে ১,০০০ ; হাবড়া দাতব্য চিকিৎসালয়ে ৫০০ ; কলিকাতা ওরিয়েণ্টাল সেমিনারিতে ৩,০০০ ; কলিকাতা ডিস্ট্রিক্ট চেরিটেবল্ সোসাইটিতে ৫০০ ; ম্যাকডনেল্ ইণ্ডিয়ান্ এ্যাসোসিয়েসনে ১,০০০ ; তদ্ব্যতীত একাদশ সহস্র টাকার বস্ত্র ক্রয় করিয়া দরিদ্র ব্রাহ্মণ পণ্ডিতগণকে দান করেন। ১৮৭৮ খৃঃ দুইলক্ষ টাকা

ক্ষুদ্র ক্ষুদ্র দান করিয়াছিলেন। উক্ত বৎসর ভারতগবর্ণমেন্ট তাঁহাকে “সি-এস-আই” উপাধি এবং ভারতেশ্বরী ভিক্টোরীয়া বিশেষ প্রশংসা করিয়া “ইম্পিরিয়াল্ অর্ডার অব দি ক্রাউন্” উপাধি সম্মানে বিভূষিতা করেন। প্রেসিডেন্সী বিভাগের তদানীন্তন কমিশনার পিকক্ সাহেব বাগাহর ছোট লাটের প্রতিনিধিস্বরূপ হইয়া ১৪ই আগষ্ট রাজধানীতে এক বৃহৎ দরবার করিয়া উপাধি সনন্দ প্রদান করেন। ১৮৭২ খৃঃ স্বর্গীয় কবিরাজ রমানাথ সেন মহাশয়ের ঋণ পরিশোধার্থ ভাণ্ডারে ৫০০ ; ব্রিটিশ ইণ্ডিয়ান এসোসিয়েসনের বাৎসরিক চাঁদা ৫০০ ; কলিকাতার হিন্দু হোস্টেল্ নির্মাণার্থ ৪,০০০ ; রাজকুমারী এলিসের স্মৃতিচিহ্ন নির্মাণার্থ ২,০০০ টাকা দান করেন। ১৮৮০ খৃঃ আয়ারলণ্ড দেশের হুর্ভিক্ষ নিবারিণী ভাণ্ডারে ১০,০০০ ; প্রেট্রিয়টিক্ ফণ্ডে ৫,০০০ টাকা দান করেন। ১৮৮১ খৃঃ আমেরিকার হুর্ভিক্ষ নিবারিণী ভাণ্ডারে ১,০০০ ; সেণ্ট্ জেমস্ স্কুলগৃহ নির্মাণার্থ ৫০০ ; কলিকাতার সংস্কৃত কলেজে বৃত্তি দিবার জন্ত ৮০০০ ; জেনারেল্ এসেমব্লি কলেজে এক বৎসরের বৃত্তির জন্ত ৬০০ টাকা প্রদান করেন। ১৮৮২ খৃঃ রেভারেণ্ড্ ফাদার লা ফেঁ সাহেবের ভগ্নীকে ৫০০ ; ইডেন্ স্মৃতি ফণ্ডে ৫০০ ; ইণ্ডিয়ান্ এসোসিয়েসনের বাটী নির্মাণকল্পে ২,০০০ ; দেশীয় জ্রীলোকদিগের উচ্চশিক্ষার্থ ৩০০ টাকা দান করেন। ১৮৮৩ খৃঃ সিমলা রিপন্ হাঁসপাতাল নির্মাণার্থ ২,৫০০ ; হুগলী মিউনিসিপালিটিতে ৫০০ টাকা দিয়াছিলেন। ১৮৮৪ খৃঃ ইণ্ডিয়ান্ এসোসিয়েসন্ ফণ্ডে ১,০০০ টাকা দান করেন। ১৮৮৫ খৃঃ কলিকাতা মেডিকেল কলেজের জ্রীলোক ছাত্রীদিগের হোস্টেল্ নির্মাণার্থ ১৫০ লক্ষ টাকা, টেনান্সি বিলের বিপক্ষে আন্দোলন করিবার জন্ত ৫০০ ; কাউন্টেস্ ডফ্রিগ ফণ্ডে ৮,০০০ টাকা দান করিয়াছিলেন। ১৮৮৬ খৃঃ লণ্ডন্ শির প্রদর্শনী ফণ্ডে ৩,০০০ ; লর্ড্ ইউলিক্ ব্রাউনের স্মৃতি ফণ্ডে ৫০০ টাকা দান

করেন। ১৮৮৭ খৃঃ কলিকাতা মেডিকেল ইন্সটিটিউশনের সাহায্যার্থে ৫০০ ; ডফ্রিং ফণ্ডে ৫০০ ; লণ্ডনের ইম্পিরিয়াল জুবিলী ইন্সটিটিউশন্ উপলক্ষে ৫,০০০ ; বালি রিপন হলের সাহায্যার্থে ১,০০০ টাকা দান করেন। ১৮৮৮ খৃঃ কেশব একাডেমির সাহায্যার্থে ৫০০ ; ডফ্রিং স্মৃতি ভাণ্ডারে ৩,০০০ ; দার্জিলিং স্বাস্থ্য নিবাস নির্মাণার্থ ৮,০০০ ; এতদ্বিন্ন ক্ষুদ্র ক্ষুদ্র দানে দেড়লক্ষ টাকা ব্যয় করিয়াছিলেন। ১৮৮৯ খৃঃ কলিকাতা ক্যাম্বেল মেডিকেল স্কুলের ছাত্রবৃন্দের হোটেল নির্মাণার্থ ১০,০০০ ; এতদ্ব্যতীত বহুসংখ্যক বিদ্যালয় ও চতুষ্পাঠী প্রতিষ্ঠা, কুপ ও পুষ্করিণী খনন, দাতব্য চিকিৎসালয় স্থাপন এবং অগ্রাগ্র জনহিতকর কার্যে তিনি বহু অর্থ দান করিয়াছিলেন। ১৮৯০ খৃঃ কলিকাতা মেডিকেল কলেজের ডাক্তারী শিক্ষার্থিনী ছাত্রীদিগের হোটেল নির্মাণকল্পে একলক্ষ টাকা দান করেন। ১৮৯১ খৃঃ উত্তর বঙ্গের দুর্ভিক্ষ নিবারণ জন্ত একলক্ষ পঁচিশ হাজার টাকা সাহায্য করেন। ১৮৯২ খৃঃ বহরমপুর সহরে জলের কল নির্মাণকল্পে দেড় লক্ষ টাকা মঞ্জুর করেন। ব্রাহ্মণ, ভিক্ষুক, গ্রন্থকার, ঋণগ্রস্ত, কত্বাদায়গ্রস্ত প্রভৃতিকে দানের সংখ্যা ও পরিমাণ নিরূপণ করা অসাধ্য। মহারাণীর নিকট জাতি কিম্বা বর্ণভেদ ছিল না। তিনি প্রত্যহ শত শত ব্যক্তিকে অন্নদান করিতেন। তাঁহার দান ধর্ম্মের সবিস্তার উল্লেখ এস্থলে সম্ভবপর নহে। ফলকথা মহারাণী স্বর্ণময়ী প্রতি বৎসর একলক্ষ টাকার কম দান করিতেন না। এই প্রাতঃস্মরণীয় পুণ্যলোকা মহারাণী প্রায় ষাঠ লক্ষের উপর দান করিয়াছিলেন। মহারাণী স্বর্ণময়ীর লক্ষ্মী ও সরস্বতী নামে দুইটি কত্বা জন্মগ্রহণ করেন। একটি কত্বা রাজা কৃষ্ণনাথের জীবিতাবস্থায় শৈশবে এবং অপর কত্বা জীবনান্তে কৈশোরে লোকান্তরিত হইয়াছিলেন। বহরমপুর বিদ্যালয়ের একটি ছাত্রের সহিত কত্বাটির বিবাহ হইয়াছিল। অতঃপর ১৮৯৭ খৃঃ ২৫শে আগষ্ট বাৎসরিক প্রায় আট লক্ষ টাকার

আয় রাখিয়া বঙ্গের অল্পপূর্ণাঙ্গপিনী মহারানী স্বর্ণময়ী দেহত্যাগ করিয়া-
ছেন। তাঁহার স্বামী রাজা কৃষ্ণনাথ নন্দী অপুলক অবস্থায় লোকান্তর
গমন করেন। তিনি মৃত্যুকালে কোনও পোষ্যপুত্র গ্রহণের বন্দোবস্ত
করিয়া যান নাই। সুতরাং মহারানী স্বর্ণময়ী কাশীমবাজারের রাজৈশ্বর্যে
কেবলমাত্র জীবনসংস্বে স্বত্ববান ছিলেন। স্বর্ণময়ীর দেহাবসান হইলে
তিনি অপুলক বলিয়া তাঁহার স্বশ্রীঠাকুরানী রাজা কৃষ্ণনাথের জননী
রানী হরমুন্দরী বিষয় সম্পত্তির অধিকারিণী হন। পূণ্যভূমি বারাণসী-
বাসিনী রানী হরমুন্দরী বৃদ্ধাবস্থায় বিষয় বাসনা পরিত্যাগপূর্বক যাবতীয়
সম্পত্তি তাঁহার দৌহিত্র ও ভাবী উত্তরাধিকারী শ্রীযুক্ত মনীন্দ্রচন্দ্র নন্দীকে
দান করেন। এক্ষণে মহারানী স্বর্ণময়ীর স্বামী রাজা কৃষ্ণনাথ নন্দীর
ভগ্নী গোবিন্দমুন্দরীর পুত্র স্বনামপ্রসিদ্ধ মাননীয় মহারাজ শ্রীযুক্ত মনীন্দ্র-
চন্দ্র নন্দী মহোদয় কাশীমবাজার রাজ এষ্টেটের অধীশ্বর।

মনীন্দ্রচন্দ্র নন্দী ।

কাশীমবাজারের বর্তমান মহারাজ শ্রীযুক্ত মনীন্দ্রচন্দ্র নন্দী মহোদয়
১৮২০ খৃঃ পিতা নবীনচন্দ্রের কলিকাতা শ্রামবাজারের বাটীতে জন্মগ্রহণ
করেন। বর্তমান জেলার অন্তর্গত মাথরোণ গ্রামে ইহাদের আদি নিবাস।
নবীনচন্দ্রের তিন পুত্র ও পাচটি কন্যা; তন্মধ্যে মনীন্দ্রচন্দ্র কনিষ্ঠ।
শৈশবে ইহঁার মাতৃবিয়োগ হওয়ায়, পিতৃদের জীবনের শেষাংশ সন্তানগণের
প্রতিপালনে অতিবাহিত করেন। মনীন্দ্রচন্দ্রের মধ্যম ভ্রাতা যোগীন্দ্রচন্দ্র
অল্প বয়সে বারাণসীধামে মৃত্যুমুখে পতিত হন। তাহার কিয়দ্বিবস
পরে পিতৃদেব লোকান্তর গমন করেন। ইহঁার জ্যেষ্ঠ ভ্রাতা উপেন্দ্রচন্দ্রও
সুশিক্ষিত হইয়া অকালে পরলোকগত হন। মনীন্দ্রচন্দ্র তখন কলিকাতা

শ্রামবাজারের একটি বঙ্গবিদ্যালয়ের জনৈক ছাত্র ছিলেন ; তৎপরে তথা হইতে হিন্দুস্কুলে প্রবিষ্ট হন। জ্যেষ্ঠ ভ্রাতার মৃত্যু হওয়ায়, সাংসারিক ভার মনীন্দ্রচন্দ্রের উপর গুরুত্ব হয়। কলিকাতায় সংসারযাত্রা নির্বাহ কষ্টকর দেখিয়া ইনি পৈতৃক বাসস্থান মাথরোণ গমনপূর্বক তথায় গ্রাম্য বালকদিগের জন্য একটি মধ্যবৃত্তি বঙ্গবিদ্যালয় স্থাপন করেন। এই প্রকারে চারি বৎসরকাল অতীত হয়। সেই সময় মহারাণী স্বর্ণময়ী ইহাকে কলিকাতায় বাসের জন্য সাহায্য করিতে অভিমত করেন। অতঃপর ১৮২৭ খৃঃ মহারাণী স্বর্ণময়ীর লোকান্তর হইলে, মনীন্দ্রচন্দ্র শ্রাদ্ধক্রিয়া উপলক্ষে কলিকাতা হইতে কাশীমবাজার গমন করেন। ক্রিয়াকল্প সমাপন হইবার পর ইনি বারাণসীধামে গমন করিলে, তথায় রানী হরসুন্দরী তাঁহার যাবতীয় বিষয় সম্পত্তি মনীন্দ্রচন্দ্রকে উইল করিয়া দিয়াছিলেন। তৎপরে ইনি কাশীমবাজার রাজবাটীতে আসিয়া ১৮২৮ খৃঃ বিষয় প্রাপ্ত হইয়াছেন। রাজৈশ্বর্য্য প্রাপ্ত হইয়া প্রথমতঃ বহরমপুরের জলের কল প্রতিষ্ঠার সম্পূর্ণতা সাধন করেন ; মহারাণী স্বর্ণময়ী বহরমপুর সহরে পানীয় জলের জঁত্র কল প্রতিষ্ঠার অনুষ্ঠান করেন ; কিন্তু উহা সুসম্পন্ন করিয়া যাইতে পারেন নাই। মনীন্দ্রচন্দ্র আড়াই লক্ষ টাকা ব্যয়ে ইহার প্রতিষ্ঠা কার্য্য সম্পন্ন করিয়াছেন। ইনি আশৈশব বিদ্যানুরাগী। মহারাণীর লোকান্তরের পর, কলিকাতা বিশ্ববিদ্যালয়ের নূতন বিধান অনুসারে বহরমপুরের “কৃষ্ণনাথ কলেজ” পরিচালন অসম্ভব হয়। ইনি তৎকালে কলেজ পরিচালনার ভার কলিকাতা বিশ্ববিদ্যালয়ের উপর প্রদান করেন। এই কলেজ পরিচালনার জন্য প্রতিবৎসর স্বাধীন-শক্তি সহস্র মুদ্রা ব্যয় বহনে প্রতিশ্রুত হইয়াছেন। মহারাণী স্বর্ণময়ীর সময়ে গবর্ণমেন্ট কাশীমবাজারের পরবর্ত্তী অধিপতিগণকে মহারাজা উপাধি ভূষণে ভূষিত করিতে প্রতিশ্রুত হন। তদনুসারে ১৮২৮ খৃঃ ৩০শে মে মহারাণীর সনন্দ অনুযায়ী গবর্ণমেন্ট মনীন্দ্রচন্দ্রকে “মহারাজা” উপাধি

প্রদান করিয়াছেন। তৎকালীন ছোটলাট স্ত্রীর জন্ম উড়ুবরন্ বাহাদুর বেলেভেড়িয়ার প্রাসাদে এক দরবার করিয়া ইহাকে উপাধি সনন্দ ও খেলাৎ প্রদান করেন। তৎকালে মহারাজ সাধারণের হিতকর কার্যে প্রায় দশ লক্ষ টাকা দান করিয়াছেন। বহরমপুর মিউনিসিপালিটির উপর মহারাজের বিশেষ যত্ন। ইহার চেয়ারম্যান পদে অধিষ্ঠিত থাকিয়া ইনি সহরের উন্নতিকল্পে বহু চেষ্টা করিয়াছিলেন। সাধ্যানুসারে মহারাজ স্বীয় জমিদারী এবং বঙ্গদেশের ভিন্ন ভিন্ন স্থানের উন্নতিকল্পে চেষ্টা করিয়া থাকেন। মহারাজ চাঁদা দানের জন্ত “ভারতীয় স্মৃতি ভাণ্ডার” সমিতির একজন সহকারী-সভাপতি। ইনি ব্রিটিশ ইণ্ডিয়ান এসোসিয়েসনের পক্ষ হইতে বঙ্গীয় ব্যবস্থাপক সভার অত্যন্ত মননীয় নিযুক্ত হন। বর্তমান সময়ে মহারাজ এখনও উক্ত সম্মানে সম্মানিত। কাশীমবাজার রাজবংশের প্রতিষ্ঠাতা কান্তবাবুর মুদির দোকান যে স্থানে ছিল; মহারাজ সেইস্থানে একটি দাতব্য চিকিৎসালয় প্রতিষ্ঠা করিয়াছেন। মহারাজের বিজ্ঞান-সাহিত্য ও বদান্ততা চিরপ্রসিদ্ধ। ইহার বদান্ততার ফলে ডাক্তার নগেন্দ্রচন্দ্র গুপ্ত অষ্টীয়র অন্তর্গত ভিয়েনা বিশ্ববিদ্যালয় হইতে “পি-এচ্-ডি” উপাধি প্রাপ্ত হইয়াছেন। ইতিপূর্বে আর কোন বাঙ্গালী উক্ত বিদ্যালয় হইতে ঐ উপাধি প্রাপ্ত হন নাই। সমগ্র সদনুষ্ঠানের মধ্যে বঙ্গ-সাহিত্যের উন্নতিকল্পে মহারাজের নাম চিরস্মরণীয় থাকিবে। সাহিত্যের উন্নতি ও পরিপুষ্টি বিষয়ে সহায়তা সম্বন্ধে ইহার চেষ্টার ক্রটি নাই। “সাহিত্য-সন্মিলন” প্রতিষ্ঠার অগ্রণী হইয়া ইনি কলিকাতার সাহিত্য পরিষদের ভূমিদান করিয়া তাহার ভিত্তিভূমি প্রতিষ্ঠা করিয়াছেন। ১৯০৭ খৃঃ মহারাজের প্রদত্ত ভূমির উপর এবং অর্থ সাহায্যে সাহিত্য-পরিষদ কলিকাতায় একটি একতলা সূদৃশ অট্টালিকা নির্মাণ করেন। মহারাজের যত্নে ১৯০৭ খৃঃ নবেম্বর মাসে কাশীমবাজার রাজবাটিতে বঙ্গীয় সাহিত্য-পরিষদের প্রথম প্রাদেশিক সন্মিলন হইয়াছিল।

বঙ্গভাষার প্রায় সকল সঙ্গ্রহস্থ মহারাজের নিকট সহায়তা প্রাপ্ত হইয়া আসিতেছে। শিক্ষা প্রচার সম্বন্ধে এবং হিন্দুধর্মের মাহাত্ম্য রক্ষা বিষয়ে মহারাজের সাতিশয় আগ্রহ দেখিতে পাওয়া যায়। মহারাজ অকপট স্বদেশহিতৈষী—স্বদেশীর পরম ভক্ত ও স্তুধী। শিল্প-শিক্ষা কল্পে মহারাজ গবর্ণমেন্টের হস্তে এক লক্ষ টাকা আয়ের সম্পত্তি দান করিয়াছেন। বহরমপুর কৃষ্ণনাথ কলেজের বিজ্ঞান শ্রেণীর উন্নতিকল্পে মহারাজ দুই লক্ষ টাকা দান করিয়াছেন। মহারাজ কলিকাতার রিপন্ কলেজের নূতন বাটী নির্মাণ ভাণ্ডারে পাঁচ সহস্র মুদ্রা দিয়াছেন। মহারাজ ছাত্রবৃন্দের আইন বিদ্যালয়ের সৌকর্য্যার্থে কলিকাতা বিশ্ববিদ্যালয়ের হস্তে পঞ্চাশ হাজার টাকা দান করিতে প্রতিশ্রুত হইয়াছেন। প্রথম দুই বৎসরে প্রতিবৎসর পঞ্চদশ সহস্র মুদ্রা হিসাবে এবং পরবর্ত্তী দুই বৎসরে প্রতিবৎসর দশ সহস্র মুদ্রা হিসাবে ঐ টাকা প্রদত্ত হইতেছে। এই অর্থের সাহায্যে কলিকাতা বিশ্ববিদ্যালয় সংলগ্ন আইন বিদ্যালয়মন্দিরের ছাত্রগণকে উৎসাহ দানার্থ বৃত্তি প্রদান করা হয়। বহরমপুর কৃষ্ণনাথ কলেজের ছাত্রবৃন্দের দাবী সর্ব্বাঙ্গে পূরণ হইয়া থাকে। ইনি লেফ্টেন্যান্ট কর্ণেল্ কৌর্টিকার ও মেজর বামন দাস বসুর প্রণীত “ভারতীয় ভেষজ-উদ্ভিদ” নামক গ্রন্থের মুদ্রাঙ্কণের জন্ত দশ হাজার টাকা দান করিয়াছেন। গণিত ও জ্যোতিষ সম্বন্ধীয় প্রাচীন সংস্কৃত গ্রন্থসমূহের উদ্ধার এবং সারুবাদ প্রকাশের জন্ত মহারাজ বিশেষরূপে মনোযোগী ; তাহার জন্ত ইনি কলিকাতা বিশ্ববিদ্যালয়ে বিশ সহস্র টাকা দিবার প্রস্তাব করিয়াছেন। এই টাকা ইনি চারি সহস্র করিয়া পাঁচ বৎসরে প্রদান করিতেছেন। ১৯১০ খৃঃ ইংরাজী নববর্ষ উপলক্ষে মহারাজের উত্তরাধিকারীগণ ব্যক্তিগত “মহারাজা” উপাধি প্রাপ্ত হইয়াছেন। উক্ত বৎসর মহারাজ ট্রান্স্‌ভাল্ যুদ্ধ ভাণ্ডারে এক হাজার টাকা দান করিয়াছেন। ১৯১০ খৃঃ স্বর্গীয় ভারতসম্রাট সপ্তম এডওয়ার্ডের স্মৃতি ভাণ্ডারে মহারাজ

দশ সহস্র মুদ্রা দান করেন । ১৯১১ খৃঃ বঙ্গদেশের জমিদার সভার পক্ষ হইতে প্রেসিডেন্সী বিভাগের জ্ঞাত ইনি বঙ্গীয় ব্যবস্থাপক সভার সদস্য নির্বাচিত হন । ১৯১১ খৃঃ কলিকাতা গ্রাসাণ্ডাল্ মেডিকেল কলেজে মহারাজ দুই হাজার টাকা দান করিয়াছেন । ১৯১১ খৃঃ কলিকাতা সহরে নবীন ভারতেশ্বর সম্রাট পঞ্চম জর্জ মহোদয়ের অভ্যর্থনা আয়োজন-কল্পে যে অর্থ সংগ্রহ হয় ; তাহাতে মাননীয় মহারাজ পাঁচ সহস্র মুদ্রা দান করেন । ১৯১২ খৃঃ ৪ঠা জানুয়ারী কলিকাতার রাজপ্রাসাদে নবীন সম্রাট ও সম্রাট মহিষীর এক সভা হইয়াছিল ; তৎকালে সেই রাজকীয় অভ্যর্থনা সমিতির সম্পাদক মুর্শিদাবাদের বর্তমান নবাব বাহাদুর কাশীমবাজারাধিপত্যকে রাজসকাশে যথাৱীতি পরিচিত করেন । ১৯১২ খৃঃ ২রা মার্চ ছগলী-চুঁচুড়া সহরের ময়দানে কৃষিশিল্প প্রদর্শনীর পরিত্যক্ত মণ্ডপে বঙ্গীয় সাহিত্য সম্মিলনের যে অধিবেশন হয় ; বঙ্গীয় সাহিত্য ক্ষেত্রের শ্রদ্ধাভাজন সাহিত্যরথী ত্রীযুক্ত অক্ষয়চন্দ্র সরকার মহোদয় অভ্যর্থনা সমিতির সভাপতি এবং কাশীমবাজারের বিদ্যোৎসাহী মহারাজ মনীন্দ্রচন্দ্র সম্মিলনের সভাপতির আসন গ্রহণ করেন । ১৯১২ খৃঃ মে মাসে মহারাজ বাহাদুর বরিশালের গৈলা গ্রামের কবীন্দ্র স্কুলের গৃহ নিৰ্ম্মাণ ভাণ্ডারে এক হাজার টাকা দান করিয়াছেন । ১৯১৩ খৃঃ জানুয়ারী মাসে বঙ্গদেশের ভূম্যাধিকারীগণের পক্ষ হইতে মহারাজ বাহাদুর ভারতীয় ব্যবস্থাপক সভার সভ্য নির্বাচিত হইয়া দেশের বহুতর হিত-সাধনের চেষ্টা করিতেছেন । ১৯১৩ খৃঃ আগষ্ট মাসে বর্তমান বিভাগের ভীষণ বহুপীড়িত ব্যক্তিগণের সাহায্যার্থে কাশীমবাজারের মাননীয় মহারাজ এক সহস্র মুদ্রা দান করেন । ১৯১৩ খৃঃ ডিসেম্বর মাসে গোড়ীয় বৈষ্ণব সম্মিলনে ইনি নবদ্বীপধাম গমন করেন ; তৎকালে প্রভূপাদ ত্রীযুক্ত অতুলকৃষ্ণ গোস্বামী সম্পাদিত “চৈতন্য ভাগবৎ” গ্রন্থ এক সহস্র খণ্ড বিতরণ করেন । সেই সময় নবদ্বীপের পণ্ডিতগণ মহারাজকে

“বিভাগরঞ্জন” উপাধি প্রদান করিয়াছেন। মহারাজ নবদ্বীপ পুস্তকালয়ের উন্নতিকল্পে চারি সহস্র মুদ্রা দান করিয়াছেন। ১৯১৩ খৃঃ কলিকাতার টাউনহলের বিরাট সভায় দক্ষিণ আফ্রিকার নিপীড়িত ব্যক্তিগণের সাহায্যার্থে মাননীয় মহারাজ বাহাদুর এক সহস্র টাকা দান করেন। বারাণসীধামে হিন্দু বিশ্ববিদ্যালয় স্থাপনকল্পে ১৯১৩ খৃঃ অক্টোবর মাসে মহারাজ এক লক্ষ টাকা চাঁদা দান করিয়াছেন। ১৯১৪ খৃঃ জানুয়ারী মাসে মহারাজ মনীন্দ্রচন্দ্র বর্দ্ধমান জেলার অন্তর্গত আসানসোল লিটন হাঁসপাতালের জন্ত ৩ই সহস্র টাকা দান করিয়াছেন। সাহিত্য পরিষদের সভাপতি মাননীয় মহারাজ বাহাদুর ১৯১৪ খৃঃ ফেব্রুয়ারী মাসে সাহিত্য সভার ধনভাণ্ডারে পাঁচ শত টাকা দান করিয়াছেন। মহারাজের প্রস্তাব-মতে সাহিত্যসভা বিখ্যাত হিন্দুরাজা বল্লাল সেনের “দানসাগর” গ্রন্থখানি বঙ্গানুবাদসহ প্রকাশ করিয়াছেন। ১৯১৪ খৃঃ মার্চ মাসে দানশীল মহারাজ মেদিনীপুর কলেজে রসায়ন শ্রেণী খুলিবার সাহায্যার্থে পাঁচ শত টাকা দান করিয়াছেন। ১৯১৪ খৃঃ জুন মাসে ভারত সাম্রাজ্যের নূতন ইংরাজ রাজধানী দিল্লী সহরে নবপ্রতিষ্ঠিত বঙ্গীয় সাহিত্য পরিষদের শাখার সাহায্যকল্পে দানশৌণ্ড কাশীমবাজারের অধীশ্বর বাহাদুর একশত টাকা দান করিয়াছেন। রাজপ্রতিনিধি পত্নী পরলোকগতা লেডি হার্ডিঞ্জের স্মৃতি রক্ষাকল্পে দিল্লীসহরে স্ত্রীলোকদিগের জন্ত একটি মেডিকেল কলেজ ও হাঁসপাতাল এবং রোগীসেবিকাগণের শিক্ষার জন্ত একটি বিদ্যালয় প্রতিষ্ঠার প্রস্তাব হইয়াছে। মাননীয় মহারাজ বাহাদুর তদনুষ্ঠানের সাহায্যস্বরূপ পাঁচ হাজার টাকা দিতে সম্মত হইয়াছেন। মহারাজের অর্থেই “বেঙ্গল পটারী ওয়ার্কস্” প্রতিষ্ঠিত হইয়া দেশের এক বৃহৎ অভাব দূরীভূত হইতেছে। ইনি ত্রীযুক্ত সত্যেন্দ্রনাথ দেবকে চিনামাটির জব্য নির্মাণ প্রণালী শিক্ষার জন্ত জাপান ও জার্মানী প্রেরণ করেন। ১৯১৪ খৃঃ কুম্ভযোগে কাশীমবাজারের সুপ্রসিদ্ধ গোড়-রাজর্ষি পরম-

ভাগবত মহারাজ বাহাদুর সঙ্গীক ও আত্মীয় স্বজন পরিবেষ্টিত হইয়া হরিদ্বার তীর্থে গমন করেন । ১৯১৫ খৃঃ ভারতসম্রাটের জন্মদিবস উপলক্ষে কাশীমবাজারের দানশীল মহারাজ মনীন্দ্রচন্দ্র “কে-সি-আই-ই” উপাধি সম্মানে সম্মানিত হইয়াছেন । ১৯১৫ খৃঃ নবদ্বীপ সপ্তম এডওয়ার্ড এংলো সংস্কৃত লাইব্রেরীর প্রতিষ্ঠাকল্পে মাননীয় মহারাজ বাহাদুর চারি হাজার টাকা দিয়াছেন । ইনি সীতারামপুর এখোড়ায় ইহার ইংবাজী বিদ্যালয়ের সংশ্বে একটি খনিবিদ্যা শিক্ষার বিভাগ খুলিয়াছেন । বর্তমান বিভাগের কমিশনার বাহাদুর এই বিভাগের দ্বার উন্মোচন করেন । ১৯১৫ খৃঃ ২৮শে সেপ্টেম্বর সিমলায় রাজপ্রতিনিধির প্রাসাদে নব-নির্মিত মন্ত্রণা-গৃহে মহারাজের প্রদত্ত বড়লাট লর্ড হার্ডিঞ্জের প্রতিকৃতি প্রতিষ্ঠিত হইয়াছে । মাঘবর পণ্ডিত শ্রীযুক্ত মদনমোহন মালবীর উহার প্রতিষ্ঠা কার্য সম্পন্ন করেন । ১৯১৫ খৃঃ ডিসেম্বর মাসে গোড়ীয় বৈষ্ণব সঙ্ঘ-লনীর সঙ্কলিত মন্দির নিৰ্ম্মাণের জন্ত ভক্তচূড়ামণি মহারাজ বাহাদুর কলিকাতায় চারি কাঠা ভূমির মূল্য দান করিয়াছেন । ফল কথা, স্কুলের সাহায্যে, হাঁসপাতালের সাহায্যে, সভা সমিতির সাহায্যে, পুস্তক প্রণয়নের সাহায্যে, শিল্পবিজ্ঞান উন্নতির সাহায্যে মহারাজ অকাতরে দান করিয়া থাকেন । মহারাজের খুচরা দানের সংখ্যা ও পরিমাণ নিরূপণ করা অসাধ্য । দয়া-দাক্ষিণ্য, দানশীলতায়, বিময়ে, আড়ম্বরশূন্যতায়, ধর্ম-নিষ্ঠায়, মহারাজ একজন আদর্শ নরপতি । স্বরাজ্য ব্যতীত মহারাজ বাহাদুর অস্ত্রাত্মক বহুস্থান পরিভ্রমণ করিয়া সদনুষ্ঠানে ব্যাপ্ত থাকেন । মহারাজ মনীন্দ্রচন্দ্র একজন বিচক্ষণ, সম্মানভাজন ও প্রজাবৎসল ভূস্বামী । মহারাজের দান, ধ্যান ও পুণ্যাহের বিরাম নাই । দরিদ্রের উপর ইহার অসীম দয়া আছে । স্বদেশের উন্নতিকল্পে ইনি সর্বদাই সচেষ্ট । ছাত্রবৃন্দের উপর দিয়া, শিক্ষা বিস্তারকল্পে দান প্রভৃতি মহারাজের গুণগরিমা বঙ্গদেশে বিকীর্ণ ।

মহারাজের তিনটি পুত্র ও দুইটি কন্যা জন্মিয়াছিল। জ্যেষ্ঠজামাতা ১৯১০ খৃঃ ২৩ শে মার্চ লোকান্তরিত হইয়াছেন। ১৯১৩ খৃঃ মহারাজের দ্বিতীয় কন্যার সহিত রায় শ্রীনাথ পাল বাহাদুরের পুত্রের শুভপরিণয় হইয়াছে। মহারাজের জ্যেষ্ঠ পুত্র মহারাজকুমার মহিমচন্দ্র নন্দী বাহাদুর কলিকাতা প্রেসিডেন্সী কলেজ হইতে “বি-এ” পরীক্ষায় উত্তীর্ণ হন। কয়েক বৎসর পূর্বে কুমার বাহাদুর পিতৃদেবের সহিত তীর্থ ভ্রমণে বহির্গত হইয়া ৮ বৃন্দাবনধামে অকালে কালগ্রাসে পতিত হইয়াছেন। ১৯১৩ খৃঃ ২৮শে মার্চ বৃন্দাবন গোবর্দ্ধনে মাননীয় মহারাজ তদীয় পর-লোকগত পুত্রের নামে পঁয়ত্রিশ সহস্র টাকা ব্যয়ে একটি ধর্মশালা প্রতিষ্ঠা করিয়াছেন। মহারাজের মধ্যম পুত্রও মুকুলে বৃত্তচ্যুত হইয়াছেন। মহারাজ বাহাদুরের কনিষ্ঠ পুত্র কুমার শ্রীশচন্দ্র নন্দী বাহাদুর ১৮৯৭ খৃঃ ১১ই অক্টোবর জন্মগ্রহণ করিয়াছেন। ইনিই অধুনা কাশীমবাজার রাইজম্বর্ষের ভাবী উত্তরাধিকারী। পিতৃগুণের অধিকারী হইয়া মহারাজ কুমার শ্রীমান্ শ্রীশচন্দ্র নন্দী বাহাদুর দানশীল বংশের গৌরব রক্ষা করিবেন।

নশীপুর রাজবংশ ।

মুর্শিদাবাদ জেলার অন্তর্গত নশীপুর রাজবংশ ইতিহাস সংশ্লিষ্ট অতি প্রাচীন জমিদারবংশ । এই বংশের পূর্বপুরুষগণ পূর্বে পানিপথে বাস করিতেন । তারাচাঁদ সিংহ হইতে নশীপুর রাজবংশের পরিচয় পাওয়া যায় ।

তাঁহার পোল অজীং সিংহ দিল্লীর মোগল সম্রাট জাহাঙ্গীরের সময় নানা প্রকার সংকার্যের জন্য “রাগ” উপাধি প্রাপ্ত হইয়াছিলেন ।

অজীং সিংহের জ্যেষ্ঠ পুত্র অমর সিংহ যৎসামান্য বিষয় সম্পত্তি করেন । তাঁহার চারি পুত্র ।

অমরসিংহের কনিষ্ঠ পুত্র দেওয়ালী সিংহ বলবীর্যের জন্য প্রসিদ্ধ ছিলেন । তাঁহার দুই পুত্র—দেবী সিংহ ও বাহাহর সিংহ ।

৬ দেবী সিংহ ।

দেওয়ালী সিংহের জ্যেষ্ঠ পুত্র দেবী সিংহ নশীপুর রাজবংশের প্রতিষ্ঠাতা । ১৭৫৬ খৃঃ তিনি ইতিহাস প্রসিদ্ধ পানিপথ হইতে বঙ্গদেশে আসিয়া মুর্শিদাবাদে বসতি করেন । ১৭৭৩ খৃঃ ইষ্ট ইণ্ডিয়া কোম্পানীর রাজস্ব আদায় সম্বন্ধে নূতন প্রণালী বিধিবদ্ধ হয় । সেই সময় দেবী সিংহ কোম্পানীর রাজস্ব বিভাগের দেওয়ান পদে নিযুক্ত হন । ক্রমশঃ তিনি ওয়ারেন্ হেস্টিংস সাহেবের বিশেষ প্রিয়পাত্র হইয়াছিলেন । অতঃপর তিনি দেবীসিংহকে রংপুরের তৎকালীন কালেক্টর গুডল্যাক সাহেবের দেওয়ান পদে অভিষিক্ত করেন । ইতিহাসে বিখ্যাত যে, দেবী সিংহ সানা প্রকার অত্যাচার করিয়া রাজস্ব বৃদ্ধি করিয়াছিলেন । ১৭৮১ খৃঃ

তিনি পুর্নিয়া, রংপুর ও দিনাজপুর জেলার ইজারা গ্রহণ করিয়া প্রভূত বিত্তশালী হন। ১৮০৫ খৃঃ ১৮ই এপ্রেল নশীপুর রাজবংশের প্রতিষ্ঠাতা দেবী সিংহ পরলোকগত হইয়াছেন। তিনি নিঃসন্তান ছিলেন।

৮ বাহাদুর সিংহ ।

দেবী সিংহের মৃত্যুর পর ১৮০৫ খৃঃ তাঁহার কনিষ্ঠ ভ্রাতা বাহাদুর সিংহ সম্পত্তির উত্তরাধিকারী হন। দেশের আভ্যন্তরীণ উন্নতি কর কার্যে তাঁহার কৰ্ম্মপটুতার পরিচয় পাওয়া যায়। ১৮১১ খৃঃ বাহাদুর সিংহ ইহধাম পরিত্যাগ করেন। তাঁহার তিন পুত্র—বলবন্ত সিংহ, উদমন্ত সিংহ ও অমুমন্ত সিংহ।

৮ বলবন্ত সিংহ ।

অতঃপর বাহাদুর সিংহের জ্যেষ্ঠ পুত্র বলবন্ত সিংহ ১৮১১ খৃঃ পিতৃ সম্পত্তির অধিকারী হন। তাঁহার প্রভাবে ও স্মৃশাসনে জমিদারীর উন্নতি হয়। বিষয়কৰ্ম্মে তিনি অতিশয় বুদ্ধিমান ছিলেন। ১৮২০ খৃঃ বলবন্ত সিংহ লোকান্তরিত হইয়াছেন।

৮ গোপাল সিংহ ।

তৎপরে বলবন্তের পুত্র গোপাল সিংহ যাবতীয় বিষয় সম্পত্তি প্রাপ্ত হন। তিনি শাস্ত্র প্রকৃতির লোক ছিলেন বলিয়া সকলে তাঁহাকে সমাদর করিতেন। গোপাল সিংহ পাঁচ বৎসর মাত্র বিষয় ভোগ করিয়া ১৮২৫ খৃঃ প্রাণত্যাগ করেন। তাঁহার কোন সন্তানাদি হয় নাই।

৬ উদমন্তু সিংহ ।

তদনন্তর গোপালের খুল্লতাত উদমন্তু সিংহ এই বংশের প্রতিনিধি বলিয়া গণ্য হন। কলিকাতা-বড়বাজারে তাঁহার ভূসম্পত্তি ছিল ; তাহার মধ্যে কিয়দংশ তদীয় পারিবারিক বিগ্রহ ৬ রঘুনাথ জীউর সেবার্থে দান করা হইয়াছিল। তিনি নশীপুরে ৬ রামচন্দ্র জীউর একটি বৃহৎ মন্দির প্রতিষ্ঠা করেন। ভারতের ভূতপূর্ব গবর্ণর জেনারেল আরল অব মিন্টো এবং মারকুইস অব হেষ্টিংসের নিকট তাঁহার বিশেষ সমাদর ছিল। তিনি জমিদারীর বহুপ্রকার উন্নতি সাধন করিয়াছিলেন। ১৮৩২ খৃঃ উদমন্তু সিংহ ইহলীলা সম্বরণ করেন।

৬ কৃষ্ণচন্দ্র সিংহ ।

উদমন্তের সন্তানাদি না থাকায় তাঁহার মৃত্যুর পর তদীয় কনিষ্ঠ ভ্রাতা অনুমন্ত সিংহের পুত্র কৃষ্ণচন্দ্র সিংহ উত্তরাধিকার লাভ করেন। তিনি জমিদারীর উন্নতিকল্পে বিশেষ যত্নবান ছিলেন। কৃষ্ণচন্দ্র প্রতিভাবান, স্বদেশভক্ত ও পরোপকারপরায়ণ পুরুষ ছিলেন। ১৮৫০ খৃঃ তিনি অনন্তধামে চলিয়া গিয়াছেন।

৬ কীর্তিচন্দ্র সিংহ ।

কৃষ্ণচন্দ্রের পরলোকান্তে তাঁহার পুত্র কীর্তিচন্দ্র সিংহ রাজপদে অভিষিক্ত হন। ১৮৫৮ খৃঃ প্রায় দুই লক্ষ টাকা ব্যয়ে তিনি বর্তমান রাজপ্রাসাদ নির্মাণ করাইয়াছিলেন। তাঁহার সময়ে নশীপুরের উন্নতি বহুপরিমাণে বর্দ্ধিত হইয়াছিল। তিনি আশ্চর্য্যেয় শিক্ষিত হইয়া স্বদেশের মঙ্গলসাধনে আপনাকে অর্পণ করেন। তাঁহার চরিত্রে

অসাধারণ পুরুষকারের সহিত প্রগাঢ় স্বধর্মনিষ্ঠা বিদ্যমান ছিল। তিনি উচ্চপদস্থ রাজপুরুষগণের প্রীতি ও সম্মানভাজন হন। ১৮৬৪ খৃঃ রাজা কীর্তিচন্দ্র সিংহ দেহত্যাগ করিয়াছেন।

রণজিৎ সিংহ ।

কীর্তিচন্দ্রের পুত্র মাননীয় মহারাজ শ্রীযুক্ত রণজিৎ সিংহ বাহাদুর বর্তমান সময়ে নশীপুর রাজপদে সমাসীন। মহারাজ ১৮৬৫ খৃঃ ৯ই জুন নশীপুর প্রাসাদে জন্মগ্রহণ করিয়াছেন। ইনি বহরমপুরের কৃষ্ণনাথ কলেজে বিদ্যাশিক্ষা প্রাপ্ত হন। ইহার নাবালক সময় জমিদারী কোর্ট অব্ ওয়ার্ডসের অধীনে পরিচালিত হয়। অতঃপর ইনি নাবালক হইয়া ১৮৮৬ খৃঃ ৯ই জুন বিষয় সম্পত্তির কর্তৃত্বভার স্বহস্তে গ্রহণ করেন। ১৮৮৭ খৃঃ মহারাজ বাহাদুর লালবাগ বেঞ্চের অবৈতনিক মাজিস্ট্রেট মনোনীত হন। ১৮৮৮ খৃঃ লালবাগ মিউনিসিপালিটির চেয়ারম্যান পদে নির্বাচিত হইয়াছিলেন। ১৮৯১ খৃঃ ১লা জানুয়ারী ইনি “রাজা” উপাধি লাভ করেন। ১৮৯৬ খৃঃ মহারাজ দ্বিতীয় শ্রেণীর মাজিস্ট্রেটের ক্ষমতা প্রাপ্ত হইয়া একাকী বিচার করিবার অধিকারী হন। ১৮৯৭ খৃঃ ১লা মার্চ প্রথম শ্রেণীর মাজিস্ট্রেটের ক্ষমতা প্রাপ্ত হন এবং পুলিশ চালানোর মোকদ্দমার বিচার ও দরখাস্ত গ্রহণের ভার গ্রস্ত হয়। ইনি ক্রমশঃ লালবাগ বেঞ্চের সম্পূর্ণ ক্ষমতা লাভ করেন। মহারাজ অবৈতনিক মাজিস্ট্রেট থাকিয়া আপনার বিচার ক্ষমতার বিশেষ কৃতিত্বের পরিচয় প্রদান করেন। ১৮৯৭ খৃঃ ইনি পুনরায় মুর্শিদাবাদ মিউনিসিপালিটির চেয়ারম্যান নির্বাচিত হন। ১৮৯৭ খৃঃ ২২শে জুন ভারত-খরী ভিক্টোরীয়ার “হীরক জুবিলী” মহোৎসব উপলক্ষে ভারত গবর্নমেন্ট ইহার গুণের বিশেষ প্রশংসা করিয়া “রাজা বাহাদুর” উপাধি সম্মানে

ভূষিত করেন। ১৮৯৮ খৃঃ রাজাবাহাদুর কলিকাতা বিশ্ববিদ্যালয়ের হস্তে দুই সহস্র টাকা দান করিয়াছেন ; প্রতিবৎসর প্রবেশিকা পরীক্ষার্থীর্ণ যে ছাত্র অকশ্যাপ্তে সর্বোৎকৃষ্ট হয়, সেই ছাত্র “কীর্তিচন্দ্র মেকেঞ্জি মেডেল” নামে একটি স্মরণ পদক পুরস্কার প্রাপ্ত হইয়া থাকে। ১৮৯৯ খৃঃ মিথিলাপতি মহারাজ লক্ষ্মীধর সিংহ বাহাদুরের স্থানে ইনি বঙ্গীয় ব্যবস্থাপক সভার সভ্য মনোনীত হন। ১৯০১ খৃঃ ২৫শে জুন হইতে মহারাজ বাহাদুর “সামারী পাওয়ার” প্রাপ্ত হইয়াছেন। ১৯০২ খৃঃ ভারতের ভূতপূর্ব রাজপ্রতিনিধি লর্ড কর্জেন বাহাদুর মুর্শিদাবাদ পরিদর্শন উপলক্ষে নশীপুরের রাজভবনে গমন করেন। ১৯০৫ খৃঃ ইনি বহু অর্থ ব্যয়ে পুনরায় রাজপ্রাসাদের উন্নতি ও শ্রীবৃদ্ধিসাধন করিয়াছেন। ১৯১০ খৃঃ ইংরাজী নববর্ষ উপলক্ষে রাজাবাহাদুর ব্যক্তিগত “মহারাজা” উপাধি সম্মানে সম্মানিত হইয়াছেন। বহুবিধ অহুষ্ঠানের সহিত মহারাজের নাম বিজড়িত আছে। ১৯১০ খৃঃ মহারাজ কলিকাতার বিজ্ঞান সভার উন্নতিকল্পে সাত শত টাকা দান করেন। কলিকাতায় ভারতের রাজপ্রতিনিধি স্বর্গীয় লর্ড মিণ্টো বাহাদুরের প্রস্তরময়ী মূর্তি স্থাপন জন্ত যে স্মৃতিভাণ্ডার প্রতিষ্ঠিত হয়, ১৯১০ খৃঃ উহাতে নশীপুরাধিপতি পাঁচশত টাকা দান করেন। ১৯১০ খৃঃ স্বর্গীয় ভারতেশ্বর সপ্তম এডওয়ার্ড মহোদয়ের স্মৃতিভাণ্ডারে মহারাজ দশ সহস্র মুদ্রা দান করেন। ১৯১১ খৃঃ কলিকাতা সহরে নবীন ভারত সম্রাট মহামাঘ পঞ্চম জর্জের অভ্যর্থনা আয়োজনকল্পে চাঁদায় যে অর্থ সংগ্রহ হয়, তাহাতে মহারাজ দুই হাজার টাকা দান করেন। ১৯১১ খৃঃ ১২ই ডিসেম্বর দিল্লীর বিরাট অভিষেক দরবারে মহারাজ ভারতগবর্ণমেণ্ট কর্তৃক নিমন্ত্রিত হইয়াছিলেন। ১৯১২ খৃঃ ৪ঠা জানুয়ারী কলিকাতার লাটভবনে সম্রাট ও তৎমহিষীর এক সভা হইয়াছিল ; তৎকালে সেই রাজকীয় অভ্যর্থনা সমিতির সম্পাদক মুর্শিদাবাদের বর্তমান নবাব বাহাদুর রাজসকাশে নশীপুরাধি-

পতিকে যথারীতি পরিচিত করেন। ১৯১৩ খৃঃ প্রেসিডেন্সী বিভাগের জেলা ও লোক্যাল বোর্ডসমূহ হইতে মহারাজ বঙ্গীয় ব্যবস্থাপক সভার সভ্য মনোনীত হন; তৎপরে বঙ্গীয় ব্যবস্থাপক সভা হইতে মহারাজ রণজিৎ সিংহ এবং মাতুবর শ্রীযুক্ত সুরেন্দ্রনাথ বন্দ্যোপাধ্যায় ভারতীয় ব্যবস্থাপক সভার সদস্য নিয়োজিত হইয়া প্রতিভার পরিচয় দিয়া দেশের সর্বশ্রেণীর লোকের প্রীতি ও শ্রদ্ধাভাজন হইয়াছেন। ১৯১৩ খৃঃ আগষ্ট মাসে বর্ধমান বিভাগের ভীষণ বন্যাপীড়িত ব্যক্তিগণের সাহায্যার্থে মাননীয় মহারাজ এক সহস্র টাকা দান করেন। ১৯১৩ খৃঃ কলিকাতার টাউন-হলের সভায় দক্ষিণ আফ্রিকার নিপৌড়িত ব্যক্তিগণের সাহায্যার্থে ইনি দুই শত টাকা দান করেন। এতদ্ব্যতীত মহারাজের খুচরা দানের বিরাম নাই। বাল্যকাল হইতেই আইন বিষয়ে ইহার বুদ্ধিবৃত্তি পরিচালিত হয়। অমায়িকতায় ও হিতৈষিণায় ইনি জনসাধারণের বিশেষ প্রশংসাভাজন হইয়াছেন। দেশীয় ও ইংরাজ সমাজের ঘনিষ্ঠ মিলনকল্পে মহারাজ মধ্যে মধ্যে সম্মিলনীতে যোগদান করিয়া থাকেন। ইনি বংশপতি দেবী সিংহের কলঙ্ক মোচন জ্ঞাতি মিশ্রের বুলরাজকে দিয়া দেবী সিংহ ও নশীপুর সম্বন্ধে একখানি পুস্তক প্রণয়ন করাইয়াছেন। মাননীয় মহারাজ বাহাদুর বঙ্গসাহিত্যের একজন পৃষ্ঠপোষক। বাঙ্গালা গ্রন্থপাঠে ও সংগ্রহে মহারাজের আগ্রহ পরিদৃষ্ট হয়; অধিকন্তু বাঙ্গালার সাহিত্যসেবিগণকে উৎসাহ প্রদান করিয়া থাকেন। সাহিত্যসেবিগণের ত্রায়সঙ্গত অনুরোধ ইনি কখন উপেক্ষা করেন নাই। মহারাজ বিনয়ী, পরশ্রমী, মনীষী ও কর্মোৎসাহী পুরুষ। দেশের উন্নতিসাধনে অক্লান্ত পরিশ্রম করিয়া জনসাধারণের প্রীতি ও শ্রদ্ধাভাজন হইয়াছেন। মহারাজ বাহাদুরের পাঁচ পুত্র—মহারাজকুমার শ্রীযুক্ত ভূপেন্দ্রনারায়ণ বি-এ, শ্রীযুক্ত নৃপেন্দ্রনারায়ণ বি-এ, শ্রীযুক্ত রাজেন্দ্রনারায়ণ, শ্রীযুক্ত বীরেন্দ্রনারায়ণ ও শ্রীযুক্ত জগদীন্দ্রনারায়ণ সিংহ।

লালগোলা রাজবংশ ।

মুর্শিদাবাদ জেলার অন্তর্গত লালগোলার ভূম্যাধিকারিগণ পশ্চিম-দেশীয় ব্রাহ্মণ । বহুকাল বঙ্গদেশে বাস করিয়া এক্ষণে বাঙ্গালী হইয়া গিয়াছেন । ইহাদের পশ্চিম প্রদেশের মূল সমাজের সহিত আদান-প্রদান হইয়া থাকে ।

রাও যোগেন্দ্রনারায়ণ রায় ।

লালগোলার বর্তমান রাজা রাও শ্রীযুক্ত যোগেন্দ্রনারায়ণ রায় বাহাদুর সামান্য গৃহস্থ গৃহে জন্মগ্রহণ করিয়া বাল্যে লালগোলার স্বর্গীয় জমিদার রাও মহেশনারায়ণ রায় বাহাদুরের পোষ্যপুত্ররূপে গৃহীত হইয়াছিলেন । ইনি পৈতৃক ক্রিয়াকলাপ রক্ষা, আত্মীয় স্বজনের প্রতিপালন ও সদস্য ব্যবহারে সকলের ভক্তি অর্জন করিয়াছেন । ইনি স্বয়ং জমিদারীর কার্য পরিচালনাপূর্বক জমিদারীর বিশেষ উন্নতি সাধন করেন । রাজা বাহাদুরের স্মৃশাসনে অতি অল্পকালের মধ্যে প্রজাবর্গ ইহার প্রতি একান্ত ভক্তিমান হইয়া উঠিয়াছে । প্রজাসাধারণে প্রায় সকল বিষয়ে ইহার মীমাংসায় সন্তুষ্ট হইয়া থাকে । ইনি শাস্তভাবে প্রজাপালন করিয়া জমিদারীর আয় বৃদ্ধি করিতে সমর্থ হইয়াছেন । রাজাবাহাদুর জমিদারীর নানা স্থানে পুষ্করিণী খনন, চিকিৎসালয় স্থাপন ও স্কুল প্রতিষ্ঠা করিয়াছেন এবং অনেক রাস্তা ও ঘাট মেরামত করাইয়া দিয়াছেন । লালগোলার মিউনিসিপালিটি নাই, কিন্তু ইনি সহরের মিউনিসিপালিটির সকল কার্য করিয়া থাকেন । রাজা বাহাদুর প্রায় লক্ষ টাকা ব্যয়ে বঙ্গদেশের নানাস্থানে জলাভাব দূর করিবার জন্য পুষ্করিণী ও কূপ

খনন করাইয়া দিয়াছেন । বোলপুরের ব্রহ্মচর্যাশ্রমে স্থার শ্রীযুক্ত রবীন্দ্রনাথ ঠাকুরের বিদ্যালয়ে বালকদিগের জন্ম রাজা বাহাদুর একটি বৃহৎ কুপ খনন করাইয়াছেন । মুর্শিদাবাদে জলকষ্ট নিবারণকল্পে ইনি এক লক্ষ টাকা দান করিয়াছেন । এই টাকার স্রুদ হইতে কুপ খনন কার্য্য হইয়া থাকে । বহরমপুরের সরকারী ঔষধালয় প্রধানতঃ ইহার ব্যয়ে নির্মিত হইয়াছে । এই হাঁসপাতালের জীচিকিৎসা বিভাগে একলক্ষ টাকা দান করায় “রাজা রাও যোগেন্দ্রনারায়ণ রায় বাহাদুর ফিমেল্ ওয়ার্ড” নামে একটি বিভাগ হইয়াছে । কলিকাতা গেজেটে ভূতপূর্ব্ব স্বর্গীয় বঙ্গেশ্বর বেকার বাহাদুর এই দানের জন্ম রাজা বাহাদুরকে ধন্যবাদ জ্ঞাপন করেন । লালগোলাতেও ইনি একটি ঔষধালয় করিয়া দিয়াছেন । বহরমপুরের “গ্রাণ্ট হল” ইহার অর্থে নির্মিত হইয়াছে । রাজা বাহাদুরের ব্যয়ে লালগোলায় একটি উচ্চ ইংরাজী বিদ্যালয় ও হোটেল নির্মিত হইয়াছে, অধিকন্তু পোষ্টাফিস, রেলওয়ে স্টেশন প্রভৃতি রাজা বাহাদুরের বদান্যতায় হইয়াছে । জঙ্গীপুরের উচ্চ ইংরাজী বিদ্যালয়ের ছাত্রাবাস নির্মাণকল্পে ইনি সাতহাজার টাকা দান করেন; ভারতসম্রাট পঞ্চম জর্জ মহোদয়ের নামানুসারে এই আবাসের নাম হইয়াছে । এতদ্ব্যতীত জঙ্গীপুরে “লালগোলা পার্ক” ইহার ব্যয়ে নির্মিত হইয়াছে । লালগোলা রেলওয়ে স্টেশন হইতে স্বীয় প্রাসাদ পর্য্যন্ত রাজা বাহাদুর আলোক দ্বারা সুষোভিত করিয়াছেন । পূজার সময় প্রতি বৎসর ইনি দরিদ্রদিগকে প্রায় পঞ্চদশ সহস্র টাকার বস্ত্র বিতরণ করিয়া থাকেন এবং মধ্যে মধ্যে বহু দরিদ্রকে অন্নদান করেন । যাহারা দেওয়ানী আসামী হইয়া অর্থ দিতে পারে না, তাহাদিগের অব্যাহতির জন্ম ইনি পঞ্চাশ সহস্র মুদ্রা গবর্ণমেন্টকে দিয়াছেন ।

রাজা বাহাদুর একজন অকপট সাহিত্য বন্ধু । ইনি বঙ্গীয় সাহিত্য পরিষদের প্রাণস্বরূপ । ইহার দানে পরিষদের প্রধান কার্য্য গ্রহ

প্রকাশ” অতি গৌরবের সজ্জিত সম্পাদিত হইতেছে। পরিষদের পুস্তকাগার, চিত্রশালা প্রভৃতি সকল বিভাগই ইহাঁর বদান্ততার পরিচয় প্রদান করিতেছে। বঙ্গীয় সাহিত্য পরিষদের মন্দির যখন আরম্ভ হয়, তখন কাশীমবাজারের মহারাজ শ্রীযুক্ত মনীন্দ্রচন্দ্র নন্দী বাহাদুর ন্যূনাধিক সাত কাঠা ভূমি দান করেন। দেশের বদান্ত ব্যক্তিবর্গের নিকট মন্দির নির্মাণে যে সাহায্য প্রাপ্ত হয়, তাহাতে একতলা মাত্র প্রস্তুত হইয়াছিল। অতঃপর লালগোলাধিপতি দ্বিতল নির্মাণেব জন্ত দশ সহস্র টাকা দান করিয়াছেন। তৎপরে সাহিত্য পরিষদের প্রাচীন গ্রন্থ প্রচার-কার্যে বাজাবাহাদুর ১৩১১ সাল হইতে প্রতিবৎসর তিনশত টাকা সাহায্য আরম্ভ করেন; অনন্তর ১৩১৫ সাল হইতে প্রতি বৎসর আটশত টাকা সাহায্য কবিয়া আসিতেছেন। ইহাঁর সাহায্যে সাহিত্য পরিষদ অনেকগুলি প্রাচীন বাঙ্গালা গ্রন্থ প্রকাশে সমর্থ হইয়াছেন। সাহিত্য-পরিষদ, চিত্রশালা স্থাপন কবিয়া প্রত্নতত্ত্বের উপকরণ সংগ্রহে প্রবৃত্ত হইলে রাজা বাহাদুর স্বীয় জমিদারীর কয়েকটি প্রাচীন প্রস্তর প্রতিমা প্রদান করেন। পরিষদ কতকগুলি প্রাচীন স্বর্ণ ও রৌপ্য মুদ্রা ক্রয় করিতে প্রস্তুত হইলে ইনি তাহার মূল্যস্বরূপ তিনশত টাকা দান করিয়াছেন। অধিকন্তু স্বয়ং কতকগুলি স্বর্ণমুদ্রা পাঁচশত টাকা মূল্যে ক্রয় করিয়া দিয়াছেন। তর্পণ দীঘিতে প্রাপ্ত হিন্দুরাজা লক্ষণসেনের তাম্রফলক ৩৮৫ টাকায় ক্রয় করিয়া পরিষদকে দান করিয়াছেন; এতদ্ভিন্ন অনেকগুলি সংস্কৃত ও বাঙ্গালা হস্তলিপি পরিষদকে দিয়াছেন। রাজা বাহাদুর “সাহনামা” নামক একখানি দৃষ্টাপ্য পারসী ঐতিহাসিক কাব্য পাঁচশত টাকায় ক্রয় করিয়া পরিষদকে দান করেন। বিদ্যাসাগর মহাশয়ের বহুবছরের লাইব্রেরী যখন বন্ধকী দেনার নীলাম হইবার উপক্রম হয়, তখন ইনি প্রায় ছয় হাজার টাকা দিয়া নিজে উহা বন্ধক রাখিয়াছিলেন। তৎপরে রাজাবাহাদুর ঐহার এই বন্ধকী স্বত্ব পরিষদকে দান

করিয়াছেন। সেই লাইব্রেরী এখন পরিষদ মন্দিরে বিদ্যমান। বঙ্গীয় সাহিত্য পরিষদ মন্দির প্রতিষ্ঠার দিবস পরিষদের স্থায়ী ভাণ্ডারে রাজাবাহাদুর ১৩,০০০ টাকা সাহায্য করিতে প্রতিশ্রুত হন। কৃষ্ণানন্দ বাস শঙ্করকল্পদ্রুমের দ্বারা যে সুবৃহৎ “সঙ্গীতরস কল্পদ্রুম” গ্রন্থ সংগ্রহ করিয়া গিয়াছেন সে গ্রন্থ এক্ষণে অপ্রাপ্য, রাজাবাহাদুর এই পুস্তক প্রকাশের ব্যয়ভার গ্রহণ করিয়া গ্রন্থস্বত্ব পরিষদকে দান করিয়াছেন। এই গ্রন্থ প্রকাশে প্রায় দশ সহস্র টাকা ব্যয় হইবে; সহস্রাবিক পৃষ্ঠায় ইহার প্রথমখণ্ড মুদ্রিত হইয়াছে। রাজাবাহাদুর স্বব্যয়ে স্বতন্ত্র ব্যবস্থায় বেদান্ত দর্শনের রামানুজ কৃত ত্রিভাষ্য প্রকাশ করিতেছেন। উহার তিন খণ্ড প্রকাশে ইহার প্রায় দেড় সহস্র টাকা ব্যয় হইয়া গিয়াছে। এই গ্রন্থখানিও রাজাবাহাদুর পরিষদে দিয়াছেন। বেদান্তের ভাষ্য টাকা টিপ্পনী সম্বন্ধে যে সকল গ্রন্থ আছে উহা পরিষদ হইতে প্রকাশিত হইবার জন্ত সমস্ত ব্যয় নির্বাহ করিতে ইনি প্রতিশ্রুত হইয়াছেন। মহামহোপাধ্যায় শ্রীযুক্ত হরপ্রসাদ শাস্ত্রী “সি-আই-ই” মহোদয় নেপাল হইতে খৃষ্টীয় অষ্টম, নবম ও দশম শতাব্দীতে লিখিত যে সকল বাঙ্গালী প্রাচীন গ্রন্থ সংগ্রহ করিয়া আনিয়াছেন, সেই সকল গ্রন্থ পরিষদ হইতে প্রকাশিত করিবার সমস্ত ব্যয় রাজাবাহাদুর নির্বাহ করিবেন। এই সকল মহৎ দানের জন্ত কেবল সাহিত্য পরিষদ নহে, সমগ্র বাঙ্গালী রাজাবাহাদুরের নিকট চিরকৃতজ্ঞতা পাশে আবদ্ধ হইয়াছে। যোগেন্দ্রনারায়ণের দানের বিষয় সুখ্যাতি করিয়া গবর্ণমেন্ট ইহাঁকে “রাজাবাহাদুর” উপাধি সম্মানে সম্মানিত করেন। ১৯১৩ খৃঃ বঙ্গের জনপ্রিয় প্রথম গবর্ণর লর্ড কার-মাইকেল বাহাদুর মুর্শিদাবাদ গমনকালে, রাজাবাহাদুর বঙ্গেশ্বরের নামে বহরমপুরে যক্ষ্মা রোগীদিগের একটি হাঁসপাতাল প্রতিষ্ঠার জন্ত ৪৬,০০০ টাকা দান করিয়াছেন। ১৯১৩ খৃঃ ৩রা জুন মহামহিমায়িত ভারত-সম্রাট পঞ্চমজর্জ মহোদয়ের জন্মতিথি উপলক্ষে লাঙ্গগোলাধিপতি

যোগেন্দ্রনারায়ণ “কৈসার-ই-হিন্দ” নামক স্বর্ণপদক পুরস্কার প্রাপ্ত হইয়াছেন । ১৯১৪ খৃঃ জুন মাসে রাজাবাহাদুর লালগোলায় একটি স্কুলগৃহ নির্মাণকল্পে পঁচিশ সহস্র টাকা দান করিয়াছেন । ১৯১৪ খৃঃ অক্টোবর মাসে রাজাবাহাদুর পূর্ব প্রতিশ্রুত ১৩,০০০ টাকা সাহিত্য-পরিষদে প্রদান করিয়াছেন । এই টাকার সুদ হইতে পরিষদ প্রাচীন বাঙ্গালা গ্রন্থাবলী প্রকাশে বাধ্য থাকিবেন । ১৯১৪ খৃঃ ডিসেম্বর মাসে রাজাবাহাদুর বহরমপুর সহরে জ্বীলোকদিগের হাঁসপাতালের জন্ত ৮০,০০০ টাকা মূল্যের ভূমি ও বাগী দান করিয়াছেন ; এতদ্ভিন্ন ইহাঁর সাধারণ দেশহিতকর উচ্চতম দান অনেক আছে । ফল কথা, দেশের ও সমাজের সর্বত্রই পরোপকারী ও নিস্বার্থ হিতৈষী বলিয়া রাজাবাহাদুর স্মৃতিচিহ্ন রাখিয়াছেন । অনেক বিপন্ন ব্যক্তি ইহাঁর করুণা ও সদয় দানে বিপন্নুক্ত হইয়াছেন । হিন্দুসমাজের নানা শাস্ত্র-পারদর্শী পণ্ডিতগণের প্রতি ইহাঁর অপরিমিত ভক্তি আছে । ভারতবর্ষের নানা প্রদেশের ভূভিক্ষ উপলক্ষে ইনি বহু অর্থ দান করিয়াছেন । সকল প্রকার দেশহিতকর কার্যেই ইহাঁর প্রবল সহানুভূতি দৃষ্ট হয় ।

অল্প বয়সে রাজা বাহাদুর বাঘডাঙ্গা-নিবাসী স্বর্গীয় রাজা জগদীন্দ্র নারায়ণ রায়ের ভগ্নীর সহিত পরিণীত হইয়াছিলেন । কয়েক বৎসর পরে সেই সহধর্মিণী নিঃসন্তান অবস্থায় লোকান্তরিতা হন । তৎপরে দুর্গাপুরের স্বর্গীয় বিষ্ণেশ্বর রায়ের কন্যা মুনীন্দ্রমোহিনীর সহিত ইহাঁর পরিণয় ক্রিয়া হয় । তাঁহার গর্ভে রাজাবাহাদুরের দুই পুত্র কুমার শ্রীযুক্ত হেমেন্দ্রনারায়ণ ও শ্রীযুক্ত সত্যেন্দ্রনারায়ণ রায় এবং এক কন্যা শ্রীমতী শরৎকুমারী দেবীর জন্ম হইয়াছে । কয়েক বৎসর হইল ইহাঁর কনিষ্ঠা মহিষীও মৃত্যুমুখে পতিত হইয়াছেন ।

ଦ୍ଵିତୀୟ ଖଣ୍ଡ ।

ବର୍ଦ୍ଧମାନ ବିଭାଗ ।

বর্দ্ধমান রাজবংশ ।

বর্দ্ধমান রাজবংশ অতি প্রাচীন জমিদারবংশ । দিল্লীর মোগল সম্রাট আরঙ্গজীবের রাজত্বকাল হইতে এই বংশ প্রখ্যাত । মোগল সম্রাটগণ বর্দ্ধমানের রাজাকে বহু ক্ষমতা প্রদান করিয়াছিলেন । এমন কি, বর্দ্ধমান রাজগণ প্রায় স্বাধীন সর্দারের তায় ক্ষমতাপন্ন ছিলেন । ব্রিটিশ রাজত্বের প্রারম্ভকালে সর্ববিধ শাসন ও বিচারের ক্ষমতা এবং সৈন্যদল তাঁহাদের নিজস্ব ছিল । ঊনবিংশ শতাব্দীর প্রারম্ভ পর্য্যন্ত বর্দ্ধমানের অধীশ্বরগণ রাজনৈতিক ক্ষেত্রে করদ রাজগণের পরবর্ত্তী সম্মান প্রাপ্ত হইয়া আসিতেছিলেন । ইহাদের আদি নিবাস লাহোরের অন্তর্গত কাতলী গ্রাম । জাতিতে কপূর ক্ষত্রিয় ।

৩ সঙ্গম রায় ।

খৃষ্টীয় ষোড়শ শতাব্দীর শেষভাগে সঙ্গম রায় নামক এক ব্যক্তি পাজাব দেশীয় ক্ষত্রিয়, সপরিবারে ত্রিভীজগন্নাথ জীউ দর্শনোদ্দেশ্যে ৬ পুরুষোত্তমধাম আগমন করেন । তথা হইতে প্রত্যাগমন পথে তিনি বর্দ্ধমানের নিকটবর্ত্তী রাইপুর গ্রামের মধ্য দিয়া যাইতেছিলেন । রাই-পুর তৎকালে ব্যবসায় বাণিজ্যের একটি প্রধান কেন্দ্র ছিল । স্থানের সুবিধা দেখিয়া সঙ্গম রায় এই স্থানে থাকিয়া ব্যবসায় করিয়া স্থায়ী বাসস্থান নিৰ্ম্মাণ পূর্বক বসতি করেন ।

৬ বন্ধু রায় ।

সঙ্গম রায়েব পব তাঁহাব পুত্র বন্ধু রায় পিতার স্থায় রাইপুবে থাকিয়া ব্যবসায় কবিতেন । তিনি বাণিজ্যের দ্বারা উন্নতিলাভ করিয়া বিভ্রাট হইয়াছিলেন ।

৭ আবু রায় ।

বন্ধু রায়েব পুত্র আবু রায় বাইপুব হইতে আসিয়া বর্দ্ধমানে বসতি করেন । তিনি একজন প্রসিদ্ধ ব্যবসায়ী ছিলেন । ১৬৫৭ খৃঃ দিল্লীতে তদানীন্তন সম্রাট সাজাহানেব একদল সৈন্য কোন বিদ্রোহ দমন জন্ত বঙ্গদেশে আগমন কবে । আবু রায় তাহাদিগকে প্রভূত খাদ্য ও বানাদি সংগ্রহ করিয়া দিয়াছিলেন । প্রত্যাশার স্বরূপ সেই সৈন্যদলের সেনাপতি তাঁহাকে বর্দ্ধমান ফৌজদার সেব আফগানের—মেহেরউল্লাহ অথবা নূব জাহানের স্বামী—অধীনে বেকাবী বাজাব, ইব্রাহিমপুর ও মোগলটুলি নামক স্থানত্রয়েব কোতওয়ালী ও চৌধুরী উপাধি প্রদান করিয়া সম্মানিত কবেন ।

৮ বাবু রায় ।

আবু রায় মানব লীলা সম্বরণ করিলে তৎপুত্র বাবু রায় পৈতৃক সম্পত্তির উত্তরাধিকারী হন । তিনি বর্দ্ধমান পরগণার অন্তর্গত তিন খানি জমিদারী ক্রয় করিয়াছিলেন ।

৬ ঘনশ্যাম রায় ।

বাবু রায়ের মৃত্যুর পর তাঁহার পুত্র ঘনশ্যাম রায় বর্দ্ধমানের অধীশ্বর হন । তিনি নানাবিধ দেশহিতকর অনুষ্ঠান করিতে সমর্থ হইয়াছিলেন । তাঁহার প্রভাবে ও ঐকান্তিক চেষ্টার ফলে তৎসম্মিহিত স্থানে যথেষ্টাচার প্রয়াস লাভ করিতে পারে নাই । গ্রাম্য স্বাস্থ্য রক্ষার জন্ত তিনি নিজ-
 ব্যয়ে রাস্তা প্রস্তুত, পুষ্করিণী খনন প্রভৃতি নানা কার্য্য করিয়া গিয়াছেন । তাঁহার ঋণিত “শ্যাম সায়ার” নামক সরোবর অদ্যাপি বর্দ্ধমানে বিদ্যমান রহিয়াছে । প্রজাপুঞ্জের উন্নতির জন্ত তিনি নানাপ্রকার অনুষ্ঠান করিয়াছিলেন ।

৭ কৃষ্ণরাম রায় ।

ঘনশ্যাম রায়ের পর তদীয় পুত্র কৃষ্ণরাম রায় বিষয় সম্পত্তির অধি-
 কারী হন । তিনি দিল্লীর সম্রাট তারঙ্গজীবের বিশেষ অনুগত ও বাধ্য ছিলেন । সম্রাট তাঁহাকে “রাজা” উপাধিসহ বর্দ্ধমান প্রভৃতি কয়েকখানি পরগণার জমিদারী সনন্দ প্রদান করেন । ১৬৯৬ খৃঃ মেদিনীপুর জেলার অন্তর্গত চেতুয়ার রাজা শোভা সিংহ, বাঁকুড়া-বিষ্ণুপুরের রাজা গোলাপ সিংহ এবং মেদিনীপুর-চন্দ্রকোণার জমিদার রঘুনাথ সিংহ বিদ্রোহী হইয়া উড়িষ্যার বিখ্যাত পাঠান দলপতি রহিম খাঁর সহিত যোগদান পূর্বক পুরাতন বর্দ্ধমানে বিদ্রোহ উপস্থিত করেন । অনন্তর রাজা কৃষ্ণরামকে নিহত করিয়া তাঁহার পরিবারবর্গকে অবরুদ্ধ করিয়া ছিলেন । রাজকুমার জগৎরাম রায় রাজপ্রাসাদ হইতে কোশলে পলায়ন করিয়া জীবনরক্ষা করেন ; তন্মধ্যে রাজাবাহাদুরের একটি পরম সুন্দরী কুমারী হুহিতাকে দেখিয়া পাণাচারী শোভাসিংহ তাঁহার সতীত্বনাশের

চেষ্টা করিলে, রাজকণ্ঠা স্বীয় অঙ্গবস্ত্র মধ্যে লুকায়িত এক তীক্ষ্ণধার ছুরিকৃঘাতে শোভাসিংহের জীবনান্ত করিয়া সেই ছুরিকাঘাতে নিজেও প্রাণত্যাগ করিয়াছিলেন । ঢাকা তৎকালে বঙ্গদেশের রাজধানী ছিল । সেই সময় রাজকুমার জগৎরাম রায় ঢাকার তৎকালীন নবাব ইব্রাহিম খাঁর নিকট উপস্থিত হইয়া সমস্ত অবস্থা বিবৃত করেন । অতঃপর বঙ্গেশ্বরের আদেশে যশোহরের ফৌজদার লুৎফল্লা খাঁ বর্ধমানে আসিয়া সেই বিদ্রোহীগণকে দূরীভূত করিয়া দিয়াছিলেন ।

৮ জগৎরাম রায় ।

বিদ্রোহানল নির্বাপিত হইলে রাজকুমার জগৎরাম রায় পিতৃ সিংহাসনে অধিরোহণ করেন । ১৬৯৬ খৃঃ তিনি দিল্লীশ্বর আরঙ্গজীবের নিকট হইতে কয়েকখানি মহাল জমিদারী ও “রাজা” উপাধিসহ এক সনন্দ লাভ করেন ; কিন্তু হুঃখের বিষয়, সেই সম্মান ও সম্পত্তি তিনি অধিক দিবস ভোগ করিয়া যাইতে পারেন নাই । ১৭০২ খৃঃ তাঁহার পিতৃ-খনিতে কৃষ্ণসায়ার নামক সরোবরে স্নান করিবার সময় জনৈক বিশ্বাসঘাতক গুপ্তহত্যাকারীর ছুরিকাঘাতে অকালে রাজা জগৎরাম রায় কালের কবলে পতিত হইয়াছিলেন । মৃত্যুকালে তিনি কীর্তিচন্দ্র ও মিত্রসেন নামে দুই পুত্র রাখিয়া যান ।

৯ কীর্তিচন্দ্র রায় ।

জগৎরামের হত্যার পর ১৭০২ খৃঃ তদীয় জ্যেষ্ঠ পুত্র কীর্তিচন্দ্র রায় পৈতৃক সম্পত্তির উত্তরাধিকারী হন । তাঁহার নাবালক সময়ে মহারাজা বিষ্ণুকুমারী রাজ্যের রক্ষণাবেক্ষণ করিতেন । বর্ধমান জেলার অন্তর্গত

কালনার নিকটবর্তী চুপীগ্রামের ব্রজকিশোর রায় তাঁহার দেওয়ান ছিলেন । ১৭০৩ খৃঃ কীর্ত্তিচন্দ্র, সম্রাট আরঙ্গজীবের নিকট হইতে পৈতৃক পদ ও সনন্দ লাভ করেন । তিনি অতিশয় বীৰ্য্যবান পুরুষ ছিলেন । অতঃপর কীর্ত্তিচন্দ্র পিতামহ হস্তা শত্রু শোভা সিংহের ভ্রাতা হিন্মৎসিংহকে যুদ্ধে পরাজয় করিয়া তাঁহার জমিদারী চেতুয়া বরদা অধিকার করেন । বিষ্ণুপুরের রাজা গোলাপ সিংহ ও চন্দ্রকোণার জমিদার রঘুনাথ সিংহ, শোভাসিংহের সহিত মিলিত থাকায়, কীর্ত্তিচন্দ্র উভয়কে যুদ্ধে পরাভূত করিয়া গোলাপের স্তুবিখ্যাত তরবারি এবং রঘুনাথের রাজ্য অধিকার করেন । রাজা বাহাদুর জুগলী জেলার অন্তর্গত বেলঘরিয়া ও ভূরগুট প্রভৃতির জমিদারগণকে যুদ্ধে পরাস্ত করিয়া তাঁহাদের ভূসম্পত্তি স্বীয় রাজ্যভুক্ত করিয়াছিলেন । তিনি জুগলী-তারকেশ্বরের সন্নিকট রামনগর গ্রামের রাজা রঘুনাথ সিংহের বালিগড় পরগণার রাজপুত্র রাজ্য অধিকারভুক্ত করেন । তাঁহার সময়ে ঘনরাম চক্রবর্তী ধর্ম্মমঙ্গল নামক গ্রন্থ প্রণয়ন করিয়াছিলেন । ১৭৪০ খৃঃ রাজা কীর্ত্তিচন্দ্র রায় পরলোকগত হইয়াছেন ।

৩ চিত্রসেন রায় ।

অতঃপর কীর্ত্তিচন্দ্রের পরলোকান্তে ১৭৪০ খৃঃ তাঁহার একমাত্র পুত্র কুমার চিত্রসেন রায় বর্দ্ধমান রাজ সিংহাসনে অধিরোহণ করেন । তিনি স্বীয় বাহুবলে আর্শা পরগণা, মণ্ডলঘাট পরগণা, চন্দ্রকোণা পরগণা প্রভৃতি কতকগুলি জমিদারী অধিকার করিয়াছিলেন । তিনি দিল্লীর সম্রাট মহম্মদ সাহের নিকট হইতে প্রথমতঃ “মহারাজা” উপাধি প্রাপ্ত হইয়াছিলেন । ১৭৪৪ খৃঃ মহারাজ চিত্র সেন রায় ইহসংসার পরিত্যাগ করিয়াছেন । মহারাজের সম্ভানাদি না হওয়ায় তিনি তদীয় খুল্লতাত মিত্রসেন রায়ের পুত্র তিলকচন্দ্র রায়কে পোষ্যপুত্র গ্রহণ করিয়া যান ।

৬ তিলকচন্দ্র রায় ।

মহারাজ চিত্রসেনের মৃত্যুর পর ১৭৪৪খৃঃ তাঁহার পোষ্যপুত্র তিলক চন্দ্র রায় রাজ্যাভিষিক্ত হন। তৎকালে তিনি অপ্রাপ্ত বয়স্ক থাকায় তাঁহার জননী মহারাণী অভিভাবিকাস্বরূপ রাজ্য পরিচালনা করিতেন। এই সময় বর্গীর হাঙ্গামায় আশঙ্কিত হইয়া মহারাণী মূলাঘোড়ের সন্নিকট কাউগাছি নামক গ্রামে পুত্রসহ আসিয়া অবস্থিতি করেন। সেই রাজ-ভবনে তিলকচন্দ্রের বিবাহ হইয়াছিল। ফরাসডাঙ্গার তৎকালীন দেওয়ান ইন্দ্রনারায়ণ চৌধুরী পরিণয় উপলক্ষে অধ্যক্ষতা করেন এবং ফরাসডাঙ্গা হইতে পাঁচশত ফোজ আসিয়া তৎকালে কাউগাছির শান্তিরক্ষা করিয়াছিল। মহারাজের জননী মহারাণী, বাণীব বরপুত্র নবদ্বীপাধিপতি মহারাজ কৃষ্ণচন্দ্র রায় বাহাদুরের নিকট হইতে তাঁহার কন্মচারী রামদেব নাগের নামে মূলাঘোড় গ্রাম পত্তনী গ্রহণ করেন। বর্গীর হাঙ্গামার অবসান হইলে জননীসহ মহারাজ তিলকচন্দ্র বর্দ্ধমানে প্রত্যাগমন করিয়াছিলেন। মহারাজ অতিশয় রাজভক্ত ছিলেন। তিনি দিল্লীস্থর মহম্মদ সাহের বিশেষ অনুগ্রহ লাভ করেন। ১৭৪৬ খৃঃ সম্রাট তাঁহাকে “রাজা” উপাধি প্রদান করেন। তৎপরে ১৭৪৭ খৃঃ “রাজা বাহাদুর” উপাধি এবং চারিসহস্র অশ্বরোহী ও দুই সহস্র পদাতিক সৈন্তের অধিনায়কত্ব প্রদান করেন। ১৭৪৮ খৃঃ তিনি প্রথমতঃ “মহারাজাধিরাজ বাহাদুর” উপাধি এবং পঞ্চহাজারী পদবী অর্থাৎ পাঁচ সহস্র অশ্বরোহী ও তিন সহস্র পদাতিক সৈন্যের অধিনায়কত্ব এবং কামান, বন্দুক, ব্যাণ্ড্ ইত্যাদি রাখিবার অধিকার প্রাপ্ত হইয়াছিলেন। ১৭৫৭ খৃঃ বাঙ্গালার রাজলক্ষ্মী লইয়া যখন বঙ্গের শেষ স্বাধীন নবাব সিরাজদ্দৌলা এবং ইংরাজের মধ্যে সংঘর্ষ উপস্থিত হয়, তৎকালে মহারাজ তিলকচন্দ্র রায় ইংরাজদিগকে অশ্ব দিয়া প্রভূত উপকার

করেন । অতঃপর ১৭৬০ খৃঃ ইষ্ট ইণ্ডিয়া কোম্পানী মহারাজ তিলক-চন্দ্র ও তদীয় দেওয়ান এবং অন্যান্য প্রধান কর্মচারীদিগকে ১৭,৫২৫ টাকা মূল্যের খেলাত দিয়াছিলেন । মহারাজাধিরাজ বাহাদুর একজন দেব-দ্বিজ-ভক্ত নরপতি ছিলেন । কথিত আছে যে, তাঁহার সময়ে দেবোত্তর ও ব্রহ্মত্তর প্রায় পাঁচলক্ষ বিঘা ভূমি দান করা হইয়াছিল । ১৭৭১ খৃঃ মহারাজাধিরাজ তিলকচন্দ্র রায় বাহাদুর স্বর্গারোহণ করিয়াছেন । তিনি মৃত্যুকালে একমাত্র নাবালক পুত্র তেজচন্দ্র রায়কে রাখিয়া যান ।

৮ তেজচন্দ্র রায় ।

তিলকচন্দ্রের পরলোকান্তে ১৭৭১ খৃঃ তাঁহার পুত্র তেজচন্দ্ররায় বর্দ্ধমানের অধীশ্বর হন । তিনি পিতার মৃত্যুকালে মাত্র ষষ্ঠ বৎসর বয়স্ক ছিলেন । তাঁহার জননী মহারাণী বিষণকুমারী মহারাজকুমারের নাবালক সময়ে রাজকার্য্য পর্য্যবেক্ষণ করিতেন ; কিন্তু তাঁহার বিস্তৃত জমিদারীর কার্য্য সুচারুরূপে সম্পাদিত না হওয়ায় ৮৭৪,৭২৭ টাকা গবর্ণমেন্টের রাজস্ব বাকী পড়িয়াছিল । এই রাজস্ব না দিলে জমিদারী নীলামে বিক্রয় হইত, তজ্জন্ত ওয়ারেন্ হেস্টিংস সাহেব ঐ টাকা কর্জ দিবার জন্ত কলিকাতা-শোভাবাজার রাজবংশের প্রতিষ্ঠাতা মহারাজ নবকৃষ্ণ দেব বাহাদুরকে অনুরোধ করেন । ১৭৮০ খৃঃ জুলাই মাসে নবকৃষ্ণ দেব বাহাদুর নাবালক মহারাজকুমার বাহাদুরের অছি এবং তাঁহার জমিদারীর তত্ত্বাবধায়কের পদে নিযুক্ত হন । সেই সময়ে অপ্রাপ্ত ব্যবহার তেজচন্দ্র, নবকৃষ্ণের শোভাবাজারের রাজভবনে তিন বৎসর অবস্থিতি করেন । ১৭৮০ খৃঃ তিনি স্বহস্তে রাজ্যভার গ্রহণ করিলে সম্রাট সাহ আলম কর্তৃক উপাধি ও সনন্দ প্রাপ্ত হন । রাজবাটীর

দেওয়ান ব্রজকিশোর রায়ের মৃত্যু হইলে তাঁহার পুত্র রঘুনাথ রায় রাজসরকারের দেওয়ান পদে নিযুক্ত হন। চুপীর রায়বংশ দীর্ঘকাল এই রাজসরকারে দেওয়ানের কার্য্য করিয়াছিলেন। সাবালক হইয়া তেজচন্দ্র অত্যন্ত বিলাসী হন। তৎকালীন গবর্ণর জেনারেল লর্ড কর্ণওয়ালিসের আদেশে ১৭৮৯ খৃঃ দয়ালচাঁদ নামক একব্যক্তি বর্দ্ধমান হইতে নির্বাসিত হন। কোম্পানীর সন্দেহ হইয়াছিল, এই দয়ালচাঁদের কুপরামর্শে বর্দ্ধমানরাজ বিপথে পরিচালিত হইতেছিলেন। তৎকালে গবর্ণমেন্টের অনেক টাকা রাজস্ব বাকী হওয়ায়, রেভিনিউ বোর্ড বিস্তৃত জমিদারী অংশ করিয়া বিক্রয় করেন। সেই সময় হুগলী জেলার অন্তর্গত সিন্ধুবের দারকানাথ সিংহ, ভাস্তাড়ার ছকুরাম সিংহ, জনায়ের রামজয় মুখোপাধ্যায়, তে লনৌপাড়ার গৌরীকান্ত বন্দোপাধ্যায় এবং অগ্রাত্ত সকলে ক্রয় করিয়াছিলেন। পূর্বাবধি বর্দ্ধমান জেলা ও বর্দ্ধমানরাজের শাসনকার্য্য মহারাজ অথবা তাঁহার প্রতিনিধি দ্বারা নির্বাহিত হইত; কিন্তু এই সময় হইতে সমুদয় সম্পত্তি বৃটীশ গবর্ণমেন্টের ১৭৯৩ খৃঃ ১ আইন চিরস্থায়ী বন্দোবস্তের অধীন হয়। সেই সময়ে মহারাজ তেজচন্দ্র বাহাদুর গবর্ণমেন্টের সহিত একটি চুক্তিপত্র করেন, তাহাতে মহারাজকে বাৎসরিক ৪০,১৫,১০৯ টাকা রাজস্ব এবং ১,৯২,৭২১ টাকা বাঁধ মেরামত জন্ত গবর্ণমেন্টকে দিবার স্থির হইয়াছিল। মহারাজ অতিশয় দানশীল ছিলেন। ১৮০৯ খৃঃ তিনি কমলাকান্ত ভট্টাচার্য্যকে অগ্রতম সভাসদ নিযুক্ত করেন। তৎপরে তাঁহাকে গুরুপদে মনোনীত করিয়াছিলেন। বর্দ্ধমানের সমীপবর্ত্তী কোটালহাট গ্রামে মহারাজ গুরুদেবের বসতবাটি নির্মাণ করাইয়া দিয়াছিলেন। যে রাস্তাটি মেদিনীপুর হইতে বহির্গত হইয়া আন্নাবাগ, বর্দ্ধমান ও কাটোয়া ঘুরিয়া বহরমপুর গিয়াছে, সেই রাস্তাটি মহারাজ বাহাদুর নির্মিত করাইয়াছিলেন। ১৮২৯ খৃঃ তিনি হুগলী জেলার অন্তর্গত মগুরার

নিকট কুস্তিনালায় একটি সেতু নির্মাণার্থ ৩৬,০০০ টাকা প্রদান করেন এবং বর্দ্ধমানের অনেক উন্নতি করিয়াছিলেন। মহারাজের “নানকু বিবি” নামে এক স্ত্রী ছিল; তাঁহার পুত্র প্রতাপচন্দ্র রায় জীবিত সত্ত্বেও মহারাজ চল্লিশ বৎসর বয়সে বর্দ্ধমান-নিবাসী কাশীনাথ রায়ের কন্যা কমলকুমারী নামে এক বালিকাকে বিবাহ করেন। তাঁহার মৃত্যুর পর মহারাজ বৃদ্ধবয়সে বাস্তুকুমারীকে পুনরায় পত্নীরূপে গ্রহণ করিয়াছিলেন। মহারাজের একমাত্র পুত্র প্রতাপচন্দ্র রায় (১৭৯১-১৮২২) পিতার জীবিত কালে কিয়দ্দিবস প্রতিনিধিত্ব করিয়া অকালে গতাস্থ হন। প্রতাপচন্দ্র যে পত্নী প্রথার উদ্ভাবন করেন, তাহাই পত্নী আইন অর্থাৎ ১৮১৯ খৃঃ ৮ আইনরূপে বিধিবদ্ধ হইয়াছে। মহারাজের মৃত্যুর পর, এই প্রতাপ চন্দ্র হইতেই এক জাল প্রতাপচন্দ্রের আবির্ভাব হয়; কিন্তু উহা গবর্ণমেন্ট অগ্রাহ করেন। অনন্তর ১৮২৬ খৃঃ মহারাজ তেজচন্দ্র বাহাদুর, মহাতাব চাঁদকে পোষ্যপুত্র গ্রহণ করিয়াছিলেন। অতঃপর ১৮৩২ খৃঃ মহারাজাধিরাজ তেজচন্দ্র রায় বাহাদুর ভবলীলা সম্বরণ করিয়াছেন।

৩ মহাতাব চাঁদ ।

মহারাজের দেহান্তর হইলে তাঁহার পোষ্যপুত্র মহাতাব চাঁদ বাহাদুর ১৮৩২ খৃঃ বর্দ্ধমানের অধীশ্বর হন। তিনি অপ্রাপ্ত বয়স্ক থাকায় মহারাজ-মহিষী কমলকুমারী তৎকালীন দেওয়ান প্রাণকৃষ্ণ কপূরের সাহায্যে রাজকার্য্য পরিচালনা করিতেন। ১৮৪০ খৃঃ কুমার মহাতাবচাঁদ ত্রয়োবিংশতি বৎসর বয়সে রাজ্যাভিষিক্ত হন। ভারতের গবর্ণর জেনারেল লর্ড উইলিয়ম বেন্টিনক বাহাদুর ১৮৪০ খৃঃ ৯ই এপ্রেল লাটভবনে একটি বৃহৎ দরবার করিয়া তাঁহাকে “মহারাজাধিরাজ” উপাধি সনন্দ প্রদান করেন। ১৮৫৫খৃঃ সাঁওতাল বিদ্রোহে এবং

১৮৫৭ খৃঃ সিপাহী বিদ্রোহের সময় তিনি ব্রিটিশরাজকে যথেষ্ট সাহায্য করিয়াছিলেন। ১৮৬৪ খৃঃ হইতে তিন বৎসর মহারাজ ভারতীয় ব্যবস্থাপক সভার অতিরিক্ত সভ্য নিযুক্ত ছিলেন। সমগ্র বঙ্গদেশের মধ্যে তিনি প্রথম এই সম্মান প্রাপ্ত হন। ১৮৬৯ খৃঃ মহারাজ এবং তাঁহার বংশধরগণ অধারোহী অস্ত্রধারী শান্তিরক্ষক রাখিবার অধিকার লাভ করেন। ১৮৭০ খৃঃ মহারাণী ভিক্টোরীয়ার অগ্রতম পুত্র ডিউক আব এডিনবার্গ যখন ভারতবর্ষে আগমন করেন, তখন তিনি বর্ধমান রাজপ্রাসাদে গুভাগমন পূর্বক মহারাজকে গৌরবান্বিত করিয়াছিলেন। ১৮৭৭ খৃঃ ১ লা জানুয়ারী দিল্লীর দরবারে ইংলণ্ডেশ্বরী রাজ্ঞী ভিক্টোরীয়া “ভারত রাজরাজেশ্বরী” বলিয়া ঘোষিতা হন। বর্ধমানাধিপতি সেই রাজস্বয় যজ্ঞে গবর্ণমেন্টের নিকট হইতে বিশেষ অনুগ্রহ লাভ করেন। মহারাজের নামের পূর্বে “হিজ্ হাইনেস্” ব্যবহার এবং ১৩টী তোপ সম্মানের অধিকার প্রদত্ত হয়। তিনি ভিন্ন বঙ্গদেশের জমিদার শ্রেণীর মধ্যে কেহই এই সম্মান লাভ করেন নাই। সেই সময় তিনি মহারাণী ভিক্টোরীয়ার একটি ধ্বংসপ্রসূ মূর্তি জনসাধারণকে উপহার প্রদান করেন। তৎকালীন রাজপ্রতিনিধি লর্ড লিটন বাহাদুর সেই মূর্তিটী উন্মোচন করিয়া মহাসমারোহে কলিকাতার বাজারে স্থাপন করেন। অদ্যাপি ইহা তথায় বিদ্যমান রহিয়াছে। মহারাজ বাহাদুর বিদ্যাসাগর মহাশয়কে যথেষ্ট ভক্তিশ্রদ্ধা করিতেন। তিনি বিধবা-বিবাহ বিষয়ে বিদ্যাসাগর মহাশয়ের প্রধান পৃষ্ঠপোষক ছিলেন। বিধবা বিবাহের আইন জ্ঞাত যে আবেদন করা হয় তাহাতে বর্ধমান-রাজের স্বাক্ষর ছিল। মহারাজ হরিবংশ, রামায়ণ, বহুবিধ পারস্য গ্রন্থ ও প্রধান প্রধান হিন্দুশাস্ত্র বঙ্গানুবাদ করাইয়া এবং নানাবিধ সঙ্গীত পুস্তক প্রকাশ করিয়া বিনামূল্যে বিতরণ করেন। প্রভূত ব্যয়ে সংস্কৃত মহাভারতের বঙ্গানুবাদ প্রকাশ মহারাজের অক্ষয় কীর্তি। ১৮৫৮ খৃঃ

হইতে ১৮৮৪ খৃঃ পর্য্যন্ত এই শুভকার্য্য সম্পন্ন হয়। প্রথিতনামা বহু পণ্ডিত অনুবাদ কার্য্যে নিযুক্ত ছিলেন ; কিন্তু এই বিরাট সদনুষ্ঠানের পরিসমাপ্তি মহারাজ স্বচক্ষে দেখিয়া যাইতে পারেন নাই। তাঁহার লোকান্তর হইবার পর মহারাজ আফতাব চাঁদ বাহাদুর, মহাতাব চাঁদের আদেশে সুপ্রসিদ্ধ রাজমন্ত্রী রাজা শ্রীযুক্ত লাল বনবিহারী কপূর মহোদয়ের সাহায্যে এই মহৎ কার্য্য পরিসমাপ্তি করেন। মহারাজের কীর্ত্তিপুঞ্জের মধ্যে ইংরাজী বিদ্যালয়, বালিকা বিদ্যালয়, মাদ্রাসা, দাতব্য ঔষধালয়, দেওয়ানী থান, গোলাপ বাগ, দেলখোব, মহাতাব মঞ্জিল, মতিঝিল প্রভৃতি প্রধান। মহারাজের পুত্র সন্তান না থাকায়, তিনি আফতাব চাঁদকে পোষ্যপুত্র গ্রহণ করেন। ১৮৭৯ খৃঃ ২৬শে অক্টোবর হিস্ হাইনেস্ মহারাজাধিরাজ মহাতাবচাঁদ বাহাদুর ভাগলপুরে কলেবর পরিত্যাগ করিয়াছেন।

৮ আফতাব চাঁদ ।

মহাতাব চাঁদের মৃত্যুর পর ১৮৭৯ খৃঃ তাঁহার পোষ্যপুত্র আফতাব চাঁদ বাহাদুর ঊনবিংশ বৎসর বয়ঃক্রম কালে রাজ্যাধিকার লাভ করেন। মহারাজকুমার সাবালক না হওয়া পর্য্যন্ত রাজসরকারের দেওয়ান শ্রীযুক্ত বনবিহারী কপূর মহোদয় রাজকার্য্য পরিচালনা করিতেন। ১৮৮১ খৃঃ তিনি সাবালক হইলে গবর্ণমেন্টের নিকট হইতে খেলাতসহ রাজসনন্দ প্রাপ্ত হন। তিনি তদীয় পিতৃদেবের কীর্ত্তি মহাভারত সম্পূর্ণ মুদ্রিত এবং উহা সাধারণে বিতরণ করিয়া গিয়াছেন। তাঁহার সময়ে বর্দ্ধমান রাজকলেজ, সাধারণ পাঠাগার, ছাত্রাশ্রম, অন্নসত্র ও বহু সংখ্যক দেবালয় প্রতিষ্ঠিত হয়। মহারাজ অল্প দিন রাজ্যভোগ করিয়া ১৮৮৫ খৃঃ ষড়বিংশ বৎসর মাত্র বয়ঃক্রম কালে কালের কবলে পতিত

হন। মৃত্যুকালে তিনি বিধবা পত্নী মহারানী অধিরানী বিনোদেন্দ্রীকে পোষ্যপুত্র গ্রহণের ক্ষমতা দিয়া যান। মহারাজ আক্‌তাব চাঁদের মৃত্যুর পর পোষ্য পুত্র নির্বাচন লইয়া বর্ধমান রাজ্যভবনে এক বিষম গোলযোগ উপস্থিত হয়, কিন্তু সৌভাগ্যক্রমে অল্পকাল মধ্যে উহা মিটিয়া যায়। মহারানী অধিরানী ১৮৮৭ খৃঃ ৩১শে জুলাই রাজা শ্রীযুক্ত লাল। বনবিহারী কপুর “সি-এস-আই” মহোদয়ের পুত্র শ্রীযুক্ত বিজয়চাঁদ মহাতাব বাহাদুরকে পোষ্যপুত্র গ্রহণ করেন এবং রাজা বনবিহারী কপুর মহোদয় ইহঁার অভিভাবক নিযুক্ত হইয়াছিলেন।

বিজয়চাঁদ মহাতাব।

বর্ধমানের বর্তমান মহারাজাধিরাজ মাননীয় স্যার শ্রীযুক্ত বিজয়চাঁদ মহাতাব বাহাদুর ১৮৮১ খৃঃ ১৯শে অক্টোবর জন্মগ্রহণ করিয়াছেন। অতি শৈশবকালে মাতৃবিয়োগ হওয়ায় পিতৃদেব একজন বহুদর্শী ইংরাজ শিক্ষয়িত্রীর হস্তে ইহঁার শৈশবকালীন শিক্ষাভার হস্ত করেন। তৎপরে সুপ্রসিদ্ধ অধ্যাপক রামনারায়ণ দত্ত শিক্ষক নিযুক্ত হন। মহারাজ সুশিক্ষিত ও শিক্ষানুষ্ঠানী বলিয়া সুপরিচিত। ইনি ইংরাজী ভাষায় ব্যুৎপন্ন, সংস্কৃত ভাষাভিজ্ঞ ও বাঙ্গালা ভাষার একজন সুলেখক। “ভারতবর্ষ” নামক মাসিক পত্রিকায় “আমার ভ্রমণ” নামে বিলাত প্রবাসের প্রসঙ্গ প্রকাশিত করেন। ইনি উৎকৃষ্ট ওস্তাদের নিকট সঙ্গীত শিক্ষা করিয়াছেন। মহারাজ ইংরাজীভাষায় ষ্ট্যাডিস্ নামে একখানি গ্রন্থ এবং “বিজয়-গীতিকা” নামক দুইখণ্ড সঙ্গীত পুস্তক প্রণয়ন করিয়াছেন। এতদ্বিধি কমলাকান্ত, মানসলীলা, পঞ্চদশী প্রভৃতি কয়েকখানি গ্রন্থ রচনা করিয়াছেন। ১৮৮৭ খৃঃ ৩১শে জুলাই মহারাজ আক্‌তাবচাঁদ বাহাদুরের পত্নী বিজয়চাঁদকে পোষ্যপুত্র গ্রহণ করেন। ১৮৮৫ খৃঃ মহারাজ

আফ্তাবচাঁদের মৃত্যুর পর হইতে ১৮৮৮ খৃঃ পর্য্যন্ত ইহঁার পিতৃদেব কোর্ট অব ওয়ার্ডসের অধীনে বর্দ্ধমান রাজ সরকারের জয়েন্ট ম্যানেজার নিযুক্ত ছিলেন ; তৎপরে ১৮৯১ খৃঃ তিনি প্রধান ম্যানেজার পদে উন্নীত হন । ১৮৮৮ খৃঃ মহারানী বিনোদেয়ী পরলোকগমন করিলে, মহারাজ বাহাদুর চিরন্তর প্রথাগুসারে ১৮৯১ খৃঃ বর্দ্ধমান জেলার অন্তর্গত কালনায় মহারাজ আফ্তাবচাঁদ ও মহারানীর সমাজ প্রতিষ্ঠা করিয়া দিয়াছেন । ১৮৯০ খৃঃ ভারতেশ্বরী ভিক্টোরীয়ার পৌত্র স্বর্গীয় আলবার্ট ভিক্টর যখন কলিকাতায় আগমন করেন, তৎকালে তাঁহার সহিত সাক্ষাৎ করিবার জন্ত মহারাজ বাহাদুরের নিমন্ত্রণ হয় ; সেই সময় ইহঁার পিতৃদেব মহারাজকে সঙ্গে লইয়া কলিকাতায় প্রিন্স্ আলবার্ট ভিক্টরের সহিত সাক্ষাৎ করেন । ১৮৯৭ খৃঃ ভারতেশ্বরী ভিক্টোরীয়ার “হীরক জুবিলী” মহোৎসব উপলক্ষে ভারতগবর্ণমেন্ট মহারাজকে ৬০০ বন্দুকধারী সৈন্য এবং ৪২টি কামান রাখিবার অনুমতি প্রদান করিয়াছেন । সমগ্র বঙ্গদেশের মধ্যে আর কোন জমিদার এরূপ সম্মান প্রাপ্ত হন নাই । ১৮৯৮ খৃঃ লাহোর-নিবাসী ঝাণ্ডামল মেহেরার কনিষ্ঠা কন্যা শ্রীমতী রাধারানীর সহিত মহারাজের শুভ পরিণয় সুসম্পন্ন হইয়াছে । ১৮৯৯খৃঃ মহারাজ কলিকাতা বিশ্ববিদ্যালয়ের প্রবেশিকা পরীক্ষায় উত্তীর্ণ হন ; পরীক্ষাকালে ইহঁার জন্ত সতন্ত্র পরীক্ষাগৃহ ও গার্ড নির্দ্ধারিত হইয়াছিল । ১৯০০ খৃঃ ভারতগবর্ণমেন্ট মহারাজকে লাট সাহেবের সহিত ইচ্ছামত সাক্ষাৎ করিবার অধিকার দিয়াছেন । মহারাজ অপ্রাপ্ত বয়স্ক থাকায় ইহঁার জমিদারী কোর্ট অব্ ওয়ার্ডসের অধীনে পিতার তত্ত্বাবধানে ছিল ; সপ্তদশ বৎসরের অধিককাল কর্তৃত্বের পর ১৯০২ খৃঃ ইনি সাবালক হইয়া স্বীয় সম্পত্তি প্রাপ্ত হইয়াছেন । ১৯০৩ খৃঃ ১লা জানুয়ারী দিল্লীর দরবারে বিজয়চাঁদ “মহারাজাধিরাজ বাহাদুর” উপাধি সনন্দ প্রাপ্ত হন ; উক্ত বৎসর ১০ই ফেব্রুয়ারী মহারাজাধিরাজের অভিষেক ক্রিয়া উপলক্ষে

তদানীন্তন অর্ধ বঙ্গেশ্বর বোর্ডিলিয়ন বাহাদুর বর্দ্ধমান গিয়া ইহাঁকে রাজ্যাভিষিক্ত করেন। মহারাজ স্বীয় অভিষেক উপলক্ষে তৎকালে শিক্ষার উন্নতিকল্পে ও পূর্তকার্য্যে ১,০৭০০০\ হাজার টাকা, প্রজাপুঞ্জের খাজনা মকুব হিসাবে ৫০,০০০ হাজার টাকা, বর্দ্ধমান সহরে পয়ঃপ্রণালী সংস্কার জন্ত ৪০,০০০\ টাকা, দুর্ভিক্ষ ভাণ্ডারে ৪০,০০০\ হাজার টাকা এবং খুচরা দানের জন্ত ৭,০০০\ হাজার টাকা ব্যয় করেন। বর্দ্ধমান ভারত সম্রাট্ পঞ্চম জর্জ মহোদয় পত্নীসহ যখন স্বব্রাজ্যরূপে ভারতে গুভাগমন করেন, তৎকালে তাঁহাদিগকে অভ্যর্থনা করিবার জন্ত ১৯০৬ খৃঃ ২রা জানুয়ারী কলিকাতার ভিক্টোরীয়া স্মৃতি সৌধের সন্নিকট ময়দানে একটি বিরাট রাজসভা হইয়াছিল; তাহাতে চারিটা রৌপ্যমণ্ডিত বৃহৎ স্তম্ভ হয় এবং সেই চারিটা স্তম্ভে ভারতের চারিজন নরপতি ছিলেন—মহারাজাধিরাজ স্যার বিজয়চাঁদ মহাতাব বাহাদুর, মহারাজ স্যার যতীন্দ্রমোহন ঠাকুর বাহাদুর, মহারাজ স্যার রাবেন্দ্র প্রসাদ সিংহ বাহাদুর এবং নবাব স্যার খোজা সলিমুল্লা বাহাদুর। ১৯০৬খৃঃ ১৭ই এপ্রেল প্রাইভেট সেক্রেটারী শ্রীযুক্ত পঞ্চানন চট্টোপাধ্যায় এবং স্বীয় চিকিৎসক শ্রীযুক্ত শশিভূষণ মুখোপাধ্যায়কে সমভিবাহারে লইয়া মহারাজ বাহাদুর প্রথম বিলাত যাত্রা করেন। তৎকালে লোকান্তরিত ভারত সম্রাট্ সপ্তম এডওয়ার্ডের সহিত সাক্ষাৎ করিয়াছিলেন। সেই সময়ে মহারাজ ইউরোপের বহু জনপদ পরিভ্রমণ পূর্ব্বক প্রায় আট মাসকাল ইউরোপে অতিবাহিত করিয়াছিলেন। মহারাজের রচিত ভ্রমণ-কাহিনী সম্প্রতি পুস্তকাকারে প্রকাশিত হইয়াছে। ১৯০৮ খৃঃ মহারাজ বঙ্গীয় ব্যবস্থাপক সভার অগ্রতম সভ্য মনোনীত হন। ১৯০৮ খৃঃ ২৬শে জুন স্বর্গীয় ভারত সম্রাট্ সপ্তম এডওয়ার্ডের জন্মতিথি উপলক্ষে ইহাঁর “মহারাজাধিরাজ বাহাদুর” উপাধি বংশগত বলিয়া নির্দ্ধারিত হইয়াছে। ১৯০৮ খৃঃ ৭ই নবেম্বর

ইনি বঙ্গের ভূতপূর্ব ছোট লাট স্যার এণ্ড্রু ফ্রেজার বাহাদুরকে জনৈক আততায়ীর গুলির আঘাত হইতে রক্ষা করেন। ১৯০৯ খৃঃ ১লা জানুয়ারী ইংরাজী নববর্ষ উপলক্ষে মহারাজ “কে-সি-আই-ই” উপাধি ও তৃতীয় শ্রেণীর সম্মানপদক পুরস্কার লাভ করিয়াছেন। কলিকাতার ভূতপূর্ব সেরিফ মহারাজ স্থার শ্রীযুক্ত প্রদ্যোৎ কুমার ঠাকুর বাহাদুরের উদ্যোগে ভারতের ভূতপূর্ব প্রধান সেনাপতি লর্ড কিচনার বাহাদুরের যে স্মৃতি ভাণ্ডার হয়, তাহাতে মহারাজাধিরাজ বাহাদুর ৭০০০ টাকা চাঁদা দান করেন। ১৯১০ খৃঃ বঙ্গীয় জমিদাবগণ কর্তৃক মহারাজ ভারতীয় ব্যবস্থাপক সভার সদস্য নির্বাচিত হন। দিল্লীস্থর সম্রাট্ জাহাঙ্গীর এবং তাঁহার প্রিয়তমা বেগম নুরজাহানের লাহোরের সমাধির পুনঃ সংস্কার কার্যে মহারাজ ৫০০০০ সহস্র টাকা সাহায্য করেন। ১৯১০ খৃঃ ইনি স্বর্গীয় ভারতেশ্বর সপ্তম এডওয়ার্ডের স্মৃতি ভাণ্ডারে ২৫,০০০ হাজার টাকা দান করিয়াছেন। ভূতপূর্ব স্বর্গীয় বড়লাট লর্ড মিণ্টো বাহাদুরের একটি প্রস্তরময়ী মূর্তি স্থাপন জন্য কলিকাতায় যে স্মৃতি ভাণ্ডার প্রতিষ্ঠিত হয়, ১৯১০ খৃঃ তাহাতে বর্দ্ধমানাধিপতি ৩০০০ টাকা দান করিয়াছেন। ১৯১১ খৃঃ বঙ্গদেশের জমিদার সম্প্রদায়ের পক্ষ হইতে মহারাজ ভারতীয় ব্যবস্থাপক সভার সভ্য নিযুক্ত হন। ১৯১১ খৃঃ কলিকাতা সহরে ভারত সম্রাট পঞ্চম জর্জ মহোদয়ের অভ্যর্থনা আয়োজনকালে চাঁদায় যে অর্থ সংগ্রহ হয়, তাহাতে বর্দ্ধমানের মহারাজাধিরাজ বাহাদুর ১০,০০০ সহস্র টাকা দান করেন। ১৯১১ খৃঃ ১২ই ডিসেম্বর দিল্লীর বিরাট অভিব্যেক দরবারে বর্দ্ধমানাধিপতি “কে-সি-এস-আই” উপাধি সম্মানে ভূষিত হইয়াছেন। ১৯১২ খৃঃ ২রা ফেব্রুয়ারী মহারাজ বাহাদুর কলিকাতা আলিপুরের “বিজয় মঞ্জিল” প্রাসাদে একটি উদ্যান সম্মিলনের আয়োজন করিয়া বঙ্গের ভূতপূর্ব ছোটলাট মাননীয় ডিউক বাহাদুর ও তৎপত্নীকে

অভ্যর্থনা করিয়াছিলেন। ১৯১২ খৃঃ বর্ধমানের অধীশ্বর বাহাদুর ত্রিটীশ ইণ্ডিয়ান এসোসিয়েসন সভার সভাপতি নির্বাচিত হইয়াছেন। ১৯১২ খৃঃ কলিকাতার সাহিত্য সভার গ্রন্থ প্রচার ভাণ্ডারে মাননীয় মহারাজ ৫০০ টাকা দান করিয়াছেন। ১৯১২ খৃঃ ইনি প্রস্তাবিত হিন্দু বিশ্ববিদ্যালয়ের জন্য ২০০০ টাকা চাঁদা দিতে প্রতিশ্রুত হইয়াছেন। বর্ধমানের সুবিজ্ঞ চিকিৎসক স্বর্গীয় গঙ্গানারায়ণ মিত্রের স্মৃতি ভাণ্ডারে মহারাজ ১০১ টাকা দান করিয়াছেন। ১৯১২ খৃঃ বঙ্গের জনপ্রিয় প্রথম গবর্ণর লর্ড কারমাইকেল বাহাদুর পত্নীসহ বর্ধমান গমন করেন; তৎকালে লেডী কারমাইকেল বর্ধমানের ফ্রেজার হাঁসপাতালের অংশস্বরূপ একটি রোগিনী চিকিৎসা প্রকোষ্ঠের ভিত্তি স্থাপন করেন, তাহাতে বর্ধমানাধিপতি ১০,০০০ টাকা দান করিয়াছেন। ১৯১২ খৃঃ ৩০শে ডিসেম্বর ইনি সহকারী ভারত সচিব মণ্টেগু মহোদয়কে এক সাক্ষ্য সমিতিতে সংবর্দ্ধিত করিয়াছিলেন। ১৯১৩ খৃঃ বর্ধমান বিভাগের জমিদার শ্রেণীর পক্ষ হইতে মহারাজ বাহাদুর বঙ্গীয় ব্যবস্থাপক সভার সভ্য নির্বাচিত হন। ১৯১৩ খৃঃ এপ্রেল মাসে কলিকাতার করিন্থিন্ রঙ্গমঞ্চে রামকৃষ্ণ অনাথ ভাণ্ডারের অষ্টম বার্ষিক সভাধিশনে মহারাজাধিরাজ বাহাদুর সভাপতির আসন গ্রহণ করেন। ১৯১৩ খৃঃ বঙ্গদেশে পাবলিক সার্ভিস কমিশনের তদন্তকালে ইনি বে-সরকারী সভ্য নির্বাচিত হইয়া সাক্ষ্য দিয়াছিলেন। পিতৃমাতৃহীন বালক বালিকা ও নিরাশ্রয় বিধবা স্ত্রীলোকদিগের বাসের জন্ত কতৃপক্ষ একটি গৃহ নিৰ্ম্মাণকল্পে সাহায্য সংগ্রহে যত্নবান হইলে মহারাজ উহার সাহায্যার্থে ২,০০০ টাকা দান করিতে অঙ্গীকার করেন। মহারাজ বাহাদুর বর্ধমান জেলার অন্তর্গত সাদিপুর গ্রাম অঞ্চলে শীকারে গমন কালীন সাদিপুরের মাইনার স্কুলের উন্নতি কল্পে ১০০ টাকা দান করেন। ১৯১৩ খৃঃ আগষ্ট মাসে বর্ধমান বিভাগের ভীষণ বন্যাপীড়িত ব্যক্তি-

গণের সাহায্যার্থে বর্দ্ধমানাধিপতি ১২,৫০০ টাকা দান করেন। ১৯১৩ খৃঃ কলিকাতার টাউনহলের সভায় দক্ষিণ আফ্রিকার নিপৌড়িত ব্যক্তিগণের সাহায্যার্থে মহারাজাধিরাজ বাহাদুর ৩,০০০ টাকা প্রদান করিয়াছেন। ১৯১৪ খৃঃ জানুয়ারী মাসে বর্দ্ধমানে অধীশ্বর বাহাদুর হিন্দু-বিবাহ সংস্কার সমিতির সহদেপ্তারী প্রকাশ করিয়া ৫০০ টাকা দান করেন। ১৯১৪ খৃঃ মার্চ মাসে ইনি বঙ্গীয় সাহিত্য পরিষদের স্থায়ী ভাণ্ডারে ৫,০০০ টাকা প্রদান করিয়াছেন। ১৯১৫ খৃঃ এপ্রেল মাসে মহারাজ বাহাদুরের উদ্যোগে বর্দ্ধমান সহরে বঙ্গীয় সাহিত্য সম্মিলনের অষ্টম অধিবেশন হয়; তৎকালে ইনি অভ্যর্থনা সমিতির সভাপতি পদে নিযুক্ত হইয়া সমাগত সাহিত্যসেবিগণকে যথোচিত অভ্যর্থনা করিয়াছিলেন। ১৯১৫ খৃঃ মহারাজ বাহাদুর আগ্রার সন্নিকট সেকেন্দরা নামক স্থানেব মোগলকুলতিলক সম্রাট্ আকবর সাহের সমাধি ঢাকিয়া রাখিবার জন্ত একখানি মূল্যবান আন্তরণ এবং কারুকার্য শোভিত একটি মূল্যবান বাতিদান উপহার দিয়াছেন। ১৯১৫ খৃঃ অক্টোবর মাসে মহারাজ বাহাদুর কলিকাতা বেলগেছিয়ার আলবার্ট ভিক্টর হাঁসপাতালকে কলেজে উন্নীত করিবার ব্যয় নির্বাহার্থে ১০,০০০ টাকা চাঁদা দিয়াছেন। ১৯১৫ খৃঃ ইনি বাঁকুড়ার হুর্ভিক্ষ নিবারিণী ভাণ্ডারে ৫,০০০ টাকা দান করিয়াছেন। মহারাজ বাহাদুর বঙ্গদেশের ব্রাহ্মণ পণ্ডিত সম্প্রদায়কে দুই শ্রেণীর বার্ষিক বৃত্তি দানের মানসে উহাদিগকে দুই শ্রেণীতে বিভক্ত করিয়াছেন। প্রথম শ্রেণীর বার্ষিক ১০০ শত ও দ্বিতীয় শ্রেণীর বার্ষিক ৫০ টাকা নির্দ্ধারিত হইয়াছে। এতদ্ব্যতীত বর্দ্ধমানাধিপতির খুচরা দানের সবিস্তার উল্লেখ সম্ভবপর নহে। ফলকথা দেশের নানা প্রকার সদগুণানে মহারাজাধিরাজ বাহাদুর প্রতিবৎসর বহু অর্থ দান করিয়া থাকেন।

বর্দ্ধমানে মহারাজাধিরাজ বাহাদুর সমগ্র বঙ্গদেশের মধ্যে সর্বপ্রধান জমিদার; প্রায় বিশ্বখানি ভিন্ন ভিন্ন জেলার বর্দ্ধমান রাজের ভূসম্পত্তি

আছে। বিবিধ প্রকারে মহারাজের সর্বশুদ্ধ বার্ষিক আয় প্রায় পঞ্চাশ লক্ষ টাকা। বর্ধমান রাজসরকার হইতে ব্রিটিশ গবর্ণমেন্টকে বাৎসরিক ৪০,১৫,১০৯ লক্ষ টাকা রাজস্ব প্রদত্ত হইয়া থাকে। এই রাজস্ব ভারত-বর্ষের সকল জমিদারের রাজস্ব অপেক্ষা অধিক এবং বঙ্গদেশের সকল জমিদার অপেক্ষা মহারাজের জমিদারীর আয়ের পরিমাণও অধিক। দার্জিলিং, কানপুর, বারাণসী, কটক, কালনা, আলিপুর প্রভৃতি স্থানে মহারাজের বাসভবন আছে। কলিকাতা সহরে মহারাজের ভূসম্পত্তি ও একটি চক আছে। মহারাজ স্বী স্বাধীনতার পক্ষপাতী। ভারতের রাজপ্রতিনিধি বিশেষতঃ ভূতপূর্ব বড়লাট লর্ড কর্জেন বাহাদুরের সহিত মহারাজের বিশেষ ঘনিষ্ঠতা ছিল। মহারাজ বহু অর্থ ব্যয়ে “কর্জেনগেট” নামক একটি সিংহদ্বার এবং কর্জেন সাহেবের একটি প্রতিমূর্তি নির্মাণ করাইয়াছেন। বর্ধমানরাজ ক্ষত্রিয়োচিত সংসাহসী, বলশালী ও মৃগয়াপ্রিয়। দৈহিক বলের সহিত মহারাজের মানসিক শক্তির সম্যক পরিস্ফুরণ পরিদৃষ্ট হয়। পশ্চিমবঙ্গের এক প্রাচীনতম ও সুবিখ্যাত বংশের প্রতিনিধি মহারাজাধিরাজ মাননীয় স্থার বিজয়চাঁদ মহাতাব বাহাদুর কয়েক বৎসর যাবৎ রাজভক্তি প্রদর্শন ও জনসাধারণের হিতকর কার্যে আত্মনিয়োগ করিয়া এবং বহুবিধ স্বদেশ হিতৈষণামূলক সদানুষ্ঠানে যোগদান করিয়া যোগ্যতার পরিচয় প্রদান করিতেছেন।

মহারাজাধিরাজ বাহাদুরের দুই কন্যা ও দুই পুত্র। প্রথম কুমারী শ্রীমতী সুধারানী সুশিক্ষিতা। কনিষ্ঠা কন্যা শ্রীমতী ললিতারানী ১৯১১ খৃঃ নবেম্বর মাসে আলিপুরের “বিজয় মঞ্জিল” প্রাসাদে জন্মগ্রহণ করিয়াছেন। ১৯০৫ খৃঃ ১৪ই জুলাই জ্যেষ্ঠপুত্র কুমার উদয়চাঁদ মহাতাব বাহাদুর জন্মগ্রহণ করেন। ১৯১৫ খৃঃ ২৬শে সেপ্টেম্বর বিজয় মঞ্জিল প্রাসাদে মহারাজের কনিষ্ঠ পুত্র ভূমিষ্ঠ হইয়াছেন। মহারাজাধিরাজ কুমার শ্রীমান্ উদয়চাঁদ মহাতাব বাহাদুর অধুনা সুবিস্তীর্ণ বর্ধমান রাজ্যের ভাবী উত্তরাধিকারী।

শিয়াড়সোল রাজবংশ ।

৩ গোবিন্দপ্রসাদ পাণ্ডিত ।

বর্দ্ধমান জেলার অন্তর্গত রাণীগঞ্জের সন্নিকট শিয়াড়সোল রাজবংশ বহুদিনের প্রাচীন জমিদারবংশ । অর্দ্ধশতাব্দী পূর্বে শিয়াড়সোল নিবাসী স্বর্গীয় গোবিন্দপ্রসাদ পাণ্ডিত নামক জনৈক ব্যক্তি স্বীয় বুদ্ধিবলে ও চরিত্রগুণে বিষয় সম্পত্তি করিয়াছিলেন । নানাবিধ সদলুষ্ঠানে তাঁহার বিশেষ অনুরাগ ছিল । তিনি অর্জিত সম্পদের অধিকাংশ সৎকার্যে ব্যয় করিয়া উদারতার সম্যক পরিচয় প্রদান করিয়াছেন । গোবিন্দপ্রসাদ অতি সামান্য অবস্থা হইতে আশুশক্তিতে ঐশ্বর্য্যবান হইয়াছিলেন । তিনি জন্মভূমির অকপট হিতৈষী ছিলেন । গোবিন্দপ্রসাদ অতিথি সেবা, বিদ্যালয়, চতুষ্পাঠী, দাতব্য চিকিৎসালয়, রাস্তা, ঘাট প্রভৃতি নানাবিধ সাধারণ হিতকর কার্য্য করেন । তাঁহার পুত্র সন্তান না থাকায় তিনি মৃত্যুকালে যাবতীয় বিষয় সম্পত্তি তদীয় একমাত্র কন্যা মহারানী হীরাসুন্দরী দেবীকে দান করিয়া যান । মহারানীর তিন পুত্র—বিশ্বেশ্বর, রামেশ্বর ও দক্ষিণেশ্বর মালিয়া ।

৩ বিশ্বেশ্বর মালিয়া ।

অতঃপর রাজা বিশ্বেশ্বর মালিয়া বাহাদুর বিষয় সম্পত্তির প্রতিনিধি হন । তিনি শিয়াড়সোল এষ্টেটের বহুবিধ উন্নতিসাধনে যত্নবান ছিলেন । তিনি নানাপ্রকার সৎকার্য্যে দানধর্ম্ম করিয়া যশস্বী হইয়াছিলেন । গবর্ণমেন্ট তাঁহার গুণের প্রশংসা করিয়া “রাজা বাহাদুর” উপাধি প্রদান

করেন। রাজাবাহাদুর মৃত্যুকালে একমাত্র পুত্র কুমার ত্রীযুক্ত প্রমথনাথ মালিয়া বাহাদুরকে রাখিয়া গিয়াছেন।

৩ রামেশ্বর মালিয়া।

বিশ্বেশ্বরের মৃত্যুর পর তাঁহার মধ্যম ভ্রাতা কুমার রামেশ্বর মালিয়া বাহাদুর বিষয় সম্পত্তির প্রতিনিধি হন। তিনি একজন কর্মী পুরুষ ছিলেন। দেশীয় ও বিদেশীয় সরকারী অথবা বে সরকারীর মধ্যে তাঁহার প্রতিপত্তি ছিল। তিনি বর্ধমান জেলার কয়েকটি কয়লার খনিসমূহের একজন প্রধান স্বত্বাধিকারী এবং সর্গদ্বিশালী জমিদার ছিলেন। হাবড়ার “রামেশ্বর মালিয়া পণ্ড-চিকিৎসালয়”, পুরীধামের কুষ্ঠাশ্রম, শিয়াড়সোল স্কুল ও হাঁসপাতাল প্রভৃতি তাঁহার সাধারণ হিতকর কার্যের কীর্তিঘোষণা করিতেছে। তিনি বহু দিবস হাবড়া মিউনিসিপালিটির কমিশনার ছিলেন। বঙ্গদেশের এসিয়াটিক সোসাইটী নামক সমিতির একজন সভ্য মনোনীত হন। তিনি স্থানীয় গবর্ণমেন্ট কর্তৃক হাবড়ার অবৈতনিক মাজিষ্ট্রেটপদে নিযুক্ত হইয়াছিলেন। প্রাচীন শিল্প ও উদ্যান কার্যে তাঁহার বিশেষ অনুরাগ ছিল। তিনি ভারতের কয়েকটি প্রধান সহর এবং লঙ্কাদ্বীপ পরিভ্রমণ করেন। কুমার বাহাদুর একজন মুক্তহস্ত পুরুষ ছিলেন। গীতা পাঠে বিশেষ আনন্দ অনুভব করিতেন। তিনি বাঁকুড়া জেলার অন্তর্গত লাট সেনাপতি মহালের পত্তন্য গ্রহণ করেন। কুমার রামেশ্বর মালিয়া বাহাদুর প্রায় দেড় বৎসর কাল ক্যান্সার রোগে আক্রান্ত হইয়া ১৯১২ খৃঃ ৭ই মে ৬২ বৎসর বয়সে হাবড়ার ভবনে প্রাণত্যাগ করিয়াছেন। তিনি নিঃসন্তান থাকায় তদীয় সহধর্মিণী ত্রীমতী শ্রামাসুন্দরী দেবীকে পোষাপুত্র গ্রহণের অনুমতি দিয়া গিয়াছেন। কুমার বাহাদুর মৃত্যুকালে একখানি উইল করিয়াছিলেন; তাহাতে তাঁহার জমিদারীর

বাৎসরিক প্রায় একলক্ষ টাকা যে আর আছে, তাহা তিন ভাগে বিভক্ত করেন; তন্মধ্যে একভাগ তাঁহার উইলের আদেশ অনুসারে দাতব্য কার্যে ব্যয় হইবে; একভাগ তাঁহার বিধবা পত্নীর ভরণপোষণে ব্যয় হইবে এবং তাঁহার মৃত্যুর পর যদি পোষাপুত্র থাকে, তিনি প্রাপ্ত হইবেন; তৃতীয়াংশ পূর্বোক্ত দুই প্রকার ব্যয়ের জন্ত মূলধন স্বরূপে জমা থাকিয়া আবশ্যক অনুসারে ব্যয় হইবে। ১৯১৫ খৃঃ ফেব্রুয়ারী মাসে কুমার রামেশ্বর মালিয়ার সহধর্মিণী শ্রীমতী শ্রীমামুন্দরী দেবী মহাসমারোহে হাবড়া জেলার অন্তর্গত শালিখার গঙ্গাতীরে ৬ শিবলিঙ্গ প্রতিষ্ঠা করিয়াছেন।



৬ দক্ষিণেশ্বর মালিয়া ।

রামেশ্বরের কনিষ্ঠ ভ্রাতা কুমার দক্ষিণেশ্বর মালিয়া বাহাদুর উদার প্রকৃতির লোক ছিলেন। সমাজে তাঁহার সূখ্যাতি ছিল। সাধারণের হিতকর কার্যে তিনি অগ্রণী হইয়া তাহার বন্দোবস্ত করিয়া দিতেন। তাঁহার কর্তব্যনিষ্ঠা ও লোকপ্রিয়তায় সকলে মুগ্ধ হইতেন। রামেশ্বরের জীবিতাবস্থায় ১৯০৭ খৃঃ মার্চ মাসে কুমার দক্ষিণেশ্বর মালিয়া বাহাদুর ইহলোক হইতে মহাপ্রস্থান করেন। কুমার বাহাদুরের বিধবা পত্নী ভবমুন্দরী দেবী ১৯১২ খৃঃ ২৩শে নবেম্বর তাঁহার হাবড়ার ভবনে তত্ত্বাগ করিয়াছেন। তিনি নিঃসন্তান ছিলেন।



প্রমথনাথ মালিয়া ।

রামেশ্বরের মৃত্যুর পর তাঁহার জ্যেষ্ঠ ভ্রাতা রাজা বিবেশ্বর মালিয়া বাহাদুরের পুত্র কুমার শ্রীযুক্ত প্রমথনাথ মালিয়া বাহাদুর অধুনা:

শিয়াড়সোল রাজ্যের প্রতিনিধি অথবা সেবাইতপদে অভিষিক্ত হইয়া সকল প্রকার সদসুষ্ঠান পরিচালনা করিতেছেন। ইহার যত্নে স্থানীয় ইংরাজী বিদ্যালয় ও চতুষ্পাঠী সুশৃঙ্খলায় চলিতেছে, অতিথি সেবার কার্য সুচারুরূপে সম্পাদিত হইতেছে ; অধিকন্তু স্থানীয় দাতব্য চিকিৎসালয়টি ইহার পিতৃব্যদ্বয়ের সময় ক্রমে লুপ্ত হইতেছিল ; কুমার বাহাদুর তাহার পুনঃস্থাপনপূর্বক লোকের বিশেষ উপকার করিয়াছেন ।

চকদিঘী রাজবংশ ।

বৰ্দ্ধমান জেলার অন্তর্গত চকদিঘী গ্রামের সুপ্রসিদ্ধ সিংহবংশ বহু প্রাচীন জমিদার বংশ । ইহারা জাতিতে বানাকার ছত্রি । রাজপুতনার অন্তর্গত বাদা জেলার গড় কালিঞ্জর ইহাদের আদি নিবাস । . মোগলকুল শিরোমণি দিল্লীখর সম্রাট আকবর সাহের রাজস্ব সচিব রাজা তোডরমল বঙ্গদেশে আগমনকালে তাঁহার সহিত কয়েকজন রাজপুত সেনানী এদেশে আসিয়াছিলেন । ১৫৮৭ খৃঃ নাথ সিংহ নামক জনৈক সেনানী মোগল ও পাঠানের বিপ্লব প্রশমিত করিয়া অলৌকিক বীরত্ব ও দক্ষতা প্রদর্শন করেন । যুদ্ধ জয়ের জন্ত দিল্লীখর আকবর সাহ তাঁহাকে “রায়” উপাধিসহ পুরস্কারস্বরূপ জায়গীর প্রদান করিয়াছিলেন । তাঁহার অত্যাগত বংশধরগণ অধুনা বৰ্দ্ধমান, হুগলী, মেদিনীপুর, বাঁকুড়া, মুর্শিদাবাদ প্রভৃতি জেলায় বাস করিতেছেন ।

৩ নলসিংহ রায় ।

অতঃপর নাথ সিংহ রায়ের জনৈক বংশধর নল সিংহ রায় বৰ্দ্ধমান জেলার অন্তর্গত চকদিঘী গ্রামে মাতামহাশ্রমে আসিয়া বসতি করেন । তিনি এই রাজবংশের প্রতিষ্ঠাতা । নল সিংহ রায় মৃত্যুকালে ভবানী সিংহ, দেবী সিংহ, ভৈরব সিংহ ও হরি সিংহ রায় নামে চারি পুত্র রাখিয়া যান ।

৮ ভবানী সিংহ রায় ।

নল সিংহের জ্যেষ্ঠ পুত্র ভবানী সিংহ রায় তৎকালে পুলিশ বিভাগে কর্ম করিতেন । তিনি গোবর্দ্ধন দ্বিপতি নামক একজন ডাকাতকে ধৃত করিয়া পুরস্কার প্রাপ্ত হইয়াছিলেন । ভবানী সিংহের একমাত্র পুত্র ভূদেব সিংহ ; তৎপুত্র ক্ষেত্রপাল সিংহ রায় । ক্ষেত্র পালের সন্তানাদি না হওয়ায়, তিনি অমৃতলালকে পোষ্যপুত্র গ্রহণ করেন । অমৃতলালের দুই পুত্র শ্রীযুক্ত গোষ্ঠবিহারী ও শ্রীযুক্ত বনবিহারী সিংহ রায় বিত্তমান ।

৯ দেবী সিংহ রায় ।

নল সিংহের মধ্যম পুত্র দেবী সিংহ বায়ের এক পুত্র ভোলানাথ সিংহ বায় ; তৎপুত্র গঙ্গাগোবিন্দ সিংহ রায় । গঙ্গাগোবিন্দ মৃত্যুকালে দুই পুত্র যজ্ঞেশ্বর ও জ্যোতিঃপ্রসাদ সিংহ রায়কে রাখিয়া যান । তদীয় জ্যেষ্ঠ পুত্র যজ্ঞেশ্বরের বিধবা পত্নী শ্রীমতী যোগমায়া দেবী বর্তমান । কনিষ্ঠ পুত্র জ্যোতিঃপ্রসাদ অবিবাহিত অবস্থায় অকালে বৃন্তচ্যুত হন ।

১০ ভৈরব সিংহ রায় ।

নল সিংহের তৃতীয় পুত্র ভৈরব সিংহ রায়ের অম্বিকাপ্রসাদ নামে এক পুত্র এবং দুর্গাদেবী নাম্নী এক কন্যা হইয়াছিল ।

অম্বিকাপ্রসাদের সারদাপ্রসাদ নামে পুত্র ও স্মীরদামুন্দরী নামে এক কন্যা জন্মগ্রহণ করেন ।

৩ সারদাপ্রসাদ সিংহ রায় ।

সারদাপ্রসাদ সিংহ রায় একজন প্রতিপত্তিশালী ও প্রজাবৎসল জমিদার ছিলেন । তাঁহার সহিত বিদ্যাসাগর মহাশয়ের বিশেষ ঘনিষ্ঠতা ছিল । তিনি কোন বিষয়ে বিদ্যাসাগর মহাশয়ের পরামর্শ না লইয়া কার্য্য করিতেন না । ১৮৫৩ খৃঃ তিনি চকদিঘী গ্রামে একটি দাতব্য চিকিৎসালয় প্রতিষ্ঠা করেন । সাধারণের উপকারার্থে নিজ ব্যয়ে চকদিঘী হইতে মেমারী স্টেশন পর্য্যন্ত পঞ্চদশ মাইল দীর্ঘ একটি রাজপথ নির্মাণ করাইয়াছিলেন । ১৮৬৮ খৃঃ তিনি একটি অবৈতনিক বিদ্যালয় স্থাপন করিবার ব্যবস্থা করেন । ১৮৬৮খৃঃ ১৮ই মার্চ চকদিঘীর অন্ততম জমিদার সারদাপ্রসাদ সিংহ রায় কলিকাতার সুপ্রসিদ্ধ হারীলাল শীল মহাশয়ের বাটীতে দেহত্যাগ করেন । তিনি নিঃসন্তান ছিলেন । তাঁহার সন্তানাদি না থাকায় মৃত্যুকালে তিনি যাবতীয় বিষয় সম্পত্তি তনীয় ভগ্নী ক্ষীরদাসুন্দরীর জ্যেষ্ঠ পুত্র শ্রীযুক্ত ললিতমোহন সিংহ রায়কে উইল করিয়া যান । ললিতমোহনের অভিভাবিকা স্থানীয় মাতুলানী রাজেশ্বরী দেবী এবং মনিরামবাটির যোগেন্দ্রনাথ সিংহ রায় ইহঁাকে বিষয়াধিকারে বঞ্চিত করিবার চেষ্টা করিয়াছিলেন ; কিন্তু তাহাতে কৃতকার্য্য হইতে পারেন নাই । সারদাপ্রসাদের মৃত্যুর পর ১৮৭৬ খৃঃ তাঁহার উইল সম্বন্ধে এক মোকদ্দমা হইয়াছিল । সেই উইল প্রকৃত নহে বলিয়া তাঁহার বিধবা পত্নী রাজেশ্বরী দেবী এই মোকদ্দমা উপস্থিত করেন । রাজেশ্বরী দেবীও স্বামীর ছায় পরোপকারী ছিলেন । হুগলী জেলার অন্তর্গত দ্বারহাটা গ্রামে তাঁহার পিতালয়ে তিনি একটি অবৈতনিক উচ্চ প্রাথমিক বিদ্যালয় স্থাপন এবং দ্বারহাটা হইতে হরিপাল পর্য্যন্ত একটি রাজপথ নির্মাণ করাইয়াছিলেন ।

ইতিহাস প্রসিদ্ধ পূর্বোক্ত তোড়র মলের সহিত হাড় সিংহ নামক একজন সেনানী বঙ্গদেশে আগমন করিয়াছিলেন। ১৫৯২ খৃঃ সূর্য-রেখা নদীতীরে মোগলের সহিত পাঠানের যুদ্ধকালে তিনি জয়লাভ করিয়া মোগলের বিজয় পতাকা উড্ডীন করেন। যুদ্ধ জয়ের পর হাড়সিংহ, দিল্লীখর মহামতি আকরব সাহের নিকট হইতে একশত বিঘা ভূমি জায়গীর এবং “রায়” উপাধি প্রাপ্ত হইয়া জুগলী জেলার অন্তর্গত মাদড়া গ্রামে বাস করেন। তিনি যে জায়গীর লাভ করেন, তাঁহার তিন পুত্রের বংশধরগণ অদ্যাপি ভোগ করিতেছেন। হাড় সিংহের তিন পুত্র—হঠু সিংহ, নথু সিংহ ও সূজন সিংহ। মধ্যম পুত্র নথু সিংহ—গোলাপ সিংহ—শস্ত্র সিংহ মাদড়া হইতে অমরপুর গ্রামে মাতামহ আশ্রমে গিয়া বাস করেন। তাঁহার পুত্র হরগোবিন্দ—দীননাথ—তৎপুত্র বরদাকান্ত সিংহের সহিত চকদিঘৌর অত্যন্ত জমিদার সারদাপ্রসাদের ভগ্নী ক্ষীরদাসুন্দরী দেবীর বিবাহ হইয়াছিল। তাঁহার দুই পুত্র—শ্রীযুক্ত ললিতমোহন ও শ্রীযুক্ত বিপিনমোহন সিংহ রায়।

ললিতমোহন সিংহ রায় ।

ক্ষীরদাসুন্দরীর ষষ্ঠ পুত্র চকদিঘৌর অত্যন্ত জমিদার রায় শ্রীযুক্ত ললিতমোহন সিংহ রায় বাহাদুর ১৮৫৮খৃঃ ২১শে অক্টোবর রাস পূর্ণিমার দিবস মাতুলালয়ে ভূমিষ্ট হইয়াছেন। ষষ্ঠ দিবস হইতে ইনি মাতৃস্তনে বঞ্চিত হইয়াছিলেন। ললিতমোহনের মাতুল সারদাপ্রসাদ ইহাকে স্বীয় ভবনে পুত্রবৎ প্রতিপালন করেন। ইনি প্রথমতঃ মাতুলের প্রতিষ্ঠিত বিদ্যালয়ে প্রাথমিক শিক্ষা প্রাপ্ত হন। ইহার নাবালক সময়ে বিবয় সম্পত্তি কোর্ট অব ওয়ার্ডসের অধীনে পরিচালিত হয়। তৎকালে ডাক্তার রাজা রাজেন্দ্রলাল মিত্র মহোদয়ের হস্তে কোর্ট অব ওয়ার্ডসের

ভার শ্রুত ছিল। সেই সময়ে ললিতমোহন কলিকাতার হিন্দু স্কুলে অধ্যয়ন করেন। ওয়ার্ডস্ হইতে বহির্গত হইয়া ইনি প্রথমে বর্দ্ধমানের কালেক্টার বাহাদুরের অধীনে জমিদারীর কার্য্য প্রণালী শিক্ষা করেন। স্বরূপচন্দ্র হাজরা নামক জনৈক মোক্তার ইহাকে জমিদারীর কার্য্য শিক্ষা দিয়াছিলেন। কলিকাতা হাইকোর্টের ভূতপূর্ব বিচারপতি স্যার রমেশচন্দ্র মিত্র মহোদয়ের ভ্রাতা উমেশচন্দ্র মিত্র জমিদারীর তত্ত্বাবধায়ক ছিলেন। তৎকালে জমিদারীর আয় বৃদ্ধি ও উন্নতি হইয়াছিল। ১৮৮০ খৃঃ নবেম্বর মাসে ললিতমোহন গবর্ণমেন্টের নিকট হইতে স্বীয় বিষয় সম্পত্তির ভার প্রাপ্ত হইয়াছেন। সারদাপ্রসাদ তাঁহার উইল দ্বারা কলিকাতা বিশ্ববিদ্যালয়কে ৫০০০ টাকা দান করিয়া যান। ১৮৮৫ খৃঃ ফেব্রুয়ারী মাসে কলিকাতা বিশ্ববিদ্যালয় ললিতমোহনের নিকট ঐ টাকা প্রাপ্ত হইয়াছে। ১৮৮৮ খৃঃ এপ্রেল মাসে বর্দ্ধমান বিভাগের কমিশনার বাহাদুরের পত্রানুসারে ললিতমোহন ঐ টাকার ৩,৫০০ টাকা সুদ বিশ্ববিদ্যালয়কে প্রদান করেন। অতঃপর ৮,৫০০ টাকায় কলিকাতা বিশ্ববিদ্যালয় “সারদাপ্রসাদ বৃত্তি” নামে একটি বৃত্তি প্রতিবৎসর দশটাকা করিয়া প্রদান করিতেছে। চকদিঘী স্কুল হইতে প্রবেশিকা পরীক্ষায় উত্তীর্ণ হইয়া এক এ পরীক্ষোত্তীর্ণ শ্রেষ্ঠ ছাত্র এই বৃত্তি প্রাপ্ত হয়; যদি কোন ছাত্র চকদিঘী স্কুল হইতে উত্তীর্ণ না হয়, তাহা হইলে বর্দ্ধমান বিভাগের তদ্রূপ ছাত্র বৃত্তি প্রাপ্ত হইয়া থাকে। অধিকন্তু উদ্ভূত টাকায় এফ এ. পরীক্ষোত্তীর্ণ উৎকৃষ্ট ছাত্রকে প্রতিবৎসর কুড়ি টাকার পুস্তক প্রদত্ত হয়। হিন্দু স্কুলের ছাত্রবৃন্দের মধ্যে যাহার রচনা সর্বোৎকৃষ্ট হয়, ললিতমোহন প্রতি বৎসর সেই ছাত্রকে একটি মেডেল পুরস্কার দিবার ব্যবস্থা করিয়াছেন। ইনি বার্ষিক ৪০০০ টাকা চকদিঘীর বিদ্যালয়ে ব্যয় করেন। অনাথ বিধবাদিগের জন্ত ইনি একটি বৃত্তি ভাণ্ডার স্থাপন করিয়াছেন। ইহার প্রতিষ্ঠিত অনাথাশ্রমে বাৎসরিক প্রায় ১৫০০ টাকা

ব্যয় হইয়া থাকে। ইনি চকদিঘী গ্রামে একটি চতুষ্পাঠী স্থাপন করিয়াছেন; তজ্জন্ত বার্ষিক ২০০ টাকা ব্যয় হয়। ইনি একটি অবৈতনিক পাঠশালা স্থাপন করিয়াছেন, তাহাতে বার্ষিক ৪০০ টাকা ব্যয় করিয়া থাকেন। ইনি কবিরাজী ঔষধ প্রস্তুত করাইয়া প্রজা মণ্ডলীর মধ্যে বিতরণের ব্যবস্থা করিয়াছেন। “অন্নরক্ষিণী” সভার আন্দোলন সময়ে ইহার প্রজাবৎসলতা সম্যক প্রকাশিত হইয়াছিল। ইহার মাতুলানী রাজেশ্বরীর মৃত্যুর পর ললিতমোহন ও মেজর ছক্কনলাল উভয়ের মধ্যে বিষয় সম্বন্ধে এক মোকদ্দমা উপস্থিত হইয়া বিলাতের প্রিভি কাউন্সিল পর্যন্ত পরিচালিত হইয়াছিল; পরিশেষে ললিতমোহন তাহাতে জয়লাভ করেন। ইনি বাঙ্গালা সাহিত্যের বিশেষ অনুরাগী। বিশেষতঃ কবিত্বশক্তি সম্পন্ন ও সঙ্গীত রচনায় সিদ্ধ হস্ত। প্রথমে ইনি যে সঙ্গীত রচনা করিয়াছিলেন, তাহা প্রায় লিপিবদ্ধ হয় নাই। অতঃপর সুপ্রসিদ্ধ স্বর্গীয় মতিলাল রায় কাব্যকণ্ঠ মহাশয়ের অনুরোধে ইনি সঙ্গীত রচনা করিয়া “ভক্তি পুষ্পাঞ্জলী” নামক দুইখণ্ড গ্রন্থ প্রচার করিয়াছেন; ইহার তৃতীয় খণ্ড শীঘ্রই প্রকাশিত হইবে। এতদ্ব্যতীত স্বপ্নদর্শন, আত্মদর্শন, গয়া মাহাত্ম্য, কুসুমাজলী, যজুর্বেদীয় দশসংস্কার পদ্ধতি প্রভৃতি কয়েকখানি গ্রন্থ প্রকাশিত হইয়াছে। ১৯০৭খৃঃ ২৮শে জুন ভারত সম্রাটের জন্মতিথি উপলক্ষে গবর্ণমেন্ট ইহার গুণের প্রশংসা করিয়া “রায় বাহাদুর” উপাধি প্রদান করেন। ইনি বর্দ্ধমানের অবৈতনিক ম্যাজিস্ট্রেট পদে নিযুক্ত আছেন। ১৯১০ খৃঃ ইনি পশ্চিম বঙ্গের ছোট লাট স্থার এণ্ড ফ্রেজার বাহাদুরের স্মৃতি ভাণ্ডারে ২০০ টাকা দান করেন। ১৯১০ খৃঃ স্বর্গীর ভারতেশ্বর সপ্তম এডওয়ার্ডের স্মৃতিভাণ্ডারে ১,৫০০ টাকা চাঁদা দিয়াছেন। ১৯১৩ খৃঃ আগষ্ট মাসে বর্দ্ধমান বিভাগের ভীষণ বন্যাপীড়িত ব্যক্তিগণের সাহায্যকল্পে ১,০০০ টাকা দান করেন। ললিতমোহন স্বীয় বুদ্ধিবলে ও চরিত্রগুণে বঙ্গদেশের একজন খ্যাতনামা ব্যক্তি বলিয়া

পরিচিত । ইনি নানাবিধ সাধারণ হিতকর-অমুষ্ঠানে যোগদান করিয়া থাকেন । জনসাধারণের মধ্যে ও রাজদরবারে ইঁহার প্রতিগতি ও সম্মান দৃষ্ট হয় । ইনি নানা বিষয়ে স্বীয় প্রতিভা প্রদর্শন করিয়া সমাজে গণ্য হইয়াছেন ।

ললিতমোহনের তিনটি কন্যা জন্মগ্রহণ করেন । প্রথমা কন্যার সহিত চকদিঘীর অগ্রতম জমিদার মেজর ছকনলালের মধ্যম পুত্র শ্রীযুক্ত মণিলাল, মধ্যমা কন্যার সহিত তদীয় কনিষ্ঠ পুত্র রজনীলাল এবং কনিষ্ঠা কন্যার সহিত শ্রীযুক্ত ক্ষেত্রলাল সিংহ মহাশয়ের বিবাহ হইয়াছে ।

নলসিংহের তৃতীয় পুত্র ভৈরবচন্দ্র সিংহ রায়ের কন্যা দুর্গা দেবীর দুই পুত্র—কৃষ্ণচন্দ্র ও বৃন্দাবনচন্দ্র সিংহ রায় ।

৬ কৃষ্ণচন্দ্র সিংহ রায় ।

দুর্গা দেবীর জ্যেষ্ঠ পুত্র কৃষ্ণচন্দ্র সিংহ রায়ের দুই কন্যা হইয়াছিল ; তন্মধ্যে প্রথমা কন্যা মনমোহিনীর সহিত শ্রীযুক্ত দক্ষিণারঞ্জন সিংহ বর্মানের বিবাহ হয় । ইঁহার পুত্র শ্রীযুক্ত ক্ষেত্রলাল সিংহ বর্মান মহাশয়ের সহিত ললিতমোহনের কনিষ্ঠা কন্যার বিবাহ হইয়াছে । ইঁহার দুই পুত্র—শ্রীমান্ শুভেন্দুসুন্দর ও শ্রীমান্ সীতাংশুসুন্দর সিংহ বর্মান ।

৭ বৃন্দাবনচন্দ্র সিংহ রায় ।

দুর্গাদেবীর কনিষ্ঠ পুত্র বৃন্দাবনচন্দ্র সিংহ রায় সচরিত্র, নিষ্ঠাবান, সুপণ্ডিত ও ধার্মিক পুরুষ ছিলেন । ইঁহার প্রতিভা অলৌকিক ছিল তিনি পারসী ভাষায় ব্যুৎপত্তি লাভ করেন । বৃন্দাবনচন্দ্র, বর্জমানাধিপতি মহারাজাধিরাজ মহাতাব চাঁদ বাহাদুরের দেওয়ান পদে নিযুক্ত থাকিয়া

যথেষ্ট বিষয় সম্পত্তি বৃদ্ধি করিয়াছিলেন। তিনি চকদিঘীর সন্নিকটে মনিরামবাটি গ্রামে বসতি করেন। তাঁহার সাধারণ হিতকর উচ্চতম দান অনেক ছিল। তিনি মৃত্যুকালে একমাত্র পুত্র যোগেন্দ্রনাথকে রাখিয়া যান।

৩ যোগেন্দ্রনাথ সিংহ রায় ।

বন্দাবনচন্দ্রের পুত্র যোগেন্দ্রনাথ সিংহ রায় হুগলী কলেজে বিদ্যাশিক্ষা করেন। তিনি কলিকাতা, হুগলী, হাবড়া, মেদিনীপুর ও বর্ধমান জেলায় অনেক বিষয় সম্পত্তি ক্রয় করিয়াছিলেন। ১৮৭০ খৃঃ ২৪শে এপ্রেল ললিতমোহনের সহিত তাঁহার কন্যা শ্রীমতী প্রিয়ম্বদা দেবীর বিবাহ হইয়াছে। ১৮৯৯ খৃঃ আগষ্ট মাসে মনিরামবাটির জমিদার যোগেন্দ্রনাথ সিংহ রায় লোকান্তরিত হইয়াছেন। তাঁহার মৃত্যুর পর হইতে ললিতমোহন তদীয় জমিদারীর তত্ত্বাবধান করিতেছেন। ১৯০২ খৃঃ যোগেন্দ্রনাথের বিধবা পত্নী সাধুমতী দেবী সংসার লীলা সংস্বরণ করিয়াছেন। অতঃপর তাঁহার কন্যা ললিতমোহনের পত্নী বিষয় সম্পত্তি প্রাপ্ত হইয়াছেন।

৪ হরি সিংহ রায় ।

নল সিংহের কনিষ্ঠ পুত্র হরি সিংহ রায় “মহাশয়” আখ্যায় অভিহিত হইতেন। দেশের লোক তাঁহার উচ্চহৃদয়তার পরিচয় পাইয়াই তাঁহাকে এই সম্মানসূচক আখ্যা প্রদান করিয়াছিল। তাঁহার দুই পুত্র—মেজর ছক্কনলাল ও শশিভূষণ সিংহ রায়। *

৬ ছকনলাল সিংহ রায়।

হরি সিংহের জ্যেষ্ঠ পুত্র মেজর ছকনলাল সিংহ রায় চকদিঘী গ্রামের অত্যন্ত জমিদার ছিলেন। তিনি ব্রিটিশ রাজের স্বেচ্ছাসেবক সৈন্যদলে প্রবেশ অধিকার প্রাপ্ত হইয়া অবশেষে ১৯০২ খৃঃ “মেজর” উপাধি সম্মানে ভূষিত হন। ১৮৫৭ খৃঃ ভারতে সিপাহী বিদ্রোহের সময় দিল্লীর মহাবীর জন্ নিকল্‌সন্ :যে তরবারি ব্যবহার করেন ; সেই তরবারি ছকনলাল প্রাপ্ত হইয়াছিলেন। ১৯০৪ খৃঃ ডিসেম্বর মাসে মেজর ছকনলাল সিংহ রায় পরলোকগত হইয়াছেন। তাঁহার তিন পুত্র—বিনোদলাল, মণিলাল ও রজনীলাল সিংহ রায়।

৭ বিনোদলাল সিংহ রায়।

ছকনলালের জ্যেষ্ঠ পুত্র বিনোদলাল সিংহ রায় একমাত্র পুত্র শ্রীযুক্ত চণ্ডীপ্রসাদকে রাখিয়া অকালে মৃত্যুগুণে পতিত হইয়াছেন। চব্বিশ-পরগণা আলিপুরের প্রথম সব জজ শ্রীযুক্ত রায় বঙ্কিমচন্দ্র মিত্র বাহাদুরের নিকট শ্রীযুক্ত চণ্ডীপ্রসাদ সিংহ রায় পৈতৃক সম্পত্তি বিভাগের জ্ঞাত তদায় খুল্লতাত শ্রীযুক্ত মণিলাল ও শ্রীযুক্ত রজনীলালের নামে এক মোকদ্দমা উপস্থিত করেন। অতঃপর উহা আপোষে নিষ্পত্তি হইয়া ছকনলালের জমিদারী তিন অংশে বিভক্ত হইয়াছে।

মণিলাল সিংহ রায়।

ছকনলালের মধ্যম পুত্র রাজা শ্রীযুক্ত মণিলাল সিংহ রায় বাহাদুর ব্রিটিশরাজের স্বেচ্ছাসেবক সৈন্যদলের একজন সদস্য। ইনি ভারতের

ভূতপূর্ব রাজপ্রতিনিধি লর্ড কর্জেন বাহাদুরকে ইহাঁর পিতৃদেবের স্মৃতিথ্যাত্ নিকল্‌সন্ তরবারি উপহার প্রদান করেন। ১৯০৮ খৃঃ ইংরাজী নববর্ষ উপলক্ষে মণিলাল “রায় বাহাদুর” উপাধি প্রাপ্ত হন। উপাধির সনন্দ প্রদানের সময় বঙ্গের তদানীন্তন ছোটলাট স্মার এন্‌ণ্ড ফ্রেজার বাহাদুর ইহাঁর বিশেষ স্মৃতিথ্যাত্ করিয়াছিলেন। ১৯১০ খৃঃ বঙ্গেশ্বর স্মার এন্‌ণ্ড ফ্রেজার বাহাদুরের স্মৃতি ভাণ্ডারে ইনি ২০০ টাকা দান করেন। ১৯১০ খৃঃ স্বর্গীয় ভারত সম্রাট সপ্তম এডওয়ার্ডের স্মৃতি ভাণ্ডারে ইনি ৫০০ টাকা প্রদান করেন। ১৯১১ খৃঃ ১২ই ডিসেম্বর দিল্লীর বিরাট অভিষেক দরবারে ইনি একটি “দরবার মেডেল” প্রাপ্ত হইয়াছেন। দরবারের পর যখন নবীন সম্রাট পঞ্চম কর্জ মহোদয় ও সম্রাট মহিষী কলিকাতায় আগমন করেন, সেই সময় প্রিন্সেপ্ ঘাটে বঙ্গের ছোটলাট তাঁহাদের সহিত মণিলালের পরিচয় করিয়া দিয়াছিলেন। ১৯১৩ খৃঃ দামোদর নদের ভীষণ বন্যার সময় ইনি বহু লোকের প্রাণ রক্ষা করেন। দামোদরের বাঁধে যাহাতে জল নিকাশের পথরোধ না ঘটে, সে বিষয়েও ইহাঁর কার্য্য বিশেষ উল্লেখযোগ্য। ম্যালেরিয়া নিবারণেও ইনি উদাসীন নহেন। রাজা বাহাদুর একজন সুদক্ষ শিল্পী। বর্ধমান জেলা-বোর্ডের সভাপতি হইয়া এবং দার্জিলিংয়ের এল-জি স্থান্যনিবাস হলে ইহাঁর স্বহস্ত চিত্রিত পরলোকগত ভারত সম্রাট সপ্তম এডওয়ার্ডের স্মৃৎসং একখানি তৈলচিত্র আছে। বহু দিবস হইতে রাজা বাহাদুর দেশহিতকর অমুষ্ঠানে প্রধান অগ্রণী বলিয়া প্রসিদ্ধি লাভ করিয়াছেন। কৃষিসমিতি এবং চৌকীদারী ইউনিয়ন্‌ সংস্রবে ইনি দেশের কার্য্য করিয়া যশস্বী হইয়াছেন। দেশের লোকের নিকট ও গবর্ণমেন্টের নিকট ইনি বিশেষ খ্যাতিসম্পন্ন। ইহাঁর চেষ্টায় “ইম্পিরিয়াল্‌ লীগ” প্রতিষ্ঠিত হয়। রাজা বাহাদুর তিনবার ব্রিটিশরাজের পক্ষ লইয়া তাঁহার শত্রুর সহিত যুদ্ধ করিতে যাইবার জন্ত আবেদন করিয়াছিলেন। ১৯১৬ খৃঃ

ইংরাজী নববর্ষ উপলক্ষে গবর্ণমেন্ট মণিলালের স্মৃতি কল্পিত
“রাজা” উপাধি সম্মানে সম্মানিত করিয়াছেন। রাজা বাহাদুর চকদিঘীর
অন্ততম জমিদার ললিতমোহনের জ্যেষ্ঠ জামাতা। ইহঁাব পত্নী দশ
মাস বয়স্ক একটি শিশু পুত্র রাখিয়া ইহলোক পরিত্যাগ করেন। রাজা
বাহাদুরের পুত্র কুমার শ্রীযুক্ত শৈলেশ্বর সিংহ রায় বাহাদুর শৈশব
কালাবধি মাতামহের ভবনে অবস্থিতি কবিতেছেন।



রজনীলাল সিংহ রায়।

ছকনলালের কনিষ্ঠ পুত্র শ্রীযুক্ত রজনীলাল সিংহ রায় তীক্ষ্ণ বিষয়
বুদ্ধিসম্পন্ন বলিয়া পরিচিত। ইনিও ললিতমোহনের মধ্যম জামাতা।
ইহঁার চারি পুত্র—শ্রীযুক্ত বিজয়প্রসাদ বি-এ, শ্রীযুক্ত নিত্যানন্দ, শ্রীযুক্ত
প্রভানাথ ও শ্রীযুক্ত পশুপতিনাথ সিংহ রায়।



শশিভূষণ সিংহ রায়।

হরি সিংহের কনিষ্ঠ পুত্র শশিভূষণ সিংহ রায়ের সম্ভানাদি হয় নাই।
তিনি লোকান্তরিত হইলে তাঁহার বিধবা পত্নী স্বীয় সম্পত্তির অংশ বিক্রয়
করিয়া মেমারীর নিকটবর্তী দেহুড়া গ্রামে পিত্রালয়ে বাস করেন। তিনি
তথায় একটি বৃহৎ পুষ্করিণী খনন ও তাহার একটি চাঁদনী প্রতিষ্ঠা
করিয়াছেন।



বীরভূম রাজবংশ ।

অতি প্রাচীনকালে বীরসিংহ নামে জ্ঞানৈক হিন্দু রাজা বীরভূম জেলায় রাজত্ব করিতেন । তিনি তাম্রলিপ্তি, কর্ণগড়, বীরদেশ প্রভৃতি প্রদেশে রাজ্য বিস্তার করিয়াছিলেন । কথিত আছে, এক সময়ে ভারতের উত্তর পশ্চিম প্রদেশ হইতে বীর সিংহ, চৈতন্য সিংহ ও ফতে সিংহ নামক তিনটি ক্ষত্রিয় রাজকুমার বিপন্ন হইয়া বীরভূম প্রদেশে আগমনপূর্বক আশ্রয় গ্রহণ করেন । উক্ত রাজকুমারগণের পিতা কোন মুসলমানের দ্বারা সংগ্রামে নিহত হইলে, রাজমন্ত্রী কুমারগণের জীবন রক্ষার্থ তাহাদিগকে লইয়া রাজ্য পরিত্যাগপূর্বক পলায়ন করেন । তিনি কুমারত্রয়কে লইয়া অবশেষে বীরভূমের পার্বত্য প্রদেশের বনমধ্যে আশ্রয় গ্রহণ করিয়াছিলেন । কালক্রমে রাজকুমারগণ বয়ঃপ্রাপ্ত হইয়া, চতুষ্পার্শ্ব-বর্তী আদিম নিবাসী সাঁওতালদিগকে যুদ্ধে পরাভূত ও বশীভূত করিয়া, তাঁহারা নিজ নিজ নামানুসারে তিনটি পৃথক রাজ্যস্থাপন করেন । বীরসিংহ, বীরভূম রাজ্য স্থাপন করিয়া বীরসিংহপুরে রাজধানী প্রতিষ্ঠিত করেন । চৈতন্যসিংহ নিজ রাজ্যের রাজধানীর নাম চৈতন্যপুর রাখেন—এখন উহা বর্ধমান জেলার অন্তর্গত হইয়াছে । ফতেসিংহের রাজ্যের রাজধানী ফতেপুর নামে আখ্যা প্রাপ্ত হয় । তিনি মুর্শিদাবাদ জেলার অনেক স্থান অধিকার করেন ; ঐ সকল স্থান অধুনা “ফতেপুর পরগণা” নামে আখ্যাত হইয়া মুর্শিদাবাদ জেলার অন্তর্ভুক্ত রহিয়াছে ।

ক্ষত্রিয়বংশ-সম্ভূত বীরসিংহ বীরভূম রাজ্যের প্রথম হিন্দু নরপতি এবং তাঁহার নামানুসারে এই রাজ্যের নাম বীরভূম হইয়াছে । বীরসিংহ, বীরভূম রাজ্য স্থাপন করিয়া বাহুবলে ক্রমে তাহার বিস্তার বৃদ্ধি করেন ।

তিনি নব প্রতিষ্ঠিত বীরভূম রাজ্যের রাজধানীর নাম স্বীয় নামানুসারে বীরসিংহপুর আখ্যা দিয়াছিলেন। তিনি তাঁহার সুরমা ভবনের অধিষ্ঠাত্রীরূপে এক প্রস্তরময়ী ৮ কালী মূর্তি প্রতিষ্ঠা করিয়া তাঁহার পূজার ব্যবস্থা এবং সদাব্রত ও অতিথিশালা স্থাপন কবিয়াছিলেন। তাঁহার প্রতিষ্ঠিত রাজভবন ও দুর্গের ধ্বংসাবশেষ এবং প্রাচীন সরোবর প্রভৃতি বীরভূমের বক্ষকে স্মৃতিময় করিয়া রাখিয়াছে। বর্তমান সিউড়ীর ছয় মাইল পশ্চিমে, বীরসিংহপুরের অরণ্য বেষ্টিত ভগ্নস্তূপ এখনও বিরাজ করিতেছে। বীরসিংহ অসাধারণ পরাক্রমশালী ছিলেন। ১২২৬খৃঃ সুলতান গিয়াসুদ্দীন বীরভূমরাজের রাজধানী বীরসিংহপুর আক্রমণ করেন। হিন্দুরাজ বহু রাষ্ট্রীয় সৈন্য লইয়া সুলতানের সম্মুখবর্তী হইয়া-ছিলেন। ক্রমে বীরসিংহের ভ্রাতৃত্বয় চৈতন্তসিংহ ও ফতেসিংহ সৈন্তে অগ্রজের সাহায্যার্থে সংগ্রাম ক্ষেত্রে অবতীর্ণ হন। সেই যুদ্ধে মুসলমান সৈন্য পরাজিত হয়। অতঃপর সুলতান কোন উপায়ে ভ্রাতৃ বিচ্ছেদ সংঘটন করেন। বীর সিংহের ভ্রাতৃগণ সুলতানের মায়াজালে ভ্রাতৃদ্রোহী হইয়া নৈশ আক্রমণে রাজা বীর সিংহের বিনাশ সাধন করেন। তাঁহার পুরমহিলাগণ প্রদীপ্ত অগ্নিকুণ্ডে আত্মহত্যা দিয়াছিলেন। সেই সময় রাজমহিষী সমীপস্থ একটি সরোবরে দেহ বিসর্জন করেন; অদ্যাপি সেই প্রাচীন সরোবর “রাণীদহ” নামে পরিচিত।

তৎকালে বীর সিংহের পুত্র শত্রু ভয়ে রাজধানী হইতে পলায়নপূর্বক নগর নামক স্থানে গমন করেন। ১২২৭ খৃঃ তদীয় পিতৃশত্রু সুলতান গিয়াসুদ্দীনের মৃত্যুর পর, তিনি বীরভূম রাজ্যের অধীশ্বর হন। অতঃপর তিনি “বীর রাজ” উপাধি ধারণ করিয়া নগর নামক স্থানে আপনার রাজধানী প্রতিষ্ঠা করেন। তিনি নগরকে দুর্গমালা ও সৌধরাজিতে সুশোভিত করিয়াছিলেন। কালীদহের দক্ষিণতটে তাঁহার রাজ প্রাসাদ নির্মিত হয়। তদবধি “নগর” রাজনগর নামে আখ্যাত হইয়াছে।

সিউড়ী হইতে প্রায় চৌদ্দ মাইল পশ্চিমে প্রাচীন নগরের ধ্বংসাবশেষ এখনও বর্তমান আছে।

১৫৩৮ খৃঃ পাঠান বংশসম্ভূত আসাদউল্লা ও জোনেদ খাঁ নামক ভ্রাতৃদ্বয় পাঠানবীর সের সাহের সহিত বঙ্গদেশে আগমন করেন। ঘটনা ক্রমে তাঁহারা শেষ বীররাজের সমীপে উপস্থিত হন। বীরভূমরাজ তাঁহাদের শক্তি পরীক্ষা করিয়া যুবকদ্বয়কে আপনার কার্যে নিযুক্ত করেন। ক্রমে তাহাদিগকে সেনানী পদে উন্নীত করিয়াছিলেন। অবশেষে ভ্রাতৃদ্বয় হুর্ভিসন্ধি সাধনে বড়বন্দ করিয়া উভয় ভ্রাতায় এক দিবস রাজাকে আক্রমণ করেন। মল্ল যুদ্ধ করিতে করিতে তাহারা পরিশেষে এক কূপের সন্নিকটে উপস্থিত হইয়া রাজাকে তাহাতে নিক্ষেপ করিয়াছিল; কিন্তু বীররাজ পতন সময়ে আসাদউল্লাকে লইয়া কূপের মধ্যে পতিত হন। এইরূপে ১৬০০ খৃঃ বীরভূমরাজ এবং আসাদউল্লার মৃত্যু ঘটিয়াছিল।

৬জোনেদ খাঁ।

তদনন্তর জোনেদ খাঁ বীরভূম রাজ্যের অধিকারী হন। এই সময় হইতে বীরভূম রাজ্যের হিন্দু রাজলক্ষ্মী মুসলমানের অধিকারিণী হইলেন। অল্পদিন পরে জোনেদ খাঁ স্বীয় পুত্র বাহাদুর খাঁর হস্তে রাজ্যভার অর্পণ করিয়া ১৬০০ খৃঃ মৃত্যুমুখে পতিত হন।

৬বাহাদুর খাঁ।

জোনেদ খাঁর মৃত্যুর পর তাঁহার পুত্র বাহাদুর খাঁ ১৬০০ খৃঃ বিধ্বংস সম্পত্তি প্রাপ্ত হন। তিনি একজন রণনিপুণ পরাক্রমশালী নরপতি।

ছিলেন ; তজ্জন্য সাধারণে রণমস্ত খাঁ নামে পরিচিত হন। তিনি প্রবল প্রতাপের সহিত রাজ্য শাসন করিয়া গিয়াছেন। তাঁহার সময়ে দেশে কৃষি বাণিজ্যের উন্নতি হইয়াছিল। বাহাহর খাঁ প্রকৃত পক্ষে বীরভূমের প্রথম পাঠান নরপতি ছিলেন। ১৬৫৯ খৃঃ রণমস্ত খাঁ প্রাণত্যাগ করিয়াছেন।

— — —

৩ কামাল খাঁ ।

বাহাহর খাঁর পরলোকান্তে ১৬৫৯ খৃঃ তদীয় পুত্র খোজা কামাল খাঁ বীরভূমের শাসনভার গ্রহণ করেন। তিনিও পিতার ত্যায় বুদ্ধিমান ও সংগ্রাম নিপুণ ছিলেন। তিনি স্বীয় নামানুসারে কামালপুর নামক একটি গ্রাম স্থাপন করেন। ১৬৯৭ খৃঃ কামাল খাঁ জ্বররোগে গতান্ব হন।

— — —

৩ মহম্মদ খাঁ ।

অতঃপর অল্প সময়ের জন্য তাঁহার পুত্র খোজা মহম্মদ খাঁ বীরভূম রাজ্যের শাসনদণ্ড পরিচালন করেন। তিনি কয়েক মাস মাত্র রাজত্ব করিয়া লোকান্তরিত হন।

— — —

৩ আসাদুল্লা খাঁ ।

তৎপরে মহম্মদ খাঁর পুত্র আসাদুল্লা খাঁ ১৬৯৭ খৃঃ বীরভূমের শাসনভার গ্রহণ করেন। তাঁহার কৌতুকলাপে বীরভূমের ইতিবৃত্ত সমৃদ্ধ হইয়াছে। তিনি রাজ্যের আয়ের অর্দ্ধাংশ কেবল ধার্মিক, সাধুসন্ন্যাসী

ও ফকির প্রভৃতির সেবায় ব্যয় করিতেন। তিনি কয়েকটা পুষ্করিনী খনন ও মসজিদ নির্মাণ করাইয়াছিলেন ; অধিকন্তু রাজ্যের সৈন্যসংখ্যা বৃদ্ধি করিয়াছিলেন। মুর্শিদাবাদের নবাবদরবারে তিনি বিশেষ সম্মান প্রাপ্ত হইয়াছিলেন। যুদ্ধকালে নবাবকে যথেষ্ট সাহায্য করিতেন এবং নবাবও তাঁহার নিকট কখন রাজস্বের দাবী করেন নাই। নবাব মুর্শিদকুলি খাঁ ঝাড়খণ্ডের পার্বত্য জাতির অত্যাচার হইতে দেশ রক্ষার ভার আসাফুল্লার উপর গ্রহণ করিয়া, তাঁহাকে রাজস্ব প্রদান হইতে এক প্রকার মুক্তি দিয়াছিলেন। মুর্শিদাবাদের নবাব দরবারে উপস্থিত থাকিতে হইত না ; তিনি প্রতিনিধি দ্বারা কার্য্য নির্বাহ করিতেন। তৎকালে মুর্শিদাবাদের রাজদরবারে বিষ্ণুপুর ও বীরভূমের রাজগণ বিশেষ সম্মান প্রাপ্ত হইতেন। আসাফুল্লা খাঁ প্রতিপত্তির সহিত রাজত্ব করিয়া ১৭১৮ খৃঃ স্বর্গারোহণ করেন। তাঁহার দুই পুত্র—বদিওজমান খাঁ ও আজীম খাঁ।

৬ বদিওজমান খাঁ ।

আসাফুল্লার মৃত্যুর পর ১৭১৮ খৃঃ তাঁহার জ্যেষ্ঠ পুত্র বদিওজমান খাঁ বীরভূমের অধীশ্বর হন। নবাব মুর্শিদকুলি খাঁ তাঁহাকে রাজ্য উপাধি প্রদানপূর্ব্বক একখানি সনন্দ দিয়াছিলেন। তিনি পিতৃসিংহাসন প্রাপ্ত হইয়া কনিষ্ঠ ভ্রাতা আজীম খাঁকে রাজকার্য্যে নিয়োগপূর্ব্বক প্রতাপালন করিতেন। তিনি হিন্দু-মুসলমান সকল প্রজাকেই সমভাবে প্রীতি করিতেন এবং তাহাদিগকে অনেক নিকর ভূসম্পত্তি দান করিয়াছিলেন। তাঁহার রাজ্য মধ্যে সহস্রা একটি অন্তর্বিপ্লব উপস্থিত হওয়ায় সেই বিদ্রোহ দমনের জন্ত রাজস্বসচিব হাতেম খাঁকে প্রেরণ করেন। হাতেম খাঁর কৌশলে বিদ্রোহ প্রশমিত হইলে বারভূমরাজ তাঁহার দক্ষতায় সন্তুষ্ট

হইয়া পুরস্কারস্বরূপ বুদ্ধ হাতেম খাঁকে “রাজা” উপাধিতে ভূষিত করেন । বিদ্রোহদমন জন্ত হাতেম খাঁ যে স্থানে দুর্গ নির্মাণপূর্ব্বক সৈন্য সমাবেশ করিয়াছিল, তিনি তথায় একটি পল্লী স্থাপন করিয়া বাস করেন । বীরভূমপতি, হাতেম খাঁর স্মৃতি অক্ষয় করিতে তদীয় নামানুসারে পল্লীর নাম “হাতেমপুর” রাখিয়াছিলেন । এক্ষণে সেই স্থান “হেতমপুর” নামে অভিহিত হইয়াছে । মুর্শিদাবাদের নবাব সুলতান আলীর সময় বীরভূমরাজ যথাসময়ে রাজস্ব প্রদানে অক্ষম হওয়ায়, নবাব তাঁহাকে বিশেষ প্রপীড়িত করেন । অবশেষে উত্তেজিত হইয়া ১৭৩৪ খৃঃ বীরভূমরাজ নবাবের অধীনতা ছিন্ন করিয়া কিয়দ্দিবসের জন্ত স্বাধীন হন ; অনন্তর তাঁহাকে তিন লক্ষ টাকা জরিমানা দিতে হইয়াছিল । বুদ্ধ বয়সে তিনি ধর্ম্মালোচনায় প্রবৃত্ত হওয়ায় রাজ্যে নানাবিধ বিশৃঙ্খলতা উপস্থিত হয় । ১৭৫১ খৃঃ রাজার চতুর্থ পুত্র আসাদওজমান খাঁ, মুর্শিদাবাদের নবাব আলিবর্দী খাঁকে তদ্বিষয়ে জ্ঞাপন করিয়া সিংহাসন প্রাপ্তি সম্বন্ধে নবাবের নিকট হইতে সনন্দ লইয়া বীরভূমে প্রত্যাগত হন । বুদ্ধ রাজা জীবনের অবশিষ্টকাল ধর্ম্মালোচনায় অতিবাহিত করিয়া ১৭৫১ খৃঃ মানবলীলা সম্বরণ করেন । তাঁহার প্রথমা পত্নীর দুই পুত্র—আহম্মদওজমান খাঁ ও মহম্মদ আলিনকি খাঁ ; দ্বিতীয়ার গর্ভে—ফকরওজমান খাঁ ও আসাদওজমান খাঁ ; তন্মিত্ত তাঁহার এক উপপত্নীর গর্ভে বাহাদুরওজমান খাঁ নামক এক অবৈধ পুত্র জন্মগ্রহণ করেন ।

৬ আসাদওজমান খাঁ ।

বুদ্ধ রাজা বদিওজমান খাঁ সিংহাসনচ্যুত হইলে তাঁহার চতুর্থ পুত্র আসাদওজমান খাঁ ১৭৫২ খৃঃ পিতৃসিংহাসন প্রাপ্ত হন । তাঁহার সময়ে বীরভূমে বহু যুদ্ধ বিগ্রহ হইয়াছিল । তিনি সিংহাসনে অধিষ্ঠিত হইবার

কিয়দ্বিস পরে তদীয় ভ্রাতা আহম্মদ ও আলিনকি খাঁ রাজনগর পরিত্যাগ-পূর্বক মুর্শিদাবাদ গমন করিয়া উভয়ে নবাব সরকারে সৈনিকের কার্যে নিযুক্ত হন। ১৭৫৬ খৃঃ নবাব আলিবর্দী খাঁর মৃত্যুর পর তাঁহার দৌহিত্র সিরাজদ্দৌলা মুর্শিদাবাদের সিংহাসনে আরোহণ করেন। অন্ধকূপ হত্যার সময় নবাব সিরাজদ্দৌলা যখন কলিকাতা আক্রমণ করেন সেই সময় তাঁহার সেনাপতি আলিনকি খাঁ কলিকাতা নগরী অধিকার করিয়াছিলেন। নবাব তাঁহার বীরত্ব ও রণকৌশলে পরিতুষ্ট হইয়া আলিনকির নাম চিরস্মরণীয় করিবার জন্ত কলিকাতার নাম আলিনগর আখ্যা দিয়াছিলেন। চব্বিশ-পরগণার প্রধান নগর বর্তমান আলিপুর আলিনকির নামানুসারে অভিহিত হইয়াছে। তৎকালে গিধোরের মহারাজ জয়মঙ্গল সিংহ বীরভূমরাজকে যুদ্ধে পরাজিত করিয়া তাঁহার রাজ্য আক্রমণ করেন। আলিনকি সেই সময় বীরভূমে উপস্থিত হইয়া গিধোর-রাজ্যের বিরুদ্ধে সসৈন্তে অগ্রসর হন। আলিনকি খাঁ গিধোররাজকে দেওঘরের সীমানার বহির্ভূত করিয়া গিধোররাজ্যের তথাকার অধিকৃত স্থানসমূহ অধিকার করেন। সেই সময়ে ৬ বৈদ্যনাথ জীউর সেবকগণ বীরভূমরাজের বশতা স্বীকার করিয়া ৬ বৈদ্যনাথ জীউর সেবার্থ যাত্রী-দিগের নিকট প্রতিবৎসর যে অর্থ সংগৃহীত হইত, তাহার পঞ্চমাংশ বীরভূমরাজকে প্রদান করিতে প্রতিশ্রুত হন। আলিনকির পরাক্রমে তাঁহার রাজত্বকালে বীরভূম রাজ্যের প্রসার বন্ধিত হইয়াছিল। তখন ইহার পূর্বপ্রান্তে ভাগীরথী, পশ্চিমপ্রান্তে পঞ্চকোট রাজ্য, উত্তরে ভাগলপুর ও দক্ষিণে অজয়নদ অবস্থিত ছিল। ১৭৫৭ খৃঃ ২৩শে জুন-পলাশীর রণরঙ্গভূমে বঙ্গের শেষ স্বাধীন নবাব সিরাজদ্দৌলার পরাজয় হইলে সমগ্র ভারতের ভাগ্য পরিবর্তনের সূত্রপাত হয়। মুর্শিদাবাদের নবাবের শোচনীয় অবস্থা দর্শন করিয়া বীরভূমরাজ বঙ্গরাজ্য গ্রাস করিবার উদ্যোগ করেন। সেই সময় নবাব মীরজাফরের পত্নী মণিবেগম, ইষ্ট

ইণ্ডিয়া কোম্পানীর নিকট সাহায্য প্রার্থনা করিলে কোম্পানীর কলিকাতার কর্তৃপক্ষ বীরভূমরাজের বিরুদ্ধে ব্রিটিশ বাহিনী প্রেরণ করেন। বীরভূমরাজ পরাজিত হইয়া প্রতিবর্ষে বীরভূম রাজ্যের বার্ষিক রাজস্বের তৃতীয়াংশ কোম্পানীকে প্রদান করিতে অঙ্গীকৃত হন। অতঃপর নবাব মীরকাশীম বীরভূম ও তৎসম্বন্ধিত ভূভাগকে স্বীয় অধিকার ভুক্ত করেন। বীরভূমরাজ স্বরাজ্য হইতে বঞ্চিত হইলে নবাব মীরকাশীম, মহম্মদ তকীখাঁকে বীরভূমের ফৌজদার নিযুক্ত করেন। মীরকাশীমের পর ১৭৬৪ খৃঃ মীরজাফর পুনরায় মুর্শিদাবাদের সিংহাসনে অধিষ্ঠিত হইলে বীরভূমের পদচ্যুত রাজা সুরোগ প্রাপ্ত হইয়া পুনরায় স্বরাজ্য প্রাপ্তির জন্য নবাবের নিকট এক আবেদন করিয়াছিলেন। নবাব বীরভূমরাজকে দরবারে আহ্বান করিয়া ৬,৩৫২ টাকার খেলাত প্রদান করেন। অতঃপর ১৭৬৮ খৃঃ বীরভূমরাজ ইষ্ট ইণ্ডিয়া কোম্পানীর হস্তগত হইয়া সাক্ষীগোপাল হইলেন। ১৭৭২ খৃঃ কোম্পানী রাজাকেই স্থানীয় শাসনের ভার হস্ত করেন। ছিয়াত্তরের মন্বন্তরে দেশের দুর্দশা হইলে তিনি সেই সকল দেখিয়া ভগ্নমনোরথ হইয়া কলিকাতায় আগমন করিয়াছিলেন। অবশেষে ১৭৭৭ খৃঃ বীরভূমরাজ আসাদউজ্জমান খাঁ পক্ষাঘাত রোগে কলিকাতায় ভবঘ্ননা শেষ করেন। তাঁহার মৃতদেহ কলিকাতা হইতে আনিয়া রাজনগরের ফুলবাগান নামক স্থানে সমাহিত করা হইয়াছিল। তাঁহার কোন সন্তানাদি হয় নাই।

আসাদউজ্জমানের মৃত্যুর পর তাঁহার পদ লাভের জন্ত তদীয় অবৈধ ভ্রাতা বাহাদুরউজ্জমান খাঁ কোম্পানীর নিকট আবেদন করেন; কিন্তু আসাদউজ্জমানের বিধবা পত্নী লালবিবি তাঁহার প্রতিদ্বন্দ্বী হইয়াছিলেন। লালবিবি কোম্পানীকে জ্ঞাপন করেন, বাহাদুরউজ্জমান খাঁ দাসীর পুত্র বলিয়া রাজ্যের চিরপ্রথাযুসারে রাজ্যাধিকারী হইতে পারেন না। কোম্পানী তজ্জন্ত বাহাদুরকে বঞ্চিত করিয়া লালবিবিকে তাঁহার

স্বামীর পরিত্যক্ত সিংহাসন প্রদান করেন। লালবিবির এক ভ্রাতা তকী খাঁ তাঁহার প্রতিনিধিস্বরূপ বিষয় কার্য পর্যবেক্ষণ করিতেন। সেই সময় বাহাদুরওজমান খাঁ সম্পত্তি লাভে অকৃতকার্য হইয়া তিনি ভোটান সাহ নামক জনৈক বঙ্গুর সহিত মিলিত হইয়া লালবিবির বিরুদ্ধে এক ভীষণ ষড়যন্ত্র করেন। ভোটান সাহ উৎকোচ দিয়া লালবিবির জনৈক দ্বারবানকে বশীভূত করিয়া তদ্বারা বাহাদুরওজমানের একজন দ্বারবানকে হত্যা করিয়াছিল। তৎপরে হত্যাকারী বিশ্বাসঘাতক দ্বারবান প্রকাশ করে যে তিনি লালবিবির দ্বারা এই কার্যে নিয়োজিত হইয়াছিলেন। ইষ্ট ইণ্ডিয়া কোম্পানী সেই অপরাধের জন্ত লালবিবিকে বন্ধিত করিয়া বাহাদুরওজমানকে তৎপদে নিয়োগ করিয়াছিলেন। ১৭৮৩ খৃঃ ১৫ই সেপ্টেম্বর লালবিবি স্বামীর রাজ্য পুনঃ প্রাপ্তির জন্ত কোম্পানীর নিকট আবেদন করেন; অতঃপর গবর্ণমেন্ট ১৮০০ খৃঃ ৩০শে সেপ্টেম্বর তাঁহার মাসিক দুইশত টাকা বৃত্তির ব্যবস্থা করিয়া দিয়াছিলেন।

৬ বাহাদুরওজমান খাঁ।

১৭৭৮ খৃঃ ষড়যন্ত্রের সাহায্যে বাহাদুরওজমান খাঁ বীরভূম জমিদারীর অধিকারী হন। তিনি অত্যন্ত বিলাসপরায়ণ ও অপব্যয়ী ছিলেন। মন্বন্তরের ফলে ঘোরতর দুর্ভিক্ষ উপস্থিত হইলে প্রজার নিকট ঋজানা আদায় না হওয়ায় তাঁহার অনেক টাকা রাজস্ব বাকী পড়িয়াছিল। ১৭৮৪ খৃঃ ১০ই আগষ্ট বীরভূমপতির শোচনীয় অবস্থার বিষয় ওয়ারেন্ হেস্টিংস বাহাদুরের নিকট জ্ঞাপন করিলে তাঁহার বৃত্তির বন্দোবস্ত হইয়াছিল। ক্রমে দস্যুদলের উপদ্রবে বীরভূম অঞ্চল কম্পিত হইলে, কোম্পানী উহা অবগত হইয়া বীরভূমকে আপনাদের শাসনাধীন করেন। ১৭৮৬ খৃঃ জি, আর, ফলি নামক একজন ইংরাজ কর্মচারী বীরভূমে

প্রথম নিযুক্ত হন। ১৭৮৭ খৃঃ লর্ড কর্ণওয়ালিস বাহাদুর বীরভূমকে মুর্শিদাবাদ জেলা হইতে বিচ্ছিন্ন করিয়া বিষ্ণুপুরের সহিত সংযুক্ত করেন ; এবং যুক্ত প্রদেশের প্রধান নগর বিষ্ণুপুর হইতে সিউড়ীতে স্থানান্তরিত হয়। সেই সময় বীরভূমরাজ একজন সাধারণ ভূস্বামীমাত্র হইলেন। অতঃপর ১৭৮৯ খৃঃ জুসনাবাদের পল্লীভবনে বাহাদুরওজমান খাঁ মৃত্যুমুখে পতিত হন। তাঁহার মৃতদেহ আনিয়া রাজনগরের ফুলবাগানে সমাহিত করা হইয়াছিল।

৬ মহম্মদওজমান খাঁ ।

বাহাদুরওজমানের পরলোকান্তে ১৭৮৯ খৃঃ তাঁহার নাবালক পুত্র মহম্মদওজমান খাঁ পৈতৃক সম্পত্তির উত্তরাধিকারী হন। তিনি অপ্রাপ্ত বয়স্ক থাকায় গবর্ণমেন্ট হইতে তাঁহার সম্পত্তির পরিচালন ভার গ্রহণ করিয়া পাঁচ বৎসরের জন্ত রমানাথ ভাড়াড়ী দেওয়ান পদে নিযুক্ত হইয়াছিলেন। ১৭৯০ খৃঃ ১৪ই জানুয়ারী তিনি সাবালক হইয়া গবর্ণমেন্টের নিকট রাজসনন্দ প্রাপ্ত হন। কোম্পানীর প্রাপ্য রাজস্বের জন্ত তাঁহাকে ১৭৯১ খৃঃ বন্দী হইতে হয় ; তৎকালে কোন নির্দিষ্ট সময়ের মধ্যে রাজস্ব পরিশোধের অঙ্গীকার করিয়া তিনি মুক্তিলাভ করেন। ১৭৯৪ খৃঃ পুনরায় কোম্পানীর রাজস্ব বাকী হইলে রেভিনিউ বোর্ড বীরভূমরাজের কতক সম্পত্তি বিক্রয় করিয়া প্রাপ্য রাজস্ব আদায়ের ব্যবস্থা করেন। তদনুসারে ১৭৯৫ খৃঃ ১লা জানুয়ারী তাঁহার জমিদারীর কিয়দংশ নিলামে বিক্রয় হয়। সেই সময় হেতমপুর রাজবংশের পূর্বপুরুষ রাধানাথ চক্রবর্তী বীরভূমরাজের পূর্বোক্ত নিলামে বিক্রীত সম্পত্তি ক্রয় করেন। ১৮০২ খৃঃ ১৫ই ফেব্রুয়ারী মহম্মদওজমান খাঁ মানবলীলা সম্বরণ করেন। তাঁহার উত্তমকুমারী নামে এক পত্নী ছিলেন ; অধিকন্তু তিনি ঘেসেটিরাণী নামী এক বিধবা রমণীকে

নিকা করিয়াছিলেন । এই পত্নীর গর্ভে মহম্মদ দাওরওজমান নামে একটি পুত্র জন্মগ্রহণ করেন । বীরভূমরাজের মৃত্যুর পর তদীয় পরিবার-বর্গের ভরণপোষণ জ্ঞাত গবর্ণমেন্ট মাসিক পাঁচ শত টাকা বৃত্তির ব্যবস্থা করিয়াছিলেন ।

৮ দাওরওজমান খাঁ ।

মহম্মদওজমান খাঁ বীরভূম জমিদারীর উত্তরাধিকারীরূপে দাওরওজমান খাঁ নামক এক নাবালক পুত্র রাখিয়া যান । তিনি মৃত্যুকালে তদীয় জননী সোণারাগী ও ইমামবক্সের হস্তে অপ্রাপ্ত বয়স্ক পুত্রের ভারার্পণ করিয়াছিলেন । তদনুদারে তাঁহারা ১৮০২ খৃঃ দাওরওজমানকে বীরভূমের মসনদে অভিষিক্ত করেন । কিন্তু মহম্মদওজমানের অন্ততমা পত্নী উত্তমকুমারী দ্বিতীয় রাজকুমারের পক্ষ হইতে দাওরওজমানের অভিষেকে আপত্তি করিয়া ১৮০৫ খৃঃ তাঁহাকে সিংহাসনে অভিষিক্ত করিবার জ্ঞাত গবর্ণমেন্টের নিকট আবেদন করিয়াছিলেন । কলিকাতা-নিবাসী কৃষ্ণরাম বসু ইতঃপূর্বে সাহ আলমপুর পরগণা, দড়ি ময়ুরেশ্বর ও মল্লারপুর তালুক বন্ধক রাখিয়া বীরভূমরাজকে অনেক টাকা ঋণ দিয়াছিলেন ; তজ্জ্ঞাত তিনি উত্তমকুমারীর পক্ষ অবলম্বন করেন । পরিশেষে জজের নিকট মোকদ্দমা উপস্থিত হইলে, দাওরওজমান জয়লাভ করেন । ১৮০৬ খৃঃ তিনি ইংরাজ গবর্ণমেন্টের নিকট নূতন সনন্দ প্রাপ্ত হন । ১৮০৯ খৃঃ ঋণভারগ্রস্ত রাজার সমস্ত অস্থাবর সম্পত্তি বিক্রয়ার্থ মুর্শিদাবাদের কালেক্টরের ক্রোক আমীন হেতমপুর রাজবংশের পূর্বপুরুষ রাধানাথ চক্রবর্তী রাজনগরে উপস্থিত হইয়া অধিকাংশ সম্পত্তি বিক্রয় করেন । সেই সময় তাঁহাদের গবর্ণমেন্ট প্রদত্ত বৃত্তি কোন কারণে বন্ধ হইয়াছিল । তখন রাজা দাওরওজমান খাঁ রাধানাথ চক্রবর্তীর নিকট অনেক টাকা ঋণ গ্রহণ করেন । এই সময়

বীরভূমরাজ, রাধানাথ চক্রবর্তীর পুত্র বিপ্রচরণ চক্রবর্তীকে দেওয়ান পদে নিযুক্ত করেন ; কিন্তু তিনি কয়েক মাস পরে কস্ম পদত্যাগ করিয়া-
ছিলেন । ১৮৫৫ খৃঃ মহম্মদ দাওরওজমান খাঁ লোকান্তরিত হন । তিনি
মৃত্যুকালে মহম্মদ জওহরওজমান খাঁ নামে এক পুত্র ও রজকল্লাস বিবি
নাম্নী এক কন্যা রাখিয়া গিয়াছিলেন ।

৩ মহম্মদ জওহরওজমান খাঁ ।

দাওরওজমানের মৃত্যুর পর ১৮৫৫ খৃঃ তদীয় পুত্র মহম্মদ জওহর-
ওজমান খাঁ উত্তরাধিকারী হন । তাঁহাকে আর কেহ বীরভূমরাজ না
বলিয়া রাজনগরের রাজা বলিতেন । তিনি অবশিষ্ট দ্রব্যাদি বিক্রয়
করিয়া কিছুদিন জীবনযাপন করেন । ১৮৮৫ খৃঃ নবেম্বর মাসে রাজ-
নগরাধিপতি জওহরওজমান খাঁ পরলোকগমন করেন । তিনি মৃত্যু-
কালে অজহরওজমান খাঁ, আতাহারওজমান খাঁ, সফরওজমান খাঁ ও
জানু আলম খাঁ নামক চারি পুত্র রাখিয়া যান ।

১৮৮৭ খৃঃ রাজনগরের রাজার ভূসম্পত্তি বিক্রয় হয় ; হেতমপুরের
স্বর্গীয় মহারাজ রামরঞ্জন চক্রবর্তী বাহাদুর ঐ সম্পত্তি ক্রয় করেন ।
এই সময় রাজনগর রাজবংশধরগণের জীবিকার সম্বল কিছুই ছিল না ।
তৎকালীন স্থানীয় ম্যাজিস্ট্রেট গ্রান্ট সাহেব বাহাদুর বীরভূমের প্রাচীন
রাজবংশের শোচনীয় অবস্থা অবগত হইয়া গবর্ণমেন্টকে অনুরোধ করিয়া
রাজপরিবারের ভরণপোষণের জন্ত রাজনগরের ভূসম্পত্তির সাড়ে তিন
আনা অংশ প্রদান করেন । মহম্মদ জওহরওজমান খাঁর দূরবস্থাপন্ন
বংশধরগণ তাহার আয়ের দ্বারা জীবিকানির্ভর করিতেছেন । রাজ-
নগরের প্রকাণ্ড ভগ্নাবশেষ ভিন্ন বীরভূম রাজবংশের প্রাচীন গৌরবের
স্মৃতি আর কিছুই নাই ।

হেতমপুর রাজবংশ ।

বীরভূম জেলার অন্তর্গত হেতমপুর রাজবংশ রাঢ়ীশ্রেণীর ব্রাহ্মণ, শুদ্ধ শৌত্রীয়, কর্ণব্যালের সন্তান, শিমুলাই গাঁই, বাৎশ গোত্র । বাঁকুড়া ইহাদের পৈতৃক আবাসভূমি ছিল ।

৩ মুরলীধর চক্রবর্তী ।

১৬৫০ খৃঃ এই বংশের জনৈক পূর্বপুরুষ মুরলীধর চক্রবর্তী অতি অল্পবয়সে চাকুরীর জন্ত বীরভূম আগমন করিয়া রাজনগরের অধিপতি বাহাদুর খাঁর রাজসরকারে একটি সামান্য কর্মে নিযুক্ত হন । তৎপরে তিনি জন্মভূমি পরিত্যাগ করিয়া রাজনগরে সপরিবারে বসতি করেন এবং পূর্বপুরুষগণের প্রতিষ্ঠিত ৩ দধিবামন নামক কুলদেবতাকে কর্মস্থানে আনয়নপূর্বক সেবা পবিচর্যা করিতেন । তিনি চৈতন্যচরণ ও প্রসাদদাস নামে দুই পুত্র রাখিয়া পরিণত বয়সে গতাস্ব হন । তাঁহার কনিষ্ঠ পুত্র প্রসাদদাস হেতমপুরের নিকটবর্তী চাঁপানগর গ্রামে একটি পাঠশালায় গুরুমহাশয়ের কার্য্য করিতেন ; তাঁহার বংশ এক্ষণে বিদ্যমান নাই ।

৩ চৈতন্যচরণ চক্রবর্তী ।

মুরলীধরের জ্যেষ্ঠ পুত্র চৈতন্যচরণ চক্রবর্তী রাজনগর পরিত্যাগপূর্বক হেতমপুরে আসিয়া বাসস্থাপনা করেন । তিনি সঙ্গীত শাস্ত্রে বিশেষ পারদর্শিতা লাভ করিয়া মুসলমান রাজকর্মচারীগণের প্রিয়পাত্র হইয়া-

ছিলেন। তাঁহার চারি পুত্র, ব্রজমোহন, রাধানাথ, কুচিল ও সনাতন চক্রবর্তী; তন্মধ্যে জ্যেষ্ঠ পুত্র ব্রজমোহন অকস্মাৎ কালগ্রাসে পতিত হন। ১৭৭৪ খৃঃ ৭৫ বৎসর বয়সে চৈতন্যচরণ চক্রবর্তী পুত্রশোকে পরলোকগমন করেন।

৬ রাধানাথ চক্রবর্তী ।

চৈতন্যচরণের মধ্যম পুত্র রাধানাথ চক্রবর্তী রাজনগরের মুসলমান রাজগণের অধীনে জমিদারী সেরেস্তায় তহশীলের কার্যে প্রবেশ করিয়া প্রভূত অর্থোপার্জন করেন। ক্রমে তিনি মুসলমান রাজার অধীনে কয়েকটি মহালের পত্তনী ইজারা বন্দোবস্ত লইয়া যথেষ্ট লাভবান হন। ১৭৯৮ খৃঃ রাধানাথ লাট ধনা ও জোনেদপুর ক্রয় করিয়া পুনরায় উহা অধিক মূল্যে বিক্রয় করিয়া ১৮০০ খৃঃ লাট রূপসপুর ক্রয় করেন। এইরূপ ক্রয় বিক্রয় আদান প্রদান প্রভৃতি বিবিধ কৌশলে ১৮০১ খৃঃ তিনি হালশীনগর, গোপালনগর ও কুণ্ডহিত নামে তিন পরগণার জমিদারী স্বত্ব ক্রয় করিয়াছিলেন। ১৮০৩ খৃঃ তিনি ৬ রাধাবল্লভ জৌদর ঠাকুর বাড়ীর সংলগ্ন হস্তা্যাবলী নির্মাণ করেন। তদবধি এই ব্রাহ্মণ পল্লীর নাম রাধাবল্লভপুর হইয়াছে। ১৮০৩ খৃঃ তিনি তদীয় কনিষ্ঠ ভ্রাতা কুচিল চক্রবর্তীর সহিত পৃথক হন। রাধানাথ এগার আনা ও কুচিল পাচ আনা হিসাবে জমিদারীর অংশ প্রাপ্ত হইলে এই বংশে বড় তরফ ও ছোট তরফ নামে দুইটি শাখার উৎপত্তি হয়। কালক্রমে ছোট তরফের বংশধরগণ বহু শাখায় বিভক্ত হইয়া অনেকে অপেক্ষাকৃত হীনাবস্থাপন্ন হইয়াছেন। বড় তরফ হইতে বর্তমান রাজবংশের উৎপত্তি হইয়াছে। রাজনগরের অধিপতিগণ নানাপ্রকারে ঋণজালে জড়িত হইয়া ক্রমশঃ হীনাবস্থাপন্ন হওয়ায় দেনায় তাঁহাদের বহুমূল্যের সম্পত্তিসমূহ

অল্পমূল্যে নীলামে বিক্রয় হয়। সেই সময় স্বেচ্ছা পাঠিয়া রাধানাথ অনেক সম্পত্তি ক্রয় করেন। তিনি ইংরাজ গবর্ণমেন্টের অধীনে কিছু দিন ক্রোক আমীনের কার্য করিয়াছিলেন। ১৮০২ খৃঃ রাধানাথ রাজনগরাধিপতির সম্পত্তি ক্রোক করিয়া উহা অল্প মূল্যে ক্রয় করিয়া যথেষ্ট বিত্তশালী হন। অতঃপর রাজকার্য্য পরিতাগ পূর্ব্বক স্বাধীনভাবে বিষয় কার্য্য করিতে থাকেন। ১৮১০ খৃঃ তিনি যশপুরের তালুকদার সেখ রেজারবক্তের নিকট চক্ মোহনপুর ক্রয় করেন। তিনি মোহনপুরে একটি বাঁধ করাইয়াছিলেন, তাহা অদ্যাপি বর্ত্তমান রহিয়াছে। হেতমপুরের পশ্চিমপ্রান্তে তিনি একটি বৃহৎ পুষ্করিণী খনন করাইয়াছিলেন, তাহাও অত্য়াপি বাঁধাপুকুর নামে বিত্তমান; এতদ্ভিন্ন হেতমপুরে তাঁহার অনেক সংকীর্্তির নিদর্শন পাওয়া যায়। তিনি একজন নিষ্ঠাবান ব্রাহ্মণ ছিলেন। লক্ষ হরিনাম জপ তাঁহার দৈনন্দিন কার্য্য ছিল। হরিনাম সঙ্কীর্্তনে তাঁহার বিশেষ অত্নবাগ থাকায় তিনি নিজে অনেক কীর্্তনের সঙ্গীত রচনা করেন। ১৮৩৩ খৃঃ তদীয় জ্যেষ্ঠ পুত্র বিপ্রচরণ সরস্বতী পূজা ও কনিষ্ঠ পুত্র গঙ্গানারায়ণ দুর্গোৎসব প্রতিষ্ঠা করেন; কিন্তু সেই বৎসর মার্চ মাসে ৩৭ বৎসর বয়সে গঙ্গানারায়ণের মৃত্যু হইলে পরবৎসর রাধানাথ স্বগৃহে দুর্গোৎসব না করিয়া হেতমপুর-নিবাসী গয়াধাম বন্দোপাধ্যায় নামক জনৈক নিষ্ঠাবান ব্রাহ্মণের উপর দুর্গোৎসবের ভার অর্পণ করেন। তাঁহার বর্ত্তমান বংশধরগণ অত্য়াপি সেই পূজা নিরীহ করিয়া আসিতেছেন এবং পূজার ব্যয় রাজএষ্টেট হইতে প্রদত্ত হইয়া থাকে। ১৮৩৫ খৃঃ ৭৪ বৎসর বয়সে রাধানাথ চক্রবর্ত্তী মানব-লীলা সম্বরণ করেন। তিনি মৃত্যুকালে প্রায় বিংশতি সহস্রাধিক মুদ্রা আয়ের সম্পত্তি রাখিয়া যান। বীরভূম জেলার অন্তর্গত পেরুয়া গ্রাম নিবাসী নিকুঞ্জনাথ চক্রবর্ত্তীর কন্যা দাণ্ডমণি দেবীর পাণিগ্রহণ করেন। তাঁহার দুই পুত্র ও চারি কন্যা হইয়াছিল; তন্মধ্যে কনিষ্ঠ পুত্র গঙ্গা-

নারায়ণ নিঃসন্তান ছিলেন । বীরভূম জেলার অন্তঃপাতী সাজিনা গ্রামের দ্বারকানাথ মুখোপাধ্যায়ের সহিত প্রথমা কন্যা কল্পিণী দেবীর বিবাহ হয় । বালিজুড়ি-নিবাসী শিবনাথ বন্দ্যোপাধ্যায়ের সহিত দ্বিতীয়া কন্যা রামমণির বিবাহ হইয়াছিল ; তাঁহার বংশধরগণ অद्याপি হেতমপুরে বাস করিতেছেন । শান্তিপুর-নিবাসী আনন্দমোহন ভট্টাচার্য্যের সহিত তৃতীয়া কন্যা কৃষ্ণমণির পরিণয় হয় ; তাঁহার বংশধরগণও হেতমপুরে বাস করিতেছেন । কনিষ্ঠা কন্যা শ্রামমণি শৈশবে মৃত্যুমুখে পতিত হন ।

৩ বিপ্রচরণ চক্রবর্তী ।

রাধানাথের পরলোকান্তে তাঁহার জ্যেষ্ঠ পুত্র বিপ্রচরণ চক্রবর্তী ১৮৩৫ খৃঃ ৪৯ বৎসর বয়সে তদায় সম্পত্তির একমাত্র উত্তরাধিকারী হন । তিনি ১৮৩৭ হইতে ১৮৪২ খৃঃ পর্য্যন্ত রাজনগরাধিপতি দাওরওজমান খাঁর দেওয়ান পদে নিযুক্ত ছিলেন । রাজা বাহাদুর বিপ্রচরণের কার্য্যে সন্তুষ্ট হইয়া তাঁহাকে সম্মানসূচক “জুজুর” উপাধি প্রদান করেন । বিপ্রচরণ রাজনগরের রাজবংশসম্বৃত্তা বিবি রজবন্নেসাকে পঞ্চাশ হাজার টাকা ঋণ দিয়া মহম্মদাবাদের জমিদারী স্বত্ত্ব বন্ধক রাখেন । তৎপরে ১৮৪৩ খৃঃ ২৫শে এপ্রেল স্বীয় পুত্র কৃষ্ণচন্দ্রের নামে উক্ত মহম্মদাবাদ পত্তনৌ গ্রহণ করেন । বিবি রজবন্নেসা ঋণ পরিশোধ করিতে না পারায় ১৮৪৭ খৃঃ ৩১শে মে পুনরায় পঁয়ত্রিশ হাজার টাকা পণ দিয়া, বিপ্রচরণ মহম্মদাবাদের জমিদারী স্বত্ত্ব ক্রয় করেন । অতঃপর তিনি লাট সাহ-আলমপুরের চতুর্থাংশ পত্তনৌ বন্দোবস্ত লইয়া অবশেষে তাহার ষোল আনা জমিদারী স্বত্ত্ব ক্রয় করেন । ১৮৪৮ খৃঃ তিনি একটি আদর্শ বিদ্যালয় স্থাপন করেন । ১৮৫৫ খৃঃ সাঁওতাল বিদ্রোহের সময় বিপ্রচরণ ব্রিটিশ রাজকে সাহায্য করিয়াছিলেন । তিনি ধার্মিক ও কীর্ত্তিমান

পুরুষ ছিলেন। বর্তমান সময়ে হেতমপুরে তাঁহার অনেক কীর্তি পরিলক্ষিত হয়। তিনি হেতমপুরে কয়েকটি দেবমন্দির ও সরোবর প্রতিষ্ঠা করেন। গোবিন্দসায়ের নামক বৃহৎ পুষ্করিণী খনন করাইয়া স্বীয় কন্যা দোলগোবিন্দমণির নামে প্রতিষ্ঠা করেন। বিরজাসায়ের নামক বৃহৎ সরোবর খনন করাইয়া স্বর্গীয় ভ্রাতা গঙ্গানারায়ণের বিধবা পত্নী বিরজাসুন্দরীর নামে প্রতিষ্ঠা করিয়াছিলেন। সুখসায়ের নামক পুষ্করিণী স্বীয় ভগিনী সুকুমারীর নামে প্রতিষ্ঠিত হইয়াছিল। মানসায়ের নামক পুষ্করিণী তদীয় ভাগিনেয়ী মানমোহিনীর নামে প্রতিষ্ঠা হয়। লালদিবী নামক সরসী এবং তত্তীর্থস্থ পঞ্চ শিবমন্দির ও “বারহুয়ারী” নামক ভবন তাঁহার অশ্রুতম কীর্তি। মহারাজ রামরঞ্জন উহা সুন্দররূপে সংস্কার করাইয়া “রোজিভিল্লা” নাম প্রদান করেন। এতদ্ভিন্ন তিনি নূতন পুষ্করিণী নামক একটি সরোবর খনন করাইয়া স্বীয় ভগিনী কল্মিণীর নামে প্রতিষ্ঠা করিয়াছিলেন। তিনি যে বৃহৎ বাংলা নিৰ্ম্মিত করেন, তথায় এক্ষণে রাজকৰ্মচারীগণ বাস করিতেছেন। তাঁহার প্রতিষ্ঠিত রাসমঞ্চ অধুনা দাতব্য চিকিৎসালয়স্বরূপ ব্যবহৃত হইতেছে। বিপ্রচরণ দেব দ্বিজে শ্রদ্ধাবান ছিলেন। হরিনাম সংকীৰ্ত্তনে তাঁহার বিশেষ অনুরাগ ছিল এবং তিনি অনেক কীর্তন সঙ্গীত রচনা করেন। তিনি প্রজাপুঞ্জের হিতার্থে অকাতরে অর্থব্যয় করিতেন। ১৮৫৭ খৃঃ তিনি পক্ষাবাত রোগাক্রান্ত হন। অতঃপর ১৮৫৭ খৃঃ ১০ই নবেম্বর বিপ্রচরণ চক্রবর্তী কাটোয়ার জাহুবী তীরে নখর দেহ পরিত্যাগ করেন। সাঁওতাল পরগণার অন্তর্গত বাঘ-ডহরী নিবাসী শ্রীনাথ চৌধুরীর ভগিনীর সহিত তাঁহার বিবাহ হইয়াছিল; কিন্তু বিবাহের দুই বৎসর পরে পত্নী-বিয়োগ হয়। তৎপরে পুনরায় বীরভূম জেলার অন্তঃপাতী বেড়েল গ্রামের বক্সী বংশোদ্ভবা মন্দাকিনী দেবীর পাণিগ্রহণ করেন। তাঁহার তিন পুত্র ও দুই কন্যা হইয়াছিল। ১৮৩৩ খৃঃ জ্যেষ্ঠ পুত্র প্রমথনাথ

চক্রবর্তী একাদশ বর্ষে ইঠাং ডিপুথিরিয়) রোগে মৃত্যুমুখে পতিত হন । ১৮৩৪ খৃঃ মধ্যম পুত্র আশুতোষ চক্রবর্তী নবম বৎসর বয়সে তৎকালে গতাস্থ হন । বাঁকুড়া জেলার অন্তর্গত ময়নাপুর-নিবাসী দেওয়ান কালী-প্রসাদ মুখোপাধ্যায়ের পুত্রদ্বয় সবজজ কুলদানন্দ মুখোপাধ্যায় ও পুলিশ ইন্স্পেক্টার তারকানন্দ মুখোপাধ্যায় (পরস্পর বৈমাত্রেয় ভ্রাতা) মহাশয়-দ্বয়ের সহিত বিপ্রচরণের কল্যাণ দোলগোবিন্দমণি ও কৃষ্ণবিনোদিনী দেবীর বিবাহ হইয়াছিল । কুলদানন্দের বংশধরগণ এক্ষণে সিউড়ী নগরীতে বাস করিতেছেন ।

৮ কৃষ্ণচন্দ্র চক্রবর্তী ।

বিপ্রচরণের মৃত্যুর পর ১৮৫৭ খৃঃ তাঁহার কনিষ্ঠ পুত্র কৃষ্ণচন্দ্র চক্রবর্তী একত্রিশ বৎসর বয়সে পিতৃত্যক্ত বিষয় লাভ করেন । তিনি মহাসমারোহে পিতৃশ্রাদ্ধ করিয়াছিলেন, তাহাতে লক্ষ্যধিক মুদ্রা ব্যয় হইয়াছিল । পাঁচড়া গ্রাম নিবাসী নন্দগোপাল বন্দ্যোপাধ্যায় এবং কৈন্দুলী গ্রামের তারাচরণ মুখোপাধ্যায় পূর্বে তাঁহাদের কর্মচারী ছিলেন । তৎকালে নন্দগোপাল ষাট হাজার টাকা ও তারাচরণ সাতাশ হাজার টাকা ঋণ গ্রহণ করিয়াছিলেন । কৃষ্ণচন্দ্র পিতৃশ্রাদ্ধের পর তমসুখ ছুইখানি ছিন্ন করিয়া তাঁহাদিগকে ঋণ মুক্ত করেন ; অধিকন্তু নন্দগোপালকে পাঁচড়া গ্রাম বিনা পণে পত্তনী দিয়াছিলেন । নন্দগোপালের বংশধরগণ অত্থাপি পত্তনৌষধ ভোগ করিতেছেন । ১৮৫৯ খৃঃ কৃষ্ণচন্দ্র লাট ভবানন্দপুর ক্রয় করেন । ১৮৫৯ খৃঃ তিনি আদর্শ বিদ্যালয়কে মধ্য ইংরাজী স্কুলে পরিণত করিয়াছিলেন । তিনি গোবিন্দসায়ের নামক পুষ্করিণীর অগ্নিকোণে বিবিধ কারুকার্য খচিত একটি মন্দির নির্মাণ করাইয়া তন্মধ্যে শিবলিঙ্গ প্রতিষ্ঠা করেন । ১৮৬১ খৃঃ ২০শে অক্টোবর

কৃষ্ণচন্দ্র চক্রবর্তী ৩৫ বৎসর বয়ঃক্রমকালে পরলোকগত হন । বর্দ্ধমান জেলায় অন্তর্গত সিপী গ্রাম নিবাসী কৈলাসচন্দ্র রায় চৌধুরীর প্রথম কন্যা শিবসুন্দরীর সহিত একবিংশতি বর্ষে কৃষ্ণচন্দ্রের বিবাহ হইয়াছিল । তাঁহার গর্ভে কৃষ্ণচন্দ্রের তিন পুত্র ও এক কন্যা জন্মগ্রহণ করেন । ১৮৫৫ খৃঃ কনিষ্ঠ পুত্র বাগালচন্দ্রের জন্ম হয় । যখন বাগালচন্দ্র সাত দিনের শিশু, তখন শিবসুন্দরী ২৭শে মার্চ স্মৃতিকাগারে গতাস্ব হন । ১৮৫৯ খৃঃ মধ্যম পুত্র রাখালচন্দ্র সপ্তম বৎসর বয়সে মৃত্যুমুখে পতিত হন । ১৮৫৬ খৃঃ সাজিনা গ্রাম নিবাসী শিবশরণ মুখোপাধ্যায়ের সহিত তদীয় কন্যা সৌদামিনীর বিবাহ হয় । বিবাহ সময় কৃষ্ণচন্দ্র যৌতুকস্বরূপ কন্যাকে ভূসম্পত্তি দান করেন ; এতদ্ব্যতীত রাজ এষ্টেট হইতে তাঁহার বার্ষিক বৃত্তি নির্দ্ধারিত করিয়া দিয়াছিলেন । সৌদামিনীর জ্যেষ্ঠ পুত্র লক্ষ্মীনারায়ণ জন্মগ্রহণ করিলে কৃষ্ণচন্দ্র মহাম্মদাবাদ পরগণার অন্তর্গত লাট ঘাসিপুর যৌতুকস্বরূপ দান করিয়া দ্রোহিত্র মুখ সন্দর্শন করিয়া-ছিলেন । তদবধি উক্ত মহাল তাঁহাদেয় অধিকারভুক্ত রহিয়াছে ।

৬ রামরঞ্জন চক্রবর্তী ।

কৃষ্ণচন্দ্রের দেহান্তে তাঁহার জ্যেষ্ঠ পুত্র মহারাজ রামরঞ্জন চক্রবর্তী বাহাহুর বিষয় সম্পত্তি প্রাপ্ত হন । তিনি ১৮৫১ খৃঃ ১৮ই ফেব্রুয়ারী জন্মগ্রহণ করেন । পিতৃবিয়োগের সময় তাঁহার বয়ঃক্রম একাদশ বৎসর মাত্র হইয়াছিল । কৃষ্ণচন্দ্রের মৃত্যুর পর বীরভূমের তদানীন্তন কালেক্টার মিঃ লুইস্ সাহেব নাবালক রামরঞ্জনের জমিদারী কোর্ট অব ওয়ার্ডসের তত্ত্বাবধানে রাখিয়া বাঘডহরি-নিবাসী মহানন্দ চৌধুরীকে ম্যানেজার নিযুক্ত করেন । ওয়ার্ডসের অধীনে তিনি সিউড়ির বাটিতে থাকিয়া তদন্ত জিলা স্কুলের দ্বিতীয় শিক্ষক কৈন্দুরা গ্রামের মহেশ্বরেরায়ণ

মুখোপাধ্যায়ের নিকট বিদ্যাশিক্ষা করেন। ১৮৬৪ খৃঃ আগষ্ট মাসে কলিকাতার ওয়ার্ডস্ স্কুলে প্রবিষ্ট হন। তৎকালে ডাক্তার রাজা রাজেন্দ্রলাল মিত্র ওয়ার্ডসের সুপারিন্টেন্ডেন্ট ছিলেন। মুক্তাগাছার মহারাজ স্বর্ধ্যকান্ত আচার্য্য চৌধুরী, নাটোরের মহারাজ যোগেন্দ্রনাথ রায়, দিঘাপতিয়ার রাজা শ্রীযুক্ত প্রমথনাথ রায়, তাহেরপুরের রাজা শ্রীযুক্ত শশিশেখরেশ্বর রায়, মজিলপুরের জমিদার সুরেন্দ্রনাথ বসু প্রভৃতি কলিকাতার ওয়ার্ডস্ স্কুলে রামরঞ্জনের সহাধ্যায়ী ছিলেন। ১৮৬৫ খৃঃ আগষ্ট মাসে কাশীর ওয়ার্ডস্ স্কুলে প্রেরিত হইয়া তথাকার অধ্যক্ষ কেদারনাথ পালধি মহাশয়ের তত্ত্বাবধানে থাকেন। কুচবিহারের মহারাজ শ্রীর নৃপেন্দ্রনারায়ণ ভূপ বাহাদুর, বস্তুর রাজা শীতলাবন্ধু, নাগোয়ার রাজা উদিতনারায়ণ সিংহ এবং হুমুমানগড়ের রাজকুমার ভরত সিংহ, রাম সিংহ ও লক্ষণ সিংহ কাশীর ওয়ার্ডস্ স্কুলে তাঁহার সহপাঠী ছিলেন। কাশীধামে প্রায় চারি বৎসর অতিবাহিত হইলে ১৮৬৯ খৃঃ মে মাসে তিনি সাবালক হইয়া হেতমপুরে প্রত্যাগত হন। ১৮৬৯ খৃঃ সেপ্টেম্বর মাসে রামরঞ্জন কোর্ট অব ওয়ার্ডসের নিকট হইতে পৈতৃক সম্পত্তির ভার প্রাপ্ত হন। সেই সময় তিনি ঔষধালয়ের সাহায্যকল্পে ৩৯,৬১৬ টাকা, বিদ্যাশিক্ষার উন্নতিকল্পে ১৪২,৭৯৫ টাকা, দাতব্যকার্য্যে ৭৪,৯১৪ টাকা, হৃর্ভিক্ষ নিবারিণী ভাণ্ডারে ১১,৬০০ টাকা, শিল্পবিজ্ঞানের উন্নতি কল্পে ৯,০৭০ টাকা দান করেন। ১৮৭৪ খৃঃ তিনি হেতমপুরে একটি দাতব্য চিকিৎসালয় প্রতিষ্ঠা করেন। ১৮৭৫ খৃঃ ১২ই মার্চ ভূতপূর্ব গবর্নর জেনারেল লর্ড নর্থব্রুক কর্তৃক তিনি “রাজা” উপাধি প্রাপ্ত হন। ১৮৭৭ খৃঃ ১লা জানুয়ারী রামরঞ্জন “রাজা বাহাদুর” উপাধি লাভ করেন। রাজনগরের মুসলমান রাজগণের অধঃপতনের পর রামরঞ্জন ব্যতীত বীরভূমির আর কোন ভূম্যধিকারী এপর্য্যন্ত রাজা বাহাদুর উপাধি প্রাপ্ত হন নাই। ১৮৮৯ খৃঃ অক্টোবর মাসে

রাজা বাহাদুর সপরিবারে তীর্থভ্রমণে বহির্গত হন। ১৮৮৯ খৃঃ ৭ই নবেম্বর রাস পূর্ণিমার দিবস বৃন্দাবনধামে ৬ রাসবিহারী জীউ ও অষ্টবাটার কুঞ্জ প্রতিষ্ঠা করেন। তৎপরে কাশীধামে গিয়া তথায় স্বনামে দশাশ্বমেধ ঘাটের উপর রামরঞ্জনেশ্বর, পিতৃদেবের নামে কৃষ্ণচন্দ্রেশ্বর এবং স্বপুত্রের নামে কালাচাঁদেশ্বর নামে তিনটি শিবলিঙ্গ প্রতিষ্ঠা করেন। অনন্তর গয়া, প্রয়াগ, আযোধ্যা, মথুরা প্রভৃতি তীর্থসমূহ পর্য্যটন করিয়া কলিকাতায় প্রত্যাবৃত্ত হন। ১৮৯৬ খৃঃ ২৮শে ফেব্রুয়ারী দোল-পূর্ণিমার দিবস তিনি রঞ্জনপ্রাসাদের সন্নিকট ৬ গৌরান্দ্র প্রতিষ্ঠা করেন। রাজা-বাহাদুর স্বীয় পিতৃদেব কৃষ্ণচন্দ্রের নামে হেতমপুরে একটি কলেজ স্থাপন করিয়া গিয়াছেন। ১৯১০ খৃঃ লোকান্তরিত ভারত সম্রাট সম্ভ্রম এডওয়ার্ডের স্মৃতিভাণ্ডারে তিনি ৫০০০ টাকা দান করেন। ১৯১২ খৃঃ জানুয়ারী মাসে বর্তমান ভারতেশ্বর ও তৎপত্নী কলিকাতায় শুভাগমন করিলে রাজা বাহাদুর দানের জন্ত সাম্রাজ্যীকে পঞ্চাশ সহস্র মুদ্রা অর্পণ করেন। বঙ্গীয় গবর্ণমেন্ট রাজদম্পতীর অভ্যর্থনার জন্ত মঞ্চ নিৰ্ম্মাণের অধিকার দিয়া বিশ সহস্র মুদ্রা ভূমির ভাড়াশ্বরূপ প্রাপ্ত হন। বঙ্গীয় গবর্ণমেন্ট সেই অর্থও সাম্রাজ্যীকে দিয়াছিলেন। অতঃপর সাম্রাজ্যী সেই সমস্ত সহস্র মুদ্রা নিম্নলিখিত অনুষ্ঠানে বিভাগ করিয়া দিয়াছিলেন। ডফরিন হাঁসপাতালে ১০,০০০, কলিকাতা অনাথাশ্রমে ৫০০০, হিন্দু বিধবাশ্রমে ৫০০০, ইয়ং উইমেন্ ক্রিস্টিয়ান্ এসোসিয়েসনে ৫০০০, সেন্ট্ ভিন্সেন্ট্ হোসে ৫০০০, সেন্ট্ মেরীস্ হোসে ৫০০০, আলবার্ট ভিক্টর হাঁসপাতালে ৫০০০, সেন্ট এণ্ড্রুজ হোমে ৫০০০, চার্চ অব ইংলণ্ডের জাহাজী গোয়ার মিশনে ৫০০০, ঐ ব্যাপ্টিষ্ট্ মিশনে ৫০০০, অক্সফোর্ড মিশনে ৫০০০, লিটল্ সিষ্টার অব দি পুয়োর ফণ্ডে ৫০০০, সিউড়ীর হাঁসপাতালে ৫০০০, টাকা প্রদত্ত হয়। ১৯১২ খৃঃ ভারত সম্রাটের জন্মতিথি উপলক্ষে রামরঞ্জন “মহারাজা” উপাধি ভূষণে সন্মানিত

হন । সর্বপ্রকার দেশ হিতকর কার্যে তাঁহার প্রবল সহায়ত ছিল । তিনি সরল ও উদার প্রকৃতি বিশিষ্ট ছিলেন । মহারাজ কোনরূপ সভা-সমিতিতে যোগদান না করিলেও লোক লোচনের অন্তরালে থাকিয়া বহু সদনুষ্ঠান করিয়া গিয়াছেন । তিনি সঙ্গীতপ্রিয় ছিলেন এবং স্বয়ং কয়েকটি সঙ্গীত রচনা করেন । হিন্দুধর্মে তাঁহার বিশেষ আস্থা ছিল । ১৯১৩ খৃঃ ১১ই ফেব্রুয়ারী বীরভূমপতি মহারাজ রামরঞ্জন চক্রবর্তী বাহাদুর ইহলোক পরিত্যাগ করিয়াছেন । চতুর্দশ বৎসর বয়ঃক্রমকালে কাটোয়ার সন্নিকট দ্বারকা গ্রাম নিবাসী কালচাঁদ রায়ের কন্যা পদ্মসুন্দরী দেবীর সহিত মহারাজের শুভপরিণয় হইয়াছিল । রাজদম্পতী পাঁচ পুত্র ৭ চারি কন্যা লাভ করেন । ১৯০৬ খৃঃ ২১শে নবেম্বর রাণী পদ্মসুন্দরী দেবী কলিকাতায় কলেবর পরিত্যাগ করিয়াছেন ।

৬ নিত্যানিরঞ্জন চক্রবর্তী ।

মহারাজের জ্যেষ্ঠ পুত্র কুমার নিত্যানিরঞ্জন চক্রবর্তী ১৮৭০ খৃঃ ২৫শে ডিসেম্বর জন্মগ্রহণ করেন । তিনি বিষয়কার্যের পর্য্যবেক্ষণভার প্রাপ্ত হইয়া দক্ষতার সহিত সকল কৰ্ম্ম নির্বাহ করিতেন । ১৮৮৭ খৃঃ ২৮শে জানুয়ারী মুর্শিদাবাদ জেলার অন্তর্গত টিয়াকাটা-পাটকেবাড়ী গ্রামের চক্রনাথ মুখোপাধ্যায়ের কন্যার সহিত তাঁহার বিবাহ হইয়াছিল । তিনি পিতৃদেবের সহিত তীর্থ ভ্রমণে বহির্গত হইয়া কলিকাতায় প্রত্যগমন করিলে অকস্মাৎ বিসৃচীকা রোগে আক্রান্ত হইয়া ১৮৮৯ খৃঃ ১১ই ডিসেম্বর তরুণ বয়সে তনুত্যাগ করেন । তাঁহার মৃত্যুর সময় তদীয় পত্নী গর্ভবতী ছিলেন । অতঃপর ১৮৯০ খৃঃ ৩রা জুন তিনি একটি পুত্রসন্তান প্রসব করেন । তাঁহার পুত্র কুমার শ্রীযুক্ত জ্ঞাননিরঞ্জন চক্রবর্তী বাহাদুর ।

সত্যনিরঞ্জন চক্রবর্তী ।

মহারাজের মধ্যম পুত্র কুমার শ্রীযুক্ত সত্যনিরঞ্জন চক্রবর্তী ১৮৭৩ খৃঃ ১৯শে ডিসেম্বর জন্মগ্রহণ করেন । ইনি কয়েক বৎসর লোক্যাল বোর্ডের চেয়ারম্যান ও অবৈতনিক মাজিস্ট্রেটের কার্য্য করিয়াছিলেন । বর্তমান সময় ইনি জেলা বোর্ডের একজন সভ্য । ১৮৮৭ খৃঃ ৩০শে জানুয়ারী হুগলী জেলার অন্তর্গত জনাই গ্রামের অগ্রতম ভূম্যধিকারী শ্রীযুক্ত পূর্ণচন্দ্র মুখোপাধ্যায়ের কন্যার সহিত ইহার বিবাহ হইয়াছে । ১৮৯১ খৃঃ তদীয় জ্যেষ্ঠ পুত্র কুমার শ্রীযুক্ত ব্রহ্মনিরঞ্জন চক্রবর্তী এবং ১৮৯৩ খৃঃ কন্যা শ্রীমতী ভানুবালা দেবী ভূমিষ্ট হন । হুগলী জেলার অন্তঃপাতী উত্তরপাড়ার অগ্রতম জমিদার শ্রীযুক্ত রাসবিহারী মুখোপাধ্যায়ের দৌহিত্রীর সহিত কুমার ব্রহ্মনিরঞ্জনের বিবাহ হইয়াছে । তদীয় পুত্র শ্রীমান রাধিকানিরঞ্জন চক্রবর্তী । ১৯০৩ খৃঃ ১২ই মে হুগলী জেলার অন্তর্গত উত্তরপাড়ার রাজা শ্রীযুক্ত জ্যোৎস্নকুমার মুখোপাধ্যায় বাহাদুরের পুত্র কুমার শ্রীযুক্ত সনৎকুমার মুখোপাধ্যায় মহাশয়ের সহিত ভানুবালার বিবাহ হইয়াছে ।

মহিমানিরঞ্জন চক্রবর্তী ।

মহারাজের তৃতীয় পুত্র কুমার শ্রীযুক্ত মহিমানিরঞ্জন চক্রবর্তী ১৮৭৬ খৃঃ ২৩শে জানুয়ারী জন্মগ্রহণ করিয়াছেন । ইনি জমিদারী সংক্রান্ত কার্য্যে বিশেষ ব্যুৎপন্ন । ইনি রাজ্যএষ্টেটের নিয়মাবলী সম্বন্ধীয় একখানি পুস্তক প্রণয়ন করিয়াছেন । ১৮৯৯ খৃঃ হইতে ১৯০২ খৃঃ পর্য্যন্ত কুমার বাহাদুর বীরভূম জেলা বোর্ডের ভাইস্‌চেয়ারম্যান ছিলেন । অনন্তর কয়েক বৎসর লোক্যাল বোর্ডের চেয়ারম্যান, মিউনিসিপাল কমিশনার, অবৈতনিক মাজিস্ট্রেট প্রভৃতি কার্য্যে নিযুক্ত থাকিয়া কার্য্যদক্ষতার পরিচয় প্রদান করেন । ইনি বিজ্ঞোৎসাহী ও মাতৃভাষার অনুরাগী । ক্রিয়াদিক্ষ

হইল ইহাঁর যত্নে হেতমপুরে একটি রঙ্গমঞ্চ স্থাপিত হইয়াছিল ; তথায় ইহাঁর রচিত কয়েকখানি গীতি-নাটোর অভিনয় হয় । কিশোরী মিলন ও রমাবতী নাটক এবং চিত্রগুপ্ত নামক প্রহসন, বীরভূম রাজবংশ ইতিহাস প্রভৃতি কয়েকখানি গ্রন্থ প্রকাশ করিয়াছেন । “বীরভূম বাৰ্ত্তা” নামক স্থানীয় সংবাদপত্রে ইহাঁর “বীরভূমের প্রাচীন কাহিনী” প্রকাশিত হয় । ইনি হেতমপুর রাজবাটীতে “রঞ্জন লাইব্রেরী” নামে একটি পুস্তকাগার প্রতিষ্ঠা করিয়াছেন । ১৯১৩ খৃঃ ৮ই আগষ্ট কুমার বাহাদুর স্থানীয় ভদ্রলোকদিগের সহায়তায় শ্রীশ্রীগোরাঙ্গ মঠ প্রতিষ্ঠা করিয়াছেন । তথায় অসমর্থ দরিদ্রদিগকে অন্নদান, অসহায় রোগীদিগের চিকিৎসার বন্দোবস্ত হইয়াছে । কুমার বাহাদুরের উদ্যোগে “বীরভূম অন্তঃসন্ধান সমিতি” প্রতিষ্ঠিত হইয়াছে । এই সমিতি বীরভূমের বহু প্রাচীন ঐতিহাসিক পুরাবস্তুর সন্ধান করিতেছেন । ১৮৯৪ খৃঃ ১৯শে ফেব্রুয়ারী ইতিহাস-বিখ্যাত মহারাজ নন্দকুমার রায়ের বংশধর মর্শিদাবাদ জেলার অন্তর্গত কুঞ্জঘাটার অতীতম জমিদার কুমার দুর্গানাথ রায়ের কন্যার সহিত কুমার বাহাদুরের শুভপরিণয় হইয়াছে ।

সদানিরঞ্জন চক্রবর্তী ।

মহারাজের চতুর্থ পুত্র কুমার শ্রীযুক্ত সদানিরঞ্জন চক্রবর্তী ১৮৭৯ খৃঃ ১০ই নবেম্বর ভূমিষ্ঠ হন । ১৮৯৬ খৃঃ ৩রা মে বর্ধমানের শ্রীযুক্ত তারাপ্রসন্ন রায় মহাশয়ের কন্যার সহিত ইহাঁর বিবাহ হয় । ১৯০০ খৃঃ তদীয় কন্যা শ্রীমতী প্রমোদবালা দেবীর জন্ম হইয়াছে । ১৯১০ খৃঃ ১৮ই ফেব্রুয়ারী হুগলী জেলার অন্তর্গত খানাকুল-কৃষ্ণনগরের সুপ্রসিদ্ধ রাজা রামমোহন রায়ের পৌত্র প্যারীমোহনের পুত্র শ্রীযুক্ত ধরনীমোহন রায়ের সহিত প্রমোদবালার বিবাহ হয় ।

কমলানিরঞ্জন চক্রবর্তী ।

মহারাজের কনিষ্ঠ পুত্র কুমার শ্রীযুক্ত কমলানিরঞ্জন চক্রবর্তী ১৮৮২ খৃঃ ৬ই ডিসেম্বর জন্মগ্রহণ করেন। ইনি কয়েক বৎসর অবৈতনিক মাজিষ্ট্রেট পদে নিযুক্ত ছিলেন। ১৮৯৯ খৃঃ ১২ই ফেব্রুয়ারী পূর্বোক্ত দুর্গানাথ রায়ের অন্ততমা কন্যার সহিত ইহঁার বিবাহ হইয়াছে। ১৯০৪ খৃঃ ২৮শে আগষ্ট ইহঁার পুত্র কুমার শ্রীযুক্ত বিশ্বনিরঞ্জন চক্রবর্তী ভূমিষ্ট হইয়াছেন।

১৮৭২ খৃঃ মহারাজের প্রথমা রাজকুমারী ভূপবালা দেবীর জন্ম হয়। ১৮৮১ খৃঃ ৭ই জুন চব্বিশ-পরগণার অন্তর্গত গোবরডাঙ্গার অন্ততম জমিদার শ্রীযুক্ত জ্ঞানদাপ্রসন্ন মুখোপাধ্যায়ের সহিত ভূপবালার বিবাহ হইয়াছিল। ১৯০৬ খৃঃ ১৯শে নবেম্বর তাঁহার কন্যা শ্রীমতী আশালতা দেবীর জন্ম হয় ; কিন্তু এই ডিসেম্বর স্তিকারোগে ভূপবালা প্রাণত্যাগ করেন।

১৮৭৭ খৃঃ মহারাজের মধ্যমা রাজকুমারী নৃপবালা দেবী ভূমিষ্ট হন। ১৮৮৭ খৃঃ ১২ই মে উত্তরপাড়ার রাজা শ্রীযুক্ত প্যারীমোহন মুখোপাধ্যায় মহাশয়ের পুত্র কুমার শ্রীযুক্ত ভূপেন্দ্রনাথ মুখোপাধ্যায়ের সহিত নৃপবালার বিবাহ হইয়াছিল। তাঁহার পুত্র কুমার শ্রীযুক্ত পঞ্চানন মুখোপাধ্যায় এবং কন্যা শ্রীমতী ব্রজমণি দেবী। ১৮৯৫ খৃঃ নৃপবালা পীড়িতা হইয়া হেতমপুরে গমন করিয়া ১১ই জুলাই যত্নামুখে পতিত হইয়াছেন।

১৮৮৪ খৃঃ মহারাজের তৃতীয়া রাজকুমারী রাসবালা দেবীর জন্ম হয়। ১৮৯৬ খৃঃ ৯ই মে গঙ্গাতীরবর্তী মেটিরারী গ্রামের সুবিখ্যাত রামদাস বন্দ্যোপাধ্যায়ের পৌত্র শ্রীযুক্ত রামরঞ্জন বন্দ্যোপাধ্যায়ের সহিত রাসবালার বিবাহ হয়।

১৮৮৬ খৃঃ মহারাজের কনিষ্ঠা রাজকুমারী আমৌলাবালা জন্মগ্রহণ করেন । ১৮৯৭ খৃঃ ১০ই জুলাই যশোহর জেলার অন্তর্গত নলডাঙ্গাধিপতি ত্রিযুক্ত প্রমথভূষণ দেব রায়ের পুত্র কুমার ত্রিযুক্ত পন্নগভূষণ দেব রায়ের সহিত আমৌলাবালার বিবাহ হয় । সুরমা, সরমা, প্রতিমা প্রভৃতি ইহঁদের কয়েকটি কন্যা হইয়াছে ।

বিষ্ণুপুর রাজবংশ ।

বাঁকুড়া জেলার অন্তর্গত বিষ্ণুপুর বাঙ্গালার গৌরব । বিষ্ণুপুরের বীরত্ব, ভক্তি, স্থাপত্য প্রভৃতি বাঙ্গালীর গৌরবের সামগ্রী । মুসলমান-দিগের সহিত অনবরত যুদ্ধে বিষ্ণুপুরের রাজগণের বীরত্ব, ৬ মদনমোহনের প্রতি তাঁহাদের ঐকান্তিক ভক্তি এবং বিষ্ণুপুরের বৃহৎ মন্দির সকলের স্থাপত্য শিল্প চিরস্মরণীয় । বিষ্ণুপুরের রাজগণ কয়েক শতাব্দী তাঁহাদের রাজ্যে স্বাধীন থাকিয়া মুসলমান শাসনকর্তাদিগকে বাতিবাস্ত করিয়াছিলেন ।

৬ আদিমল্ল সিংহ ।

বৃন্দাবনের সন্নিকট জয়নগরের জনৈক রাজপুত রাজার বংশোদ্ভব আদিমল্ল সিংহ বিষ্ণুপুর রাজবংশের প্রতিষ্ঠাতা । কথিত আছে, তাঁহার পিতামাতা ৬ জগন্নাথদেব দর্শনাভিলাষে তীর্থ যাত্রা করেন ; সেই সময় আদিমল্ল পথিমধ্যে বাঁকুড়া জেলার অন্তর্গত পদমপুর গ্রামে ভূমিষ্ট হন । তাঁহারা শিশুকে সঙ্গে লইয়া যাওয়া কষ্টকর বুঝিয়া তাঁহাকে স্থানীয় একজন ব্রাহ্মণের তত্ত্বাবধানে রাখিয়া তাঁহাদের প্রত্যাগমনকাল পর্য্যন্ত ব্যয়ের জন্ত কিছু অর্থ দিয়া যান । কিন্তু আদিমল্লের পিতামাতা ৬ পুরুষোত্তমধাম হইতে আর প্রত্যাবৃত্ত হন নাই । ক্রমে সেই ব্রাহ্মণ শিশুকে প্রতিপালন করিবার জন্ত একটি বাঙ্গালী জাতীয় ভৃত্য রাখিয়া-ছিলেন, তজ্জন্ত আদিমল্ল পরে “বাঙ্গালী রাজা” নামে প্রখ্যাত হন । যখন তিনি ষষ্ঠ বৎসর বয়স্ক বালক, সেই সময় ব্রাহ্মণ তাঁহাকে গোচারণে

প্রেরণ করিতেন। এক দিবস তিনি একটি গাভী হারাইয়া ছিলেন। অতঃপর তিনি অত্যাশ্রয় গরুগুলিকে বাটতে রাখিয়া তাহাকে অনুসন্ধান করিবার জন্য পুনরায় গোচারণের জঙ্গলে গমন করেন। তিনি তথায় ক্লান্ত হইয়া বৃক্ষতলে নিদ্রিত হইলে তাঁহার মুখমণ্ডলে রোদ্র লাগায় সেই সময় একটি সর্প ফণা দিয়া আচ্ছাদন করে। অনন্তর ব্রাহ্মণ তাঁহাকে অব্বেষণ করিতে গিয়া তথায় উপস্থিত হইয়া সেই ঘটনা দর্শন করেন। তদবধি ব্রাহ্মণ তাঁহাকে আর গোচারণে প্রেরণ করিতেন না। ব্রাহ্মণ তাঁহার সৌভাগ্য জানিয়া আদিমল্লকে অঙ্গীকৃত করান যে, তিনি যদি রাজা হন, তাহা হইলে তাঁহাকে মন্ত্রী নিযুক্ত করিবেন। অনন্তর ব্রাহ্মণ তাঁহাকে সংস্কৃত ও অত্যাশ্রয় বিষয় শিক্ষার্থে নিয়োজিত করেন। আদিমল্ল ছাত্রাবস্থায় এক দিবস রজনীতে জালে করিয়া মৎস্য ধরিতে গিয়া কয়েকখানি স্বর্ণের টালি প্রাপ্ত হন। সেই ব্রাহ্মণ প্রভূত স্বর্ণ পাইয়া বিত্বশালী হইয়াছিলেন। তৎপরে ব্রাহ্মণ কয়েকজন পালোয়ান রাখিয়া তাঁহাকে যুদ্ধবিদ্যা শিক্ষায় নিযুক্ত করেন। অল্পকাল মধ্যে আদিমল্ল একজন সুদক্ষ যোদ্ধা হন। পদমপুরের রাজার বিরুদ্ধে যুদ্ধের সময় তিনি মুর্শিদাবাদের নবাবের সহিত যোগদান করিয়াছিলেন। পদমপুররাজ, নবাব কর্তৃক পরাভূত হন, কিন্তু তিনি বশতা স্বীকার না করিয়া আত্মহত্যা করিয়াছিলেন। অতঃপর মুর্শিদাবাদের নবাব, আদিমল্লের উপর সন্তুষ্ট হইয়া তাঁহাকে “রাজা” উপাধিসহ পদমপুর রাজ্য প্রদান করেন। রাজা আদিমল্ল সিংহ ক্রমে তাঁহার রাজ্য বিস্তৃত করিয়া বিষ্ণুপুরে রাজধানী স্থাপন করিয়াছিলেন। তিনি তথায় একটা সুদৃঢ় দুর্গ নির্মাণ করাইয়া বহুদিবস রাজত্ব করিয়া যান। সেই দুর্গের ভগ্নাবশেষ অদ্যাপি বিদ্যমান রহিয়াছে।

আদিমল্লের মৃত্যুর পর তাঁহার বংশধর রঘুনাথ সিংহ, গোপাল সিংহ, দুর্জন সিংহ, বীর সিংহ, কৃষ্ণ সিংহ, চৈতন্য সিংহ, দামোদর সিংহ

বিষ্ণুপুরে রাজত্ব করিয়াছিলেন। তাঁহারা বিষ্ণুপুরে অনেকগুলি দেব-মন্দির নির্মাণ করেন। রাজ্যের নানা প্রকার উন্নতি হইয়াছিল। শিল্প শিক্ষা, সঙ্গীত প্রভৃতি বিস্তার করিয়াছিলেন। বিষ্ণুপুররাজ্যের দল ও মাদল নামক সুপ্রসিদ্ধ কামান দুইটি ইতিহাস-প্রসিদ্ধ। গবর্ণমেন্ট উহা কলিকাতায় স্থানান্তরিত করিবার চেষ্টা করেন।

৮ ক্ষেত্রমোহন সিংহ ।

তৎপরে রাজা ক্ষেত্রমোহন সিংহ বিষ্ণুপুরের অধীশ্বর হন। বর্দ্ধমানাধিপতি মহারাজাধিরাজ তেজচন্দ্র রায় বাহাদুরের ঔরস পুত্র কুমার প্রতাপচন্দ্র রায় সন্ন্যাসী বেশে বিষ্ণুপুর রাজবাটিতে প্রায় তিন মাস কাল অবস্থিতি করেন। তৎকালে বিষ্ণুপুররাজ তাঁহাকে চিনিতে পারিয়া যথোচিত সম্মান করিতেন। হুগলীর জজ আদালতে মোকদ্দমার সময় তিনি প্রতাপচন্দ্রের পক্ষে সাক্ষ্য দিয়াছিলেন। তিনি বর্দ্ধমানরাজ তেজচন্দ্র বাহাদুরকে জমিদারীর কিস্তিদংশ বিক্রয় করেন।

৯ গোপাল সিংহ ।

ক্ষেত্রমোহনের পর গোপাল সিংহ (২) রাজ্যাধিকার লাভ করেন। তাঁহার সময়ে বর্দ্ধমানাধিপতি কীর্ত্তিচন্দ্র রায় বিষ্ণুপুর আক্রমণ করিয়া গোপালের সুবিখ্যাত তরবার অধিকার করেন। তৎপরে নাগপুরের মহারাষ্ট্র রাজা রঘুজী ভোঁসলার দেওয়ান ভাস্কর পণ্ডিত ১৭৪৪ খৃঃ বিষ্ণুপুর আক্রমণ করিয়া বিশেষ ক্ষতি করিলে দুর্ভিক্ষ উপস্থিত হইয়াছিল। কথিত আছে, তিনি বিষ্ণুপুর আক্রমণ করিলে কুলদেবতা ৮ মদনমোহন কর্তৃক নিহত হন।

৬ দামোদর সিংহ ।

অতঃপর দামোদর সিংহ (২) বিষ্ণুপুরের অধিপতি হন। তাঁহার সময় রাজ্যের অবস্থা শোচনীয় হইলে তিনি কুলদেবতা ৬ মদনমোহনকে বিক্রয় করেন। কলিকাতা-বাগবাজারের সুবিখ্যাত গোকুল মিত্র তিন লক্ষ টাকা দিয়া বিষ্ণুপুরের রাজার নিকট হইতে ৬ মদনমোহন মূর্তি কলিকাতায় আনয়ন করিয়াছিলেন। মদনমোহন হইতেই গোকুল মিত্রের সৌভাগ্য এবং বিষ্ণুপুররাজের অধঃপতন হয়। পরে বিষ্ণুপুররাজ ৬ মদনমোহনকে পুনরায় নিজ বাটীতে আনিতে ইচ্ছা করিলে তিনি স্বপ্নাদৃষ্ট হইয়াছিলেন যে ৬ মদনমোহন পুনরায় বিষ্ণুপুরের পুরাতন মন্দিরে আর যাইতে অনিচ্ছা করেন। তদবধি ৬ মদনমোহন বাগবাজারেই আছেন।

৬ গোপাল সিংহ (৩) ।

তদনন্তর রাজা গোপাল সিংহ (৩) এই বংশের প্রতিনিধি হন। এক্ষণে তাঁহার বংশধরগণ সামান্যভাবে বাস করিতেছেন। বাঙ্গালীর গৌরব সেই বিষ্ণুপুরের রাজবংশধর এখন গবর্ণমেন্টের যৎসামান্য বৃত্তিভোগী।

বিষ্ণুপুরের সে সকল প্রসিদ্ধ মন্দিরাদি অধুনা ভগ্নস্তম্ভে পর্য্যবসিত। সম্প্রতি বিষ্ণুপুর অঞ্চলের এবং দিহার প্রভৃতি গ্রামের তেরটি প্রাচীন জীর্ণ মন্দির রক্ষার ভার গবর্ণমেন্ট গ্রহণ করিয়াছেন। গবর্ণমেন্ট যে সকল মন্দির রক্ষা করিবেন, তাহার নাম—রাসমঞ্চ, রাধাশ্রামের মন্দির, লালজীর মন্দির, মুরলীমোহনের মন্দির, রাধাবিনোদ মন্দির, মল্লেশ্বর মন্দির, সারেশ্বর মন্দির, শৈলেশ্বর মন্দির, ঘোড়া মন্দির, রাধাগোবিন্দ

মন্দির, রাধামাধব মন্দির, কালাচাঁদ মন্দির ও কেল্লার ছোট দরজার পথ । এই তেরটি মন্দিরের মধ্যে সাতটি বিষ্ণুপুর সহরে, দুইটি দিহার গ্রামে আর শেষ চারিটি জঙ্গলের মধ্যে অবস্থিত ।

৬ দামোদর সিংহ ।

বিষ্ণুপুর রাজবংশের অধঃপতন সময় এই বংশোদ্ভব রাজা দামোদর সিংহ বাঁকুড়া জেলার অন্তর্গত মালিয়াড়া গ্রামে বাস করেন । তিনি একজন নিষ্ঠাবান হিন্দু এবং পূর্বপুরুষগণের ন্যায় সহৃদয় ও দাতা ছিলেন । ১৮৬৬ খৃঃ এবং ১৮৭৪ খৃঃ দুর্ভিক্ষের সময় তিনি বহু দারিদ্র পীড়িত ব্যক্তিকে সাহায্য করেন । তিনি একটি ঔষধালয় স্থাপন এবং স্থায়ী জমিদারীতে বিদ্যালয় প্রতিষ্ঠা করিয়া তাহার ব্যয় বহন করিতেন । অধুনা তাঁহার বংশধরগণ তথায় বাস করিতেছেন ।

৬ নিমাই সিংহ দেব ।

বিষ্ণুপুর রাজবংশের নিমাই সিংহ দেব রাজ্যাধিকার লাভে বঞ্চিত হইয়া স্বজন হইতে পৃথকপূর্বক কুচিয়াকোলে বসতি করেন । তথায় তিনি একখানি জমিদারী ক্রয় করিয়াছিলেন । সংস্কৃত, সঙ্গীত, ভেষজ ও শিল্পাদিতে তাঁহার ব্যুৎপত্তি ছিল । ১৮৩২ খৃঃ ৮০ বৎসর বয়সে নিমাই সিংহ দেব ইহলোক হইতে মহা প্রস্থান করেন ।

৬ বীর সিংহ দেব ।

অতঃপর নিম্নোক্ত একমাত্র পুত্র বীর সিংহ দেব বিষয় সম্পত্তি' প্রাপ্ত হন । তিনি পৈতৃক সম্পত্তির অনেক উন্নতি সাধন করেন । বীর সিংহ ৫৯ বৎসর বয়ঃক্রম কালে ইহলোক হইতে অপস্থত হন । তিনি মৃত্যু কালে রাধাবল্লভ ও রামজীবন সিংহ দেব নামে দুই পুত্র রাখিয়া যান ।

৬ রাধাবল্লভ সিংহ দেব ।

বীর সিংহ মৃত্যু সময় জ্যেষ্ঠ পুত্র রাধাবল্লভ সিংহের হস্তে জমিদারী পরিচালনার ভার দিয়া যান । তখন তাঁহার বয়ঃক্রম ষোড়শ বৎসর মাত্র । অতঃপর তিনি বয়ঃপ্রাপ্ত হইয়া স্বহস্তে জমিদারী পর্য্যবেক্ষণ করিতেন । ১৮৬২ খৃঃ তিনি একটি ইংরাজী বিদ্যালয় স্থাপন করেন ; অধিকন্তু একটি বাঙ্গালা বিদ্যালয় ও একটি বালিকা বিদ্যালয় পরিচালন ব্যয় বহন করিতেন । ১৮৭৪ খৃঃ দুর্ভিক্ষের সময় তিনি প্রপীড়িত প্রজাগণকে বিশেষ সাহায্য করিয়াছিলেন । ১৮৭৭ খৃঃ ১লা জানুয়ারী দিল্লীর দরবারে রাধাবল্লভ “রায় বাহাদুর” উপাধি প্রাপ্ত হন । তাঁহার তিন পুত্র—উপেন্দ্রনাথ, যোগেন্দ্রনাথ ও সুরেন্দ্রনাথ সিংহ দেব ।

অশ্বিকানগর রাজবংশ ।

অতি প্রাচীন কালে রাজপুতনার অন্তর্গত ঢোলপুরের রাধানগর গ্রাম হইতে সূর্য্যবংশ সম্ভূত জগচ্চন্দ্র ধবল দেব ও জগন্নাথ ধবল দেব নামক দুই সহোদর দেশ পর্যাটনে বহির্গত হইয়া বঙ্গদেশে উপনীত হন । তৎকালে সুপুর এবং অশ্বিকানগর এক অবিচ্ছিন্ন স্বাধীন রাজ্য ছিল । তথায় চিষ্টামণি নামে জনৈক রাজা রাজত্ব করিতেন । তাঁহার রাজধানী বর্তমান সুপুর গ্রামের পশ্চিমে তিন মাইল দূরবর্তী স্থানে অবস্থিত ছিল । তথাকার প্রজাপুঞ্জের সহায়তায় পূর্বোক্ত জগচ্চন্দ্র ও জগন্নাথ ধবল দেব, রাজা চিষ্টামণিকে বিনাশ করিয়া রাজসিংহাসন অধিকার করিয়াছিলেন । অতঃপর জ্যেষ্ঠ জগচ্চন্দ্র তদীয় সিংহাসন পরিগ্রহণ করেন । অনন্তর চিষ্টামণির রাজধানী পরিত্যাগপূর্বক জগচ্চন্দ্র সুপুর নামক স্থানে স্বীয় রাজধানী স্থাপন করেন । বর্তমান সুপুর, অশ্বিকানগর ও বিষ্ণুপুর পরগণার কিয়দংশ জগচ্চন্দ্রের রাজ্যভুক্ত হইয়াছিল । তাঁহার রাজত্বকাল হইতে সুপুর ও অশ্বিকানগর “ধলভূম” নামে অভিহিত হইয়া আসিতেছে । জগচ্চন্দ্র ও জগন্নাথ ধবল দেব ক্রমশঃ সিংভূম ও ঘাটশীলা পর্য্যন্ত রাজ্য বিস্তার করিয়াছিলেন । তদনন্তর জগচ্চন্দ্র, কনিষ্ঠ ভ্রাতা জগন্নাথ ধবল দেবকে ঘাটশীলার সিংহাসন প্রদান করেন । এই জগন্নাথ ধবল ঘাটশীলার রাজবংশের আদিপুরুষ ।

৬ অনন্ত ধবল দেব ।

জগচ্চন্দ্রের জনৈক বংশধর রাজা অনন্ত ধবল দেবের রাজত্বকালে রাজ্যমধ্যে বিষম বিশৃঙ্খলা উপস্থিত হয় ; তিনি স্বীয় বীৰ্য্যবলে ও কৌশলে

তাহা প্রশমিত করিয়াছিলেন। তাঁহার প্রভাবে ও সুশাসনে রাজ্যের উন্নতি ও বৃদ্ধি হইয়াছিল। তিনি মৃত্যুকালে হরিশ্চন্দ্র, ধর্ম্য ধবল প্রভৃতি সাতটি পুত্র রাখিয়া যান।

৬ হরিশ্চন্দ্র ধবল দেব ।

অতঃপর অনন্ত ধবলের জ্যেষ্ঠ পুত্র হরিশ্চন্দ্র ধবল দেব রাজ্যাধিকার লাভ করেন। কালচক্রে হরিশ্চন্দ্রের সহিত তাঁহার ছয় সহোদরের মনোমালিন্য উপস্থিত হয়। অত্যাচার ভ্রাতৃগণের মধ্যে বয়োজ্যেষ্ঠ ধর্ম্য ধবলের নেতৃত্বে সকলে বিদ্রোহী হইয়াছিলেন। সেই সময় ধর্ম্য ধবল বহু সজ্জান্ত প্রজাকে হস্তগত করিয়া বলপূর্ব্বক বর্ত্তমান অধিকানগরে রাজধানী স্থাপন করেন। এই সূত্রে হরিশ্চন্দ্রের সহিত তদীয় মধ্যম ভ্রাতা ধর্ম্য ধবলের অনেক ঘৃণা বিগ্রহ হইয়া পরিশেষে একটি সন্ধি স্থাপিত হয়। সেই সন্ধিসূত্রে রাজ্যের এক আনা অংশ দেবোত্তরে অর্পিত হয়, নয় আনা অংশ হরিশ্চন্দ্র এবং ছয় আনা অংশ ধর্ম্য ধবল প্রাপ্ত হইয়াছিলেন।

৭ ধর্ম্য ধবল দেব ।

তদনন্তর ধর্ম্য ধবল দেব দামোদরবাটী হইতে ৬ অধিকা দেবীকে আনয়ন করিয়া স্বীয় রাজধানীতে প্রতিষ্ঠিত করেন ; এই দেবীর নামানুসারে তাঁহার রাজধানী অধিকানগর নামে অভিহিত হইয়াছে। ধর্ম্য ধবল অধিকানগর রাজবংশের প্রতিষ্ঠাতা। তিনি সুশাসনে রাজ্যের সমধিক উন্নতি সাধনে সমর্থ হইয়াছিলেন।

৩ অনন্ত ধবল দেব ।

ধর্ম ধবলের পর তাঁহার পুত্র অনন্ত ধবল দেব অস্থিকানগরের অধীশ্বর হন । তিনি হুষ্টির দমন ও শিষ্টির পালন দ্বারা রাজত্ব করিয়াছিলেন । তাঁহার শাসনকালে রাজ্যে শান্তি বিরাজ করিয়াছিল । যুদ্ধবিদ্যায় তাঁহার পরাদর্শিতা ছিল ।

৬ হরিশ্চন্দ্র ধবল দেব ।

অনন্ত দেবের পরলোক প্রাপ্তির পর তদীয় পুত্র হরিশ্চন্দ্র ধবল দেব রাজ্যাভিষিক্ত হন । তিনি পরম শান্তিতে রাজ্যশাসন করেন । তিনি সাহস ও বীর্যবান পুরুষ ছিলেন । সকলেই তাঁহার প্রতি সম্মান প্রদর্শন করিতেন ।

৬ ধর্ম ধবল দেব ।

তৎপরে হরিশ্চন্দ্রের পুত্র ধর্ম ধবল দেব রাজ্যাসন অধিকার করেন । তিনি দীর্ঘকাল রাজত্ব করিয়া রাজ্যের বহুপ্রকার উন্নতিসাধন করেন । তাঁহার সময় রাজধানীর সমৃদ্ধি বহু পরিমাণে বর্দ্ধিত হইয়াছিল । তিনি জমিদারী পরিচালনে বিশেষ পারদর্শী ছিলেন ।

৩ অনন্ত ধবল দেব ।

অনন্তর ধর্ম ধবলের পুত্র অনন্ত ধবল দেব রাজ্যাভ্যাস করেন । তাঁহার সময় ১৭৮৯ খৃঃ ভারতের তৎকালীন গবর্ণর জেনারেল লর্ড কর্ণওয়ালিস

কর্তৃক দশসাল বন্দোবস্ত হইয়াছিল। সেই সময় তিনি একজন সাধারণ ভূম্যধিকারী মাত্র হইলেন ।

৬ গোপীনাথ ধবল দেব ।

অতঃপর অনন্তদেবের পুত্র গোপীনাথ ধবল দেব রাজ্যাধিকার প্রাপ্ত হন ; কিন্তু তাঁহার উপযুক্ত পুত্র জগজ্জীবন রাজকার্য্য পরিচালনা করিতেন । তিনি সরল অমায়িক ব্যবহারে সকলের প্রীতিভাজন হইয়াছিলেন ।

৬ জগজ্জীবন ধবল দেব ।

গোপীনাথের পর তাঁহার পুত্র জগজ্জীবন ধবল দেব রাজ্যের উত্তরাধিকারী হন । তাঁহার সময় এতদঞ্চলে সিপাহী বিদ্রোহ উপস্থিত হইয়াছিল । তৎকালে মানভূম জেলার অন্তর্গত পঞ্চকোটের মহারাজ নীলমণি সিংহ দেও ব্রিটিশরাজের বিরুদ্ধে দণ্ডায়মান হন । ১৮৫৭ খৃঃ ২৭শে জুন পুরুলিয়ায় যে বিপ্লব ঘটয়াছিল, পঞ্চকোটাধিপতি তাহার উত্তেজক ছিলেন । সেই সময় জগজ্জীবন ধবল ব্রিটিশরাজকে যথেষ্ট সাহায্য করেন, তজ্জন্ত ব্রিটিশ গবর্ণমেন্ট হইতে তিনি একখানি প্রশংসাপত্র প্রাপ্ত হইয়াছিলেন । জগজ্জীবন ধবল দেব মৃত্যুকালে নিমাইচরণ ও নীলমণি নামে দুই পুত্র রাখিয়া যান ।

৬ নিমাইচরণ ধবল দেব ।

জগজ্জীবনের মৃত্যুর পর তাঁহার জ্যেষ্ঠ পুত্র নিমাইচরণ ধবল দেব

রাজ্যাভিষিক্ত হন। বহুদর্শিতায় তিনি বিশেষ জ্ঞানবান ছিলেন। উপযুক্ত পুত্রহ্রদের মৃত্যুর পর তিনি কালগ্রাসে পতিত হন।

৩ নীলমণি ধবল দেব।

নিমাইচরণের পর তাঁহার কনিষ্ঠ ও বৈমাত্রেয় ভ্রাতা নীলমণি ধবল দেব রাজাসন প্রাপ্ত হইয়াছিলেন। তিনি ধার্মিক ও সজ্জন বলিয়া অতি লোকপ্রিয় ছিলেন। অমায়িকতা ও সহৃদয়তাগুণে প্রজাবর্গের শ্রদ্ধাভাজন হন। হিন্দুধর্মের তাঁহার বিশেষ আস্থা ছিল।

রাইচরণ ধবল দেব।

অতঃপর নীলমণির পুত্র রাজা শ্রীযুক্ত রাইচরণ ধবল দেব কুলধর্ম্মানু-
যায়ী রাজা আখ্যা প্রাপ্ত হইয়াছেন। ১৮৮১ খৃঃ ৮ই এপ্রেল ইনি অম্বিকা-
নগর রাজভবনে জন্মগ্রহণ করেন। ১৮৯০ খৃঃ নবম বৎসর বয়ঃক্রম
কালে ইহার পিতৃবিয়োগ হইয়াছে। ইনি গ্রাম্য বিদ্যালয়ে বাঙ্গালা
মূল্যপড়া শিক্ষা করেন। পিতার মৃত্যুর পর রাইচরণ অতি কষ্টে পতিত
হন। প্রায় চারি বৎসর কাল বহু কষ্টে অতীত হইলে দামোদরবাটী
নিবাসী খাতড়ার উকীল শ্রীযুক্ত সূর্য্যনারায়ণ চৌধুরী ইহার সম্পত্তির
অবস্থা অবগত হইয়া নিঃস্বার্থ ভাবে নিজ হইতে ব্যয় করিয়া আদালতের
সাহায্যে বিষয় সম্পত্তির সুবন্দোবস্ত করিয়া দিয়াছিলেন। রাজা
রাইচরণের এক্ষণে জমিদারী নাই, কয়েক ধানি মাত্র ক্ষুদ্র মৌজা
আছে। ইনি স্বীয় অধ্যবসায়গুণে বাঙ্গালা ভাষায় ব্যুৎপত্তি লাভ
করিয়াছেন এবং বলাকাল হইতে ইহার কবিতা রচনা শক্তি পরিফুট
হয়। ১৯০৭ খৃঃ ভীষণ দুর্ভিক্ষের সময় ইনি স্থানীয় অবস্থাপ্রজাগণের

নিকট হইতে চাউল সংগ্রহপূর্বক বহু অন্তর্ক্ৰিষ্ট ব্যক্তির সাহায্য করেন । কলিকাতার বোমার মোকদ্দমার অন্ততম আসামী হুগলী-শ্রীরামপুরের পরলোকগত নরেন্দ্রনাথ গোস্বামীর জবানবন্দী অনুসারে রাজা রাইচরণ অভিযুক্ত হইয়া ১৯০৮ খৃঃ ২২শে জুন গ্রেপ্তার হইয়াছিলেন ; একমাস কাল হাজতে বাস করিয়া বহু অর্থব্যয়ে মোকদ্দমা করিয়া মুক্তিলাভ কবেন । ইনি জনসাধারণের উন্নতিকল্পে বিশেষ আগ্রহ প্রকাশ করিয়া থাকেন । কেহ বিপদে পতিত হইলে তাহাকে সাহায্য করিতে ইনি যথাসাধ্য চেষ্টা করেন । রাজা রাইচরণ উদারহৃদয় ও লোকবৎসল পুরুষ । ইনি নীরবে দেশেব ও দশেব সেবা করিয়া থাকেন ।

১৯০৩ খৃঃ ইহার একমাত্র পুত্র শ্রীমান্ কালাচাঁদ ধবল দেব অধিকানগর বাজবাটীতে জন্মগ্রহণ করিয়াছেন ।

—

উত্তরপাড়া রাজবংশ ।

বঙ্গের প্রথম হিন্দুরাজু আদিশূর তাঁহার একটি যজ্ঞ সম্পাদনার্থ তৎকালে বঙ্গদেশে কোন শাস্ত্রবিৎ বেদজ্ঞ ব্রাহ্মণ না পাইয়া কাণ্ডকুজ^{বি} পতি মহারাজ-বীর সিংহ দেবের নিকট হইতে তদদেশীয় ভট্টনারায়ণ বন্দোপাধ্যায়, ত্রীহর্ষ মুখোপাধ্যায়, দক্ষ চট্টোপাধ্যায়, বেদগর্ভ গঙ্গোপাধ্যায় ও ছান্দড় ঘোষাল এই পঞ্চজনকে আনয়ন করিয়াছিলেন। সেই ত্রীহর্ষ মুখোপাধ্যায় হইতে উত্তরপাড়ার রাজবংশ সমুদ্ভূত। তিনি বঙ্গদেশে আসিয়া নদীয়া জেলার অন্তর্গত ফুলিয়া নামক গ্রামে বাস করেন।

ত্রীহর্ষের পুত্র ত্রীশর্ত—ত্রীনিবাস—মেধাতিথি (২)—আবর (৩)—ত্রিবিক্রম (৩)—কার্ক (৩)—ধাধু (৪)—প্রাণেশ্বর (৫)—মাধবাচার্য্য (৫)—কোলাল (৭)—উৎসাহ, বল্লালী কুলীন শ্রীযাদা প্রাপ্ত—আহিত—উদ্ধব—শিব (৩)—নৃসিংহ (৩)—পতেশ্বর—মুরারি ওঝা (৮)—অনিরুদ্ধ—লক্ষ্মীধর—মনোহর, মেল বন্দনের কুলীন—গঙ্গানন্দ, ফুলিয়া মেলের কুলীন—রামাচার্য্য—রাঘবেন্দ্র—নীলকণ্ঠ মুখোপাধ্যায় ফুলিয়া মেলের একজন প্রধান কুলীন ছিলেন। তাঁহার সাত পুত্র—গঙ্গাধর, ত্রীধর, রঘুনাথ, বিষ্ণুরাম, রতিকান্ত, রাধাকান্ত ও রামেশ্বর মুখোপাধ্যায়।

গঙ্গাধরের জ্যেষ্ঠ পুত্র গোপীরমণ মুখোপাধ্যায় ফুলিয়া হইতে ভাগীরথীর পশ্চিম তীরবর্তী হুগলী জেলার অন্তর্গত খামারগাছি গ্রামে আসিয়া বসবাস করেন।

৮ নন্দগোপাল মুখোপাধ্যায় ।

গোপীরমণের পুত্র গৌরীচরণ—হরেকৃষ্ণ—তৎপুত্র নন্দগোপাল মুখোপাধ্যায় উত্তরপাড়ার চট্টোপাধ্যায় বংশে বিবাহ করিয়া এই স্থানে বাস করেন। তিনি পারশু ভাষায় সুপণ্ডিত ছিলেন। তিনি ঢাকার কালেক্টারী আদালতে মুন্সীগিরি কর্ম করিতেন। নন্দগোপাল মৃত্যুকালে বিধবা পত্নী ও একমাত্র পুত্র জগন্মোহনকে রাখিয়া যান।



৯ জগন্মোহন মুখোপাধ্যায় ।

নন্দগোপালের পুত্র জগন্মোহন মুখোপাধ্যায় বৎসামাত্র লেখাপড়া শিক্ষা করিয়া ১৮০৮ খৃঃ কলিকাতার কমিসেরিয়েট জেনারেল অফিসে কেরানীগিরি কর্মে নিযুক্ত হন। তৎপরে ব্রিটিশরাজের চতুর্দশ সংখ্যক বাহিনীর পে-ক্লার্ক পদে উন্নীত হইয়াছিলেন। ১৮১৪ খৃঃ তিনি জেনারেল অক্টারলোনির অধীনস্থ পদাতিক সৈন্তের সহিত “বেনিয়ান” হইয়া নেপাল যুদ্ধে গমন করেন। জগন্মোহন উত্তরপাড়া গ্রামের তারাচাঁদ তর্কসিদ্ধান্তের কণ্ঠা ও সুপ্রসিদ্ধ নৈয়ায়িক জয়শঙ্কর তর্কালঙ্কারের ভগ্নী রাজেশ্বরী দেবীর পাণিগ্রহণ করেন। তৎপরে তিনি সেহাখালা ও কোন্নগর গ্রামে দুইটি বিবাহ করিয়াছিলেন। তদীয় প্রথমা পত্নীর গর্ভে তাঁহার দুই পুত্র জয়কৃষ্ণ ও রাজকৃষ্ণ জন্মগ্রহণ করেন; দ্বিতীয় গর্ভে বিজয়কৃষ্ণ এবং তৃতীয় গর্ভে নবকৃষ্ণ ও নন্দকৃষ্ণ নামে দুই পুত্র হইয়াছিল।



১০ জয়কৃষ্ণ মুখোপাধ্যায় ।

জগন্মোহনের প্রথমা পত্নীর জ্যেষ্ঠ পুত্র জয়কৃষ্ণ মুখোপাধ্যায় ১৮০৮ খৃঃ ২৩শে আগষ্ট উত্তরপাড়া গ্রামে জন্মগ্রহণ করেন। ১৮১৭ খৃঃ কলিকাতায়

হিন্দুকলেজ প্রতিষ্ঠিত হইলে তিনি তাহাতে কিয়দ্দিবস অধ্যয়ন করেন । ১৮২০ খৃঃ পিতৃদেবের সহিত তাঁহার কর্মস্থান মিরাত গিয়াছিলেন । তথায় সামরিক বেতন অফিসে একজন শিক্ষানবীশ নিযুক্ত হন । ১৮২৪ খৃঃ জয়কৃষ্ণ ব্রিগেড-মেজর অফিসে প্রধান কেরাণীর পদলাভ করেন । ১৮২৭ খৃঃ ভরতপুর অধিকার কালে ব্রিটিশরাজেব চতুর্দশ সংখ্যক বাহিনী যুদ্ধার্থে প্রেরিত হইলে তাঁহারা পিতাপুত্রে ভরতপুর গমন কবিয়াছিলেন । ভরতপুরেব অজেয় দুর্গ ইংরাজেব হস্তে পতিত হইলে সেই সময় তাঁহারা লুপ্তিত অর্থেব কিয়দংশ প্রাপ্ত হন । ১৮২৮ খৃঃ পিতাপুত্রে উত্তরপাড়ায় আগমন কবেন । তৎপবে চতুর্দশ সংখ্যক বাহিনী চুঁচুড়ায় আসিয়া অবস্থিত কবিলে, জয়কৃষ্ণ পে মাষ্টার অফিসেব প্রধান কেরাণী হইয়াছিলেন । ১৮৩০ খৃঃ চুঁচুড়া বাবিকেব সৈন্তগণ কলিকাতার উইলিয়ম্ হুগে স্থানান্তরিত হইলে জয়কৃষ্ণেব সৈনিক বিভাগের কমান্ড গিয়াছিল । তৎপরে উক্ত বৎসব তিনি হুগলীর আদালতের তদানীন্তন জজ স্মিথ্ সাহেবের বন্দীর কর্মে নিযুক্ত হন । ১৮৩২ খৃঃ হুগলীর কালেক্টাব বেলী সাহেবেব অধীনে তিনি কালেক্টাবী আদালতের মহাফেজ পদে উন্নীত হইয়াছিলেন । সেই সময় জয়কৃষ্ণ হুগলী জেলাব অন্তর্গত সিদ্ধুরের জমিদার শ্রীনাথ বাবু (নবাব বাবু) কয়েকখানি জমিদারী নিলামে ক্রয় করেন । ১৮৩৬ খৃঃ তিনি কোন কারণ বশতঃ মহাফেজেব কার্য্য হইতে পদচ্যুত হন । অতঃপব জয়কৃষ্ণ জমিদারী কার্য্য পরিচালনে মনোনিবেশ করিয়াছিলেন । ১৮৩৮ খৃঃ ধনিয়াখালি রাস্তা নিৰ্ম্মাণকল্পে মাখালপুরের পরাণচন্দ্র রায়, ভাস্তাড়ার ছকুরাম সিংহ, বসুয়ার রায় রাধাগোবিন্দ সিংহ, চুঁচুড়ার জগমোহন শীল, অমরপুরের কালীকিঙ্কর পালিত এবং উত্তরপাড়ার জয়কৃষ্ণ মুখোপাধ্যায় অর্থ সাহায্য করেন ।

~~১৮৩৯ খৃঃ~~ ডানকুনির জলা এবং হাবড়া জেলার প্রসিদ্ধ “বাদা-
হাবড়া” তাহার বন্দারের নামক হইয়াছে । ১৮৪২ খৃঃ বালির খালের

উপর একটি সেতু নির্মাণার্থ তিনি গবর্ণমেন্টকে ১০,০০০ টাকা দান করেন। ১৮৪৬ খৃঃ তাঁহার যত্নে ও সাহায্যে উত্তরপাড়ায় একটি ইংরাজী বিদ্যালয় প্রতিষ্ঠিত হইয়াছিল। এই বিদ্যালয়ের ব্যয় নির্বাহের জন্ত তিনি বার্ষিক ২০০০ টাকা আয়ের একখানি তালুক উৎসর্গ করেন। ১৮৫০ খৃঃ তিনি উত্তরপাড়ায় একটি দাতব্য চিকিৎসালয় স্থাপন করিয়া বার্ষিক ৩০০০ টাকা আয়ের জমিদারী গবর্ণমেন্টের হস্তে অর্পণ করেন। ১৮৫২ খৃঃ তিনি বাসভবন এবং উত্তরপাড়ার সন্নিকট ভাগীরথী তীরে একটি বাঁধা স্থানঘাট নির্মাণ করাইয়াছিলেন। আপন জমিদারীর নানা স্থানে হাট ও বাজার স্থাপন করেন। ১৮৫৯ খৃঃ তিনি উত্তরপাড়ায় একটি সাধারণ পাঠাগার প্রতিষ্ঠিত করেন; ইহাতে প্রায় লক্ষাধিক টাকা মূল্যের পুস্তক সংগৃহীত আছে। ইহার ব্যয় নির্বাহে জন্ত তিনি বাৎসরিক ১৯০০ টাকা উপস্থত্বের সম্পত্তি ও ২০০ টাকা শ্রুদের কোম্পানীর কাগজ অর্পণ করিয়া গিয়াছেন। লর্ড লরেন্স, লর্ড ডাফরিন, এশলি ইডেন, রিভান্স টমসন্, ষ্ট্রাট বেলী, আগষ্টাস সেল, এডুইন অর্নল্ড, মেরী কার্পেন্টার প্রভৃতি উক্ত পুস্তকাগার পরিদর্শন করেন। অধুনা এই পাঠাগারের বিশেষ উন্নতি হইতেছে। ১৮৬২ খৃঃ ৩১শে মার্চ বলুটীর মদন দেব মোকদ্দমায় এবং চুঁচুড়ার ধরেন্দেব দেবোত্তর সম্পত্তি মাথলা তালুকের জাল পাট্টার মোকদ্দমায় জয়কৃষ্ণের পাঁচ মাস সশ্রম কারাদণ্ড ও দশহাজার টাকা অর্থদণ্ড হইয়াছিল। মদনের মোকদ্দমায় কলিকাতা হাইকোর্ট হইতে মুক্তি লাভ করেন এবং মাথলার মোকদ্দমায় নিউমার্চ সাহেবের তত্ত্বাবধানে বিলাতে আপীল করিয়া ১৮৬২ খৃঃ ১৬ই জুলাই প্রিভি কাউন্সিলের বিচারে নির্দোষী সপ্রমাণ হইলে গবর্ণমেন্ট তাঁহাকে কারামুক্তি প্রদান করেন। সেই জালের মোকদ্দমায় তাঁহার সহোদর ভ্রাতা বৃন্দাবন মুখোপাধ্যায় বিশেষ শক্ততা করিয়াছিলেন। ১৮৬৪ খৃঃ মহাবল্লভ হুগলী, বর্দ্ধমান,

বাঁকুড়া, মেদিনীপুর, চব্বিশ-পরগণা প্রভৃতি জেলার লোকের বিষম ক্ষতি হওয়ায় তিনি বহু অর্থদান করেন, অধিকন্তু অনেক প্রজার খাজানা রেহাই দিয়াছিলেন। ১৮৬৬ খৃঃ হুভিক্ষের সময় স্বীয় জমিদারীতে অন্নসত্র উদ্বাটিত করেন; এবং অগ্রাগ্র স্থানের অন্নক্লেশ নিবারণ জন্ত গবর্ণমেন্টকে অর্থ সাহায্য করিয়াছিলেন। ১৮৬৯ খৃঃ কলিকাতা বিশ্ববিদ্যালয়ের পুস্তকাগারের জন্ত ৫০০০ টাকা দান করেন; এতদ্ব্যতীত ড্রিঙ্কওয়াটার বেথুন সাহেব কর্তৃক বর্তমান বেথুন কলেজ নির্মাণকল্পে ১০,০০০ টাকা দিয়াছিলেন। ১৮৮০ খৃঃ তিনি ইডেন্ কেনাল খনন জন্ত ১০,০০০ টাকা দান করেন। তিনি বিবিধ সদনুষ্ঠানে প্রায় নয় লক্ষ টাকা ব্যয় করিয়া যান। তাঁহার বিষয় বুদ্ধি অত্যন্ত তীক্ষ্ণ ছিল এবং জমিদারী পরিচালনা কার্যে অসাধারণ নৈপুণ্য পরিলক্ষিত হইত। প্রজাপুঞ্জের উন্নতিকল্পে তিনি নানা প্রকার হিতকর অনুষ্ঠান করিয়াছিলেন। জয়কৃষ্ণ একজন বিদ্যোৎসাহী, স্বাধীনচেতা ও নির্ভীক জমিদার ছিলেন। তাঁহার সহিত বিদ্যাসাগর মহাশয়ের যথেষ্ট ঘনিষ্ঠতা ছিল এবং তিনি বিদ্যাসাগর মহাশয়ের বিধবা বিবাহ আইন বিধিবদ্ধ জন্ত বিশেষ চেষ্টা করেন। দেশে সাধারণ শিক্ষা বিস্তার, স্ত্রী-শিক্ষা বিস্তার, বঙ্গীয় কৃষককুলের উন্নতি প্রভৃতি বিষয়ে তাঁহার সমধিক উৎসাহ ছিল। তিনি সাধারণ হিতকর কার্যে প্রাণের সহিত যোগদান করিতেন। গবর্ণমেন্ট কর্তৃক কোন কৃষি-প্রদর্শনীর অনুষ্ঠান হইলে তিনি সমাদরে নিমন্ত্রিত হইতেন। বঙ্গীয় কৃষক-কুলের বিবরণ বিবৃত করিবার জন্ত জয়কৃষ্ণ ৫০০ টাকা পুরস্কার ঘোষণা করেন; তদনুসারে হুগলী কলেজের সুপ্রসিদ্ধ অধ্যাপক রেভারেণ্ড লালবিহারী দে, গোবিন্দ সামন্ত নামে জনৈক কৃষকের কাহিনী অবলম্বনে বঙ্গীয় কৃষক জীবনী সম্বন্ধে একখানি গ্রন্থ প্রণয়ন করিয়া উক্ত পারিতোষিক লাভ করেন। ব্রিটিশ ইণ্ডিয়ান এসোসিয়েশন সভা

প্রতিষ্ঠার তিনি একজন প্রধান উদ্যোক্তা ও আমরণ ইহার সভ্য ছিলেন। জয়কৃষ্ণ অতিশয় অধ্যয়নশীল ছিলেন; অবশেষে ১৮৬৭ খৃঃ তাঁহার দৃষ্টিশক্তি হীন হয়। ১৮৭৫ খৃঃ তাঁহার পত্নী বিয়োগ হইয়াছিল। ১৮৭৭ খৃঃ ১লা জানুয়ারী মহারাণী ভিক্টোরীয়ার “ভারত-রাজরাজেশ্বরী” উপাধি গ্রহণ উপলক্ষে তিনি একখানি সম্মান-সূচক প্রশংসাপত্র প্রাপ্ত হন। ১৮৮৬ খৃঃ কলিকাতায় জাতীয় মহাসমিতির দ্বিতীয় অধিবেশনে অন্ধ জয়কৃষ্ণ যোগদানপূর্বক সুললিত ভাষায় একটি বক্তৃতা করিয়াছিলেন। ১৮৮৭ খৃঃ তিনি উত্তরপাড়ার ইংরাজী বিদ্যালয়কে কলেজে উন্নীত করেন। তিনি বার্নিকো জ্যেষ্ঠ পুত্র হরমোহন ও কনিষ্ঠপুত্র রাজমোহনকে হারাইয়া অতিশয় শোকসন্তপ্ত হইয়াছিলেন। অবশেষে ১৮৮৮ খৃঃ ১২শে জুলাই বঙ্গের প্রতিখনামা জমিদার জয়কৃষ্ণ মুখোপাধ্যায় ভাগীরথী তীরে মহানিদ্রায় অভিভূত হইয়াছেন। তিনি মৃত্যুকালে একমাত্র পুত্র শ্রীযুক্ত প্যারীমোহন মুখোপাধ্যায় ও দুই কন্যা এবং পৌত্রাদি রাখিয়া যান।

বিংশতি বৎসর বয়ঃক্রম কালে হুগলী জেলার অন্তর্গত বন্দীপুর গ্রামের গঙ্গাচরণ ঘটকের কন্যার সহিত জয়কৃষ্ণের বিবাহ হইয়াছিল। তাঁহার হরমোহন, প্যারীমোহন ও রাজমোহন নামে তিনটি পুত্র ও দুইটি কন্যা জন্মগ্রহণ করেন।

৬ হরমোহন মুখোপাধ্যায় ।

জয়কৃষ্ণের জ্যেষ্ঠপুত্র হরমোহন মুখোপাধ্যায় ১৮৩৩ খৃঃ জন্মগ্রহণ করেন। তিনি সুপ্রসিদ্ধ কাপ্তেন রিচার্ডসন্ সাহেবের নিকট ইংরাজী অধ্যয়ন করেন। তৎপরে হরমোহন পিতার নিকট জমিদারীর কার্য

প্রণালী শিক্ষা করিয়াছিলেন। 'ঠাহার হই পুত্র—শ্রীযুক্ত রাসবিহারী মুখোপাধ্যায় ও শ্রীযুক্ত শিবনারায়ণ' মুখোপাধ্যায়।

হরমোহনের জ্যেষ্ঠ পুত্র শ্রীযুক্ত রাসবিহারী মুখোপাধ্যায় ১৮৫৪ খৃঃ রাসপূর্ণিমার দিবস মাতুলালয়ে ভূমিষ্ঠ হইয়াছেন। ইনি উত্তরপাড়া স্কুল হইতে প্রবেশিকা পরীক্ষায় উত্তীর্ণ হইয়া ১৫ টাকা বৃত্তি প্রাপ্ত হন। তৎপরে কলিকাতার প্রেসিডেন্সী কলেজে কয়দিবস অধ্যয়ন করেন। ১৮৮১ খৃঃ ইনি ফরাসী দার্শনিক বেন সাহেবের একখানি দার্শনিক গ্রন্থ অনুবাদ করিয়া খিলাতে মুদ্রিত করেন, এই উপলক্ষে ইংলণ্ডের মনীষীগণের সহিত পরিচিত হন। পাতঞ্জলী যোগসূত্র টীকাসহ ইনি প্রকাশ করিয়াছেন, এতদ্ভাষীত ইহার কয়েকখানি গ্রন্থ প্রচার হইয়াছে। ইনি পালি ভাষা শিক্ষা করেন। রাসবিহারী আজীবন অধ্যয়নশীল এবং নানা প্রকার গ্রন্থ অধ্যয়ন পূর্বক অভিজ্ঞতা লাভ করিয়াছেন। স্বীয় পুস্তকাগারে প্রায় লক্ষ টাকার গ্রন্থ সংগ্রহ করিয়াছেন। ইনি একজন বিদ্যোৎসাহী ও বিদ্যানুরাগী জমিদার; নীরবে দেশের ও দশের সেবা করিয়া থাকেন। ইহার নানা প্রকার দানধর্মের পরিচয় পাওয়া যায়। রাসবিহারীর পুত্র সন্তান হয় নাই, একটা মাত্র কন্যা হইয়াছিল। ইহার দৌহিত্রীর সহিত বীরভূম জেলার অন্তর্গত হেতমপুরের কুমার শ্রীমান্ ব্রহ্মনিরঞ্জন চক্রবর্তীর বিবাহ হইয়াছে।

হরমোহনের কনিষ্ঠ পুত্র শ্রীযুক্ত শিবনারায়ণ মুখোপাধ্যায় ১৮৫৯ খৃঃ মাতামহাশ্রমে জন্মগ্রহণ করেন। ইনি উত্তরপাড়ার ইংরাজী বিদ্যালয় হইতে প্রবেশিকা পরীক্ষায় পাশ হইয়া কলিকাতার প্রেসিডেন্সী কলেজে কয়দিবস অধ্যয়ন করিয়াছিলেন। ১৮৭৯ খৃঃ ইনি “আলি পয়েমস্” নামে একখানি কবিতা পুস্তক রচনা করেন; তৎকালে ইহা সুইন্বার্ণ, মরিস্ প্রভৃতি ইংরাজ কবিগণ কর্তৃক প্রশংসিত হইয়াছিল। ১৮৮৮ খৃঃ উত্তরপাড়া মিউনিসিপালিটির চেয়ারম্যান নির্বাচিত হন।

ইনি পিতামহের নানা প্রকার কার্যের বিশেষ সহায়তা করিতেন। শিবনারায়ণের একমাত্র পুত্র শ্রীযুক্ত অবনীনাথ মুখোপাধ্যায় স্বীয় প্রতিভা ও বিদ্যামুরাগের জন্ত সকলের শ্রদ্ধাভাজন হইয়াছেন। ইনি একজন সুদক্ষ আলোক চিত্রকর। ১৯১৩ খৃঃ ভারতীয় ফটোগ্রাফ সমিতির চিত্র প্রদর্শনীতে আলোক চিত্রের জন্ত একটি স্বর্ণ পদক লাভ করেন। অতঃপর বেলেভেড়িয়ার প্রদর্শনীতেও আলোক চিত্রের জন্ত একটি রৌপ্য পদক প্রাপ্ত হইয়াছেন। ১৯১৫ খৃঃ বোম্বাই আর্ট সোসাইটি হইতে ইনি একটি পুরস্কার লাভ করিয়াছেন। ইহার তিন পুত্র—শ্রীমান্ কৌস্তভভূষণ, শ্রীমান্ গিরিজাভূষণ ও শ্রীমান্ বিজলীভূষণ মুখোপাধ্যায়।

প্যারীমোহন মুখোপাধ্যায় ।

জয়কৃষ্ণের মধ্যম পুত্র রাজা শ্রীযুক্ত প্যারীমোহন মুখোপাধ্যায় ১৮৪০ খৃঃ ১৭ ই সেপ্টেম্বর উত্তরপাড়ায় জন্মিষ্ট হন। ১৮৬০ খৃঃ ইনি উত্তরপাড়া ইংরাজী বিদ্যালয় হইতে জুনিয়ার পরীক্ষায় উত্তীর্ণ হন। ১৮৬২ খৃঃ কলিকাতার প্রেসিডেন্সী কলেজ হইতে এফ-এ, ১৮৬৩ খৃঃ বি-এ, ১৮৬৪ খৃঃ বি-এল এবং ১৮৬৫ খৃঃ এম-এ পরীক্ষায় উত্তীর্ণ হইয়াছেন। ইনি কয়েক বৎসর কলিকাতা হাইকোর্টে ওকালতী ব্যবসায় ব্রতী ছিলেন। ১৮৭৯ খৃঃ ইনি বঙ্গীয় ব্যবস্থাপক সভার সদস্য নির্বাচিত হন। ১৮৮৪ খৃঃ রাজপ্রতিনিধি লর্ড রিপন্ বাহাহর ইহাকে ভারতীয় ব্যবস্থাপক সভার সভ্য মনোনীত করেন। ১৮৮৬ খৃঃ দ্বিতীয় বার ভারতীয় ব্যবস্থাপক সভার সদস্য থাকিয়া প্রজাসভ বিষয়ক আইন বিধিষক হইবার সময় প্যারীমোহন জমিদারী ও রাজস্ব বিষয়ক জ্ঞানের

বখেষ্ঠ পরিচয় প্রদান করেন। মহারানী ভারতেশ্বরী ভিক্টোরীয়া পঞ্চাশবর্ষকাল ইংলণ্ডের সিংহাসন অলঙ্কৃত করিলে ১৮৮৭ খৃঃ ১৬ই ফেব্রুয়ারী ভারতে “সুবর্ণ জুবিলী” উপলক্ষে প্যারীমোহন একই দিবসে “রাজা” এবং “সি-এস-আই” এই দুইটি উচ্চ উপাধি সম্মানে সম্মানিত হইয়াছেন। কলিকাতায় স্বর্গীয় রাজপ্রতিনিধি লর্ড মিন্টো বাহাদুরের প্রস্তর মূর্তি স্থাপনকল্পের স্থতিভাণ্ডারে ১৯১০ খৃঃ ইনি ৫০০ টাকা দান করেন। উক্ত বৎসর স্বর্গীয় ভারতেশ্বর সপ্তম এডওয়ার্ডের স্থতি ভাণ্ডারে ৫০০ টাকা দিয়াছেন। ১৯১১ খৃঃ কলিকাতার রিপন কলেজের নূতন বাটী নির্মাণকল্পে ১০০০ টাকা দান করেন। ১৯১২ খৃঃ ৪ঠা জানুয়ারী কলিকাতার লাট প্রাসাদে নবীন ভারত সম্রাট পঞ্চম জর্জ মহোদয় ও রাজ্ঞীর এক রাজসভা হইয়াছিল, তৎকালে সেই রাজকীয় অভ্যর্থনা সমিতির সম্পাদক মুর্শিদাবাদের বর্তমান নবাব বাহাদুর প্যারীমোহনকে রাজসকাশে যথারীতি পরিচিত করেন। ১৯১৩ খৃঃ জুন মাসে রাজা বাহাদুর ডাক্তার শ্রীযুক্ত শরৎকুমার মল্লিক প্রতিষ্ঠিত কিংস হাসপাতালের জন্ত ৩০০০ দান করেন; অধিকন্তু বাৎসরিক ১০০ দিতে প্রতিশ্রুত হইয়াছেন। ১৯১৩ খৃঃ আগষ্ট মাসে বর্তমান বিভাগের ভীষণ বত্মাপীড়িত ব্যক্তিগণের সাহায্যার্থে ইনি ৫০০ টাকা দান করেন। উক্ত বৎসর কলিকাতার টাউন হলের সভায় দক্ষিণ আফ্রিকার নিপীড়িত ব্যক্তিগণের সাহায্যকল্পে ২৫০ টাকা দিয়াছেন। ১৯১৫ খৃঃ কলিকাতার বেলগেছিয়া মেডিকেল স্কুলকে কলেজে উন্নীত করিবার সাহায্য ভাণ্ডারে রাজা বাহাদুর ২০০০ দান করিয়াছেন। এতদ্ব্যতীত ইহার বহুবিধ খুচরা দানের পরিচয় পাওয়া যায়। ইনি ব্রিটিশ ইন্ডিয়ান এসোসিয়েসন সভার উন্নতির জন্ত বহু পরিশ্রম করিয়া থাকেন। এক বৎসর এই সভার সম্পাদক ও তৎপরে সভাপতি নিযুক্ত হইয়াছিলেন। জনসাধারণের মধ্যে ও রাজদরবারে প্যারীমোহনের

বিশেষ সম্মান ও প্রতিপত্তি দৃষ্ট হয় । রাজা বাহাদুরের দুই পুত্র—
রাজেন্দ্রনাথ ও ভূপেন্দ্রনাথ মুখোপাধ্যায় ।

প্যারীমোহনের জ্যেষ্ঠ পুত্র কুমার রাজেন্দ্রনাথ মুখোপাধ্যায় ১৮৬২ খৃঃ
হুগলী জেলার অন্তর্গত বলাগড় গ্রামে মাড়ুলাশ্রমে জন্মগ্রহণ করেন ।
তিনি সাধারণে “মিছরী বাবু” নামে পরিচিত ছিলেন । কুমার বাহাদুর
পিতার অধীনে আপনাদের বিয়য় সম্পত্তি তত্ত্বাবধান করিতেন । তিনি
কন্মী, স্বদেশভক্ত, তেজস্বী ও বুদ্ধিমান ছিলেন । স্বদেশী প্রচারের
জন্ত তিনি অদমা উৎসাহে কর্মক্ষেত্রে অবতীর্ণ হন । স্বধর্ম পালন তাঁহার
জীবনের ব্রত ছিল । বিলুপ্ত “কর্ম যোগীন” সংবাদপত্রে তিনি হিন্দু
সম্বন্ধে প্রবন্ধ প্রচার করেন ; অধিকন্তু “আলোচনা” মাসিক পত্রিকায়
ব্রাহ্মণের ধর্ম বিষয়ক তাঁহার কয়েকটি রচনা প্রকাশিত হইয়াছিল ।
শ্রীযুক্ত হাসানন্দ বর্ম্মার প্রতিষ্ঠিত শ্রীকৃষ্ণ গোশালার উন্নতিকল্পে তিনি
অর্থ সাহায্য করেন । ১৯১১ খৃঃ ৩০শে সেপ্টেম্বর মহাষ্টমীর দিবস
কুমার রাজেন্দ্রনাথ মুখোপাধ্যায় লোকান্তরিত হইয়াছেন । তিনি
মৃত্যুকালে বিধবা পত্নী এবং শ্রীযুক্ত তারকনাথ, শ্রীযুক্ত লোকনাথ, শ্রীযুক্ত
অমরনাথ ও শ্রীযুক্ত চন্দ্রনাথ মুখোপাধ্যায় নামে চারি পুত্র রাখিয়া
গিয়াছেন ।

প্যারীমোহনের কনিষ্ঠ পুত্র কুমার শ্রীযুক্ত ভূপেন্দ্রনাথ মুখোপাধ্যায়
সাধারণে “মাখন বাবু” নামে পবিচিত । শীকারে ইহাঁর যথোচিত
উৎসাহ পরিলক্ষিত হয় । ১৮৮৭ খৃঃ ১২ই মে কুমার বাহাদুরে
সহিত বীরভূম জেলার অন্তর্গত হেতমপুরের মহারাজের মধ্যমা
কুমারীর বিবাহ হইয়াছিল । তাঁহার পুত্র কুমার শ্রীযুক্ত পঞ্চানন
মুখোপাধ্যায় ও একটি কন্যা বিদ্যমান । ১৮৯৫ খৃঃ পত্নীবিয়োগের পর
ইনি দ্বিতীয়বার দারপরিগ্রহ করিয়াছেন । তদীয় পুত্র শ্রীযুক্ত যোগেশ
চন্দ্র মুখোপাধ্যায় । ভূপেন্দ্রনাথের জ্যেষ্ঠপুত্র কুমার শ্রীযুক্ত পঞ্চানন

মুখোপাধ্যায় একজন প্রতিভাশালী ব্যক্তি । বঙ্গসাহিত্যে ইহঁার বিশেষ অঙ্গুরাগ দৃষ্ট হয় ; অধিকন্তু ইনি একজন সুলেখক । কুমার বাহাদুর প্রজাপতি সমিতির সম্পাদকরূপে বিবাহের বরণ প্রথা রহিত করিবার চেষ্টা করিতেছেন ।

৮ রাজমোহন মুখোপাধ্যায় ।

জয়কৃষ্ণের কনিষ্ঠ পুত্র রাজমোহন মুখোপাধ্যায় কলিকাতা বিশ্ববিদ্যালয় হইতে বি-এলপরীক্ষায় উত্তীর্ণ হইয়া ২৭ বৎসর মাত্র বয়ঃক্রমকালে মৃত্যুমুখে পতিত হইয়াছেন । তাঁহার চারিপুত্র হইয়াছিল, তন্মধ্যে তিনপুত্র শ্রীযুক্ত সুরেশচন্দ্র, শ্রীযুক্ত পরেশচন্দ্র ও শ্রীযুক্ত প্রবলচন্দ্র মুখোপাধ্যায় বিদ্যমান । জ্যেষ্ঠপুত্র সুরেশচন্দ্রের তিন পুত্র—শ্রীমান জহরলাল, শ্রীমান পার্শ্বলাল ও শ্রীমান মণিলাল মুখোপাধ্যায় । মধ্যমপুত্র পরেশচন্দ্রের তিন পুত্র—শ্রীমান দুর্গাচরণ, শ্রীমান সত্যচরণ ও শ্রীমান অধিকাচরণ মুখোপাধ্যায় । কনিষ্ঠ পুত্র প্রবলচন্দ্রের চারি পুত্র—শ্রীমান বৈদ্যানাথ, শ্রীমান রামদাস, শ্রীমান বামনদাস ও শ্রীমান জগন্নাথ মুখোপাধ্যায় ।

৯ রাজকৃষ্ণ মুখোপাধ্যায় ।

রাজমোহনের প্রথম পত্নীর কনিষ্ঠ পুত্র রাজকৃষ্ণ মুখোপাধ্যায় উত্তর-পাড়ার অন্ততম জমিদার ছিলেন । তিনি হাজারিবাগের সামরিক অফিসে দুই বৎসর কেরানীর কার্য করেন । তৎপরে তথা হইতে পীড়িত হইয়া আসিয়া জীবনের অবশিষ্টাংশ জয়কৃষ্ণের অতিবাহিত করেন । তাঁহার দুই বিবাহ হইয়াছিল, তন্মধ্যে প্রথম পত্নীর একটি পুত্র হরিহর এবং

দ্বিতীয়া পত্নীর তিনপুত্র—শ্রীযুক্ত মনোহর, বিশ্বেশ্বর ও শ্রীযুক্ত কাশীশ্বর মুখোপাধ্যায় ।

রাজকৃষ্ণের জ্যেষ্ঠ পুত্র হরিহর মুখোপাধ্যায় একটি সুন্দর বাসভবন নির্মাণ করাইয়াছিলেন । ১৯১৩ খৃঃ ১৫ই ফেব্রুয়ারী তাঁহার পত্নী ৭১ বৎসর বয়সে গঙ্গালাভ করিয়াছেন ।

জ্যোৎস্নকুমার মুখোপাধ্যায় ।

হরিহরের পুত্র রাজা শ্রীযুক্ত জ্যোৎস্নকুমার মুখোপাধ্যায় বাহাদুর উত্তরপাড়ার অগ্রতম জমিদার । দেশের প্রায় সকল প্রকার সদহুষ্ঠানে ইঁহার দান ধর্ম্মের পরিচয় পাওয়া যায় । উত্তরপাড়া সহরে জলের কল প্রতিষ্ঠাকালে ইনি ৪০,০০০ মুদ্রা দান করিয়াছেন । হাবড়ার সাধারণ হাঁসপাতাল ও কলিকাতার এলবার্ট ভিক্টার হাঁসপাতালে জ্যোৎস্নকুমার বাহাদুর বহু অর্থ প্রদান করেন । হুগলীর ইমামবারা হাঁসপাতালে ৬০০০ টাকা দিয়াছেন । শ্রীরামপুর হাঁসপাতালে ইনি ৫০০ টাকা দান করেন । ১৯১০ খৃঃ স্বর্গীয় ভারত সত্রাট সপ্তম এডওয়ার্ডের স্মৃতি ভাণ্ডারে ২০০০ টাকা দান করিয়াছেন । ১৯১১ খৃঃ কলিকাতা সহরে নবীন ভারতেশ্বর পঞ্চম জর্জ মহোদয়ের অভ্যর্থনা আয়োজনকালে চাঁদায় যে অর্থ সংগ্রহ হয়, তাহাতে রাজা বাহাদুর ২০০০ টাকা দান করেন । ১৯১১ খৃঃ কলিকাতার রিপন্ কলেজের নূতন বাটা নির্মাণের সাহায্য ভাণ্ডারে ১০০০ টাকা প্রদান করেন । ১৯১১ খৃঃ ১২ই ডিসেম্বর দিল্লীর বিরাট অভিব্যেক দরবারে জ্যোৎস্নকুমার “রায় বাহাদুর” উপাধি প্রাপ্ত হন । বঙ্গসাহিত্যের ইনি একজন পৃষ্ঠপোষক । হাবড়া সহরে রাজা বাহাদুরের উদ্বোধনে একটি বৃহৎ সাধারণ পাঠাগার প্রতিষ্ঠিত হইয়াছে । গবর্ণমেন্ট

তজ্জন্ম প্রায় দশ সহস্র টাকা মূল্যের নয় কাঠা নিষ্কর ভূমি দান করিয়াছেন। ভূতপূর্ব বঙ্গেশ্বর শ্রীর উইলিয়ম ডিউক বাহাদুর ভিত্তি স্থাপন করায় ইহা “ডিউক লাইব্রেরী” নামে অভিহিত হইয়াছে। এই লাইব্রেরীর জন্ম বঙ্গীয় সাহিত্যসেবিগণ রাজা বাহাদুর এবং শ্রীযুক্ত দুর্গাদাস লাহিড়ী মহাশয়ের নিকট চিরকৃতজ্ঞ। ১৯১৩ খৃঃ এপ্রেল মাসে জ্যোৎস্নকুমার বাহাদুর হাবড়ার ডিউক লাইব্রেরী ও সাহিত্য সভার জন্ম ২৫,০০০ টাকা দান করিয়াছেন। ১৯১৩ খৃঃ আগষ্ট মাসে বর্দ্ধমান বিভাগের বস্ত্রাপীড়িত ব্যক্তিগণের সাহায্যকল্পে ইনি ৩৫০০ টাকা দান করেন। ১৯১৩ খৃঃ ডিসেম্বর মাসে রাজা বাহাদুর মাজুগ্রামের সাধারণ পুস্তকালয়ের নির্মাণ ভাণ্ডারে ৫০০ টাকা সাহায্য করেন। ১৯১৩ খৃঃ কলিকাতার টাউন হলের সভায় দক্ষিণ আফ্রিকার নিপীড়িত ব্যক্তিগণের সাহায্যার্থে ২৫০০ টাকা প্রদান করেন। ১৯১৪ খৃঃ জুন মাসে হাবড়ার জেনারেল হাঁসপাতালে ভারতীয় বিভাগের গুপ্তাধিকারিণীগণের বাটী নির্মাণকল্পে রাজা বাহাদুর ৩০০০ টাকা দান করিয়াছেন। এতদ্ব্যতীত ইহঁার খুচরা দানের সবিস্তার উল্লেখ সম্ভবপর নহে। ১৯১৫ খৃঃ ভারত সম্রাটের জন্মতিথি উপলক্ষে গবর্ণমেন্ট জ্যোৎস্নকুমারের বিশেষ প্রশংসা করিয়া “রাজা” উপাধি সম্মানে ভূষিত করিয়াছেন। ইনি জনসাধারণের নিকট ও রাজদরবারে বিশেষ সম্মান প্রাপ্ত হইয়া থাকেন।

জ্যোৎস্নকুমার বাহাদুরের একমাত্র পুত্র কুমার শ্রীযুক্ত সনৎকুমার মুখোপাধ্যায় হাবড়ার ডিউক লাইব্রেরী ও সাহিত্য সভার প্রতিষ্ঠাকল্পে অন্ততম উদ্যোগী ছিলেন, তজ্জন্ম ইনি লাইব্রেরী কমিটির সদস্য ও ট্রাস্টী নির্বাচিত হইয়াছেন। ১৯১৩ খৃঃ আগষ্ট মাসে বর্দ্ধমান বিভাগের ভীষণ বস্ত্রাপীড়িত ব্যক্তিগণের সাহায্যার্থে ইনি ১০০০ টাকা দান করেন, অধিকন্তু কিংস হাঁসপাতাল ফণ্ডে বাৎসরিক ১০০০ টাকা চাঁদা দিতে প্রতিশ্রুত হইয়াছেন। ১৯০৩ খৃঃ ১২ই মে কুমার বাহাদুরের সহিত

বীরভূম জেলার অতঃপাতী হেতমপুরের মহারাজকুমার শ্রীযুক্ত সত্য নিরঞ্জন চক্রবর্তীর কন্যার বিবাহ হইয়াছে ।

রাজকুমারের মধ্যম পুত্র শ্রীযুক্ত মনোহর মুখোপাধ্যায় উত্তরপাড়ার অগ্রতম জমিদার । ইহার আট পুত্র জন্মগ্রহণ করিয়াছেন ।

রাজকুমারের তৃতীয় পুত্র বিশেশ্বর মুখোপাধ্যায় মৃত্যুকালে শ্রীযুক্ত কালীদাস মুখোপাধ্যায় নামে একটি পুত্র রাখিয়া গিয়াছেন ।

রাজকুমারের কনিষ্ঠ পুত্র শ্রীযুক্ত কাশীশ্বর মুখোপাধ্যায় নিঃসন্তান ।

৩ নবকৃষ্ণ মুখোপাধ্যায় ।

জগন্মোহনের কনিষ্ঠা পত্নীর জ্যেষ্ঠ পুত্র নবকৃষ্ণ মুখোপাধ্যায় কলিকাতা হাইকোর্টের উকীল ছিলেন । তাঁহার চারি পুত্র—৬প্রতাপ-নারায়ণ, রামনারায়ণ, স্বর্ধানারায়ণ ও রাজনারায়ণ মুখোপাধ্যায় ।

নবকৃষ্ণের জ্যেষ্ঠপুত্র প্রতাপনারায়ণ মুখোপাধ্যায় কলিকাতা বিশ্ব-বিদ্যালয়ের এম্ এ পরীক্ষায় উত্তীর্ণ হইয়াছিলেন । তিনি মৃত্যুকালে দুই পুত্র রাখিয়া গিয়াছেন ।

নবকৃষ্ণের মধ্যম পুত্র শ্রীযুক্ত রামনারায়ণ মুখোপাধ্যায়ের চারি পুত্র বিদ্যমান ।

নবকৃষ্ণের তৃতীয় পুত্র শ্রীযুক্ত স্বর্ধানারায়ণ মুখোপাধ্যায়ের একটি কন্যা হইয়াছিল । তেলিনীপাড়ার অগ্রতম জমিদার সত্যশান্তি বন্দো-পাধ্যায়ের জ্যেষ্ঠপুত্রের সহিত ঐ কন্যার বিবাহ হইয়াছে ।

৩ বিজয়কৃষ্ণ মুখোপাধ্যায় ।

জগন্মোহনের দ্বিতীয়া পত্নীর একমাত্র পুত্র বিজয়কৃষ্ণ মুখোপাধ্যায়

স্থানীয় মিউনিসিপালিটির তত্ত্বাবধান করিতেন ; অধিকন্তু তৎকালীন হিতকারী সভার সম্পাদক ছিলেন । তাঁহার সাতপুত্র—নরেন্দ্রনাথ, সুরেন্দ্রনাথ, নগেন্দ্রনাথ, শ্রীযুক্ত যতীন্দ্রনাথ, শ্রীযুক্ত ফণীন্দ্রনাথ, শ্রীযুক্ত দ্বিজেন্দ্রনাথ ও শ্রীযুক্ত সত্যেন্দ্রনাথ মুখোপাধ্যায় ।

৩ নবীনকৃষ্ণ মুখোপাধ্যায় ।

জগন্মোহনের কনিষ্ঠা পত্নীর কনিষ্ঠ পুত্র নবীনকৃষ্ণ মুখোপাধ্যায় অন্ধশাস্ত্রে এম্-এ পরীক্ষায় প্রথম স্থান অধিকার করেন ; কিন্তু কিয়দ্দিবস পরে পক্ষাঘাত রোগে অকালে গতাস্থ হন । তিনি মৃত্যুকালে একমাত্র পুত্র শ্রীযুক্ত উপেন্দ্রনারায়ণ মুখোপাধ্যায়কে রাখিয়া গিয়াছেন । উপেন্দ্র-নারায়ণ বি-এল, কলিকাতা হাইকোর্টে ওকালতী ব্যবসায় ব্রতী আছেন । ব্যবহার শাস্ত্রে ইনি সুপণ্ডিত । ইহার পুত্র শ্রীমান্ শ্যামাপ্রসাদ মুখোপাধ্যায় ।

চুঁচুড়া জমিদারবংশ ।

হুগলী-চুঁচুড়ার সোমেরা বহুকালের প্রাচীন জমিদারবংশ । ইহাদের
আদি নিবাস হুগলী জেলার অন্তর্গত বাগাটী নামক একটি ক্ষুদ্র পরগণা ।

৩ বলভদ্র সোম ।

এই বংশের জনৈক পূর্বপুরুষ বলভদ্র সোম গোড়ের রাজার
প্রধান মন্ত্রী ছিলেন । গোড়ের ঘোরীবাংশীয় রাজপরিবারের প্রধান
কর্মচারী গোপীচন্দ্র বসুর (পুবন্দর খাঁ) কন্যাকে তিনি বিবাহ করেন ।
বলভদ্র যশোহর জঙ্গলের পুরাতন রাস্তাটি নির্মাণ করাইয়াছিলেন ।
তাহার পুত্র সোমনাথ—ষষ্ঠীদাস—রামেশ্বর—কুন্দনন্দ—নৃসিংহ সোম
বাগাটী হইতে চন্দননগরে আসিয়া বাস করেন । নৃসিংহের দুই পুত্র
গঙ্গানারায়ণ ও কৃপারাম সোম ।

৩ গঙ্গানারায়ণ সোম ।

নৃসিংহের জ্যেষ্ঠ পুত্র গঙ্গানারায়ণ সোম চুঁচুড়ার ওলন্দাজদিগের
একজন প্রধান কর্মচারী ছিলেন । তিনি স্থায়ী কার্য্য দক্ষতাগুণে ঐ
কোম্পানীর নিকট হইতে “সরকার” উপাধি প্রাপ্ত হন । ১৭৪৯ খৃঃ
৮৬ বৎসর বয়সে গঙ্গানারায়ণ সোম সরকার চন্দননগরে গতান্ব হন ।
তাহার চারি পুত্র কল্যাণরাম, রামচরণ, মহাদেব ও নন্দরাম সোম ।

৬ রামচরণ সোম।

দ্বাদশনারায়ণের মধ্যম পুত্র রামচরণ সোম ১৬৮৬ খৃঃ জন্মগ্রহণ করেন। তিনি চুঁচুড়ার ওলন্দাজ কোম্পানীর দেওয়ান ছিলেন। তিনি চন্দননগর পরিত্যাগপূর্বক তাঁহার কর্মস্থান চুঁচুড়ায় আসিয়া বসতি করেন। ওলন্দাজ ইস্ট ইণ্ডিয়া কোম্পানী তাঁহার কর্যদক্ষতায় সন্তুষ্ট হইয়া “বাবু” উপাধি প্রদান করিয়াছিলেন। তাঁহার পাঁচ পুত্র তোতারাম, আশ্বারাম, শ্রামরাম, বাঞ্চারাম ও মনোহর সোম।

৭ তোতারাম সোম।

রামচরণের জ্যেষ্ঠ পুত্র তোতারাম সোম ১৭১১ খৃঃ জন্মগ্রহণ করেন। তিনি ওলন্দাজ ট্রেডিং কোম্পানীর প্রধান কর্মচারীর দেওয়ান ছিলেন। প্রধানতঃ তোতারাম কোম্পানীর ব্যবসায় বাণিজ্যের সর্বময় কর্তা ছিলেন। সুখ্যাতির সহিত কার্য্য করিয়া তিনি “বাবু” উপাধি প্রাপ্ত হন। তাঁহার পাঁচ পুত্র—দর্পনারায়ণ, রামকিশোর, ভবানীচরণ, রামকান্ত ও রামসুন্দর সোম।

তোতারামের জ্যেষ্ঠ পুত্র দর্পনারায়ণ সোম—শম্ভুচন্দ্র—রসিকচন্দ্র—গুহুরাম সোম।

তোতারামের তৃতীয় পুত্র ভবানীচরণ সোমের চারি পুত্র—ভৈরবচন্দ্র, মহেশচন্দ্র, গোবিন্দচন্দ্র ও নীলমণি সোম।

ভবানীচরণের মধ্যম পুত্র ভৈরবচন্দ্র সোম ১৭৬৭ খৃঃ জন্মগ্রহণ করেন। তিনি হুগলীর কাষ্টম্ হাউসের পেস্কার ছিলেন। ১৮৩৭ খৃঃ উহা উঠিয়া গিয়াছে। তাঁহার দুই পুত্র—উমাপ্রসাদ ও মতিলাল সোম।

মহেশচন্দ্রের জ্যেষ্ঠ পুত্র উমাপ্রসাদ সোম ১৮০৭ খৃঃ জন্মগ্রহণ

করেন। তিনি হুগলীর জজ আদালতের একজন খ্যাতনামা ছিলেন। তাঁহার দুই পুত্র—শিবচন্দ্র ও পূর্ণচন্দ্র সোম।

উমাপ্রসাদের জ্যেষ্ঠ পুত্র শিবচন্দ্র সোম ১৮২৯ খৃঃ ভূমিষ্ঠ হন। ১৮৩১ খৃঃ হুগলী কলেজের একজন সিনিয়ার বৃত্তিপ্রাপ্ত ছাত্র ছিলেন। অতঃপর তিনি হুগলী কলেজিয়েট স্কুলের প্রধান শিক্ষক নিযুক্ত হন; বহুদিবস কার্য্য করিয়া অবসর বৃত্তি গ্রহণ করেন। তৎপরে তিনি বীরভূম জেলার অন্তর্গত হেতমপুরের রাজার অধীনে কন্ম নিযুক্ত হইয়াছিলেন। তাঁহার তিন পুত্র শরৎশশি, হেমশশি ও চারুশশি সোম।

শিবচন্দ্রের মধ্যম পুত্র শ্রীযুক্ত হেমশশির তিন পুত্র—শ্রীযুক্ত ধূর্ঘাটী, শ্রীযুক্ত পিনাকী ও শ্রীযুক্ত ত্রিশূলী সোম।

শিবচন্দ্রের কনিষ্ঠ পুত্র চারুশশি সোম বি-এল ১৮৬৪ খৃঃ জন্মগ্রহণ করেন। তিনি হুগলীর আদালতের উকীল ছিলেন।

উমাপ্রসাদের কনিষ্ঠ পুত্র রায় পূর্ণচন্দ্র সোম বাহাদুর ১৮৩১ খৃঃ জন্মগ্রহণ করেন। তিনি হুগলী কলেজের একজন সিনিয়ার বৃত্তিপ্রাপ্ত ছাত্র ছিলেন। তৎপরে ওকালতী পরীক্ষায় উত্তীর্ণ হইয়া কয়েক বৎসর কলিকাতা হাইকোর্টে ব্যবহার শাস্ত্রে ব্রতী হন। ১৮৭০ খৃঃ মুনসেফ নিযুক্ত হইয়া, ক্রমে সবজজ পদে উন্নীত হইয়াছিলেন। ১৮৯৫ খৃঃ তিনি অবসর বৃত্তি গ্রহণ করেন। রাজকার্য্যে বিশেষ স্খ্যাতির জন্ত গবর্ণমেন্ট তাঁহাকে “রায় বাহাদুর” উপাধি দিয়াছিলেন। অতঃপর তিনি কলিকাতা হাইকোর্টে পুনরায় ওকালতী ব্যবসায় নিযুক্ত হন। তাঁহার পোষ্য পুত্র শ্রীযুক্ত অরুণচন্দ্র সোম।

উমাপ্রসাদের কনিষ্ঠ ভ্রাতা মতিলালের পুত্র শ্রীযুক্ত জগৎচন্দ্র সোম ১৮৪৫ খৃঃ জন্মগ্রহণ করেন। ১৮৭৩ খৃঃ তিনি সাবডেপুটী কালেক্টার নিযুক্ত হন। তৎপরে ডেপুটী মাজিষ্ট্রেট ও কালেক্টার পদে উন্নীত হইয়াছিলেন। ১৮৯৬ খৃঃ তিনি অবসর বৃত্তি গ্রহণ করেন। সেই সময়

ন হোমিওপ্যাথিক চিকিৎসায় তৃতী হইয়া দাতব্য চিকিৎসা
হন।

ভবানীচরণের তৃতীয় পুত্র গোকুলচন্দ্রের তিন পুত্র—মানিকচাঁদ,
ক' কালাচাঁদ ও রামচাঁদ সোম।

গোকুলচন্দ্রের জ্যেষ্ঠপুত্র মানিকচাঁদ সোম ১৮০৬ খৃঃ জন্মগ্রহণ
করেন। তিনি দিনাজপুরের মুনসেফ ছিলেন; তথায় ১৮৫০ খৃঃ
লোকান্তরিত হন। তাঁহার দুই পুত্র—দয়ালচাঁদ ও মহেন্দ্রচাঁদ সোম।

মানিকচাঁদের জ্যেষ্ঠ পুত্র রায় দয়ালচাঁদ সোম এম, বি, বাহাদুর
১৮৪১ খৃঃ জন্মগ্রহণ করেন। তিনি গৃহে অধ্যয়ন করিয়া প্রবেশিকা
পরীক্ষায় প্রথম বিভাগে উত্তীর্ণ হন। তৎপরে কলিকাতার মেডিকেল
কলেজে প্রবিষ্ট হইয়া উক্ত কলেজের ছাত্রাবস্থায় এফ, এ, পাশ
করেন। তিনি ধাত্রীবিদ্যায় বিশেষ পারদর্শী ছিলেন। তিনি প্রথমে
আগ্রা মেডিকেল স্কুল ও তৎপরে পাটনা মেডিকেল স্কুলের অধ্যাপকতা
করেন; অনন্তর কলিকাতা ক্যাশ্বেল মেডিকেল স্কুলের ধাত্রীবিদ্যার
অধ্যাপক নিযুক্ত হন। তথায় সাত বৎসর কৰ্ম করিয়া ১৮৯৪ খৃঃ অবসর
বৃত্তি গ্রহণ করেন। ভারতের ভূতপূর্ব রাজপ্রতিনিধি লর্ড ল্যাম্‌সডাউন ও
এলগিন বাহাদুরদ্বয়ের একজন অবৈতনিক আসিষ্ট্যান্ট্‌ সার্জেন ছিলেন।
গবর্ণমেন্ট তাঁহার কৃতিত্বের প্রশংসা করিয়া “রায় বাহাদুর” উপাধি
প্রদান করেন। তাঁহার একমাত্র পুত্র শ্রীযুক্ত হরিদাস সোম।

দয়ালচাঁদের কনিষ্ঠ ভ্রাতা মহেন্দ্র চাঁদ ১৮৪৪ খৃঃ ভূমিষ্ট হন। তিনি
জেনারেল টেলিগ্রাফ অফিসের একজন উচ্চ কর্মচারী ছিলেন। তাঁহার
দুই পুত্র—নগেন্দ্রনাথ ও যতীন্দ্রনাথ সোম। জ্যেষ্ঠপুত্র শ্রীযুক্ত নগেন্দ্রনাথ
সোম পালামৌ জেলার সব ওভারসিয়ার ছিলেন।

গোকুলচাঁদের মধ্যমপুত্র কালাচাঁদের চারিপুত্র—সিদ্ধেশ্বর, মাধবচন্দ্র,
নবীনচন্দ্র ও কৃষ্ণচন্দ্র সোম।

৬ শ্রামরাম সোম ।

রামচরণের তৃতীয় পুত্র শ্রামরাম সোম ওলন্দাজ গবর্ণমেন্টের দেওয়ান ছিলেন । ১৭৫৬ খৃঃ মুর্শিদাবাদের নবাব সিরাজদ্দৌলার নিকট কোন ব্যক্তি মিথ্যা অভিযোগ করে যে তিনি তাঁহাকে পদচ্যুত করিবার জন্ত ষড়যন্ত্র করিতেছেন । ইহাতে নবাব শ্রামরামকে ধৃত করিয়া কারারুদ্ধ করেন । এই সংবাদ প্রাপ্ত হইয়া তাঁহার জ্যেষ্ঠ ভ্রাতা তোতারাম, নবাবকে বহু অর্থ নজর দিয়া শ্রামরামকে মুক্ত করেন ; সেই সময় নবাব সম্ভ্রষ্ট হইয়া উভয় ভ্রাতাকে “বাবু” উপাধিসহ খেলাত দিয়াছিলেন । তৎপরে তিনি ওলন্দাজ গবর্ণমেন্টের কাউন্সিলের একজন সভ্য নিযুক্ত হন । হুগলী নদীর তীরে শ্রামরাম বাবু একটি সুন্দর বৈটকখানা ও উদ্যান এবং স্নানঘাট নির্মাণ করাইয়াছিলেন ; উহা অদ্যাপি তাঁহার নামে বিদ্যমান । এতদ্ব্যতীত যশোব্রতলায় জ্বীলোকদিগের স্নানঘাটে তিনি ৬ জগন্নাথ নামে এক দেবীমূর্তি স্থাপন কর্ত্তিনিঃ চকিংশ-পরগণা, বীরভূম ও অন্যান্য জেলায় তিনি অনেকগুলি পুষ্করিণী খনন করাইয়াছিলেন । বাবু শ্রামরাম সোম মৃত্যুকালে একমাত্র পুত্র ঘনশ্রামকে রাখিয়া যান ।

৭ ঘনশ্রাম সোম ।

শ্রামরাম বাবুর পুত্র ঘনশ্রাম সোম ১৭৩৯ খৃঃ জন্মগ্রহণ করেন । তিনি পিতার মৃত্যুর পর ওলন্দাজ গবর্ণমেন্টের অধীনে পিতৃদেবের দেওয়ানী পদ প্রাপ্ত হন । তিনি ঐ গবর্ণমেন্টের প্রধান এজেন্ট ছিলেন । ঘনশ্রামের আট পুত্র—রাসবিহারী, মোহনবিহারী, কুঞ্জবিহারী, কৃষ্ণবিহারী, গোলকবিহারী, আনন্দবিহারী, গোকুলবিহারী ও বিনোদবিহারী সোম ।

৬ রাসবিহারী সোম।

দনশ্রামের জ্যেষ্ঠপুত্র রাসবিহারী সোম ১৭৫৭ খৃঃ জন্মগ্রহণ করেন। তিনি মুর্শিদাবাদ জেলার অন্তর্গত কাশীমবাজারের ওলন্দাজ কুঠির দেওয়ান ছিলেন।

রাসবিহারীর একমাত্র পুত্র রাধাগোবিন্দ সোম ১৭৮০ খৃঃ জন্মগ্রহণ করেন। তিনি ব্রিটিশ গবর্ণমেন্টের অধীনে নানা প্রকার কার্য্য করিয়া অবশেষে চব্বিশ-পরগণা আলিপুরের প্রধান সদর আমীন পদে উন্নীত হন। সেই সময় তিনি তৎকালীন সদর দেওয়ানী আদালত কর্তৃক আইন পরীক্ষা সমিতির একজন সভ্য নিযুক্ত হন। ১৮৪১ খৃঃ ১২ই জানুয়ারী প্রথম শ্রেণীর সদর আমীন পদে উন্নীত হইয়াছিলেন। তিনি ৬ জগন্নাথ মন্দিরের পুনঃ সংস্কার করিয়াছিলেন। তাঁহার ছয় পুত্র—দুর্গাচরণ, কালীচরণ, তারিনীচরণ, গঙ্গাচরণ, ভগবতীচরণ ও চণ্ডীচরণ সোম।

রাধাগোবিন্দের জ্যেষ্ঠপুত্র দুর্গাচরণ সোম ১৮০৮ খৃঃ জন্মগ্রহণ করেন। তিনি জগলীর জজ আদালতের নায়েব মহাফেজ ছিলেন; বহুদিবস সেই কার্য্য করিয়া অবসর রুত্তি গ্রহণ করেন। দুর্গাচরণ দাতব্য ও দানধর্ম্মে অর্থ ব্যয় করিয়া যান। তাঁহার ছয় পুত্র—অভয়প্রসন্ন, কালী-প্রসন্ন, গুরুপ্রসন্ন, বরদাপ্রসন্ন, শ্যামাপ্রসন্ন ও যত্নপ্রসন্ন সোম।

দুর্গাচরণের মধ্যমপুত্র শ্রীযুক্ত কালীপ্রসন্ন সোম জগলী কলেজে অধ্যয়ন করেন। তিনি রাজসাহীর ছোট আদালতের প্রধান কেরানী ছিলেন। ১৮৭৪ খৃঃ মালদহ জেলার দুর্ভিক্ষ সময় তিনি “রিলিফ অফিসার” মনোনীত হন, তৎপরে তথা হইতে এসেসার নিযুক্ত হইয়াছিলেন। অবশেষে কলিকাতা ক্যানেল ইন্স্পেক্টর পদে কর্ম্ম করেন। ১৮৮৫ খৃঃ তিনি হাবড়ার ছোট আদালতের রেজিষ্ট্রার হন; সেই সময় ক্ষুদ্র দেওয়ানী

মোকদ্দমা বিচারের ক্ষমতা লাভ করেন। তাঁহার তিন পুত্র—শ্রীযুক্ত শরৎচন্দ্র, শ্রীযুক্ত ভূদেবচন্দ্র ও দিব্যচন্দ্র সোম ।

কালী প্রসন্নের মধ্যম পুত্র শ্রীযুক্ত ভূদেবচন্দ্র সোম বেঙ্গল ব্যাঙ্ক পোষ্ট অফিসের পোষ্টমাষ্টার ছিলেন। ১৮৯৪ খৃঃ তিনি জেনারেল পোষ্ট অফিসের পত্রাদি বিভাগে নিযুক্ত হইয়াছেন ।

কালী প্রসন্নের কনিষ্ঠ পুত্র দিব্যচন্দ্র সোম কলিকাতা রেভিনিউ বোর্ডের একজন কেরানী ছিলেন। তাঁহার দুই পুত্র— শ্রীযুক্ত রামচন্দ্রলাল ও শ্রীযুক্ত শ্যামচন্দ্রলাল সোম ।

হুগাঁচরণের তৃতীয় পুত্র গুরু প্রসন্ন সোমের দুই পুত্র—শ্রীযুক্ত ঈশান চন্দ্র ও শ্রীযুক্ত উপেন্দ্রচন্দ্র সোম ।

হুগাঁচরণের চতুর্থ পুত্র রায় বরদাপ্রসন্ন সোম বাহাদুর ১৮৪৪ খৃঃ জন্মগ্রহণ করেন। হুগলী কলেজে তাঁহার বিদ্যারম্ভ হয়। ১৮৬৬ খৃঃ প্রবেশিকা পরীক্ষায় উত্তীর্ণ হইয়া ১৫ টাকা বৃত্তি প্রাপ্ত হন। ১৮৬৮ খৃঃ হুগলী কলেজ হইতে এফ্ এ পাশ করেন। ১৮৬৯ খৃঃ কলিকাতা ক্রীচার্চ ইনষ্টিটিউসন হইতে বি, এ, পরীক্ষায় উত্তীর্ণ হন। ১৮৭০ খৃঃ তথা হইতে বি এল পরীক্ষায় উত্তীর্ণ হইয়া মুনসেফ পদে নিযুক্ত হন। তিনি যখন কুমিল্লার প্রথম মুনসেফ ছিলেন, সেই সময় গবর্ণমেন্টের একটি কার্যে কৃতিত্ব দেখাইয়া বিশেষ সন্মানে লাভ করেন। ক্রমে তিনি দ্বিতীয় শ্রেণীর সবজজ পদে উন্নীত হইয়াছিলেন। পাচ বৎসরকাল সেই পদে প্রতিষ্ঠিত থাকিয়া ১৯০১ খৃঃ ১৬ই মার্চ মেদিনীপুর হইতে অবসর গ্রহণ করেন। তিনি উৎসাহশীল ও স্বাধীনচেতা রাজকর্মচারী ছিলেন। বঙ্গসাহিত্যে তাঁহার অনুরাগ ছিল। “গয়া ও গয়ালী” নামে একখানি গ্রন্থ রচনা করেন; অধিকন্তু “রিলিফ্ এ্যাক্ট” সম্বন্ধে তাঁহার রচিত একখানি ইংরাজী গ্রন্থের সমালোচনা করিয়া “হিন্দু পেট্রিয়ট” পত্রিকার ভূতপূর্ব সম্পাদক রায় কৃষ্ণদাস পাল বাহাদুর বিশেষ প্রশংসা করিয়া-

ছিলেন। তিনি পিতার স্মরণার্থে ভট্টপল্লী গ্রামে একটি সংস্কৃত বিদ্যালয় প্রতিষ্ঠা এবং পণ্ডিতগণের ও ছাত্রবৃন্দের অবস্থানের জন্ত একটি পাকা বাটী নির্মাণ করেন। ভট্টপল্লী সংস্কৃত বিদ্যালয়ের ব্যয় নির্বাহার্থে তিনি একটি ভাণ্ডার স্থাপন করিয়া গিয়াছেন। ১৯০৩ খৃঃ ভারত সম্রাট সপ্তম এডওয়ার্ডের অভিষেক উপলক্ষে বঙ্গীয় গবর্ণমেন্ট তাঁহাকে একখানি সন্মানপত্র প্রদান করেন। পত্নী বিয়োগ হওয়ায় তাঁহার স্বৃতিকল্পে তিনি চুঁচুড়ার ইমামবারা হাঁসপাতালে ৫০০ টাকা দান করেন, এই টাকায় হাঁসপাতালের সাধারণ রোগীদিগের জন্ত একটি নূতন বিভাগ নির্মিত হইয়াছে। হাঁসপাতালে নূতন অস্ত্র চিকিৎসালয় নির্মাণ জন্ত তিনি ২৫০০ টাকা দান করেন। তাঁহার সংকার্য্যে সমৃদ্ধ হইয়া গবর্ণমেন্ট ১৯০৯ খৃঃ ই.রাজী নববর্ষ উপলক্ষে “রায় বাহাদুর” উপাধি প্রদান করেন। মৃত্যুর কয়েক মাস পূর্ব্বে হইতে তিনি হৃদরোগাক্রান্ত হন; অবশেষে ১৯১২ খৃঃ ৭ই মে রায় বরদাপ্রসন্ন সোম বাহাদুর পরলোকগমন করিয়াছেন। তাঁহার পুত্র সন্তান হয় নাই, তিনটি কন্যা জন্মগ্রহণ করেন। তদীয় প্রথম কন্যা শ্রীমতী উষাবতীর পুত্র শ্রীযুক্ত প্রফুল্লচন্দ্রঘোষ, শ্রীযুক্ত হেমচন্দ্র ঘোষ ও শ্রীযুক্ত নিরদচন্দ্র ঘোষ। মধ্যমা কন্যা শ্রীমতী ভবতারিনীর পুত্র শ্রীযুক্ত নির্মলচন্দ্র ঘোষ, শ্রীযুক্ত পরিমল চন্দ্র ঘোষ ও শ্রীযুক্ত সুবিমল চন্দ্র ঘোষ। কনিষ্ঠা কন্যা শ্রীমতী জগৎতারিনীর পুত্র শ্রীযুক্ত অনীল গোপাল বসু ও শ্রীযুক্ত বিনয় গোপাল বসু।

রাধাগোবিন্দের চতুর্থ পুত্র গঙ্গাচরণ সোম ১৮১৫ খৃঃ জন্মগ্রহণ করেন। তিনি প্রথমে একজন মুনসেফ্ নিযুক্ত হন; তৎপরে সবজ্জ পদে উন্নীত হইয়াছিলেন। গঙ্গাচরণ বিশেষ সুখ্যাতির সহিত রাজকার্য্য করিয়া ১৮৭০ খৃঃ অবসর বৃত্তি গ্রহণ করেন। ১৮৭৭ খৃঃ ২৫শে আগষ্ট ইহলোক হইতে গতাস্থ হন। তিনি মৃত্যুকালে সারদাপ্রসন্ন, রাখালচন্দ্র ও গোপালচন্দ্র নামে তিন পুত্র রাখিয়া যান। এক্ষণে

তাহার দুই পুত্র শ্রীযুক্ত সারদাপ্রসন্ন সোম বি, এল এবং শ্রীযুক্ত গোপাল চন্দ্র সোম এম, এ, বি, এল কলিকাতা হাইকোর্টের উকীল ও তিনকত্কা বিদ্যমান ।

রাধাগোবিন্দের পঞ্চম পুত্র ভগবতীচরণের পুত্র শ্রীযুক্ত শিবপ্রসন্ন সোম ।

রাধাগোবিন্দের কনিষ্ঠ পুত্র চণ্ডীচরণ সোম হুগলী কলেজের একজন উৎকৃষ্ট ছাত্র ছিলেন । তিনি একটি রচনা লিখিয়া স্বর্ণ পদক পুরস্কার প্রাপ্ত হন । চণ্ডীচরণ বহুদিবস হুগলী কলেজের লাইব্রেরীয়ান পদে নিযুক্ত ছিলেন । বসন্ত রোগে তাহার মৃত্যু হইয়াছে ।

৬ মোহনবিহারী সোম ।

ঘনশ্রামের দ্বিতীয় পুত্র মোহনবিহারী সোম ১৭৬৪ খৃঃ ভূমিষ্ঠ হন । তিনি ওলন্দাজ গবর্ণমেন্টের কোষাধ্যক্ষ ছিলেন । তাহার দুই পুত্র—গঙ্গাগোবিন্দ ও রামগোবিন্দ সোম ।

মোহনবিহারীর জ্যেষ্ঠ পুত্র গঙ্গাগোবিন্দ সোম ১৭৮৬ খৃঃ জন্মগ্রহণ করেন । তিনি কয়েক বৎসর মুনসেফের কার্য্য করিয়া অবসর গ্রহণ করেন । গঙ্গাগোবিন্দের চারি পুত্র—রাধাকিশোর, রাইকিশোর, নবীন-চন্দ্র ও গৌরচন্দ্র সোম ।

গঙ্গাগোবিন্দের জ্যেষ্ঠপুত্র রাধাকিশোর সোম ১৮১৭ খৃঃ জন্মগ্রহণ করেন । তিনি তৎকালীন সদর দেওয়ানী আদালতের পেস্কার ছিলেন । ১৮৬২ খৃঃ সদর দেওয়ানী আদালত বর্তমান হাইকোর্টে পরিণত হইলে তিনি কলিকাতা হাইকোর্টের আপীল বিভাগের পেস্কার হন । অতঃপর তিনি অবসর বৃত্তি গ্রহণ করেন ।

গঙ্গাগোবিন্দের তৃতীয় পুত্র নবীনচন্দ্র সোম ১৮৩৪ খৃঃ ভূমিষ্ঠ হন ।

তিনি বর্দ্ধমান বিভাগের কমিশনার বাহাছরের অফিসে নানা বিভাগে কর্ম করিয়া তাহা পরিত্যাগ করেন । তাঁহার পুত্র শ্রীযুক্ত বিজয়কিশোর সোম ।

মোহনবিহারীর কনিষ্ঠ পুত্র রামগোবিন্দ সোম ১৭৮৮ খৃঃ জন্মগ্রহণ করেন । তিনি কয়েক বৎসর তৎকালীন সদর দেওয়ানী আদালতে কার্য্য করিয়া ক্রমে সেই আদালতের ডেপুটী রেজিষ্ট্রার পদে উন্নীত হইয়াছিলেন । তিনি বাঙ্গালীর মধ্যে প্রথম এই দায়িত্বপূর্ণ পদলাভ করেন ।

৩ কুঞ্জবিহারী সোম ।

ঘনশ্যামের তৃতীয় পুত্র কুঞ্জবিহারী সোম ১৭৬২ খৃঃ ভূমিষ্ঠ হন । তিনি শ্রীরামপুরে ওলন্দাজ গবর্ণমেন্টের দেওয়ান ছিলেন । তাঁহার পুত্র হর-গোবিন্দ সোম ।

৩ কৃষ্ণবিহারী সোম ।

ঘনশ্যামের চতুর্থ পুত্র কৃষ্ণবিহারী সোম ১৭৭০ খৃঃ জন্মগ্রহণ করেন । তিনি ওলন্দাজ গবর্ণমেন্টের কর্ম পরিত্যাগ করিয়া ইংরাজ গবর্ণমেন্টের অধীনে প্রথমতঃ রাজকার্য্যে নিযুক্ত হন । তিনি বহুদিবস শ্রীরামপুরের মুনসেফ ছিলেন । তাঁহার দুই পুত্র—মদনগোপাল ও রামগোপাল সোম ।

কৃষ্ণবিহারীর জ্যেষ্ঠ পুত্র মদনগোপাল সোম ১৮০৪ খৃঃ জন্মগ্রহণ করেন । তিনি কয়েক বৎসর তৎকালীন সদর দেওয়ানী আদালতে নানাবিধ কার্য্য করিয়া পরিশেষে একজন মুনসেফ নিযুক্ত হন । ১৮৭০ খৃঃ তিনি প্রথম শ্লেণীর মুনসেফ হইতে অবসর রুত্তি গ্রহণ করেন । তাঁহার চারি পুত্র—হরলাল, কানাইলাল, মুহেন্দ্রলাল ও দেবেন্দ্রলাল সোম ।

মদনগোপালের জ্যেষ্ঠ পুত্র হরলাল সোমের দুই পুত্র—ত্রৈলোক্য নাথ ও বিনোদলাল সোম। ত্রৈলোক্যনাথ সোম ১৮৫৮ খৃঃ জন্মগ্রহণ করেন। তিনি এণ্ট্রেন্স ও এফ, এ পরীক্ষায় উত্তীর্ণ হইয়া বৃত্তি প্রাপ্ত হন। অতঃপর এম, এ, বি, এল, পাশ করিয়া মুনসেফ পদে নিযুক্ত হইয়াছিলেন।

মদনগোপালের মধ্যমপুত্র কানাইলাল সোম ১৮৩০ খৃঃ ভূমিষ্ঠ হন। তিনি হুগলী কলেজের একজন সিনিয়র বৃত্তি প্রাপ্ত ছাত্র ছিলেন। তৎপরে কলিকাতা হিন্দু স্কুলের শিক্ষক নিযুক্ত হইয়া ৩৮ বৎসর সুখ্যাতির সহিত কার্য্য করিয়া অবসর বৃত্তি গ্রহণ করেন। তাঁহার দুই পুত্র—শ্রীযুক্ত মহেন্দ্রলাল ও শ্রীযুক্ত প্রমথলাল সোম। জ্যেষ্ঠ পুত্র মহেন্দ্রলাল মেদিনীপুর কেনাল বিভাগের একজন সাবওভারসিয়ার। কনিষ্ঠ পুত্র শ্রীযুক্ত প্রমথলাল দার্জিলিং পুর্ন বিভাগের অফিসের প্রধান কেরানী।

মদনগোপালের কনিষ্ঠ পুত্র শ্রীযুক্ত দেবেন্দ্রলাল সোম বি, এল, ১৮৪৪ খৃঃ জন্মগ্রহণ করেন। তিনি ১৮৭১ খৃঃ মুনসেফ নিযুক্ত হন ; তৎপরে সবজজ পদে উন্নীত হইয়া ১৮৯১ খৃঃ ডিসেম্বর মাসে খুলনা হইতে অবসর গ্রহণ করেন। তাঁহার তিন পুত্র—শ্রীযুক্ত সত্যেন্দ্রনাথ, শ্রীযুক্ত উপেন্দ্রনাথ ও শ্রীযুক্ত জগন্নাথ সোম।

কৃষ্ণবিহারীর কনিষ্ঠ পুত্র রামগোপাল সোম ১৮০৬ খৃঃ জন্মগ্রহণ করেন। তিনি তৎকালীন সদর দেওয়ানী আদালতে নানাবিধ কার্য্য করিয়া পরিশেষে একজন মুনসেফ নিযুক্ত হন ; কিন্তু কয়েক বৎসর কর্ম্ম করিয়া উহা পরিত্যাগ করেন। তাঁহার তিন পুত্র—মথুরলাল, প্যারীলাল ও হরলাল সোম।

রামগোপালের জ্যেষ্ঠ পুত্র মথুরলাল সোম ১৮৪৮ খৃঃ জন্মগ্রহণ করেন। তিনি মুজের রোডসে, অফিসে কয়েক বৎসর কার্য্য করিয়া উহা পরিত্যাগ করেন। রামগোপালের মধ্যম পুত্র প্যারীলাল সোম

বীরভূম জেলের জেলার থাকিয়া অকালে মৃত্যুমুখে পতিত হন।
 তাঁহার কনিষ্ঠ পুত্র হরিলাল সোম গাজীপুর রোডসেস্ অফিসে কর্ম
 করিতেন।

৬ আনন্দবিহারী সোম।

বনশ্যামের ষষ্ঠ পুত্র আনন্দবিহারী সোম। তাঁহার একমাত্র
 পুত্র ব্রজগোবিন্দ সোম তৎকালীন সদর দেওয়ানী আদালতের মোহরার
 ছিলেন। তাঁহার দুই পুত্র—শ্যামলাল ও প্যারীলাল সোম।

ব্রজগোবিন্দের জ্যেষ্ঠ পুত্র শ্যামলাল সোম ১৮৩৭ খৃঃ জন্মগ্রহণ করেন।
 তিনি হুগলী কলেজ হইতে সিনিয়ার বৃত্তি প্রাপ্ত হন। অঙ্কশাস্ত্রে তাঁহার
 ব্যুৎপত্তি ছিল। তিনি প্রেসিডেন্সী পোষ্ট অফিসে কর্মে নিযুক্ত হইয়া ক্রমে
 হেড্ অ্যাসিস্টেন্ট পদে উন্নীত হন; তৎপরে অবসর বৃত্তি গ্রহণ করেন।

ব্রজগোবিন্দের কনিষ্ঠ পুত্র প্যারীলাল সোম ১৮৪৬ খৃঃ জন্মিষ্ঠ হন।
 তিনি উত্তরপাড়ার গবর্ণমেন্ট স্কুলের লাইব্রেরিয়ান ছিলেন। তৎপরে
 অবসর বৃত্তি গ্রহণ করেন। তিনি মৃত্যুকালে চারিপুত্র রাখিয়া যান।

৭ গোকুলবিহারী সোম।

বনগ্রামের সপ্তম পুত্র গোকুলবিহারী সোম ১৭৭৪ খৃঃ জন্মগ্রহণ
 করেন। তিনি উড়িষ্যার বন্দোবস্তের সময় একজন প্রধান কর্মচারী
 ছিলেন। তৎপরে কটকের জজ বাহাদুরের দেওয়ান পদে নিযুক্ত হন।
 তাঁহার দুই পুত্র—শিবশঙ্কর ও রায় বেণীমাধব সোম।

গোকুলবিহারীর জ্যেষ্ঠ পুত্র শিবশঙ্কর সোমের ছয় পুত্র—অমৃতলাল,
 বনোয়ারীলাল, মনোয়ারীলাল, ত্রীলাল, মুরারীলাল ও হরিলাল সোম।

শিবশঙ্করের মধ্যম পুত্র বনোয়ারীলাল সোমের দুই পুত্র—শ্রীযুক্ত জগদ্বল্লভ ও শ্রীযুক্ত রাজদ্বল্লভ সোম । কনিষ্ঠ পুত্র শ্রীযুক্ত রাজদ্বল্লভ ১৮৮০ খৃঃ ভূমিষ্ট হন । তিনি হুগলীর কালেক্টরীর রোডসেব্ বিভাগের একজন কেরানী ।

শিবশঙ্করের তৃতীয় পুত্র মনোয়ারীলাল সোম ১৮৪৬ খৃঃ জন্মগ্রহণ করেন । তিনি হাবড়ার ছোট আদালতের দ্বিতীয় কেরানী ছিলেন । কোন প্রকার দুর্দৈববশতঃ তাঁহার মৃত্যু হয় । তিনি মৃত্যুকালে তারকনাথ ও কেশদরনাথ সোম নামে দুই পুত্র রাখিয়া যান ।

শিবশঙ্করের চতুর্থ পুত্র শ্রীযুক্ত শ্রীলাল সোম বি, এ, ১৮৩৯ খৃঃ জন্মগ্রহণ করেন । তিনি হুগলী কলেজিয়েট স্কুলের একজন শিক্ষক ছিলেন । তাঁহার একমাত্র পুত্র শ্রীযুক্ত বিনোদলাল সোম ।

শিবশঙ্করের পঞ্চম পুত্র মুরারীলাল সোম বি-এল, ১৮৫০ খৃঃ ভূমিষ্ট হন । তিনি একজন মুনসেফ ছিলেন । ১৮৮২ খৃঃ তাঁহার মৃত্যু হয় । তিনি মৃত্যুকালে শ্রীযুক্ত ধীরাজকৃষ্ণ ও শ্রীযুক্ত কুশারকৃষ্ণ সোম নামে দুই পুত্র রাখিয়া গিয়াছেন ।

শিবশঙ্করের কনিষ্ঠ পুত্র শ্রীযুক্ত হরিলাল সোম ১৮৫৩ খৃঃ জন্মগ্রহণ করেন । তিনি পোষ্টাফিসের কন্ট্রোলার জেনারেল অফিসের প্রধান কেরানী । তাঁহার তিন পুত্র—শ্রীযুক্ত রমেশচন্দ্র, শ্রীযুক্ত ধনেশচন্দ্র ও শ্রীযুক্ত গণেশচন্দ্র সোম ।

গোকুলবিহারীর কনিষ্ঠ পুত্র রায় বেণীমাধব সোম বাহাদুর ১৮১৬ খৃঃ জন্মগ্রহণ করেন । তিনি মুনসেফ পদে নিযুক্ত হইয়া ক্রমে সবজজ হন । অতঃপর কুষ্টিয়া ও পাবনার ছোট আদালতের জজ হইয়াছিলেন । ১৮৫৭ খৃঃ সিপাহী বিদ্রোহের সময় তিনি একটি ভাণ্ডার প্রতিষ্ঠা করিয়া অর্থ সংগ্রহপূর্বক বহুলোকের উপকার করেন । ১৮৭৩ খৃঃ তিনি অবসর গ্রহণ করেন । সাতচল্লিশ বৎসর অতি সুখ্যাতির সহিত রাজকার্য্য

করায় গবর্ণমেন্ট সন্তুষ্ট হইয়া, তাঁহাকে “রায় বাহাদুর” উপাধি প্রদান করেন। তিনি শিক্ষার উৎসাহদাতা ও কৃষিকার্যের উন্নতির জন্ত বিশেষ চেষ্টা করিতেন। তিনি দেওয়ানী কার্যাবিধি আইন নামে একখানি গ্রন্থ প্রণয়ন করেন। ১৮৭৮ খৃঃ ১৭ই অক্টোবর রায় বিগীমাধব সোম বাহাদুর লোকান্তরিত হইয়াছেন। তিনি মৃত্যুকালে রাধিকালাল ও প্রিয়লাল নামে দুইটি উপযুক্ত পুত্র রাখিয়া যান।

বেগীমাধবের জ্যেষ্ঠ পুত্র রাধিকালাল সোম একজন সবডেপুটি কালেক্টর ছিলেন। তাঁহার তিন পুত্র—যোগেন্দ্রকৃষ্ণ, অতুলকৃষ্ণ ও কুমুদকৃষ্ণ সোম। জ্যেষ্ঠ পুত্র শ্রীযুক্ত যোগেন্দ্রকৃষ্ণ সোম ১৮৬৩ খৃঃ জন্মগ্রহণ করেন। তিনি কলিকাতা কর্পোরেশন অফিসের একজন কেরাণী। মধ্যম পুত্র অতুলকৃষ্ণ সোম ১৮৬৪ খৃঃ ভূমিষ্ঠ হন। তিনি কলিকাতা ছোট আদালতের একজন কেরাণী ছিলেন। কনিষ্ঠ পুত্র কুমুদকৃষ্ণ সোম ১৮৬৬ খৃঃ জন্মগ্রহণ করেন। তিনি বঙ্গীয় পুলিশের ইন্স্পেক্টর জেনারেল অফিসের একজন কেরাণী ছিলেন।

৮ বিনোদবিহারী সোম।

ঘনশ্যামের কনিষ্ঠ পুত্র বিনোদবিহারী সোম ১৭৮৩ খৃঃ জন্মগ্রহণ করেন। তিনি উড়িষ্যার নিমক মহালের একজন দারোগা ছিলেন। তাঁহার দুই পুত্র—অভয়চরণ ও গোবিন্দচরণ সোম।

বিনোদবিহারীর জ্যেষ্ঠ পুত্র অভয়চরণ সোম ১৮১৪ খৃঃ জন্মগ্রহণ করেন। তিনি তৎকালীন সদর দেওয়ানী আদালতের একজন মোহরার ছিলেন। ১৮৭৫ খৃঃ অবসর রক্তি গ্রহণ করেন। তাঁহার তিন পুত্র—রাখালচন্দ্র, কানাইচন্দ্র ও ঈশানচন্দ্র সোম।

অভয়চরণের জ্যেষ্ঠ পুত্র শ্রীযুক্ত রাখালচন্দ্র সোম ১৮৪৪ খৃঃ ভূমিষ্ঠ

হন । তিনি কলিকাতার একাউন্টেন্ট জেনারেল অফিসে বহুদিবস হিসাব পরীক্ষক ছিলেন ; তৎপরে কলিকাতা ছোট আদালতের একাউন্টেন্ট নিযুক্ত হন । ১৯০১ খৃঃ তিনি অবসর বৃত্তি গ্রহণ করিয়াছেন ।

অভয়চরণের মধ্যম পুত্র কানাইচন্দ্র সোম ১৮৪৮ খৃঃ জন্মগ্রহণ করেন । তিনি কলিকাতার একাউন্টেন্ট জেনারেল অফিসে বিভাগীয় হিসাব পরীক্ষক ছিলেন ।

অভয়চরণের কনিষ্ঠ পুত্র ঈশানচন্দ্র সোম ১৮৫৪ খৃঃ জন্মগ্রহণ করেন । তিনি রুড়কী কলেজ হইতে উত্তীর্ণ হইয়া কয়েক বৎসর সাবওভার-সিয়ারের কার্য্য করিয়া অকালে মৃত্যুমুখে পতিত হন ।

বিনোদবিহারীর কনিষ্ঠ পুত্র গোবিন্দচরণ সোম ১৮২৪ খৃঃ ভূমিষ্ঠ হন । তিনি মাগুরার ছোট আদালতের প্রধান কেরানী ছিলেন । ১৮৬৬ খৃঃ তাঁহার লোকান্তর ঘটিয়াছে ।

৮ কুপারাম সোম ।

বলভদ্র সোমের বংশধর গঙ্গানারায়ণের ভ্রাতা কুপারাম সোমের পুত্র রামচরণ সোম কলিকাতা বাগবাজারে আসিয়া বসতি করেন । তিনি মৃত্যুকালে শিবচন্দ্র, কৃষ্ণচন্দ্র, ভগবানচন্দ্র ও জগৎচন্দ্র নামে চারি পুত্র এবং হরসুন্দরী নাম্নী এক কন্যা রাখিয়া যান ।

রামচরণের জ্যেষ্ঠ পুত্র শিবচন্দ্র সোম ইষ্ট ইণ্ডিয়া কোম্পানীর অধীনে আগ্রার দেওয়ান ছিলেন । তাঁহার হস্তে হুগ ও তাজমহলের ভার গুস্ত ছিল । ইংরাজ কৰ্ম্মচারীগণ তাঁহার বিশেষ প্রশংসা করিতেন । তিনি কলিকাতা-সিমলা-নিবাসী গুরুপ্রসাদ বসুর প্রথম কন্যাকে বিবাহ করেন । তাঁহার তিন পুত্র—রামলাল, শ্রামলাল ও মাধবলাল সোম ।

শিবচন্দ্রের মধ্যম পুত্র শ্রামলাল সোম হিন্দু কলেজের একজন উৎকৃষ্ট

ছাত্র ছিলেন ; তৎকালে রাজা দ্বিগম্বর মিত্র তাঁহার সহপাঠী ছিলেন । শিক্ষা বিভাগের ইন্সপেক্টর বন্দ্যোপাধ্যায় ও মহেশচন্দ্র বন্দ্যোপাধ্যায়ের সহিত তাঁহার বিশেষ মৌহুত্ব ছিল । শ্রামলাল জগলী কলেজের একজন খাতনামা শিক্ষক ছিলেন এবং ইংরাজ অধ্যাপকগণ তাঁহাকে বিশেষ সম্মান করিতেন । তিনি ৩৪ বৎসর বয়ঃক্রম কালে লোকান্তরিত হন । তাঁহার দুই পুত্র, তন্মধ্যে কনিষ্ঠ সুরেন্দ্রনাথ সোম ।

শিবচন্দ্রের কনিষ্ঠ পুত্র মাধবলাল সোম হেয়ার স্কুলে বিদ্যাশিক্ষা করেন । তৎপরে কলিকাতা মেডিকেল কলেজে প্রবিষ্ট হন । ঐ কলেজ হইতে একটি রৌপ্য ও স্বর্ণপদক পুরস্কার লাভ করেন । তিনি বহু দিবস উত্তর পশ্চিমাঞ্চল প্রদেশের বারওয়াল জেলার অন্তর্গত শ্রীনগর ঔষধালয়ে সাব আসিস্ট্যান্ট্‌ সার্জেনের কার্য্য করেন ; কিন্তু পরিশেষে তথায় বায়ুরোগগ্রস্ত হইয়া ঘোবনে মৃত্যুমুখে পতিত হন । তৎকালে তিনি একটি শিশুপুল রাখিয়া যান ।

রামচরণের দ্বিতীয় পুত্র কৃষ্ণচন্দ্র সোম ইষ্ট ইণ্ডিয়া কোম্পানীর অধীনে কটকে দেওয়ান ছিলেন । তাঁহার হস্তে তথাকার দুর্গের ভার ব্রহ্ম ছিল । তিনি পূর্বোক্ত গুরুপ্রসাদ বসুর দ্বিতীয়া কন্যাকে বিবাহ করেন । তাঁহার চারিপুত্র—রাজকিশোর, নবকিশোর, কালীকিশোর, ও দুর্গাকিশোর সোম এবং তিন কন্যা হইয়াছিল । তাঁহার প্রথমা কন্যার সহিত কলিকাতা-কুমারটুলির বেণীমাধব মিত্রের বিবাহ হয় ; দ্বিতীয়ার সহিত বাগবাজার-নিবাসী লোকনাথ বসুর ভ্রাতুষ্পুত্র তারকচন্দ্র বসুর পরিণয় হয় ; তৃতীয়ার সহিত চব্বিশ-পরগণার অন্তর্গত বারাসতের কালীকৃষ্ণ মিত্রের বিবাহ হইয়াছিল ।

রামচরণের তৃতীয় পুত্র ভগবানচন্দ্র সোম ও কনিষ্ঠ পুত্র জগৎচন্দ্র সোম গবর্ণমেণ্টের অধীনে কোন কর্ম্ম করেন নাই । তাঁহারা উভয়ে নিঃসন্তান ছিলেন ।

রামচরণের কন্যা হরমুন্দরীর সহিত বাগবাজার-নিবাসী দেওয়ান
শ্রীহরি ঘোষের কনিষ্ঠ পুত্র রসিকলাল ঘোষের বিবাহ হইয়াছিল।
হরমুন্দরী সহমরণে প্রাণত্যাগ করেন। ১৮২৯ খৃঃ ৪ঠা ডিসেম্বর লর্ড
উইলিয়ম বেন্টিং বাহাদুর কর্তৃক সতীদাহ নিবারণ আইন বিধিবদ্ধ
হইবার পূর্বেই তিনি কলিকাতার মধ্যে শেষ সহমরণে গমন করিয়াছেন।

আন্দুল রাজবংশ ।

আন্দুল গ্রাম পূর্বে হুগলী জেলার অন্তর্গত ছিল, অধুনা ইহা হাবড়া জেলার অন্তর্ভুক্ত হইয়াছে । হুগলী জেলার জমিদারদিগের মধ্যে আন্দুল রাজবংশ সুবিখ্যাত ও সর্বাগ্রগণ্য । এইবংশ এক সময় প্রভূত সামাজিক ও রাজনৈতিক ক্ষমতায় বিভূষিত ছিল । বঙ্গদেশের মধ্যে ইহা একটি প্রাচীন ও সম্ভ্রান্ত কায়স্থ জমিদারবংশ । ইহাদের উপাধি “কর”, মুসলমান সরকার হইতে এই বংশের জনৈক পূর্বপুরুষ “রায়” উপাধি প্রাপ্ত হইয়াছিলেন ।

৩ রামচরণ রায় ।

দেওয়ান রামচরণ রায় আন্দুল রাজবংশের প্রতিষ্ঠাতা । তিনি আরবী ও পারসী ভাষায় ব্যুৎপন্ন ছিলেন এবং ইংরাজী ভাষাও যৎসামান্য শিক্ষা করেন । খৃষ্টীয় অষ্টাদশ শতাব্দীর প্রারম্ভে ইষ্ট ইণ্ডিয়া কোম্পানীর অধীনে কার্যকালে ভাগ্যলক্ষ্মী তাঁহার প্রতি সুপ্রসন্না হন । তিনি স্বীয় প্রতিভাশক্তিতে লর্ড ক্লাইবের কৃপাদৃষ্টি আকর্ষণে কৃতকৃতার্থ হন । রামচরণ প্রথমে ক্লাইবের একজন সরকার ছিলেন, তৎপরে দেওয়ান পদে উন্নীত হন । তৎকালে তিনি কলিকাতা পাথুরিয়াঘাটার বাস করিতেন । রামচরণ ক্রমে প্রভূত বিত্তশালী হইয়া কোম্পানীর চাকরী পরিত্যাগপূর্বক আন্দুলে বাসগ্রহণ করিয়া স্বাধীনভাবে জীবনযাপন করেন । তাঁহার দুইপুত্র রামলোচন ও রাজচন্দ্র রায় ।

৬ রামলোচন রায় ।

দিল্লীখর সম্রাট সাহ আলম, ক্লাইবের সন্তোষ বর্ধনেচ্ছায় তাঁহার অনুচর ও কর্মচারীগণকে সম্মানসূচক উপাধি প্রদানের প্রস্তাব করিলে, লর্ড ক্লাইব বাহাদুর দেওয়ান রামচরণকে সম্মানের উপযুক্ত পাত্র বলিয়া নির্বাচন করেন ; কিন্তু রামচরণ স্বয়ং কোন সম্মান গ্রহণে স্বীকৃত না হইয়া তাঁহার জ্যেষ্ঠ পুত্র রামলোচনকে সম্রাট প্রদত্ত উপাধি দানের প্রার্থনা করেন ; তদনুসারে ১৭৬০ খৃঃ দিল্লীখর সাহ আলম বাহাদুর রামলোচনকে “রাজা” উপাধি প্রদান করেন । তিনি সংস্কৃত শিক্ষার বিশেষ অনুরাগী ছিলেন এবং অনেক সময় পণ্ডিতগণকে পারিতোষিক দানে উৎসাহ প্রদান করিতেন । তিনি তাঁহার জমিদারীর মধ্যে “আন্দুল রাজাদ” নামে একটি নব অঙ্গ প্রচলন করেন ; অত্যাপি আন্দুল রাজবংশধরগণ তাহা জমিদারীতে প্রচলিত রাখিয়াছেন । রাজা বাহাদুরের দুই পুত্র—কুমার কাশীনাথ ও শিবনাথ রায় ।

৭ কাশীনাথ রায় ।

রামলোচনের দেহান্তে তদীয় জ্যেষ্ঠ পুত্র রাজা কাশীনাথ রায় তৎস্থলাভিষিক্ত হন । তিনি সংস্কৃত ও পারসী ভাষায় জ্ঞানলাভ করিয়া পিতার ছায় উক্তভাষা শিক্ষার্থীগণের সবিশেষ উৎসাহবর্ধন করিতেন ; অধিকন্তু অনেক ব্রাহ্মণকে নিরুর ভূমি দান করেন । তিনি অলৌকিক প্রতিভাশালী ও মধুর প্রকৃতি ছিলেন । তাঁহার একটি পুত্র রাজনারায়ণ রায় ও একটি কন্যা জন্মগ্রহণ করেন ।

৬ রাজনারায়ণ রায়।

কালীনাথের মৃত্যুর পর তাঁহার একমাত্র পুত্র রাজনারায়ণ রায় রাজপদে অভিষিক্ত হন। তিনি কলিকাতার তৎকালীন হিন্দুকলেজে বিদ্যাশিক্ষা করেন। তিনি সঙ্গীত বিদ্যার উৎসাহদাতা ছিলেন এবং স্বয়ং সঙ্গীত বিদ্যায় সুদক্ষ বলিয়া পরিচিত হন। তৎকালে সঙ্গীতজ্ঞ যে সকল ব্যক্তি দিল্লী, গোয়ালিয়র, লক্ষ্ণৌ প্রভৃতি স্থান হইতে বঙ্গদেশে আগমন করিতেন, তাঁহাদের অধিকাংশ রাজা রাজনারায়ণ কর্তৃক আন্দুল রাজভবনে আহৃত হইতেন। তাঁহার সময় আন্দুল সঙ্গীত বিদ্যার একটি প্রধান কেন্দ্র ছিল এবং আন্দুল রাজদরবারও এতদেশ মধ্যে একটি দর্শনীয় স্থান বলিয়া গণ্য হইত। কলিকাতা এবং তৎসম্বন্ধিত স্থানের প্রায় সকল সম্ভ্রান্ত ব্যক্তি আন্দুল রাজদরবারে যাতায়াত করিতেন। রাজা রাজনারায়ণ সংস্কৃত শিক্ষার একজন উৎসাহদাতা ছিলেন ও পাণ্ডিত্যগণ কর্তৃক বিশেষ সম্মানিত হইতেন। কলিকাতার সংস্কৃত কলেজের খাতনামা আলঙ্কারিক অধ্যাপক প্রেমচাঁদ তর্কবাগীশ মহাশয় “আন্দুল রাজপ্রসস্তি” নামে একখানি সংস্কৃত কবিতা পুস্তক লিখিতে আরম্ভ করেন, উহার কয়েকটি সর্গ সমাধা হইয়াছিল; কিন্তু অল্পকাল মধ্যে রাজনারায়ণের মৃত্যুর জ্ঞাত মুদ্রিত হয় নাই। ভারতের ভূতপূর্ব গবর্ণর জেনারেল লর্ড আকল্যাণ্ডের কৃপাদৃষ্টি রাজনারায়ণের প্রতি পতিত হইয়াছিল। ১৮৩৬ খৃঃ তিনি রাজনারায়ণকে “রাজা” উপাধিসহ একটি বহুমূল্য পরিচ্ছদ ও মাণিক্য-যুক্ত একখানি তরবারি খেলাত প্রদান করেন। রাজা বাহাদুর কায়স্থ-দিগের প্রায় প্রত্যেক অমুষ্ঠানের উৎসাহদাতা ও পৃষ্ঠপোষক, এতদ্ব্যতীত সামাজিকতায় শ্রেষ্ঠ ছিলেন ও প্রভূত সম্মান প্রাপ্ত হইতেন। তিনি বহুবিধ সংস্কৃত গ্রন্থ হইতে প্রমাণ করেন যে কায়স্থগণ ক্ষত্রিয় এবং তাঁহারা পূর্বে উপবীত ব্যবহার করিতেন। তিনি ক্ষত্রিয়ের স্থায় তাঁহাদের

পুত্রের বিবাহ উপলক্ষে কুশণ্ডিকার অনুষ্ঠান করেন। কলিকাতা শোভাবাজারের রাজা স্যার রাধাকান্ত দেব বাহাদুর কর্তৃক তাঁহার পৌত্রের বিবাহ সময় সেইকপ আর একটি অনুষ্ঠান হইয়াছিল। রাজা রাজনারায়ণ মৃত্যুকালে একমাত্র পুত্র বিজয়কেশব ও একটি কন্যা রাখিয়া যান।

৩ বিজয়কেশব রায় ।

রাজনারায়ণের পর তদীয় পুত্র রাজা বিজয়কেশব রায় উত্তরাধিকারী হন। তিনিও সংস্কৃত শিক্ষার উৎসাহবর্ধনে মুক্তহস্ত হইয়া কোলিক প্রথা যথাসাধ্য রক্ষা করিয়াছিলেন। তিনি তাঁহার দুই পত্নীকে পোষ্য পুত্র গ্রহণের ক্ষমতা দিয়া নিঃসন্তান অবস্থায় ইহলোক পরিত্যাগ করেন। অতঃপর বিধবা পত্নীদ্বয় প্রত্যেকে এক একটা করিয়া পোষ্য পুত্র গ্রহণ করিয়াছিলেন। অনন্তর কয়েকজন প্রসিদ্ধ হিন্দু আইনজ্ঞ উহা আইন বিরুদ্ধ বলিয়া অভিমত প্রকাশ করিলে উভয় পোষ্য পুত্র মধ্যে মোকদ্দমা উপস্থিত হয়। ইহা কয়েক বৎসরকাল কলিকাতা হাইকোর্টের বিচারাধীন থাকিয়া অবশেষে বিলাতের প্রিন্সিপাল জজের বিচারে আইন বিরুদ্ধ বলিয়া স্থির হওয়ায় রাজা কাশীনাথ রায়ের দোহিত্র ক্ষেত্রকৃষ্ণ মিত্র উত্তরাধিকারী নির্বাচিত হন।

৩ ক্ষেত্রকৃষ্ণ মিত্র ।

অতঃপর রাজা ক্ষেত্রকৃষ্ণ মিত্র বিষয় সম্পত্তি লাভ করেন। তিনি যদিও গবর্ণমেন্টের নিকট হইতে রাজস্বপাতি প্রাপ্ত হন নাই, তথাপি চির-প্রচলিত মর্যাদানুসারে দেশ মধ্যে রাজা বাহাদুর নামে অভিহিত হইতেন।

রাজা ক্ষেত্রকূষ বদাশ্রুতার জন্ত সুপ্রসিদ্ধ ছিলেন। রাজগঞ্জের রাজপথ, উলুবেড়িয়ার বিহুচৌকা হাঁসপাতাল, উলুবেড়িয়া ইংরাজী বিদ্যালয়, খুলনা জেলার অন্তর্গত আমাদি বঙ্গ বিদ্যালয় ইত্যাদি তাঁহার বদাশ্রুতার স্থাপিত হইয়াছিল এবং অদ্যাপি ঐ চিকিৎসালয় ও বিদ্যালয় আন্দুল রাজসরকারের সাহায্যে পরিচালিত হইতেছে। খুলনার দাতব্য চিকিৎসালয়ও ক্ষেত্রকূষের দানশীলতার পরিচয় প্রদান করিতেছে। শিবপুরে “হুমুমন্ত খাট” নামক স্থানের বৃহৎ ভূমি আন্দুলরাজ কর্তৃক শবদাহের জন্ত স্থানীয় পল্লীবাসীগণকে প্রদত্ত হইয়াছে। আন্দুল রাজ-এষ্টেটের বায়ে ইহার চতুর্দিক ইষ্টক প্রাচীর বেষ্টিত এবং শবদাহীদের বিশ্রাম ও মুমূর্ষুগণের গঙ্গাবাস জন্ত স্থান নির্মিত হইয়াছিল, তাহা অদ্যাপি বর্তমান আছে। রাজা ক্ষেত্রকূষ ইহার সংস্কারকল্পে হাবড়ার ম্যাজিষ্ট্রেটের হস্তে ১০,০০০ টাকা দান করেন। উক্ত ঘাটের সন্নিহিত রাজা কান্দী নাথের প্রতিষ্ঠিত চারিটি শিবমন্দির আছে, তাহার সেবার্থে অদ্যাপি আন্দুল রাজবংশধরগণ বাৎসরিক ১০০ টাকা প্রদান করিয়া থাকেন। এই অর্থে শিবপুরের একটি দীন ব্রাহ্মণ পরিবার চারিপুরুষ কাল প্রতিপালিত হইতেছেন। ক্ষেত্রকূষ, হুগলীর ডাফরিন্ হাঁসপাতালে ৫০০ টাকা প্রদান করেন। হাবড়ার ম্যাজিষ্ট্রেট গ্রিয়ার সাহেবের অনুরোধে তিনি ৫০০০ টাকা বায়ে আন্দুল সরস্বতী নদীর উপর একটি সেতু পুনঃনির্মাণ করেন। অধুনা জেলা বোর্ড ঐ সেতু এবং রাজগঞ্জের রাস্তার তত্ত্বাবধান করিতেছে। রাজগঞ্জের রাস্তা পাকা করিতে জেলা বোর্ডের ৮০০০ টাকা ব্যয় হয়, উহার প্রায় সমুদয় ব্যয় ক্ষেত্রকূষ প্রদান করিয়াছিলেন। তিনি মাসিক ৩০০ টাকা ব্যয় স্বীকার করিয়া পাঁচ বৎসর কাল আন্দুলে জুবিলী স্কুল নামে একটি উচ্চ শ্রেণীর বিদ্যালয় সংরক্ষণ করেন। উহা গবর্ণমেন্ট সাহায্য প্রাপ্ত মহিয়াড়ীর বিদ্যালয়ের অনিষ্ট করিলে কলিকাতা সংস্কৃত কলেজের ভূতপূর্ব অধ্যক্ষ মহামহোপাধ্যায়

মহেশচন্দ্র ন্যায়রত্ন মহোদয়ের অনুরোধে জুবিলী বিদ্যালয় তুলিয়া দেওয়া হইয়াছিল । আন্দুলে ৬ অন্নপূর্ণার বাটী অদ্যাপি “ভূঃ কাশীধাম” নামে খ্যাত আছে । তথাকার অনেকগুলি মন্দিরে শিবমূর্তি এবং মধ্যস্থলে একটি বৃহৎ মন্দিরে ৬ অন্নপূর্ণা মূর্তি বিরাজ করিতেছেন । তাঁহাদের পূজায় বাৎসরিক ২৩০০ টাকা ব্যয় হয় । ১৯০৭ খৃঃ ৪ঠা সেপ্টেম্বর রাজা ক্ষেত্রকৃষ্ণ মিত্র পরলোক গমন করিয়াছেন । তাঁহার তিন পুত্র—কুমার উপেন্দ্রনাথ, দেবেন্দ্রনাথ ও নগেন্দ্রনাথ মিত্র ।

৬ উপেন্দ্রনাথ মিত্র ।

ক্ষেত্রকৃষ্ণের জ্যেষ্ঠ পুত্র কুমার উপেন্দ্রনাথ মিত্র বুদ্ধিমান ও সাধু-প্রকৃতি ছিলেন । প্রজাদিগের হিতসাধনের জন্ত তাঁহার নিরন্তর আন্তরিক চেষ্টা ছিল । তিনি সকল বিষয়ে নিরপেক্ষভাবে সুবিচার করিয়া প্রজা-পুঞ্জের শ্রদ্ধাভাজন ও যশস্বী হইয়াছিলেন । সত্যপ্রিয়তা ও দেশহিতৈষিতা প্রভৃতি গুণের জন্ত তিনি সাধারণের প্রশংসাভাজন হন । কুমার উপেন্দ্রনাথ মিত্রদিগের অর্দ্ধাংশ অধুনা “বড় তরফ” নামে খ্যাত এবং ইহা উপেন্দ্রনাথের উইল অনুসারে কৰ্ম্মকারীগণের তত্ত্বাবধানে আছে । বড় তরফের বায়ে আন্দুলে সরস্বতী নদীতীরে একটি শবদাহের পাকা শ্মশান ও গৃহ নির্মিত হইয়াছে ।

১৯০৯ খৃঃ ১লা জুলাই কুমার উপেন্দ্রনাথ মিত্র দেহত্যাগ করিয়াছেন । তাঁহার পাঁচ পুত্র—কুমার শ্রীযুক্ত প্রমথনাথ, শ্রীযুক্ত মন্থনাথ, শ্রীযুক্ত সুরথনাথ, শ্রীযুক্ত ভরতনাথ ও শ্রীযুক্ত জগৎনাথ মিত্র এবং চারি কন্যা বিগ্ৰহমান ।

৮ দেবেন্দ্রনাথ মিত্র ।

ক্ষেত্রকৃষ্ণের মধ্যম পুত্র কুমার দেবেন্দ্রনাথ মিত্র একটি মাত্র কন্যা রাখিয়া তাঁহার পিতা বর্ত্তমানে জীবলীলা সম্বরণ করেন ।

৯ নগেন্দ্রনাথ মিত্র ।

ক্ষেত্রকৃষ্ণের কনিষ্ঠ পুত্র কুমার নগেন্দ্রনাথ মিত্রের একমাত্র পুত্র কুমার শ্রীযুক্ত শৈলেন্দ্রনাথ মিত্র এবং তিনটি কন্যা হইয়াছিল । নগেন্দ্রনাথের জীবদ্দশায় তাঁহার দুইটি কন্যা লোকান্তরিতা হন । অতঃপর ১৯১১ খৃঃ ১৬ই অক্টোবর কুমার নগেন্দ্রনাথ মিত্র স্বর্গারোহণ করিয়াছেন ।

কুমার নগেন্দ্রনাথের অন্ধাংশ “ছোট তরফ” নামে পরিচিত । এখানে কুমার শ্রীযুক্ত শৈলেন্দ্রনাথ মিত্র ইহার অধিকারী । কুমার বাহাদুরের বায়ে আন্দুলের নিকট বাইগাড়ী গ্রামের পাকা শ্মশান ঘাট নির্মিত হইয়াছে । ইনি স্বীয় জননীর নামে আন্দুলে মাখনকুমারী চতুষ্পাঠী ও মাখনকুমারী পাঠাগার প্রতিষ্ঠা করিয়াছেন । ইহার বদাণতায় আন্দুলের বহুতর দরিদ্র বিধবা এবং অনাথ বালকগণের গ্রাসাচ্ছাদন ও বিদ্যাশিক্ষা সম্পন্ন হইতেছে । ইনি একজন সগ্রাম্য ও কৃতবিদ্য ব্যক্তি বলিয়া পরিচিত । শিক্ষাবিস্তার ও সমাজের সংস্কার করিতে চেষ্টা করিয়া থাকেন । বঙ্গ-সাহিত্যে শৈলেন্দ্রনাথের অল্পরাগ দৃষ্ট হয় । হাবড়ার ডিউক লাইব্রেরী ও পাঠাগার প্রতিষ্ঠাকালে সবিশেষ চেষ্টা করেন । ইনি মধ্যে মধ্যে দানাদি করিয়া লোকপ্রিয়তার পরিচয় দিতেছেন ।

তমলুক রাজবংশ ।

মেদিনীপুর জেলার অন্তর্গত তমলুক রাজবংশের যে ইতিবৃত্ত আছে, তাহাতে জানিতে পারা যায় ময়ূরবংশীয়, কৈবর্তবংশীয় ও গঙ্গাবংশীয় তিনটি রাজবংশ তথায় রাজত্ব করিয়াছিলেন ।

প্রথমতঃ ময়ূরধ্বজ, তাম্রধ্বজ, হংসধ্বজ ও গরুড়ধ্বজ এই চারি জন ময়ূরবংশীয় রাজা ক্রমান্বয়ে তমলুকে রাজত্ব করেন। তাঁহারা মহাভারতীয় কালের লোক ছিলেন। দ্বিতীয়তঃ কৈবর্তবংশীয় কালু-ভূঞা তমলুক রাজ্য অধিকার করেন। তিনি উড়িষ্যা হইতে মেদিনীপুর জেলায় আগমন করিয়াছিলেন ; সেই সময় তৎপ্রদেশ হইতে কয়েকজন জ্ঞাতি আনিয়া তাঁহাদিগকে ভূসম্পত্তি প্রদানপূর্বক এই স্থানে বসতি করাইয়াছিলেন। তৎপরে ভান্ডড় ভূঞা রাজ্যাধিকার লাভ করেন। ১৪০৩ খৃঃ তিনি তনুতাগ করিলে এই বংশের লোপ হইয়াছে।

অতঃপর গঙ্গাবংশীয় রাজগণ তমলুক রাজ্য প্রাপ্ত হন। বিদ্যাদর রায়—নীলকান্ত রায়—জগদীশচন্দ্র রায়—চন্দ্রশেখর রায়—বীরকিশোর রায়—গোবিন্দদেব রায়—ঈদবেন্দ্র রায়—হরিদেব রায়—বিশ্বেশ্বর রায়—নৃসিংহ রায়—শম্ভুচন্দ্র রায়—দাপচন্দ্র রায়—দিব্যচন্দ্র রায়—বীরভদ্র রায়—লক্ষণচন্দ্র রায়—রামচন্দ্র রায়—পদ্মলোচন রায়—কৃষ্ণচন্দ্র রায়—গোলকনারায়ণ রায়—বলিনারায়ণ রায়—কৈশিকনারায়ণ রায়—অঞ্জীৎনারায়ণ রায়—কৃষ্ণকিশোর রায়—চন্দ্রকিশোর রায়—মৌজী কিশোর রায়—মার্কণ্ডকিশোর রায়—ইন্দ্রমণি রায়—সুধাষা রায়—মৃগয়া-মণি, সুধাষার ভগ্নী ও জামিনভক্ত রায়ের পত্নী—ভানুরায়, মৃগয়ামণির

পুত্র—লক্ষ্মীনারায়ণ রায়—চন্দ্রামণি, লক্ষ্মীনারায়ণের কন্যা ও কেশবচন্দ্র রায়ের পত্নী পর্য্যন্ত ৩২ জন রায় উপাধিদারী গঙ্গাবংশীয় রাজগণ তমলুকে রাজত্ব করিয়াছিলেন। ১৬৪৫ খৃঃ রাজা কেশবচন্দ্র রায় মুসলমান গবর্ণমেন্টকে রাজত্ব প্রদানে অক্ষম হওয়ায় রাজমহলের তদানীন্তন নবাব সুলজা সাহ তাঁহাকে রাজ্যচ্যুত করিয়া তদীয় মধ্যম ভ্রাতা হরিহর রায়কে রাজ্য প্রদান করেন।

৬ হরিহর রায়।

কেশবচন্দ্রের মধ্যম সহোদর হরিহর রায় ১৬৫৪ খৃঃ পর্য্যন্ত রাজত্ব করেন। অনন্তর তমলুক জমিদারী দুইভাগে বিভক্ত হয়। হরিহরের পুত্র রামচন্দ্র রায় সাড়ে নয় আনা এবং হরিহরের কনিষ্ঠ ভ্রাতা মনোহর রায়ের পুত্র গম্ভীর রায় সাড়ে ছয় আনা প্রাপ্ত হন।

৭ নরনারায়ণ রায়।

তদনন্তর ১৭৩৭ খৃঃ রাজা রামচন্দ্র রায়ের পুত্র রাজা নরনারায়ণ রায় সমস্ত জমিদারী প্রাপ্ত হইয়াছিলেন। তাঁহার দুই পুত্র—কুপানারায়ণ ও কমলনারায়ণ রায়।

৮ কুপানারায়ণ রায়।

নরনারায়ণের লোকান্তরে তাঁহার জ্যেষ্ঠপুত্র রাজা কুপানারায়ণ রায় রাজ্যাধিকার লাভ করেন। তাঁহার সময় রাজ্য মধ্যে কৃষি বাণিজ্যের উন্নতি হইয়াছিল। ১৭৫২ খৃঃ রাজা কুপানারায়ণ রায় ইহলোক পরিত্যাগ করেন। তাঁহার কোন সন্তানাদি হয় নাই।

৬ কমলনারায়ণ রায় ।

রূপানারায়ণের পর তাঁহার কনিষ্ঠ সহোদর কমলনারায়ণ রাজ ১৭৫২ খৃঃ উত্তরাধিকারী হন । ১৭৫৬ খৃঃ পর্য্যন্ত তিনি রাজত্ব করেন । তাঁহার সময় রাজস্ব প্রদানে শৈথিল্য হওয়ায় ১৭৫৭ খৃঃ মীর্জা দেদার আলী বেগ এই জমিদারী নিলামে ক্রয় করিয়াছিলেন । ১৭৫৭ খৃঃ রাজা কমলনারায়ণ রায়ের লোকান্তর ঘটিয়াছিল । তিনি মৃত্যুকালে সন্তোষপ্রিয়া ও কৃষ্ণপ্রিয়া নামী দুই পত্নী এবং আনন্দনারায়ণ নামে একটি পুল সন্তান রাখিয়া যান ।

১৭৬৭ খৃঃ মীর্জা দেদার আলীর মৃত্যু হইলে তৎকালীন নবাব সরকারের প্রধান কর্মচারী দেওয়ান নন্দকুমার রায় ও দেওয়ান গঙ্গাগোবিন্দ সিংহ মহোদয়গণের চেষ্টায় নবাব সম্রাটদৌলা এই জমিদারী রাণী সন্তোষপ্রিয়া ও কৃষ্ণপ্রিয়াকে প্রত্যর্পণ করেন । তাহাতে রাণীদ্বয় সন্তুষ্ট হইয়া পুরস্কারস্বরূপ দেওয়ান নন্দকুমারকে ইয়খানি ও দেওয়ান গঙ্গাগোবিন্দকে আট খানি গ্রাম দান করেন । উহা অদ্যাপি তমলুক জমিদারীর দক্ষিণাংশে তালুক বাসদেবপুর ও গোপালপুর নামে বর্তমান রহিয়াছে । দেওয়ান নন্দকুমার উক্ত বাসদেবপুর তালুকে একটি হাট বসাইয়াছিলেন, তাহা নন্দকুমারের হাট নামে অভিহিত হয় এবং হাটের নামানুসারে সেই স্থান অদ্যাপি “নন্দকুমার” নামে প্রখ্যাত । নন্দকুমারের উত্তরাধিকারীগণ বাসদেবপুর তালুক হস্তান্তর করিলে উহা এক্ষণে মহিষাদলাধিপতির সম্পত্তি হইয়াছে । দেওয়ান গঙ্গাগোবিন্দের উত্তরাধিকারীগণ গোপালপুর তালুক অদ্যাপি ভোগ করিতেছেন ।

৩ আনন্দনারায়ণ রায় ।

অনন্তর রাণী সন্তোষপ্রিয়া'র পুত্র আনন্দনারায়ণ রায় ও কৃষ্ণ-প্রিয়া'র পোষ্য পুত্র তাঁহাদের জমিদারী পুনরায় নয় আনা ও সাত আনা অংশে বিভক্ত করেন । ১৭৯৩ খৃঃ ২২শে মার্চ ইংলণ্ডীয় কর্তৃপক্ষগণ দশসালার বন্দোবস্ত চিরস্থায়ী হইবার অনুমতি প্রদান করেন । ইহাতে জমিদারগণ নির্দিষ্ট রাজস্ব দিয়া অধিকৃত ভূসম্পত্তি পুরুষানুক্রমে ভোগ দখল করিবার ক্ষমতা প্রাপ্ত হন । সেই সময় ১৭৯৫ খৃঃ রাজা আনন্দ-নারায়ণ রায় সমস্ত জমিদারী অধিকার করেন । তাঁহার হরিপ্রিয়া ও বিষ্ণু-প্রিয়া নামে দুই রাণী ছিলেন ; কিন্তু কাহারও সন্তানাদি না হওয়ায় প্রথমা রাণী হরিপ্রিয়া শ্রীনারায়ণকে এবং কনিষ্ঠা রাণী বিষ্ণুপ্রিয়া লক্ষ্মী-নারায়ণকে পোষ্যপুত্র গ্রহণ করেন ।

৩ রুদ্রনারায়ণ রায় ।

১৮২১ খৃঃ শ্রীনারায়ণ রায়ের মৃত্যুর পর রাজা লক্ষ্মীনারায়ণ রায় আপন নামে সমস্ত জমিদারীর নাম খারীজ প্রার্থনা করেন । তাহাতে জ্যেষ্ঠা রাণী হরিপ্রিয়া অসন্তুষ্ট হইয়া তাঁহার স্বামীর নিয়মাদেশ হতে অর্দ্ধেক জমিদারী অধিকারপূর্বক রুদ্রনারায়ণ রায়কে পুনরায় পোষ্য পুত্র গ্রহণ করেন । ১৮৪৫ খৃঃ রাজা রুদ্রনারায়ণ রায় তৎকালীন সদর দেওয়ানী আদালতের নিষ্পত্তানুসারে অর্দ্ধেক জমিদারী প্রাপ্ত হন । অনন্তর পরস্পরের বিবাদে ও প্রজার প্রতি নানাপ্রকার অত্যাচারে ১৮৪৮ খৃঃ রাজলক্ষ্মী তাঁহাদের হস্তভ্রষ্টা হইয়া ক্ষুদ্র ক্ষুদ্র অংশে বিভক্ত হয় । সেই সময় ননীগোপাল মুখোপাধ্যায় ও রাখালদাস মুখোপাধ্যায় প্রভৃতি অর্দ্ধেক এবং মহিষাদলাধিপতি অর্দ্ধেক জমিদারী ক্রয় করেন ।

১৮৬৭ খৃঃ রাজা রুদ্রনারায়ণ রায় প্রাণত্যাগ করেন । তিনি অশ্লোক থাকায় একটি পোষাপুত্র গ্রহণ করিয়াছিলেন ।

অতঃপর রুদ্রনারায়ণের পোষাপুত্র মহেন্দ্রনারায়ণ রায় বিষয় সম্পত্তি প্রাপ্ত হন । এক্ষণে তাঁহার বংশধরগণ সামান্য লাখেরাজ ও দেবোত্তর সম্পত্তির দ্বারা জীবিকা নির্বাহ করিতেছেন ।

৮ লক্ষ্মীনারায়ণ রায় ।

বিমাতার সহিত নানা প্রকার বিবাদ সত্ত্বেও ১৮৪৪ খৃঃ পর্য্যন্ত সমস্ত জমিদারী রাজা লক্ষ্মীনারায়ণ রায়ের কর্তৃত্বাধীনে ছিল । ১৮৫৪ খৃঃ লক্ষ্মীনারায়ণ নরলোক পরিত্যাগ করেন । তাঁহার দুই পুত্র—উপেন্দ্র নারায়ণ ও নরেন্দ্রনারায়ণ রায় ।

লক্ষ্মীনারায়ণের জ্যেষ্ঠ পুত্র কুমার উপেন্দ্রনারায়ণ রায় বহুদর্শিতায় বিশেষ জ্ঞানবান ছিলেন । ১৮৬০ খৃঃ তিনি মানবলীলা সম্বরণ করিয়াছেন । লক্ষ্মীনারায়ণের কনিষ্ঠ পুত্র নরেন্দ্রনারায়ণ রায় ১৮৮৮ খৃঃ লোকান্তরিত হন । তাঁহার একমাত্র পুত্র কুমার সুরেন্দ্রনারায়ণ রায়ের বংশধরগণ এক্ষণে সাধারণ গৃহস্থের আয় জীবনযাপন করিতেছেন ।

কাশীঘোড়া রাজবংশ ।

৮ গঙ্গানারায়ণ রায় ।

মেদিনীপুর জেলার অন্তর্গত কাশীঘোড়া রাজবংশ ক্ষত্রিয় কুলোদ্ভব । এই বংশের প্রতিষ্ঠাতা গঙ্গানারায়ণ রায় স্বীয় বাসস্থান সিরন্দদেশ হইতে ৮ জগন্নাথদেব দর্শনাভিলাসে ৮ পুরুষোত্তমধাম আগমন করেন । অতঃপর কার্যাদক্ষতার গুণে পুর্বর দেবরাজের সেনানীপদে নিযুক্ত হইয়াছিলেন । ১৫৭৫ খৃঃ বাংলার নবাব দাউদ খাঁয়ের সেনাপতি হিন্দুদেব-ঘোষা কালাপাহাড় উড়িয়া-বিজয়ের অভিযান করেন, সেই সময় দেবরাজ প্রতিরোধ জ্ঞাত স্বীয় সেনাপতি গঙ্গানারায়ণকে সসৈন্তে প্রেরণ করিয়াছিলেন । তিনি প্রাপ্তকৃত কার্যে বিশেষ দক্ষতা ও নিপুণতা প্রদর্শন করিলে দেবরাজ সন্তুষ্ট হইয়া গঙ্গানারায়ণকে জায়গীরস্বরূপ কাশীঘোড়া পরগণা প্রদান করেন । তৎকালে কাশীঘোড়া জঙ্গলে পরিপূর্ণ ছিল । ১৫৮৩ খৃঃ গঙ্গানারায়ণ কাশীঘোড়া অধিকার করিয়া স্বদেশ হইতে পরিজন আনিয়া এইস্থানে বসতি করেন । ১৫৮৬ খৃঃ তিনি আপন ভ্রাতৃপুত্র যামিনীভানু রায়কে জমিদারী পরিচালনের ভার দিয়া ৮ পুরুষোত্তমধাম গমন করিয়া তথায় মৃত্যুমুখে পতিত হইয়াছিলেন ।

৯ যামিনীভানু রায় ।

গঙ্গানারায়ণের পরলোকান্তে যামিনীভানু রায় কাশীঘোড়া রাজ্যের অধীশ্বর হন । ১৫৮৬ খৃঃ তিনি তৎকালীন বঙ্গেশ্বর সাদক খাঁয়ের সহিত গোড়রাজধানীতে সাক্ষাৎ করিয়া গোড়েশ্বরের সাহায্যে দিল্লীশ্বর

সম্রাট আকবর সাহের নিকট হইতে “রাজগীর” সনন্দ প্রাপ্ত হইয়া কাশীঘোড়ায় প্রত্যাগমন করেন। তিনি তথাকার অধিকাংশ জঙ্গল কাটাইয়া গুরা নামক একটি গ্রাম স্থাপনপূর্বক জাহ্নুদ্বীপ নামে একটি বৃহৎ পুষ্করিণী খনন করাইয়াছিলেন। ১৬২৪ খৃঃ যামিনীভানু রায় পরলোকগমন করেন।

৬ প্রতাপনারায়ণ রায় ।

যামিনীভানুর মৃত্যুর পর তদীয় একমাত্র পুত্র প্রতাপনারায়ণ রায় সম্রাট জাহাঙ্গীরের নিকট হইতে রাজোপাধি প্রাপ্ত হন। ১৬২৫ খৃঃ দিল্লীধরের আদেশে পুরীর দেবরাজ রাজটাকা ও খেতছত্রাদি প্রদান করেন। তৎপরে প্রতাপনারায়ণ হরশঙ্কর নামক স্থানে রাজধানী প্রতিষ্ঠা করিয়াছিলেন। তিনি তথায় কতক জঙ্গল কাটাইয়া প্রতাপপুর নামে একটি নগর স্থাপন করেন। ১৬৬০ খৃঃ রাজা প্রতাপনারায়ণ রায়ের জীবনাবসান হইয়াছে।

৬ হরিনারায়ণ রায় ।

প্রতাপনারায়ণের পর তাঁহার পুত্র হরিনারায়ণ রায় ১৬৬০ খৃঃ রাজ্যাধিকার লাভ করেন। তিনি অতি ধার্মিক পুরুষ ছিলেন। তিনি রাজধানীতে ৬ কৃষ্ণরায় নামে একটি কুলদেবতা স্থাপন করেন। ১৬৬৯ খৃঃ রাজা হরিনারায়ণ রায় কলেবর পরিত্যাগ করিয়াছেন।

৬ লক্ষ্মীনারায়ণ রায় ।

ইরিনারায়ণের দেহান্তে ১৬৬৯ খৃঃ তৎপুত্র লক্ষ্মীনারায়ণ রায় রাজ্যো-
পাধি প্রাপ্ত হন। তিনি অনেক জঙ্গল কাটাইয়া কয়েকটি গ্রাম স্থাপন
করিয়া ভিন্ন ভিন্ন দেশ হইতে নানা জাতীয় লোক আনাইয়া নিম্নর
ভূম্পত্তি প্রদানপূর্বক বসতি করাইয়াছিলেন। নবাব সরকারের বাকী
রাজস্বের জন্ত তৎকালীন নবাব সায়েস্তা খাঁ তাঁহার রাজধানী রাজমহলে
লক্ষ্মীনারায়ণকে আনাইয়া প্রেরিত করিলে তিনি রাজ্য রক্ষার জন্ত
স্বধর্ম পরিত্যাগপূর্বক মুসলমানধর্ম গ্রহণ করিয়া বাকী রাজস্ব হইতে
অবাহতি লাভ করেন। অতঃপর লক্ষ্মীনারায়ণ দেশে প্রত্যাবৃত্ত হইয়া
চাঁচিয়াড়া গ্রামে বাসভবন নির্মাণপূর্বক বসতি করেন। তিনি তথায়
একটি মসজিদ নির্মাণ করাইয়া তাহার ব্যয় নিরীহার্থে একশত বিঘা
ভূমি দান করিয়াছিলেন। ১৬৯২ খৃঃ রাজা লক্ষ্মীনারায়ণ রায় পঞ্চম
প্রাপ্ত হন।

৭ দর্পনারায়ণ রায় ।

লক্ষ্মীনারায়ণের পর তাঁহার পুত্র দর্পনারায়ণ রায় ১৬৯২ খৃঃ কাশী-
ঘোড়া রাজ্যের অধীশ্বর হন। তিনি কয়েক বৎসর রাজত্ব করিয়া মৃত্যুর
পূর্বে মুসলমানধর্ম গ্রহণপূর্বক উক্ত চাঁচিয়াড়া গ্রামে বাস করেন।
১৭২০ খৃঃ রাজা দর্পনারায়ণ রায় ইহলীলা সম্বরণ করিয়া গিয়াছেন।

৮ জিতনারায়ণ রায় ।

দর্পনারায়ণের পরলোকে ১৭২০ খৃঃ তাঁহার কনিষ্ঠ পুত্র জিত-
নারায়ণ রায় উত্তরাধিকারী হন। তিনি নবাব সরকারে রাজস্ব প্রদানে

অক্ষম হইলে তৎকালীন নবাব স্জাউদ্দৌলা তাঁহাকে মুর্শিদাবাদে কারাবদ্ধ করিয়া রাখেন। কিয়দিবস পরে নানক সাহর স্বাহায্যে কারাগার হইতে মুক্ত হইয়া তাঁহার সহিত ৬ পুরুষোত্তমধাম গমন করেন। অতঃপর ৬ জগন্নাথদেব দর্শনান্তে বাটি প্রত্যাগমনপূর্বক টাচিয়াড়া গ্রামে একটি সঙ্গত প্রস্তুত করিয়া তাহাতে ৬ জগন্নাথজীউর মূর্তি প্রতিষ্ঠা করেন। তিনি ফকিরগঞ্জ গ্রাম স্থাপন ও জিতসাগর নামে একটি বৃহৎ সরোবর খনন করাইয়াছিলেন। তিনি ভূসম্পত্তি প্রদান-পূর্বক উক্ত নানক সাহকে বসতি করাইয়া স্বয়ং নানকপন্থীধর্ম গ্রহণ করেন। ১৭৪৪ খৃঃ রাজা জিতনারায়ণ রায় কালগ্রাসে পতিত হন।

৬ নরনারায়ণ রায় ।

তৎপরে জিতনারায়ণের ভ্রাতুষ্পুত্র নরনারায়ণ রায় ১৭৪৪ খৃঃ রাজ্যোপাধি প্রাপ্ত হন। তিনি প্রথম দাম্বিকপুরুষ ছিলেন। নরনারায়ণ জয়পাটনা গ্রামে ৬ জয়চণ্ডী দেবী, প্রতাপপুর গ্রামে ৬ অনন্ত বাসদেব, দেভাচক গ্রামে ৬ গোবর্দ্ধনধারী এবং খবসবন গ্রামে ৬ গোপালস্বীউ বিগ্রহ প্রতিষ্ঠা করিয়া তাঁহাদের সেবার্থে ভূসম্পত্তি অর্পণ করেন। তিনি অন্ননার রাজা কৃপানন্দ বাহুবলীজের সহিত যুদ্ধ করিয়া তাঁহার জমিদারীর কিয়দংশ অধিকারপূর্বক কাশীঘোড়া রাজ্যের অন্তর্ভুক্ত করিয়াছিলেন। ১৭৫৬ খৃঃ রাজা নরনারায়ণ রায় নরলোক পরিত্যাগ করিয়াছেন।

৬ রাজনারায়ণ রায় ।

নরনারায়ণের দেহান্তে ১৭৫৬ খৃঃ তদীয় জ্যেষ্ঠ পুত্র রাজনারায়ণ রায় রাজ্যাধিকার লাভ করেন। তিনি রাজবল্লভপুর নামে একটি গ্রাম

স্থাপন করিয়া তথায় গড়বেষ্টিত বাসভবন নির্মাণ করাইয়াছিলেন। ১৭৬৬ খৃঃ ৮ রঘুনাথজীউ মূর্তি প্রতিষ্ঠা করিয়া সেই স্থান রঘুনাথবাটা নামে প্রকাশ করেন। হরিদাস বাবাজী নামক জনৈক বৈষ্ণবকে উহার মহাস্তপদে অভিষিক্ত করিয়া ভূম্পত্তি দান করেন। ১৭৬৮ খৃঃ তিনি সাহাপুর পরগণার ভূম্যধিকারীর সহিত যুদ্ধে জয়লাভ করিয়া সাহাপুর অধিকারপূর্বক ৩৬০/০ বিঘা জমি ৮ বাঙ্গলী দেবীর সেবার জন্ত দিয়াছিলেন; এতদ্ব্যতীত কতক ভূম্পত্তি ব্রাহ্মণগণকে দান করিয়া বসতি করাইয়াছিলেন। ১৭৭০ খৃঃ রাজা রাজনারায়ণ রায়ের লোকান্তর ঘটিয়াছে।

৮ সুন্দরনারায়ণ রায়।

রাজনারায়ণের মৃত্যুর পর ১৭৭০ খৃঃ তাঁহার কনিষ্ঠ সহোদর সুন্দর নারায়ণ রায় এই রাজ্যের প্রতিনিধি হন। তিনি নানা জাতীয় ব্যক্তিগণকে নিজের ভূম্পত্তি দান করিয়া বসতি করাইয়াছিলেন। রাজবল্লভপুরে নানা জাতীয় শিল্পীগণের বাস জন্ত বিবিধ শিল্পোন্নতি হইলে সুন্দরনারায়ণ এই স্থানের “সুন্দর নগর” আখ্যা প্রদান করেন। এক্ষণে কেবল মছলন্দ ভিন্ন অগ্রাগ্র শিল্পকার্য্য লোপ হইয়াছে। ১৭৯৪ খৃঃ মেদিনীপুরের তদানীন্তন কালেক্টার বাহাদুর ৬০ হাজার টাকা বাকী রাজস্বের জন্ত রাজার জমিদারী ক্রোক করেন। তিনি বাকী কর হইতে অব্যাহতি ও নূতন বন্দোবস্ত জন্ত প্রথমে কালেক্টার বাহাদুরের নিকট এবং পরিশেষে রেভিনিউ বোর্ডে আবেদন করিয়াছিলেন; কিন্তু রেভিনিউ বোর্ডের আদেশ আসিতে বৎসরাধিককাল বিলম্ব হইয়াছিল। এই সময় কালেক্টার বাহাদুর ত্রয়োদশ ভাগে জমিদারী নিলাম করেন। তৎকালে সুন্দরনারায়ণ ১৯ সহস্র বিঘা ভূমিমাত্র প্রাপ্ত হন। ১৮০৬ খৃঃ রাজা সুন্দরনারায়ণ রায় লোকান্তর গমন করেন।

৩ বস্তিনারায়ণ রায় ।

তৎপরে সুন্দরনারায়ণের পুত্র বস্তিনারায়ণ রায় উত্তরাধিকারী হন । তিনি সাধারণ গৃহস্থ মাত্র হইয়া সামান্য আয়ে অতি কষ্টে দেবসেবা ও জীবিকানির্ব্বাহ করিয়া ১৮৩৩ খৃঃ ভবলীলা সম্বরণ করেন ।

৩ লক্ষ্মীনারায়ণ রায় ।

তদনন্তর বস্তিনারায়ণের পুত্র লক্ষ্মীনারায়ণ রায় বিষয় সম্পত্তি প্রাপ্ত হন । তিনি ক্ষুদ্রভবনে বাস করিয়া সামান্য আয়ে বহু কষ্টে কালাতিপাত করিতেন । ১৮৫৩ খৃঃ লক্ষ্মীনারায়ণ রায় পঞ্চত্ব প্রাপ্ত হইয়াছেন ।

লক্ষ্মীনারায়ণের পর তাঁহার পুত্র রুদ্রনারায়ণ রায় উত্তরাধিকার লাভ করেন । ১৮৮০ খৃঃ তিনি ইহলোক পরিত্যাগ করিয়াছেন । বর্ত্তমান সময়ে কাশীঘোড়া রাজবংশের বংশধরগণ বহু কষ্টে জীবিকা অর্জন করিয়া দীনভাবে দিনযাপন করিতেছেন ।

ময়না রাজবংশ ।

মেদিনীপুর জেলার অন্তঃপাতী ময়নাগড় অতি প্রাচীনকালে গোড়াধিপতির শালীপতি কণসেনের রাজধানী ছিল। তাঁহার পুত্র রাজা লাউসেন ও তৎপুত্র রাজা চিত্রসেন তথায় বহুকাল রাজত্ব করিয়াছিলেন ।

৩ গোবর্দ্ধনানন্দ বাহুবলীন্দ্র ।

বর্তমান ময়না রাজবংশের প্রতিষ্ঠাতা গোবর্দ্ধনানন্দ বাহুবলীন্দ্র মেদিনীপুর জেলার অন্তর্গত সবঙ্গ পরগণার জমিদারী স্বত্ব প্রাপ্ত হন। তিনি কয়েক বৎসর পরে রাজস্ব বাকীর জ্ঞাত পুরীর রাজা দেবরাজের রাজধানীতে কারারুদ্ধ হইয়াছিলেন। তদবস্থায় গোবর্দ্ধনানন্দ সঙ্গীত ও মল্লবিদ্যায় পুরীরাজকে পরিতুষ্ট করিয়া বাকী কর হইতে অব্যাহতি লাভ করেন। সেই সময় দেবরাজ তাঁহাকে “রাজা ও বাহুবলীন্দ্র” উপাধি এবং রাজছত্রাদি খেলাতসহ রাজ্য প্রত্যর্পণ করেন। তৎকালে ময়না পরগণার ভূম্যধিকারী শ্রীধর লুই রাজস্ব প্রদানে বারবার শৈথিল্য করিলে গোবর্দ্ধনানন্দ ময়না পরগণা গ্রহণ করিবার অল্পমতি প্রাপ্ত হন। অতঃপর তিনি স্বদেশে প্রত্যাবৃত্ত হইয়া শ্রীধর লুইকে নির্বাসন করিয়া ময়না রাজ্য অধিকার করেন।

৩ পরমানন্দ বাহুবলীন্দ্র ।

গোবর্দ্ধনানন্দের মৃত্যু হইলে তাঁহার পুত্র পরমানন্দ বাহুবলীন্দ্র রাজ্যাধিকার লাভ করেন। তিনি ময়নাগড় দুর্গম দেখিয়া সবঙ্গ হইতে

আসিয়া তথায় রাজধানী স্থাপনপূর্বক বসতি করেন । তিনি তিলদা-জলচক গ্রামেও একটি গড়বাটি নির্মাণ করাইয়াছিলেন এবং মধ্য মধ্যে তথায় অবস্থিতি করিতেন । এই গড় প্রায় একশত বিঘা ভূমি ব্যাপিয়া অত্য়াপি বিদ্যমান রহিয়াছে ।

৬ মাধবানন্দ বাহুবলীন্দ্র ।

পরমানন্দের পর মাধবানন্দ বাহুবলীন্দ্র রাজ্যাসন গ্রহণ করেন । তিনি তমলুকের রাজার সহিত যুদ্ধ করিয়া তমলুক পরগণার অন্তর্গত শ্রীরামপুর প্রভৃতি নয়খানি গ্রাম অধিকার করেন । তিনি ময়নাগড় ও অত্য়াগ্র জমিদারীতে রাস্তা নির্মাণ ও পুষ্করিণী খনন করাইয়াছিলেন ; অধিকন্তু হিন্দু মন্দির ও ব্রাহ্মণগণকে ব্রহ্মোত্তর দান কবেন ।

৭ গোকুলানন্দ বাহুবলীন্দ্র ।

মাধবানন্দের পরলোকান্তে গোকুলানন্দ বাহুবলীন্দ্র ময়নাগড় রাজ্য-লাভ করেন । তিনি অতি নীরবে আমরণ লোকহিতকর বত সাধন করিয়া গিয়াছেন ।

৮ কৃপানন্দ বাহুবলীন্দ্র ।

তৎপরে কৃপানন্দ বাহুবলীন্দ্র এই রাজ্যের উত্তরাধিকারী হন । ১৭৪৪ খৃঃ তিনি কাশীঘোড়ার রাজা নরনারায়ণ রায়ের সহিত যুদ্ধে পরাভূত হইলে তিনি ইহার জমিদারীর কিয়দংশ অধিকারপূর্বক কাশীঘোড়া রাজ্যের অন্তর্ভুক্ত করেন ।

৬ জগদানন্দ বাহুবলীন্দ্র ।

কুর্পানন্দের পর জগদানন্দ বাহুবলীন্দ্র কয়েক বৎসর ময়না ও সবঙ্গ পরগণায় রাজত্ব করেন । ১৭৭৩ খৃঃ রাজা জগদানন্দ বাহুবলীন্দ্র কাল-গ্রাসে পতিত হইয়াছেন ।

৬ ব্রজানন্দ বাহুবলীন্দ্র ।

তদনন্তর জগদানন্দের পুত্র ব্রজানন্দ বাহুবলীন্দ্র ১৭৭৩ খৃঃ রাজ্যাভিষিক্ত হন । তাঁহার বাজত্বকালে কয়েক বৎসর অজন্মাহেতু এবং মেদিনীপুর জেলায় বন্ডা ও ছুর্ভিক্ষ হইলে গবর্ণমেন্টের রাজস্ব প্রদানে অক্ষম হওয়ায় সবঙ্গ পরগণা নিলামে বিক্রয় হইয়া গিয়াছিল । পরিশেষে ১৭৯৩ খৃঃ হইতে ১৮০৫ খৃঃ পর্যন্ত বাকীকর আদায় জন্ত ময়না পরগণার অধিকাংশ গ্রাম ও অনেক নিষ্কর ভূমি অংশরূপে নীলামে বিক্রয় হয় । সেই সকল অংশে এক্ষণে বহু তালুকদারের উৎপত্তি হইয়াছে । ১৮২২ খৃঃ রাজা ব্রজানন্দ বাহুবলীন্দ্র তনুত্যাগ করেন ।

৬ আনন্দানন্দ বাহুবলীন্দ্র ।

ব্রজানন্দের মৃত্যুর পর তদীয় পুত্র আনন্দানন্দ বাহুবলীন্দ্র ১৮২২ খৃঃ রাজ্যাধিকার লাভ করেন । তিনি ছয় বৎসর রাজ্যভোগ করিয়া ১৮২৮ খৃঃ পরলোকগত হইয়াছেন ।

৬ রাধাশ্যামানন্দ বাহুবলীন্দ্র ।

অতঃপর ১৮২৮ খৃঃ আনন্দানন্দের পুত্র রাধাশ্যামানন্দ বাহুবলীন্দ্র রাজ্যসন প্রাপ্ত হন । তাঁহার সময় ময়না ও তমলুকের কয়েকটি

জমিদারী মাত্র থাকে, উহার বাৎসরিক প্রায় ২০,০০০ টাকা আয় ছিল । তিনি জমিদারীর আয় বৃদ্ধি করিয়াছিলেন । ১৮৮১ খৃঃ তাঁহার লোকান্তর ঘটিয়াছে । তিনি মৃত্যুকালে প্রেমানন্দ, সচ্চিদানন্দ ও পূর্ণানন্দ বাহুবলীন্দ্র নামে তিন পুত্র রাখিয়া যান ।

অধুনা ময়না রাজবংশের রাজা শ্রীযুক্ত জ্ঞানানন্দ, তাঁহার ভ্রাতা রাজা শ্রীযুক্ত নিরঞ্জনানন্দ, পিতৃব্য ভ্রাতা কুমার শ্রীযুক্ত সাধনানন্দ বাহুবলীন্দ্র সাধারণ গৃহস্থ সম্ভানের দ্বারা কালাতিপাত করিতেছেন ।

মহিষাদল রাজবংশ ।

মেদিনীপুর জেলার অন্তর্গত মহিষাদল রাজবংশ অতি প্রাচীন জমিদারবংশ । ইহারা পশ্চিমদেশীয় সামবেদীয় ব্রাহ্মণ ।

৩ জনার্দিন উপাধ্যায় ।

খৃষ্টীয় ষোড়শ শতাব্দীর প্রারম্ভে এই বংশের প্রতিষ্ঠাতা জনার্দিন উপাধ্যায় কাষ্যান্তর ব্যাপদেশে এদেশে আগমনপূর্বক মুসলমান সরকার হইতে জঙ্গলপূর্ণ মহিষাদল জমিদারী ও অগ্ন্যাগ্ন ছয় খানি পরগণা গ্রহণ করিয়াছিলেন । অনন্তর তিনি বহু যত্নে প্রজা সংস্থাপিত করিয়া “রাজা” উপাধি প্রাপ্ত হন ।

৩ ছর্যোদন উপাধ্যায় ।

জনার্দিনের পর ছর্যোদন উপাধ্যায় রাজ্যাধিকার লাভ করেন । তাঁহার প্রভাবে ও সুশাসনে দিন দিন এই স্থানের উন্নতি ও শ্রীবৃদ্ধি হইয়াছিল ।

৩ রামশরণ উপাধ্যায় ।

তদনন্তর রামশরণ উপাধ্যায় রাজ্যাসন প্রাপ্ত হন । তাঁহার শাসন-কালে রাজ্যের কথঞ্চিৎ উন্নতি সাধন হয় । তিনি পরম সুখে প্রজা-পালন করিতেন ।

৬ রাজারাম উপাধ্যায় ।

অতঃপর রাজারাম উপাধ্যায় রাজ্যের উত্তরাধিকারী হন । তিনি ছুষ্টির দমন ও শিষ্টের পালন দ্বারা প্রজারঞ্জক হইয়াছিলেন ।

৭ শুকলাল উপাধ্যায় ।

তৎপরে শুকলাল উপাধ্যায় এই রাজ্যের প্রতিনিধি হন । তাঁহার সময় তণাকার শোভা সৌন্দর্য্য বহু পরিমাণে বর্দ্ধিত হইয়াছিল ।

৮ আনন্দলাল উপাধ্যায় ।

শুকলালের পরলোকান্তে আনন্দলাল উপাধ্যায় রাজকার্য্য নির্বাহ করিতেন । তিনি অপূত্রক অবস্থায় লোকান্তরিত হইলে তাঁহার সহধর্ম্মিণী রাণী জানকী দেবী রাজকার্য্য পরিচালনা করিতেন । তিনি বহুসংখ্যক ব্রাহ্মণ পণ্ডিতকে ভূসম্পত্তি ও বৃত্তি দান করিয়া সংস্কৃত বিদ্যাগোচনার উৎসাহ প্রদান করেন । তিনি অনেকগুলি দেবতা ও একটি অতিথিশালা প্রতিষ্ঠা করিয়াছিলেন । তাঁহার রাজত্ব কালে ১৭৮৯ খৃঃ লর্ড কর্ণওয়ালিস্ রাজস্ব নির্দিষ্ট করিয়া দশ বৎসরের জন্য জমিদারদিগের সহিত একটি বন্দোবস্ত করেন ; সেই সময় জানকী দেবী “রাণী” উপাধি প্রাপ্ত হইয়াছিলেন । তিনি নিঃসন্তান থাকায় একটি পোষাপুত্র গ্রহণ করেন । ১৮০৪ খৃঃ এই পুণ্যবতী রাণীর দেহান্তর ঘটিয়াছে ।

৬ মতিলাল উপাধ্যায় ।

অনন্তর রাণীর পোষাপুত্র মতিলাল উপাধ্যায় বিষয় সম্পত্তি প্রাপ্ত হন। তিনি রাজ্যের বহুবিধ উন্নতিসাধন করিয়াছিলেন। তিনি নিঃসন্তান অবস্থায় ইহলোক হইতে মহাপ্রস্থান করেন ।

৬ গুরুপ্রসাদ গর্গ ।

মতিলালের মৃত্যুর পর তাঁহার সেবাইত সূত্রে গুরুপ্রসাদ গর্গ জমিদারী লাভ করেন। এই সময় হইতে মহিষাদল রাজ্য গর্গ বংশের হস্তে আসিয়াছে। তিনি লোকান্তর গমন করিলে তাঁহার পত্নী মন্থরাদেবী কিয়দ্দিবস রাজ্য পরিচালনা করিয়াছিলেন।

৬ রঘুমোহন গর্গ ।

অতঃপর রঘুমোহন গর্গ মহিষাদল রাজ্য সেবাইত সূত্রে প্রাপ্ত হন। তিনি রাজ্যের উন্নতি সাধনে বিশেষ মনোযোগী ছিলেন।

৬ ভবানীপ্রসাদ গর্গ ।

রঘুমোহনের পর ভবানীপ্রসাদ গর্গ উত্তরাধিকারী হন। তিনি সমাজ-হিতকর কার্যে সহানুভূতি প্রকাশ করিতেন। স্বাধীন চিন্তাচার জ্ঞাত তিনি বিখ্যাত ছিলেন।

৩ কালীপ্রসাদ গর্গ ।

তদনন্তর কালীপ্রসাদ গর্গ রাজ্যাসন লাভ করেন। তিনি অকাল মৃত্যু নিবন্ধন অধিক দিবস রাজ্যভোগ করিতে পারেন নাই।

— — —

৩ জগন্নাথ গর্গ ।

কালীপ্রসাদের দেহান্তর হইলে গবর্ণমেন্টের অনুমতি ক্রমে জগন্নাথ গর্গ এই রাজ্যের প্রতিনিধি হন। তিনি বিবেচক ও ধার্মিক পুরুষ ছিলেন।

— — —

৩ রামনাথ গর্গ ।

তৎপরে রামনাথ গর্গ রাজ্যাধিকার লাভ করেন। তাঁহার অপ্রাপ্ত বয়স্ক সময় তদীয় জননী রানী ইন্দ্রানী দেবী রাজকার্য্য পরিদর্শন করিতেন। ১৮৪১ খৃঃ রামনাথের মৃত্যু হইলে তাঁহার পতিব্রতা পত্নী রানী বিমলা দেবী মাহেশের ঘাটে সহমরণে প্রাণত্যাগ করেন।

— — —

৩ লক্ষ্মণ প্রসাদ গর্গ ।

অতঃপর রামনাথের উইল অনুসারে তাঁহার পোষাপুত্র লক্ষ্মণ প্রসাদ গর্গ রাজ্যলাভ করেন। তিনি একটি সুবৃহৎ রথ প্রস্তুত করাইয়া বহুব্যয়ে তাহা প্রতিষ্ঠা করিয়াছিলেন। অধিকন্তু নিজব্যয়ে একটি ইংরাজী বিদ্যালয় ও হাঁসপাতাল স্থাপন করিয়া যান। তিনি অস্ত্রাস্ত্র স্থানের বিদ্যালয়, ঔষধালয়, সংস্কৃত চতুষ্পাঠী এবং শিল্প বিদ্যালয়ের সাহায্য প্রদান করিয়া উৎসাহিত করিতেন। তিনি ঋণের জন্ত হুগলী জেলার

অন্তর্গত মণ্ডলঘাট পরগণা কলিকাতা কলুটোলার সুপ্রসিদ্ধ হীরালাল-শীলকে বিক্রয় করেন। তাঁহার তিন পুত্র ঈশ্বরপ্রসাদ, জ্যোতিঃপ্রসাদ ও রামপ্রসাদ গর্গ; তন্মধ্যে জ্যেষ্ঠ ও কনিষ্ঠ পুত্রদ্বয় পিতার জীবিতকালে ইহসংসার পরিত্যাগ করেন।

৩ জ্যোতিঃপ্রসাদ গর্গ।

লক্ষ্মণ প্রসাদের মৃত্যুর পর তাঁহার মধ্যম পুত্র জ্যোতিঃপ্রসাদ গর্গ রাজ্যাভিষিক্ত হন। তিনি কলিকাতার হিন্দু হোষ্টেল নির্মাণার্থ ২০,০০০ টাকা দিয়াছিলেন, তজ্জন্ত গবর্ণমেন্ট তাঁহার স্মৃতি রাখিয়া ১৮৯০ খৃঃ “রাজা” উপাধি সম্মানে সম্মানিত করেন। তিনি সমাজের কল্যাণকর কার্যে আত্মনিয়োগ করিতেন। পল্লীসমাজে তাঁহার প্রভূত মান সম্মান ও প্রতিপত্তি ছিল। তিনি সহৃদয় দানশীল, সদহুষ্ঠানরত ও পরোপকারী ব্যক্তি ছিলেন। তিনি পরিণত বয়সে পরলোক যাত্রা করিয়াছেন।

সতীশপ্রসাদ গর্গ।

জ্যোতিঃপ্রসাদের পরলোকান্তে তাঁহার পুত্র রাজা ত্রীযুক্ত সতীশ প্রসাদ গর্গ বাহাদুর মহিষাদল রাজ্য ভোগ করিতেছেন। ১৯০৩ খৃঃ ১০ই এপ্রেল বয়ঃপ্রাপ্ত হইয়া ইনি স্বহস্তে রাজ্যভার গ্রহণ করিয়াছেন। ১৯১৭ খৃঃ সতীশপ্রসাদ “রাজা” উপাধি প্রাপ্ত হন। ১৯১০ খৃঃ মহিষাদলরাজ্য স্বর্গীয় ভারত সম্রাট সপ্তম এডওয়ার্ডের স্বতিভাঙারে ২,৫০০ টাকা দান করেন। ১৯১৩ খৃঃ ৩রা জুন ভারতেশ্বর পঞ্চম জর্জ মহোদয়ের জন্মতিথি উপলক্ষে ইনি ব্যক্তিগত “রাজা বাহাদুর” উপাধি

লাভ করিয়াছেন। বঙ্গের জনপ্রিয় প্রথম গবর্ণর লর্ড কারমাইকেল বাহাদুর উক্ত বৎসর ২৫শে নবেম্বর কলিকাতার লাট ভবনে একটি দরবার করিয়া ইহাঁকে উপাধিসনন্দ প্রদান করেন; তৎকালে রাজা বাহাদুর একখানি তরবারি খেলাত প্রাপ্ত হইয়াছেন। ১৯১৩ খৃঃ ১৬ই আগষ্ট রাজা বাহাদুর মেদিনীপুর কলেজগৃহ নিম্মাণকল্পে ২৫,০০০ টাকা দান করেন। ইহাঁর প্রদত্ত অর্গে কলেজের রসায়ন শ্রেণীর জন্য একটি হল ও গৃহ নির্মিত হইয়াছে। ইনি বঙ্গীয় সাহিত্য পরিষদের স্থায়ী ভাণ্ডারে ৫,০০০ টাকা দান করিতে প্রতিশ্রুত হইয়াছেন। রাজা বাহাদুর মহিষাদলের দাতব্য হাসপাতাল ও একটি মধ্য ইংরাজী বিদ্যালয়ের সম্পূর্ণ ব্যয়ভার বহন করেন; তদ্ব্যতীত অন্যান্য কয়েকটি বিদ্যালয়ে মাসিক চাঁদা দিয়া থাকেন। ইনি একটি ধর্মশালা ও কয়েকটি ঠাকুর বাড়ীর সেবার ব্যয় নিরাক্ষ করেন। রাজা বাহাদুর মেদিনীপুর জেলার মধ্যে একজন প্রধান জমিদার। গবর্ণমেন্টের নিকট ইহাঁর প্রভূত সম্মান ও প্রতিপত্তি দৃষ্ট হয়। রাজা বাহাদুরের দুই পুত্র, তন্মধ্যে জ্যেষ্ঠ কুমার শ্রীশ্রু গোপাল প্রসাদ গর্গ বাহাদুর জমিদারীর তত্ত্বাবধান করিয়া থাকেন।

নাড়াজোল রাজবংশ ।

মেদিনীপুর জেলার অন্তর্গত নাড়াজোল রাজবংশ একটি প্রাচীন জমিদার বংশ । অতি প্রাচীন কালে মেদিনীপুর রাজবংশের জনৈক শাসনকর্তা রাজা সুরত সিংহ দিল্লীখর সম্রাট জাহাঙ্গীরের একজন সামরিক কর্মচারী ছিলেন । তিনি স্বীয় সেনাপতি লক্ষণ সিংহ কর্তৃক সিংহাসনচ্যুত হন । অতঃপর উড়িষ্যার জনৈক রাজা কর্তৃক নিহত হইয়াছিলেন ।

লক্ষণ সিংহের পর ক্রমান্বয়ে রাজা শ্যাম সিংহ, চুতরায় সিংহ, রঘুনাথ সিংহ, রাম সিংহ, যশমন্ত সিংহ এবং অর্জিত সিংহ মেদিনীপুর রাজ্য শাসন করিয়াছিলেন ।

৮ ত্রিলোচন খাঁ ।

রাজা অর্জিত সিংহ অপুলক অবস্থায় মৃত্যুকালে রাণী ভবানী ও রাণী শিরোমণি নামে দুই বিধবা পত্নী রাখিয়া যান । সেই সময় তাঁহাদের শ্বশুর যশমন্ত সিংহের একজন আত্মীয় রাণীদ্বয়ের বিরুদ্ধাচরণ করিলে তাঁহারা নাড়াজোলের সদগোপ জাতীয় জমিদার ত্রিলোচন খাঁ নামক এক ব্যক্তির সাহায্য প্রার্থনা করিতে বাধ্য হইয়াছিলেন । তিনি কৌশলে শাস্তিস্থাপন করিয়া রাণীদ্বয়ের ম্যানেজার পদে নিযুক্ত হন । সেই সময় একটি সর্ত্ত হয় যে রাণীদ্বয়ের অবর্ত্তমানে ত্রিলোচন খাঁ মেদিনীপুর রাজ্য প্রাপ্ত হইবেন । ১৭৬০ খৃঃ জ্যেষ্ঠা রাণী ভবানী ও ত্রিলোচন খাঁ উভয়ে লোকান্তরিত হইলে কনিষ্ঠা রাণী শিরোমণি বিষম সম্পত্তির একমাত্র অধিকারিণী হন ।

৬ সীতারাম খাঁ ।

অতঃপর রাণী শিরোমণি ত্রিলোচনের ভ্রাতুষ্পুত্র সীতারাম খাঁকে ম্যানেজার নিযুক্ত করিয়া জমিদারী পরিচালনের ভার দিয়াছিলেন । ১৭৮৪ খৃঃ সীতারাম খাঁ মানবলীলা সম্বরণ করেন । তাঁহার দুই পুত্র— আনন্দলাল ও মোহনলাল খাঁ ।

৭ আনন্দলাল খাঁ ।

অনন্তর সীতারামের জ্যেষ্ঠ পুত্র আনন্দলাল খাঁ বিষয় সম্পত্তির তত্ত্বাবধায়ক নিযুক্ত হন । তাঁহাকে রাণী শিরোমণি প্রতিপালন করিয়াছিলেন । বার্ষিকে রাণী শিরোমণি তাঁহার জমিদারী আনন্দলাল ও তদীয় কনিষ্ঠ ভ্রাতা মোহনলালকে দান করেন । ১৮১০ খৃঃ আনন্দলাল খাঁ পরলোকগত হন । তিনি নিঃসন্তান ছিলেন ।

৮ মোহনলাল খাঁ ।

তৎপরে আনন্দলালের কনিষ্ঠ ভ্রাতা মোহনলাল খাঁ রাজ্যাধিকার লাভ করেন । ১৮১২ খৃঃ অক্টোবর মাসে রাণী শিরোমণি গতান্ব হন । তাঁহার মৃত্যুর পর রাজা অর্জিত সিংহের জটনক জাতি কন্দর্প সিংহ বিষয় সম্পত্তির দাবী করিয়াছিলেন, কিন্তু ১৮১৭ খৃঃ ৬রা ডিসেম্বর তাঁহার দাবী বিলাতের প্রিভি কাউন্সিলের বিচারে অগ্রাহ হইয়াছিল । ১৮৩০ খৃঃ ফেব্রুয়ারী মাসে মোহনলাল খাঁ মৃত্যুমুখে পতিত হন ।

৮ অযোধ্যারাম খাঁ।

মোহনলালের পর তাঁহার জ্যেষ্ঠপুত্র অযোধ্যারাম খাঁ উত্তরাধিকারী হন। তাঁহার অপ্রাপ্ত ব্যবহার সময় বিষয় সম্পত্তি তদীয় মাতা ও বিমাতার মধ্যে দুইটি তুল্যাংশে বিভক্ত হয়। উহার এক ভাগ অযোধ্যারাম এবং অর্দ্ধাংশ তাঁহার দুই বৈমাত্রেয় ভ্রাতা প্রাপ্ত হইয়াছিলেন। ১৮৪১ খৃঃ অযোধ্যারাম বয়ঃপ্রাপ্ত হইয়া সমুদয় জমিদারী পাইবার জন্ত প্রার্থনা করেন ; কিন্তু ১৮৪৪ খৃঃ ৩০শে এপ্রেল তৎকালীন সদর দেওয়ানী আদালত হইতে অর্দ্ধেক জমিদারী প্রাপ্ত হন। তদনন্তর ১৮৬৭ খৃঃ সেপ্টেম্বর মাসে তিনি সমগ্র বিষয়ের অধিকারী হইয়াছিলেন। অধুনা মেদিনীপুর, দিকিয়াবাজার, মনোহরগড় ও বাহাছরপুর এই চারি ভাগে জমিদারী বিভক্ত হইয়াছে। অযোধ্যারাম একজন সহৃদয় ব্যক্তি ছিলেন। হিন্দুধর্মের তাঁহার আস্থা ছিল। তিনি মেদিনীপুর ইংরাজী বিদ্যালয়, সাধারণ পাঠাগার, দুর্ভিক্ষ ভাণ্ডার ও ঔষধালয় প্রভৃতিতে অর্থ সাহায্য করেন। ১৮৭৪ খৃঃ দুর্ভিক্ষের সময় প্রায় ৪০,০০০ টাকা প্রজাবৃন্দের খাজনা রেহাই দিয়াছিলেন। মেদিনীপুরের দুর্ভিক্ষ নিবারিণী কার্যের জন্ত কেশপুর হইতে জুলকা পর্য্যন্ত প্রায় ছয় মাইল দীর্ঘ একটি রাস্তা নির্মাণকল্পে বিনামূল্যে ভূমি দান করিয়াছিলেন। ১৮৭৯ খৃঃ ২৮শে জুন রাজা অযোধ্যারাম খাঁ রাজলীলা সম্বরণ করেন। তিনি মৃত্যুকালে কুমার মহেন্দ্রলাল ও উপেন্দ্রলাল খাঁ নামে দুইটি উপযুক্ত পুত্র রাখিয়া যান।

৯ মহেন্দ্রলাল খাঁ।

অযোধ্যারামের মৃত্যুর পর তাঁহার জ্যেষ্ঠ পুত্র মহেন্দ্রলাল খাঁ রাজাসন প্রাপ্ত হন। তাঁহার সময় জমিদারী সুশৃঙ্খলায় পরিচালিত হয়। তিনি

অবসগড়, কর্ণগড় এবং নাড়াজোল প্রভৃতির ঠাকুরবাড়ীতে ধর্মশালা স্থাপন করেন । তিনি গবর্ণমেন্টের নিকট সুখ্যাতি অর্জন করিয়াছিলেন । ১৯১৪ খৃঃ ২২ জুন মেদিনীপুর রাজবাড়ীতে তাঁহার পত্নী পরলোকগমন করিয়াছেন । তিনি গোপনে অনেক দরিদ্র লোককে দান করিতেন ।

নরেন্দ্রলাল খাঁ ।

মহেন্দ্রলালের পুত্র রাজা শ্রীযুক্ত নরেন্দ্রলাল খাঁ বাহাদুর অধুনা মেদিনীপুর ও নাড়াজোলের রাজপদে সমাসীন । ১৯১৩ খৃঃ ইনি মেদিনীপুর মিউনিসিপালিটির কমিশনার ছিলেন । নানাবিধ সদনুষ্ঠানে ইহার অনুরাগ দৃষ্ট হয় । রাজা বাহাদুর মেদিনীপুর সহরে জলের কল স্থাপনকালে এক লক্ষ টাকা দান করিতে প্রতিশ্রুত হইয়াছেন । ইনি নাড়াজোলে একটি ইংরাজী বিদ্যালয় স্থাপন করিয়াছেন । শিক্ষাবিস্তার ও স্বসমাজের সংস্কার করিতে রাজা বাহাদুর বিশেষ আগ্রহ প্রকাশ করিয়া থাকেন । বঙ্গীয় সাহিত্য পরিষদের স্থায়ী ভাণ্ডারে ইনি ১০০০ টাকা দান করিতে প্রতিশ্রুত হইয়াছেন । গবর্ণমেন্টের নিকট ইহার প্রতিষ্ঠা ও প্রতিপত্তি আছে ।

রাজা বাহাদুরের দুই পুত্র—কুমার শ্রীযুক্ত দেবেন্দ্রলাল ও শ্রীযুক্ত বিজয়লাল খাঁ বাহাদুর । ইহারা জনহিতৈষণার জন্ত সুখ্যাতি লাভ করিয়াছেন ।

ତୃତୀୟ ଅଂଶ ।

ରାଜସାହି ବିଭାଗ ।

পুঁটিয়া রাজবংশ ।

রাজসাহী বিভাগের মধ্যে পুঁটিয়া রাজবংশ অতি প্রাচীন ও প্রতিষ্ঠা-পন্ন । পুঁটিয়ার রাজগণ সিদ্ধপুরুষবংশ সম্ভূত ।

কথিত আছে, বৎসরাচার্য্য নামে জনৈক সার্বিক ব্রাহ্মণ পুঁটিয়াক্ষ একটি আশ্রম করিয়া ভগবত্পাসনা করিতেন । তৎকালে মুর্শিদাবাদের নবাব সরকারের লক্ষর খাঁ নামক একজন কর্মচারী দিল্লীশ্বরের নিকট হইতে লক্ষরপুর পরগণা জায়গীর প্রাপ্ত হন । তাঁহার মৃত্যুর পর উহা মুসলমান সরকারে বাজেয়াপ্ত হইয়াছিল । বাঙ্গালার রাজস্ব সংগ্রাহকগণ দিল্লীতে রাজস্ব প্রেরণ না করায় সম্রাট তাঁহাদের দমনার্থ একজন মুসলমান সেনাপতিকে মোগলবাহিনীসহ প্রেরণ করেন । তিনি বৎসরাচার্য্যের সহিত সাক্ষাৎ করিলে কৃষিকল্ল ব্রাহ্মণ তাঁহার অভিষ্ট বিষয়ে সাহায্য করিয়াছিলেন । অনন্তর বৎসরাচার্য্য পুরস্কারস্বরূপ পদ্মা নদীর তীরবর্তী লক্ষরপুর পরগণা জায়গীর প্রাপ্ত হন । বৎসরাচার্য্য বিষয় বাসনা রহিত ছিলেন, তিনি জমিদারীর উপর দৃষ্টিনিষ্ক্ষেপ করিতেন না । তাঁহার অনেকগুলি পুত্র সন্তান হইয়াছিল, তন্মধ্যে চতুর্থ পীতাম্বর ও পঞ্চম নীলাম্বর রায় ।

৬ পীতাম্বর রায় ।

বৎসরাচার্য্যের চতুর্থ পুত্র পীতাম্বর রায় একজন চতুর লোক ছিলেন । তিনি মোগল সম্রাটের অহুগ্রহভাজন হইয়া “রায়” উপাধিসহ পৈতৃক জমিদারী লক্ষরপুর পরগণা লাভ করেন ।

৬ নীলাশ্বর রায় ।

পীতাম্বরের মৃত্যুর পর তাঁহার কনিষ্ঠ ভ্রাতা নীলাশ্বর রায় এই সম্পত্তি প্রাপ্ত হন । তিনি জমিদারীর আয় কথঞ্চিৎ বৃদ্ধি করেন । নীলাশ্বর অহমিকাপূন্য আচরণ দ্বারা প্রজাপুঞ্জের অণয়ভাজন হইয়াছিলেন ।

৬ আনন্দচন্দ্র রায় ।

অনন্তর নীলাশ্বরের কনিষ্ঠ পুত্র আনন্দচন্দ্র রায় জমিদারী লাভ করেন । তিনি পিতার জীবিত কালে দিল্লীশ্বর কর্তৃক “রাজা” উপাধিতে ভূষিত হন । লর্ড কর্ণওয়ালিসের সময় তিনি এই বংশের প্রধান পুরুষ ছিলেন । তাঁহার সহিত লক্ষরপুর পরগণার চিরস্থায়ী বন্দোবস্ত হইয়া ১,৮৯,৫৯২ টাকা রাজস্ব নির্দ্ধারিত হয় ।

৬ রতীকান্ত রায় ।

অতঃপর আনন্দচন্দ্রের পুত্র রতীকান্ত রায় রাজ্যাধিকার প্রাপ্ত হন । তিনি কয়েকটি অসন্তোষকর কার্য্য করিয়া রাজা উপাধি লাভে বঞ্চিত হন ; কিন্তু সাধারণে তালুকদার উপাধিতে খ্যাত ছিলেন ।

৬ রামচন্দ্র রায় ।

রতীকান্তের পর তাঁহার পুত্র রামচন্দ্র রায় বিষয় সম্পত্তির উত্তরাধিকারী হন । তিনি ৬ রাধাগোবিন্দ জীউ নামে একটি বিগ্রহ প্রতিষ্ঠা করেন । রামচন্দ্র মৃত্যুকালে তিন পুত্র নরনারায়ণ, দর্পনারায়ণ ও জয়নারায়ণকে রাখিয়া যান ।

৩ নরনারায়ণ রায় ।

তৎপরে রামচন্দ্রের জ্যেষ্ঠ পুত্র নরনারায়ণ রায় এই বংশের প্রতিনিধি হন। তাঁহার সময় নাটোর রাজবংশের প্রতিষ্ঠাতা রঘুনন্দনের পিতা কামদেব মৈত্র বারুইহাটি পরগণার একজন তহশীলদার নিযুক্ত হন। নরনারায়ণ অভাবগ্রস্ত জনসমূহের অভাব মোচন করিতে যুক্ত হস্ত ছিলেন।

৩ দর্পনারায়ণ রায় ।

তদনন্তর রামচন্দ্রের মধ্যম পুত্র দর্পনারায়ণ রায় পুটিয়ার জমিদারী প্রাপ্ত হন। তাঁহার সময় নাটোরের রঘুনন্দন রায় সামান্য পূজারী ব্রাহ্মণ হইতে স্বীয় ধীশক্তিবলে মুর্শিদাবাদের নবাব দরবারে পুটিয়া-রাজের মোক্তার পদে উন্নীত হইয়াছিলেন। অতঃপর দর্পনারায়ণ নবাব মুর্শিদকুলি খাঁর প্রধান কাননগো পদে প্রতিষ্ঠিত হইয়া যোগ্যতা প্রকাশের অবসর প্রাপ্ত হন। তিনি ক্রমে দেওয়ান নিযুক্ত হইয়া রাজ্যের যাবতীয় আয় ব্যয়ে সম্পূর্ণ কর্তৃত্ব করিবার অধিকার লাভ করেন। তাঁহার যত্নে ও যোগ্যতার গুণে রাজ্যের আয় বৃদ্ধি হইয়াছিল। তিনি রাজস্ব সংক্রান্ত সুব্যবস্থা করিয়া সাধারণ প্রজাবর্গের শ্রদ্ধাভাজন হন। তিনি অতি কর্তব্যপরায়ণ ও সাধুপ্রকৃতি ছিলেন। তাঁহার প্রতিষ্ঠিত দেবালয়, অতিথিশালা প্রভৃতি অদ্যাপি বিদ্যমান আছে। দর্পনারায়ণ রায় অকালে কালগ্রাসে পতিত হইয়াছিলেন।

৩ জয়নারায়ণ রায় ।

রামচন্দ্রের কনিষ্ঠ পুত্র জয়নারায়ণ রায় বিশেষ খ্যাতি প্রতিপত্তি লাভ করিতে পারেন নাই । তিনি মৃত্যুকালে একমাত্র পুত্র রাজেন্দ্র-নারায়ণ রায়কে রাখিয়া যান ।

৩ রাজেন্দ্রনারায়ণ রায় ।

জয়নারায়ণের পুত্র রাজেন্দ্রনারায়ণ রায় কোনরূপ অত্যাচার কার্যের পক্ষপাতী ছিলেন না । তিনি সকল বিষয়ে গণ্যমাণ ও প্রসিদ্ধ লোক ছিলেন । হিন্দুর আচার ব্যবহার রক্ষার জন্য বিশেষ মনোযোগ করিতেন । প্রজাদিগের হিতসাধন করিবার চেষ্টা তাঁহার চরিত্রের প্রধান লক্ষণ ছিল । তিনি গবর্ণমেন্টের নিকট হইতে “রাজা বাহাদুর” উপাধি লাভ করেন ।

৩ যোগেন্দ্রনারায়ণ রায় ।

এই বংশের অন্যতম প্রতিনিধি যোগেন্দ্রনারায়ণ রায় ওয়ার্ডস্ ইন্সটিটিউসনে অধ্যয়ন করেন । ১৮০৭ খৃঃ তিনি ময়মনসিংহ জেলার অন্তর্গত পরগণা পুথুরিয়া, রাজসাহী জেলার অন্তঃপাতী পরগণা কালীগ্রাম ও কাজিহাটা, নদীয়া জেলার অন্তর্গত ভবানন্দদিহার এবং অন্যান্য ক্ষুদ্র ক্ষুদ্র জমিদারী ক্রয় করেন । তিনি উহা হইতে কিছু সম্পত্তি বারণসীমার সংকার্যের জন্য দান করিয়াছিলেন, অধিকন্তু তথায় একটি অতিথিশালা ও স্নান ঘাট নির্মাণ করাইয়াছেন । তিনি বিহারের অন্তর্গত ফাল্গু নদী তীরে আর একটি অতিথিশালা প্রতিষ্ঠা করেন ।

১৮০৯ খৃঃ যোগেন্দ্রনারায়ণ “রাজা” উপাধি প্রাপ্ত হন। ১৮১৬ খৃঃ ডিসেম্বর মাসে রাজা যোগেন্দ্রনারায়ণ ক্লম্ব অকালে মৃত্যুমুখে পতিত হইয়াছেন।

৬ শরৎসুন্দরী দেবী ।

যোগেন্দ্রনারায়ণের মৃত্যুর পর তাঁহার পত্নী শরৎসুন্দরী দেবী বিষয় সম্পত্তি প্রাপ্ত হন। তাঁহার পিতা ভৈরবনাথের তিনি একমাত্র সন্তান ছিলেন। পাঁচ বৎসর মাত্র বয়সে পুঁটিয়ার রাজা যোগেন্দ্রনারায়ণের সহিত শরৎসুন্দরীর বিবাহ হইয়াছিল। তিনি বাল্যকালে পিতৃদেবের অতিথি-শালায় প্রত্যহ ভোজ্য বিতরণ করিতেন। সেই সময় নানা শ্রেণীর হুঃস্থ ও অতুর লোকদিগের অবস্থা দেখিয়া হুঃস্থ মোচনের চেষ্টা মানব জীবনের একটি প্রধান কর্তব্য বুঝিয়াছিলেন। পঞ্চদশ মাত্র বয়সে তাঁহার স্বামীর অকাল মৃত্যু ঘটয়াছিল। বিধবা হইয়া তিনি বত উপাসনাদিতে ঘোরতর ব্রহ্মচর্যা আরম্ভ করেন। তিনি অতিশয় সরল ও বিলাসশূন্য ছিলেন। রাজকার্য্য পরিচালনা করিবার পর অনেক সময় জপে নিবিষ্টচিত্ত হইতেন। ১৮৬৫ খৃঃ বোড়শ বৎসর বয়সে তাঁহার হস্তে স্বামীর সম্পত্তির ভার অর্পিত হইয়াছিল। তিনি বিষয় সম্বন্ধীয় যাবতীয় কার্য্য চিকের অন্তরাল হইতে কর্ম্মচারীদিগের নিকট জ্ঞাত হইয়া দাসীর দ্বারা স্বীয় অভিমত প্রকাশ করিতেন। তিনি প্রধান প্রধান কর্ম্মচারীগণের পরামর্শ ব্যতীত কোন কার্য্য করিতেন না। কাহার নিষ্কর ভূমি বাজেয়াপ্ত করেন নাই; দীর্ঘকাল ভোগ দখলকেই উৎকৃষ্ট দলিল বলিয়া স্বীকার করিতেন। ১৮৬৫ খৃঃ পিতা ভৈরবনাথের সহিত গয়াধাম গমন করেন। অতঃপর বারাণসীধামের সমস্ত তাত্বে মথুরা, বৃন্দাবন প্রভৃতি দর্শনপূর্ব্বক পুনরায় কাশীধামে ও

হন। ১৮৬৬ খৃঃ তাঁহার পিতা ভৈরবনাথ মৃত্যুমুখে পতিত হইলে তিনি পিতৃদেবের সম্পত্তির প্রতিনিধি হইয়াছিলেন। শরৎসুন্দরী দাক্ষিণ্য ও দানশীলতার রাজবংশের মান ও আপনার ব্যক্তিগত মহত্ব অক্ষুণ্ণ রাখিয়াছিলেন। তাঁহার অকপট ব্যবহার ও সৌজন্যে সকলেই মুগ্ধ হইতেন। রাজা ভৈরবেন্দ্র নারায়ণ রায় নামক একজন অংশীদার দৈবাহুর্কিপাকে সমস্ত সম্পত্তি নষ্ট করেন; ভৈরবেন্দ্রনারায়ণ এবং তাঁহার পরিবারবর্গের তীর্থবাস ও ভরণপোষণের সমস্ত ভার শরৎসুন্দরী স্বেচ্ছায় বহন করিতে প্রবৃত্ত হন। কুমার গোপালেন্দ্র রায় নামক আর এক অংশীদারের সম্পত্তি কোর্ট অব ওয়ার্ডসের অধীন কালে উক্ত কুমারের বিবাহ উপলক্ষে কালেক্টার সাহেব বাহাদুর বিবাহের ব্যয় অতি অল্প মঞ্জুর করিলে শরৎসুন্দরী সেই বিবাহ উপলক্ষে ৬০০০ টাকা দান করেন; এতদ্ব্যতীত উক্ত কুমারের মাতৃশ্রদ্ধেও অর্থ সাহায্য করিয়াছিলেন। তিনি পুঁটিয়ায় একটি শিবমন্দির প্রতিষ্ঠা কালে পণ্ডিতগণকে নাথেরাজ ভূমি দান করেন। প্রতিবৎসর শীতকালে পণ্ডিতগণকে শীতবস্ত্র এবং বর্ষাকালে দরিদ্রদিগকে আহাশ করাইতেন। তিনি অনেক দাতব্যালয়ে এবং ভারতবর্ষের নানা প্রদেশের হুর্ভিক্ষ উপলক্ষে বহু অর্থ দান করিয়াছেন। প্রতিবৎসরে ৬ জগদ্ধাত্রী ও ৬ অন্নপূর্ণা পূজা উপলক্ষে ব্রাহ্মণ পণ্ডিতগণ ও দরিদ্রগণকে অর্থ দান করিতেন। তাঁহার অনন্ত চতুর্দশীর ব্রত প্রতিষ্ঠার সময় প্রায় ১৫,০০০ টাকা দান করেন। শাস্ত্র ব্যাখ্যা শ্রবণ করিয়া তাঁহার সংস্কৃতে ব্যুৎপত্তি হইয়াছিল। তিনি পুষ্করিণী খনন ও রাস্তা নির্মাণকল্পে বহু অর্থ ব্যয় করেন। রাজসাহীর ইংরাজী বিদ্যালয় কলেজে পরিণত হইলে, তিনি প্রাচীর ও রেলিং নির্মাণ জন্য ১০,০০০ টকা প্রদান করেন। ১৮৭৪ খৃঃ হুর্ভিক্ষের সময় বহু টাকার খাদ্য অতিহাই দিয়াছিলেন এবং প্রায় চারিমােস কাল প্রত্যাহ অসংখ্য আত্মা ক্ষুধা আহারীয় দ্রব্য ও নগদ টাকা দান করিতেন। পুঁটিয়া, বৃন্দাবন ও

কাশীধামে দেবালয় নির্মাণ এবং অন্নসত্রের জন্য বহু অর্থ ব্যয় করেন । ১৮৭৫ খৃঃ জাম্বারী মাসে তদীয় পোষাপুত্রের উপনয়ন উপলক্ষে ৩০,০০০ টাকা দান করিয়াছিলেন । ১৮৭৫ খৃঃ ১২ই মার্চ গবর্ণমেন্ট তাঁহার গুণের প্রশংসা করিয়া “রানী” উপাধি দিয়াছিলেন । ১৮৭৭ খৃঃ ১লা জাম্বারী রাজ্যে ভিক্টোরীয়ার “ভারত রাজরাজেশ্বরী” উপাধি গ্রহণ উপলক্ষে দিল্লীর দরবারে শরৎসুন্দরী “মহারানী” উপাধি সম্মানে বিভূষিতা হন । ১৮৮১ খৃঃ ৬ই মার্চ তাঁহার পোষ্য পুত্রের বিবাহ উপলক্ষে তিনি দেড় লক্ষ টাকার অধিক ব্যয় করেন ; তন্মধ্যে প্রায় ১,৩০,০০০ টাকা শাস্ত্রাধ্যাপক ব্রাহ্মণ ও দরিদ্রদিগকে বিতরণ হইয়াছিল । ১৮৮৩ খৃঃ ডিসেম্বর মাসে মহারানী শরৎসুন্দরী বারাণসীধামে গমন করেন । তিনি তথায় দুর্গোৎসব, বাসন্তী, অন্নপূর্ণ ও সরস্বতী পূজা মহাসমারোহে সমাপন করিয়াছিলেন । তিনি আট বৎসর মাত্র রাজ্য পরিচালনা করিয়া জমিদারীর বার্ষিক আয় বৃদ্ধি করেন । প্রায় দশ লক্ষ টাকার নূতন ভূসম্পত্তি ক্রয় ভিন্ন নগদ টাকা সঞ্চয় করিতে পারেন নাই । ১৮৮৬ খৃঃ ডিসেম্বর মাসে তিনি পুনরায় তীর্থযাত্রা করিয়াছিলেন । সেই সময় তাঁহার জননী দ্রবময়ীকে সমভিব্যাহারে লইয়া যান । তাঁহারা বিদ্যাচল, প্রয়াগ, অযোধ্যা, চিত্রকূট, ওকারেশ্বর, নর্মদেশ্বর, দণ্ডকারণ্য, নৈমিষারণ্য, পুষ্কর, কক্কলেক্স, হরিদ্বার, জালামুখী—এই স্থানে তাঁহার জননীর মৃত্যু হয়—মথুরা, বৃন্দাবন প্রভৃতি পরিভ্রমণ করিয়া ৮ বারাণসী-ধামে প্রত্যাগত হন । অতঃপর ১৮৮৭ খৃঃ ৮ই মার্চ ৩৮ বৎসর বয়সে পূণ্যভূমি কাশীধামে মহারানী শরৎসুন্দরী দেবী শিবত্ব প্রাপ্ত হইয়াছেন । তাঁহার সন্তানাদি না হওয়ার তিনি একটি পোষ্যপুত্র গ্রহণ করেন । মহারানীর জীবদ্দশায় তাঁহার দত্তক পুত্র অকালে মৃত্যুমুখে পতিত হইয়াছেন ।

হেমন্তকুমারী দেবী ।

মহারাজার দেহত্যাগ হইলে তাঁহার পুত্রবধু রাণী শ্রীমতী হেমন্ত-কুমারী দেবী বিষয় কার্য্য পরিচালনা করিতেছেন । ইনি দয়াদাক্ষিণ্যবতী ও লোকহিতৈষিনী রমণী । হিন্দু ধর্ম্মের গ্রন্থ পাঠে ইহার আগ্রহ পরিদৃষ্ট হয় । ইনি বহু লোকহিতকর কার্য্যের অনুষ্ঠান করেন । দেবমন্দির, ধর্ম্মশালা, রাজপথ নিৰ্ম্মাণ ও অন্যান্য সদনুষ্ঠানে ব্যয় করিয়া থাকেন । ১৯১২ খৃঃ ইনি মানিকগঞ্জ-ধূল্লা গ্রামে একটি দাতব্য চিকিৎসালয় স্থাপন জন্য গবর্ণমেন্টকে ২০,০০০ টাকা প্রদান করিয়াছেন । ১৯১২ খৃঃ মে মাসে টাকার নর্থক্লক লাইব্রেরীর গ্রন্থ ক্রয় জন্য ৫,০০০ টাকা দান করেন । ১৯১২ খৃঃ বারাণসীধামের হিন্দু বিশ্ববিদ্যালয়ে ১০,০০০ টাকা দিয়াছেন । ইনি বহু অর্থ বায়ে কাশীধামের দশাশ্রমেঘ ঘাটের সংলগ্ন প্রয়াগঘাট সুন্দররূপে সংস্কার করিয়া দিয়াছেন । ১৯১৩ খৃঃ ইনি পুরীধামে একটি মন্দির প্রতিষ্ঠা করিয়াছেন । পুঁটিয়ার পাঁচ আনির অধিকারিণী রাণী হেমন্তকুমারী সহদয়্যা, বুদ্ধিমতী ও সরল প্রকৃতির রমণী । ইহার মনে হিংসা ঘেঘ কখন স্থান পায় নাই । অসহায় দরিদ্রদিগকেও অর্থদানের পরিচয় পাওয়া যায় ।



নাটোর রাজবংশ ।

খৃষ্টীয় দশম শতাব্দীর প্রারম্ভে চন্দ্রবংশীয় হিন্দুরাজ আদিশূর কাশ্যকুজ হইতে পঞ্চজন সাম্রিক বেদজ্ঞ ব্রাহ্মণ বঙ্গদেশে আনয়ন করেন । বারেন্দ্র কুলজ্ঞদিগের মতে শাণ্ডীল্য গোত্রীয় নারায়ণ, কাশ্যপ গোত্রীয় সু্ষেণ, বাৎস্ত গোত্রীয় ধরাধর, ভরদ্বাজ গোত্রীয় গৌতম ও সাবর্ণ গোত্রীয় পরাশর এই পঞ্চজন ব্রাহ্মণ আগত হন । কুলজ্ঞগণ উক্ত পঞ্চজন ব্রাহ্মণ হইতেই বারেন্দ্র সমাজের সূচনা করেন । উল্লিখিত কাশ্যপ গোত্রীয় সু্ষেণ হইতেই নাটোর, তাহিরপুর, আলাপসিংহ ও ময়মনসিংহ প্রভৃতি প্রাচীন জমিদার-বংশের উৎপত্তি হইয়াছে ।

পূর্বোক্ত ব্রাহ্মণ পঞ্চের অন্ততম সু্ষেণের পুত্র ব্রহ্মা ওঝা—দক্ষ—পীতাম্বর—সাস্তুহু—হিরণ্যগর্ভ—ভূগর্ভ—বেদগর্ভ । ংতাহার পুত্র জিগনী একজন মহাসাধক ও পণ্ডিত ছিলেন । তিনি একনিষ্ঠা ও তপস্তাদির দ্বারা লোকসমাজে জিগনী মহামুণি নামে প্রসিদ্ধ হন । তিনি প্রতিষ্ঠার সহিত সংসারধর্ম সম্পাদন করিয়া বানপ্রস্থ অবলম্বনপূর্বক হিমাচলে জীবনের অবশিষ্টকাল তপস্তায় অতিবাহিত করিয়া তথায় দেহত্যাগ করিয়াছিলেন । জীগ্নী মহামুণির স্বর্ণরেখ ও ভবদেব নামে দুই পুত্র জন্মিয়াছিল । রাজা বল্লাল সেন ব্রাহ্মণগণের শ্রেণী বিভাগ সময় স্বর্ণরেখ বারেন্দ্রভূমে ছিলেন, কিন্তু ভবদেব রাঢ়দেশীয় ব্রাহ্মণগণের সহিত মিলিত হন । স্বর্ণরেখের পুত্র সিন্ধু ওঝা । ংতাহার কৈতাই, মৈতাই ও গরুড় নামে তিন পুত্র ছিলেন । রাজা বল্লাল সেন ব্রাহ্মণগণের মধ্যে কোলীন্য মর্যাদা স্থাপনকালে বাস গ্রামের নামানুসারে কৈতাই ভাহুড়ী ও মৈতাই মৈত্র গাঞিসংজ্ঞা প্রাপ্ত হন । মৈত্র গ্রাম নাটোরের সন্নিকটে অবস্থিত ।

নাটোর রাজবংশ এবং ময়মনসিংহ পরগণার জমিদারবংশ এই মৈতাই মৈত্রে হইতে উদ্ভূত হইয়াছে। মৈতায়ের পুত্র স্থির। তৎপুত্র দৌয়া-চার্যের সময় বঙ্গরাজ্য মুসলমান কর্তৃক অধিকৃত হয়। দৌয়াচার্যের পুত্র মহানিধি আচার্য্য পরম পণ্ডিত ছিলেন। তাঁহার ভৃগু ও বৃহস্পতি নামে দুই পুত্র জন্মিয়াছিল। কনিষ্ঠ বৃহস্পতি ধীশক্তিসম্পন্ন সুপণ্ডিত ছিলেন। তাঁহার দুই পুত্র সোল ওঝা ও কুপ ওঝা উপাধ্যায়। তাঁহারা উভয়ে সাতটা ও মাঝগ্রাম নামক দুইটা সমাজ প্রতিষ্ঠা করেন। কুপ ওঝার তিন পুত্র—অম্বর ওঝা, কেশব ওঝা ও মাধব ওঝা। জ্যেষ্ঠ অম্বর ওঝা পিতার প্রতিষ্ঠিত সাতটা সমাজভুক্ত থাকেন, কিন্তু কেশব ওঝা ও মাধব ওঝা পৃথক স্থানে গমনপূর্ব্বক বিভিন্ন সমাজ প্রতিষ্ঠা করেন। কনিষ্ঠ মাধব ওঝা আচড়াতে সমাজ গঠন করিয়াছিলেন। ঢাকা জেলার অন্তর্গত সিতরার প্রসিদ্ধ ভট্টাচার্য্যবংশ এই মাধব ওঝা হইতে সমুদ্ভূত। মধ্যম কেশব ওঝা আঙ্গারো গ্রামে গিয়া স্থায়ী বাসস্থান স্থাপন করেন। তাঁহার জীবর ওঝা নামে একটি পুত্র জন্মিয়াছিল। জীবরের চারি পুত্র—শুধাই, সিধাই, বিভাই ও মিওয়াই। জ্যেষ্ঠ শুধাইয়ের পুত্র শঙ্করপাণি। তাঁহার তিন পুত্র—আদিত্য, শ্রীনিবাস ও রামনিতাই। মধ্যম শ্রীনিবাসের ছয় পুত্র—রামশরণ, ধর্জ্জটী, শিব, দিবাকর, ত্রিবিক্রম ও গৌরীধর। তদীয় চতুর্থ পুত্র দিবাকর হইতে নাটোর রাজবংশের শাখা বহির্গত হইয়াছে।

৬ কামদেব মৈত্র ।

দিবাকরের অধস্তন পুরুষ কামদেব মৈত্র নামক জনৈক ব্রাহ্মণ লঙ্করপুর পরগণার অন্তর্গত নাটোর মৌজায় বাস করিতেন। তিনি পুঁটিয়া রাজবংশের নরনারায়ণ রায়ের অধীনে বাকুইহাটীর একজন

তহশীলদার নিযুক্ত ছিলেন। কামদেব নবাব সরকার হইতে “রায়” উপাধি প্রাপ্ত হন। এই কামদেব রায় নাটোর রাজবংশের আদি পুরুষ। তাঁহার তিন পুত্র—রামজীবন, রঘুনন্দন ও বিষ্ণুরাম রায়। কনিষ্ঠ বিষ্ণুরাম পিতার জীবিতকালে গতাস্থ হইয়াছিলেন।

কামদেবের মধ্যম পুত্র রঘুনন্দন রায় বাঙ্গালার ইতিহাসে একজন প্রতিভাশালী শাস্ত্রবিশারদ বলিয়া পরিচিত। পুঁটিয়ার রাজা দর্পনারায়ণ রায় তাঁহাকে প্রথমতঃ আপন প্রতিনিধি নিযুক্ত করিয়া মুর্শিদাবাদের নবাব দরবারে রাখিয়াছিলেন। তিনি তথায় শীঘ্র মুসলমান আইনে অভিজ্ঞতা লাভ করিয়া নবাবের কাননগোর প্রিয়পাত্র হন। তৎপরে কাননগো তাঁহার কর্মদক্ষতা দেখিয়া আপনার অধীনে নায়েব-কাননগো পদে নিযুক্ত করেন। ক্রমে তাঁহার প্রতি এরূপ বিশ্বাস হইয়াছিল যে আপন মোহর পর্য্যন্ত রঘুনন্দনের নিকটে রাখিতেন। মুর্শিদাবাদের নবাব মুর্শিদকুলি খাঁ সেই সময় সরকারী রাজস্ব নষ্ট করিলে ১৭১২ খৃঃ দিল্লীখ্বর বাহাদুর সাহ তদপরাধে তাঁহাকে পদচ্যুত করিতে আদেশ দিয়াছিলেন। সেই অপমান নিবারণার্থ নবাব একটা কৃত্রিম জমা-খরচ প্রস্তুত করাইয়াছিলেন; কিন্তু কাননগো কোন কাগজে স্বাক্ষর ও মুদ্রাঙ্কন না করিলে সম্রাট উহা গ্রাহ্য করিতেন না। এই বিপদকালে রঘুনন্দন নবাবের মনোরঞ্জনার্থ সেই কাগজে কাননগোর মোহর মুদ্রিত করেন। পরিশেষে উহা দিল্লীখ্বরকে প্রেরিত হইলে তিনি তাহা গ্রাহ্য করিয়া নবাবের পদচ্যুতি রহিত করিয়াছিলেন। অতঃপর পুরস্কারস্বরূপ নবাব তাঁহাকে স্ববা বাঙ্গালার দেওয়ান পদে নিযুক্ত করিয়া “রায় রাইয়া” উপাধি প্রদান করেন। রঘুনন্দন অতি চতুর ও বুদ্ধিমান ছিলেন। নবাব দরবারে তাঁহার বিশেষ প্রতিপত্তি ছিল। নবাব মুর্শিদকুলি খাঁর অল্পগ্রহভাজন হইয়া রঘুনন্দন স্বীয় জ্যেষ্ঠ ভ্রাতা রামজীবনের নামে বিস্তর ভূসম্পত্তি গ্রহণ করেন। তিনি নিঃসন্তান ছিলেন।

৮ রামজীবন রায় ।

কামদেবের জ্যেষ্ঠ পুত্র রামজীবন রায় পুঁটিয়ার রাজাদিগের অধীনে নাটোরে বাসভবন নির্মাণ করিয়া রাজ্য শাসন আরম্ভ করেন। ১৭০৬ খৃঃ তিনি নবাব মুর্শিদকুলি খাঁর অমুকম্পায় দিল্লীখর আরঙ্গজীবের নিকট হইতে রাজদণ্ড, রাজছত্র প্রভৃতি ২২খানি খেলাতসহ “রাজা বাহাদুর” উপাধি প্রাপ্ত হইয়া নাটোরের রাজা বলিয়া প্রখ্যাত হন। ১৭০৮ খৃঃ পরগণা বানগাছির জমিদার গণেশরাম চৌধুরী যথা সময়ে রাজস্ব প্রদানে অক্ষম হইলে নবাব মুর্শিদকুলি খাঁ তাঁহাকে রাজ্যচ্যুত করিয়া রামজীবনকে বানগাছির জমিদারী প্রদান করেন। তৎকালে রাজসাহীতে উদিত নারায়ণ রায় নামে জনৈক জমিদার বাস করিতেন। তিনি রাজসাহীর রাজা ও নবাব দরবারের সর্বপ্রধান সামন্তরাজ বলিয়া পরিচিত ছিলেন। উদিতনারায়ণ মৃত্যুকালে নীলকণ্ঠ ও শ্রীকণ্ঠ নামে দুইটা অল্প বয়স্ক পুত্র রাখিয়া যান। ১৭১৪ খৃঃ নবাব মুর্শিদকুলি খাঁ রামজীবনকে ঐ রাজসাহী রাজ্য প্রদান করেন। রাজসাহী রাজ্য লাভ করিয়া রামজীবন “মহারাজা” উপাধি প্রাপ্ত হইয়া নবাব দরবারের সর্বপ্রধান সামন্তরাজের সম্মান প্রাপ্ত হন। ১৭২০ খৃঃ যশোহর জেলার অন্তর্গত মহম্মদপুরের স্বাধীন রাজা সীতারাম রায়ের পতন হইলে তাঁহার ভূষণা রাজ্য রামজীবন লাভ করেন। আত্মেদ্বী ও করতোয়া নদীর নিকটে সান্তোল নামে একটি রাজ্য ছিল। তাহার বাৎসরিক হই কোটি টাকা আদায় ছিল, তন্মধ্যে ৫২,৫৩,০০০ টাকা মুসলমান সরকারে রাজস্ব প্রদান করিতে হইত। সান্তোলপতি রাজা রামকৃষ্ণ রায় দীর্ঘকাল রাজ্য শাসন করিয়া ১৭২০ খৃঃ স্বর্গারোহণ করেন। হরিপুর—নিবাসী কলিকাতা হাইকোর্টের মাননীয় বিচারপতি শ্রীযুক্ত আশুতোষ চৌধুরী মহোদয়ের পূর্বপুরুষ দেওয়ান রামদেব চৌধুরী

সান্তোল রাজ্যের সর্বময় কর্তা ছিলেন । ১৭২১ খৃঃ রাণী শর্কাদী গভাক্স হইলে উত্তরাধিকারীহীন সান্তোল রাজ্য রামদেব চৌধুরীর সহায়তায় নাটোরাধিপতি রামজীবন রায়ের রাজ্যভুক্ত হয় । তৎপরে ক্রমে বহু পরগণা তাঁহার হস্তগত হইলে মহারাজ রামজীবন স্বরাজ্যে স্বাধীন নর-পতির ত্রায় সমুদয় ক্ষমতা পরিচালন করিবার অধিকার লাভ করেন । তিনি সৈন্ত রাখিবার অসুখমতি প্রাপ্ত হন, অধিকন্তু দেওয়ানী ও কোজদারী শাসনভার তাঁহার হস্তে শ্রান্ত হইয়াছিল । ১৭২৪ খৃঃ মহারাজ রামজীবনের একমাত্র পুত্র কুমার কালিকা প্রসাদ রায় সহসা কালগ্রাসে পতিত হন । গোড়ের শাসনকর্তাদিগের অধীনে সুবুদ্ধি, কেশব ও জগদানন্দ ভাট্টা নামে তিন ভ্রাতা উচ্চ রাজকার্যে নিযুক্ত ছিলেন । মুসলমান সরকার হইতে তাঁহারা “খাঁ” উপাধি প্রাপ্ত হন । কনিষ্ঠ জগদানন্দ খাঁর বৃদ্ধ-প্রপৌত্র পাচু রায়ের পুত্র রসিকচন্দ্র রায়, মহারাজ রামজীবনের সম-সাময়িক ব্যক্তি ছিলেন ; তাঁহার কনিষ্ঠ পুত্রকে নাটোরাধিপতি পোষা পুত্র গ্রহণ করেন । ১৭৩০ খৃঃ মহারাজ রামজীবন রায় প্রতিপত্তির সহিত রাজ্যশাসন করিয়া পরলোক গমন করিয়াছেন ।

৩ রামকান্ত রায় ।

রামজীবনের দেহান্তে ১৭৩০ খৃঃ তাঁহার পোষা পুত্র রামকান্ত রায় জমিদারী প্রাপ্ত হন । তখন রামকান্তের বয়ঃক্রম অষ্টাদশ বৎসর এবং তদীয় পত্নী ভবানী দেবীর বয়স পঞ্চদশবর্ষ মাত্র হইয়াছিল । ১৭৩৪ খৃঃ রামকান্ত স্বহস্তে রাজ্যভার গ্রহণ করেন । ১৭৩৭ খৃঃ বশোহর জেলার অন্তঃপাতী নলডাঙ্গার রাজা রঘুদেব দেবরায় রাজস্ব প্রদানে অক্ষম হইলে নবাব সজ্জাউদ্দৌলার আদেশে তাঁহার জমিদারী রামকান্তের হস্তে অর্পিত হয় । ক্রমে মহারাজ বিষয় কার্যে অত্যন্ত অমনোযোগী

হন । ভূতপূর্ব মহারাজ রামজীবনের সময়াবধি দয়ারাম রাষ্ট্র নামে এক ব্যক্তি রাজসরকারের দেওয়ান ছিলেন । মহারাজ রামকান্ত সজ্জিগণের কুপরামর্শে দেওয়ান দয়ারামকে পদচ্যুত করেন । অতঃপর ১৭৪২ খৃঃ দয়ারাম মুর্শিদাবাদ গমনপূর্ব্বক নবাব আলিবর্দী খাঁর নিকট রামকান্তের বিরুদ্ধে নানা প্রকার অভিযোগ করেন এবং সেই সময় নিয়মিত রাজস্ব না পাইয়া নবাব রামকান্তকে রাজ্যচ্যুত করিয়া তদীয় পিতৃব্য পুত্র দেবীপ্রসাদ রামকে জমিদারী দিয়াছিলেন । তৎপরে দয়ারাম রায় কতক গুলি সৈন্য লইয়া দেবীপ্রসাদের সহিত নাটোর রাজপুরী আক্রমণ করেন । সেই সময় মহারাজ রামকান্ত রায় গর্ভবতী রাণী ভবানীকে সঙ্গে লইয়া রাজপ্রাসাদ হইতে বহির্গত হইয়া নবাবের ধনরক্ষক মুর্শিদাবাদের সুপ্রসিদ্ধ ধনকুবের জগৎশেঠ কতেচাঁদের শরণাগত হন । জগৎশেঠের অনুগ্রহে কয়েক মাস পরে নবাব আলিবর্দী খাঁ পুনরায় মহারাজ রামকান্ত ও রাণী ভবানীকে স্বরাজ্যে প্রতিষ্ঠিত করেন । ১৭৪৬ খৃঃ মহারাজ রামকান্ত রায় গতাস্থ হন । রাজসাহী জেলার অন্তঃপাতী ছাতিন গ্রাম নিবাসী জনৈক ধনাঢ্য বারেন্দ্র ব্রাহ্মণ জমিদার আত্মারাম চৌধুরীর একমাত্র কন্যা ভবানী দেবীর সহিত মহারাজের বিবাহ হইয়াছিল । তখন ভবানী দেবীর বয়ঃক্রম অষ্টম বর্ষ মাত্র । তাঁহার দুই পুত্র ও একটি কন্যা হইয়াছিল । তদীয় জ্যেষ্ঠ পুত্র কুমার কাশীকান্ত রায় একাদশ মাসে এবং কনিষ্ঠ পুত্র অন্নপ্রাশনের পূর্ব্বে অকালে মৃত্যুমুখে পতিত হন । তৎপরে তারামণি নামে একটি কন্যা হইয়াছিল । যশোহর জেলার অন্তর্গত খাজুরা গ্রামের রঘুনন্দন লাহিড়ীর সহিত সপ্তম বর্ষ মাত্র বয়সে তারামণির শুভপরিণয় হয়, কিন্তু বিবাহের সাত দিন পরে তিনি বিধবা হইয়াছিলেন । অল্প বয়সে বিধবা হইয়া তারামণি জননীর সহিত থাকিয়া পুণ্যকার্যের অনুষ্ঠান করিতেন । তিনিও মাতার শ্রায় বড়নগরে একটি ৬ গোপাল মূর্তি প্রতিষ্ঠা করেন, তাহা অद्याপি বিদ্যমান আছে ।

৮ রাণী ভবানী ।

রামকান্তের পরলোকাশ্তে তাঁহার সহধর্মিণী বঙ্গবিখ্যাতা রাণী ভবানী দেবী দ্বাবিংশ বৎসর বয়সে উত্তরাধিকারিণী হন । ১৭৪৭ খৃঃ নবাব আলিবর্দী খাঁ তাঁহাকে সনন্দ প্রদান করেন । তৎকালে মহারাষ্ট্রদিগের উপদ্রবে প্রজাপুঞ্জকে রক্ষা করিবার জন্য তিনি নবাবের সহায়তা করিলে নবাব দরবারে রাণী ভবানীর নাম বিশেষ পরিচিত হইয়াছিল । সেই সময় তিনি বঙ্গের প্রধান ভূম্যধিকারিণী মধ্যে গণ্য হন । তাঁহার হস্তে প্রভূত ক্ষমতা হস্ত হয় । প্রজাগণের প্রাণদণ্ডাদি সর্ববিধ দণ্ডদেশের অধিকার প্রাপ্ত হইয়াছিলেন । তাঁহার সময় নাটোর রাজসরকারের বার্ষিক আয় দেড়কোটি টাকার উপর হইয়াছিল । নবাব সরকারের রাজস্ব সত্তর লক্ষ টাকা দিয়া তিনি অবশিষ্ট অর্থ সংকার্য্যে ব্যয় করিতেন । ১৭৫১ খৃঃ রাণী ভবানীর বিশেষ গোরবের অবস্থা হইয়াছিল । দিল্লীস্থর সম্রাট আরঙ্গজীবের কঠোর শাসনে কাশীধামের বিংশেশ্বরের আদি মন্দির, বেণিমাধবের মন্দির প্রভৃতি বহু হিন্দুমন্দির চূর্ণ হইলে রাণী ভবানী প্রভূত অর্থব্যয়ে কাশীধামের নুগোদ্ধার করেন । ১৭৫৩ খৃঃ তিনি কাশীধামে ভবানীশ্বর নামে এক ৮ শিবমূর্ত্তি প্রতিষ্ঠা করেন । তথাকার বিখ্যাত হুর্গাবাড়ী ও হুর্গাকুণ্ড তাঁহার ব্যয়ে নিৰ্ম্মিত হইয়াছে । হুর্গাকুণ্ডের সন্নিকট “কুরুক্ষেত্র তলাও” নামে একটি সরোবর খনন করাইয়াছিলেন । কাশীধামে তিনি অনেকগুলি বিগ্রহ স্থাপন করেন, তন্মধ্যে বিংশেশ্বর, দণ্ডপাণি, রাধাকৃষ্ণ, হুর্গা, অন্নপূর্ণা, তারা প্রভৃতি প্রধান ; এতদ্ভিন্ন প্রায় চারিশত প্রস্তরময় ক্ষুদ্র শিবমন্দির প্রতিষ্ঠিত হয় । তিনি তথায় অতিথিশালা স্থাপন করেন । কাশীধামের মধ্যে তিন শত বাটী বাসস্থান শূণ্য লোকদিগের জন্ত নিৰ্ম্মাণ করাইয়াছিলেন, তাহাতে বহু তীর্থবাসী বাস করিত । কাশীধামের চতুর্দিকে প্রায় পঞ্চ-

ক্ৰোশ ব্যাপিয়া নানা স্থানে, ছায়াতরু রোপণ এবং তাহার পার্শ্বে কূপ খনন ও একটি স্তম্ভ নির্মিত হয়। এতদ্ব্যতীত কাশীধামে তাঁহার অনেক কীর্তি আছে; তন্মধ্যে অন্নসত্র, সরোবর, স্থানঘাট, মন্দির, ধর্মশালা অদ্যাপি রাণী ভবানীর পুণ্য কীর্তি ঘোষণা করিতেছে। গম্মা-ধামেও তিনি অনেক সংকার্য্য ও দেবালয় স্থাপন করেন। তিনি অধিকাংশ সময় মূর্শিদাবাদ জেলার অন্তর্গত জাহ্নবী তীরবর্তী বড়নগর গ্রামে অবস্থিতি করিতেন। তথায় তাঁহার প্রতিষ্ঠিত অনেকগুলি মন্দির আছে। তিনি বড়নগরে ভবানীশ্বর মন্দির, রাজরাজেশ্বরী মূর্তি প্রভৃতি স্থাপন করেন, এতদ্ভিন্ন অতিথিশালা ও আখড়া স্থাপিত হইয়াছিল। তাঁহার জন্মস্থানের উপর একটি মন্দির নির্মাণ করাইয়া স্বীয় জননী জয়হুর্গা দেবীর নামে একটি বিগ্রহ প্রতিষ্ঠা করেন। জয়হুর্গার পূজার জন্ত পার্শ্ববর্তী ভূসম্পত্তি দান করিয়া যান। রাজসাহী জেলায় ও নাটোর রাজধানীতে তিনি অনেক দেবালয় ও পুণ্যকীর্তি করেন; বিশেষতঃ এই জেলাতে অনেক নাথেরাজ ও ব্রাহ্মোত্তর দিয়াছিলেন। স্বীয় জমিদারীর মধ্যে ব্রাহ্মণ কন্ডার বিবাহ উপস্থিত হইলে কন্ডাদায়ের সমুদয় ব্যয় নাটোর রাজসরকার হইতে প্রদত্ত হইত। তিনি রাজ্যের রোগীদিগের চিকিৎসার জন্ত কবিরাজ ও হাকিম নিযুক্ত করেন। ১৭৭০ খৃঃ বঙ্গদেশে এক ভীষণ দুর্ভিক্ষ উপস্থিত হইয়াছিল, ইহাই “ছিয়াত্তরের মন্বন্তর” নামে পরিচিত; সেই সময় তিনি প্রজার কষ্ট নিবারণার্থ যথাসাধ্য চেষ্টা করিয়াছিলেন। ব্রাহ্মণ, গঙ্গাবাসী, আখড়া-ধারী, মহাস্ত ও অতিথিদিগের জন্ত প্রতি বৎসর একলক্ষ আশী হাজার টাকা দানাদি বৃত্তি ছিল, তন্মধ্যে পচিশ হাজার টাকা অধ্যাপক ও পণ্ডিতগণকে প্রদত্ত হইত। এই বৃত্তি চিরস্থায়ী জন্ত তিনি ১৭৮৮ খৃঃ হইতে কোম্পানীর ভাণ্ডারে প্রতিবৎসর অষ্টাদশ সহস্র মুদ্রা দাখিল করিতেন। তিনি স্বীয় অধিকারস্থ বীরভূম, রাজসাহী, দিনাজপুর,

রংপুর, মুর্শিদাবাদ, যশোহর, ঢাকা প্রভৃতি জেলার ব্রাহ্মণ, ক্ষত্রিয়, বৈশ্য ও শূদ্র এই চতুর্ভুজকে বার্ষিক প্রায় দুই লক্ষ টাকা আয়ের নৃত্যাদিক পাঁচলক্ষ বিঘা ভূমি দান করেন। সেই সকল ভূমির রাজস্ব ছিল না, কিন্তু অধুনা গবর্ণমেন্ট অনেক ভূমির খাজানা ধার্য্য ও অনেকের বৃত্তি লোপ করিয়াছেন। রাণী ভবানী স্বদেশের কল্যাণ কামনায় বহু সদনুষ্ঠান করেন; অধিকন্তু লোকহিতকর ব্রতে মুক্ত হস্তে পঞ্চাশ কোটির উপর অর্থ ব্যয় করিয়া অক্ষয় কীর্ত্তি রাখিয়া গিয়াছেন। তাঁহার দান যে রূপ অদ্বিতীয় সম্মান ও তদ্রূপ ছিল। হিন্দু মুসলমান সকলেই তাঁহাকে অতিশয় সম্মান করিতেন। অর্দ্ধ বঙ্গবাসী রাজসাহী রাজ্যের অধিস্থারী হইয়াও স্বামীর মৃত্যুর পর তিনি কঠোর ব্রহ্মচর্য্য ব্রত অবলম্বন করেন। সেই সময় হইতেই তিনি পরার্থে আত্মোৎসর্গ করিয়াছিলেন। ১৭৮০ খৃঃ রংপুর জেলার অন্তর্গত প্রসিদ্ধ “বাহার বন্দ” পরগণা ওয়ারেন্ হেস্টিংস্ সাহেব অস্ত্রায়ত্নপূর্ব্বক রাণী ভবানীর অধিকার হইতে গ্রহণ করিয়া মুর্শিদাবাদ জেলার অন্তর্গত কাশীমবাজার রাজবংশের প্রতিষ্ঠাতা কান্ত রাবুকে প্রদান করেন। হেস্টিংসের ব্যবহারে মর্ম্ম পীড়িত হইয়া রাণী ভবানী তাঁহার গোষ্য পুত্র রামকৃষ্ণের হস্তে রাজ্যভার অর্পণ করিয়া বড়নগরে গিয়া গঙ্গাবাস আশ্রয় করেন। অতঃপর ১৮০৩ খৃঃ মাঘী পূর্ণিমার দিবস অর্দ্ধবঙ্গাধিকারিণী নাটোরাধিস্থারী রাণী ভবানী সগৌরবে অর্দ্ধশতাব্দীকাল দক্ষতার সহিত রাজকাৰ্য্য পরিচালনাপূর্ব্বক অমরধানে গমন করিয়াছেন। তাঁহার পুত্র সন্তান না থাকায় জামাতার পরলোকান্তে স্বামীর অনুমত্যানুসারে রামকৃষ্ণ রায় নামক একটি বালককে গোষ্যপুত্র গ্রহণ করিয়াছিলেন।

৬ রামকৃষ্ণ রায়।

রাণী ভবানী লোকান্তরিতা হইলে তাঁহার পোষ্যপুত্র মহাসাধক রামকৃষ্ণ রায় বিষয় সম্পত্তির উত্তরাধিকারী হন। ১৭৯০ খৃঃ তিনি মোগল সম্রাট সাহ আলমের নিকট হইতে “মহারাজাধিরাজ পৃথ্বীপতি বাহাদুর”, রাজোপাধি লাভ করেন। তিনি জমিদারীর কার্য কিছুই দেখিতেন না, তজ্জন্ত তাঁহার সময় হইতেই নাটোর রাজবংশের অধঃপতনের সূত্রপাত হয়। তিনি যে সকল পুরাতন কৰ্ম্মচারীদিগকে জমিদারী পরিচালনার ভার দিয়াছিলেন, তাঁহারা সেই সকল বিষয় কোশলে আপনারা গ্রাস করেন। ১৭৯৩ খৃঃ লর্ড কর্ণওয়ালিসের সময় বঙ্গ-বিহার-উড়িষ্যা চিরস্থায়ী বন্দোবস্তের প্রচলন হইলে ভূস্বামীবৃন্দের বার্ষিক রাজস্ব নির্ধারিত হইয়াছিল। তাহার ফলে, নাটোরাদিপতির অনেক ভূপম্পত্তি হস্তান্তর হইয়া যায়। যশোহর-নড়াইলের কালীশঙ্কর রায় এবং দীঘাপাতিয়ার দয়ারাম রায় উভয়ে নাটোররাজের দেওয়ান ছিলেন। রাজস্ব বাকী হইয়া নাটোররাজের পরগণা বিক্রয় হইতে আরম্ভ হইলে তাঁহারা কয়েকটি পরগণা নীলামে ক্রয় করেন। তৎপরে অনেকগুলি বিষয় খণ্ড খণ্ড হইয়া বিক্রয় হয়। সেই সময় চকিশ-পরগণার অন্তর্গত গোবরডাঙ্গার খেলারাম মুখোপাধ্যায় আড়পাড়া, পাথুরিয়াঘাটার গোপীমোহন ঠাকুর ডিহি খনেশপুর ও স্বরূপপুর, পাইকপাড়ার দেওয়ান গঙ্গাগোবিন্দ সিংহ নলদী পরগণা ক্রয় করেন। মহারাজ রামকৃষ্ণের বিষয়বাসনা ছিল না। তিনি যোগী, তাপসিক, বিষয় বিরাগী ও আত্মত্যাগী মহাপুরুষ ছিলেন, তজ্জন্ত প্রবলপ্রতাপ ভূপতি বলিয়া প্রসিদ্ধি লাভ করিতে পারেন নাই। ১৭৯৫ খৃঃ রাণী ভবানীর জীবিত কালে মহারাজাধিরাজ পৃথ্বীপতি রামকৃষ্ণ রায় বাহাদুর মানবদেহ পরিত্যাগ করেন। মহারাজের দুই পুত্র—বিশ্বনাথ ও শিবনাথ

রায় । তাঁহাদের বংশধরগণ যথাক্রমে “বড় তরফ” ও “ছোট তরফ” নামে নাটোর রাজবংশের প্রতিনিধিস্বরূপ বিদ্যমান ।

৬ বিশ্বনাথ রায় ।

মহারাজ রামকৃষ্ণের জ্যেষ্ঠ পুত্র রাজা বিশ্বনাথ রায় যে জমিদারীর অংশ প্রাপ্ত হন তাহার রাজস্ব আঠার লক্ষ টাকা ছিল । তিনি অপুলক থাকায় তাঁহার পত্নী কৃষ্ণমণি, গোবিন্দচন্দ্র রায়কে পোষ্যপুত্র গ্রহণ করেন ।

৬ গোবিন্দচন্দ্র রায় ।

বিশ্বনাথের দত্তক পুত্র রাজা গোবিন্দচন্দ্র রায় স্যাবালক হইবার পর কয়েক বৎসর মাত্র জীবিত ছিলেন । তিনি যশ ও প্রতিপত্তির সহিত জীবনের কর্তব্য কার্য সম্পাদন করিয়া নিঃসন্তান অবস্থায় ইহলোক পরিত্যাগ করেন । তিনি গতাস্থ হইলে তাঁহার বিধবা পত্নী শিবেশ্বরী দেবী, গোবিন্দনাথকে পোষ্যপুত্র গ্রহণ করেন ।

৬ গোবিন্দনাথ রায় ।

গোবিন্দচন্দ্রের দত্তক পুত্র রাজা গোবিন্দনাথ রায় বিবিধ রাজ্যোচিত গুণে ভূষিত ছিলেন । তিনি বিলক্ষণ চতুর ও বিষয় কার্যে নিপুণ ছিলেন । তাঁহার কার্যকলাপ সমারোহের সহিত সম্পন্ন হইত । তিনি অপুলক অবস্থায় তত্ত্ব্যগ করিলে তাঁহার বিধবা পত্নী জগদিস্ত্রনাথকে পোষ্য

পুত্র গ্রহণ করেন। ১৯১২ খৃঃ ২রা সেপ্টেম্বর ৬৫ বৎসর বয়সে নাটোরের বৃদ্ধারাগী পরলোকগমন করিয়াছেন।

জগদিন্দ্রনাথ রায়।

গোবিন্দনাথের দত্তক পুত্র মাননীয় মহারাজ শ্রীযুক্ত জগদিন্দ্রনাথ রায় এক্ষণে নাটোরের বড় তরফের রাজপদে সমাসীন। ১৮৭৭ খৃঃ ১লা জানুয়ারী ইনি “মহারাজা” উপাধি সম্মান প্রাপ্ত হইয়াছেন। বশোহর-মহম্মদপুরের স্বাধীন রাজা সীতারাম রায়ের রাজধানীতে অনেক-গুলি বিগ্রহ প্রতিষ্ঠিত আছেন, সেই সকল দেবতার জন্ত তিনি যে নিকর ভূসম্পত্তি দান করিয়া যান, তাহা অদ্যাপি রহিয়াছে। মহারাজ জগদিন্দ্রনাথ সেবাইতরূপে সেই সকল সম্পত্তি প্রাপ্ত হইয়া দেবসেবা পরিচালনা করিতেছেন। ১৯১০ খৃঃ মহারাজ পূর্ববঙ্গের ছোট লাটের ব্যবস্থাপক সভার সভ্য মনোনীত হন। ১৯১১ খৃঃ কলিকাতায় ভারতসম্রাট ও রাজকীয় অভ্যর্থনা আয়োজনকল্পে চাঁদায় যে অর্থ সংগ্রহ হয়, তাহাতে মহারাজ ২৫০০ টাকা দান করেন। ১৯১১ খৃঃ ১২ই ডিসেম্বর দিল্লীর বিরাট অভিষেক দরবারে “পূর্ববঙ্গ ও আসাম” গবর্ণমেন্ট কর্তৃক নিমন্ত্রিত হন। ১৯১২ খৃঃ ৪ঠা জানুয়ারী কলিকাতার লাটভবনে ভারতেশ্বর মহামাণ্ড পঞ্চম জর্জ মহোদয় ও তদীয় মহিষীর এক সভা হইয়াছিল, তৎকালে সেই রাজকীয় অভ্যর্থনা সমিতির সম্পাদক মুর্শিদাবাদের নবাব বাহাদুর মহারাজকে সম্রাটসকাশে যথারীতি পরিচিত করেন। ১৯১৩ খৃঃ রাজসাহী বিভাগের জমিদারবৃন্দের পক্ষ হইতে মহারাজ বঙ্গীয় ব্যবস্থাপক সভার সদস্য নিযুক্ত হন। ১৯১৪ খৃঃ মহারাজ পাবনার এডওয়ার্ড কলেজ ফণ্ডে ৫০০ টাকা দান করিয়াছেন। বঙ্গ-সাহিত্যে ইহার বিশেষ অনুরাগ দৃষ্ট হয়। ইনি মধ্যে মধ্যে সাময়িক

পত্রিকায় প্রবন্ধ ও কবিতা প্রকাশ করিয়া থাকেন। মহারাজ “মানসী” নামী একখানি মাসিক পত্রিকার সম্পাদনভার গ্রহণ করিয়াছেন। ১৯১৪ খৃঃ মার্চ মাসে পাবনা সহরে বঙ্গীয় সাহিত্য সম্মিলনীর অধিবেশনে বারেন্দ্রভূমির বরেন্দ্র মহারাজ সভাপতির আসন অলঙ্কৃত করেন এবং কলিকাতা হাইকোর্টের মাননীয় বিচারপতি শ্রীযুক্ত আশুতোষ চৌধুরী মহোদয় অভিযর্থনা সমিতির সভাপতি হইয়াছিলেন। মহারাজের ক্ষুদ্র ক্ষুদ্র দানের পরিচয় পাওয়া যায়। ইনি নানা প্রকার সংকার্যে সহায়-ভূতি প্রকাশ করিয়া থাকেন। জনসাধারণের মধ্যে ও গবর্ণমেন্টের নিকট মহারাজের প্রতিপত্তি ও সম্মান দৃষ্ট হয়। মহারাজ বাহাছরের একটি পুত্র ও কন্যা হইয়াছে।

মহারাজের একমাত্র পুত্র কুমার শ্রীযুক্ত যোগেন্দ্রনাথ রায় বিষয় সম্পত্তির তত্ত্বাবধান করিয়া থাকেন। ১৯১৪ খৃঃ ৬ই মে কুমার বাহাছরের সহিত শান্তিপুর-নিবাসী শ্রীযুক্ত মনোরঞ্জন বাগচীর কন্যা শ্রীমতী শান্তিলতা দেবীর শুভপরিণয় হইয়াছে।

৬ শিবনাথ রায় ।

মহারাজ রামকৃষ্ণের কনিষ্ঠ পুত্র রাজা শিবনাথ রায় সকল দেবোত্তর ও নিষ্কর জমিদারী প্রাপ্ত হন। তাহার আয় নয় লক্ষ টাকা ছিল। তাঁহার সম্মানাদি না হওয়ায় বিধবা পত্নী আনন্দনাথকে পোষা পুত্র গ্রহণ করেন।

৬ আনন্দনাথ রায় ।

শিবনাথের দত্তক পুত্র রাজা আনন্দনাথ রায় দানের জ্ঞাত প্রসিদ্ধ ছিলেন। ১৮৪৭ খৃঃ তিনি তাঁহার পিতামহের উপাধি প্রাপ্তির জ্ঞাত

গবর্ণমেন্টের নিকট আবেদন করিয়া নিফল হন। অতঃপর ১৮৬৬ খৃঃ জুন-মাসে গবর্ণমেন্ট তাঁহাকে “সি-এস-আই” উপাধি প্রদান করেন। তাহার কিয়দ্বিধ পরে তিনি “রাজা বাহাদুর” উপাধি প্রাপ্ত হন। তিনি রাজসাহীতে একটি বৃহৎ পাঠাগার প্রতিষ্ঠা এবং অসংখ্য নানা প্রকার সদহুষ্ঠান করিয়া বিশেষ সুখ্যাতি লাভ করেন। ১৮৬৭ খৃঃ রাজা আনন্দনাথ রায় বাহাদুর লোকান্তরিত হইয়াছেন। তিনি মৃত্যুকালে কুমার চন্দ্রনাথ, কুমুদনাথ, নগেন্দ্রনাথ ও যোগেন্দ্রনাথ রায় নামে চারি পুত্র রাখিয়া যান।

৩ চন্দ্রনাথ রায় ।

আনন্দনাথের জ্যেষ্ঠ পুত্র রাজা চন্দ্রনাথ রায় বাহাদুর বিশেষ খ্যাতি লাভ করিয়াছিলেন। ১৮৬৯ খৃঃ তিনি গবর্ণমেন্টের নিকট হইতে “রাজা বাহাদুর” উপাধি লাভ করেন। চন্দ্রনাথ নানা প্রকার সদহুষ্ঠান ও দানধর্ম্মে বহু অর্থ ব্যয় করিয়া গিয়াছেন। তিনি রামপুর-বোয়ালিয়ায় একটি জ্ঞান-বিদ্যালয় প্রতিষ্ঠা করিয়া বাৎসরিক ১৫০০ টাকা ব্যয়ভার বহন করিতেন। রাজা বাহাদুর সংস্কৃত ভাষার অনুরাগী ও উৎসাহদাতা ছিলেন; তাঁহার ব্যয়ে নদীয়া ও বারাণসীতে বহু ছাত্র সংস্কৃত অধ্যয়ন করিতেন। রাজা চন্দ্রনাথ রায় বাহাদুর নয় বৎসর রাজ্যভোগ করিয়া নিঃসন্তান অবস্থায় ইহলোক পরিত্যাগ করেন। রাজা বাহাদুরের দুইটা ভ্রাতা কুমুদনাথ ও নগেন্দ্রনাথ তাঁহার জীবিতকালে অপ্রতুলক অবস্থায় মৃত্যুমুখে পতিত হইলে সমুদয় সম্পত্তি তদীয় কনিষ্ঠ সহোদর যোগেন্দ্রনাথ রায় প্রাপ্ত হন।

৬ যোগেন্দ্রনাথ রায় ।

আনন্দনাথের কনিষ্ঠ পুত্র রাজা যোগেন্দ্রনাথ রায় সুশিক্ষিত, বুদ্ধিমান ও প্রতিভাশালী জমিদার ছিলেন। তিনি বিপ্লবের ছুঁত মৌচন জন্ত নীরবে দান করিতেন। স্বধর্ম্মে তাঁহার বিশেষ অনুরাগ ছিল। গবর্ণ-মেন্টের নিকট তিনি যথোচিত সমাদর প্রাপ্ত হইতেন। ১৯০১ খৃঃ ১৮ই আগষ্ট রাজা যোগেন্দ্রনাথ রায় লোকান্তর গমন করিয়াছেন।

রানী শ্রীমতী হেমাসিনী দেবীর সদমুষ্ঠানের বিশেষ পরিচয় পাওয়া যায়। নাটোরের ছোট তরফের দেবসেবার ব্যবস্থা ইঁহার তত্ত্বাবধানে সুশৃঙ্খলায় চলিতেছে; ইহাতে বার্ষিক প্রায় এক লক্ষ টাকা ব্যয় হয়। রাণীর শাস্ত্রে প্রগাঢ় বিশ্বাস আছে; সংস্কৃত শিক্ষার উন্নতিকল্পে ইঁহার অনুরাগ দৃষ্ট হয়। ইনি একটি চতুষ্পাঠী প্রতিষ্ঠা করিয়াছেন, এতদ্ভিন্ন দরিদ্র ছাত্রবৃন্দের বিদ্যাদান করিয়া থাকেন। প্রজাগণের হিতসাধনে ইঁহার বিশেষ যত্ন আছে। ইনি মঙ্গলপাড়া গ্রামে একটি দাতব্য চিকিৎসালয় প্রতিষ্ঠা করিয়াছেন। কতিপয় পল্লীগ্রামের জলাভাব মৌচন জন্ত ইঁহার ব্যয়ে সুটকিগাছা গ্রামে একটি বৃহৎ পুষ্করিণী খনন হইয়াছে। ইনি নাটোরের নারদ নদের উপর একটি লৌহ সেতু নির্মাণ করাইয়া দিয়াছেন। ১৯১১ খৃঃ ১২ই ডিসেম্বর ভারতেশ্বর ও তৎপত্নীর অভিষেক দিবসে ইনি বহু দীন দরিদ্রকে আহার ও শীতবস্ত্র প্রদান করেন।

রাজা যোগেন্দ্রনাথের পুত্র কুমার শ্রীযুক্ত যতীন্দ্রনাথ রায় দেশের নানাবিধ সংকার্য্যে সহানুভূতি প্রকাশ করিয়া থাকেন।

যতীন্দ্রনাথের পুত্র কুমার শ্রীযুক্ত বীরেন্দ্রনাথ রায় একজন সম্ভ্রান্ত ও কৃতবিদ্য ব্যক্তি। গবর্ণমেন্টের নিকট ইঁহার সুখ্যাতি আছে।

দীঘাপাতিয়া রাজবংশ ।

রাজসাহী জেলার অন্তর্গত দীঘাপাতিয়া রাজবংশ একটি প্রাচীন জমিদারবংশ । নাটোর রাজবংশের পতন সময় এই বংশের অভ্যুদয় হইয়াছে । ইহারা জাতিতে তিলি ।

৬ দয়ারাম রায় ।

এই রাজবংশের প্রতিষ্ঠাতা দয়ারাম রায় প্রথমতঃ নাটোরের মহারাজ রামজীবন রায়ের অধীনে একজন সামান্য কর্মচারী নিযুক্ত হন ; তৎপরে তিনি স্বীয় প্রতিভা ও কার্যদক্ষতাগুণে দেওয়ান পদে উন্নীত হইয়াছিলেন । তিনি রামজীবনের সময় হইতে রাণী ভবানীর সময় পর্য্যন্ত নাটোর রাজসরকারের দেওয়ান পদে কার্য্য করিয়া প্রভূত অর্থার্জন করেন । দয়ারাম নাটোর রাজভবনে বিশেষ সম্মান প্রাপ্ত হইতেন । মুর্শিদাবাদের নবাব দরবারেও তাঁহার প্রভূত প্রতিপত্তি ছিল । যশোহর জেলার অন্তর্গত মহম্মদপুরের স্বাধীন রাজা সীতারাম রায়কে বন্দী করিবার সময় তিনি মুর্শিদাবাদের নবাব মুর্শিদকুলি খাঁকে বিশেষ সাহায্য করেন ; অতঃপর সেই কার্য্যের পুরস্কারস্বরূপ নবাব তাঁহাকে “রায় রাইয়ান” উপাধি দিয়াছিলেন । নাটোরের মহারাজ রামকৃষ্ণ রায়ের জমিদারী রাজস্ব দায়ে বিক্রয় হইবার সময় দয়ারাম সাহ-উজিয়াল প্রভৃতি পরগণা নিলামে ক্রয় করিয়াছিলেন । তিনি সংস্কৃত ভাষার অল্পরাগী ও উৎসাহদাতা ছিলেন, অধিকন্তু রাজসাহীতে একটি চতুষ্পাঠী প্রতিষ্ঠা করেন । তিনি দীঘাপাতিয়া রাজবাটীতে ৬ কৃষ্ণজীউ, ৬ গোবিন্দজীউ

ও ৬ গোপালজীউ নামে বিগ্রহ স্থাপন করিয়া তাঁহাদের সেবার জন্য ভূসম্পত্তি দান করিয়াছিলেন। তিনি স্বীয় জমিদারীর মধ্যে অনেকগুলি সরোবর খনন এবং রাজবাটীতে একটি মঠ প্রতিষ্ঠা করেন। দয়ারাম রায় বুদ্ধিমান, বিচক্ষণ ও ধর্মপরায়ণ লোক ছিলেন।

৬ জগন্নাথ রায় ।

দয়ারামের পর তাঁহার পুত্র জগন্নাথ রায় উত্তরাধিকার লাভ করেন। তিনি অল্প দিবস মাত্র বিষয় ভোগ করিয়া অকালে মৃত্যুমুখে পতিত হন। তৎকালে একমাত্র পুত্র প্রাণনাথ রায়কে রাখিয়া যান।

৬ প্রাণনাথ রায় ।

জগন্নাথের মৃত্যুর পর তদীয় পুত্র প্রাণনাথ রায় বিষয় সম্পত্তি প্রাপ্ত হন। তিনি পারিষদবর্ণে পরিবৃত হইয়া বিষয় কার্য পর্যালোচনা করিতেন। তাঁহার অদ্বৃত স্বার্থত্যাগ ও দৃঢ় প্রতিজ্ঞা দর্শনে সকলে বিশ্বাসপন্ন হইতেন। তিনি রাজ্যের মঙ্গল ও উন্নতি সাধন জন্য অতি দক্ষতার সহিত জমিদারী সংক্রান্ত যাবতীয় বিষয় পরিদর্শন করিতেন। তাঁহার সন্তানাদি না হওয়ায় বিষয় সম্পত্তি তদীয় পোষ্য পুত্র প্রসন্ননাথকে দিয়া যান।

৬ প্রসন্ননাথ রায় ।

প্রাণনাথের পরলোকাগ্তে তাঁহার দত্তক পুত্র প্রসন্ননাথ রায় উত্তরাধিকারী হন। তিনি প্রতিভাশালী ও বদান্ত পুরুষ ছিলেন। দীঘাপাতিয়া

হইতে বোয়ালিয়া পর্য্যন্ত একটি রাস্তা নির্মাণকল্পে তিনি গবর্ণমেন্টকে ৩৫০০০ টাকা দান করেন, অধিকন্তু ইহার সংস্কারার্থে বহু অর্থ দিয়া ছিলেন। তিনি দীবাপাতিয়ায় একটি ইংরাজী বিদ্যালয় এবং নাটোর ও বোয়ালিয়ায় হাঁসপাতাল প্রতিষ্ঠা করিয়া উহাদের পরিচালন জন্ত এক লক্ষ টাকা গবর্ণমেন্টকে দিয়া যান। তিনি বিবিধগুণের পরিচয় দিয়া ইংরাজ গবর্ণমেন্টের নিকট বিশেষ সম্মান লাভ করেন। ১৮৫৪ খৃঃ ২০শে এপ্রেল প্রসন্ননাথ “রাজা বাহাদুর” উপাধি প্রাপ্ত হন। ১৮৫৭ খৃঃ ১০ই সেপ্টেম্বর রাজসাহী জেলায় এসিষ্টেন্ট মাজিস্ট্রেট পদে নিযুক্ত হইয়াছিলেন। তিনি দীবাপাতিয়ার রাজভবন সুন্দররূপে সুসজ্জিত এবং একটি নাচঘর ও “সিংহী-হল” নির্মাণ করেন। হোলী ও ঝুলনের সময় তথায় অতি সমারোহ হইত। তিনি স্বদেশানুরাগী, দাতা ও পরোপকারী জমিদার ছিলেন। ১৮৬১ খৃঃ রাজা প্রসন্ননাথ রায় বাহাদুর প্রাণত্যাগ করেন। তিনি অপুল্ক থাকায় প্রমথনাথকে পোষ্যপুত্র গ্রহণ করিয়া যান।

৬ প্রমথনাথ রায় ।

প্রসন্ননাথের পোষ্যপুত্র প্রমথনাথ রায় বাহাদুর ১৮৪৯ খৃঃ দীবাপাতিয়া রাজভবনে ভূমিষ্ঠ হন। পিতার মৃত্যুকালে তিনি অপ্রাপ্তবয়স্ক থাকায় কলিকাতার ওয়ার্ডস্ ইন্সটিটিউসনে ডাক্তার রাজা রাজেন্দ্রলাল মিত্র মহোদয়ের তত্ত্বাবধানে অধ্যয়ন করেন। তিনি ঐ বিদ্যালয় হইতে প্রবেশিকা পরীক্ষায় উত্তীর্ণ হইয়াছিলেন। ১৮৬৭ খৃঃ নবেম্বর মাসে কুমার বাহাদুর বয়ঃপ্রাপ্ত হইয়া দীবাপাতিয়ায় প্রত্যাগমনপূর্ব্বক বিষয় সম্পত্তি পরিচালনভার প্রাপ্ত হন। তিনি স্বীয় পিতৃদেবের প্রতিষ্ঠিত রামপুর-বোয়ালিয়ার প্রসন্ননাথ দাতব্য ঔষধালয়ের বাটী নির্মাণকল্পে

১০,০০০ টাকা দান করেন । ১৮৬৮ খৃঃ এপ্রেল মাসে রাজসাহী বালিকা-বিদ্যালয়ে বাৎসরিক ২০০ টাকা দিতে প্রতিশ্রুত হন, অধিকন্তু বোয়ালিয়ার বালিকা বিদ্যালয়ে তিনটা বৃত্তি নির্দ্ধারিত করিয়াছেন । তিনি তাঁহার নাথিলার কাছারীতে একটি দাতব্য ঔষধালয় প্রতিষ্ঠা করেন । ১৮৭১ খৃঃ রাজসাহী বিভাগের কমিশনার বাহাদুর তাঁহার বিশেষ প্রশংসা করিয়া গবর্ণমেন্টের নিকট রিপোর্ট করিয়াছিলেন । ১৮৭৭ খৃঃ দিল্লীর দরবারে প্রমথনাথ “রাজা বাহাদুর” উপাধি সম্মান প্রাপ্ত হন । উক্ত বৎসর রাজা বাহাদুর বঙ্গীয় ব্যবস্থাপক সভার সভ্য নিযুক্ত হইয়াছিলেন । যশোহর-মহম্মদপুরের রাজা সীতারাম রায়ের পতন হইলে তাঁহার হুর্গ মধ্যে একটি মন্দিরে ৬ শ্রীকৃষ্ণ বিগ্রহ ছিলেন, ১৮৮১ খৃঃ রাজা বাহাদুর তাঁহাকে দীঘাপাতিয়ার রাজভবনে আনয়ন করেন । তিনি শিল্প বিজ্ঞানের অনুরাগী ছিলেন । শিল্পানুষ্ঠানের অভাব উপলব্ধি করিয়া এদেশে শিল্প বিস্তার করিবার জন্ত যত্নবান হন । রাজা বাহাদুর কলিকাতা হইতে নিপুণ শিল্পী আনাইয়া স্বদেশীয় শিল্পকারগণকে নানা প্রকার কারুকার্য শিক্ষাদানের ব্যবস্থা করেন । তাঁহার অনেকগুলি গজদন্ত ছিল, তিনি মুর্শিদাবাদ হইতে নথুর ও রামেশ্বর নামক দুই জন সুদক্ষ শিল্পী আনাইয়া স্বীয় বৈটকখানার একটি কক্ষে গজদন্তের শিল্প কারখানা স্থাপন করেন ; কিন্তু তাঁহার উদ্যম সাফল্য লাভ করিবার পূর্বেই ১৮৮৩ খৃঃ চৌত্রিশ বৎসর বয়সে রাজা প্রমথনাথ রায় বাহাদুর রাজলীলা সম্বরণ করেন । তাঁহার প্রমদানাথ, বসন্তকুমার, শরৎকুমার ও হেমেন্দ্রকুমার নামে চারিটা পুত্র সন্তান হইয়াছিল । তিনি মৃত্যুকালে একখানি উইল করিয়া জ্যেষ্ঠ পুত্রকে বিষয়ের উত্তরাধিকারী এবং অষ্টাশ পুত্রগণের জ্ঞাত স্ববন্দোবস্ত করিয়া যান ।

প্রমদানাথ রায়।

রাজা প্রমথনাথের জ্যেষ্ঠ পুত্র রাজা শ্রীযুক্ত প্রমদানাথ রায় বাহাদুর ১৮৭৬ খৃঃ জামুয়ারী মাসে দীঘাপাতিয়ার রাজপ্রাসাদে ভূমিষ্ঠ হইয়াছেন। ইহার নাবালক সময় জমিদারী কোর্ট অব ওয়ার্ডসের তত্ত্বাবধানে ছিল। ১৮৯৪ খৃঃ ২৯ শে জামুয়ারী সাবালক হইয়া ইনি পৈতৃক সম্পত্তির ভার প্রাপ্ত হন। ১৮৯৮ খৃঃ প্রমদানাথ গবর্ণমেন্টের নিকট হইতে “রাজা” উপাধি লাভ করেন। গবর্ণমেন্ট “রাজা প্রমদানাথ দাতব্য ঔষধালয়”কে স্থানান্তরিত করিলে ইনি সেই নূতন বাটী নির্মাণের সমুদয় ব্যয়-ভার গ্রহণ করেন এবং হাসপাতালের জন্ত ভূমি দান করিয়াছেন। ইনি স্বীয় পিতামহী রাণী ভবসুন্দরীর নামে জীলোকদিগের একটি ওয়ার্ড ঐ হাসপাতালের সহিত নির্মাণ করাইয়া দিয়াছেন। রাজা বাহাদুর ইহার জমিদারীর অন্তর্গত বনাগাঁতিতে একটি দাতব্য ঔষধালয় স্থাপন করিয়াছেন। ইনি একজন বিদ্যোৎসাহী নৃপতি। রাজসাহী কলেজের সহিত ছাত্রদিগের জন্ত ইহার পিতার নামে একটি ছাত্রাবাস নির্মাণ করাইয়া দিয়াছেন, এতদ্ভিন্ন রাজসাহী কলেজে অনেকগুলি বৃত্তি স্থাপন করিয়াছেন। দীঘাপাতিয়ার বিদ্যালয়েও উচ্চ শিক্ষার জন্ত বৃত্তি নির্দ্ধারিত হইয়াছে। ইনি রাজসাহীর রেশমের কার্য শিক্ষার বিদ্যালয়ে ৫০০০ টাকা মূল্যের ভূমি দান করেন। রামপুর-বোয়ালিয়ার একটি আদর্শ কৃষি কার্যের নিমিত্ত ভূমি দান করিয়াছেন। ১৮৯৭ খৃঃ ভূমিকম্পে দীঘাপাতিয়ার রাজভবনের বিশেষ ক্ষতি হওয়ায় রাজা বাহাদুর বহু অর্থ ব্যয়ে রাজপ্রাসাদ নির্মাণ করিয়াছেন। কলিকাতা ও নাটোরে ইহার রাজভবন আছে। রাজা বাহাদুর রাজসাহী এসোসিয়েসনের সভাপতি, বঙ্গীয় জমিদার সভার অত্যন্তম প্রতিষ্ঠাতা ও অবৈতনিক সম্পাদক। ইনি পূর্ববঙ্গের ভূতপূর্ব ছোটলাট স্থার

ল্যান্স্‌লট্‌ হেয়ার সাহেবের স্মৃতি রক্ষাকল্পে ২৫০০ টাকা দান করেন । ১৯১০ খৃঃ কলিকাতায় রাজপ্রতিনিধি স্বর্গীয় লর্ড মিণ্টো বাহাদুরের প্রস্তরময়ী মূর্তি স্থাপন জন্ত ৫০০০ টাকা প্রদান করেন । ১৯১১ খৃঃ “পূর্ব-বঙ্গ ও আসাম” প্রদেশের জমিদার সম্প্রদায় কর্তৃক ছোট লাটের ব্যবস্থাপক সভার সদস্য নির্বাচিত হন । ১৯১১ খৃঃ কলিকাতা সহরে নবীন ভারতেশ্বর মহামায়া পঞ্চম জর্জ মহোদয় ও রাজ্যীয় অভ্যর্থনার জন্য চাঁদায় যে অর্থ সংগ্রহ হয়, তাহাতে ইনি ২৫০০০ টাকা দিয়াছেন । ১৯১২ খৃঃ ৪ঠা জানুয়ারী কলিকাতার লাটভবনে ভারতসম্রাট ও তৎমহিষীর একটি সভা হইয়াছিল ; তৎকালে সেই রাজকীয় অভ্যর্থনা সমিতির সম্পাদক মুর্শিদাবাদের নবাব বাহাদুর দীঘাপাতিয়ারাজকে সম্রাট সকাশে যথারীতি পরিচিত করেন । ১৯১২ খৃঃ বারাণসীধামের হিন্দু বিশ্ববিদ্যালয়ের জন্য ৫০০০ টাকা দান করিতে প্রতিশ্রুত হন । রাজা বাহাদুর স্বর্গীয় পিতৃদেবের প্রতিশ্রুতি অনুসারে ১০০০০ টাকা ব্যয়ে প্রমথনাথ বালিকা বিদ্যালয়ের জন্য একটি সুন্দর বাটি নির্মাণ করিয়া দিয়াছেন, এতদ্ব্যতীত ঐ বিদ্যালয়ের গাড়ী ঘোড়া ক্রয় জন্য ১০০০০ দিতে প্রতিশ্রুত হন । রাজসাহী কলেজে তদীয় স্বর্গীয়া জননী “দ্রবময়ী হিন্দু বোর্ডিং” নামে একটি ছাত্রাবাস নির্মাণকল্পে রাজা বাহাদুর ১২০০০০ টাকা দান করিতে প্রতিশ্রুত হইয়াছেন ।

রাজা বাহাদুরের কুমার শ্রীযুক্ত প্রতিভনাথ, শ্রীযুক্ত বিজনেন্দ্রনাথ, শ্রীযুক্ত শৈলেশনাথ, শ্রীযুক্ত চঞ্চলনাথ, শ্রীযুক্ত ভূধারনাথ রায় প্রভৃতি কয়েকটি পুত্র সন্তান এবং একটি কন্যা হইয়াছে ।

রাজসাহী কলেজে তদীয় স্বর্গীয়া জননী “দ্রবময়ী হিন্দু বোর্ডিং” নামে একটি ছাত্রাবাস নির্মাণকল্পে রাজভ্রাতা শ্রীযুক্ত বসন্তকুমার রায় এম-এ বি-এল ১৮,০০০ টাকা দান করিতে প্রতিশ্রুত হইয়াছেন । ইঁহঁর কোন সন্তানাদি হয় নাই ।

রাজভ্রাতা শ্রীযুক্ত শরৎকুমার রায় বঙ্গসাহিত্য সমাজে বিশেষ পরিচিত। ইঁহার অনেকগুলি সস্তান ইইয়াছে, তন্মধ্যে জ্যেষ্ঠ পুত্র শ্রীযুক্ত অমিতাভ রায়।

দৌষপাতিয়ার রাজভ্রাতা শ্রীযুক্ত হেমেন্দ্রকুমার রায় রাজসাহী সহরে বাস করেন। ইনি সাহিত্যানুরাগী ও নিপুণ চিত্রশিল্পী। ইঁহার কয়েকটি সস্তান বিদ্যমান।

— — — —

পাকুড়িয়া জমীদারবংশ ।

রাজসাহী জেলার অন্তর্গত পাকুড়িয়া ঠাকুরবংশ বারেন্দ্রসমাজে বিশেষ সম্মানিত । এই বংশের প্রতিষ্ঠাতা মোহন মিশ্র ঠাকুর একজন সাধনাসিদ্ধ মহাপুরুষ ছিলেন । তিনি উত্তর-বঙ্গ করতোয়া নদীতীরে ভবানীপুর মহাপীঠ প্রকাশ করেন । তাঁহার বংশধরগণ মধ্যেও অনেকগুলি সিদ্ধসাধক ও সুপণ্ডিত পুরুষের আবির্ভাব হইয়াছিল, তজ্জন্ত ইহা ঠাকুরবংশ নামে প্রখ্যাত হইয়াছে । ইহাদের সহিত বারেন্দ্র ব্রাহ্মণ সমাজের অনেক গণ্যমান্য ব্যক্তি সম্বন্ধহুত্রে আবদ্ধ রহিয়াছেন । ঠাকুর বংশীয়গণ এক সময় বিস্তৃত ভূসম্পত্তির অধিকারী হইয়া বিখ্যাত জমিদার ছিলেন । নাটোরাদিঞ্চরী রানী ভবানীর মাতুলবংশ বলিয়া এই ঠাকুরবংশ প্রসিদ্ধি লাভ করিয়াছে । দিল্লীর মোগল দরবারেও এই বংশের বিশেষ সম্মান ছিল । পাকুড়িয়া ঠাকুরবংশ এক সময় “দেশগুরু” আখ্যায় অভিহিত হইতেন । ময়মনসিংহ জেলার প্রসিদ্ধ ভূম্যধিকারীগণ এবং নাটোর, বলিহার, সূরঙ্গ, বগুড়া, পাবনা প্রভৃতি স্থানের সম্ভ্রান্ত ব্রাহ্মণগণ ও অন্যান্য অনেক প্রসিদ্ধ বংশ ইহাদের শিষ্য মধ্যে পরিগণিত । এক সময় ঠাকুরবংশ ধনে, মানে, বিদ্যায় ও বুদ্ধিতে সমাজের শীর্ষস্থান অধিকার করিয়াছিল । নাটোর রাজবংশের অধঃপতনের সহিত ঠাকুর বংশের অবনতি হইতে আরম্ভ হয় ।

৩ রাঘবেন্দ্র ঠাকুর ।

এই বংশোদ্ভব অশেষ শাস্ত্রদর্শী মহাপুরুষ রাঘবেন্দ্র ঠাকুরের নিকট রামগোপালপুরের শ্রীকৃষ্ণ চৌধুরী, নাটোরের রঘুনন্দন রায় এবং মহারাজ

রামকৃষ্ণ রায় ও রাণী ভবানী এক সময় মন্ত্র গ্রহণ করিয়াছিলেন।
রাঘবেন্দ্রের দুই পুত্র বাচস্পতি ও হরিদেব ঠাকুর।

৩ হরিদেব ঠাকুর।

রাঘবেন্দ্রের দ্বিতীয় পুত্র হরিদেব ঠাকুরের বংশ সৌভাগ্যের চরম-
সীমায় অধিকৃত হইয়াছিল। তিনি স্বীয় বুদ্ধিবলে বিষয় সম্পত্তির
উন্নতিসাধন করেন। তাঁহার চারি পুত্র বিশ্বেশ্বর, রামমোহন, হরেশ্বর ও
কপচন্দ্র ঠাকুর এবং এক কন্যা কস্তুরী দেবী জন্মগ্রহণ করেন।

৩ বিশ্বেশ্বর ঠাকুর।

হরিদেবের জ্যেষ্ঠ পুত্র বিশ্বেশ্বর ঠাকুর বিশেষ জ্ঞানবান ও সাধুপ্রকৃতি
ছিলেন। তাঁহার স্বভাবে সকল সদৃশ্যের একত্র সমাবেশ হইয়াছিল।
তিনি একমাত্র পুত্র সর্বেশ্বর ঠাকুরকে রাখিয়া যথাসময়ে গঙ্গালাভ করেন।

বিশ্বেশ্বরের পুত্র সর্বেশ্বর ঠাকুর সাধারণের হিতসাধনের জন্ত নিরন্তর
আন্তরিক চেষ্টা করিতেন। তিনি স্থানীয় অধিবাসীগণের শ্রদ্ধাভাজন
হইয়াছিলেন। তাঁহার একমাত্র পুত্র রামমোহন ঠাকুর।

সর্বেশ্বরের পুত্র রামমোহন ঠাকুর সংস্কার লোকের পরম বন্ধু
ছিলেন। তাঁহার দুই পুত্র—কৃষ্ণমোহন ও দুর্গামোহন ঠাকুর।

রামমোহনের জ্যেষ্ঠ পুত্র কৃষ্ণমোহন ঠাকুর সদাচারী, বুদ্ধিমান ও
নিরীহ প্রকৃতি ছিলেন। তিনি দুই বিবাহ করেন, তন্মধ্যে প্রথমা পত্নীর
সন্তানাদি হয় নাই এবং দ্বিতীয়া স্ত্রীর গর্ভে রজনীমোহন ও কিশোরী-
মোহন ঠাকুর নামে দুই পুত্র ও একটি কন্যা জন্মগ্রহণ করিয়াছিলেন।

কৃষ্ণমোহনের জ্যেষ্ঠ পুত্র রজনীমোহন ঠাকুর পৈতৃক গৌরব রক্ষা করেন। তিনি বারেন্দ্র সমাজে গণ্যমান্য ব্যক্তি ছিলেন। হিন্দুর আচার ব্যবহার রক্ষার জন্ত বিশেষ চেষ্টা করিতেন। তিনি অতিশয় সরল ও বিলাসশূন্য ছিলেন।

কৃষ্ণমোহনের দেহান্তের কয়েকদিন পরে তাঁহার কনিষ্ঠ পুত্র কিশোরী-মোহন ঠাকুর ত্রয়োদশ বর্ষে অগ্নিকাণ্ডের ঘটনায় মৃত্যুমুখে পতিত হন।

রামমোহনের কনিষ্ঠ পুত্র দুর্গামোহন ঠাকুর দুই বিবাহ করেন ; তন্মধ্যে প্রথমা পত্নীর গর্ভে সারদামোহন নামে পুত্র এবং একটি কন্যা হয়। দ্বিতীয়া সহধর্মিণীর গর্ভে শশিমোহন, চন্দ্রমোহন ও বসন্তমোহন নামে তিন পুত্র ও একটি কন্যা জন্মিয়াছিল। পুত্রগণকে নাবালক রাখিয়া দুর্গামোহন ঠাকুর ইহলোক পরিত্যাগ করেন। তাঁহার জ্যেষ্ঠ পুত্র সাবদ্যমোহন ঠাকুর, রাজবালা দেবী নাম্নী একটি কন্যা রাখিয়া লোকান্তরিত হন।

৬ রামমোহন মজুমদার ।

হরিদেবের দ্বিতীয় পুত্র রামমোহন মজুমদার “ঠাকুর” উপাধি হইতে বঞ্চিত হন। তাঁহার শিবরাম মজুমদার নামে একমাত্র পুত্র হইয়াছিল। তিনি অকৃতদার অবস্থায় সহসা মৃত্যুমুখে পতিত হইলে রামমোহনের বংশ আর বৃদ্ধি প্রাপ্ত হয় নাই।

৭ হরেন্দ্র ঠাকুর ।

হরিদেবের তৃতীয় পুত্র হরেন্দ্র ঠাকুর অতি বিচক্ষণ ও খ্যাতনামা পুরুষ ছিলেন। তাঁহার প্রতিষ্ঠিত বৃহৎ শিবমন্দির অদ্যাপি দেদীপ্যমান

রহিয়াছে। তিনি কয়েকটি জলাশয় খনন করাইয়াছিলেন। তাঁহার
হই পুত্র—চন্দ্রনারায়ণ ও নীলমণি ঠাকুর ।

৬ চন্দ্রনারায়ণ ঠাকুর ।

হরেশ্বরের জ্যেষ্ঠ পুত্র চন্দ্রনারায়ণ ঠাকুর “চাঁদ ঠাকুর” নামে ইতিহাস-
প্রসিদ্ধ। তিনি অসাধারণ অধ্যবসায়শালী ও রাজনীতিজ্ঞ ছিলেন।
পাকুড়িয়া ঠাকুর বংশে তাঁহার ত্রায় বৈষয়িক বিষয়ে যশস্বী পুরুষ আর
কেহ জন্মগ্রহণ করেন নাই। তাঁহার সময় এই বংশ বারেন্দ্রকুলের
শীর্ষ স্থানীয় হইয়াছিল। রাণী ভবানীর সহিত আত্মীয়তার অনুরোধে
তিনি নাটোরের কর্তৃত্বভার গ্রহণ করেন। চাঁদ ঠাকুর বিশাল নাটোর
রাজ্যের পরিচালনভার প্রাপ্ত হইয়া এরূপ সুনিয়মে রাজকার্য্য নির্বাহ
করেন যে, তাঁহার সময় নাটোরের সৌভাগ্য-রবির সমুজ্জ্বল প্রভা সর্বত্র
পরিব্যাপ্ত হইয়াছিল। তিনি মুর্শিদাবাদের নবাব আলিবর্দী খাঁর
প্রিয়পাত্র ছিলেন। নবাব দরবারে তাঁহার সুপরামর্শ সমাদরে গৃহীত
হইত। তিনি নবাব সরকার হইতে তিনখানি “তাম্রলিপি” সনন্দ প্রাপ্ত
হইয়াছিলেন। ১৭৬৩ খৃঃ মোগল সম্রাট সাহ আলম বাহাদুর চাঁদ ঠাকুরকে
স্বীয় মোহরাক্ষিত “ফারমান্” দ্বারা এক সহস্র বিঘা ভূমি জায়গীর প্রদান
করেন। তিনি পরম ধার্মিক, পরোপকারী ও বদাচ্ছ পুরুষ ছিলেন।
তিনি পাঁচটা শিবমন্দির সংস্থাপিত করেন; এতদ্ব্যতীত মহাসমারোহে
অষ্টধাতু নির্মিত দশভূজা মূর্তি প্রতিষ্ঠা করিয়া উহার সেবার সুবন্দোবস্ত
করেন; অদ্যাপি তাঁহার বংশধরগণ যথানিয়মে পালন করিতেছেন।
চাঁদ ঠাকুর তদীয় জ্যেষ্ঠ পুত্র রুদ্রনারায়ণকে উপযুক্ত দেখিয়া বৃদ্ধ বয়সে
তাঁহার হস্তে নাটোরের কর্তৃত্বভার অর্পণ করিয়া স্বয়ং ইষ্টচিন্তায় চিত্ত-
নিবেশ করিয়াছিলেন। তিনি সুদীর্ঘ জীবন যশের সহিত অতিবাহিত

করিয়া জরাজীর্ণ কলেবর পরিত্যাগ করেন । তাঁহার দুই পুত্র—কদ্দ-
নারায়ণ ও কাশীপতি ঠাকুর ।

হরিদেব ঠাকুর তাঁহার চতুর্থ পুত্র রূপচন্দ্র ঠাকুরকে স্বীয় জ্ঞাতি
দুজুমদার বংশে দত্তক প্রদান করিয়াছিলেন ।

ছাতিন গ্রামের অগ্ৰতম সুপ্রসিদ্ধ জমিদার আশ্বারাম চৌধুরীর সহিত
হরিদেব ঠাকুরের কন্যা কঙ্গুরী দেবীর বিবাহ হইয়াছিল । ১৭২৪ খৃঃ
তাঁহার গর্ভে বঙ্গের অদ্বিতীয়া রমণী নাটোরাদিধ্বরী প্রার্ত্তঃস্বরগীয়া রাণী
ভবানী দেবী জন্মগ্রহণ করেন ।



দিনাজপুর রাজবংশ ।

বঙ্গদেশের মধ্যে দিনাজপুর রাজবংশ প্রাচীন জমিদার বংশ । ইহা ইতিহাস-প্রসিদ্ধ গোড়ের হিন্দু রাজা গণেশের দ্বারা স্থাপিত হয় । তিনি ভাতুরিয়া পরগণার জমিদার ছিলেন । ভাতুরিয়া পরগণার অধিকাংশ এখন রাজসাহী জেলার অন্তর্গত । রাজা গণেশ, গোড়েশ্বর গিয়াসুদ্দিনের রাজসরকারের একজন আমিন থাকিয়া ক্রমে রাজস্ব ও শাসন বিভাগের প্রধান কর্মচারী পদে উন্নীত হন । অতঃপর দ্বীয় ক্ষমতাবলে গোড়েশ্বর জিলালুদ্দিনকে সিংহাসনচ্যুত করিয়া ১৪০৫ খৃঃ হইতে ১৪১৪ খৃঃ পর্য্যন্ত গোড়ে রাজত্ব করেন । বঙ্গের স্বাধীন রাজা গণেশের জাগাতার বংশ হইতে বর্তমান দিনাজপুর রাজবংশ সমুদ্ভূত হইয়াছে ।

দেবকীনন্দন ঘোষ নামে একজন উত্তর রাঢ়ীয় কুলীন কায়স্থ রংপুর জেলার অন্তর্গত বর্দ্ধন-কুটীর রাজার কর্মচারী ছিলেন । তাহার দুই পুত্র—হরিনারায়ণ ও হরিরাম ঘোষ ।

৮ হরিরাম রায় ।

দেবকীনন্দনের কনিষ্ঠ পুত্র হরিরাম রায় গোড়েশ্বর গণেশনাবায়ণ খাঁর কন্যা কল্যাণীকে বিবাহ করিয়াছিলেন । কল্যাণী, সম্রাট গণেশের দাসী গর্ভজাতা কন্যা বলিয়া অনেকে উল্লেখ করেন । গণেশ তাঁহাকে হরিরামের সহিত বিবাহ দিয়া দিনরাজ ঘোষ নামে আখ্যা দিয়া উচ্চ রাজকার্য্যে নিযুক্ত করিয়াছিলেন । ক্রমে তিনি গণেশের পুত্র যদুনারায়ণ খাঁর পেশ্কার নিযুক্ত হন । গোড়েশ্বর যদুনারায়ণ খাঁ, আজিম সাহের

কত্ৰা আশমানতারার রূপে মুক্ত হইয়া তাঁহার পাণিগ্রহণ করেন । যহু মুসলমান হইলে দিনরাজ বিনীতভাবে পদত্যাগ করিতে চাহিয়াছিলেন । সেই সময় গোঁড়েশ্বর যতুনরায়ণ ওরফে জেলালুদ্দিন দিনরাজকে পার্শ্বত্যাগ জাতির উপদ্রব নিবারণার্থ উত্তর বাঙ্গালায় একটি জায়গীর দিয়া শাসন-কর্ত্তা নিযুক্ত করেন । সেই পদ প্রাপ্ত হইয়া দিনরাজের ঘোষ পদবী বিলুপ্ত হইয়া “রায়” উপাধি হইয়াছিল । দিনরাজ যে স্থানে গিয়া বাস করেন, তাহার দিনরাজপুর নাম হয় । উহা বর্ত্তমান সঙ্কর হইতে প্রায় দশ ক্রোশ উত্তরে ছিল । এই দিনরাজপুর শব্দ হইতে অধুনা দিনাজপুর নাম হইয়াছে ।

৮ শুকদেব রায় ।

হরিরামের পর তাঁহার পুত্র শুকদেব রায় ঐ প্রদেশের শাসনকর্ত্তা নিযুক্ত হন । কোচবিহারের মহারাজ নরনারায়ণ অতি প্রবল হইয়া দিনাজপুর রাজ্য লুণ্ঠন করেন ; অবশেষে রাজধানী দিনাজপুর আক্রমণ করিয়া অগ্নি দ্বারা ভস্মীভূত করিয়াছিলেন । রাজা শুকদেব, কালাপাহাড়ের ভয়ে কিয়দ্দিবস জঙ্গল মধ্যে লুকায়িত থাকিতে বাধ্য হন । সেই সময় মোগল ও উজ্জবেক সর্দারগণ তাঁহার রাজ্যের দক্ষিণাংশ অধিকারপূর্ব্বক আপনাদের জায়গীরভুক্ত করিয়া লইয়াছিল । তিনি স্মৃথসাগর নামে একটি বৃহৎ সরসী খনন করাইয়াছিলেন । ১৬৭৭ খৃঃ শুকদেব রায় লোকান্তরিত হন । তাঁহার তিন পুত্র—রামদেব, জয়দেব ও প্রাণনাথ রায়, তন্মধ্যে জ্যেষ্ঠ পুত্র রামদেব রায় পিতার জীবিতকালে মৃত্যুমুখে পতিত হন ।

৬ জয়দেব রায় ।

জয়দেবের পর তাঁহার মধ্যম পুত্র জয়দেব রায় উত্তরাধিকারী হন । তিনি কয়েক বৎসর মাত্র জীবিত থাকিয়া অকালে ইহলোক পরিত্যাগ করেন ।

৭ প্রাণনাথ রায় ।

জয়দেবের মৃত্যু হইলে ১৬৮২ খৃঃ তাঁহার কনিষ্ঠ ভ্রাতা প্রাণনাথ রায় জমিদারী লাভ করেন । তিনি সৈন্য বৃদ্ধি পূর্ব্বক কোচদিগকে পরাভূত করিয়া স্বীয় রাজ্যের উত্তর ভাগ পুনরায় অধিকার করিয়াছিলেন । মোগল ও উজবেক সন্দ্বর্শন বিদ্রোহ অপরাধে জায়গীরচ্যুত হইলে প্রাণনাথ কতক পরগণা স্বীয় রাজ্যভুক্ত করেন । জেলা দিনাজপুর এবং রংপুর বগুড়া, রাজসাহী, মালদহ ও পূর্ণিয়া এই পাঁচটা জেলার কিয়দংশ তাঁহার শাসনাধীন হয় । উহার বার্ষিক নয় লক্ষ টাকা আয় ছিল । তখন বাঙ্গালা দেশের মধ্যে তিনি সর্ব্বপ্রধান জমিদার ছিলেন । প্রাণনাথ যে স্থানে কোচদিগকে পরাজয় করেন, তথায় রাজধানী স্থাপনপূর্ব্বক “বিজয়নগর” নাম দিয়াছিলেন ; কিন্তু দিনাজপুররাজ্যের বসতির জন্ত ঐ স্থানের নাম দিনাজপুর হইয়াছে । তাহাই বর্ত্তমান দিনাজপুর সহর । রাজা মানসিংহের সহিত কোচবিহার রাজ্যের যুদ্ধকালে প্রাণনাথ মানসিংহের সমস্ত রসদ যোগাইয়াছিলেন এবং সৈন্য দ্বারাও সাহায্য করিয়াছিলেন । পরিশেষে যখন কোচবিহারাধিপতি লক্ষ্মীনারায়ণের সহিত মানসিংহের সন্ধি ও কুটুম্বিতা হয়, সেই সময় মানসিংহ প্রাণনাথকে তাঁহার শাসনাধীন স্থানের করদ রাজ্য বলিয়া সনন্দ প্রদান করেন এবং কোচবিহার রাজ্যের সহিত রাজ্য প্রাণনাথের পাগড়ী বদল করাইয়া উভয়ের

বন্ধুতা স্থাপন করিয়া দিয়াছিলেন। তদবধি দিনাজপুররাজ ও কোচ-বিহারের রাজবংশের বন্ধুতা চলিয়া আসিতেছে। ১৭১৫ খৃঃ তিনি দিল্লীখর ফেরকসাহের নিকট হইতে সর্বপ্রথম বংশাশ্রুতিক্রমিক “রাজা” উপাধি সনন্দ প্রাপ্ত হন। তাঁহার রাজ্য গঙ্গাতীর হইতে কোচবিহার পর্য্যন্ত বিস্তৃত হয় এবং রাজস্ব এক লক্ষ টাকা মাত্র নির্দ্ধারিত হইয়াছিল। তিনি দান বিতরণ, জলাশয় খনন ও দেবমন্দির নিৰ্ম্মাণ প্রভৃতি বহু সংকার্য্যে প্রভূত অর্থ ব্যয় করিয়াছিলেন। তিনি প্রাণসাগর নামে একটি পুষ্করিণী খনন করাইয়াছিলেন। রাজা প্রাণনাথ রায় ১৭২৩ খৃঃ মার্চ মাসে ইহলোক পরিত্যাগ করেন।

৮ রামনাথ রায় ।

প্রাণনাথের পরলোকেস্তে তাঁহাব পুল্ল রামনাথ রায় রাজ্যাধিকার লাভ করেন। তিনি জঙ্গল মধ্যে প্রচুর অর্থ পাইয়া সম্পত্তি বৃদ্ধি করিয়া ছিলেন। তিনি মুর্শিদাবাদের নবাব আলিবর্দী খাঁর বিশেষ প্রিয়পাত্র হন। ১৭৪০ খৃঃ নবাব আলিবর্দী খাঁ, দিল্লীখর মহাম্মদ সাহের অনুমতি লইয়া তাঁহাকে রাজ্যোপাধির সনন্দ ও খেলাত প্রদান করেন। তিনি ব্রাহ্মণ ও জাতিবর্গকে অনেক ভূসম্পত্তি দান করিয়াছিলেন। তিনি ৮ বৃন্দাবনধামে একটি সুন্দর মন্দির নিৰ্ম্মাণ করাইয়া ৮ রাধাকৃষ্ণ বিগ্রহ প্রতিষ্ঠা করেন। ১৮৯৭ খৃঃ ভূমিকম্পে এই মন্দির স্থানে স্থানে ভাঙ্গিয়া গিয়াছে। তিনি রামসাগর নামে একটি বিশাল সরোবর খনন করাইয়াছিলেন। তাঁহার ১০৯ খানি মহাল ছিল, তজ্জন্ত তিনি ৫,০৬,৪২২ টাকা রাজস্ব প্রদান করিতেন। নবাব সিরাজদ্দৌলা তাঁহার রাজস্ব বৃদ্ধি ও ক্ষমতা হ্রাস করিয়াছিলেন। রাজস্ব বাকীর জন্ত নবাব রাজার ভ্রাতা কুমার রাধানাথ রায়কে দ্রুত করিয়া মুসলমান ধর্ম গ্রহণে

বাধ্য করিয়াছিলেন । তিনি মুসলমান হইলে বাকী রাজস্ব রেহাই হয় এবং রাধানাথ পূর্ণিয়া জেলার অন্তর্গত সূর্যাপুর পরগণা জমিদারীরূপে প্রাপ্ত হন । কৃষ্ণগঞ্জের মুসলমান রাজগণ এই রাধানাথ রায়ের বংশধর । ১৭৬৩ খৃঃ রাজা রামনাথ রায় পরলোকগত হইয়াছেন । তাঁহার চারি পত্নীর গর্ভে পাঁচ পুত্র জন্মিয়াছিল ।

৩ বৈদ্যনাথ রায় ।

রামনাথের মৃত্যু হইলে তাঁহার জ্যেষ্ঠ পুত্র বৈদ্যনাথ রায় বাবতীয় বিষয় লাভ করেন । তাঁহার সহিত নাটোরের প্রথম রাজা রামজীবন রায়ের বিবাদ ঘটিয়াছিল, কিন্তু রামজীবনের জ্যেষ্ঠ ভ্রাতা রঘুনন্দন রায়ের সহিত বৈদ্যনাথের বন্ধুতা হওয়ায় বিবাদ মীমাংসা হইয়া যায় । বৈদ্যনাথের রাজত্বকালে নবাব মীরকাশীম, তাঁহার রাজস্ব বৃদ্ধি করেন । ১৭৮৯ খৃঃ লর্ড কর্ণওয়ালিস্ রাজস্ব নির্দিষ্ট করিয়া দশ বৎসরের জন্ত জমিদারদিগের সহিত একটি বন্দোবস্ত করেন ; সেই সময় দিনাজপুর-রাজ্যের রাজস্ব অত্যন্ত বৃদ্ধি হয়, অধিকন্তু সর্বপ্রকার ক্ষমতা রহিত হইয়াছিল । তদবধি দিনাজপুরের রাজগণ সাধারণ জমিদার শ্রেণীভুক্ত হইয়াছেন । তিনি ব্রাহ্মণগণকে বিশেষ সম্মান করিতেন । নানাবিধ সংকার্য্য তাঁহার অচুরাগ ছিল । ১৭৯০ খৃঃ রাজা বৈদ্যনাথ রায় রাজলীলা সম্বরণ করেন ।

৩ রাধানাথ রায় ।

বৈদ্যনাথের পর তাঁহার পুত্র রাজা রাধানাথ রায় উত্তরাধিকারী হন । ১৭৯০ খৃঃ কোম্পানীর গবর্নর জেনারেল লর্ড কর্ণওয়ালিস্ কর্তৃক তিনি

“রাজা বাহাদুর” উপাধি লাভ করেন। তাঁহার সময় জমিদারীর বিশৃঙ্খলতা হওয়ায় পরগণা বিজয়নগর ব্যতীত সমস্ত জমিদারী নীলাম হইয়া যায়। তৎপরে তিনি সংসার পরিত্যাগপূর্ব্বক গঙ্গাবাস করিতে গিয়াছিলেন।

৮ গোবিন্দনাথ রায় ।

অতঃপর রাধানাথের নাবালক পুত্র গোবিন্দনাথ রায় বিষয় সম্পত্তির অধিকারী হন। তাঁহার সময় সূযোগ্য অভিভাবকের বিবিধ উপায়ে অধিকাংশ সম্পত্তি পুনরায় উদ্ধার হইয়াছিল। উহাই এখন পর্য্যন্ত আছে। ১৮৫১ খৃঃ রাজা গোবিন্দনাথ রায় লোকান্তরিত হইয়াছেন। তিনি মৃত্যুকালে একমাত্র পুত্র তারকনাথকে রাখিয়া যান।

৯ তারকনাথ রায় ।

গোবিন্দনাথের পর তাঁহার পুত্র তারকনাথ রায় রাজাসন গ্রহণ করেন। তিনি দিনাজপুর জেলায় অনেকগুলি রাজপথ নিৰ্ম্মাণ করাইয়া ছিলেন; এতদ্ব্যতীত দিনাজপুরে ও রায়গঞ্জে দাতব্য হাসপাতাল প্রতিষ্ঠা করেন। তিনি স্বদেশী ব্যবসায়ের উন্নতি সাধনে চেষ্টা করিতেন। দেশের ও দেশের কল্যাণে অর্থব্যয় করিয়া কৃতকৃতার্থ হইতেন। ১৮৬৫ খৃঃ রাজা তারকনাথ রায় তত্ত্বাগ করিয়াছেন।

রাজা বাহাদুরের সন্তানাদি না থাকায় জমিদারী স্বীয় সহধর্ম্মিণী শ্রামমোহিনীকে দিয়া যান। তিনি তাঁহার জামাতা ক্ষেত্রমোহন সিংহ মহাশয়ের সুপরামর্শে বিষয়কার্য্য পরিচালনা করিতেন। ১৮৭৪ খৃঃ হুভিকের সময় শ্রামমোহিনী বিবিধ সদহুষ্ঠানের জন্ত ১৮৭৫ খৃঃ ১৬ই জুলাই

লর্ড নর্থব্রুক বাহাদুর কর্তৃক “মহারানী” উপাধিতে ভূষিতা হন এবং ম্যানেজার ক্ষেত্রমোহন “রায় বাহাদুর” উপাধি লাভ করেন। তিনি দিনাজপুর ও কালিয়াগঞ্জে একটি ইংরাজী বিদ্যালয়, বঙ্গবিদ্যালয় ও ব্যায়াম বিদ্যালয় স্থাপন করেন। মহারানী শ্রীমমোহিনী একজন বিদ্বতী, নির্ভাবান ও দয়ালু রমণী ছিলেন। তিনি গিরিজানাথকে পোষাপুল গ্রহণ করেন।

গিরিজানাথ রায়।

দিনাজপুরের বর্তমান মহারাজ শ্রীযুক্ত গিরিজানাথ রায় ১৮৬০ খৃঃ জন্মগ্রহণ করিয়াছেন। ইনি অপ্রাপ্ত ব্যবহার সময় বারানসী কলেজে অধ্যয়ন করেন। ১৮৭৬ খৃঃ ঐ কলেজ পরিত্যাগপূর্বক দিনাজপুরে প্রত্যগত হন। ১৮৮২ খৃঃ গিরিজানাথ সাবালক হইয়া রাজ্যভার গ্রহণ করেন। মহারানী ভিক্টোরীয়া পঞ্চাশদ্বর্ষকাল ইংলণ্ডের সিংহাসন অলঙ্কৃত করিলে ১৮৮৭ খৃঃ ভারতে “স্ববর্ণ জুবিলী” মহোৎসব উপলক্ষে গিরিজানাথ “মহারাজা” উপাধি প্রাপ্ত হইয়াছেন। পরঃ-প্রণালীর দ্বারা দিনাজপুর সহরের আবর্জনা লইয়া যাইবার জন্ত মহারাজ ৭৫,০০০ টাকা ব্যয়ে একটি খাল খনন করাইয়াছেন। তৎকালীন ছোট লাট স্যার রিভাস্ টমসনের নামে আর একটি খাল হইয়াছে। ইনি স্থানীয় লেডী ডকরিন্ হাঁসপাতাল প্রতিষ্ঠার ব্যয় বহন করেন। ১৯০২ খৃঃ মহারাজ গিরিজানাথ কলিকাতার ভিক্টোরীয়া স্মৃতিসৌধ নির্মাণ ভাণ্ডারে ২৫,০০০ টাকা দান করেন। ১৯১০ খৃঃ “পূর্ববঙ্গ ও আসাম” গবর্ণমেন্টের ব্যবস্থাপক সভার সভ্য মনোনীত হন। উক্ত প্রদেশের ভূতপূর্ব ছোট লাট স্যার ল্যান্সলট্ হেমার সাহেবের প্রতিমূর্তি রক্ষা ভাণ্ডারে মহারাজ ৩০০০ টাকা দান করেন। ১৯১০ খৃঃ স্বর্গীয় ভারতেশ্বর সপ্তম এডওয়ার্ডের স্মৃতি ভাণ্ডারে ১০০০ টাকা দিয়াছেন। ১৯১১ খৃঃ

১২ই ডিসেম্বর দিল্লীর বিরাট অভিষেক দরবারে “পূর্ববঙ্গ ও আসাম” প্রদেশের ছোটলটি কর্তৃক নিযুক্ত হন। ১৯১২ খৃঃ ৪ঠা জাহ্নবীর কলিকাতার লাটভবনে মহামান্য পঞ্চম জর্জ মহোদয় ও রাজ্যের এক রাজসভা হইয়াছিল, তৎকালে সেই রাজকীয় অভ্যর্থনা সমিতির সম্পাদক মুর্শিদাবাদের বর্তমান নবাব বাহাদুর দিনাজপুরপতিকে সম্রাট সকাশে যথারীতি পরিচিত করেন। ১৯১৩ খৃঃ দিনাজপুরে উত্তর-বঙ্গ সাহিত্য সম্মিলনের ষষ্ঠ অধিবেশনে মহারাজ গিরিজানাথ অভ্যর্থনা সমিতির সভাপতি এবং কলিকাতা হাইকোর্টের মাননীয় বিচারপতি শ্রীযুক্ত আশুতোষ চৌধুরী মহোদয় সম্মিলনীর সভাপতি পদে অলঙ্কৃত হইয়াছিলেন। ১৯১৩ খৃঃ মহারাজের যত্নে দিনাজপুরে হিন্দুহোস্টেল সংস্থাপিত হইয়াছে। ১৯১৪ খৃঃ এপ্রেল মাসে এলাহাবাদ সহরে সমগ্র কায়স্থ সমিতির অধিবেশনে দিনাজপুরের মহারাজ সভাপতি পদে অলঙ্কৃত হইয়াছিলেন। ১৯১৪ খৃঃ ৩রা জুন ভারত সম্রাট পঞ্চম জর্জ মহোদয়ের জন্মতিথি উপলক্ষে মহারাজ গিরিজানাথ “কে-সি-আই-ই” উপাধি সম্মানে সম্মানিত হইয়াছেন। মহারাজ শিল্প সমিতি, ক্রীড়া সমিতি, বিদ্যালয়, পাঠাগার প্রভৃতিতে অর্থ সাহায্য করিয়া থাকেন। ইনি শাস্ত্রজ্ঞ ব্রাহ্মণ পণ্ডিতগণকে আনুকূল্য করেন। মহারাজ শিল্পবিজ্ঞানের অমুরাগী ও সঙ্গীত প্রিয়। জনসাধারণের মধ্যে ও গবর্ণমেন্টের নিকট মহারাজের সম্মান ও প্রতিপত্তি আছে।

ষোড়শ বৎসর বয়ঃক্রম কালে গিরিজানাথের বিবাহ হইয়াছিল। মহারাজের সন্তানাদি না হওয়ায় ইনি শ্রীযুক্ত জগদীশনাথ রায়কে পোষ্য পুত্র গ্রহণ করিয়াছেন। ১৯১৬ খৃঃ ফেব্রুয়ারী মাসে বিহারের নূতন রাজধানী বাঁকীপুরের গবর্ণমেন্ট উকীল রায় শ্রীযুক্ত পূর্ণেন্দুনারায়ণ রায় বাহাদুরের পৌত্রী সহিত মহারাজকুমার বাহাদুরের শুভ বিবাহ হইয়াছে।

দিনাজপুর রাজবংশের প্রতীকীতা হরিরাম ঘোষ রায়ের জ্যেষ্ঠ সহোদর

হরিনারায়ণ ঘোষ রায়ের বংশধরগণ দিনাজপুর সহরে বাস করিতেছেন । এই বংশোদ্ভব স্বনামপ্রসিদ্ধ ত্রীযুক্ত শরদিন্দুনারায়ণ রায় এম-এ মহোদয় ১৯১১ খৃঃ রাজসাহী বিভাগের জমিদার সম্প্রদায়ের পক্ষ হইতে “পূর্ব-বঙ্গ ও আসাম” প্রদেশের ছোটলাটের ব্যবস্থাপক সভার সভ্য মনোনীত হন । ১৯১১ খৃঃ ১২ই ডিসেম্বর দিল্লীর বিরাট রাজস্থ যজ্ঞে উক্ত গবর্ণমেন্ট কর্তৃক নিমন্ত্রিত হইয়াছিলেন । ইনি বঙ্গসাহিত্যের বিশেষ অনুরাগী ও উৎসাহদাতা ।

তাজহাট রাজবংশ ।

১৭০৯ খৃঃ দীল্লীখ্বর সত্ৰাট বাহাদুর সাহেবর সময় পঞ্চনদ প্রদেশে যখন শিখ ও ববনে তুমুল সংগ্রাম উপস্থিত হয়, শিখগণের মধ্যে অনেকে তখন স্বদেশ পরিত্যাগ করিয়া পলায়নপর হইয়াছিল। রংপুর জেলার অন্তর্গত তাজহাট রাজবংশের জনৈক পূর্বপুরুষ সেই বিষম সঙ্কট সময় স্বদেশ পরিত্যাগপূর্বক উত্তর বঙ্গের নিভৃত স্থানে আগমন করিয়া প্রচ্ছন্নভাবে অবস্থিতি করিতে থাকেন।

৬ গিরিধারীলাল রায় ।

এই বংশে গিরিধারীলাল রায় একজন প্রতিপত্তিশালী পুরুষ ছিলেন। তিনি বিপুল অর্থব্যয়ে ও যৎপরোনাস্তি আয়াস স্বীকার করিয়া গবর্ণমেন্টের নিকট হইতে স্বীয় ভাগিনেয়ের স্রবৃহৎ সম্পত্তির উদ্ধার করেন। তৎপরে উত্তরাধিকার হস্তে সেই জমিদারী প্রাপ্ত হইয়াছিলেন।

৭ গোবিন্দলাল রায় ।

গিরিধারীলালের স্বর্গারোহণের পর তাঁহার পুত্র স্বনামধন্য মহারাজ গোবিন্দলাল রায় উত্তরাধিকারী হন। ১৮৫৪ খৃঃ ১লা ফেব্রুয়ারী তিনি কলিকাতা মহানগরীতে জন্মগ্রহণ করেন। বাল্যকাল হইতে তিনি অতিশয় শাস্ত ও বিনয়ী ছিলেন, অধিকন্তু তাঁহার দান শক্তির পরিচয় পাওয়া যায়। দেশীয়গণের অল্প দার্কিলিং সহরে “লুইস্ জুবিলী স্কাঙ্ক্

নিবাস" নিম্নাণার্থ তিনি ১,০০০০০ টাকা দান করেন। ১৮৮৮ খৃঃ বঙ্গের ছোটলাট স্যার ষ্টুয়ার্ট বেলি সাহেব বাহাদুর তাঁহার দানের সুখ্যাতি করিয়া “রাজা” উপাধি প্রদান করেন; বঙ্গেশ্বরের আদেশে রাজসাহী বিভাগের তৎকালীন কমিশনার বাহাদুর গোবিন্দলালের তাজহাটের রাজভবনে আগমনপূর্ব্বক একটি দরবার করিয়া তাঁহাকে রাজা উপাধির সনন্দ প্রদান করিয়াছিলেন। তিনি পরোপকারকেই মনুষ্য জীবনের একমাত্র কর্তব্য বলিয়া জানিতেন। দেশের সংকার্যের অনুষ্ঠানে তাঁহার পরিচয় পাওয়া যায়। তিনি অনেকগুলি বিদ্যালয়, পুস্তকালয়, দেবালয়, জনাশ্রয় প্রভৃতির প্রতিষ্ঠা ও প্রতিপোষণ করিয়া গিয়াছেন। এক একটি উপলক্ষে দেওয়ানী বন্দীর কারামুক্তির জন্ত ‘গবর্ণমেন্টের হস্তে অর্থ দিয়া তাহাদিগকে মুক্ত করিতেন। ১৮৯১ খৃঃ বঙ্গেশ্বর স্যার চার্লস ইলিয়াট বাহাদুর বেলভেডিয়ার প্রাসাদে একটি দরবার করিয়া তাঁহার গুণের পুরস্কারস্বরূপ “রাজা বাহাদুর” উপাধির সনন্দ প্রদান করেন। গোবিন্দলালের দানের সমষ্টি ৪,৪৯,৫৬৭ টাকা; এতদ্ব্যতীত বার্ষিক, মাসিক ও গোপনীয় চাঁদা প্রতিবৎসর নুত্বাধিক ৬,০০০ টাকা ছিল। অভুক্ত ভোজনের বার্ষিক ব্যয় ৫০০০ টাকা, অতিথি সংকার ও অভ্যাগত ব্যক্তির অভ্যর্থনাকল্পে বার্ষিক ৫০০০ টাকা নির্দ্ধারিত করেন। গোবিন্দলালের প্রশংসা করিয়া ভূতপূর্ব্ব রাজপ্রতিনিধি লর্ড এলগিন্ বাহাদুর ১৮৯৭ খৃঃ তাঁহাকে “মহারাজা” উপাধি সম্মানে সম্মানিত করেন; কিন্তু তিনি এই উপাধি অধিক দিবস ভোগ করিতে পারেন নাই। ১৮৯৭ খৃঃ ১২ই জুন শনিবার সমগ্র ভারতভূমি ভীষণ ভূমিকম্পে বিকাম্পিত হয়। সেই সময় মহারাজ গোবিন্দলাল স্বীয় রাজপ্রাসাদের বারান্দায় শান্তি অনুভব করিতেছিলেন। রাজপ্রাসাদ ভূমিসাৎ হইবার উপক্রম দেখিয়া মহারাজ প্রাণভয়ে পলায়ন সময় কার্গিসের ইষ্টক পতিত হইয়া তাঁহার বামপদের অস্থি ভঙ্গ হইয়া যায়। সেই সময় মহারাণী, কুমার বাহাদুর ও

রাজকুমারীগণ অন্তঃপুরের একটি খিলানের নিম্নে প্রাণরক্ষা করেন । তৎপরে তাঁহারা রাজভবন পরিত্যাগ করিয়া শ্রীযুক্ত বঙ্গচন্দ্র রায় মহাশয়ের বাটীতে অবস্থিতি করিয়াছিলেন । মহারাজের চিকিৎসার জন্য ছোটলাট স্যার আলেকজান্ডার ম্যাকেঞ্জি বাহাদুরের আদেশ অনুসারে কলিকাতা মেডিকেল কলেজের তদানীন্তন সুপ্রসিদ্ধ অন্তর্চিকিৎসক ডাক্তার ওব্রায়েন্ সাহেব তথায় গমন করেন, কিন্তু তিনি ভূমিকম্পের পর দশ দিবস মাত্র জীবিত ছিলেন । অতঃপর ১৮৯৭ খৃঃ ২৪শে জুন মহারাজ গোবিন্দলাল রায় জীবনলীলা সমাপন করিয়াছেন । মহারাজ মৃত্যুর পূর্বে ডাক্তার ওব্রায়েন্ সাহেবের সমক্ষে একখানি উইল করিয়া যান । তাহাতে মহারাণী শরৎসুন্দরী দেবী, মহারাজের শ্বশুর শ্রীযুক্ত রামকৃষ্ণ বর্ম্মা, মহারাজের জামাতা শ্রীযুক্ত রায় উমাশ্রসাদ চৌধুরী, মহারাজের ভ্রাতা শ্রীযুক্ত শিবনারায়ণ রায়, মহারাজের পারিবারিক চিকিৎসক শ্রীযুক্ত হরচন্দ্র রায় এবং রংপুর জজ আদালতের খ্যাতনামা উকীল শ্রীযুক্ত গোপালচন্দ্র চক্রবর্তী এই ছয়জন তাঁহার উইলের অছি নিযুক্ত হন । মহারাজের দুই বিবাহ হইয়াছিল । তদীয় প্রথম রাণী একটি মাত্র কন্যা রাখিয়া গতাস্থ হইলে তিনি দ্বিতীয়বার দারপরিগ্রহ করেন । তাঁহার দ্বিতীয়া পত্নীর গর্ভে দুইটি কন্যা ও একটি পুত্র সন্তান জন্মগ্রহণ করিয়াছেন ।

গোপাললাল রায় ।

মহারাজের মৃত্যুর পর তাঁহার একমাত্র পুত্র রাজা শ্রীযুক্ত গোপাললাল রায় তাজহাট রাজপদে সমাসীন হইয়াছেন । ইনি পূর্ববঙ্গের ছোটলাট স্যার ল্যান্সলট হেন্সার সাহেবের প্রতিমূর্ত্তি স্থাপনকল্পে ২৫০ টাকা দান করেন । ১৯১১ খৃঃ কলিকাতা সহরে নবীন

ভারত সম্রাটের অভ্যর্থনাকল্পে চাঁদায় ২,০০০ টাকা দিয়াছেন । ১৯১১ খৃঃ ১২ই ডিসেম্বর দিল্লীর বিরাট অভিব্যেক দরবারে “পূর্ববঙ্গ ও আসাম” প্রদেশের ছোটলাট কর্তৃক নিমন্ত্রিত হন । ১৯১২ খৃঃ ১৭ই জানুয়ারী কলিকাতার টাউনহলে হিন্দু বিশ্ববিদ্যালয়ের সমর্থনের জন্ত একটি সভা হইয়াছিল, তৎকালে ইনি ৫,০০০ টাকা দিতে প্রতিশ্রুত হন । ১৯১২ খৃঃ রাজা বাহাদুর রংপুর মিউনিসিপালিটির চেয়ারম্যান নির্বাচিত হইয়াছেন । ১৯১২ খৃঃ ২৪শে জুন ভারতেশ্বর মহামাশ্র পঞ্চম জর্জ মহোদয়ের জন্মতিথি উপলক্ষে গোপাললাল “রাজা” উপাধি সম্মানে ভূষিত হইয়াছেন । ১৯১৩ খৃঃ ইনি স্থানীয় টাউন হলের উন্নতিকল্পে ৪০০০ টাকা প্রদান করেন । ১৯১৩ খৃঃ আগষ্ট মাসে বর্ধমান বিভাগের ভীষণ বন্যাপীড়িত ব্যক্তিগণের সাহায্যকল্পে রাজা বাহাদুর ১,০০০ টাকা দিয়াছেন । ১৯১৩ খৃঃ বারাণসীধামের হিন্দু বিশ্ববিদ্যালয় ফণ্ডে পূর্বপ্রতিশ্রুতি অনুসারে ৫০০০ টাকা প্রদান করেন । কয়েক বৎসর পূর্বে ইহার জমিদারীভুক্ত জৈনক কৃষক মাটির ভিতর একটি কলসি প্রাপ্ত হয়, সেই কলসির মধ্যে পাঁচটি অষ্টধাতুর বিষ্ণুমূর্তি ছিল ; রাজা বাহাদুর গবর্ণমেন্টের নিকট হইতে উহার একটি বিগ্রহ লইয়া যে স্থানে পুণ্ড্রা যায় সেই স্থানে ১৯১৪ খৃঃ ২০শে জানুয়ারী ত্রিপঞ্চমীর দিবস প্রতিষ্ঠা করিয়াছেন । ইনি রাজ্যের উন্নতি ও প্রজা-পুঞ্জের মঙ্গলসাধনের জন্ত চেষ্টা করিয়া থাকেন । জনসাধারণের মধ্যে ও গবর্ণমেন্টের নিকট ইহার সম্মান ও সূচ্যতি আছে ।

কাকিনা রাজবংশ ।

রংপুর জেলার অন্তর্গত কাকিনার রাজগণ বারেন্দ্র কাম্বু । ইহাদের পূর্বপুরুষগণ কোচবিহাররাজের সেনাপতি থাকিয়া পাঠান, মোগল ও ভূটিয়াদের সহিত বারম্বার যুদ্ধ করিয়াছিলেন ।

৩ মহিমারঞ্জন রায় ।

এই বংশোদ্ভব রাজা মহিমারঞ্জন রায় ১৮৫৪ খৃঃ ৩রা ফেব্রুয়ারী বগুড়া জেলার অন্তর্গত লক্ষ্মীপুর গ্রামে জন্মগ্রহণ করেন । পর-
হিতৈষী ও দয়ালু বলিয়া সকলে তাঁহাকে শ্রদ্ধা করিতেন । তিনি
বিদ্যালয়ের কয়েকজন ছাত্রকে অর্থসাহায্য ও আহাৰাদি দিতেন ।
গ্রামস্থ অনেককে প্রতিবৎসর প্রয়োজনীয় সমস্ত ব্যয় দিয়া নানাস্থান
পরিদর্শনার্থ প্রেরণ করিতেন । তাঁহার অনুগ্রহে স্থানীয় অনেকে
কলিকাতা, শান্তিপুর, নবদ্বীপ, শ্রীক্ষেত্র, বৃন্দাবন, বারাণসী, বোম্বাই,
মাদ্রাজ প্রভৃতি স্থান ভ্রমণ করেন । কাকিনার কোন প্রকার পীড়ার
প্রকোপ হইলে পীড়িত ব্যক্তিগণের জন্য নানাপ্রকার ফল আনা ইয়া
বিতরণ করিতেন । তিনি পিতার নামে একটি উচ্চ ইংরাজী বিদ্যালয়
স্থাপন করেন, অধিকন্তু স্থানে স্থানে কুপথনন ও দাতব্য ঔষধালয়ের
ব্যবস্থা করিয়াছিলেন । ইংলণ্ডেখরী ভিক্টোরীয়া পঞ্চাশবর্ষকাল ইংলণ্ডের
সিংহাসন অলঙ্কৃত করিলে ১৮৮৭ খৃঃ ১৬ই ফেব্রুয়ারী দিল্লীর রাজসভায় যজ্ঞে
তিনি নিমন্ত্রিত হন, তৎকালে রাজপ্রতিনিধি লর্ড ডাকুইন্ বাহাদুর
তাঁহার প্রশংসা করিয়া “রাজা” উপাধি দিয়াছিলেন । ১৯০২ খৃঃ তীক্ষ্ণ

নদীর জলপ্রাচীন সময় প্রজাপুঞ্জের যথেষ্ট সাহায্য করেন। ১৯০৩ খৃঃ ভারতেশ্বর সপ্তম এডওয়ার্ডের অভিষেক উৎসব স্মরণার্থ, রংপুর হাঁস-পাতালে একটি ওয়ার্ড প্রতিষ্ঠার জন্ত ১০,০০০ টাকা দান করেন। ১৯০৯ খৃঃ জানুয়ারী মাসে বড়লাট লর্ড মিন্টো বাহাদুর সজ্জীক খরসানে কাকিনাধিপতির আতিথ্য গ্রহণ করিয়াছিলেন। তিনি কাকিনায় দেবালয়, অতিথিশালা, চিকিৎসালয়, বিদ্যালয় প্রভৃতি স্থাপন করেন। বঙ্গসাহিত্যে তাঁহার অনুরাগ ছিল। তিনি রংপুর সাহিত্য-পরিষদের সভাপতি ছিলেন। রাজা বাহাদুরের সাহায্যে “রংপুর দিক্ প্রকাশ” নামক একখানি সাপ্তাহিক সংবাদ পত্র প্রচারিত হয়। তিনি নানা প্রকার অনুষ্ঠানে বহু অর্থ দান করিয়া গিয়াছেন। রাজা বাহাদুর বদান্ত, বিদ্যোৎসাহী, মিষ্টভাবী ও প্রজাবৎসল পুরুষ ছিলেন। ১৯০৯ খৃঃ ৪ঠা এপ্রেল রাজা মহিমারঞ্জন রায় স্বর্গারোহণ করিয়াছেন। চতুর্দশ বৎসর বয়ঃক্রম কালে ফরিদপুর জেলার অন্তর্গত বাগজুলী-নিবাসী গৌরমুন্দের রায়ের কন্যার সহিত বিবাহ হইয়াছিল। তাঁহার একমাত্র পুত্র মহেন্দ্ররঞ্জন ও একটি কন্যা হেমলতা জন্মগ্রহণ করেন। ১৮৮৭ খৃঃ জানুয়ারী মাসে তদীয় হুহিতা গতাস্থ হইয়াছেন।

— — —

মহেন্দ্ররঞ্জন রায় ।

মহিমারঞ্জনের মৃত্যুর পর তাঁহার পুত্র শ্রীযুক্ত মহেন্দ্ররঞ্জন রায় কাকিনার রাজপদে সমাসীন হইয়াছেন। ইনি পিতৃদেবের শ্রায় সংকার্ষের উৎসাহদাতা ও বদান্যতার জন্ত প্রতিষ্ঠাবান হইয়াছেন। ১৯১০ খৃঃ অক্টোবর মাসে ইনি ঢাকায় গমন করিলে, ভূতপূর্ব বঙ্গেশ্বর ইহঁাকে যথোচিত সম্মান করিয়াছিলেন। কলিকাতায় রাজপ্রতিনিধি লর্ড মিন্টো বাহাদুরের প্রস্তর মূর্তি স্থাপনের স্মৃতিভাণ্ডারে ১৯১০ খৃঃ ইনি ৫০০

টাকা দান করেন । ১৯১১খৃঃ রাজা বাহাদুর রাজসাহী বিভাগের জেলা বোর্ড কর্তৃক “পূর্ববঙ্গ ও আসাম” প্রদেশের ছোটলাটের ব্যবস্থাপক সভার সভ্য মনোনীত হন । ১৯১১ খৃঃ কলিকাতা সহরে নবীন ভারত সম্রাটের অভ্যর্থনাকল্পে চাঁদায় যে অর্থ সংগ্রহ হয়, তাহাতে ইনি ৪,০০০ টাকা দিয়াছিলেন । ১৯১১ খৃঃ ১২ই ডিসেম্বর দিল্লীর বিরাট অভিষেক দরবারে মহেন্দ্ররঞ্জন “রাজা” উপাধি সম্মানে সম্মানিত হইয়াছেন । ইনি রাজোপাধিলাভ করিলে রংপুরের অধিবাসীগণ ১৯১২ খৃঃ মার্চ মাসে ইহাকে অভিনন্দন করেন, তৎকালে রাজা বাহাদুর রংপুরের উন্নতির জন্ত ৫০,০০০ টাকা দান করিতে প্রতিশ্রুত হন । ইনি কাকিনায় একটি উচ্চ শ্রেণীর ইংরাজী বিদ্যালয় প্রতিষ্ঠাকল্পে ২০,০০০ টাকা দিতে প্রতিশ্রুত হইয়াছেন । ১৯১৩ খৃঃ রাজসাহী বিভাগের জেলা ও লোক্যাল বোর্ডসমূহ হইতে বঙ্গীয় ব্যবস্থাপক সভার সভ্য নির্বাচিত হন । গবর্ণ-মেন্টের নিকট ইনি সুখ্যাতি লাভ করিয়াছেন । নানা প্রকার সদহুষ্ঠানে ইহার অনুরাগ দৃষ্ট হয় । ইনি একজন সম্ভ্রান্ত ও কৃতবিদ্য ব্যক্তি বলিয়া পরিচিত ।



ভিতরবন্দ জমিদারবংশ ।

বজ্রেশ্বর আদিশূর কাশ্যকুজ হইতে পঞ্চজন বেদজ্ঞ ব্রাহ্মণ বঙ্গদেশে আনয়ন করেন, ইহা সকলেই অবগত আছেন। বারেন্দ্র কুলজ্ঞদিগের মতে শাণ্ডিল্য গোত্রীয় নারায়ণ, কাশ্যপ গোত্রীয় সুষেণ, বাৎস্য গোত্রীয় ধরাধর, ভরদ্বাজ গোত্রীয় গৌতম ও সাবর্ণ গোত্রীয় পরাশর এই পঞ্চজন ব্রাহ্মণ এদেশে আগত হন। পূর্বোক্ত ব্রাহ্মণ পঞ্চকের অন্ততম ধরাধর মিশ্র রংপুর জেলার অন্তর্গত ভিতরবন্দ জমিদারবংশের আদি পুরুষ। ধরাধর—দেব ওঝা—সিদ্ধেশ্বর ওঝা—চতুর্বেদান্তাচার্য্য, বারেন্দ্র ভূমিতে বাস করেন—লক্ষ্মীধর ওঝা—বর্দ্ধমান—মেধেশ্বর—নরসিংহ—মহেশ্বর—বাণী—ভূতারক—সিদাই, রাজা বল্লাল সেনের নিকট হইতে কোলীজ প্রাপ্ত হন। তৎপুত্র কানাই—মোরাই—ঈশান—কুবের—বৈষ্ণবী মিশ্র পুথরিয়ার সাত্তালদিগের মধ্যে খ্যাতনামা হইয়াছিলেন। তাঁহার পুত্র দামোদর ওঝা বারেন্দ্র ব্রাহ্মণগণের মধ্যে প্রসিদ্ধি লাভ করেন। দামোদরের দুই পুত্র—রামনাথ ও অনন্ত ওঝা। কনিষ্ঠ অনন্তের পুত্র গোপীজন চক্রবর্তী। তাঁহার দুই পুত্র—নৃসিংহ চক্রবর্তী ও কৃষ্ণবল্লভ ভট্টাচার্য্য। জ্যেষ্ঠ নৃসিংহের চারি পুত্র—রামদেব, রামনাথ, রামশরণ ও গোপাল সাত্তাল।

৬ গোপাল সান্যাল।

নৃসিংহের কনিষ্ঠ পুত্র গোপাল সাত্তাল সপ্তদশ শতাব্দীর শেষ ভাগে কুড়মইলের শ্রোত্রীয় ধর্ম মহাশয়দিগের কন্যাকে বিবাহ করিয়া তথায়

বসতি করেন। এই কুড়মইলগ্রাম বারেন্দ্র ব্রাহ্মণগণের আদি নিবাস। এক্ষণে ইহা রাজসাহী জেলার অন্তর্গত বলিহার নামে পরিচিতি। গোপালের চারি পুত্র—রামকান্ত, রামকত্র, রামবল্লভ ও গ্রামবল্লভ সান্তাল।

প্রাচীন রাজত্বকালে নবাবের রাজধানী হইতে দূরবর্তী স্থানের ভূঁইয়ারা নবাবকে কিছু কিছু রাজস্ব দিয়া অধীনতা স্বীকার করিত। তাঁহারাই বাঙ্গালা দেশের বার ভূঁইয়া নামে খ্যাত, তন্মধ্যে যশোহরের প্রতাপাদিত্য অগ্রতম ছিলেন। প্রতাপাদিত্যের পতনের পর ১৬১৫ খৃঃ চাঁদ রায় নামে জনৈক বারেন্দ্র ব্রাহ্মণ ঢাকার নবাব কাশিম খাঁর অধীনে করসংগ্রাহক শাসনকর্তা নিযুক্ত হন। তিনি নবাবের প্রিয়পাত্র হইয়া প্রভূত অর্থার্জন করেন, তজ্জন্ত নবাব তাঁহাকে “রায় রাঁইয়ান” উপাধি দিয়াছিলেন। ১৬১৬ খৃঃ দিল্লীখর জাহাঙ্গীর সাহ তাঁহার কার্য্য কুশলতায় প্রীত হইয়া “রাজা” উপাধি প্রদান করিয়া বাহিরবন্দ, ভিতরবন্দ, স্বরূপপুর, পাতিলাদহ, আমবাড়ী, সুজানগর, ইসলামবাড়ী, গম্বাড়ী এই আটখানি পরগণা জায়গীর দিয়াছিলেন। বাহিরবন্দ ও গম্বাড়ী নাটোরের রাণী ভবানী নিলামে ক্রয় করেন। তৎপরে ১৭৮০ খৃঃ ওয়ারেন হেস্টিং সাহেব উহা রাণী ভবানীর নিকট হইতে লইয়া মুর্শিদাবাদ—কাশীমবাজার রাজ-বংশের প্রতিষ্ঠাতা কান্তবাবুকে দিয়াছিলেন। আধুনা পাতিলাদহ কলিকাতা-পাখুরিয়াবাটার মহারাজ শ্রীর ত্রীযুক্ত প্রভোৎকুমার ঠাকুরের সম্পত্তি। কলিকাতা-জানবাজারের সুপ্রসিদ্ধা রাণী রাসমণি স্বরূপপুর ক্রয় করেন, এক্ষণে তাঁহার দৌহিত্রগণ ভোগ করিতেছেন। আমবাড়ী, ইসলামবাড়ী ও সুজানগর কাহার অধীনে আছে তদ্বিসয় অজ্ঞাত। ভিতরবন্দ এই বংশের অজ্ঞাপি রহিয়াছে।

তৎপরে চাঁদ রায়ের পুত্র রাজা রত্ননাথ রায় ১৬৯৩ খৃঃ রাজ্য প্রাপ্ত হন। তিনি কাশীনাথ রায়ের কন্যা সত্যবতীকে বিবাহ করেন।

কালীনাথের পূর্বপুরুষগণ বিক্রমপুরের অন্তর্গত রাইলচেরা গ্রাম পরিত্যাগ পূর্বক বাহিরবন্দে বাস করিয়াছিলেন। ১৭২৩ খৃঃ রাজা রঘুনাথ রায় লোকান্তরিত হন। তিনি মৃত্যুকালে তদীয় পত্নী রাণী সত্যবতীকে একমাত্র উত্তরাধিকারিণী করিয়া বান। ১৭৮২ খৃঃ রাণী সত্যবতী ইহলোক পরিত্যাগ করিয়াছেন।

৮ রামকান্ত সাগাল।

গোপালের জ্যেষ্ঠ পুত্র রামকান্ত সাগাল প্রায় সমুদয় বলিহার পরগণা উত্তরাধিকার ও ক্রয় হত্রে প্রাপ্ত হন। সত্যবতীর মাতা ও রামকান্তের স্ত্রী উভয়ে সহোদরা ভগ্নী ছিলেন। রামকান্তের চারি পুত্র—কৃষ্ণদেব, প্রাণকৃষ্ণ, রামরাম ও বিষ্ণুরাম রায়।

৯ কৃষ্ণদেব রায়।

রামকান্তের জ্যেষ্ঠ পুত্র কৃষ্ণদেব রায়ের সহিত রাণী সত্যবতীর এক খুড়তুতো ভগ্নীর বিবাহ হইলে তিনি লক্ষণপুর ঘোড়কস্বরূপ প্রাপ্ত হন। কৃষ্ণদেবের পুত্র রাধাকৃষ্ণ রায়। তাঁহার দুই পুত্র—কেবলকৃষ্ণ ও শিবকৃষ্ণ রায়। কনিষ্ঠ শিবকৃষ্ণের তিন পুত্র—বিশ্বনাথ, শম্ভুনাথ ও বৈদ্যনাথ। জ্যেষ্ঠ বিশ্বনাথের পুত্র—শ্রীনাথ; তাঁহার দুই পুত্র—চন্দ্রনাথ ও কালীনাথ। জ্যেষ্ঠ চন্দ্রনাথের পুত্র বিজয়নাথ; তাঁহার তিন পুত্র—যতীন্দ্রনাথ, শৈলেন্দ্রনাথ ও বিশ্বনাথ রায় লক্ষণপুরে বাস করিতেছেন।

শিবকৃষ্ণের মধ্যম পুত্র শম্ভুনাথের তিন পুত্র—কালীনাথ, কৃষ্ণনাথ ও গৌরনাথ রায়। জ্যেষ্ঠ কালীনাথের দুই পুত্র—দুর্গানাথ ও গোবিন্দনাথ। কনিষ্ঠ গোবিন্দ নাথের তিন পুত্র—শিবেন্দ্রনাথ, তারকনাথ ও দেবেন্দ্র-

নাথ । জ্যেষ্ঠ শিবেন্দ্রনাথের দুই পুত্র শ্রীযুক্ত গিরীন্দ্রনাথ ও শ্রীযুক্ত ধীরেন্দ্রনাথ রায় লক্ষণপুরে বসতি করিতেছেন ।

৬ প্রাণকৃষ্ণ রায় ।

রামকান্তের মধ্যম পুত্র প্রাণকৃষ্ণের দুই পুত্র—রামচন্দ্র ও জগন্নাথ রায় । জ্যেষ্ঠ রামচন্দ্রের পুত্র নীলকণ্ঠ রায় । তাঁহার পুত্র রাজেন্দ্রনাথ রায়ের সহিত নাটোরের মহারাজ রামকৃষ্ণ রায়ের কন্যার বিবাহ হইয়া ছিল । সেই সময় যৌতুকস্বরূপ একটি ভূসম্পত্তি প্রাপ্ত হন । তিনি অপুত্রক থাকায় শিবপ্রসাদকে পোষ্য পুত্র গ্রহণ করেন । শিবপ্রসাদের দত্তক পুত্র রাজা কৃষ্ণেন্দ্র রায় ১৮৮০ খৃঃ ইংরাজ গবর্ণমেন্টের নিকট হইতে প্রথম “রাজা” উপাধি প্রাপ্ত হন । তিনি নিঃসন্তান থাকায় ভিতরবন্দের অগ্রতম জমিদার যোগেন্দ্রচন্দ্র রায়ের কনিষ্ঠ পুত্র সুরেন্দ্রচন্দ্রকে পোষ্য পুত্র গ্রহণ করেন । এক্ষণে ইনি কুমার শ্রীযুক্ত শরদিন্দুনাথ রায় নামে পরিচিত । ইহার পুত্র কুমার শ্রীমান্ বিমলেন্দুনাথ রায় । অধুনা ইহা রাজসাহী জেলার অন্তর্গত বলিহার রাজবংশ বলিরা প্রসিদ্ধ হইয়াছে ।

৭ রামরাম রায় ।

রামকান্তের তৃতীয় পুত্র রামরাম রায় রাণী সত্যবতীর বিশেষ প্রিয়পাত্র ছিলেন ; তজ্জন্ত রাণী তাঁহাকে দেওয়ান পদে নিযুক্ত করেন । ১৭২৮ খৃঃ রামরাম ৬জগন্নাথদেব দর্শনে তীর্থযাত্রা করেন । সেই সময় জনৈক ধীবর মৎস্য ধরিবার সময় জালে একটি ৬ কালীর প্রতিনির্ভূতি পাইয়াছিল । অনন্তর ঐ ধীবর উহা কোন ব্রাহ্মণের বাটীতে দিয়াছিল, কিন্তু সেই ব্রাহ্মণের বিগ্রহকে সেবা দিবার সজ্জতি ছিল না । রামরাম পুরীধাম

হইতে প্রত্যাগমন কালে সেই ব্রাহ্মণের বাটীতে আশ্রয় গ্রহণ করেন । ব্রাহ্মণ দেবীর সেবায় অসমর্থ হইলে রামরাম স্বপাদৃষ্ট হইয়া উহা স্বীয় বাটীতে আনিয়া দিলালপুর নামক স্থানে প্রতিষ্ঠিত করেন । অধুনা ইহা দিলালপুরের “সিদ্ধেশ্বরী দেবী” নামে প্রচারিত । যখন দেবীকে আনয়ন করা হয় তখন রাণী সত্যবতী জীবিত ছিলেন । তিনি এই বৃত্তান্ত অবগত হইয়া দিলালপুর ও স্বরূপপুর পরগণা দেবীর সেবার্থে রামরামকে দান করেন । এই দেবী চিকলী নদীর উত্তরপূর্বদিকে দিলালপুরে অষ্টাপি বিদ্যমান রহিয়াছেন । রাণী সত্যবতী রামরামকে বিশেষ সম্মান করিতেন । মুর্শিদাবাদের নবাব দরবারেও তাঁহার স্মৃতি ছিল । ১৭২৯ খৃঃ নবাব সাজাউদ্দৌলা সন্তুষ্ট হইয়া রামরামকে বংশগত “রায় চৌধুরী” উপাধি প্রদান করেন । ১৭৩৫ খৃঃ রাণী সত্যবতী তাঁহার দেওয়ানী কার্যে সন্তুষ্ট হইয়া ভিতরবন্দ পরগণা জায়গীর দিয়াছিলেন । অধুনা ইহা “দেওয়ান জায়গীর” নামে পরিচিত । এই স্থানে রামরাম গৃহ নিৰ্ম্মাণ করিয়া বসতি করেন । তিনি একটি বৃহৎ বৈটকখানা নিৰ্ম্মাণ করেন, উহা “দেওয়ান খানা” নামে অভিহিত হয় । রামরাম জ্ঞানবান, ধান্মিক, স্বাধীনচেতা ও স্বকৃত পুরুষ ছিলেন । তিনি বার্নিক্যে জমিদারী তাঁহার পুত্র কৃষ্ণগোবিন্দ ও মধ্যম ভ্রাতা প্রাণকৃষ্ণের পুত্র রামচন্দ্রের মধ্যে বিভাগ করিয়া দিয়া ১৭৫৪ খৃঃ পুণ্যভূমি বারানসীধাম গিয়া বাস করেন । তদবধি ভিতরবন্দ পরগণা দুইভাগে বিভক্ত হইয়াছে ।

৮ কৃষ্ণগোবিন্দ রায় ।

অতঃপর রামরামের পুত্র কৃষ্ণগোবিন্দ রায় চৌধুরী পৈতৃক সম্পত্তি প্রাপ্ত হন । ১৭৫৪ খৃঃ তিনি ভিতরবন্দ পরগণার অন্তর্গত পায়রা-

ডাঙ্গা নামক স্থানে বাসুদেব ভাট্টা নামক জনৈক বারেন্দ্র বংশগণকে চারিশত বিঘা নিষ্কর ভূসম্পত্তি দিয়া বাস করাইয়াছিলেন। কৃষ্ণগোবিন্দ মৃত্যুকালে একমাত্র পুত্র কৃষ্ণকান্তকে রাখিয়া যান।

৬ কৃষ্ণকান্ত রায় ।

কৃষ্ণগোবিন্দের পর তাঁহার পুত্র কৃষ্ণকান্ত রায় চৌধুরী উত্তরাধিকারী হন। তিনি বহুদর্শিতায় জ্ঞানবান ছিলেন। সমাজে তাঁহার সুখ্যাতি ছিল। কোন সম্প্রদায়ের প্রতি তাঁহার বিদ্বেষ ছিল না, যে কোন ধর্মের প্রতি তিনি শ্রদ্ধা প্রদর্শন করিতেন। নিজের চরিত্রগুণে তথাকার সকল শ্রেণীর লোকের শ্রদ্ধাভাজন হইয়াছিলেন। তাঁহার সন্তানাদি না হওয়ার তিনি কালীকান্তকে পোষ্যপুত্র গ্রহণ করেন।

৭ কালীকান্ত রায় ।

কৃষ্ণকান্তের দত্তক পুত্র কালীকান্ত রায় চৌধুরী ধার্মিক ও স্বাধীন-চেতা ছিলেন। তিনি সংস্কৃত ভাষায় কথঞ্চিৎ ব্যুৎপত্তি লাভ করেন। তিনি দুলাল বণিক নামক জনৈক হিন্দু কৃষক প্রজার নিকট একটি পিস্তলের বিগ্রহ প্রাপ্ত হইয়া প্রতিষ্ঠা করেন। যে স্থান হইতে কৃষক ঐ বিগ্রহ প্রাপ্ত হয়, সেই স্থান তিনি তাহাকে দান করেন। এই বিগ্রহের সেবার জন্য কালীকান্ত ভূসম্পত্তি উৎসর্গ করিয়া যান। তিনি কুল-দেবতা গোপাল জীউর পরম ভক্ত ছিলেন। ১৮১৩ খৃঃ কালীকান্ত রায় চৌধুরী লোকান্তরিত হন। তাঁহার ছয় পুত্র—কাশীকান্ত আনন্দচন্দ্র, ভবানীকান্ত, কল্লিলীকান্ত, কদ্রকান্ত ও গৌরীকান্ত রায় চৌধুরী।

৬ কাশীকান্ত রায় ।

কাশীকান্তের জ্যেষ্ঠপুত্র কাশীকান্ত রায় চৌধুরী অপুত্রক থাকায় দুর্গাকান্তকে পোষাপুত্র গ্রহণ করেন। তিনিও পিতার স্থায় নিঃসন্তান হওয়ায় বরদাকান্তকে দত্তক লইয়াছিলেন। নাটোরের বর্তমান মহারাজা শ্রীযুক্ত জগদীন্দ্রনাথ রায়ের ভগ্নীকে বরদাকান্ত বিবাহ করেন। ময়মনসিংহ-গৌরীপুরের সুপ্রসিদ্ধ জমিদার শ্রীযুক্ত ব্রজেন্দ্রকিশোর রায় চৌধুরীর প্রথম কন্যার সহিত বরদাকান্তের পোষাপুত্র শ্রীযুক্ত ব্রজেন্দ্রকান্ত রায় চৌধুরী বি-এ মহাশয়ের বিবাহ হইয়াছে।

৬ আনন্দচন্দ্র রায় ।

কাশীকান্তের মধ্যম পুত্র আনন্দচন্দ্র রায় চৌধুরী সামাজিক বিষয়ে উদার মতাবলম্বী ছিলেন। তিনি সম্ব্যবহারে লোকের চিত্তরঞ্জন করিতেন। তিনি অকালে ইহলোক হইতে মহাপ্রস্থান করেন।

৬ মহেশচন্দ্র রায় ।

অতঃপর আনন্দচন্দ্রের একমাত্র পুত্র মহেশচন্দ্র রায় চৌধুরী পৈতৃক বিষয়ের উত্তরাধিকারী হন। তিনি সংস্কৃত ভাষায় জ্ঞানবান ছিলেন। নানাশ্রকার সদমুঠানে তাঁহার অধ্যয়ন ছিল। তিনি তত্ত্বশাস্ত্রে বিশেষ ব্যুৎপত্তি লাভ করেন এবং অধিক সময় ঐ শাস্ত্র আলোচনায় অতিবাহিত করিতেন। তিনি সহৃদয় ও দাতা ছিলেন। ১৮৫৩ খৃঃ মহেশচন্দ্র রায় চৌধুরী নিঃসন্তান অবস্থায় মানবলীলা সম্বরণ করেন।

তাঁহার পরলোকান্তে তদীয় পত্নী হৈমবতী দেবী বিষয় কার্য

পরিচালনা করিতেন। তিনি ধার্মিক, দয়ালু ও পরহিতৈষিনী রমণী ছিলেন। তিনি ব্রাহ্মণগণকে, হিন্দু বিধবাদিগকে ও নানা প্রকার সংকার্যে অর্থব্যয় করেন। অতিথিশালা, অন্নসত্র প্রভৃতি স্থাপন করিয়াছিলেন। তিনি বলিহারের হরচন্দ্র ভাট্টার কন্যা। হরচন্দ্রের পূর্বপুরুষ দিল্লীর মোগল সরকারে কার্য্য করিয়া “খাঁ চৌধুরী” উপাধি প্রাপ্ত হন। শেষ অবস্থায় হৈমবতী ঢাকা-বিক্রমপুরের মূলচরের মাঠালবংশোদ্ভব যোগেন্দ্রচন্দ্রকে পোষ্য পুত্র গ্রহণ করিয়া তাঁহার হস্তে জমিদারীর ভার দিয়া বারাগসীধামে গিয়া বাস করেন। তথায় অবস্থানকালে প্রতাহ বহু লোককে আহ্বার দিতেন। সেই সময়, তাহিরপুরের রাজা কাশীধর রায়ের বিধবা পত্নী রাণী মাতঙ্গী দেবীও তথায় ছিলেন। ১৯১৩ খৃঃ পঁচাত্তর বৎসর বয়সে হৈমবতী দেবী কাশীধামে গতাস্ব হন।

৬ যোগেন্দ্রচন্দ্র রায় ।

তদনন্তর যোগেন্দ্রচন্দ্র রায় চৌধুরী বিষয় সম্পত্তি প্রাপ্ত হন। ১৮৬৫ খৃঃ ভূটান যুদ্ধের সময় একদল ব্রিটিশবাহিনী ভিতরবন্দে কিয়দ্দিবস অবস্থিতি করিয়াছিল, সেই সময় যোগেন্দ্রচন্দ্র তাহাদিগের রসদ যোগাইয়াছিলেন। তিনি রংপুর জেলার মধ্যে ভিতরবন্দে সর্বপ্রথম দাতব্য ঔষধালয় স্থাপন করেন। তজ্জন্ত ১৮৭৭ খৃঃ ১লা জানুয়ারী দিল্লীর দরবারে তৎকালীন বঙ্গেশ্বর শ্রীর রিচার্ড টেম্পল্ একখানি প্রশংসাপত্র দিয়াছিলেন। খুবড়ী রেলপথ হইবার পূর্বে বহু তীর্থ যাত্রী এই স্থান দিয়া আসাম-গোহাটির ৬ কামাখ্যা দেবী দর্শনে গমন করিত, তখন তাহারা যোগেন্দ্রচন্দ্রের অতিথিশালায় আহ্বার প্রাপ্ত হইত, অধিকন্তু তিনি অর্থ সাহায্যও করিতেন। তিনি অতি লোকবৎসল ও সহৃদয় পুরুষ ছিলেন। তিনি বিদ্যা শিক্ষা ও সঙ্গীতের অমুরাগী এবং

উৎসাহদাতা ছিলেন। সংস্কৃত ভাষায় অধিকার ছিল। তিনি একটি পাঠাগার স্থাপন করিয়া বোম্বাই, পুনা, নবদ্বীপ প্রভৃতি নানা স্থান হইতে গ্রন্থ সংগ্রহ করিয়াছিলেন। তিনি ভিতরবন্দে একটি মধ্য ইংরাজী বিদ্যালয় প্রতিষ্ঠা করেন। ১৮৮০ খৃঃ যোগেন্দ্রচন্দ্র রায় চৌধুরী লোকান্তরিত হইয়াছেন। তিনি মৃত্যুকালে কুমার শ্রীযুক্ত গোপালদাস, শ্রীযুক্ত হরি দাস ও শ্রীযুক্ত সুরেন্দ্রচন্দ্র নামে তিন পুত্র রাখিয়া যান। তাঁহার কনিষ্ঠ পুত্র সুরেন্দ্রচন্দ্রকে বলিহারের রাজা কৃষ্ণেন্দ্র রায় দত্তক গ্রহণ করেন। এক্ষণে ইনি কুমার শ্রীযুক্ত শরদিন্দুনাথ রায় নামে বিদিত হইয়াছেন।

গোপালদাস রায় ।

যোগেন্দ্রচন্দ্রের জ্যেষ্ঠ পুত্র কুমার শ্রীযুক্ত গোপালদাস রায় সপ্তম বৎসর বয়সে পিতৃহীন হইলে ইহঁার পিতামহী হৈমবতী অভিভাবিকা থাকেন। দ্বাদশ বৎসর বয়ঃক্রম কালে কলিকাতায় বিদ্যা শিক্ষার জন্য আগমন করেন। ইনি মেট্রপলিটন ও সেন্টজেনিয়ার কলেজে প্রবেশিকা পর্য্যন্ত অধ্যয়ন করিয়াছেন। মহর্ষি দেবেন্দ্রনাথ ঠাকুর ইহঁাকে বিশেষ স্নেহ করিতেন। ইনি কয়েক বৎসর কুড়িগ্রাম স্বাধীন বেঞ্চের অদৈতনিক মাজিষ্ট্রেট পদে নিযুক্ত থাকিয়া কৃতিত্বের পরিচয় দিয়াছিলেন। ১৮৮৯ খৃঃ ভূতপূর্ব বঙ্গেশ্বর শ্রীর ষ্ট্র্যাট বেলী সাহেব কুড়িগ্রাম হইয়া আসাম গমন কালে ইহঁার স্ববন্দোবস্তের জন্য প্রীত হইলে রংপুরের তৎকালীন মাজিষ্ট্রেট স্কট সাহেব ইহঁাকে একখানি ধন্যবাদসূচক পত্র দিয়াছিলেন। ১৮৯৩ খৃঃ পিতৃদেবের প্রতিষ্ঠিত ভিতরবন্দ দাতব্য ঔষধালয়ের বাটী ইষ্টক নির্মিত হইবার সময় ইনি অধিক সাহায্য করেন। উভয় ভ্রাতার চেষ্টায় ভিতরবন্দে মধ্য ইংরাজী বিদ্যালয় পাকা হইয়াছে। কুমার গোপালদাস এবং বলিহারের রাজা কৃষ্ণেন্দ্র রায়ের পোষ্যপুত্র

কুমার শরদিন্দুনাথ রায় এক মাতার গর্ভজাত বলিয়া জ্যেষ্ঠ গোপালদাসকে ছোটলাট স্ত্রীর আলেকজান্ডার ম্যাকেঞ্জী বাহাদুর কুমার সম্মানে অভিহিত করেন। এই বংশের মধ্যে ইনি প্রথমতঃ গবর্ণমেন্টের নিকট সম্মানিত হইয়া ১৮৯৭ খৃঃ বেলভেডিয়ায় দরবারে বঙ্গেশ্বর ম্যাকেঞ্জী বাহাদুর কর্তৃক নিমন্ত্রিত হইয়াছিলেন। ১৯০১ খৃঃ ছোটলাট স্ত্রীর জন্ম উদ্ভববর্ণ বাহাদুর ইহার রাজভক্তি ও সৌজন্যতায় প্রীত হইয়া স্বীয় স্বহস্তাক্ষরযুক্ত একখানি ফটোগ্রাফ উপহার দিয়াছিলেন। ১৯০৩ খৃঃ ইনি ভিক্টোরিয়া এডওয়ার্ড নামক পাঠাগার স্থাপন করিয়াছেন। ইহার যত্নে দরিদ্র ছাত্রবৃন্দের জন্ত ভিতরবন্দ “বেলাভোলেন্ট্ ফণ্ড” প্রতিষ্ঠিত হইয়াছে। নাটোরের ছোট তরফের রাজা যোগেন্দ্রনাথ রায়ের কন্যা শ্রীমতী বিদ্যাবাসিনীর সহিত ইহার বিবাহ হইয়াছে। ময়মনসিংহ—রামগোপালপুরের রাজা শ্রীযুক্ত যোগেন্দ্রকিশোর রায় চৌধুরীর জ্যেষ্ঠ পুত্র কুমার শ্রীযুক্ত নগেন্দ্রকিশোরের প্রথম কন্যার সহিত ইহার পুত্র শ্রীমান জ্যোতিষেন্দ্রের শুভ-পরিণয় হয়। কলিকাতা হাইকোর্টের ব্যারিষ্টার জে, বাগচীর সহিত ইহার কন্যার বিবাহ হইয়াছে। মুক্তাগাছা, পুঁটিয়া, স্ফঙ্গ, শ্রীরামপুর প্রভৃতি স্থানের সম্ভ্রান্ত বংশের সহিত ইহাদের আত্মীয়তা আছে।

রাজসাহী-তাহেরপুরের রাজা শ্রীযুক্ত শশিশেখরেশ্বর রায়ের কন্যার সহিত ইহার কনিষ্ঠ ভ্রাতা শ্রীযুক্ত হরিদাস রায় চৌধুরীর বিবাহ হইয়াছে।

কালীকান্তের চতুর্থ পুত্র শ্রীযুক্ত কল্লীকান্ত রায় চৌধুরীর সহিত নাটোরের ছোট তরফের রাজা শিবনাথ রায়ের একমাত্র কন্যা জয়হুগার বিবাহ হইয়াছিল।

৩ রুদ্রকান্ত রায় ।

কালীকান্তের পঞ্চম পুত্র রুদ্রকান্ত রায় চৌধুরী অপুত্রক থাকায় একটি পোষ্যপুত্র গ্রহণ করেন। তাঁহার দত্তক পুত্র ভৈরবকান্ত রায় চৌধুরীও নিঃসন্তান থাকায় রোহিণীকান্তকে দত্তক লইয়াছিলেন। তাঁহার দত্তকপুত্র সারদাকান্ত রায় চৌধুরীর একমাত্র পুত্র শ্রীযুক্ত ধীরেন্দ্রকান্ত রায় চৌধুরীর সহিত ময়মনসিংহ-গৌরীপুরের সুপ্রসিদ্ধ জমিদার শ্রীযুক্ত ব্রজেনকিশোর রায় চৌধুরী মহাশয়ের দ্বিতীয়া কন্যার বিবাহ হইয়াছে।

কুণ্ডি জমীদারবংশ ।

৩ শঙ্কর মুখোপাধ্যায় ।

১৬০৪ খৃঃ অষ্টরাধিপতি রাজা মান সিংহ বঙ্গ বিজয় করিয়া আসাম অভিযুখে অভিযান করেন। সেই সময় মুর্শিদাবাদ হইতে উত্তর বঙ্গের পথে অগ্রসর হইবার কালে তাঁহার জনৈক কর্মচারীর আবশ্যক হয়। বর্ধমান জেলার অন্তর্গত কাটোয়া মহকুমার অধীন আঙ্গারপুর-চিরথিরা নামে একখানি ক্ষুদ্র পল্লীগ্রাম আছে। তথায় শঙ্কর মুখোপাধ্যায় নামক জনৈক হীনাবস্থাপন্ন সংব্রাক্ষণ বসবাস করিতেন। তিনি ফুলিয়া মেলের স্বভাব কুলীন ছিলেন।

৩ কেশবচন্দ্র মুখোপাধ্যায় ।

শঙ্কর মুখোপাধ্যায়ের জ্যেষ্ঠ পুত্র কেশবচন্দ্র মুখোপাধ্যায়কে রাজ-অনুচরগণ কর্মচারী নির্বাচন করিয়া মানসিংহের সমীপে আনয়ন করেন। কেশবচন্দ্রের সদৃশ্য দেখিয়া মানসিংহ তাঁহাকে সমভি-বাহারে লইয়া রংপুর গমন করিয়াছিলেন। মোগল-বৈজয়ন্তী উত্তর বঙ্গে সর্বপ্রথম কুণ্ডিতেই উড্ডীন হয়। তৎকালে কুণ্ডি পরগণা সরকার ঘোড়াঘাটের অধীনে স্বর্ধাকুণ্ডি নামে খ্যাত ছিল। রাজা মানসিংহ দিল্লীশ্বর সম্রাট্ আকবর সাহের পীড়ার সংবাদ পাইয়া আসাম সীমান্ত হইতে দিল্লী প্রত্যাবর্তন কালে কুণ্ডি পরগণার শাসনভার তাঁহার প্রিয় কর্মচারী কেশবচন্দ্রের হস্তে অর্পণ করিয়া যান। ১৬২৩ খৃঃ সম্রাট্ জাহাঙ্গীরের রাজত্ব কালে কেশবচন্দ্র দিল্লী গমন করেন। তথায় গিয়া

প্রভূত “পেশকস” ও অগ্রিম দুই বৎসরের রাজস্ব প্রদান করিয়া কুণ্ডি পরগণার জমিদারী স্বত্বের সনন্দ এবং “রায় চৌধুরী” উপাধিসহ খেলাত প্রাপ্ত হইয়াছিলেন। ঢাকা তৎকালে বঙ্গদেশের রাজধানী ছিল। কেশবচন্দ্র স্বদেশে প্রত্যাগমন করিয়া বঙ্গদেশের শাসনকর্তা ঢাকার সাহ জাহানের নিকটও বিশেষ সম্মান লাভ করেন। তাঁহার আটটি পুত্র সম্ভান জন্মিয়াছিল। তিনি মৃত্যুকালে জমিদারী পুত্রগণকে বিভাগ করিয়া দিয়া যান।

৩ রামদেব রায় চৌধুরী ।

কেশবচন্দ্রের প্রথমা পত্নীর গর্ভজাত জ্যেষ্ঠ পুত্র রামদেব রায় চৌধুরী মোট জমিদারীর চারি আনা অংশ প্রাপ্ত হন; অবশিষ্ট বারআনা অংশ তাঁহার সাত পুত্র প্রাপ্ত হইয়াছিলেন। রামদেবের অত্যাশ্রিত ভ্রাতৃ-পুত্রগণ অপুত্রক থাকায় পোষ্যপুত্র দ্বারা তাঁহাদের বিষয় সম্পত্তি রক্ষিত হইতেছে।

এক্ষণে কুণ্ডির ভূম্যধিকারীগণ বহু শাখায় বিভক্ত। কুণ্ডি পরগণার অন্তর্গত সদ্যপুষ্করিণী গ্রামে ইহাদের আদি নিবাস। এই গ্রামের নাম একটি বৃহৎ সরোবরের নাম হইতে হইয়াছে। সম্ভবতঃ রাজা মানসিংহ অতি অল্প সময় মধ্যে এই পুষ্করিণী খনন করাইয়াছিলেন এবং ইহার পশ্চিমদিকের ঘাটের নিকট একটি ৩ শিব স্থাপন করিয়া যান। অদ্যাপি সেই শিবলিঙ্গের যথাবিধি পূজা হইয়া থাকে। কুণ্ডির প্রাচীন ভূম্যধিকারীবংশে সদৃশশালী বহু ব্যক্তি জন্মগ্রহণ করিয়াছেন। তাঁহাদের যত্নে রংপুর জেলার বহুতর উন্নতি সাধিত হয়। ইহাদের চেষ্টায় রংপুরে সর্বপ্রথম জমিদার সভা, দাতব্য চিকিৎসালয়, ইংরাজী বিদ্যালয়, সংস্কৃত চতুষ্পাঠী, মুদ্রায়ন্ত্র স্থাপন, সংবাদপত্র প্রচার,

রাজপথ, স্নান ঘাট, সরোবর, দেবালয় ইত্যাদি নির্মাণ হইয়াছে । কুণ্ডের জমিদারগণ পরোপকার ও স্বধর্ম নিষ্ঠায় জন্য চিরপ্রসিদ্ধ । ব্রিটিশ-রাজের শাসন সময়ের উপাধিপ্রাপ্ত রাজত্ববৃন্দের সৃষ্টি হইবার পূর্ব পর্যন্ত কুণ্ডের জমিদারগণ রংপুর জেলার রাজকীয় দরবারে সর্বপ্রথম আসন প্রাপ্ত হইতেন ।

বাঙ্গালা সাহিত্যের আলোচনায় কুণ্ডের ভূস্বামীগণ পুরুষানুক্রমে দীক্ষিত । এই বংশোদ্ভব কবি কালীচন্দ্র রায় চৌধুরীর পুরস্কার ঘোষণায় বাঙ্গালার আদি নাটক “কুলীনকুল সর্বস্ব” প্রকাশিত হয় । তিনি স্বভাব দর্শন, প্রেমারসধিক প্রভৃতি গ্রন্থ প্রণয়ন করেন ।

৮ দুর্গাপ্রসাদ রায় চৌধুরী ।

কুণ্ডের জমিদারবংশে সাধক শ্রেণীর উচ্চস্থানীয় অনেক মহাত্মা কুল পবিত্র করিয়া গিয়াছেন । দুর্গাপ্রসাদ রায় চৌধুরী একজন পরমযোগী পুরুষ ছিলেন । তিনি স্বগ্রামে নিরন্তর শাস্ত্রালোচনায় কালযাপন করিয়া গিয়াছেন । সেবা পরায়নতা তাঁহার জীবনের প্রধান গুণ ছিল । তিনি সুপণ্ডিত ও দূরদর্শী ছিলেন ।

৯ গঙ্গাপ্রসাদ রায় চৌধুরী ।

দুর্গাপ্রসাদের পুত্র গঙ্গাপ্রসাদ রায় চৌধুরী প্রতিষ্ঠাশালী সদ্গুণসম্পন্ন ব্যক্তি ছিলেন । তিনি সাধারণের হিতকর কার্যে অগ্রণী হইয়া তাহার বন্দোবস্ত করিয়া দিতেন ! তাঁহার কর্তব্যনিষ্ঠা, শিষ্টাচার ও লোকপ্রিয়তায় সকলে মুগ্ধ হইতেন । তিনি জনহিতৈষণার জন্ত প্রতিষ্ঠা লাভ করিয়া-ছিলেন । সর্বপ্রযত্নে পক্ষপাত পরিহার করিয়া সকল সম্প্রদায়কে সমভাবে দেখিতেন । তাঁহার দুই পুত্র জন্মগ্রহণ করেন ।

মৃত্যুঞ্জয় রায় চৌধুরী।

গঙ্গাপ্রসাদের স্নযোগ্য জ্যেষ্ঠ পুত্র রায় শ্রীযুক্ত মৃত্যুঞ্জয় রায় চৌধুরী বাহাদুর ১৮৭৯ খৃঃ জন্মগ্রহণ করিয়াছেন। ইনি পূর্বপুরুষগণের যশ ও কীর্তি রক্ষার জন্ত বত্নবান আছেন। ইহার চেষ্টায় স্থানীয় অনেক বিষয়ের উন্নতি সাধিত হইতেছে। বিশেষ যোগ্যতার সহিত দ্বাদশ বৎসর কাল অবৈতনিক মাজিষ্ট্রেট পদে কার্য্য করেন। ইনি দক্ষতার সহিত স্থানীয় বিদ্যালয়, দাতব্য চিকিৎসালয় প্রভৃতি অনেকগুলি সাধারণ সমিতির সম্পাদকতা করিতেছেন। উচ্চশ্রেণীর সাহিত্য সভাদিতে সদস্য নিযুক্ত আছেন। ইনি বিলাতের “রয়েল এসিয়াটিক সোসাইটী” নামক সমিতির একজন সভ্য। বঙ্গসাহিত্যে ইহার অল্পরাগ দৃষ্ট হয়। কমললোচনের “চণ্ডিকা বিজয়” গ্রন্থ রংপুর সাহিত্য পরিষদ হইতে ইহার বায়ে প্রকাশিত হইয়াছে। ১৯১১ খৃঃ ১২ই ডিসেম্বর দিল্লীর বিরাট অভিষেক দরবারে গবর্ণমেন্ট ইহাকে একখানি প্রশংসাপত্র ও দরবার মেডেল পারিতোষিক প্রদান করেন। ১৯১২ খৃঃ ২৪শে জুন ভারত সম্রাটের জন্মতিথি উপলক্ষে ইনি “রায় বাহাদুর” উপাধি প্রাপ্ত হইয়াছেন।

গঙ্গাপ্রসাদের কনিষ্ঠ পুত্র অকালে কালগ্রাসে পতিত হন। তাঁহার একমাত্র পুত্র শ্রীমান শ্রীমানদাস রায় চৌধুরী বিদ্যমান।

৩ রাজমোহন রায় চৌধুরী।

এই বংশসম্বৃত রাজমোহন রায় চৌধুরী একজন আদর্শ ভূম্যধিকারী ছিলেন। তিনি কলিকাতার তৎকালীন হিন্দু কলেজে শিক্ষা প্রাপ্ত হন। রাজমোহন পাশ্চাত্য শিক্ষায় শিক্ষিত হইলেও নিষ্ঠাবান হিন্দু ছিলেন। ১৮৩৬ খৃঃ তাঁহার যত্নে ও চেষ্টায় রংপুরে প্রথম ইংরাজী বিদ্যালয়

প্রতিষ্ঠিত হয়। ১৮৪৮ খৃঃ তিনি বহু অর্থ ব্যয়ে নিজ নামে মুদ্রাযন্ত্র স্থাপন করিয়া “রংপুর বার্তাবহ” নামক সংবাদপত্র প্রকাশ করেন। তিনি মৃত্যুকালে একমাত্র পুত্র মধুসূদনকে রাখিয়া যান।

৬ মধুসূদন রায় চৌধুরী ।

রাজমোহনের পুত্র মধুসূদন রায় চৌধুরী ১৮৭৪ খৃঃ হুর্ভিক্ষের সময় অন্নসত্র খুলিয়া বহু দরিদ্র প্রজার জীবনরক্ষা করেন। তিনি স্বীয় জমিদারীর মধ্যে নীলকুঠি স্থাপন এবং মুর্শিদাবাদে একটি রেশমের কুঠি প্রতিষ্ঠা করিয়া বাণিজ্যে লক্ষ্মীর রূপাভাজন হইয়াছিলেন। মধুসূদন রায় চৌধুরী ২৯ বৎসর মাত্র বয়ঃক্রম কালে নবদ্বীপধামে বিষচীকা রোগে অকালে কালগ্রাসে পতিত হন। তাঁহার দুই পুত্র ও দুই কন্যা হইয়াছিল। তদীয় জ্যেষ্ঠ পুত্র শ্রীযুক্ত মণীন্দ্রচন্দ্র ও কনিষ্ঠ পুত্র শ্রীযুক্ত সুরেন্দ্রচন্দ্র রায় চৌধুরী।

মণীন্দ্রচন্দ্র রায় চৌধুরী ।

মধুসূদনের জ্যেষ্ঠ পুত্র শ্রীযুক্ত মণীন্দ্রচন্দ্র রায় চৌধুরী জমিদারী কার্য্য পরিচালনে ভূস্বামীগণ মধ্যে প্রতিষ্ঠাশ্রিত। ১৯১১ খৃঃ ১২ই ডিসেম্বর মহামাণ্ড ভারতেশ্বর পঞ্চম জর্জ মহোদয়ের অভিষেক সময় একখানি প্রশংসাপত্র প্রাপ্ত হইয়াছেন। ইনি বহুকাল রংপুর সদর মহকুমার চেয়ারম্যান ছিলেন; কয়েক বৎসর হইতে অবৈতনিক মাজিষ্ট্রেট পদে নিৰ্ব্বাচিত হইয়াছেন। সম্প্রতি রংপুরে যে সকল গ্রাম্য সমিতি প্রতিষ্ঠিত হইয়াছে, তন্মধ্যে কুণ্ডস্থিত প্রথম সমিতির ইনি সভাপতি মনোনীত হন।

সুরেন্দ্রচন্দ্র রায় চৌধুরী।

মধুসূদনের কনিষ্ঠ পুত্র রংপুরের বিদ্যোৎসাহী জমিদার শ্রীযুক্ত সুরেন্দ্রচন্দ্র রায় চৌধুরী ১৮৭৬ খৃঃ ১৩ই ফেব্রুয়ারী জন্ম গ্রহণ করিয়াছেন। ইনি বঙ্গসাহিত্যের একজন একনিষ্ঠ সেবক ও পৃষ্ঠপোষক। অগ্ণাত সদনুষ্ঠানের মধ্যে “রংপুর সাহিত্য পরিষদ” এবং “উত্তর বঙ্গ সাহিত্য সম্মিলন” ইহঁার স্মৃতি চিরসমুজ্জ্বল রাখিবে। ১৯০৫ খৃঃ ইনি রংপুরে সাহিত্য পরিষদের প্রথম শাখা প্রতিষ্ঠা করেন। ১৯০৬ খৃঃ উহা হইতে “উত্তর বঙ্গ সাহিত্য সম্মিলন” সৃষ্টি হইয়াছে। সুরেন্দ্রচন্দ্র প্রথম হইতেই উভয় অনুষ্ঠানে সম্পাদকের কার্যভার গ্রহণ করিয়া কৃতিত্বের পরিচয় দিয়া আসিতেছেন। ইনি একজন স্নলেখক বলিয়া পরিচিত। ইহঁার রচিত গবেষণাপূর্ণ বহু প্রবন্ধ মাসিক পত্রাদিতে প্রকাশিত হয়। ইহঁার কবিত্বপ্রভারও পরিচয় পাওয়া যায়। সম্প্রতি ইনি রংপুর জেলার একখানি সুবৃহৎ ইতিহাস প্রণয়নে নিযুক্ত আছেন। রংপুরের “ডিক্ট্রীক্ট্ গেজেটয়ার” প্রস্তুত সময় উহার উপাদান সংগ্রহে ইনি রংপুরের ভূতপূর্ব কালেক্টরের বিশেষ সহায়তা করেন। দেশহিতকর অনুষ্ঠানে ইহঁার অনুরাগ দৃষ্ট হয়। ইনি রংপুরে প্রথম গ্রাম্য স্বাস্থ্যোন্নতি সমিতির প্রতিষ্ঠা করিয়া স্বগ্রামের উন্নতিসাধনে যত্নবান হন। ইহঁার প্রতিষ্ঠিত গ্রাম্য সমিতিকে লোক্যাল বোর্ড প্রতিবৎসর অর্থ সাহায্য করিতেছেন। কুণ্ডি-গোপালপুর মধ্য ইংরাজী বিদ্যালয় এবং বেতগড়ী মধুসূদন মেমোরিয়াল মধ্য ইংরাজী বিদ্যালয় কমিটির সভাপতিরূপে ইনি প্রশংসাভাজন হইয়াছেন। শেখোক্ত বিদ্যালয়ের সম্পূর্ণ ব্যয়ভার উভয় ভ্রাতায় বহন করেন। মহাজনের সূদের হস্ত হইতে প্রজাবর্গের রক্ষাকল্পে ইনি “রংপুর জমিদারী ব্যাঙ্ক” প্রতিষ্ঠা করিয়াছেন, এই ব্যাঙ্ক হইতে প্রজাগণ জমিদারবৃন্দের দ্বারা অপেক্ষাকৃত কম সুদে টাকা ঋণ করিতে পারে। ইনি রংপুর জমিদার সমিতির সম্পাদক।

তারাম জমিদারবংশ ।

৬ বাসুদেব তালুকদার ।

পাবনা জেলার অন্তর্গত তারাম গ্রামের প্রায় দশ মাইল পূর্বদিকে দেবচড়িয়া নামক একটি পল্লীতে শ্রীরাম দেবের পুত্র বাসুদেব তালুকদার নামান্তর নারায়ণ দেব চৌধুরী নামে এক ব্যক্তির বসতি ছিল। তিনি ঢাকার নবাব সরকারে কার্য্য করিতেন। বাসুদেবের কার্য্যে নবাব ইসলাম খাঁ সন্তুষ্ট হইয়া “চৌধুরাই তারাম” নামক সম্পত্তি জায়গীর প্রদান করেন। তৎকালে পরগণা কাটার মহল্লা রাজসাহী—সাঁতলের রাজার জমিদারী ছিল। তদন্তর্গত দুই শত মোজা লইয়া এই চৌধুরাই তারাম নামক জমিদারীর সৃষ্টি হয়। একদা বাসুদেব রাজকার্য্য বশতঃ ঢাকা গমনকালে বর্ত্তমান তারাম নামক স্থানে উপনীত হইয়া একস্থলে একটি অনাবৃত বাগলিঙ্গের উপর কামধেনুকে ছন্দবর্ষণ করিতে দেখিয়া বিস্মিত হন। তিনি কামধেনুকে দেখিবামাত্র সেই ধেনু অন্তর্হিত হয়। অতঃপর ঢাকা হইতে প্রত্যাগমনপূর্ব্বক তিনি বাগলিঙ্গকে স্থায়ী ভবনে প্রতিষ্ঠিত করিতে সঙ্কল্প করিয়া উহা উত্তোলনে চেষ্টা করেন, কিন্তু অভিলাষ পূর্ণ হয় নাই। অনন্তর তিনি তারামে ভদ্রাসন নির্মাণপূর্ব্বক বসতি করেন। তাঁহার প্রতিষ্ঠিত ৬ গোপীনাথ দেব নামক বিগ্রহের নামানুসারে তদীয় ভদ্রাসন চড়িয়া স্থান “চড়িয়া গোপীনাথপুর” নামে কথিত হইতেছে। তিনি উক্ত বিগ্রহের জন্য গোপীনাথপুর এবং চড়িয়া তালুক উৎসর্গ করেন। তিনি এক দিবস একটি ভেককে সর্প ধরিতে দেখিয়া তথায় মনসার বেদী নির্মাণ করাইয়াছিলেন। সেই বেদী অদ্যাপী বর্ত্তমান আছে। ১৬৫ খৃঃ তিনি বাগলিঙ্গের মন্দির

নিৰ্মাণ করেন । বাণলিঙ্গটী ঐ প্রদেশে “কপিলেশ্বর” নামে পরিচিত ।
বাসুদেবের দুই পুত্র—জয়কৃষ্ণ ও রামনাথ চৌধুরী ।

৬ জয়কৃষ্ণ রায় চৌধুরী ।

বাসুদেবের জ্যেষ্ঠ পুত্র জয়কৃষ্ণ চৌধুরী ঢাকার নবাব সরকারে
কৰ্ম করিতেন, তজ্জন্ম তিনি “রায় চৌধুরী” উপাধি প্রাপ্ত হন ।
তঁাহার সাত পুত্র—রাজারাম, গঙ্গারাম, ঘনশ্যাম, রামদেব, বলরাম,
হরিরাম ও রামরাম রায় ; তন্মধ্যে রামদেব, বলরাম ও রামরাম ভিন্ন
অন্য কাহারও বংশ বৃদ্ধি হয় নাই ।

৭ রামদেব রায় ।

জয়কৃষ্ণের চতুর্থ পুত্র রামদেব—হরিদেব—শ্যামরাম । তঁাহার দুই
পুত্র—শিবনারায়ণ ও রামকৃষ্ণ রায় । জ্যেষ্ঠ পুত্র শিবনারায়ণ নিঃসন্তান
ছিলেন ; কনিষ্ঠ রামকৃষ্ণের পুত্র রাধামোহন রায় । তঁাহার কুঞ্জেশ্বরী ও
দ্রোপদী নামে দুইটি কন্যা হইয়াছিল । কুঞ্জেশ্বরীর পুত্র হরগোপাল রায়
এবং দ্রোপদীর পুত্র গতিকৃষ্ণ রায় ও শ্রীযুক্ত কুঞ্জকিশোর রায় ।

৮ বলরাম রায় ।

জয়কৃষ্ণের পঞ্চম পুত্র বলরাম রায় বাঙ্গালার সুবাদার আজিম
ওসমানের দেওয়ানের কার্যে নিযুক্ত হন । বলরাম নবাব সরকারে কার্য
করিয়া প্রভূত অর্থশালী হইয়া রাজকার্য্য পরিত্যাগপূর্ব্বক পৈতৃক
বিষয়ের তত্ত্বাবধানে মনোনিবেশ করেন । তিনি পরম ধার্মিক ও নিষ্ঠাবান

ছিলেন। তিনি পুরাতন কুঞ্জবন নামক সরোবর খনন করাইয়া-
ছিলেন, অধিকন্তু কাশী, গয়া ও বৃন্দাবনে সত্র স্থাপন করিয়াছিলেন।
বলরাম মাতৃবিয়োগের পর স্বীয় ভবনে ৬ রসিক রায় নামক বিগ্রহ
স্থাপন করেন। ১৭১৮ খৃঃ উক্ত বিগ্রহের জন্ত দ্বিতল দোলমঞ্চ নির্মাণ
হয়। ১৭২২ খৃঃ কপিলেশ্বরের মন্দির সংস্কার করিয়া দিয়াছিলেন।
তিনি হুসেনসাহীর অংশ পরগণা বড়বাজু ক্রয় করিয়াছিলেন। ১৭৩৪ খৃঃ
বলরাম রায় মানবলীলা সম্বরণ করেন। তাঁহার তিন পুত্র—রঘুরাম,
হরিনাথ ও জগন্নাথ রায়; তন্মধ্যে কনিষ্ঠ পুত্র জগন্নাথ রায় নিঃসন্তান
ছিলেন। বলরামের মৃত্যুর পর তাঁহার পুত্রগণ এবং ভ্রাতা রামদেব
ও রামরামের পুত্রগণ পৃথক হন। বলরামের বংশ বড় তরফ, রামদেবের
বংশ মধ্যম তরফ ও রামরামের বংশ ছোট তরফ নামে পরিচিত।

বলরামের জ্যেষ্ঠ পুত্র রঘুরাম রায়ের দুই পুত্র—রামচন্দ্র ও রাম
কেশব রায়, তন্মধ্যে কনিষ্ঠ পুত্র রামকেশবের বংশ বৃদ্ধি হয় নাই।
জ্যেষ্ঠ রামচন্দ্রের তিন পুত্র—রামকৃষ্ণ, রামলোচন ও রামসুন্দর রায়।
তাঁহাদের মধ্যে জ্যেষ্ঠ ও মধ্যম পুত্র নিঃসন্তান ছিলেন। কনিষ্ঠ রাম
সুন্দরের পুত্র কৃষ্ণসুন্দর, তৎপুত্র গৌরসুন্দর; তিনি অপুত্রক থাকায়
বনওয়ারীলালকে পোষ্যপুত্র গ্রহণ করেন। বনওয়ারীলালের কৃষ্ণ-
প্যারী ও ক্ষীরোদবাসিনী নামে দুই পত্নী ছিলেন। তদীয় প্রথম পত্নী
কৃষ্ণপ্যারী, রঘুরামের মধ্যম ভ্রাতা হরিনাথের বংশীয়, বনমালীকে পোষ্য
পুত্র গ্রহণ করেন।

৬ বনমালী রায় ।

১৮৬২ খৃঃ সেপ্টেম্বর মাসে রায় বনমালী রায় বাহাধুর জন্মগ্রহণ
করেন। তিনি পাবনা জেলা স্কুলে প্রবেশিকার পাঠ্য পর্য্যন্ত অধ্যয়ন

করিয়াছিলেন। অতঃপর ১৮৮২ খৃঃ দত্তক পিতা বনওয়ারীলালের মৃত্যুর পন তাঁহার বিষয় সম্পত্তির উত্তরাধিকারী হইয়া তত্ত্বাবধান করিতে আরম্ভ করেন। তিনি অসাধারণ প্রতিভা ও স্বেচ্ছাবলম্ব জ্ঞাত জমিদারীর আয় বৃদ্ধি করিয়াছিলেন। তিনি সর্বপ্রকার দেশহিতকর কার্যে প্রায় যোগদান করিতেন। পাবনার এডওয়ার্ড কলেজ, টমসন হল, ইলিয়ট শিল্প বিদ্যালয়, সিরাজগঞ্জের বি-এল স্কুল গৃহ, হুর্ভিক্ষ ভাণ্ডার, গ্রামকুণ্ডুর পঞ্চোদ্ধার, জগদ্ধাতৃদেবের মন্দির সংস্কার এবং অগ্ৰাণ্ণ সাধারণ হিতকর কার্যে বহু অর্থ দান করেন। তিনি অনেক আত্মীয় ব্যক্তিকে অন্নদান ও বস্ত্রদান করিতেন। এতদ্ব্যতীত বিদ্যালয়ে, সংস্কৃত চতুষ্পাঠিতে, দাতব্য হাসপাতালে বার্ষিক ও মাসিক চাঁদা দান করিতেন। গবর্ণমেন্ট তাঁহার দানের প্রশংসা করিয়া ১৮৯৩ খৃঃ “রায় বাহাদুর” উপাধি প্রদান করেন। তিনি নবদ্বীপের গোরাঙ্গের পরম ভক্ত ছিলেন। নবদ্বীপের পণ্ডিত-মণ্ডলী তাঁহাকে “রাজর্ষি” উপাধি প্রদান করেন। তিনি পাবনা জেলার একজন শ্রেষ্ঠ জমিদার ও বারেন্দ্র কায়স্থসমাজের জননায়ক ছিলেন। বাৎসরিক প্রায় ষাট হাজার টাকা আয়ের সম্পত্তি কুলদেবতার জ্ঞাত দেবোত্তরে বন্দোবস্ত করিয়া গিয়াছেন। ১৮৯৩ খৃঃ হইতে তিনি মথুরার অন্তর্গত রাধাকুণ্ড নামক স্থানে গিয়া বাস করেন। তথায় একটি বৃহৎ বিষ্ণুমন্দির প্রতিষ্ঠা করিয়াছিলেন। তিনি শেষ জীবন বৃন্দাবন-ধামে ধর্ম্মানুষ্ঠানে ও অতিথিসেবায় অতিবাহিত করেন। ১৯১২ খৃঃ পাবনার এডওয়ার্ড কলেজে পঞ্চাশ হাজার টাকা দান করেন। ১৯১৪ খৃঃ ২৩শে নবেম্বর সুপ্রসিদ্ধ দানশীল জমিদার রাজর্ষি রায় বনমালী রায় বাহাদুর ৮ বৃন্দাবনধামে তনুত্যাগ করিয়াছেন। তিনি মৃত্যুকালে শ্রীযুক্ত ক্ষিতীশভূষণ রায় ও শ্রীযুক্ত রাধিকভূষণ রায় নামে দুইটি পুত্র সন্তান রাখিয়া গিয়াছেন।

তদীয় কনিষ্ঠ পুত্র শ্রীযুক্ত রাধিকভূষণ রায় পিতার জ্ঞান পরম বৈষ্ণব

এবং বুন্দাবনে অধিক সময় অতিবাহিত করিয়া থাকেন । নানাপ্রকার সদসুষ্ঠানে ইহাঁর দানের পরিচয় পাওয়া যায় ।

৬ হরিনাথ রায় ।

বলরামের মধ্যম পুত্র হরনাথ রায়ের দুই পুত্র—রাধানাথ ও রামানন্দ রায় । জ্যেষ্ঠ রাধানাথের দুই পুত্র—গোপীনাথ ও গৌরীনাথ রায় । গোপীনাথের পুত্র গোলকনাথ রায় ১৮৩৯ খৃঃ ইহলোক পরিত্যাগ করেন । তিনি মৃত্যুকালে মুকুন্দলাল নামে একটি পুত্র এবং রূপমঞ্জুরী ও উজ্জলমণি নামী দুইটি কন্যা রাখিয়া বান ।

রাধানাথের কনিষ্ঠ পুত্র গৌরীনাথ রায়ের এক পুত্র গঙ্গাপ্রসাদ রায় । তাঁহার তিন পুত্র—হরিশ্চন্দ্র, অন্নদাপ্রসাদ ও বনমালী রায় । কনিষ্ঠ পুত্র বনমালীকে বনওয়ারীলালের প্রথমা পত্নী কৃষ্ণপারী পোষ্যপুত্র গ্রহণ করিয়াছিলেন ।

হরিনাথের কনিষ্ঠ পুত্র রামানন্দ রায়ের দুই পুত্র—নন্দকুমার ও নন্দগোপাল রায় ; তন্মধ্যে জ্যেষ্ঠ পুত্র নন্দকুমার নিঃসন্তান ছিলেন । কনিষ্ঠ নন্দগোপালের একটি পুত্র হরগোপাল রায় । তাঁহার পুত্র শ্রীপুত্র হরেন্দ্রলাল রায় বিদ্যমান ।

৭ হরিরাম রায় ।

জয়কৃষ্ণের ষষ্ঠ পুত্র হরিরাম রায়ের দুই পুত্র—সীতারাম ও রামকৃষ্ণ রায় । রামকৃষ্ণ রায়ের পুত্র রামদেব রায়, তৎপুত্র হরিদেব রায় । তাঁহার চারি পুত্র—রামশরণ, শ্রামরাম, জীবনশরণ ও রাধাকৃষ্ণ রায় । কনিষ্ঠ রাধাকৃষ্ণের দুই পুত্র—কৃষ্ণকুমার ও ব্রজকুমার রায় । তাঁহারা উভয়ে নিঃসন্তান ছিলেন ।

৩ রামরাম রায়।

জয়কৃষ্ণের কনিষ্ঠ পুত্র রামরাম রায় নবাব সরকারের বিষয় কর্মে নিযুক্ত ছিলেন। নবাব আজিম ওসমানের সময় নাটোরের রঘুনন্দনের আধিপত্যের সূত্রপাত হয়। মুর্শিদাবাদে বাঙ্গালার রাজধানী স্থানান্তরিত হইলে কাননগো দপ্তরে রঘুনন্দনের একাধিপত্য হইয়াছিল। পুঁটিয়ার রাজসংসারে কার্যকালে রঘুনন্দন সাঁতৈল জমিদারীর বিষয় বিশেষরূপে অবগত ছিলেন। ১৭২০ খৃঃ সাঁতৈলের রাজা রামকৃষ্ণ সাত্তাল প্রাণত্যাগ করিলে তাঁহার পত্নী রাণী সর্দানী একবিংশ বর্ষ বয়সে নিঃসন্তান বিধবা হইয়া সাঁতৈল রাজ্য পরিচালনভার গ্রহণ করেন। রাজা রামকৃষ্ণের অপব্যয় জন্ত প্রচুর ঋণ হয় এবং কর্মচারীগণ রাজসম্পত্তি আত্মসাৎ করিতে চেষ্টা করিলে জমিদারীর কার্য পরিচালন জন্ত অভিজ্ঞ কর্মচারীর আবশ্যক হইয়াছিল। সেই সময় রঘুনন্দন রায় সাঁতৈল জমিদারী পরিচালনের উপযুক্ত ভাবিয়া রামরাম রায়কে স্থির করেন। তিনি ধর্মপরায়ণ ও পরোপকারী ছিলেন। তাঁহার যত্নে এই প্রদেশের অনেক লোক এবং কতিপয় আত্মীয় নবাব সরকারে বিষয় কার্য প্রাপ্ত হন। দেবসেবা, অতিথিসেবা, প্রভৃতি সংকার্যে তাঁহার আস্থা ছিল। রামরাম সাঁতৈল সরকারের কর্ম পরিত্যাগ করিয়া নাটোর জমিদারীর সৃষ্টি হইতে দেওয়া পদে নিযুক্ত থাকিয়া রাজা রামকান্তের সময় বার্ষিক্যে নাটোরের রাজকার্য পরিত্যাগ করিয়াছিলেন। তিনি মৃত্যুকালে রামশরণ রায় নামে একটি পুত্র রাখিয়া যান।

রামশরণের পুত্র কৃষ্ণশরণ রায়ের চারি পুত্র—কৃষ্ণমোহন, কৃষ্ণলাল, কৃষ্ণকমল ও কৃষ্ণবিহারী রায়; তন্মধ্যে দ্বিতীয় ও কনিষ্ঠ পুত্র নিঃসন্তান ছিলেন।

জ্যেষ্ঠ কৃষ্ণমোহনের পুত্র গৌরীমোহন রায় । তিনি অপুত্রক থাকায় তাঁহার পত্নী পদ্মমণি প্যারীমোহনকে পোষাপুত্র গ্রহণ করেন । প্যারীমোহনের পুত্র মোহিনীমোহন রায় ।

তৃতীয় কৃষ্ণকমল রায়ের পুত্র গিরীশচন্দ্র রায় নিঃসন্তান হওয়ায় তাঁহার পত্নী জগৎলক্ষ্মী ত্রিযুক্ত প্রবোধচন্দ্র রায়কে দত্তক গ্রহণ করিয়াছেন ।

৮ রামনাথ রায় ।

এই বংশের প্রতিষ্ঠাতা বামুদেব তালুকদারের কনিষ্ঠ পুত্র রামনাথ রায়ের দুই পুত্র রামগোপাল রায় ও রামহরি রায় ।

রামনাথের জ্যেষ্ঠ পুত্র রামগোপাল রায়ের পুত্র গঙ্গারাম রায়, তাঁহার এক পুত্র কৃষ্ণচন্দ্র রায় । কৃষ্ণচন্দ্রের দুই পুত্র শিবচন্দ্র ও শম্ভুচন্দ্র রায়, তন্মধ্যে জ্যেষ্ঠ পুত্র নিঃসন্তান ছিলেন । কনিষ্ঠ শম্ভুচন্দ্র রায়ও অপুত্রক থাকায় তাঁহার পত্নী নবীনকিশোরী ঈশ্বরচন্দ্র রায়কে দত্তক গ্রহণ করেন । ঈশ্বরচন্দ্রের পোষাপুত্র সতীশচন্দ্র রায়, তদীয় দত্তক পুত্র ত্রিযুক্ত হেমচন্দ্র রায় ।

রামনাথের কনিষ্ঠ পুত্র রামহরি রায়ের তিন পুত্র জগন্নাথ, রামকৃষ্ণ ও কেবলকৃষ্ণ রায় ।

রামহরির জ্যেষ্ঠ পুত্র জগন্নাথ রায়ের পুত্র মনোহর রায়, তৎপুত্র জগমোহন রায়, তাঁহার পুত্র হরমোহন রায়, তদীয় পুত্র ত্রিযুক্ত ভুবন মোহন রায় নিঃসন্তান ।

রামহরির মধ্যম পুত্র রামকৃষ্ণ রায়ের এক পুত্র রাজকৃষ্ণ রায় । তাঁহার তিন পুত্র—কৃষ্ণকুমার, ব্রজকুমার ও রাজকুমার রায় ; ইহাদেয় মধ্যে ব্রজকুমারের ব্রজবালা নামে একটি কন্যা জন্মগ্রহণ করেন ।

বামহরির কনিষ্ঠ পুত্র কেবলকৃষ্ণ রায়ের এক পুত্র শিবকৃষ্ণ রায়।
তৎপুত্র নবকুমার রায়। তাঁহার দুই পুত্র গৌরকিশোর ও ব্রজকিশোর
রায়।

চতুর্থ খণ্ড ।

ঢাকা বিভাগ ।

নবাব বংশ ।

ঢাকার নবাবদিগের আদি নিবাস কাশ্মীর নগর । আবহুল হাকীম নামক জনৈক ব্যক্তি প্রথমে কাশ্মীর হইতে মোগল দরবারে কর্ম্ম পাইয়া দিল্লীতে বাস করেন । ১৭৩৯ খৃঃ পারস্যক নরপতি নাদৌর সাহ দিল্লীশ্বর মহম্মদ শাহের সময় দিল্লীর সিংহাসন আক্রমণ করিয়াছিল, সেই সময় আবহুল হাকীম সপরিবারে শ্রীহট্ট পলায়ন করেন । তিনি তথায় বাণিজ্যে সঙ্গতিপন্ন হইলে তাঁহার পিতা মৌলবী আবহুল কাদের এবং ভ্রাতা মৌলবী আবহুলা ও আবহুল ওহাব আসিয়া তাঁহার ব্যবসায়ে যোগদান করেন । আবহুল হাকীম বাণিজ্য দ্বারা বিত্তশালী হইয়া শ্রীহটে অনেক ভূসম্পত্তি করিয়াছিলেন । তাঁহার সমাধি অদ্যাপি তথায় বিদ্যমান ।

৬ মৌলবী আবহুলা ।

আবহুল হাকীমের মৃত্যুর পর তদীয় ভ্রাতা মৌলবী আবহুলা বিষয় সম্পত্তির উত্তরাধিকারী হন । তিনি শ্রীহট্ট হইতে ঢাকার বেগমবাজার নামক স্থানে আসিয়া বসতি করেন । আবহুলা বাবতীয় সম্পত্তি মৌলবী হাফিজুল্লাহকে দান করিয়া মক্কাতীর্থ যাত্রা করেন, কিন্তু পথিমধ্যে তাঁহার মৃত্যু ঘটিয়াছিল ।

৮ মৌলবী হাফিজুল্লা ।

তৎপরে মৌলবী হাফিজুল্লা সমুদয় সম্পত্তি লাভ করেন । তিনি ঢাকা ময়মনসিংহ, বাথরগঞ্জ, শ্রীহট্ট, ত্রিপুরা প্রভৃতি জেলায় বিষয় সম্পত্তি বৃদ্ধি করিয়াছিলেন ।

৮ খোজা আলীমুল্লা ।

হাফিজুল্লার মৃত্যুর পর তাঁহার পুত্র খোজা আলীমুল্লা জমিদারী প্রাপ্ত হন । তিনি বহুদর্শিতায় বিশেষ জ্ঞানবান হইয়াছিলেন । দরিদ্র ছাত্রকে অন্নদান করিতেন, এতদ্ব্যতীত শিক্ষা বিভাগেও অর্থ সাহায্য করিয়া গিয়াছেন । বহু দরিদ্র ব্যক্তি তাঁহার অর্থ সাহায্যে ক্লেশ হইতে নিষ্কৃতি লাভ করিয়াছিল ।

৮ খোজা আবদুল গণি ।

অতঃপর আলীমুল্লার পুত্র স্বনামখ্যাত নবাব আবদুল গণি বাহাদুর পৈতৃক বিষয়ের উত্তরাধিকারী হন । ১৮২৩ খৃঃ তিনি ঢাকা নগরে জন্মগ্রহণ করেন । উপযুক্ত মৌলবী ও শিক্ষকের নিকট তাঁহার প্রাথমিক উর্দু, পারসী ও ইংরাজী ভাষা শিক্ষা হয় ; সেই সময় আলীমুল্লা সাহেব পুত্রের বৈষয়িক শিক্ষা দানেরও ব্যবস্থা করেন । আবদুল গণি অল্পদিন মধ্যে নানা বিষয়ে অভিজ্ঞ হইয়াছিলেন । ১৮৫৭ খৃঃ তিনি ভারতে সিপাহী বিদ্রোহের সময় ব্রিটিশরাজকে নানাপ্রকারে সাহায্য করেন । ১৮৬৬ খৃঃ বঙ্গীয় ব্যবস্থাপক সভার সভ্য মনোনীত হন । ১৮৬৭ খৃঃ ভারতীয় ব্যবস্থাপক সভার অতিরিক্ত সদস্য

নির্বাচিত হইয়াছিলেন । ১৮৬৯ খৃঃ স্মৃতি ও সিয়া এই উভয় মুসলমান সম্প্রদায়ের মধ্যে ঘোরতর বিবাদ উপস্থিত হইলে আবদুল গণি একটি বৃহৎ সভার অধিবেশন করেন, সেই সভায় প্রায় বিশ সহস্র মুসলমান উপস্থিত হইয়াছিল ; তিনি নিজ ব্যয়ে তাহাদের আতিথ্য সংকার পূর্বক উভয় সম্প্রদায়ের বিবাদ ভঞ্জন করেন । ১৮৭১ খৃঃ আবদুল গণি “সি-এস-আই” উপাধি প্রাপ্ত হন । উক্ত বৎসর ডিসেম্বর মাসে ঢাকা বিভাগের তদানন্তর কমিশনার সিম্‌স্ বাহাদুর, একটি দরবার করিয়া উপাধি সনন্দ প্রদান করেন । তৎকালে তিনি ঢাকার সাধারণ উপকারার্থে গবর্ণমেন্টের হস্তে পঞ্চাশ সহস্র মুদ্রা দিয়াছিলেন । ঐ টাকায় ঢাকা সহরে জলের কল স্থাপন হয়, কিন্তু উহাতে ব্যয় সঙ্কলন না হওয়ায় তিনি তৎকার্য্যে পুনরায় দেড়লক্ষ মুদ্রা দান করেন । বিনা ট্যাক্সে লোকে জল পাইতে পারে ইহাই তাঁহার নির্ধারণ ছিল । ১৮৭৪ খৃঃ রাজপ্রতিনিধি লর্ড নর্থকুক বাহাদুর ঢাকা গমনপূর্বক জলের কলের ভিত্তি স্থাপন করেন । ১৮৭৫ খৃঃ নর্থকুক বাহাদুর তাঁহার গুণেব প্রশংসা করিয়া “নবাব বাহাদুর” উপাধি সম্মানে ভূষিত করিয়াছিলেন । উক্ত বৎসর ডিসেম্বর মাসে স্বর্গীয় ভারত সম্রাট সপ্তম এডওয়ার্ড যখন যুবরাজরূপে ভারতবর্ষে আগমন করেন, সেই সময় তিনি লর্ড নর্থকুক কর্তৃক নিমন্ত্রিত হইয়া যুবরাজকে সম্মানার্থ কলিকাতায় আসিয়াছিলেন । তৎকালে যুবরাজ তাঁহাকে একটি মেডেল উপহার দিয়াছিলেন । ১৮৭৭ খৃঃ ১লা জানুয়ারী দিল্লীর দরবারে ইংলণ্ডেশ্বরী রাজ্ঞী ভিক্টোরীয়া “ভারত রাজরাজেশ্বরী” বলিয়া ঘোষিতা হন । সেই রাজত্ব যজ্ঞে আবদুল গণি পুরুষানুক্রমে “নবাব বাহাদুর” উপাধি লাভ করেন । ১৮৭৮ খৃঃ মে মাসে ঢাকা বিভাগের তৎকালীন কমিশনার পিক্ সাহেব কর্তৃক জলের কল উদ্বোধন হইয়াছিল । নবাব বাহাদুর বদায়ত্নে জাহাঙ্গীর বঙ্গদেশে বিশেষ পরিচিত । ফ্রাঙ্কো—জার্মান যুদ্ধে

আহত ব্যক্তিগণের সাহায্যার্থে ৬,০০০, ফ্রান্সের বিস্তুচীকা রোগগ্রস্ত-
দিগকে ২,০০০, ইটালীর ঐ কার্যের জন্ত ২,০০০, রুস—তুরস্ক যুদ্ধে
আহতগণকে ২০,০০০, তুরস্ক হুর্ভিক্ষ ভাণ্ডারে ২,০০০, ল্যাভেসায়ার
হুর্ভিক্ষ ভাণ্ডারে ৩,০০০, আয়লণ্ড হুর্ভিক্ষ ভাণ্ডারে ৬,০০০, উড়িষ্যা
হুর্ভিক্ষে ১০,০০০, রিলিফ ফণ্ডে ২৫,০০০, মক্কার গোবিদাখাল সংস্থারের
জন্ত ৪০,০০০, ১৮৬৪ খৃঃ মহাবড়ের ক্ষতিগ্রস্ত ব্যক্তিগণের সাহায্য ভাণ্ডারে
২০০০, ঢাকার বাকুল্যাও বাঁধ নিৰ্ম্মাণকল্পে ৩০,০০০, মক্কার তীর্থ
যাত্রীদিগের জন্ত ২২,০০০, ঢাকার মিটফোর্ড হাঁসপাতালের সহিত
স্ত্রীলোকদিগের ওয়ার্ড নিৰ্ম্মাণকল্পে ২০,০০০, কলিকাতা মেডিকেল
কলেজে ১২,০০০, কলিকাতা আলিপুরের পশুশালায় ১০,০০০, ঢাকার
ইমামবারা সংস্থার জন্ত ২০,০০০, ঢাকায় মহাবড়, ভূমিকম্প ও হুর্ভিক্ষ
পীড়িত ব্যক্তিগণের নিমিত্ত ৫০,০০০, সপ্তম এডওয়ার্ড যুবরাজরূপে
ভারতে আগমন কালে দেশীয় ভদ্রলোকদিগের অভ্যর্থনা ভাণ্ডারে ৩,০০০
টাকা দান করেন। ঢাকায় অনেক দরিদ্র ছাত্র বেতন দিয়া উচ্চশিক্ষা
লাভ করিতে অসমর্থ হওয়ায় নবাব বাহাদুর তথায় একটি অবৈতনিক
উচ্চ ইংরাজী বিদ্যালয় স্থাপন করেন। তিনি ঢাকা, ময়মনসিংহ,
বাখরগঞ্জ প্রভৃতি জেলায় শিক্ষা বিস্তারে অর্থদান করিয়াছিলেন। দাতব্য
হাঁসপাতাল ও ঔষধালয় স্থাপন নিমিত্ত সাহায্য করিতেন। তিনি নিজ
ব্যয়ে ঢাকায় একটি অন্নসত্র স্থাপন করিয়াছিলেন। ঢাকার ভিক্ষুরা
মুণ্ডে ভিক্ষা করিয়া কষ্ট না পায়, তজ্জন্ত মাসিক ৮০০ টাকা ব্যয় নির্দিষ্ট
করিয়া একটি দরিদ্রাবাস স্থাপন করিয়াছিলেন। তিনি ভারতবর্ষের
নানা প্রদেশের হুর্ভিক্ষ উপলক্ষে বহু অর্থ দান করিয়া যান। হিন্দুর
দেবালয়, মুসলমানের মসজিদ, খৃষ্টানের গির্জা ও ব্রাহ্মদিগের মন্দির
নিৰ্ম্মাণ ও সংস্থাপনে তাঁহার অনেক দান ছিল। নবাব বাহাদুর জীবনে
প্রায় পঞ্চাশ লক্ষ টাকা দান করিয়া গিয়াছেন। ১৮৮৮ খৃঃ আবছল

গণি বাহাদুর “কে-সি-এস-আই” উপাধি সম্মানে সম্মানিত হন। তৎকালে রাজপ্রতিনিধি লর্ড ডফরিন্ ঢাকা গমনপূর্বক তাঁহাকে উপাধিভূষণে বিভূষিত করেন। তাঁহার নিকট দানার্থী ও অল্পগ্রহ-প্রার্থীগণ নিঃফল হইতেন না। তিনি সকলকেই যথাযোগ্য প্রিয় ব্যবহার করিতেন। অনেক বিপন্ন ভূস্বামী তাঁহার কৰুণা ও সদয় দানে বিপন্নুক্ত হইয়াছেন। তিনি অনেক স্থলে স্বয়ং মধ্যবর্তী হইয়া জমিদারের পরস্পর বিবাদ মীমাংসা করিয়া দিয়াছেন। হিন্দু, সমাজের নানা শাস্ত্র-পারদর্শী পণ্ডিত এবং মুসলমান সমাজের তাদৃশ মৌলবীদিগের প্রতি তাঁহার ভক্তি ছিল। তিনি কোন কোন সংস্কৃত চতুষ্পাঠীতে দান করিতেন। হিন্দু জ্যোতীষ শাস্ত্রে তাঁহার বিশ্বাস ছিল। সুপ্রসিদ্ধ কর-কোষ্ঠী প্রণেতা পণ্ডিত রামতনু বাচস্পতিকে তিনি ভক্তি শ্রদ্ধা করিতেন। তাঁহার দান ও উপকারকল্পে জাতিভেদ ছিল না। সর্বপ্রকার হিতকর কার্যে সহায়ভূতি প্রকাশ করিতেন। ১৮৯৬ খৃঃ ২৪শে আগষ্ট নবাব সায়র আবদুল গণি বাহাদুর পরলোকগাতা করিয়াছেন।

৮ খোজা আসানুল্লাহ ।

নবাব বাহাদুরের মৃত্যুর পর তাঁহার জ্যেষ্ঠ পুত্র নবাব খোজা আসানুল্লাহ বিষয় সম্পত্তি প্রাপ্ত হন। ১৮৪৬ খৃঃ তিনি ঢাকা নগরে জন্মগ্রহণ করেন। তিনি উর্দু ও ইংরাজী ভাষার ব্যুৎপন্ন ছিলেন। উর্দু ভাষায় প্রাঞ্জল বক্তৃতা করিতে পারিতেন এবং ইংরাজীতে এরূপ সুন্দররূপে গজাদি ও রিপোর্ট লিখিতেন যে অনেক প্রধান ইংরাজ রাজকর্মচারী তজ্জন্তু তাঁহার প্রশংসা করিতেন। ১৮৬৪ খৃঃ ৪ঠা অক্টোবর মহাবড়ের সময় তিনি জনসাধারণের বিশেষ উপকার করিয়াছিলেন।

১৮৬৮ খৃঃ আবদুল গণি সাহেব বিষয় কার্য্য হইতে অবসর গ্রহণপূর্ব্বক তাঁহাকে উত্তরাধিকারী মনোনীত করিলে পৈতৃক সম্পত্তির তত্ত্বাবধান করিতে থাকেন। কয়েক বৎসর ঢাকা মিউনিসিপালিটির কমিশনার ও অবৈতনিক মাজিস্ট্রেট ছিলেন। ১৮৭৭ খৃঃ তিনি দিল্লীর দরবারে ব্যক্তিগত “নবাব” উপাধি প্রাপ্ত হন। নবাব বাহাদুর চারি লক্ষ টাকা ব্যয়ে ঢাকা সহরে বৈদ্যুতিক আলোক প্রতিষ্ঠা করেন। ১৯০১ খৃঃ মাননীয় বোর্টন সাহেব কলিকাতা হইতে ঢাকা গমন করিয়া উহার উদ্বোধন করিয়াছিলেন। উক্ত বৎসর গবর্ণমেন্ট এই কার্য্যের জন্ত প্রশংসা করিয়া নবাব আসানুল্লাকে “কে-সি-আই-ই” উপাধি সম্মান দিয়াছিলেন। নবাব বাহাদুর স্বয়ং জমিদারীর কার্য্য পরিদর্শন করিতেন। তিনি অসাধারণ পরিশ্রমী ও নিয়মানুবর্তী ছিলেন। পৃথক পৃথক কার্য্যের জন্ত তাঁহার সময় নির্দিষ্ট ছিল। তিনি মিথ্যা কথা কহিতেন না এবং প্রবঞ্চনাকে মহাপাপ বলিয়া জ্ঞান করিতেন। পিতার প্রতি তাঁহার ভক্তি ছিল ; গণি সাহেব যখন নিতান্ত বৃদ্ধ তখনও তিনি প্রায় সর্বদা তাঁহার উপদেশের রশবর্তী হইয়া চলিতেন। আসানুল্লা আজীবন পবিত্রভাবে ও সংযতচিত্তে সংসারযাত্রা নিকাহ করিয়াছেন। নবাব বাহাদুর পিতার শ্রাদ্ধ নানা গুণের অধিকারী হইয়া দেশের বিবিধ হিতসাধন করিয়া গিয়াছেন। তিনি জীবনে নূনকল্পে ত্রিশ লক্ষ টাকা দেশের নানারূপ সংকার্য্যে দান করেন। ১৯০১ খৃঃ ১৬ই ডিসেম্বর নবাব স্যার খোজা আসানুল্লা বাহাদুর হৃদরোগে মৃত্যুমুখে পতিত হইয়াছেন। তাঁহার দুই পুত্র ও তিন কন্যা হইয়াছিল। তদীয় জ্যেষ্ঠ পুত্র হাফিজুল্লা পিতার প্রিয়পাত্র ছিলেন, কিন্তু অল্প বয়সেই ইহলোক হইতে প্রস্থান করেন।

৬ খোজা সলিমুল্লা ।

আসামুল্লাহর দেহান্তে তাঁহার কনিষ্ঠ পুত্র নবাব খোজা সলিমুল্লাহ বাহাদুর উত্তরাধিকারী হন। ১৮৭১ খৃঃ ৭ই জুন তিনি ঢাকা নগরে ভূমিষ্ঠ হন। তাঁহার বয়ঃক্রম যখন একবিংশ বৎসর মাত্র, সেই সময় তিনি এক রমণীর পাণি গ্রহণাভিলাষী হন, কিন্তু উহাতে পিতার মত ছিল না। পিতাপুত্র মনোমালিগ্ন হইলে নবাব সলিমুল্লাহ পিতৃভবন পরিত্যাগ করিয়া যান। ১৮৯৩ খৃঃ ঢাকার তৎকালীন মাজিষ্ট্রেট লটমেন জনসনের অনুরোধে তিনি একজন ডেপুটী মাজিষ্ট্রেট পদে নিযুক্ত হইয়া ময়মনসিংহ গমন করেন। তথা হইতে মজঃফরপুরে বদলি হন। দুই বৎসর পরে রাজকার্য্য পরিত্যাগ করিতে বাধ্য হইয়াছিলেন। সেই সময় পিতৃবিয়োগ হইলে পিতার বিশাল জমিদারী ও প্রভূত অর্থের অধিকারী হন। তিনি ঢাকা সহরে একটি ইঞ্জিনিয়ারিং কলেজ প্রতিষ্ঠা করেন। ১৯০২ খৃঃ নবাব বাহাদুর “সি-এস-আই” উপাধি প্রাপ্ত হন। ১৯০৩ খৃঃ ১লা জানুয়ারী দিল্লীর অভিষেক দরবারে ভূতপূর্ব রাজপ্রতিনিধি লর্ড কর্জেন কর্তৃক নিমন্ত্রিত হইয়াছিলেন। সেই রাজস্বয়ম্বে নবাব বাহাদুর “কে-সি-এস-আই” উপাধি লাভ করেন। পরবৎসর তিনি ভারতীয় ব্যবস্থাপক সভার সদস্য নির্বাচিত হন। ১৯০৬ খৃঃ পূর্ব বঙ্গের ছোটলাট স্যার ল্যান্সলট হেনার সাহেবের প্রতিমূর্তি স্থাপনকল্পে ৩০০ টাকা দিয়াছিলেন। ১৯১১ খৃঃ কলিকাতা সহরে নবীন ভারতেশ্বর পঞ্চম জর্জ মহোদয়ের অভ্যর্থনাকল্পে টাদার বে অর্থ সংগ্রহ হয়, তাহাতে ২০০০ টাকা দান করেন। ১৯১১ খৃঃ ১২ই ডিসেম্বর দিল্লীর বিরাট অভিষেক দরবারে স্যার সলিমুল্লাহ বাহাদুর “জি-সি-আই-ই” উপাধি সম্মানে সম্মানিত হইয়াছিলেন। ১৯১২ খৃঃ ৪ঠা জানুয়ারী কলিকাতার লাটভবনে ভারত সম্রাট ও রাজ্যীর রাজসভা

হইয়াছিল, তৎকালে সেই রাজকীয় অভ্যর্থনা সমিতির সম্পাদক মুর্শিদাবাদের নবাব স্যার ওয়াসিফ আলি মির্জা খাঁ বাহাদুর ঢাকার নবাব বাহাদুরকে সম্রাট সমীপে ষথারীতি পরিচিত করেন। ১৯১২ খৃঃ ২রা মার্চ কলিকাতার ডেলহাউসী ইন্সটিটিউটে “বেঙ্গল প্রেসিডেন্সী মহা-মিডেন্ এসোসিয়েসন” নামক মুসলমান সমিতির অধিবেশনে নবাব বাহাদুর সভাপতি নির্বাচিত হন। ১৯১২ খৃঃ ১৮ই মার্চ কলিকাতার লাটভবনে রাজপ্রতিনিধি লর্ড হার্ডিঞ্জ বাহাদুর একটি দরবার করিয়া নবাব বাহাদুরকে উপরোক্ত উপাধি সনন্দ ও খেলাত প্রদান করেন। ১৯১৩ খৃঃ নবাব বাহাদুর গবর্ণমেন্ট কর্তৃক বঙ্গীয় ব্যবস্থাপক সভার বে-সরকারী সভ্য নিযুক্ত হন। তিনি ভারতীয় মুসলমান সমিতির এবং বঙ্গদেশের মুসলমান সম্প্রদায়ের নেতৃস্থানীয় ছিলেন। তিনি বহুমুত্র রোগে আক্রান্ত হইলে তাঁহার জ্যেষ্ঠ পুত্র খোজা হবিবুল্লা বাহাদুর বিষয় কার্য তত্ত্বাবধান করিতেন। অবশেষে ১৯১৫ খৃঃ ১৫ই জানুয়ারী নবাব স্যার খোজা সলিমুল্লা বাহাদুর কলিকাতায় কলেবর পরিত্যাগ করিয়াছেন। তাঁহার মৃতদেহ সমাধির জন্ত ঢাকায় প্রেরিত হইয়াছিল। নবাব বাহাদুর মৃত্যুকালে ৪ পত্নী, ৫ পুত্র ও ৩ কন্যা রাখিয়া গিয়াছেন।

নবাব বাহাদুরের মৃত্যুর পর তদীয় জ্যেষ্ঠ পুত্র নবাবজাদা খোজা হবিবুল্লা উত্তরাধিকারক্রমে নবাব বাহাদুর পদ লাভ করিয়াছেন। ইহঁার বয়ঃক্রম বিশ বৎসর মাত্র হইয়াছে। ১৯১৩ খৃঃ ২রা জানুয়ারী নবাবজাদা খোজা হবিবুল্লার সহিত নবাব খোজা মহম্মদ ইস্‌ফের পৌত্রীর বিবাহ হইয়াছে।

নবাব বাহাদুরের তৃতীয় পুত্র সাহেবজাদা খোজা আবদুল গণি ১৯১৩ খৃঃ ১লা ফেব্রুয়ারী টাইফয়েড জরে অকালে মৃত্যুমুখে পতিত হইয়াছেন।

নবাব বাহাদুরের পুত্র হাফিজুল্লা ইংলণ্ডে বিজ্ঞানশিক্ষা করেন

ভাওয়াল রাজবংশ ।

প্রবাদ আছে যে, ঢাকা জেলার অন্তর্গত ভাওয়াল পরগণায় রাজা শিশুপালের রাজধানী ছিল। মহাভারতে চেদিরাজ্য শিশুপালের রাজধানী বলিয়া জানা যায়। তদনুসারে ভাওয়াল চেদিরাজ্য বলিয়া প্রতিপন্ন হয়। বুড়ীগঙ্গার উত্তর তীরস্থ বর্তমান ঢাকা নগরী পূর্বে ভাওয়ালের অন্তর্নিবিষ্ট ছিল।

কোনু সময়ে কি ঐক্যে ভাওয়াল দিল্লীর সম্রাটের অধিকার-ভুক্ত হয়, তাহা নিশ্চয় জানা যায় না। ভাওয়ালের অন্তর্গত চৈরা নামক গ্রামে মুসলমান গাজীবংশীয়গণ বিলক্ষণ সম্ভ্রান্ত ছিলেন। খৃষ্টীয় ষোড়শ শতাব্দীর মধ্যভাগে বঙ্গদেশের পূর্বকালীন রাজধানী ঢাকার নবাব সরকারের অধীনে ঢাকা জেলার কয়েকটি পরগণার শাসনভার গাজীবংশের হস্তে বৃত্ত ছিল। তাঁহারা পালওয়ান গাজী নামক জনৈক দরবেশের বংশধর বলিয়া পরিচয় প্রদান করিতেন। পালওয়ান গাজীর পুত্র ভাওয়াল গাজী, দিল্লীর সম্রাটের নিকট হইতে জায়গীর প্রাপ্ত হন। সেই ভাওয়াল গাজীর নামানুসারে “ভাওয়াল পরগণা” নাম হইয়াছে। তৎকালে বুড়ীগঙ্গার তীর হইতে গারো পর্বতের পাদদেশ পর্য্যন্ত অরণ্য স্থান ভাওয়াল নামে উক্ত হইত।

বিক্রমপুরের অন্তর্গত বজ্রযোগিনী-নিবাসী কুশধ্বজ নামক জনৈক ব্রাহ্মণ ভাওয়াল গাজীর বংশধর ফজল গাজীর পুত্র দৌলত গাজীর সরকারে দেওয়ানের কার্যে নিযুক্ত ছিলেন। তিনি বর্তমান জয়দেব-পুরের পশ্চিমস্থ চান্দনা গ্রামে স্থায়ী আবাসবাটী নির্মাণ করেন।

৬ বলরাম রায় চৌধুরী ।

কুশধ্বজের মৃত্যুর পর তাঁহার পুত্র বলরাম, গাজী বংশীয়দিগের দেওয়ান পদে নিযুক্ত হন। নবাব মুর্শিদকুলি খাঁর সময় বাকী রাজ্যেশ্বর জন্ত দৌলত গাজীর জমিদারী নীলাম হইলে ভাওয়াল পরগণার নয় আনা অংশ তাঁহার হস্তচ্যুত হইয়া কুশধ্বজের পুত্র বলরামের হস্তগত হয়। অতঃপর তিনি নবাব সরকার হইতে “রায় চৌধুরী” উপাধি প্রাপ্ত হইয়াছিলেন। এই বলরাম রায় চৌধুরী হইতেই জয়দেবপুরের রাজবংশের সূত্রপাত হয়।

৭ শ্রীকৃষ্ণ রায় চৌধুরী ।

বলরামের পুত্র শ্রীকৃষ্ণ রায় চৌধুরী চান্দনা হইতে স্বীয় বাসভবন উঠাইয়া পীড়াবাড়ী নামক স্থানে বাসস্থান নিৰ্ম্মাণ করেন। তিনি ধৰ্ম্মশীল, শান্তিপ্রিয় ও প্রজাবৎসল ছিলেন। কিন্তু তাঁহার সাহস ও তেজস্বিতা ছিল না।

৮ জয়দেব রায় চৌধুরী ।

শ্রীকৃষ্ণের বংশধর জয়দেব রায় চৌধুরী স্বকীয় নামানুসারে পীড়াবাড়ীর নাম জয়দেবপুর রাখিয়াছিলেন। তিনি প্রত্যেক প্রকার অবস্থা ও চরিত্র তদন্ত করিতেন এবং প্রত্যেকের অভাব মোচন করিয়া জীবিকা নির্বাহের সূত্রপাত করিয়া দিতেন।

৮ গোলকনারায়ণ রায় চৌধুরী ।

এই বংশোদ্ভব গোলকনারায়ণ রায় চৌধুরী সংসারের প্রতি নিম্প্ৰহ ছিলেন । তিনি উদাসীনের স্থায় দেশে দেশে পর্য্যটন করিতেন । তদীয় জননী সিক্কেস্বরী দেবী বহু যত্ন ও চেষ্টা করিয়া পুত্রকে সংসারধৰ্ম্মে নিবৃত্ত করিতে পারেন নাই ।

৯ কালীনারায়ণ রায় চৌধুরী ।

গোলকনারায়ণের পুত্র মহাত্মা কালীনারায়ণ রায় চৌধুরী তৎকালে প্রচলিত পারসী ভাষায় সুশিক্ষিত হইয়াছিলেন । অতি অল্প বয়সে তাঁহার উপর সংসারের ভার হস্ত হয় । তিনি জমিদারীতে প্রবৃত্ত হইয়া স্বকীয় বিত্ত সম্পত্তির আয়তন অনেক পরিমাণে পরিবৰ্দ্ধিত করিয়া গিয়াছেন ; অধিকন্তু ভাওয়ালের নানা স্থানে রাজপথ ও সেতু নির্মাণ করেন । জয়দেবপুর ইংরাজী বিদ্যালয়, দাতব্য চিকিৎসালয়, পোষ্টাফিস এবং ভাওয়ালের প্রসিদ্ধ স্থানসমূহে বিদ্যালয় স্থাপন ও জলাশয় খনন পূর্ব্বক স্বদেশের ত্রীবৃদ্ধিসাধন করিয়া গিয়াছেন । তিনি ঢাকার উন্নতি কল্পেও বহু অর্থ দান করেন । তিনি বিবিধ সদনুষ্ঠানের জন্ত গবর্ণমেণ্টের নিকট হইতে “রাজা” উপাধি লাভ করেন । ঢাকার তৎকালীন মাজিষ্ট্রেট ওয়ার্ণটার সাহেব তাঁহাকে অতিশয় ভাল বসিতেন । তিনি মুগয়া প্রিয় ছিলেন, তজ্জ্যাত্ত সাহেবদিগের সহিত সৰ্ব্বদা শিকারে প্রবৃত্ত হইতেন । ঢাকার ও অত্যাশ্ৰ স্থানের ইংরাজগণ শিকার উপলক্ষে ভাওয়ালে গিয়া তাঁহার বাটীতে অবস্থান করিতেন, তজ্জন্য তিনি সাহেবদিগের বাসোপযোগী সুবৃহৎ অট্টলিকা নির্মাণ করাইয়া নানা প্রকার বহুমূল্য সামগ্রীতে সুসজ্জিত করিয়াছিলেন । তাঁহার সঙ্গীত-বিদ্যা

ঐকান্তিক অনুরাগ ও পারদর্শিতা ছিল। তিনি দেশীয় গায়কদিগকে অর্থাদি দ্বারা সাহায্য প্রদান করিয়া তাহাদের উৎসাহবর্দ্ধন করিতেন। সঙ্গীত রচনায় তাঁহার অভিজ্ঞতা ছিল। তিনি সামান্য কবি-ওয়ারাদিগের সঙ্গে মিলিত হইয়া সঙ্গীত রচনা দ্বারা উপস্থিত বুদ্ধির পরিচয় দিতেন এবং তাহাতে আনন্দ উপভোগ করিতেন। কৰ্ম্মকুশল কালীনারায়ণ স্বদেশে প্রজাহিতৈষিনী সভা সংস্থাপন করেন। তিনি হিন্দুশাস্ত্রমতে ধর্ম্মবিগর্হিত কন্যাপণ প্রথা নিবারণ জন্য অনেক চেষ্টা করিয়াছিলেন। তাঁহার দাতব্যে অনেক দরিদ্রের বিবাহাদি কার্য্য সংসাধিত হইয়াছে। তিনি কাহাকেও অবজ্ঞা করিতেন না এবং কটুকথা বলিতেন না। দরিদ্র লোকদিগের সহিত আলাপ করিতে ভাল বাসিতেন এবং তাহাদিগকে আহারীয় দ্রব্য ও বস্ত্রাদি দান করিয়া সুখী হইতেন। তিনি সর্ব্বজন প্রিয় ও সদাশয় পুরুষ ছিলেন। ১৮৭৫ খৃঃ পূর্ব্ববঙ্গের সাহিত্য-সভাট খ্যাতনামা রায় কালীপ্রসন্ন ঘোষ বিদ্যাসাগর “সি-আই-ই” বাহাদুর গবর্ণমেন্টেব কার্য্য হইতে বিদায় লইয়া ভাওয়াল রাজ্যের শাসন ও সংরক্ষণে নিযুক্ত হন। কালীপ্রসন্ন ছাব্বিশ বৎসব কাল এই রাজ্যের ম্যানেজার থাকিয়া জমিদারীর বহুবিধ উন্নতি সাধন করিয়া-ছিলেন। কালীনারায়ণ মৃত্যুকালে একমাত্র পুত্র কুমার রাজেন্দ্রনারায়ণ বায়কে রাখিয়া যান।

৬ রাজেন্দ্রনারায়ণ রায় চৌধুরী।

অতঃপর কালীনারায়ণের পুত্র রাজা রাজেন্দ্রনারায়ণ রায় চৌধুরী রাজ্যাভিষিক্ত হন। ১৮৫৮ খৃঃ অক্টোবর মাসে তিনি জয়দেবপুর রাজ-ভবনে ভূমিষ্ঠ হন। তাঁহার জমিদারী ঢাকার উত্তরাংশ হইতে ময়মন-সিংহের দক্ষিণ প্রান্ত পর্য্যন্ত বিস্তৃত, এতদ্ব্যতীত ফুলবেড়িয়া এষ্টেট

এবং ঢাকা, ময়মনসিংহ, ত্রিপুরা প্রভৃতি জেলার অন্তর্গত বহুস্থান ইহাদের অধিকারভুক্ত । অষ্টাদশ বৎসর বয়ঃক্রম হইতে অনানু পঁচিশ বৎসর তিনি কালীপ্রসন্নের তত্ত্বাবধানে ছিলেন । তিনি বঙ্গীয় সাহিত্যের উৎসাহদাতা ও বাঙ্গালা ভাষার অমুরাগী ছিলেন । নিজেও সুন্দর বাঙ্গালা রচনা করিতে পারিতেন । অনেক বাঙ্গালা লেখক তাঁহার আর্থিক সাহায্যে গ্রন্থ প্রণয়ন করিয়া জীবিকানির্বাহ ও সমাজে পরিচিত হইতে সমর্থ হন । সাহিত্যের উন্নতিকল্পে রঞ্জেন্দ্রনারায়ণ যে অনুষ্ঠান করেন, তাহাতে কালীপ্রসন্ন বিশেষভাবে যোগদান করিয়াছিলেন । তিনি কালীপ্রসন্নকে চিরদিন জ্যেষ্ঠ সহোদরের ন্যায় ভক্তি করিতেন । রঞ্জেন্দ্রনারায়ণ সঙ্গীতের বিশেষ অমুরাগী ছিলেন । তাঁহার স্থাপত্য বিষয়ে উদ্ভাবিনী শক্তি ছিল । ভৈষজ্যতত্ত্বেও অভিজ্ঞতা লাভ করেন । তিনি রাষ্ট্রীয় ব্রাহ্মণকুলের শিরোমণি, বঙ্গভাষার সুহৃৎ ও পূর্ববঙ্গের গৌরব স্থানীয় ছিলেন । গবর্ণমেন্ট তাঁহার গুণের প্রশংসা করিয়া “রাজা” উপাধি প্রদান করেন । তিনি উদারহৃদয়, অমায়িক, মিষ্টভাষী ও বদান্য পুরুষ ছিলেন । ১৯০১ খৃঃ ২৬ শে এপ্রেল রাজা রঞ্জেন্দ্রনারায়ণ রায় চৌধুরী স্বর্গগত হইয়াছেন । তিনি মৃত্যুকালে বিধবা রাণী এবং রঞ্জেন্দ্রনারায়ণ, রমেন্দ্রনারায়ণ, রবীন্দ্রনারায়ণ নামে তিন পুত্র ও তিনটী কন্যা রাখিয়া যান ।

রাজা বাহাদুরের জ্যেষ্ঠ পুত্র কুমার রঞ্জেন্দ্রনারায়ণ রায় চৌধুরী অকালে কালের কবলে পতিত হইয়াছেন ।

রাজা বাহাদুরের মধ্যম পুত্র কুমার রমেন্দ্রনারায়ণ রায় চৌধুরী বায়ু পরিবর্তন জন্য সঙ্গীক দার্জিলিং গমন করেন, কিন্তু তথায় হঠাৎ রক্তাতিসার রোগে আক্রান্ত হইয়া ১৯০২ খৃঃ ৮ই মে মৃত্যুমুখে পতিত হইয়াছেন ।

রাজা বাহাদুরের কনিষ্ঠ পুত্র কুমার রবীন্দ্রনারায়ণ রায় চৌধুরী

১৯১১ খৃঃ ১২ই ডিসেম্বর দিল্লীর বিরাট অভিষেক দরবারে “পূর্ববঙ্গ ও আসাম” প্রদেশের ছোটলাট কর্তৃক নিমন্ত্রিত হন। ১৯১৩ খৃঃ ১৫ই সেপ্টেম্বর ভাওয়ালের কনিষ্ঠ রাজকুমার ও একমাত্র বংশধর কুমার রবীন্দ্রনারায়ণ রায় চৌধুরী টাইফয়েডে জ্বরে প্রাণত্যাগ করিয়াছেন।

রামগোপালপুর রাজবংশ ।

বজ্রেশ্বর আদিশূর কাণ্ডকুন্ড হইতে পঞ্চগোত্রীয় পঞ্চজন সুপণ্ডিত ব্রাহ্মণ বঙ্গদেশে আনয়ন করেন, ইহা সকলেই অবগত আছেন । বারেন্দ্রকুলজ-দিগের মতে শাণ্ডিল্য গোত্রীয় নারায়ণ, কাণ্ডপ গোত্রীয় •স্বৰ্ঘেণ, বাৎস্য গোত্রীয় ধরাদর, ভরদ্বাজ গোত্রীয় গৌতম ও সাবর্ণ গোত্রীয় পরাশর এই পঞ্চজন ব্রাহ্মণ হইতেই বারেন্দ্র সমাজের সূচনা হইয়াছে । পূৰ্বোক্ত কাণ্ডপ গোত্রীয় স্বৰ্ঘেণ হইতে নাটোর, তাহিরপুর, আলাপসিংহ ও নয়মনসিংহ প্রভৃতি স্থানের প্রাচীন জমিদারবংশের উৎপত্তি । স্বৰ্ঘেণ—ব্রহ্মা ওঝা—দক্ষ—পীতাম্বর—শান্তনু—হিরণ্যগৰ্ভ—ভূগৰ্ভ—বেদভৰ্গ—জিগনী—স্বৰ্ণরেখ—সিন্ধু ওঝা—মৈতাই—হির—দৌরাচার্য—মহানিধি—বৃহস্পতি—কুপ ওঝা—কেশব ওঝা—জীবর • ওঝা—গুধাই—শঙ্করপাণি—ত্ৰিনিবাস । তাঁহার ছয় পুত্র—রামশরণ, ধূর্বাটী, শিব, দিবাকর, ত্রিবিক্রম ও গৌরীধর । রামশরণের পুত্র—দৈত্যারি, কংশারী, ভগবান, বনমালি, দানবারি, শূলপাণি, পুরন্দর, চতুর্ভূজ, গুভঙ্কর ও কন্দর্প । শূলপাণির পুত্র—মধুসূদন মিশ্র, মাধব মিশ্র, হরি পণ্ডিত ও বাচস্পতি মিশ্র । হরি পণ্ডিতের কেশব নামে একটি পুত্র জন্মিয়াছিল । তিনি সর্বশাস্ত্রে পারদর্শী হইয়া তৎকালীন সম্মানিত “আচার্য্য” উপাধি প্রাপ্ত হন । কেশব আচার্য্যের পুত্র গঙ্গানন্দ আচার্য্য দিল্লীর মোগল সরকারে কার্য্য করিতেন এবং তথা হইতে “হালদার” উপাধি প্রাপ্ত হন । গঙ্গানন্দ হালদারের বজ্রেশ্বর ও জয়নারায়ণ নামে দুই পুত্র জন্ম গ্রহণ করেন । উভয়ে পারস্য ভাষায় অভিজ্ঞ হইয়া নবাব সরকারে কার্য্য গ্রহণ করিয়াছিলেন । দক্ষতার সহিত কার্য্য করিয়া উভয় ভ্রাতা

“তলাপাত্র” উপাধি লাভ করেন। নবাবের অনুগ্রহে তাঁহারা রাজসাহী জেলার অন্তর্গত কড়ুই জমিদারী প্রাপ্ত হন। বর্তমানে ইহা বগুড়া জেলার অন্তর্গত। তৎকালে এই সম্পত্তি ছনি সৈয়দ আলী চৌধুরী নামক একজন মুসলমান জমিদারের অধিকারভুক্ত ছিল। সৈয়দ আলীর বংশধর না থাকায় জমিদারী নবাব সরকারের বাজেয়াপ্ত হয়। অতঃপর যজ্ঞেশ্বর ও জয়নারায়ণ তলাপাত্র নবাব সরকারে উপযুক্ত “পেসকশ” দিয়া উহা পত্তনী গ্রহণ করেন। নাটোরের সন্নিকট কোন স্থানে পূর্বে তাঁহাদের বাসস্থান ছিল, কিন্তু উক্ত জমিদারী প্রাপ্ত হইয়া তাঁহারা কড়ুই গ্রামে বসতি করেন। জ্যেষ্ঠ যজ্ঞেশ্বর নিঃসন্তান ছিলেন। কনিষ্ঠ জয়নারায়ণের একমাত্র পুত্র শ্রীকৃষ্ণ তলাপাত্র জ্যেষ্ঠতাত ও পিতার সম্পত্তির অধিকারী হন।

৮ শ্রীকৃষ্ণ চৌধুরী ।

অতঃপর শ্রীকৃষ্ণ তলাপাত্র নবাব মুর্শিদকুলি খাঁর সহিত সাক্ষাৎ করিবার জন্ত মুর্শিদাবাদ গমন করেন। তথায় গিয়া কর্মপ্রার্থী হইলে প্রথমে রাজস্ববিভাগে কোন সামান্য কার্যে নিয়োগ হন। নাটোর রাজবংশের প্রতিষ্ঠাতা রঘুনন্দন রায় তখন রাজস্ব বিভাগের প্রধান কর্মচারী ছিলেন। রঘুনন্দনের সাহায্যে শ্রীকৃষ্ণ নবাব মুর্শিদকুলি খাঁর প্রিয়পাত্র হন। অতঃপর রঘুনন্দনের অধীনে তিনি কাননগো পদে উন্নীত হইয়াছিলেন। ঐ সময় কোন পরাক্রান্ত ভূম্যধিকারী নবাবকে উপেক্ষা করিয়া স্বীয় স্বাধীনতা ঘোষণা করেন। নবাব তাঁহার দমনের জন্ত শ্রীকৃষ্ণের উপর ভার দিয়াছিলেন। শ্রীকৃষ্ণ বিশিষ্ট সৈন্যদলে পরিবৃত্ত হইয়া বিদ্রোহী জমিদারকে ধৃত করিয়া মুর্শিদাবাদে প্রত্যাগত হন। নবাব তাঁহার দক্ষতা দেখিয়া দিল্লীশ্বরের অনুমতিক্রমে পুরস্কার-

স্বরূপ ময়মনসিংহ পরগণা জায়গীর প্রদান করেন। এই পরগণা পূর্বে মোসিনসাহী নামে অভিহিত হইত এবং বার ভূঁইয়ার অষ্টম ভূঁইয়া জৈশা খাঁর অধিকারে ছিল। তৎপরে এই জমিদারী মজলসিদ্ধ-নিবাসী দত্তবংশীয়দিগের হস্তগত হয়। নবাব সরকারে বাকী রাজস্বের নিমিত্ত এই পরগণা বাজেয়াপ্ত হইয়াছিল। অতঃপর নবাব, শ্রীকৃষ্ণকে ময়মনসিংহ পরগণার চৌধুরাই পদে প্রতিষ্ঠিত করেন। ১৭১৮ খৃঃ নবাব মুর্শিদকুলি খাঁ তাঁহাকে “চৌধুরী” উপাধি প্রদানপূর্বক ময়মনসিংহ পরগণার জমিদারী “ফারমান” দিয়াছিলেন। তৎপরে তিনি মুর্শিদাবাদ হইতে নূতন জমিদারীতে আসিয়া বাস করেন। তিনি বহু ব্রাহ্মণ ও কায়স্থকে ব্রহ্মোত্তর ও লাংখোজ ভূমি দান করিয়াছিলেন। তিনি বোকাই নগরে বাসস্থান নির্বাচন করেন, এখন এই স্থান বাসাবাড়ী নামে পরিচিত। শ্রীকৃষ্ণের বংশের একটি শাখা অত্মাপি তথায় বাস করিতেছেন। তাঁহার জ্যেষ্ঠ পুত্র চাঁদরায় নবাব আলিবর্দী খাঁর সময় খালসা বিভাগের প্রধান রাজস্ব সচিব ছিলেন। চাঁদরায় রাজস্বের উন্নতি করিয়া নবাবের প্রিয়পাত্র হন। ব্রহ্মপুত্র নদের পশ্চিম পার্শ্বে সরকার ঘোড়াঘাটের অধীন জকরসাহী নামে একটি পরগণা আছে। চাঁদরায়ের চেষ্টায় নবাব ঐ পরগণা ময়মনসিংহের অন্তর্ভুক্ত করিয়া রাজস্বের পরিমাণ পূর্ববৎ রাখিয়াছিলেন। অত্মাপি উহা ময়মনসিংহ পরগণার সহিত এক বন্দোবস্তে চলিতেছে। এই পরগণা পূর্বে জৈশাখাঁর বংশধরগণের ছিল। শ্রীকৃষ্ণ জকরসাহী পরগণায় নিজের নামানুসারে কৃষ্ণপুর নামে একখানি গ্রাম স্থাপন করেন। তথায় তাঁহার বসতবাটি নির্মিত হইয়াছিল। ১৭৫৫ খৃঃ পরিণত বয়সে শ্রীকৃষ্ণ চৌধুরী ইহলোক পরিত্যাগ করেন। তাঁহার দুই বিবাহ হইয়াছিল। প্রথমা পত্নী সর্বজয়ার গর্ভে চাঁদরায়, কৃষ্ণকিশোর, গোপালকিশোর নামে তিন পুত্র ও একটি কন্যা জন্মগ্রহণ করেন। দ্বিতীয়া পত্নী মহেশ্বরীর গর্ভে গঙ্গানারায়ণ, হরিনারায়ণ ও

লক্ষ্মীনারায়ণ নামে তিন পুত্র হইয়াছিল। তাঁহার ছয় পুত্রের মধ্যে চাঁদরায় ও হরিনারায়ণ পিতা বর্তমানে কালগ্রাসে পতিত হন। শ্রীকৃষ্ণ চৌধুরীর মৃত্যুর পর কৃষ্ণকিশোর, গোপালকিশোর, গঙ্গানারায়ণ ও হরিনারায়ণ এই চারি পুত্র যাবতীয় সম্পত্তির উত্তরাধিকারী হন। প্রথমা স্ত্রীর পুত্র কৃষ্ণকিশোর ও গোপালকিশোর নবাব সরকারে কার্য্য করিয়া “রায়” উপাধি লাভ করেন; দ্বিতীয়া পত্নীর সন্তান গঙ্গানারায়ণ ও লক্ষ্মীনারায়ণ হিতার “চৌধুরী” উপাধির অধিকারী হইয়াছিলেন। ক্রমে উভয়পক্ষে বিবাদ উপস্থিত হইলে সম্পত্তি বিভাগের জন্ত ঢাকার তৎকালীন প্রাদেশিক শাসনকর্ত্তা মহম্মদ রেজা খাঁর নিকট আবেদন করা হইয়াছিল। সেই প্রার্থনানুসারে সমস্ত সম্পত্তি দুই অংশে বিভক্ত হইয়া একাংশ তরফ “রায় চৌধুরী” এবং অপরাংশ তরফ “চৌধুরী” প্রাপ্ত হন। অধুনা তাঁহাদের বংশধরগণ রামগোপালপুর, গৌরীপুর, গোলকপুর, ভবানীপুর, বাসাবাড়ী প্রভৃতি স্থানে বাস করিতেছেন।

৮ কৃষ্ণকিশোর রায় চৌধুরী ।

শ্রীকৃষ্ণ চৌধুরীর প্রথমা পত্নীর মধ্যম পুত্র কৃষ্ণকিশোর রায় চৌধুরী ১৭৬৪ খৃঃ দৈবছুর্গিপাকে রথচক্রের নীচে পড়িয়া প্রাণত্যাগ করেন। তিনি প্রথমতঃ রত্নমালা দেবীকে বিবাহ করেন; কিন্তু তাঁহার সন্তান না হওয়ায় নারায়ণী দেবীর পাণিগ্রহণ করেন। কৃষ্ণকিশোরের মৃত্যুর পর তাঁহার পত্নীদ্বয় দত্তক গ্রহণে অভিলাষিণী হন, কিন্তু কৃষ্ণকিশোরের কনিষ্ঠ সহোদর ভ্রাতা গোপালকিশোরের দত্তকপুত্র যুগলেকিশোর প্রতিদ্বন্দ্বী হইয়াছিলেন। অবশেষে তাঁহারা ওয়ারেন্ হেস্টিংস সাহেবের নিকট আবেদন করিলে ১৭৭৭ খৃঃ দেওয়ান গঙ্গাগোবিন্দ সিংহ, কৃষ্ণকিশোর ও গোপালকিশোরের বিষয় অর্দ্ধাংশে বিভক্ত করিয়া দিয়াছিলেন। সেই সমর

তঁাহারা রামগোপালপুরে আসিয়া বাস করেন । রত্নমালা দেবী ফরিদপুরের অন্তর্গত মস্তাফপুরের মজুমদারবংশের নন্দকিশোর নামে একটি বালককে পোষ্যপুত্র গ্রহণ করেন । ১৭৮৪ খৃঃ রত্নমালা ইহলোক পরিত্যাগ করিলে অল্পকাল মধ্যে নন্দকিশোর কালগ্রাসে পতিত হন ।

৮ রামকিশোর রায় চৌধুরী ।

অতঃপর নারায়ণী দেবী রাজসাহী জেলার অন্তর্গত হালসা গ্রামের রামকিশোর নামক একটী বালককে দত্তক গ্রহণ করেন । নারায়ণী দেবী জলাশয় প্রতিষ্ঠা, ব্রহ্মোত্তর ও লাখেরাজ প্রভৃতি দান করিয়াছিলেন । জামালপুরের অধিষ্ঠাত্রী দেবী ৮ দয়াময়ী তাঁহারই প্রতিষ্ঠিত । তথায় একটি অন্নপূর্ণা বিগ্রহ প্রতিষ্ঠা করেন । ১৭৭৭ খৃঃ তিনি এই দুইটা বিগ্রহের সেবার জন্য প্রায় আট সহস্র টাকা বার্ষিক আয়ের সম্পত্তি উৎসর্গ করিয়া গিয়াছেন । এতদ্ব্যতীত জামালপুরে কৃষ্ণেশ্বর, রতনেশ্বর নারায়ণেশ্বর নামে তিনটা শিবলিঙ্গ প্রতিষ্ঠা করেন । রামগোপালপুরের ৩মদনমোহন বিগ্রহ তাঁহার প্রতিষ্ঠিত । রামকিশোর রাজসাহীর অন্তর্গত বলদ গ্রামের জগদীশ্বরী দেবীর পাণিগ্রহণ করেন । তাঁহার গর্ভে দিগম্বরী নামে একটি কন্যা হইয়াছিল । রামকিশোর কন্যাকে অতি শৈশবাবস্থায় রাখিয়া নারায়ণীর জীবিতকালে বৃন্দাবনধামে অকালে মৃত্যুমুখে পতিত হন । নারায়ণী দেবী দিগম্বরীকে রংপুর জেলার অন্তর্গত ভিতরবন্দের জমিদার আনন্দচন্দ্র রায় চৌধুরীর সহিত বিবাহ দিয়াছিলেন । জগদীশ্বরীর কোন পুত্র সন্তান না থাকায় নারায়ণী দেবী ১৮১২ খৃঃ কেশবচন্দ্রকে পুত্রবধূর দত্তকরূপে গ্রহণ করিয়া কালীকিশোর নামে অভিহিত করিয়াছিলেন । অতঃপর নারায়ণী দেবী কালীধামে গিয়া

অবস্থিতি করেন। তথায় নয় বৎসরকাল জীবিত থাকিয়া ১৮৩৯ খৃঃ ইহলোক হইতে অপস্থত হন।

৮ কালীকিশোর রায় চৌধুরী ।

তদনন্তর কালীকিশোর রায় চৌধুরী বিষয় সম্পত্তির অধিকারী হন। তিনি সাংসারিক জীবনে প্রশংসালভ করিতে পারেন নাই। তাঁহার সময় জমিদারীর অবনতি ঘটয়াছিল। তিনি ক্রমে ঋণজালে জড়ীভূত হন। ১৮৫৫ খৃঃ কালীকিশোর রায় চৌধুরী নশীরাবাদ সহরে দেহত্যাগ করেন। তিনি আমহাটি-নিবাসী অমরনাথ রায়ের কন্যা কমলমণি দেবীকে বিবাহ করিয়াছিলেন। তাঁহার কাশীকিশোর নামে একটি পুত্র এবং প্রসন্নময়ী ও জয়দুর্গা নামী দুই কন্যা হইয়াছিল। খাজুরা-নিবাসী হরচন্দ্র লাহিড়ীর সহিত প্রসন্নময়ীর এবং ভোলানাথ লাহিড়ীর সহিত জয়দুর্গার বিবাহ হয়। ১৯০৭ খৃঃ অক্টোবর মাসে জয়দুর্গা স্বর্গগতা হন।

৯ কাশীকিশোর রায় চৌধুরী ।

কালীকিশোরের পুত্র কাশীকিশোর রায় চৌধুরী ১৮২৮ খৃঃ জন্ম গ্রহণ করেন। তিনি প্রথমতঃ গৃহশিক্ষকের নিকট শিক্ষারম্ভ করিয়া তৎপরে ময়মনসিংহ জিলা স্কুলে ও ডাক্তার এলটন সাহেবের নিকট ইংরাজী ভাষা শিক্ষা করিয়াছিলেন। ১৮৫৫ খৃঃ তিনি বিষয় সম্পত্তির অধিকারী হন। কালীকিশোরের মৃত্যুকালে তাঁহার বৈয়াকিক অবস্থা নিতান্ত শোচনীয় ছিল। কাশীকিশোর পৈতৃক জমিদারী প্রাপ্ত হইয়া অল্পদিনের মধ্যে সুব্যবস্থাগুণে জমিদারীর আয় বৃদ্ধি করেন। তিনি আট বৎসর মধ্যে সমস্ত ঋণ পরিশোধ করিয়া ফরিদপুর জেলার বিনোদপুর,

ঢাকা জেলায় ভাসানচর ও ত্রিহট্ট জেলায় জয়কলস নামক তিনটি জমিদারী ক্রয় করিয়াছিলেন। তিনি রামগোপালপুরের বাটির উন্নতি সাধন করেন। কাশীকিশোর দ্বিতীয় শ্রেণীর ক্ষমতাপ্রাপ্ত অবৈতনিক মাজিষ্ট্রেট পদে নিযুক্ত হইয়া নিজবাটী রামগোপালপুরে স্বাধীন বেঞ্চে বাইশ বৎসর কাল সূত্থাতির সহিত কার্য্য করেন। তিনি ময়মনসিংহ জেলায় প্রথম অবৈতনিক মাজিষ্ট্রেট মনোনীত হন। তাঁহার বিচার নৈপুণ্যে সম্ভষ্ট হইয়া ১৮৭৭ খৃঃ ছোটলাট স্যার রিভাস্ টেম্পল বাহাদুর স্বহস্তে একখানি প্রশংসাপত্র দিয়াছিলেন। ঢাকার তৎকালীন কমিশনার বাহাদুর তাঁহাকে রাজা উপাধি দানের প্রস্তাব করেন, কিন্তু তিনি উহা গ্রহণ করিতে অনিচ্ছা প্রকাশ করিয়াছিলেন। তিনি অতি ধার্মিক পুরুষ ছিলেন। ধর্ম্মালাপ ও ধর্ম্মগ্রন্থ পাঠে তাঁহার অধিক সময় অতিবাহিত হইত। বিপন্নের দুঃখ মোচনের জন্য নীরবে দান করিতেন। ১৮৬৮ খৃঃ তিনি রামগোপালপুরে একটি দাতব্য চিকিৎসালয় স্থাপন করেন। তাঁহার বায়ে একটি অবৈতনিক মধ্য ইংরাজী বিদ্যালয় প্রতিষ্ঠিত হয়। রাজসাহী জেলার অন্তর্গত ছাতিন গ্রামের অন্ততম জমিদার কৃষ্ণমোহন চৌধুরীর কন্যা হরসুন্দরী দেবীর সহিত কাশীকিশোরের বিবাহ হইয়াছিল। তাঁহার যোগেন্দ্রকিশোর নামে একটি পুত্র ও রামরঙ্গিনী নাম্নী এক কন্যা জন্মগ্রহণ করেন। কালীপুরের প্রসিদ্ধ জমিদার ধরণীকান্ত লাহিড়ী চৌধুরীর সহিত রামরঙ্গিনী দেবীর শুভ-পরিণয় হয়। ১৮৭৪ খৃঃ হরসুন্দরী দেবী স্বর্গলাভ করেন। ১৮৮৭ খৃঃ ১লা অক্টোবর লক্ষ্মী-পূর্ণিমার • দিবস কাশীকিশোর রায় চৌধুরী দেহত্যাগ করিয়াছেন।

যোগেন্দ্রকিশোর রায় চৌধুরী।

কাশীকিশোরের পরলোকান্তে তাঁহার একমাত্র পুত্র রাজা ত্রীযুক্ত যোগেন্দ্রকিশোর রায় চৌধুরী উত্তরাধিকারী হইয়াছেন। ১৮৫৭ খৃঃ জাম্বয়ারী-মাসে জন্মগ্রহণ করেন। ইনি ইংরাজী ও বাঙ্গালা ভাষায় রীতিমত শিক্ষালাভ করিয়াছেন। শিক্ষাকার্য্য সমাপ্ত করিয়া পিতার নিকট জমিদারী কার্য্য শিক্ষা করেন। ইনি নূতন প্রণালীতে জমিদারী পরিচালনা করিয়া বিশেষ উন্নতিসাধন করিয়াছেন, অধিকন্তু ঢাকা জেলায় দীর্ঘর মহিষখালি ক্রয় করেন। যোগেন্দ্রকিশোর শিক্ষা বিস্তারে ও নানাবিধ সংকার্য্যে মুক্তহস্তে দান করিয়া থাকেন। ১৮৯১ খৃঃ রাম-গোপালপুরে একটা উচ্চ ইংরাজী বিদ্যালয় স্থাপনপূর্ব্বক বার্ষিক ৩০০০ টাকা ব্যয় করিতেছেন। কলতাপাড়া গ্রামে “যোগেন্দ্রকিশোর ব্রাহ্ম স্কুল” নামে একটি বাঙ্গালা বিদ্যালয় প্রতিষ্ঠা করিয়াছেন। স্বর্গীয় পিতৃদেবের স্মৃতি স্মরণার্থ ময়মনসিংহ সহরে তাঁহার নামানুসারে “কাশীকিশোর টেকনিকেল স্কুল” নামে একটি শিল্প বিদ্যালয় স্থাপন করিয়াছেন। এই শিল্প বিদ্যালয়ের নিমিত্ত সর্ব্বশুদ্ধ ৪৫,০০০ টাকা ব্যয় করিয়া এককালীন ১৫,০০০ টাকা দিয়া কয়েক বৎসর হইল ইহার পরিচালনভার গবর্ণমেন্টের হস্তে প্রদান করিয়াছেন। ইনি ময়মনসিংহ সহরে আনন্দমোহন কলেজের সংস্কারার্থ ৩০,০০০ টাকা দান করেন। জামালপুর ও নেত্রকোণার স্কুলে ইহার বার্ষিক চাঁদা নির্দ্ধারিত আছে। কেশব একাডেমিতেও ইনি সাহায্য করেন। সংস্কৃত শিক্ষার উৎসাহ বর্দ্ধনে ঢাকা সারস্বত সভাতে বার্ষিক ১০০ টাকা দিতেছেন। ইনি সাহিত্যিকদিগের পুস্তক মুদ্রণের জন্ত সময় সময় দান করিয়া থাকেন। এতদ্ব্যতীত শিক্ষাবিভাগে ইহার অনেক ক্ষুদ্র দানের পরিচয় পাওয়া যায়। ইনি স্বীয় বাটীতে আৰ্য্যধর্ম্ম সংরক্ষণী

নামে একটি ধর্মসভা স্থাপন করিয়া তাহার ব্যয়ভার বহন করিতেছেন । ময়মনসিংহের নানা স্থানে জলকষ্ট নিবারণার্থ ২০,০০০ টাকা দান করেন । ময়মনসিংহ সহরে জলের কল জন্ত ৫০০ টাকা দিয়াছেন । ময়মনসিংহ ও জামালপুরের দাতব্য ঔষধালয়ে বার্ষিক চাঁদা নির্দিষ্ট আছে । দার্জিলিং স্বাস্থ্যনিবাস, লেডি ডফ্রিন্ ফণ্ড, ভিক্টোরীয় স্মৃতি সৌধ প্রভৃতি বহু বিষয়ে ইহার দানের নিদর্শন পাওয়া যায় । ব্রহ্মপুত্র নদের উপর একটি সেতু নির্মাণার্থ ৩০,০০০ টাকা দান করিতে প্রতিশ্রুত হন । যোগেন্দ্রকিশোরের দানের জন্ত গবর্ণমেন্ট ১৮৯২ খৃঃ “রায় বাহাদুর” উপাধি প্রদান করেন । ১৮৯৭ খৃঃ ২০শে জুন ভারতেশ্বরী ভিক্টোরীয়ার “হীরক জুবিলী” উপলক্ষে তৎকালীন বঙ্গেশ্বর স্যার আলেক্জেণ্ডার মেকেঞ্জী বাহাদুর ইহাকে একখানি প্রশংসাপত্র প্রদান করেন । সেই সময় ইনি ব্রাহ্মণ পণ্ডিতগণের বৃত্তিদানে ৩০,০০০, হুর্ভিক্ষ ভাণ্ডারে ১৫০০০, জলকষ্ট নিবারণে ২০,০০০, শিক্ষা বিস্তারে ৭০০০, চন্দ্রনাথ তীর্থ সংস্কারে ৩০০০ টাকা ব্যয় করেন । ইহার বদান্ততার সুখ্যাতি করিয়া ১৯০৯ খৃঃ ইংরাজী নববর্ষ উপলক্ষে গবর্ণমেন্ট যোগেন্দ্রকিশোরকে “রাজা” উপাধি সম্মানে সম্মানিত করিয়াছেন । জনসাধারণের হিতকর কার্যে রাজা বাহাদুরের আন্তরিক সহানুভূতি পরিলক্ষিত হয় ।

ষোড়শ বৎসর বয়স্ক কালে রাজসাহী জেলার অন্তর্গত হরিশপুর-নিবাসী গঙ্গাগোবিন্দ রায়ের কন্যা রামরঙ্গিনী দেবীর পাণিগ্রহণ করেন । তাঁহার পাঁচ পুত্র ও এক কন্যা জন্মে, তন্মধ্যে দ্বিতীয় পুত্র ও কন্যা অকালে কালগ্রাসে পতিত হয় । বর্তমানে ইহার নগেন্দ্রকিশোর, যতীন্দ্রকিশোর, সৌরীন্দ্রকিশোর ও হরেন্দ্রকিশোর নামে চারি পুত্র বিদ্যমান ।

রাজা বাহাদুরের জ্যেষ্ঠ পুত্র কুমার শ্রীযুক্ত নগেন্দ্রকিশোর রায় চৌধুরীর সহিত ফরিদপুর জেলার অন্তর্গত মস্তাফাপুরের গঙ্গাচরণ নজুমদারের কনিষ্ঠা কন্যা শরতকুমারী দেবীর শুভ-পরিণয় হইয়াছে ।

কুমার বাহাদুরের প্রথমা কন্যা সহিত রংপুর জেলার অন্তঃপাতী ভিতর-বন্দেঃ অন্ততম জমিদার কুমার শ্রীযুক্ত গোপালদাস রায় চৌধুরীর পুত্র শ্রীমান জ্যোতিষচন্দ্রের বিবাহ হইয়াছে।

রাজা বাহাদুরের মধ্যম পুত্র কুমার শ্রীযুক্ত যতীন্দ্রকিশোর রায় চৌধুরীর সহিত রাজসাহী জেলার জোয়াইর গ্রামের মাধবচন্দ্র বিশির প্রথমা কন্যা হেমলতা দেবীর বিবাহ হইয়াছে।

রাজা বাহাদুরের তৃতীয় পুত্র কুমার শ্রীযুক্ত শৌরীন্দ্রকিশোর রায় চৌধুরীর সহিত কলিকাতার সুপ্রসিদ্ধ উকীল মোহিনীমোহন রায়ের মধ্যম পুত্র শ্রীযুক্ত অন্নদামোহন রায়ের তৃতীয়া কন্যা বিভাবতী দেবীর বিবাহ হইয়াছে।

রাজা বাহাদুরের কনিষ্ঠ পুত্র কুমার শ্রীযুক্ত হরেন্দ্রকিশোর রায় চৌধুরী উক্ত মোহিনীমোহনের তৃতীয় পুত্র শ্রীযুক্ত প্যারীমোহন রায়ের প্রথমা কন্যা প্রতিভাময়ী দেবীর পাণিগ্রহণ করিয়াছেন।

গৌরীপুর জমীদারবংশ ।

৬ গোপালকিশোর রায় চৌধুরী ।

রামগোপালপুর রাজবংশের পূর্বপুরুষ শ্রীকৃষ্ণ চৌধুরীর প্রথমা পত্নীর কনিষ্ঠ পুত্র গোপালকিশোর রায় চৌধুরীর দুই বিবাহ হইয়াছিল। তিনি প্রথমে বাথরগঞ্জ জেলার অন্তর্গত বাথি গ্রামের ভট্টাচার্য্যবংশের চন্দ্রমুখী দেবীর পাণিগ্রহণ করেন। তাঁহার কোন সন্তানাদি না হওয়ায় খাজুরার লাহিড়ীবংশীয় রত্নমালা দেবীকে বিবাহ করেন। কিন্তু উভয় পত্নীর সন্তান হয় নাই। অতঃপর তাঁহার প্রথমা পত্নী চন্দ্রমুখী দেবী আমহাটি গ্রামের বিনোদলাল রায়ের দ্বিতীয় পুত্র যুগলকিশোরকে পোষাপুত্র গ্রহণ করেন। ১৭৬০ খৃঃ গোপালকিশোর রায় চৌধুরী অকালে লোকান্তরিত হন।

৬ যুগলকিশোর রায় চৌধুরী ।

গোপালকিশোরের দেহান্তে তাঁহরে পোষাপুত্র যুগলকিশোর রায় চৌধুরী অর্দ্ধাংশ সম্পত্তির অধিকারী হন। ১৭৮৫ খৃঃ তিনি বোকাই নগরে ৬ রাজরাজেশ্বরী নামে একটি কালীমূর্তি ও দ্বাদশ শিবলিঙ্গ প্রতিষ্ঠা করেন। দেবীর সেবার জন্ত বার্ষিক আট হাজার টাকা আয়ের সম্পত্তি উৎসর্গ করিয়া দিয়াছিলেন। ইহা ব্যতীত নেত্রকোণায় একটি কালীমূর্তি ও জকরসাহীতে ৬ রাধামোহন বিগ্রহ প্রতিষ্ঠা করেন। এই বিগ্রহ কৃষ্ণপুরে বাস সময় প্রতিষ্ঠিত হয়। তিনি বোকাই নগর হইতে নিজ-বাটী পর্য্যন্ত একটি রাস্তা প্রস্তুত করাইয়াছিলেন। জকরসাহী অঞ্চলে

ভীষণ মহামারী উপস্থিত হইলে, যুগলকিশোর গৌরীপুরে আসিয়া বসতি করেন। গৌরীপুরে জমিদারীর মধ্যে তাঁহার প্রতিষ্ঠিত জলাশয় বিদ্যমান আছে। জকরসাহী পরগণায় যুগলগঞ্জ নামে স্থায়ী নামানুসারে একটি গ্রাম স্থাপন করেন। ১৮০৯ খৃঃ তিনি সমারোহের সহিত নবান্নিধাণ করিয়াছিলেন। যুগলকিশোর বুদ্ধিমান, তেজস্বী, চতুর ও দৃঢ়চেতা ব্যক্তি ছিলেন। বিষয় বৃদ্ধি ও রাজনীতিতে তাঁহার অসাধারণ প্রতিভা ছিল। তিনি অত্যন্ত পরাক্রান্ত পুরুষ ছিলেন। তাঁহার অঙ্গুলি হেলনে সমগ্র পরগণা চালিত হইত। তিনি প্রভূত প্রতিপত্তির সহিত জমিদারী কার্য পরিচালনা ও নানাবিধ সংকার্যের অনুষ্ঠান করিয়া গিয়াছেন। ১৮১২ খৃঃ যুগলকিশোর রায় চৌধুরী দেহত্যাগ করেন। তিনি ফরিদপুর জেলার অন্তর্গত যাপুর গ্রামের ভট্টাচার্য্যবংশের রুদ্রাণী দেবীর পাণিগ্রহণ করিয়াছিলেন। তাঁহার গর্ভে হরিকিশোর ও শিবকিশোর নামে দুই পুত্র এবং অন্নদা, বরদা, মোক্ষদা ও মুক্তিদা নামী চারি কন্যা জন্মিয়াছিল। শ্রীকৃষ্ণ চৌধুরীর দ্বিতীয়া পত্নীর জ্যেষ্ঠ পুত্র গঙ্গানারায়ণের একমাত্র পুত্র হরিনারায়ণের পত্নী কলীপুর-নিবাসিনী গঙ্গামণি দেবী শিবকিশোরকে দত্তক গ্রহণ করেন।

৮ হরিকিশোর রায় চৌধুরী।

যুগলকিশোরের মৃত্যুর পর তাঁহার জ্যেষ্ঠ পুত্র হরিকিশোর রায় চৌধুরী নবীন যৌবনে পৈতৃক সম্পত্তির একমাত্র উত্তরাধিকারী হন। তাঁহার সময় জমিদারীর আয় সমধিক বৃদ্ধি হইয়াছিল। তিনি শ্রীহট্ট জেলার বংশীকুণ্ড নামক জমিদারী ক্রয় করেন। তিনি গৌরীপুরের বাসভবনের সৌন্দর্য্য বর্দ্ধন করিয়া যান। রাজসাহী জেলার অন্তর্গত বুকুংসা গ্রামের কাশীনাথ মজুমদারের কন্যা ভাগীরথী দেবীর সহিত

বিবাহ হইয়াছিল। তাঁহার কৃষ্ণমণি নামী একটি কন্যা ব্যতীত অন্য কোন সন্তান হয় নাই। কৃষ্ণমণির শৈশবাবস্থায় হরিকিশোর স্বায় চৌধুরী ইহলোক পরিত্যাগ করেন।

হরিকিশোরের মৃত্যুর পর তাঁহার সমস্ত সম্পত্তি কোর্ট অব ওয়ার্ডসের তত্ত্বাবধানে কিয়দ্দিবস পরিচালিত হয়। তাঁহার পত্নী ভাগীরথী দেবী স্বামীর আদেশানুসারে গোলকপুরের শত্ৰুচন্দ্র চৌধুরীর পুত্র ঈশ্বরচন্দ্রকে পোষাপুত্র গ্রহণ করেন ; এই দত্তক আনন্দকিশোর নামে অভিহিত হন। খাজুরা-নিবাসী গোবিন্দপ্রসাদ লাহিড়ী নামক একটি বালকের সহিত তদীয় কন্যা কৃষ্ণমণির বিবাহ হইয়াছিল। ভাগীরথী দেবী বিবাহের সময় যৌতুকস্বরূপ একখানি তালুক দান করেন। গৌরীপুরের সন্নিহিত কন্যা ও জামতার বাসভবন নিশ্চিত হয়। এই স্থান তদীয় কন্যার নামানুসারে কৃষ্ণপুর নামে খ্যাত। ১৮৩১ খৃঃ গোবিন্দপ্রসাদ অকালে নিঃসন্তান অবস্থায় মৃত্যুমুখে পতিত হন। ভাগীরথী দেবী গৌরীপুরে ৩রাধাগোবিন্দ, ৬গোপাল বিগ্রহ, শিবলিঙ্গ ও গণেশমূর্তি প্রতিষ্ঠা করেন। এই সকল দেবতার সেবার্থে তিনি যে ব্যবস্থা প্রবর্তন করিয়া বান, তাহা অद्याপি অক্ষুণ্ণ আছে। তিনি বহু তীর্থস্থান ভ্রমণ করিয়া সাগরসঙ্গম হইতে প্রত্যাগমন কালে ১৮৬৩ খৃঃ পথিমধ্যে মৃত্যুমুখে পতিত হন।

৩ আনন্দকিশোর রায় চৌধুরী ।

অতঃপর আনন্দকিশোর রায় চৌধুরী জমিদারী লাভ করেন। তিনি অতিশয় আড়ম্বরপ্রিয় ও বিলাসী পুরুষ ছিলেন। তাঁহার সময় গীতবাথ ও আমোদ উৎসবে গৌরীপুর সর্বদা মুখরিত থাকিত। তথাকার প্রসিদ্ধ “পোস্তার দালান” তাঁহার বিলাসবাসের জন্য নিশ্চিত হয়। তিনি মৃগয়াপ্রিয় ছিলেন, তজ্জন্য প্রভূত অর্থ ব্যয় হইত। ১৮৫৭ খৃঃ আনন্দ-

কিশোর রায় চৌধুরী পরলোকযাত্রা করিয়াছেন। ছাতিন গ্রামনিবাসী শিবকিশোর চৌধুরীর কন্যা আনন্দময়ীকে বিবাহ করেন। তিনি মৃত্যুকালে একমাত্র শিশুপুত্র রাজেন্দ্রকিশোরকে রাখিয়া যান।

৮ রাজেন্দ্রকিশোর রায় চৌধুরী।

আনন্দকিশোরের অকাল মৃত্যু হওয়ায় তাঁহার শিশু পুত্র রাজেন্দ্রকিশোর রায় চৌধুরী সমস্ত সম্পত্তির উত্তরাধিকারী হন। ১৮৪৯ খৃঃ ২০শে আগষ্ট তিনি জন্মগ্রহণ করেন। পিতামহী ভাগীরথী দেবীর মৃত্যুর পর যাবতীয় সম্পত্তি কোট অব ওয়ার্ডসের তত্ত্বাবধানে অর্পিত হয়। রাজেন্দ্রকিশোর গবর্ণমেন্টের অধীনে বিদ্যা শিক্ষার নিমিত্ত কলিকাতার ওয়ার্ড স্কুলে প্রেরিত হন। তিনি যথাসময়ে প্রাপ্তবয়স্ক হইয়া জমিদারীর ভার গ্রহণ করেন। তাঁহার সময় খ্রীহট্ট জেলার অন্তর্গত লাউর জমিদারী এবং জকরসাহীতে ইন্দ্রনারায়ণের তালুকের কিয়দংশ ক্রয় হইয়াছিল। তিনি অল্প দিনের মধ্যে লোকপ্রিয় ও প্রজারঞ্জক জমিদার বলিয়া সুখ্যাতি লাভ করেন। ১৮৭৩ খৃঃ রাজেন্দ্রকিশোর রায় চৌধুরী নবীন যৌবনে ইহলোক হইতে অপস্থত হন। গোবিন্দচন্দ্র চক্রবর্তী নামক একজন কর্মচারীর জ্যেষ্ঠ ভ্রাতা কেশবচন্দ্র চক্রবর্তীর কন্যা বিশ্বেশ্বরী দেবীর সহিত রাজেন্দ্রকিশোরের বিবাহ হইয়াছিল।

রাজেন্দ্রকিশোর অকালে লোকান্তরিত হইলে তাঁহার পত্নী বিশ্বেশ্বরী দেবী বিষয় সম্পত্তির অধিকারিণী হন। নানা প্রকার সংকার্ষ্যে তাঁহার সহায়ত ছিল। তিনি ময়মনসিংহ চিকিৎসালয়ের সাহায্যকল্পে ১৫,০০০ টাকা দান করেন। ময়মনসিংহ জাতীয় বিদ্যালয় প্রতিষ্ঠার নিমিত্ত অর্থ সাহায্য এবং স্বামীর নামে একটি মাসিক বৃত্তি নির্দ্ধারিত হইয়াছিল। কিশোরগঞ্জ জাতীয় বিদ্যালয়ে মাসিক সাহায্য করিতেন। ১৮৭৭ খৃঃ

তিনি রাজসাহী জেলার অন্তর্গত বলিহার-নিবাসী হরপ্রসাদ ভট্টাচার্যের পুত্র ব্রজেন্দ্রকিশোরকে পোষ্যপুত্র গ্রহণ করেন। অতঃপর বিশেষরী দেবী বৈদ্যনাথ-দেওবরে অবস্থিতি করিতেন। ১৯১৪ খৃঃ তথায় মানব-লীলা সদরণ করিয়াছেন।



ব্রজেন্দ্রকিশোর রায় চৌধুরী ।

গৌরীপুরের সুপ্রসিদ্ধ জমিদার শ্রীযুক্ত ব্রজেন্দ্রকিশোর রায় চৌধুরী ১৮৭৪ খৃঃ ১১ই মে জন্মগ্রহণ করিয়াছেন। ইনি ইংরাজী, বাঙ্গালা, সংস্কৃত ও পারসী ভাষায় সুশিক্ষিত। ১৮৮৭ খৃঃ জুন মাসে ব্রজেন্দ্রকিশোর প্রাপ্ত-বয়স্ক হইয়া জমিদারীর ভার গ্রহণ করেন। ইনি শ্রীহট্টের অন্তর্গত ছাতক জমিদারী এবং অবনীকান্ত লাহিড়ী চৌধুরীর জকরসাহীর অংশ ক্রয় করিয়াছেন। ইহঁার কৃষি বাণিজ্যে বিশেষ অগ্রসার দৃষ্ট হয়। ইনি মনিপুরে একটি আদর্শ কৃষিক্ষেত্র প্রতিষ্ঠা করেন। কলিকাতা ও অত্রান্ত স্থানে ইহঁার অর্থ ব্যবসায় কার্যে ন্যস্ত আছে। ইনি নানা সংকার্যে অর্থ দান করিয়া থাকেন। হিন্দুর ধর্ম রক্ষায় ও দেশের হুহু সেবায় উৎসাহ পরিলক্ষিত হয়। ইনি একজন বিদ্যোৎসাহী জমিদার। অনেক ছাত্র ইহঁার নিকট অর্থ সাহায্য প্রাপ্ত হইয়া থাকে। বঙ্গে জাতীয় শিক্ষা ও দেশীয় শিল্প ব্যবসায়ের প্রবর্তনে জাতীয় বিশ্ববিদ্যালয় প্রতিষ্ঠার জন্ত বহু অর্থ দান করিয়াছেন। ১৯১৪ খৃঃ ইনি বঙ্গীয় ভ্রাঙ্গণ সভায় এক লক্ষ টাকা দিয়াছেন। বারাণসীর হিন্দু বিশ্ব-বিদ্যালয়ের স্থাপনকালে এক লক্ষ মুদ্রা প্রদান করিয়াছেন। ইনি গৌরীপুরে একটি ব্রহ্মচর্য্য আশ্রম সংস্থাপিত করেন। স্বীয় জমিদারীর মধ্যে ও অত্রান্ত স্থানে জল কষ্ট নিবারণার্থ অর্থ সাহায্য করিয়াছেন। ১৯১৪ খৃঃ ইনি দুইটা ট্রষ্টে কণ্ড স্থাপিত করিয়াছেন; তদ্বারা নিজ

জমিদারীর প্রজাগণের জলকষ্ট নিবারণ ও চিকিৎসার সাহায্য এবং সংযুক্ত শিক্ষার বিস্তৃতি ও আচারপরায়ণ অধ্যাপকগণের সাহায্য হইয়া থাকে । ইনি সঙ্গীত শাস্ত্রের বিশেষ অনুরাগী । বিখ্যাত বাদক মুরারী গুপ্তের নিকট মৃদঙ্গবাদ্য এবং খ্যাতনামা যন্ত্রবিশারদ দক্ষিণাচরণ সেনের নিকট হারমোনিয়ম শিক্ষা করিয়াছেন । ইনি একজন সম্ব্যক্তা বলিয়া পরিচিত । জনসাধারণের মধ্যে ও রাজদরবারে স্মৃতি লাভ করিয়াছেন ।

রাজসাহী জেলার অন্তর্গত হরিদা খলসী-নিবাসী কালীপ্রসাদ সাত্তালের কন্যা শ্রীমতী অনন্তবালা দেবীর সহিত ইহার বিবাহ হয় । হেমন্তবালা ও বসন্তবালা নামী দুই কন্যা এবং শ্রীযুক্ত বীরেন্দ্রকিশোর নামে একটি পুত্র জন্মগ্রহণ করিয়াছেন । তদীয় প্রথমা কন্যা হেমন্তবালার সহিত রংপুর জেলার অন্তর্গত ভিতরবন্দের জমিদার শ্রীযুক্ত ব্রজেনকান্ত রায় চৌধুরীর বিবাহ হয় । ভিতরবন্দেব অগ্রতম জমিদার শ্রীযুক্ত বীরেন্দ্রকান্ত রায় চৌধুরীর সহিত দ্বিতীয়া কন্যা বসন্তবালার পরিণয় হইয়াছে ।



গোলকপুর রাজবংশ ।

৬ লক্ষ্মীনারায়ণ চৌধুরী ।

শ্রীকৃষ্ণ চৌধুরীর দ্বিতীয়া বনিতা মহেশ্বরী দেবীর গর্ভে গঙ্গানারায়ণ, হরিনারায়ণ ও লক্ষ্মীনারায়ণ নামে তিন পুত্র জন্মিয়াছিল । উক্ত ভ্রাতৃত্রয় নবাব সরকারে কোন কার্য করেন নাই, তজ্জন্ত তাঁহারা পিতার কেবল “চৌধুরী” উপাধির অধিকারী হন । গঙ্গানারায়ণের বংশধর বিলুপ্ত হইয়াছেন । হরিনারায়ণ নিঃসন্তান ছিলেন । লক্ষ্মীনারায়ণ চৌধুরী মালঞ্চায় কিয়দ্দিবস বাস করিয়া তৎপরে পিতার বাসাবাড়ীতে বসতি করেন । তিনি পিতা বর্তমানে বিষয় কার্যের ভার গ্রহণ করিয়া দক্ষতার সহিত জমিদারী পরিচালনা করিতেন । তিনি বুদ্ধিমান, অশ্বনিষ্ঠ ও দানশীল ছিলেন । তাঁহার প্রদত্ত দেবোত্তর, ব্রহ্মোত্তর ও নিন্দর ভূমি দানশীলতার পরিচয় দিতেছে । লক্ষ্মীনারায়ণ চৌধুরী পরিণত বয়সে বাসাবাড়ীতে দেহত্যাগ করেন । তাঁহার শ্যামচন্দ্র, গোবিন্দচন্দ্র ও রুদ্রচন্দ্র নামে তিন পুত্র হইয়াছিল ।

৭ শ্যামচন্দ্র চৌধুরী ।

লক্ষ্মীনারায়ণের মৃত্যুর পর তাঁহার পুত্রত্রয় সম্পত্তি পরস্পর বিভক্ত করিয়াছিলেন । শ্যামচন্দ্র পৃথকভাবে বাসাবাড়ীর সন্নিহিত বাসস্থান নির্দেশ করেন । গোবিন্দচন্দ্র গোলকপুরে বাস করিতে থাকেন । রুদ্রচন্দ্র পৈতৃক বাসাবাড়ীতেই অবস্থিতি করেন । শ্যামচন্দ্র সন্ন্যাসী বিদ্রোহের সময় গবর্ণমেন্টকে সাহায্য করেন, তজ্জন্ত গবর্ণমেন্টের নিকট তাঁহার

সুখ্যাতি ছিল। তিনি মালঞ্চায় একটি ৬ গোপাল বিগ্রহ প্রতিষ্ঠা করিয়া যান। ১৮১০ খৃঃ শ্রামচন্দ্র চৌধুরী ইহলোক ত্যাগ করেন। তদীয় পত্নী ব্রজেশ্বরী দেবীর গর্ভে শম্ভুচন্দ্র নামে একটি পুত্র এবং কাশীশ্বরী, সোনাংগি ও অন্নপূর্ণা নামী তিন কন্যা জন্মিয়াছিল। খাজুরা-নিবাসী রুদ্রকান্ত লাহিড়ীর সহিত কাশীশ্বরী দেবীর বিবাহ হয়। কাশীমপুর গ্রামের মতিকান্ত লাহিড়ী সোনাংগির পাণিগ্রহণ করেন। অপর কন্যা অন্নপূর্ণা অবিবাহিতা অবস্থায় গতাস্থ হন।

৬ শম্ভুচন্দ্র চৌধুরী।

শ্রামচন্দ্রের মৃত্যুর পর তাঁহার একমাত্র পুত্র শম্ভুচন্দ্র চৌধুরী পিতৃত্যক্ত সম্পত্তি লাভ করেন। তিনি জমিদারী কার্যে বিশেষ অভিজ্ঞ ছিলেন। তাঁহার সুশাসনে জমিদারীর উন্নতিসাধন হইয়াছিল। জমিদারীতে স্বন্দোবস্ত ও নূতন জমিদারী ক্রয় করিয়া পৈতৃক সম্পত্তি বৃদ্ধি করেন। তিনি নিজ নামে একটি বাজার স্থাপন করেন, উহা অত্যাধি শম্ভুগঞ্জ নামে পরিচিত। তাঁহার আত্ম সম্মানবোধ অত্যন্ত প্রবল ছিল। তিনি একজন ধর্মপরায়ণ ব্যক্তি ছিলেন, জীবনের অধিকাংশ সময় ধর্মকার্যের অনুষ্ঠানে অতিবাহিত করিতেন। প্রৌঢ়াবস্থায় কাশী, বৃন্দাবন, মথুরা প্রভৃতি তীর্থস্থানে অবস্থিতি করেন। তিনি বৃন্দাবনধামে একটি বৃহৎ বাটী ক্রয় করিয়া তথায় ৬ রাধাদামোদর বিগ্রহ প্রতিষ্ঠা-পূর্বক উহার সেবার্থে একটি তালুক ক্রয় করিয়া উৎসর্গ করেন। ১৮৫৩ খৃঃ শম্ভুচন্দ্র চৌধুরী ৬ বৃন্দাবনধামে লোকান্তরিত হন। তিনি প্রথমতঃ আলকমণি দেবীর পাণিগ্রহণ করেন; তাঁহার গর্ভে কোন সন্তানাদি না হওয়ায় তৎপরে অমরনাথ রায়ের কন্যা মঙ্গলাগোব্রী দেবীকে বিবাহ করিয়াছিলেন। যথাসময়ে ঈশানচন্দ্র, ঈশ্বরচন্দ্র ও

হরিশ্চন্দ্র নামে তিন পুত্র জন্মগ্রহণ করেন। জ্যেষ্ঠ পুত্র জৈশানচন্দ্র অবিবাহিত অবস্থায় গতাস্থ হন। মধ্যম পুত্র জৈশ্বরচন্দ্রকে গোরাইপুরের হরিকিশোর রায় চৌধুরীর পত্নী ভাগীরথী দেবী দত্তক গ্রহণ করিলে তিনি আনন্দকিশোর নামে পরিচিত হন।

৬ হরিশ্চন্দ্র চৌধুরী ।

শম্ভুচন্দ্রের পরলোকান্তে তাঁহার কনিষ্ঠ পুত্র রাজা হরিশ্চন্দ্র চৌধুরী সমস্ত সম্পত্তির একমাত্র উত্তরাধিকারী হন। ১৮১৯ খৃঃ তিনি জন্মগ্রহণ করেন। পিতার নিকট জমিদারীর কার্য্য প্রণালী শিক্ষা করিয়া তদ্বিষয়ে অভিজ্ঞ হইয়াছিলেন। ১৮৫৩ খৃঃ গোবিন্দচন্দ্রের পত্নী রাধামণি দেবীর মৃত্যুর পর হরিশ্চন্দ্র গোলকপুরে গিয়া বাস করেন। তিনি বিলাসী ও আড়ম্বরপ্রিয় ছিলেন। হস্তী, অশ্ব, শকট প্রভৃতিতে তাঁহার ধনগোরব প্রতিভাত হইত। তিনি সঙ্গীত বিদ্যায় পারদর্শী ছিলেন। আইন-উদ্দীন ও ফজরুদ্দীন নামক প্রসিদ্ধ কালোয়াতদ্বয় তাঁহার নিকট নিযুক্ত ছিল। সঙ্গীত চর্চায় তাঁহার বার্ষিক প্রভূত অর্থ ব্যয় হইত। তিনি একজন বদান্ত পুরুষ ছিলেন। দেশের নানা প্রকার হিতকর কার্য্যে সহায়ভূতি প্রকাশ করিতেন। তিনি শিল্প বিদ্যা শিক্ষার জন্য ৪৫,০০০ টাকা দান করিয়া গবর্ণমেন্টের নিকট প্রার্থসিদ্ধ হন। কলিকাতার সিটি কলেজের গৃহ নির্মাণ কালে ৫,০০০ টাকা প্রদান করেন। ১৮৭৭ খৃঃ কলিকাতা বিশ্ববিদ্যালয়ের হস্তে ২০০০ টাকা দান করেন, সেই অর্থ হইতে প্রতিবৎসর বি-এ পরীক্ষায় অঙ্কশাস্ত্রে যে ছাত্র প্রথম স্থান অধিকার করে, তাহাকে একটি বৃত্তি দেওয়া হইয়া থাকে। এই পুরস্কার সর্বপ্রথম অবসরপ্রাপ্ত দেশবিখ্যাত মাজিষ্ট্রেট শ্রীযুক্ত স্বর্ধাকুমার অগস্তি মহোদয় প্রাপ্ত হন। হরিশ্চন্দ্র গোহাটীর ৬ কানাখা

দেবীর দর্শন জন্ত ব্রহ্মপুত্র নদ হইতে মন্দির পর্যন্ত সোপানাবলী
 প্ৰস্তুত করাইয়া দিয়াছেন। তাঁহার বিবিধ সদহুষ্ঠানের জন্ত ১৮৭৭ খৃঃ
 মহারানী ভিক্টোরীয়ার ভারত রাজরাজেশ্বরী উপাধি গ্রহণ উপলক্ষে
 হরিশ্চন্দ্র “রাজা” উপাধি সম্মানে ভূষিত হন। তিনি ময়মনসিংহ জেলার
 মধ্যে একজন গণ্যমান্য ব্যক্তি ছিলেন। ১৮৮২ খৃঃ রাজা হরিশ্চন্দ্র চৌধুরী
 কলিকাতা সহরে পরলোক প্রাপ্ত হইয়াছেন। তিনি ঈশ্বরচন্দ্র লাহিড়ীর
 কন্যা অমৃতসুন্দরী দেবীর পাণিগ্রহণ করেন। তাঁহার সন্তানাদি না
 হওয়ায় মুক্তাগাছার জমিদারবংশের উপেন্দ্রচন্দ্রকে পোষাপুত্র গ্রহণ
 করেন। রাজা বাহাদুরের পত্নী কাশীধামে গিয়া কালাতিপাত
 করিতেছেন। তিনি তথায় একটি শিবলিঙ্গ প্রতিষ্ঠা করিয়াছেন।

উপেন্দ্রচন্দ্র চৌধুরী।

হরিশ্চন্দ্রের দেহান্তে তাঁহার পোষাপুত্র কুমার শ্রীযুক্ত উপেন্দ্রচন্দ্র
 চৌধুরী বিষয় সম্পত্তি লাভ করিয়াছেন। ১৮৬১ খৃঃ জন্মগ্রহণ করেন।
 ইনি ইংরাজী ও বাঙ্গলা ভাষায় সুশিক্ষিত। অধিকন্তু একজন সুদক্ষ
 শিকারী বলিয়া প্রসিদ্ধিলাভ করিয়াছেন। দেশের নানাপ্রকার সংকার্যে
 ইঁহার সহায়ত্ব প্রকাশিত হয়। ইনি ময়মনসিংহের বালিকা বিদ্যা-
 লয়ের গৃহ নির্মাণ জন্ত ৭,০০০ টাকা দান করেন। তথাকার সিটি
 কলেজ স্থাপন সময় ৫০০০ টাকা দিয়াছেন। এতদ্ব্যতীত ময়মনসিংহ
 সহরের জাতীয় বিদ্যালয়ের নিমিত্ত অর্থ সাহায্য করেন। কলিকাতার
 ভিক্টোরিয়া স্মৃতি সৌধ ফণ্ডে ৫০০ টাকা দান করেন। দাতব্য চিকিৎসা-
 সালয়, পুষ্করিণী খনন প্রভৃতি জনহিতকর কার্যে ইঁহার দানের পরিচয়
 পাওয়া যায়। ইনি মধ্যে মধ্যে সভা সমিতিতে বক্তৃতা করিয়া থাকেন।
 ১৯০৪ খৃঃ ময়মনসিংহ সহরের প্রাদেশিক সমিতির অধিবেশনে কুমার

বাহাদুর অভ্যর্থনা সমিতির সভাপতিরূপে কার্য করিয়া প্রশংসা লাভ করেন ।

কুমার উপেন্দ্রচন্দ্র, ফরিদপুর জেলার অন্তর্গত বাজিতপুর গ্রামের রাজকুমার মজুমদারের কন্যা শ্রীমতী ইন্দুবালা দেবীকে বিবাহ করিয়াছেন । ইন্দুবালা সুশিক্ষিতা ও বাঙ্গালা সাহিত্যের অমরগিনি । কুমার বাহাদুর অপুলক হওয়ায় মুক্তাগাছার অগ্রতম জমিদার শ্রীযুক্ত ললিতকিশোর আচার্য্য চৌধুরীর পুত্র শ্রীমান্ সত্যেন্দ্রচন্দ্রকে দত্তক গ্রহণ করিয়াছেন ।

মুক্তাগাছা রাজবংশ ।

বৈদ্যবংশীয় রাজা আদিশূর কাশ্মকুজ হইতে পঞ্চজন সাধিক বেদজ্ঞ ব্রাহ্মণ বঙ্গদেশে আনয়ন করেন, ইহা অনেকেই অবগত আছেন । কি নিমিত্ত পঞ্চ ব্রাহ্মণ আনীত হইয়াছিলেন, সে সম্বন্ধে সকলে একমতাবলম্বী নহেন । কেহ বলেন, গোড়দেশে আনাটুটি হওয়াতে ; কাহারও মতে, পুত্রোষ্ট্র যজ্ঞ করিবার নিমিত্ত ; আবার কেহ বলিয়া থাকেন, রাজ্যী চন্দ্রমুখীর চান্দ্রায়ণ ব্রত করিবার জন্য ব্রাহ্মণগণ আনীত হইয়াছিলেন । এই পঞ্চ ব্রাহ্মণের নাম সম্বন্ধে রাঢ়ীয় ও বারেন্দ্র কুলজগণের মধ্যে মতভেদ দৃষ্ট হয় । রাঢ়ীয় কুলজগদিগের মতে শাণ্ডিল্য গোত্রীয় ভট্ট-নারায়ণ, কাশ্যপ গোত্রীয় দক্ষ, বাৎস্য গোত্রীয় বেদগর্ভ, সাবর্ণ গোত্রীয় ছান্দড় ও ভরদ্বাজ গোত্রীয় ত্রীহর্ষ এই পঞ্চগোত্রীয় পঞ্চব্রাহ্মণ আনয়ন করেন । বারেন্দ্র কুলজগদিগের মতে শাণ্ডিল্য গোত্রীয় নারায়ণ, কাশ্যপ গোত্রীয় সুষেণ, বাৎস্য গোত্রীয় ধরাদ্র, ভরদ্বাজ গোত্রীয় গৌতম ও সাবর্ণ গোত্রীয় পরাশর এই পঞ্চগোত্রীয় পঞ্চব্রাহ্মণ আগত হন । বারেন্দ্র কুলজগণ উক্ত নারায়ণ, সুষেণ প্রভৃতি পঞ্চ ব্রাহ্মণ হইতে বারেন্দ্র সমাজের সূচনা করেন । উল্লিখিত কাশ্যপ গোত্রীয় সুষেণ হইতে নাটোর, তাহিরপুর, আলাপসিংহ ও ময়মনসিংহ প্রভৃতি প্রাচীন জমিদার বংশ উদ্ভূত হইয়াছে ।

ময়মনসিংহ জেলার অন্তর্গত বারেন্দ্র শ্রেণীর ব্রাহ্মণ ভূস্বামীগণ বঙ্গদেশে সুপ্রসিদ্ধ । বগুড়া জেলার অন্তর্গত চান্দাপুর গ্রামে ইহাদের আদি নিবাস ছিল ।

৬ উদয়ন আচার্য্য ভাঙ্গুড়ী ।

বৃহস্পতি ভাঙ্গুড়ীর পুত্র নিরাবিল পঠার শ্রোত্রীয় বিখ্যাত শাস্ত্রবিশ্বদ পণ্ডিত উদয়ন আচার্য্য ভাঙ্গুড়ী এই বংশের আদিপুরুষ । তিনি অতি পণ্ডিত ছিলেন । তাঁহার তীর্থ পর্য্যটন সময় চৈত্রকূট পর্ব্বতে শঙ্করাচার্য্য সহিত সপ্তাহকাল যে বিতর্ক বিচার হয় তাহা দিগ্দেশ বিখ্যাত । উদয়ন আচার্য্যের রচিত কুসুমাজলি, তীর্থমাহাত্ম্য প্রভৃতি কয়েকখানি গ্রন্থ আছে । সমাজে তাঁহার প্রভাপ ও প্রতিপত্তি ছিল । বারেন্দ্র কুলীনের বংশ-বিগুঞ্জি রক্ষা করিবার নিমিত্ত তিনি যে সকল নিয়ম বিধিবদ্ধ করিয়া ছিলেন, তদ্বারা বারেন্দ্রসমাজ অত্যাপি শাসিত হইতেছে । তিনি বারেন্দ্র শ্রোত্রীয়দিগকে নন্দনবাসী, কবঞ্চ ও রুদ্রশালী এই তিন ভাগে বিভক্ত করেন । বারেন্দ্র শ্রেণী ব্রাহ্মণগণ মধ্যে তাহিরপুরের রাজবংশ, পুটিয়ার রাজবংশ, নাটোর রাজবংশ, মুক্তাগাছার রাজবংশ, বলিহার রাজবংশ ও ভিতরবন্দ জমীদারবংশ প্রসিদ্ধ ।

৭ শ্রীকৃষ্ণ আচার্য্য চৌধুরী ।

উদয়ন আচার্য্যের পঞ্চম পুরুষে শ্রীকৃষ্ণ আচার্য্য চৌধুরী জন্মগ্রহণ করেন । তিনি মুর্শিদাবাদের নবাব সরকারে একটি সম্ভ্রান্ত পদে নিযুক্ত হইয়া চাকরী করিতেন । শ্রীকৃষ্ণের কর্তব্য পরায়ণতায় সন্তুষ্ট হইয়া তৎকালীন নবাব তাঁহাকে আলাপসিংহ পরগণার জমিদারী পারিতোষিক প্রদান করিয়া “চৌধুরী” উপাধি দিয়াছিলেন । তাঁহার চারি পুত্র—রামরাম, হরিরাম, বিষ্ণুরাম ও শিবরাম আচার্য্য চৌধুরী । শ্রীকৃষ্ণের মৃত্যুর পর তাঁহার পুত্রগণ পূর্ব্ব বসতি স্থান চাম্পাপুর পরিত্যাগ করিয়া মুক্তাগাছা গ্রামে আসিয়া বাস গ্রহণ করেন । শ্রীকৃষ্ণ আচার্য্যের চারি পুত্র হইতে এই আচার্য্যবংশ চারিভাগে বিভক্ত হইয়াছে ।

ঐক্যেশ্বর কনিষ্ঠ পুত্র শিবরাম আচার্য্য চৌধুরীর পুত্র রঘুনন্দন, তাঁহার পুত্র গোবীন্দ্র আচার্য্য চৌধুরী ।

গৌরীকান্তের একমাত্র পুত্র কাশীকান্ত আচার্য্য চৌধুরী মুর্শিদাবাদের নবাবের অস্থায়ী দেওয়ান ছিলেন । তিনি লক্ষ্মী দেবীর পাণিগ্রহণ করেন । তাঁহার পুত্র সন্তান না হওয়ায় স্বর্ঘ্যকান্তকে পোষ্যপুত্র গ্রহণ করিয়াছিলেন ।

৮ সূর্য্যকান্ত আচার্য্য চৌধুরী ।

১৮৫২ খৃঃ মুক্তাগাছার বারেন্দ্র ব্রাহ্মণকুলে মহারাজ স্বর্ঘ্যকান্ত আচার্য্য চৌধুরী জন্ম গ্রহণ করেন । পঞ্চদশ বৎসর বয়ঃক্রমকালে তাঁহার জননী লক্ষ্মীদেবী গতাস্ব হইলে বিষয় সম্পত্তি কোট অব ওয়ার্ডসের অধীন হয় । অতঃপর তিনি গবর্ণমেন্ট কন্ট্রোল কলিকাতার ওয়ার্ডস ইন্সটিটিউসনে বিদ্যা শিক্ষার্থ আগমন করেন । ১৮৬৭ খৃঃ নবেম্বর মাসে সাবালক হইয়া বিদ্যালয় পরিত্যাগপূর্ব্বক জমিদারীর ভার প্রাপ্ত হইয়া স্বয়ং তত্ত্বাবধান করিতেন । তিনি ময়মনসিংহ ও অন্তান্ত জেলায় জমিদারী ক্রয় করেন । ঢাকা, বগুড়া, মালদহ, মুর্শিদাবাদ, পাটনা প্রভৃতি জেলায় তাঁহার জমিদারী আছে । ১৮৭৭ খৃঃ ১লা জানুয়ারী মহারাজী ভিক্টোরীয়ার ভারত-সাম্রাজ্ঞী উপাধি গ্রহণ উপলক্ষে দিল্লীর দরবারে তিনি “রায় বাহাদুর” উপাধি প্রাপ্ত হন । দেশের নানাবিধ সদহুষ্ঠানের জন্ত ১৮৮০ খৃঃ ফেব্রুয়ারী মাসে ছোটলাট স্যার এসলি ইডেন বাহাদুর তাঁহাকে “রাজ” উপাধিতে সম্মানিত করেন । ১৮৮৭ খৃঃ ভারতেশ্বরী ভিক্টোরীয়ার “স্বর্ণ জুবিলী” উপলক্ষে ভারত গবর্ণমেন্ট তাঁহার প্রশংসা করিয়া “রাজা বাহাদুর” উপাধি দিয়াছিলেন । দেশের নানাপ্রকার সংকার্য্যে মহারাজ বহু অর্থ ব্যয় করিয়া গিয়াছেন । তিনি ১২৫,০০০ টাকা

ব্যায়ে ময়মনসিংহ সহরে জেলের কল প্রতিষ্ঠা করেন। কলিকাতার ভিক্টোরীয়া স্মৃতি সৌধে ভারত সম্রাট সপ্তম এডওয়ার্ড ও রাজ্ঞী আলেকজান্দ্রিয়ার তৈলচিত্র স্থাপনের জন্ত ৫০০০ টাকা প্রদান করেন। এতদ্ব্যতীত তীস্তা নদীর উপর সেতু নির্মাণকল্পে, টাউন হল, ময়মনসিংহ পাঠাগার, মুক্তাগাছার দাতব্য চিকিৎসালয়, নর্থব্রুক হল, ঢাকার টম্‌সন্ মেডিকেল স্কুল, লেডি ডফ্রিন্ ফণ্ড, ভিক্টোরীয়া স্মৃতি সৌধ, দার্জিলিং লুইস্ জুবিলী স্বাস্থ্যনিবাস প্রভৃতি স্থানে বহু অর্থ দান করিয়া গিয়াছেন। ১৮৯৭ খৃঃ ২০শে জুন মহারাণী ভারতেশ্বরীর “হীরক জুবিলী” উপলক্ষে ভারতের ভূতপূর্ব রাজপ্রতিনিধি লর্ড এল্‌গিন্ বাহাদুর স্বর্গ্যকান্তের বদান্ততার প্রশংসা করিয়া “মহারাজা” উপাধি সম্মানে সম্মানিত করেন। কলিকাতা আলিপুরের পশুশালায় সিংহ ও ত্র্যাঘের স্থানটি প্রশস্ত করিবার জন্ত “জিয়লজিকেল গার্ডেন” ফণ্ডে ১২,০০০ টাকা দান করেন। জাতীয় শিক্ষা বিস্তারকল্পে জাতীয় শিক্ষা পরিষদের হস্তে কলেজ স্থাপন জন্ত বাৎসরিক ২০,০০০ টাকা আয়ের সম্পত্তি উৎসর্গ করিয়া গিয়াছেন। তিনি শিকারী বলিয়া বিশেষ প্রসিদ্ধ ছিলেন। প্রতিবৎসর প্রায় লক্ষ টাকা শীকার উপলক্ষে ব্যয় হইত। অধিকাংশ বড়লাট, ছোটলাট ও উচ্চপদস্থ রাজপুরুষগণ পূর্ববঙ্গে আগমন করিলে মহারাজের আতিথ্য গ্রহণ করিয়া তাঁহার সহিত মৃগয়ায় গমন করিতেন। ১৯০২ খৃঃ ভূতপূর্ব রাজপ্রতিনিধি লর্ড কর্জ্জন বাহাদুর তাঁহার আতিথ্য গ্রহণপূর্বক মহারাজের সহিত মালদহ ও গোড়ে শীকার করিতে গিয়াছিলেন। মহারাজ অতিশয় পশুপ্রিয় ছিলেন। কলিকাতার পশুশালায় দান তাহার অন্ততম নিদর্শন। শীকার-কাহিনী নামে একখানি গ্রন্থ রচনা করেন। তিনি ময়মনসিংহ জেলার মধ্যে একজন শ্রেষ্ঠ ভূমাধিকারী এবং পূর্ববঙ্গের ভূস্বামীগণের শীর্ষস্থানীয় ছিলেন। মহারাজ বিদ্যা-শিক্ষার পৃষ্ঠপোষক, ব্যায়াম ক্রীড়ার অনুরাগী, বদান্ত, স্বদেশানুরাগী ও

কর্তব্যপারায়ণ ছিলেন। তিনি রাজপুরুষগণের প্রিয়পাত্র হইলেও স্বদেশানুরাগের উজ্জ্বল দৃষ্টান্ত রাখিয়া গিয়াছেন। বঙ্গবাবুদের প্রস্তাব প্রকাশিত হইবার পর হইতে তিনি সেই প্রস্তাবের বিরুদ্ধে যোরতর আপত্তি উত্থাপন করিয়াছিলেন। মহারাজ বঙ্গবাবুদের প্রতিবাদ আন্দোলন ও বিদেশী পণ্য-বর্জনে যোগদান করেন। তিনি বঙ্গলক্ষ্মী কটন মিলের প্রতিষ্ঠার জন্ত প্রথমাবধি প্রভূত পরিশ্রম করিয়া পরিশেষে উক্ত মিলের অত্যন্তম ডিরেক্টর হইয়াছিলেন। তিনি শ্রীযুক্ত শশিকুমার সেনকে চিত্রবিদ্যা শিক্ষার জন্ত ইটালী প্রেরণ করেন। ১৮৮৭ খৃঃ মহারানী রাজরাজেশ্বরী দেবীর মৃত্যুর পর মহারাজ বাহাদুর দ্বিতীয়বার দারপরিগ্রহ করেন নাই। তিনি অপুত্রক থাকায় স্বীয় ভ্রাতা মুক্তাগাছার অত্যন্তম জমিদার শ্রীযুক্ত জগৎকিশোর আচার্য্য চৌধুরী মহাশয়ের পুত্র শ্রীমান্ শশিকান্তকে দত্তক গ্রহণ করেন। মহারাজের শরীর অসুস্থ হওয়ায় তিনি বায়ু পরিবর্তন জন্ত বৈদ্যনাথধামে গমন করিয়াছিলেন। অতঃপর ১৯০৮ খৃঃ ২২শে অক্টোবর বৈদ্যনাথধামে ময়মনসিংহের প্রদীপ্ত-স্বর্ঘ্য মহারাজ স্বর্ঘ্যকান্ত আচার্য্য চৌধুরী অন্তিমিত হইয়াছেন। তৎকালে মহারাজের দত্তক পুত্র কুমার শ্রীমান্ শশিকান্ত আচার্য্য চৌধুরী বিলাতের কেম্ব্রিজ নগরে বিদ্যাশিক্ষা করিতেন। মহারাজের মৃত্যুসংবাদ প্রাপ্ত হইয়া তথা হইতে প্রত্যাগত হন। অতঃপর কুমার বাহাদুর বৈদ্যনাথ-দেওঘরে শিবগঙ্গা তীরে মহারাজের আশানের সন্নিকট সমারোহে শ্রাদ্ধ ক্রিয়া সমাধা করিয়াছিলেন।

শশিকান্ত আচার্য্য চৌধুরী ।

মহারাজ স্বর্ঘ্যকান্তের পরলোকান্তে তাঁহার পোষ্যপুত্র মাননীয় রাজা শ্রীযুক্ত শশিকান্ত আচার্য্য চৌধুরী বাহাদুর বিষয় সম্পত্তি লাভ করিয়াছেন।

ইনি বিলাতে অধ্যয়ন করিয়া ইংরাজী ভাষায় সুশিক্ষিত হইয়াছেন । শশিকান্ত পিতার ত্রায় বদান্ত এবং দেশের নানাপ্রকার সদ্ব্যুত্থানে সহায়ত্ব প্রকাশ করিয়া থাকেন । ইনি ময়মনসিংহের আনন্দমোহন কলেজের উন্নতিকল্পে ২০,০০০ টাকা প্রদান করেন । ১৯১১ খৃঃ মে মাসে পূর্ববঙ্গের ছোটলাট স্যার ল্যান্সলট হেরার সাহেবেই প্রতিমূর্তি স্থাপন জন্ত ২০০০ টাকা দিয়াছেন । ১৯১১ খৃঃ ১২ই ডিসেম্বর দিল্লীর বিরাট অভিষেক দরবারে “পূর্ববঙ্গ ও আসাম” প্রদেশের ছোটলাট কর্তৃক নিমন্ত্রিত হন । ১৯১৩ খৃঃ ইংরাজী নববর্ষ উপলক্ষে শশিকান্ত ব্যক্তিগত “রাজা বাহাদুর” উপাধি প্রাপ্ত হইয়াছেন । উক্ত বৎসর ঢাকা বিভাগের জমিদার সম্প্রদায়ের পক্ষ হইতে ইনি বঙ্গীয় ব্যস্থাপক সভার সদস্য মনোনীত হন । ১৯১৩ খৃঃ আগষ্ট মাসে বর্ধমান বিভাগের বস্ত্রাঙ্গীড়িত ব্যক্তিগণের সাহায্যার্থে রাজা বাহাদুর ১০০০০ টাকা দান করেন । ১৯১৪ খৃঃ রাজা শশিকান্তের অর্থে ময়মনসিংহ সহরে বঙ্গের প্রথম গবর্ণর বাহাদুরের নামানুসারে “কারমাইকেল ক্লাব” নামে একটি ক্লাব স্থাপিত হইয়াছে । ১৯১৫ খৃঃ বাজিতপুর অঞ্চলে অন্নকষ্ট হওয়ায় আর্ন্তগণের সাহায্যের জন্ত রাজা বাহাদুর ২০০০ টাকা দান করিয়াছেন ।

কলিকাতা হাইকোর্টের সুপ্রসিদ্ধ ব্যারিষ্টার শ্রীযুক্ত ব্যোমকেশ চক্রবর্তী মহাশয়ের দুহিতার সহিত রাজা শশিকান্তের বিবাহ হইয়াছে । ইঁহার দুই পুত্র সিংহাসনকান্ত ও সুধাসনকান্ত ; তন্মধ্যে ১৯১৫ খৃঃ ১৭ই আগষ্ট কনিষ্ঠ পুত্র মৃত্যুমুখে পতিত হইয়াছেন ।

জগৎকিশোর আচার্য্য চৌধুরী ।

মহারাজ স্বর্ধ্যকান্তের ভ্রাতা মুক্তাগাছার অগ্রতম জমিদার রাজা শ্রীযুক্ত জগৎকিশোর আচার্য্য চৌধুরী ১৯১০ খৃঃ মহামাণ্ড ভারত সম্রাট

পঞ্চম জর্জ মহোদয়ের জন্মতিথি উপলক্ষে “রাজা” উপাধি সম্মানে ভূষিত হইয়াছেন। ইনি ময়মনসিংহ সহরে আলেকজান্দ্রিয়া উচ্চ বালিকা বিদ্যালয়ের উন্নতিকল্পে ৫০০০ টাকা দান করিয়াছেন। ১৯১১ খৃঃ কলিকাতা সহরে ভারতেশ্বর ও রাজ্ঞীর অভ্যর্থনার জন্ত চাঁদায় যে অর্থ সংগ্রহ হয়, তাহাতে ৪০০০ টাকা প্রদান করেন। ইহার পুত্র শ্রীমান শশিকান্তকে মহারাজ সূর্য্যকান্ত দত্তক গ্রহণ করিয়া যান।

সুসঙ্গ রাজবংশ ।

ময়মনসিংহ জেলার অন্তর্গত সুসঙ্গ রাজবংশ বারেন্দ্র শ্রেণীর ব্রাহ্মণ, ভরদ্বাজ গোত্রীয়, উচ্চরথি গাঁই । এই বংশের আদিপুরুষ রাঢ়ী শ্রেণীর ব্রাহ্মণ ছিলেন, বারেন্দ্রভূমে আসিয়া তিনি বারেন্দ্র শ্রেণীভুক্ত হইয়া যান । পূর্বে ভূষণপট্টীভুক্ত ছিলেন, এক্ষণে বেণীপট্টীর অন্তর্ভুক্ত । ইহারা বহু কুলকার্য্য করিয়া অতি শ্রেষ্ঠ সিদ্ধ শ্রোত্রীয় হইয়াছেন । কুলশাস্ত্রে এই বংশ উদয়াচল এবং অটপট্টী কুলীনের নামক বলিয়া খ্যাত । সুসঙ্গের রাজগণ “সিংহশাস্ত্রী” বলিয়া পরিচয় দিয়া থাকেন । বাঙ্গালা দেশে ভাড়াড়ীবংশ ও সুসঙ্গের রাজবংশ ভিন্ন অত্র কোন ব্রাহ্মণের সিংহ উপাধি নাই ।

সোমেশ্বর পাঠক ।

অতি প্রাচীন কাল হইতে ছোটনাগপুর অঞ্চলে “পাঠক” উপাধিদারী বহু সংখ্যক ব্রাহ্মণের বসতি ছিল । সোমেশ্বর পাঠক নামক জনৈক রাঢ়ীয় শ্রেণী ব্রাহ্মণের পিতা ঝাঁকুড়া জেলার অন্তর্গত সুবিখ্যাত বিষ্ণুপুর রাজগণের ৬হরগোরী বিগ্রহের পুরোহিত ছিলেন । সোমেশ্বর পাঠক অসাধারণ পণ্ডিত ও অলৌকিক ক্ষমতাপন্ন ছিলেন । তিনি অতি সামান্য অবস্থায় ব্রহ্মচারীর ত্যাক্ দিন যাপন করিতেন । খৃষ্টীয় চতুর্দশ শতাব্দীর প্রারম্ভে তিনি পরিব্রাজক অবস্থায় সহধর্ম্মিণীকে সঙ্গে লইয়া আসামের অন্তর্গত ৬কামাখ্যা দেবীকে দর্শন করিয়া সুসঙ্গ-ভূগাঁপুরে উপনীত হন । অতঃপর তথায় বসতি করিয়াছিলেন । তিনি তথায় এক কালীমূর্ত্তি স্থাপন

করিয়া অর্চনা করিতেন। তাঁহার সেই বিগ্রহের নিকট পূজা দিয়া অনেকের কঠিন পীড়া আরোগ্য হওয়ায় পার্শ্ববর্তী লোকেরা তাঁহাকে গুরু বলিয়া মানিত। এই ব্রহ্মচারী সুসঙ্গ-দুর্গাপুর রাজবংশের প্রতিষ্ঠাতা।

দোমেশ্বরের পুত্র শ্রীপাদ পাঠক দেই সকল শিষ্যদিগের সাহায্যে পার্শ্ববর্তী স্থান অধিকার করেন। তৎকালে গারো, কুকি, খাসিয়া প্রভৃতি অসভ্য জাতিরা বাঙ্গালা দেশের সীমান্ত প্রদেশে উৎপাত করিত। শ্রীপাদ পাঠকের দ্বারা উহা নিবারণ করিবার জন্ত বাঙ্গালার নবাব তাঁহাকে “রাজা” উপাধি দিয়া তাঁহার রাজত্ব, ক্ষমতা ও সন্মান বৃদ্ধি করিয়াছিলেন।

শ্রীপাদের পর তাঁহার পুত্র স্বর্ণশিখর রাজ্যাভিষিক্ত হন।

তাঁহার বংশে বিনায়ক জন্মগ্রহণ করেন। এই বিনয়ক হইতে উচ্চ-রথি গাঁই প্রতিষ্ঠিত হয়।

বিনায়কের অধস্তন ত্রয়োদশ পুরুষ বুদ্ধিমন্ত খাঁ প্রবল হইয়া দিল্লীশ্বরের অধীনে সৈনিক বিভাগে পদ প্রাপ্ত হইয়া “খাঁ” উপাধি লাভ করেন। অতঃপর তিনি সুসঙ্গ পরগণা জায়গীরস্বরূপ প্রাপ্ত হন। এই সময় হইতে সুসঙ্গের উন্নতি আরম্ভ হয়।

বুদ্ধিমন্তের পর জগদানন্দ খাঁ উত্তরাধিকারী হন। তাঁহার দুই পুত্র জানকীনাথ ও যদুনাথ সিংহ।

৬জানকীনাথ সিংহ শর্মা।

জগদানন্দের পরলোকেস্তে তাঁহার চ্যোষ্ঠ পুত্র জানকীনাথ সিংহ রাজাসন অধিকার করেন। জানকীনাথ হইতে সুসঙ্গ রাজবংশের কুলোন্নতি হয়। তিনি তাহিরপুরের রাজবংশের সহিত বৈবাহিক সম্পর্ক স্থাপন করেন। নাটোর রাজবংশের সহিতও বৈবাহিক সম্পর্ক হইয়া-

ছিল । নাটোরের রাজা রামজীবন রায়ের পুত্র কুমার কালিকা প্রসাদের সুসঙ্গ রাজবাটীতে বিবাহ হয় ।

৬ রঘুনাথ সিংহ শর্মা ।

জানকীনাথের পর তাঁহার জ্যেষ্ঠ পুত্র রঘুনাথ সিংহ উত্তরাধিকার লাভ করেন । তাঁহার সময় গারো পর্বতের অসভ্য জাতিগণ অতি অশান্ত হইলে তিনি বাধ্য হইয়া দিল্লীর সম্রাট জাহাঙ্গীরের সাহায্য প্রার্থনা করেন । সেই সময় তিনি প্রতিবৎসর রাজস্বস্বরূপ গারো পর্বতের উৎপন্ন স্নগন্ধযুক্ত আগর কাষ্ঠ দিতে স্বীকৃত হন । অতঃপর সম্রাট তাঁহাকে “রাজা” উপাধি দিয়া ১২৫ অশ্বারোহী ও ২৫০ সিপাহী প্রদান-পূর্বক গারোদিগকে শাসন করিবার অধিকার দিয়াছিলেন । রঘুনাথের সাত পুত্র, তন্মধ্যে জ্যেষ্ঠ রামনাথ ও কনিষ্ঠ শ্রীপতি সিংহ ।

৬ রামনাথ সিংহ শর্মা ।

তদনন্তর রঘুনাথের জ্যেষ্ঠ পুত্র রামনাথ সিংহ উত্তরাধিকারী হন । তিনি পূর্বোক্তরূপে মোগল সম্রাটকে আগর কাষ্ঠ রাজস্ব প্রদান করিতেন । তাঁহার কোন সন্তান ছিল না ।

৬ রামজীবন সিংহ শর্মা ।

রামনাথের মৃত্যুর পর তাঁহার কনিষ্ঠ ভ্রাতা শ্রীপতির পুত্র রামজীবন সিংহ বিষয় সম্পত্তি প্রাপ্ত হন । তিনি রাজা বলিয়া সম্বোধিত হইতেন । ১৭০০ খৃঃ রামজীবন সিংহ মানবলীলা সম্বরণ করেন ।

৬ রামকৃষ্ণ সিংহ শর্মা।

তৎপরে রামজীবনের পুত্র রামকৃষ্ণ সিংহ জমিদারী লাভ করেন। তিনি মুর্শিদাবাদে অবস্থান কালে এক মুসলমান রমণীকে বিবাহ করিয়া মুসলমানধর্ম গ্রহণপূর্বক আবদুল রহিম নামান্তর করেন। তাঁহার গর্ভে কয়েকটি সন্তান জন্মিয়াছিল। অতঃপর রামকৃষ্ণ সুসঙ্গ পরগণা বিভক্ত করিয়া ছয় আনা অংশ যবন সন্তানগণকে এবং দশ আনা অংশ হিন্দুসন্তান রণসিংহকে প্রদান করেন। উহাতে নবাব আলিবর্দী খাঁ আপত্তি করিয়া সমুদয় সম্পত্তি হিন্দু সন্তানকে প্রদান করিবার আদেশ দিয়াছিলেন। তৎপরে জমিদারীর দুই আনা অংশ রামকৃষ্ণের কণ্ঠার বিবাহে যৌতুকস্বরূপ জামাতা হররাম সিংহকে দেওয়া হইয়াছিল।

৭ রণ সিংহ শর্মা।

অতঃপর রামকৃষ্ণের হিন্দুপুত্র রণসিংহ রাজ্যের উত্তরাধিকারী হন। রাজা রণসিংহ তাঁহার মুসলমান ভ্রাতৃগণকে ডিহি মহাদেব নামক ভূসম্পত্তি দান করেন। রাজা রামকৃষ্ণের মুসলমান সন্তানের বংশ অদ্যাপি সুসঙ্গে বিদ্যমান। এই মুসলমানদিগের সহিত সুসঙ্গের হিন্দু রাজগণের সম্ভাব আছে। রণ সিংহের দুই পুত্র—কিশোর সিংহ ও রাজসিংহ শর্মা।

৮ কিশোর সিংহ শর্মা।

রণসিংহের মৃত্যুর পর তাঁহার জ্যেষ্ঠ পুত্র কিশোর সিংহ রাজ্যসন প্রাপ্ত হন। ১৭৪৯ খৃঃ তিনি দিল্লীর সম্রাট আহম্মদ সাহের নিকট হইতে নামজারীর সনদ গ্রহণ করেন। তাঁহার রাজত্বের আরম্ভে ক্রমাগত

কয়েক বৎসর ভীষণ জলপ্লাবন হওয়ায় সুসঙ্গ অঞ্চলের প্রজাবর্গের শস্যাদি নষ্ট হইয়া যায়। সেই সকল কারণে রাজা কিশোর সিংহ সাংসারিক সর্বপ্রকার ব্যয় নির্বাহ করিয়া রাজস্ব প্রদানে অক্ষম হন। ময়মনসিংহের জমিদারদিগকে তৎকালে ঢাকা নগরীতে রাজস্ব দাখিল করিতে হইত। একদা ঢাকার প্রতিনিধি শাসনকর্তার সৈন্ত আসিয়া রাজা কিশোর সিংহকে এবং তাঁহার কনিষ্ঠ ভ্রাতা রাজসিংহকে ঢাকায় লইয়া গিয়া কারারুদ্ধ করিয়াছিল। ১৭৫৭ খৃঃ পলাশীর যুদ্ধে নবাব সিরাজদ্দৌলার পতনের পর বঙ্গদেশ ক্রমে ইংরাজের হস্তগত হওয়ায় ঢাকা তাঁহাদিগের অধিকারে আসিল। একদিবস আতি প্রত্যয়ে ইংরাজের ভীষণ তোপধ্বনি বুড়ি গঙ্গার বক্ষ উদ্বেলিত করিয়া ঢাকা নগরীতে এক নূতন বিপ্লব উপস্থিত করে; সেই সুযোগে রাজা কিশোর সিংহ ও রাজ সিংহ প্রহরীশূন্ত কারাগার হইতে পলায়ন করিয়া নিজ রাজধানী দুর্গাপুরে উপনীত হন। অতঃপর তিনি জমিদারীর সুশৃঙ্খলার জন্য বিশেষ মনোযোগী হইয়াছিলেন। কিশোর সিংহ বহু অর্থ ব্যয়ে রাজভবনের শ্রীসম্পাদন করেন, কিন্তু ১৮২৭ খৃঃ ভীষণ ভূমিকম্পে উহা ধ্বংস প্রাপ্ত হইয়াছে। তাঁহার উদ্ভাবিত নূতন প্রণালীতে “হস্তী খেদা”র সমধিক উন্নতি হইয়াছিল। তিনি বৃহৎ হস্তী সকল ধৃত করিয়া বহু অর্থার্জন করিয়াছিলেন। তিনি বুদ্ধিমান ও রাজনীতিজ্ঞ ছিলেন। ১৭৮৪ খৃঃ রাজা কিশোর সিংহ স্বর্গলাভ করেন। তাঁহার কোন সন্তানাদি হয় নাই।

৬ রাজসিংহ শর্মা ।

কিশোর সিংহের মৃত্যুর পর তাঁহার কনিষ্ঠ সহোদর রাজসিংহ রাজ্যভার প্রাপ্ত হন। কিশোর সিংহ ও রাজসিংহের মধ্যে অসাধারণ ভ্রাতৃত্বাৎসল্য ছিল। অনেকে বলেন—কিশোর সিংহ বন্দী হইয়া ঢাকা গমন-

কালে রাজসিংহ স্বেছায় জ্যেষ্ঠ ভ্রাতার অনুগামী হন। মুসলমানদিগের সময় হইতে জায়গীর প্রণালীতে রাজগণ সুসঙ্গ রাজ্যভোগ করিতে ছিলেন। ১৭৮৪ খৃঃ লর্ড কর্ণওয়ালিসের সময় সুসঙ্গে চিরস্থায়ী বন্দোবস্ত হইলে কোম্পানী ইহাদের অধিকৃত পর্কত ও বনভূমি খাস করেন এবং হস্তী ধরিয়া বিক্রয় করিবার ক্ষমতা রহিত হয়। তদবধি ইহাদের মুনফা অল্প হইয়াছে এবং ইহারা সাধারণ জমিদারের তায় হইয়াছেন। রাজা রাজসিংহ একজন প্রসিদ্ধ কবি ছিলেন। তিনি রাগমালা, সংক্ষিপ্ত মনসার পাঁচালী, ঢাকা বর্ণনা ও ভারতী মঙ্গল নামক চারি খানি গ্রন্থ রচনা করেন। ১৮২২ খৃঃ রাজা রাজসিংহ ৭০ বৎসর বয়সে লোকান্তরিত হইয়াছেন। রাজা রাজসিংহের পাঁচ পুত্র—বৈদ্যনাথ, বিশ্বনাথ, গোপীনাথ, জগন্নাথ ও কৃষ্ণনাথ সিংহ।

৩ বিশ্বনাথ সিংহ শর্মা।

রাজা রাজসিংহের মৃত্যুর পর তদীয় মধ্যম পুত্র রাজা বিশ্বনাথ সিংহ এই বংশের প্রতিনিধি হন। তাঁহার সময় একটি ঘোরতর মোকদমা উপস্থিত হইয়াছিল। কয়েক বৎসর ব্যাপিয়া মোকদমা হইবার পর বিলাতের প্রিভি কাউন্সিলে সুসঙ্গ এজেন্ট অবিভাজ্য নহে বলিয়া স্থির হয়। বিশ্বনাথ ব্যতীত তাঁহার অজ্ঞাত ভ্রাতৃগণ অপুত্রক ছিলেন। ১৮৫৩ খৃঃ রাজা বিশ্বনাথ সিংহ স্বর্গগত হইয়াছেন। তিনি মৃত্যুকালে একমাত্র পুত্র প্রাণকৃষ্ণকে রাখিয়া যান।

বিশ্বনাথের মৃত্যুর পর তাঁহার পুত্র রাজা প্রাণকৃষ্ণ সিংহ তদীয় সম্পত্তির অধিকারী হন। তাঁহার চারি পুত্র—রাজকৃষ্ণ, কমলকৃষ্ণ, জগৎকৃষ্ণ ও শিবকৃষ্ণ সিংহ।

প্রাণকৃষ্ণের জ্যেষ্ঠ পুত্র মহারাজ রাজকৃষ্ণ সিংহ বাহাদুরের যথেষ্ট সাহিত্যানুরাগ ও বিদ্যোৎসাহ ছিল। মহারাজ ময়মনসিংহ জেলার অন্তর্গত বোড় গ্রামের সুপ্রসিদ্ধ কবি নারায়ণ দেব রচিত “পদ্মপুরাণ” সংশোধন করিয়া মুদ্রিত করিয়াছিলেন। তাঁহার চারি পুত্র—মহারাজ শ্রীযুক্ত কুমুদচন্দ্র, শ্রীযুক্ত নিরদচন্দ্র, শ্রীযুক্ত নগেন্দ্রচন্দ্র ও শ্রীযুক্ত দ্বিজেন্দ্রচন্দ্র সিংহ ।

রাজকৃষ্ণের জ্যেষ্ঠ পুত্র মহারাজ শ্রীযুক্ত কুমুদচন্দ্র সিংহ অধুনা সুসঙ্গের রাজপদে সমাসীন। ইনি কলিকাতা বিশ্ববিদ্যালয়ের বি-এ পরীক্ষায় পাশ করিয়াছেন। মহারাজ বঙ্গসাহিত্যের বিশেষ অনুরাগী। ১৯১১ খৃঃ ময়মনসিংহ সহরে বঙ্গীয় সাহিত্য সম্মিলনের চতুর্থ অধিবেশনে অভ্যর্থনা সমিতির সভাপতি পদে প্রতিষ্ঠিত হইয়াছিলেন। ১৯১১ খৃঃ ১২ই ডিসেম্বর দিল্লীর বিরাট অভিষেক দরবারে “পূর্ববঙ্গ ও আসাম” প্রদেশের ছোটলাট কর্তৃক নিমন্ত্রিত হন। ১৯১২ খৃঃ ৪ঠা জানুয়ারী কলিকাতার লাটভবনে মহামাণ্ড ভারত সম্রাট পঞ্চম জর্জ মহোদয় ও রাজ্ঞীর এক সভা হইয়াছিল, তৎকালে সেই রাজকীয় অভ্যর্থনা সমিতির সম্পাদক মুর্শিদাবাদের বর্তমান নবাব আমির-উল্-ওমরা বাহাদুর কুমুদচন্দ্রকে রাজসকাশে যথারীতি পরিচিত করেন। মহারাজ বিদ্যোৎসাহী, স্বদেশহিতৈষী এবং সুধী পুরুষ। ইনি নীরবে দেশের ও দেশের সেবা করিয়া থাকেন। মহারাজের অর্থানুকূলে অনেক সদনুষ্ঠান হইতেছে। ইহার অননুসাধারণ গুণাবলী ও সাহিত্য সেবার উজ্জল আদর্শ বিরাজমান।

প্রাণকৃষ্ণের দ্বিতীয় পুত্র রাজা কমলকৃষ্ণ সিংহ বঙ্গসাহিত্যের অনুরাগী ছিলেন। তিনি অশ্বত্থ, গোপালন, আশ্র ও জাতীয় সঙ্গীত নামক চারিখানি গ্রন্থ রচনা করেন। পূর্বোক্ত মনসার পাঁচালী ও রাগমালা নামক গ্রন্থ দুইখানি তাঁহারই যত্নে মুদ্রিত হয়। এতদ্ব্যতীত

তাঁহার মৌলিক গবেষণার ফলস্বরূপ কবি ও সঙ্গীত বিষয়ক কয়েক খানি অমূল্য গ্রন্থ আছে ।

প্রাণকৃষ্ণের তৃতীয় পুত্র রাজা জগৎকৃষ্ণ সিংহ বিশেষ পণ্ডিত ছিলেন । তাঁহার দুই পুত্র—শ্রীযুক্ত সুরেশচন্দ্র ও শ্রীযুক্ত রমেশচন্দ্র সিংহ । তদীয় জ্যেষ্ঠ পুত্র কুমার শ্রীযুক্ত সুরেশচন্দ্র সিংহ একজন উত্তমশীল সাহিত্যসেবী ।

৩ গোপীনাথ সিংহ শর্মা ।

রাজসিংহের তৃতীয় পুত্র রাজা গোপীনাথ সিংহ ১৮৩৩ খৃঃ মানবলীলা সম্বরণ করেন । ১৮৬২ খৃঃ তাঁহার পত্নী রাণী হরসুন্দরী দেবী গতাস্থ হন । রাজা গোপীনাথের পুত্র সন্তান হয় নাই, বরদাসুন্দরী ও প্রণদাসুন্দরী নামী দুইটা কন্যা জন্মগ্রহণ করেন । প্রথম কন্যা বরদাসুন্দরীর সহিত গোলকনাথ লাহিড়ীর বিবাহ হইয়াছিল । ১৮৮৮ খৃঃ ৮ই মে বরদাসুন্দরী মৃত্যুমুখে পতিত হন । কনিষ্ঠা কন্যা প্রণদাসুন্দরীর সহিত ক্ষেত্রচন্দ্র লাহিড়ীর বিবাহ হয় । ১৯০৭ খৃঃ ৩০শে জুলাই প্রণদাসুন্দরীর পরলোক প্রাপ্তি হইয়াছে ।

৬ জগন্নাথ সিংহ শর্মা ।

রাজ সিংহের চতুর্থ পুত্র রাজা জগন্নাথ সিংহ পিতার ভ্রাতৃ বঙ্গ-সাহিত্যের অনুরাগী ও সুকবি ছিলেন । তিনি “জগদ্ধাত্রী গীতাবলী” নামক উৎকৃষ্ট সঙ্গীত গ্রন্থ রচনা করেন । এরূপ সুন্দরভাব ও ভাবাকর রচিত ধর্ম বিষয়ক সঙ্গীত গ্রন্থ জাতীয় সাহিত্যের গৌরবস্বরূপ সন্দেহ নাই । ১৮২৯ খৃঃ রাজা জগন্নাথ সিংহ লোকান্তরিত হইয়াছেন । তিনি মৃত্যুকালে নিঃসন্তান বিধবা রাণী ইন্দ্ৰমণিকে রাখিয়া যান । ১৮৪৪ খৃঃ রাণী ইন্দ্ৰমণি দেবী ইহলোক পরিত্যাগ করিয়াছেন

সন্তোষ জমীদারবংশ ।

ময়মনসিংহ জেলার অন্তর্গত সন্তোষের ভূম্যধিকারীগণ বঙ্গের কার্যস্থ জমীদারবংশ । খৃষ্টীয় সপ্তদশ শতাব্দীর প্রারম্ভে যশোহরজিৎ চন্দ্রশেখর রায়ের জনৈক বংশধর রমানাথ রায় যশোহরের বাস পরিত্যাগপূর্বক সন্তোষ গ্রামে আসিয়া বসতি করেন । তাঁহার তিন পুত্র—হরিরাম, রামকৃষ্ণ ও রামানন্দ রায় ।

রমানাথের জ্যেষ্ঠ পুত্র হরিরাম রায়ের দুই পুত্র—বলরাম ও যাদবেন্দ্র রায় । জ্যেষ্ঠ বলরামের দুই পুত্র—ইন্দ্রনারায়ণ ও অনন্তরাম রায় ।

৩ বিশ্বনাথ রায় চৌধুরী ।

অনন্তরামের একমাত্র পুত্র বিশ্বনাথ রায় চৌধুরী বহু বিষয় সম্পত্তি করিয়া একজন ধনবান সম্ভ্রান্ত জমিদার বলিয়া গণ্য হন । নবাব দরবারে তাঁহার সূখ্যাতি ছিল । তিনি নবাবের নিকট হইতে “চৌধুরী” অর্থাৎ চতুর্পার্শ্ববর্তী ভূমির অধিপতি বলিয়া সনন্দ প্রাপ্ত হন । বিশ্বনাথের তিন পুত্র—রঘুনাথ, রামেশ্বর ও রামচন্দ্র রায় চৌধুরী । তাঁহাদের মধ্যে মধ্যম পুত্র রামেশ্বর নিঃসন্তান ছিলেন ।

৪ রঘুনাথ রায় চৌধুরী ।

বিশ্বনাথের জ্যেষ্ঠ পুত্র রঘুনাথ রায় চৌধুরীর পুত্র জয়নাথ—হরিনাথ—কৃষ্ণনাথ রায় চৌধুরী । কৃষ্ণনাথের পুত্র সন্তান না

হওয়ার তিনি প্রথমে কালীনাথকে পোষাপুত্র গ্রহণ করেন ; কালীনাথ অকালে লোকান্তরিত হইলে পুনরায় রাজনাথকে দত্তক গ্রহণ করিয়াছিলেন ।

রাজনাথের পুত্র গোলকনাথ রায় চৌধুরী দেশের ও সমাজের প্রায় সকল কার্যের সহিত যোগদান করিতেন । তাঁহার চরিত্রে নির্ভিকতা ও আয়নিষ্ঠা প্রকাশ পাইয়াছিল । তিনি মৃত্যুকালে একমাত্র বিধবা পত্নী জাহ্নবী চৌধুরাণীকে রাখিয়া যান ।

গোলকনাথের সহধর্মিণী জাহ্নবী চৌধুরাণী বাঙ্গলা লেখাপড়া উত্তম-রূপ জানিতেন । তিনি অত্যন্ত পরিশ্রমী ছিলেন । স্বামীর মৃত্যুর পর বিষয় কার্য পর্যবেক্ষণ করিতেন । তাঁহার পুত্র সন্তান না থাকায় বৈকুণ্ঠনাথকে দত্তক গ্রহণ করেন ।

বৈকুণ্ঠনাথ রায় চৌধুরী সমাজে বিশেষ খ্যাতি প্রতিপত্তি লাভ করিতে পারেন নাই । তিনি অতি অল্পবয়সে নিঃসন্তান বিধবা পত্নী দীনমণি চৌধুরাণীকে রাখিয়া লোকান্তরিত হন ।

রাণী শ্রীমতী দীনমণি চৌধুরাণী দয়াদাক্ষিণ্য ও বদান্ততাগুণে সুপরিচিতা । ইনি স্বর্গীয় শ্রদ্ধামাতার চিতাভূমির পার্শ্বে কাগমারী শ্মশান ঘাটে একটা দাতব্য কাঠভাণ্ডার স্থাপন করিয়াছেন । ১৯১০ খৃঃ ২৪শে জুন ভারত সম্রাট পঞ্চম জর্জ মহোদয়ের জন্মতিথি উপলক্ষে দীনমণি “রাণী” উপাধিতে ভূষিতা হইয়াছেন । ১৯১৩ খৃঃ অক্টোবর মাসে ইনি জাহ্নবী স্কুল, গোলকনাথ দাতব্য ঔষধালয়, গঙ্গাবাড়ী নামক অতিথিশালা এবং শ্মশানে বিনামূল্যে কাঠ সরবরাহের জন্য ৩৬৩,০০০ টাকার কোম্পানীর কাগজ দান করিয়াছেন । উহার সুদ ইহাতে উপরোক্ত কার্য নির্বাহের ব্যবস্থা হইয়াছে । পাবনার এডওয়ার্ড কলেজের জন্য ৫০০০ টাকা প্রদান করেন । ১৯১৪ খৃঃ এই আগষ্ট ইনি টাঙ্গাইল নিবাসী কলিকাতা হাইকোর্টের উকীল শ্রীযুক্ত উমেশচন্দ্র ঘোষ এম-এ,

বি-এল মহাশয়ের পুত্র শ্রীমান্ হেমেন্দ্রনাথ রায় চৌধুরীকে পোষাপুত্র গ্রহণ করিয়াছেন ।

৬ রামচন্দ্র রায় চৌধুরী ।

বিখনাথের কনিষ্ঠ পুত্র রামচন্দ্র রায় চৌধুরী—রামনাথ—কাশীনাথ রায় চৌধুরী । তাঁহার কোন সন্তানাদি না হওয়ায় তিনি প্রথমে শিবনাথকে দত্তক গ্রহণ করেন ; কিন্তু কয়েক দিবস মধ্যে শিবনাথের মৃত্যু হইলে পুনরায় ভৈরবনাথকে পোষাপুত্র গ্রহণ করিয়াছিলেন । ভৈরবনাথের পুত্র উমানাথ রায় চৌধুরী অকৃতদার অবস্থায় মৃত্যুমুখে পতিত হন । অতঃপর তদীয় পত্নী গৌরমণি দ্বারকানাথকে দত্তক গ্রহণ করেন ।

৭ দ্বারকানাথ রায় চৌধুরী ।

দ্বারকানাথ রায় চৌধুরী কন্ঠী ও ভগবদ্ভক্ত ছিলেন । তিনি জীবনের শেষ দিন পর্য্যন্ত ঐকান্তিক নিষ্ঠা পালন করিয়া গিয়াছেন । দয়া তাঁহার চরিত্রকে অপূর্ব গৌরবে মণ্ডিত করিয়াছিল । অনেক সময় গোপনে দান করিতেন । তিনি ইংরাজী ভাষা জানিতেন না, কিন্তু প্রোঢ়াবস্থায় ইংরাজী শিক্ষা করিতে আরম্ভ করেন । তিনি হাঁসপাতাল ও বিজ্ঞানন্দির প্রতিষ্ঠা করিয়া গিয়াছেন । দ্বারকানাথ মৃত্যুকালে প্রমথনাথ ও মন্থনাথ নামে দুইটা উৎপুষ্ট পুত্র সন্তান রাখিয়া যান ।

দ্বারকানাথের পত্নী শ্রীমতী বিদ্যাবাসিনী চৌধুরাণী বাথরগঞ্জ জেলার গাভা গ্রামে কেশনচন্দ্র ঘোষের ঔরসে জন্মগ্রহণ করেন । সপ্তম বৎসর বয়ঃক্রমকালে সন্তোষের ভ্রাম্যধিকারী দ্বারকানাথের সহিত ইহঁার বিবাহ

হইরাছিল। স্বামীর মৃত্যুর পর ইনি দুইটা শিশুপুত্র ও কন্যার প্রতিপালন করেন। বিদ্যাবাসিনী গবর্ণমেন্টের নিকট হইতে জমিদারী পরিচালন ভার প্রাপ্ত হন। ইহার সুব্যবস্থাপ্তি ও কর্তৃত্বাধীনে জমিদারীর উন্নতি হইয়াছে। ইনি কাশী, গয়া, মথুরা বৃন্দাবন, প্রয়াগ, পুষ্কর, হরিদ্বার, অযোধ্যা, চম্পনাথ, কামাখ্যা, পুরী, নবদ্বীপ প্রভৃতি বহু তীর্থস্থান পরিভ্রমণ করিয়াছেন। ইনি অনেক ছাত্রকে মাসিক সাহায্য করিয়া থাকেন, অধিকন্তু গোপনেও দান করেন। ইনি সন্তোষে “ধর্মবিতরণী” নামে একটি হরিসভা সংস্থাপন করিয়াছেন। টাঙ্গাইলের ইংরাজী বিদ্যালয় ও বালিকা বিদ্যালয় ইহার শিক্ষামুরাগের পরিচায়ক। ইনি জীশিকার পক্ষপাতী। বিদ্যাবাসিনী তাঁহার স্বামীর প্রতিষ্ঠিত টাঙ্গাইলের দ্বারকানাথ হাঁসপাতালের বাটী পাকা করিয়া দিয়াছেন। ইনি সন্তোষে একটি বাটী ও তাহার এক প্রান্তে মন্দির নির্মাণ করাইয়া দ্বারকানাথ নামে শিবমূর্ত্তি ও বিদ্যাবাসিনী বিগ্রহ স্থাপন করিয়াছেন। সেই সময় ইহার পিতার আশানেও একটি স্মৃতিমঠ প্রতিষ্ঠা হয়। ইনি ঠাকুরবাড়ীতে অতিথিশালা স্থাপন করেন। দেশের শিল্প বাণিজ্যের উন্নতি ও অন্ত্যস্ত জনহিতকর কার্যে ইহার সহায়ত্ব দৃষ্ট হয়।

— — —

প্রমথনাথ রায় চৌধুরী ।

দ্বারকানাথের জ্যেষ্ঠ পুত্র শ্রীযুক্ত প্রমথনাথ রায় চৌধুরী ১৮৭২ খৃঃ মার্চ মাসে জন্মগ্রহণ করিয়াছেন। শৈশবে পিতৃহীন হইয়া জননীকে অভিভাবকতায় উভয় ভ্রাতা প্রতিপালিত হন। কৈশোর বয়স হইতে ইহার কবিতা রচনা স্পৃহা প্রকাশিত হয়। তজ্জন্ত অধুনা বঙ্গীয় কবিকুলের মধ্যে উচ্চ আসন প্রাপ্ত হইয়াছেন। ইনি সঙ্গীত রচনায় সিদ্ধহস্ত এবং নাট্যকলার সুমিণ্ড। ইহার আধুনিক কাব্য ও নাটকে লোক-

শ্রীতি উজ্জলতর হইয়া নানাভাবে আকার লাভ করিয়াছে । ইহার কাব্য গ্রন্থাবলী তিনখণ্ডে প্রকাশিত হইয়াছে । এতদ্ব্যতীত ভাগ্যচক্র নাটক, হামির নাটক, হুমায়ুন নাটক, অন্নচিন্তা নাটক, আকেল সেলামী প্রহসন; পদ্মা, গোরাক, গীতিকা, দেশভক্তি, নৃতনখাতা প্রভৃতি অনেকগুলি গ্রন্থ প্রণয়ন করিয়াছেন । সাহিত্যসেবীগণের প্রতি সহায়ভূতি প্রকাশ করিয়া থাকেন । ইনি কলিকাতার “প্যারাগণ প্রেস” নামক মুদ্রাযন্ত্রের স্বত্ব-ধিকারী । ১৯১০ খৃঃ পূর্ববঙ্গের ছোটলাট স্যার ল্যান্সলট হেমার সাহেবের প্রতিমূর্তি প্রতিষ্ঠা ভাণ্ডারে ১০ \ টাকা দান করেন । ১৯১২ খৃঃ বারানসীর হিন্দু বিশ্ববিদ্যালয়ের ফণ্ডে ২০০ \ টাকা দিতে প্রতিশ্রুত হন । ইনি শ্রীযুক্ত যতীন্দ্রনাথ চক্রবর্তী বি,এ, মহাশয়কে সুগন্ধি দ্রব্য ও তৈলসার প্রস্তুত প্রণালী শিক্ষার জন্য ফ্রান্সে প্রেরণ করিয়াছিলেন । প্রমথনাথ সঙ্গীত প্রিয়, মিষ্টভাবী, বিনয়ী ও উদার প্রকৃতি ব্যক্তি ।

প্রমথনাথের পত্নী শ্রীমতী হেমললিতা চৌধুরানী ধর্ম্মনিষ্ঠা ও দানশীলারমণী । ইনি দরিদ্র সম্ভ্রান্ত পরিবারকে গোপনে অর্থ সাহায্য ও মাসিক বৃত্তি দিয়া থাকেন । ১৯০৬ খৃঃ ইনি কলিকাতা সহরে “ওরিয়েন্টাল সোপ ফ্যাক্টরী” নামে সাবান প্রস্তুতের একটি কারখানা স্থাপন করিয়াছেন । ইহার বিভা নাম্নী একটি কন্যা ও শ্রীমান সচীন্দ্রনাথ ও শ্রীমান অজয়নাথ নামে দুইটা পুত্র সম্ভান জন্মগ্রহণ করেন । ১৯১৬ খৃঃ ১১ই মার্চ বশোহর-নড়াইলের অগ্রতম জমিদার যোগেন্দ্রনাথ রায়ের পুত্র শ্রীমান গিরীন্দ্রনাথ রায়ের সহিত প্রমথনাথের কন্যার বিবাহ হইয়াছে ।

মম্মথনাথ রায় চৌধুরী ।

মম্মথনাথের কনিষ্ঠ পুত্র রাজা শ্রীযুক্ত মম্মথনাথ রায় চৌধুরী ১৮৭৩ খৃঃ জন্মিত হইয়াছেন । ইনি কলিকাতার সেন্ট জেভিয়ার কলেজে

তৎপরে হেয়ার স্কুল ও প্রেসিডেন্সী কলেজে বিদ্যা শিক্ষা করেন । মন্থনাথ শির বিজ্ঞান শিক্ষার পৃষ্ঠপোষক এবং শ্রীযুক্ত যছনাথ সরকার বি, এ, মহাশয়কে কৃষিবিদ্যা শিক্ষার নিমিত্ত জাপান প্রেরণ করিয়াছিলেন । জমিদারীতে মধ্য ইংরাজী বিদ্যালয় ও দাতব্য ঔষধালয় স্থাপন করিয়াছেন । সম্ভোষ নগরে একটি কলেজ ও অতিথিশালা প্রতিষ্ঠা হইয়াছে । ইনি মাদক-নিবারিণী সভা ও ব্রিটিশ ইণ্ডিয়ান এসোসিয়েশনের সভ্য । ১৯০২ খৃঃ ভিক্টোরীয়া স্মৃতিসৌধ ভাঙারে ৫০০০/- ও দিল্লীর অভিষেক উৎসব ফণ্ডে ৫০০/- টাকা দান করেন । এতদ্ব্যতীত নানাস্থানে বহু অর্থ চাঁদা দিয়াছেন । ১৯১০ খৃঃ ২৪শে জুন ভারত সম্রাটের জন্মতিথি উপলক্ষে মন্থনাথ “রাজা” উপাধি প্রাপ্ত হইয়াছেন । ১৯১০ খৃঃ লোকান্তরিত রাজপ্রতিনিধি লর্ড মিণ্টো বাহাদুরের প্রস্তরমূর্তি স্থাপনের ভাঙারে ৫০০/- দিতে প্রতিশ্রুত হন । ১৯১১ খৃঃ ১২ই ডিসেম্বর ইনি দিল্লীর বিরাট অভিষেক দরবারে নিমন্ত্রিত হইয়াছিলেন । ১৯১২ খৃঃ হিন্দু বিশ্ববিদ্যালয়ের ফণ্ডে ৫০০/- টাকা দান করিতে প্রতিশ্রুত হন । ১৯১৩ খৃঃ আগষ্ট মাসে বর্ধমান বিভাগের বহু পীড়িত ব্যক্তিগণের সাহায্যার্থে ৫০০/- টাকা দান করেন । ইনি স্বাধীনতা ও শিক্ষার পক্ষপাতী । বঙ্কিমচন্দ্রে চন্দ্রশেখর গ্রন্থ ইংরাজীতে অনুবাদ করিয়াছেন । রাজা মন্থনাথের কুমার শ্রীযুক্ত বিনয়েন্দ্রনাথ, শ্রীযুক্ত রবীন্দ্রনাথ, শ্রীযুক্ত পৃথ্বীন্দ্রনাথ নামে তিন পুত্র এবং তিনটি কন্যা জন্মগ্রহণ করিয়াছেন । তদীয় প্রথম কন্যার সহিত পাবনা জেলার অন্তর্গত সাগরকান্দী-নিবাসী শ্রীযুক্ত সত্যচরণ দত্ত মহাশয়ের বিবাহ হইয়াছে । দ্বিতীয়া কন্যার সহিত বিলাত প্রত্যাগত “টাকী-নিবাসী মিঃ টি, পি, ঘোষের বিবাহ হইয়াছে । কনিষ্ঠা কন্যা অবিবাহিতা ।

চন্দ্রদ্বীপ রাজবংশ ।

বিক্রমপুর পরগণায় চন্দ্রশেখর চক্রবর্তী নামক জনৈক ধান্মিক ও তপস্বী ব্রাহ্মণ বাস করিতেন । তিনি ভগবতী মন্ত্রে দীক্ষিত ছিলেন । তাঁহাকে সুপাত্র দেখিয়া অগ্র এক ব্রাহ্মণ সন্তান তাঁহার সহিত স্বীয় কন্যার বিবাহ দিয়াছিলেন । চন্দ্রশেখর নববিবাহিতা পত্নীর নামের সহিত তাঁহার উপাশ্র দেবীর এক নাম জানিয়া বিবাহের পর জীবন বিসর্জনে সঙ্কল্প করিয়া একখানি ক্ষুদ্র তরণী আরোহণে ভাসমান হন । তৎকালে বিক্রমপুরের দক্ষিণে অনন্ত জলরাশি ছিল । চন্দ্রশেখর তথায় উপস্থিত হইলে একটি ক্ষুদ্র তরণীযোগে এক ধীবর কন্যা বেশে তাঁহার উপাশ্র দেবীকে দেখিতে পাইয়াছিলেন । অনন্তর দেবী বলিলেন, যে স্থানে তিনি দেবীকে প্রাপ্ত হন, তাঁহার বরে সেই স্থান শস্তময় ভূখণ্ডে পরিণত হইবে এবং তিনি তথায় রাজা হইবেন । অতঃপর নবাবিকৃত ভূখণ্ড তাঁহার নামানুসারে চন্দ্রদ্বীপ বলিয়া প্রচারিত হয় । মতান্তরে—চন্দ্রশেখর চক্রবর্তী কতিপয় শিষ্য সমভিব্যবহারে তীর্থ পর্যটনে বহির্গত হন । একদা স্নগন্ধা নদীর মধ্যে সকলে রাত্রি যোগে একটি নৌকায় স্রষ্টু ছিলেন, সেই সময় চন্দ্রশেখর স্বপ্নে দেখিলেন তাঁহার নিকটে তিনটি বিগ্রহ জলমগ্ন অবস্থায় আছেন । অতঃপর তিনি তাঁহার প্রিয় শিষ্য দত্তজমর্দন দেবকে এই বৃত্তান্ত বর্ণনা করিলে দত্তজ-মর্দন স্বপ্ন-কথিত স্থান হইতে প্রথমবার কাত্যায়নীর পাষণ মূর্তি ও দ্বিতীয়বার মদনগোপালের মূর্তি উত্তোলন করেন । অদ্যাপি মাধব-পাশার রাজবাটীতে সেই কাত্যায়নী ও মদনগোপালের পাষণ মূর্তির নিত্য পূজা হইতেছে ।

৬ দম্ভজমর্দন দেব ।

দম্ভজমর্দন দেব সমুদ্র গর্ভস্থিত দ্বীপের নাম স্বীয় শুকদেব চন্দ্রশেখরের নামানুসারে চন্দ্রদ্বীপ রাখেন । তিনি চন্দ্রদ্বীপ নগর পত্তন করিয়া তথায় একটি ক্ষুদ্র রাজ্য স্থাপন করেন । ১২৮০ খৃঃ সম্রাট গিহানুদ্দীন বলবন যখন মঘিহুদ্দীন তুগ্রিল খাঁর বিরুদ্ধে অভিযান করেন, সেই সময় তিনি সম্রাটকে সাহায্য করিয়াছিলেন । দম্ভজমর্দন রাজোপাধি ধারণপূর্বক পটুয়াখালী মহকুমার অন্তর্গত কচুয়া নামক স্থানে রাজধানী প্রতিষ্ঠা করেন । এই স্থানে অট্টালিকার ভগ্নাবশেষ অদ্যাপি বিদ্যমান । স্থানীয় লোকে ইহাকে রাজবাড়ী বলিয়া থাকে ।

দম্ভজমর্দনের পর তাঁহার পুত্র রামবল্লভ দেব চন্দ্রদ্বীপের অধীশ্বর হন । তিনি স্বীয় নামে একটি নগর স্থাপন করিয়াছিলেন ।

রামবল্লভের পর তৎপুত্র কৃষ্ণবল্লভ দেব চন্দ্রদ্বীপের রাজ্যাসন প্রাপ্ত হন । তাঁহার পুত্র সন্তান ছিল না, কমলা নামে একটি কন্যা হইয়াছিল । থাক বহুর বংশের বলভদ্র বহুর সহিত কন্যার বিবাহ হয় । পিতার মৃত্যুর পর কমলা স্বামীর সহিত রাজ্য পরিচালনা করিতেন । কমলা কচুয়ার নিকটবর্তী স্থানে স্বীয় নামানুসারে একটি বৃহৎ পুষ্করিণী খনন করাইয়াছিলেন । এরূপ স্রবৃহৎ পুষ্করিণী প্রায় দেখিতে পাওয়া যায় না । উহার কিয়দংশ এখন বর্তমান । অদ্যাপি স্থানীয় অধিবাসীগণ তাহাকে “রাণী কমলার দীঘী” বলিয়া থাকে ।

৭ পরমানন্দ বহু রায় ।

রাণী কমলার মৃত্যুর পর তাঁহার পুত্র পরমানন্দ রায় রাজ্যাভিষিক্ত হন । ১৫৮৩ খৃঃ এতদঞ্চলে ভীষণ জলপ্লাবন হয় । সেই সময় রাজ্য পরমানন্দ নৌকারোহণে অতিকষ্টে জীবন রক্ষা করিয়াছিলেন ।

পরমানন্দের পৌত্র কন্দর্পনারায়ণ রায় মগ ও যবনদিগের দৌরায়ে কচুরা পরিত্যাগপূর্ব্বক মাধবশাণা নামক স্থানে রাজধানী স্থাপন করেন। তিনি প্রভূত ক্ষমতাশালী ও প্রবলপরাক্রান্ত রাজা ছিলেন। তিনি হোসেনপুর হইতে মুসলমানদিগকে বিতাড়িত করিলে ১৫৮৪ খৃঃ মোগল সেনাপতি মুনিম খাঁ, স্বেচ্ছা স্বাক্ষর করিয়া চন্দ্রদ্বীপ অধিকার করিবার প্রেরণ করেন। মোগলেরা ফতোবাদ ও বাকলা অধিকার করিয়াছিল। তাঁহার অনেকগুলি কামান ছিল, তন্মধ্যে একটি পিতলের কামান অদ্যাপি মাধবশাণার রাজবাটীতে দেখিতে পাওয়া যায়। তাঁহার তিন পুত্র—রামচন্দ্র, রাঘবেন্দ্র ও রামজীবন রায়।

কন্দর্পনারায়ণের মৃত্যুর পর তাঁহার জ্যেষ্ঠ পুত্র রামচন্দ্র রায় চন্দ্রদ্বীপের রাজা হন। তাঁহার অধীনে অনেক পর্ভুগীজ বাস করিত। ১৫৯৯ খৃঃ খৃষ্ট-ধর্ম্ম প্রচারক ফনসেকা চন্দ্রদ্বীপে উপস্থিত হন। রামচন্দ্র তাঁহাকে যথোচিত সমাদার করিয়া রাজ্যে গির্জা নিৰ্ম্মাণ ও খৃষ্টধর্ম্ম প্রচার করিতে অনুমতি দিয়াছিলেন। রামচন্দ্রের সহিত বঙ্গের শেষবীর মহারাজ প্রতাপাদিত্য রায়ের কন্যা বিন্দুমতীর বিবাহ হইয়াছিল। প্রতাপাদিত্য মোগলের বিরুদ্ধে দণ্ডায়মান হইলে রামচন্দ্রের কাপুরুষতায় তাঁহাকে বিনাশ করিবার জন্য স্বর্গহে নিমন্ত্রণ করেন। সেই সময় রামচন্দ্র কৌশলে নিরাপদে নৌকাযোগে স্বরাজ্যে পলায়ন করিয়াছিলেন। অতঃপর যশোহর রাজকুমারী স্বামীর সহিত মিলিত হইবার আশায় নৌকাযোগে চন্দ্রদ্বীপে উপস্থিত হন। রাজবধুর নৌকা যে স্থানে ছিল তাহার সম্মুখে একটি হাট বসিত, তজ্জন্য অদ্যাপি সেই স্থান “বোঁঠাকুরাণীর হাট” নামে পরিচিত। রামচন্দ্র একজন বীরপুরুষ ছিলেন। তিনি ভুলুয়ার রাজা লক্ষ্মণ মাণিক্যকে বন্দী করিয়া আনিয়া হত্যা করিয়াছিলেন। প্রতাপাদিত্যের পতনের পর রামচন্দ্র স্বীয় পত্নীকে চন্দ্রদ্বীপে আনয়ন করেন। বিন্দুমতীর গর্ভে কীর্তিনারায়ণ নামে তাঁহার একটি পুত্র হইয়াছিল।

রামচন্দ্রের দেহান্তে তাঁহার পুত্র কীর্তিনারায়ণ রায় রাজাসন গ্রহণ করেন। তাঁহার কীর্তিকলাপে চন্দ্রদ্বীপ সাতিশয় উন্নতি লাভ করিয়াছিল। তৎকালে বাঙ্গালায় তাঁহার ছায় নৌযুদ্ধ বিশারদ প্রায় দ্বিতীয় ছিল না। তিনি নৌযুদ্ধ করিয়া মেঘনার উপকূল হইতে ফিরিঙ্গী-দিগকে দিড়াড়িত করেন।

কীর্তিনারায়ণের পর তাঁহার পুত্র প্রতাপনারায়ণ রায় চন্দ্রদ্বীপের অধিপতি হন। সমাজে তাঁহার সুখ্যাতি ছিল।

প্রতাপনারায়ণের মৃত্যু হইলে তাঁহার পুত্র প্রেমনারায়ণ রায় উত্তরাধিকারী হন। তিনি অতি অল্পবয়সে অপুলক অবস্থায় মৃত্যুমুখে পতিত হইয়াছিলেন। তাঁহার একমাত্র কণ্ঠার সহিত গৌরীচরণ মিত্রের বিবাহ হইয়াছিল।



৬. গৌরীচরণ মিত্র রায়।

প্রেমনারায়ণ গতানু হইলে তদীয় জামাতা গৌরীচরণ রায় চন্দ্রদ্বীপ রাজ্য অধিকার করেন। তাঁহার দুই পুত্র—উদয়নারায়ণ ও রাজনারায়ণ রায়। তদীয় জ্যেষ্ঠ পুত্র উদয়নারায়ণ রাজ্যাধিকার লাভ করেন। কনিষ্ঠ রাজনারায়ণ রায় মাতামহীর একটি বৃহৎ তালুক প্রাপ্ত হইয়া মাধবপাশার সন্নিকট প্রতাপপুরে বসতি করিয়াছিলেন। রাজনারায়ণের বংশ অদ্যাপি বিদ্যমান, কিন্তু তাঁহাদের সেই সম্পত্তি হস্তচ্যুত হইয়াছে। উদয়নারায়ণ দেবদ্বিজ ভক্ত ছিলেন। তিনি বহু ব্রাহ্মণকে ব্রহ্মোত্তর দান করেন। তিনি নিজ সমাজ ও জাতির উন্নতিকল্পে বিশেষ চেষ্টা করিতেন।

অতঃপর উদয়নারায়ণের পুত্র শিবনারায়ণ রায় চন্দ্রদ্বীপ রাজ্য প্রাপ্ত হন। তিনি চন্দ্রদ্বীপ ব্যতীত সুলতানপুর পরগণা অধিকার করেন।

শিবনারায়ণের পর তাঁহার পুত্র লক্ষ্মীনারায়ণ কয়েক বৎসর রাজত্ব করিয়াছিলেন। তিনি বিশেষ খ্যাতি প্রতিপত্তি লাভ করিতে পারেন নাই। তিনি মৃত্যুকালে অল্পবয়স্ক পুত্র জয়নারায়ণকে রাখিয়া যান।

অনন্তর জয়নারায়ণ রায় উত্তরাধিকারী হন। তাঁহার নাবালক সময় শঙ্কর বক্সী নামক জনৈক পুরাতন কর্মচারী সুবিধা পাইয়া বিশ্বাসঘাতকতা করিয়া কতক সম্পত্তি আত্মসাৎ করেন। কয়েক বৎসর পরে জয়নারায়ণ প্রাপ্তবয়স্ক হইয়া স্বহস্তে রাজ্যভার গ্রহণ করিলে শঙ্কর বক্সীর বিশ্বাসঘাতকতা প্রকাশ হয়। সেই সময় দেওয়ান গঙ্গাগোবিন্দ সিংহ বাঙ্গালার গবর্নর ওয়ারেন্ হেষ্টিংস সাহেবের রূপায় সমগ্র বঙ্গদেশের সর্বময় কর্তা ছিলেন। জয়নারায়ণ অন্তোপায় হইয়া গঙ্গাগোবিন্দের শুরণাপন্ন হন এবং বহু অর্থ বায়ে তাঁহার মনস্তৃষ্টি করিয়া গঙ্গাগোবিন্দের সাহায্যে শঙ্কর বক্সীর হস্ত হইতে বিষয় সম্পত্তির পুনরুদ্ধার করিয়াছিলেন। জয়নারায়ণ বহু অর্থ বায়ে তদীয় জননী দুর্গারামীর নামানুসারে দুর্গা সাগর নামে একটি বৃহৎ সরোবর খনন করাইয়াছিলেন। দুর্গাসাগর অদ্যাপি বর্তমান রহিয়াছে। ১৭৮৯ খৃঃ লর্ড কর্ণওয়ালিসের সময় বাঙ্গালার রাজস্ব বিষয়ে দশ সালার বন্দোবস্ত হইয়া জমিদারগণ ভূসম্পত্তির স্বত্বাধিকারী হন। সেই সময় বিশ্বাসঘাতক কর্মচারীবর্গের ষড়যন্ত্রে নির্দিষ্ট দিবসে রাজস্ব দাখিল না হয়ওয়ায় চন্দ্রদ্বীপ রাজ্য নীলাম হইয়া যায়। তদবধি মাধবপাশার রাজবংশের শোচনীয় অবস্থা হইয়াছে।

জয়নারায়ণের পুত্র নুসিংহনারায়ণ রায় নিঃসন্তান অবস্থায় পরলোকগমন করিলে তাঁহার বিধবা পত্নীদ্বয় দুইটা দত্তক গ্রহণ করেন। তাঁহারা “বড়তরুফ” এবং “ছেটন্তরুফ” নামে খ্যাত হন।

নুসিংহনারায়ণের অধস্তন বংশধরগণ অধুনা বহু প্রাচীন ও সম্মানিত চন্দ্রদ্বীপ রাজবংশের চিহ্নস্বরূপ বিদ্যমান। তাঁহারা এখন সামান্ত গৃহস্থ মাত্র। এই বংশীধরগণ দরিদ্রভাবে মাধবপাশা গ্রামে বাস

করিতেছেন । চক্রবীপের ভাগ্যলক্ষ্মী চিরদিনের জন্ত অস্তিত্ব হইয়াছেন ।
 রানী কমলাদীঘী, রানী দুর্গাদীঘী এবং কয়েকটা ভগ্ন অট্টালিকা ও
 দেবমন্দির ভিন্ন চক্রবীপের পুর্নসমৃদ্ধি আর কিছুই নাই । ভারতের
 বর্তমান ভাগ্যবিধাতা ইংরাজ গবর্ণমেন্ট অনুগ্রহ করিয়া বাথরগঞ্জ
 জেলার রাজকীয় দরবারে চক্রবীপ রাজবংশের বংশধরগণকে সর্বপ্রধান
 আসন প্রদান করিয়া থাকেন ।



কীৰ্ত্তিপাশা জমীদারবংশ ।

বাখরগঞ্জ জেলার অন্তৰ্গত কীৰ্ত্তিপাশাৰ জমিদারগণের আদি নিবাস
বিক্রমপুর পরগণার অন্তঃপাতী পোড়াগাছা গ্রাম ।

৩ দুৰ্গাদাস সেন ।

দুৰ্গাদাস সেন এই বংশের আদিপুরুষ । কনসী-নিবাসী পাহিদাস
বংশীয় হরেকৃষ্ণ রায় স্বীয় ভগিনীর বিবাহ দিয়া তাঁহাকে কীৰ্ত্তিপাশাৰ
পালন করেন । তিনি জাতীয় ব্যবসায় দ্বারা সংসারযাত্রা নিৰ্ব্বাহ
করিতেন । তিনি ধৰ্ম্মপরায়ণ ও অতিথিবৎসল পুরুষ ছিলেন । তাঁহার
পত্নী স্বামীর মৃতদেহ বক্ষে ধারণ করিয়া এক চিতায় স্বর্গারোহণ করেন ।

দুৰ্গাদাসের পুত্র রামজীবন সেন পিতার চিকিৎসা শাস্ত্র অভ্যাস করিয়া
কৃতবিদ্য হইয়াছিলেন । তিনি জাতীয় ব্যবসায় দ্বারা পরিবার প্রতিপালন
করিতেন । দেব দ্বিজ সেবায় ভক্তি ছিল । তাঁহার দুই পুত্র—রামগোপাল
ও রামেশ্বর সেন । পিতার মৃত্যুর পর উভয় ভ্রাতা পৃথক হন ।

৪ রামগোপাল সেন ।

রামজীবনের জ্যেষ্ঠ পুত্র রামগোপাল সেন একজন মুসলমান মৌলবীর
নিকট পারস্যী ভাষা শিক্ষা করিয়াছিলেন । তিনি চাকরী করিয়া জীবিকা
নিৰ্ব্বাহ করিতেন ।

রামগোপালের পুত্র রামকেশব সেন পিতার মৃত্যুর পর পৈতৃক চাকরী
প্রাপ্ত হইয়া কালাতিপাত করিতেন ।

রামকেশবের পুত্র রামগতি । তাঁহার পুত্র রাজকৃষ্ণ সেন বাঙ্গালা ও পার্শ্বী ভাষায় ব্যুৎপন্ন হইয়া ঢাকায় চাকরী করিয়াছিলেন ।

রাজকৃষ্ণের পুত্র রঘুনাথ সেন রায়ের কাঠির রাজসরকারে কর্ম করিয়া বিত্তশালী হইয়া স্বনামে একখানি জমিদারী করিয়াছিলেন । তাঁহার দুই পুত্র—চন্দ্রনাথ ও ঈশ্বরচন্দ্র সেন । তাঁহাদের পৈত্রিক বিত্তের অধিকাংশ বাকী ঞাজানা ও দেনার জন্ত নীলামে বিক্রয় হইয়া গিয়াছে । অধুনা বংশধরগণ ক্ষুদ্র তালুকের যৎসামান্য আয় দ্বারা অতি কষ্টে সংসার-যাত্রা নির্বাহ করিতেছেন ।

৬রামেশ্বর সেন ।

রামজীবনের কনিষ্ঠ পুত্র রামেশ্বর সেনের চারি পুত্র—কাশীরাম, কৃষ্ণরাম, বিষ্ণুরাম ও বলরাম সেন ; তন্মধ্যে কৃষ্ণরাম, বিষ্ণুরাম ও বলরাম এই তিন ভ্রাতা রায়ের কাঠির রাজা জয়নারায়ণ রায়ের অধীনে চাকরী করিতেন । রামেশ্বরের মৃত্যুর পর তাঁহার পুত্রগণ পৃথক হইয়াছিলেন ।

৭কাশীরাম সেন ।

রামেশ্বরের জ্যেষ্ঠ সন্তান কাশীরামের পুত্র হরেকৃষ্ণ সেন পৈতৃক জমিদারীর আয় দ্বারা সচ্ছন্দে কালাতিপাত করিয়াছিলেন । তাঁহার পুত্র রামকিশোর । তৎপুত্র কৃষ্ণমোহন সেন বিচক্ষণ ও ধার্মিক লোক ছিলেন । তিনি স্বীয় বুদ্ধিবলে জমিদারী হইতে অনেক বিত্ত সঞ্চয় করেন । তিনি সাহসী ও বলবান পুরুষ ছিলেন । তাঁহার পুত্র কাশীচন্দ্র সেন পিতার জ্ঞান অতিশয় বৃদ্ধিমান ছিলেন । তাঁহার ধর্ম্মকার্য্যে প্রবৃত্তি ছিল । তিনি বাটীর সম্মুখে এক পাষণময়ী কালীমূর্ত্তী স্থাপন

করেন ও একটি জলাশয় খনন করাইয়াছিলেন । কাশীচন্দ্রের দুই বিবাহ হয়, তন্মধ্যে প্রথম স্ত্রীর গর্ভে কালীপ্রসন্ন নামে একটি পুত্র জন্মিয়াছিল ; দ্বিতীয়া পত্নী নিঃসন্তান ছিলেন । কালীপ্রসন্ন ব্রাহ্মণকে দান ও বিপ্লবের বিপত্ত্বকার করিয়া জনসমাজে যশস্বী হইয়াছিলেন । তাঁহার সময় পৈতৃক জমিদারী নীলামে বিক্রয় হইয়া যায় । কালীপ্রসন্নের এক মাত্র পুত্র সারদাপ্রসন্ন পিতার জীবিত কালে লোকান্তরিত হন । সারদাপ্রসন্নের একটি কন্যা বিদ্যামান ।

কৃষ্ণরাম সেন ।

রামেশ্বরের দ্বিতীয় পুত্র কৃষ্ণরাম সেন ১৬৮৮ খৃঃ জন্মগ্রহণ করেন । তিনি অসাধারণ বুদ্ধিবলে রায়ের কাঠার রাজবাটীর দেওয়ান পদে নিযুক্ত হইয়াছিলেন এবং নবাব সরকার হইতে “মজুমদার” উপাধি লাভ করেন । অদ্যাপি কৌত্তিপাশার জমিদার বাটী “মজুমদার বাড়ী” নামে অভিহিত হইতেছে । কৃষ্ণরাম ভ্রাতৃগণ সহিত রঘুদেব রায়ের জমিদারী ক্রয় করিয়া ছিলেন । এই তালুকের অংশ কাশীরাম তিন আনা, কৃষ্ণরাম ছয় আনা, বিষ্ণুরাম তিন আনা এবং বলরাম চারি আনা প্রাপ্ত হন । রাজা জয়নারায়ণের সময় বঙ্গদেশে বর্গীর হাঙ্গামা হইয়াছিল, সেই সময় তাহার সেলিমায়ণের আগমন করিয়া কোন কোন গ্রাম ধ্বংস করিয়াছিল । জয়নারায়ণের রাজস্ব বাকী হইলে নবাব আলিবর্দী খাঁ রাজস্ব আদায় করিবার জন্য ঢাকার শাসনকর্তা মহম্মদকে আদেশ দিয়াছিলেন । রাজা জয়নারায়ণ রাজস্ব দায়ে দ্বন্দ্ব হইয়া ঢাকায় আনীত হন ; কিন্তু তখন দেওয়ানগণ রাজস্বের দায়ী থাকিতেন বলিয়া রাজাকে মুক্তি দিয়া তাঁহার দেওয়ান কৃষ্ণরামকে দত্ত করিয়াছিলেন । নবাব কৃষ্ণরামের প্রভুভক্তি ও কতিপয় সদগুণে সন্তুষ্ট হইয়া তাঁহার প্রভুর রাজ্য অব্যাহতি দান করেন । কৃষ্ণরাম

অসাধারণ কৌশলে নিজ জীবন উৎসর্গ করিয়া প্রভু ভক্তির পরাকাষ্ঠা দেখাইয়া রায়ের কাঠির জমিদারী রক্ষা করিয়াছিলেন। এই কৃষ্ণরাম হইতেই কীর্ত্তিপাশার ভাগ্য-লক্ষ্মী উদ্ভিতা হন। অনন্তর রাজা জয়নারায়ণ তদীয় দেওয়ানের গুণে মুগ্ধ হইয়া তাঁহার পুত্র রাজারামের নামে এক বৃহৎ তার্লুক অর্পণ করেন। কৃষ্ণরাম বুদ্ধিমান, শ্রাবান, সচ্চরিত্র ও ধার্মিক ছিলেন। তিনি অনেক সংব্রাহ্মণকে ব্রহ্মোত্তর দান করিয়াছিলেন। কৃষ্ণরাম বহুকাল রায়ের কাঠির রাজসংসারে কার্য্য করিয়া স্বীয় পুত্রকে নিজকার্য্য প্রদানপূর্ব্বক অবসর গ্রহণ করেন। যশোহর জেলার অন্তর্গত কালিয়া-নিবাসী রামরাম দাস ঘটক বিশারদের সহিত স্বীয় কন্তা জয়মালার বিবাহ দিয়া তাঁহাকে কীর্ত্তিপাশার স্থাপন করেন। জয়মালার বংশধর-গণ অদ্যাপি কৃষ্ণরামের প্রদত্ত যৌতুক ভূসম্পত্তি ভোগ করিতেছেন। রামরামের বংশধরগণ মধ্যে নীলমাধব কবিভূষণ, গৌরচন্দ্র কবিভূষণ, প্যারীমোহন কবিরত্ন, উমাচরণ কবিরত্ন ও অক্ষয়কুমার কবিরঞ্জনব নাম বিশেষ উল্লেখযোগ্য। কৃষ্ণরাম স্বগৃহে সিদ্ধেশ্বরীর পাষণময়ী মূর্ত্তি, দশভূজা মূর্ত্তি ও গোপাল মূর্ত্তি প্রতিষ্ঠা করেন। ১৭৫২ খৃঃ দেওয়ান কৃষ্ণরাম সেন পরলোকগমন করিয়াছেন। তাঁহার রাজারাম নামে একটি পুত্র এবং জয়মালা নামী কন্তা জন্মিয়াছিল।

কৃষ্ণরামের একমাত্র পুত্র রাজারাম সেন ১৭১৭ খৃঃ জন্মগ্রহণ করেন। রাজারাম পিতার মৃত্যুর পরে কিছুদিন রায়ের কাঠির রাজসরকারে দেওয়ানের কার্য্য করিয়াছিলেন। রাজা জয়নারায়ণের মৃত্যুর পর তাঁহার পুত্রগণ মধ্যে আত্মকলহ উপস্থিত হইলে রাজারাম রাজকার্য্য পরিত্যাগ করিয়া নিজ বিষয় সম্পত্তি রক্ষণাবেক্ষণে কালাতিপাত করেন। তিনি ব্রাহ্মণ ও অতিথিকে ভক্তি করিতেন। ১৭৬৮ খৃঃ রাজারাম সেন স্বজ্ঞানে গঙ্গালাভ করেন। বাসঙা-নিবাসী জয়দেব সেন মহলানবিশ মহাশয়ের কন্তা রামমালার সহিত রাজারামের বিবাহ হইয়াছিল।

তঁাহার গর্ভে রাজারামের হই পুত্র নবকুমার ও কালাচাঁদ এবং চারি কন্যা জন্মিয়াছিল ।

৬ নবকুমার সেন ।

রাজারামের জ্যেষ্ঠ পুত্র নবকুমার সেন ১৭৫৭ খৃঃ জন্মগ্রহণ করেন । তিনি গাবখান হইতে কীর্তিপাশা পর্য্যন্ত একটি খালও রাস্তা প্রস্তুত করাইয়াছিলেন । ১৮২৬ খৃঃ নবকুমার সেন অকস্মাৎ মৃত্যুমুখে পতিত হইলে তঁাহার পত্নী স্বামীর চিতারোহণ করেন । তিনি মৃত্যুকালে কালীকুমার নামে পুত্র ও একটা কন্যা রাখিয়া যান । নবকুমারের বংশধরগণ এখন “বড় হিঙ্গার” অধিকারী ।

নবকুমারের পুত্র কালীকুমার সেন ১৮০৬ খৃঃ জন্মগ্রহণ করেন । তিনি অতিশয় বলবান পুরুষ ছিলেন । কান্দারপাড়া-নিবাসী কৃষ্ণকান্ত সেনের কন্যা হরমুন্দরীর সহিত তঁাহার বিবাহ হইয়াছিল । ১৮৩৮ খৃঃ কালীকুমার সেন স্বর্গারোহণ করিলে তঁাহার ষোড়শ বর্ষীয়া সহধর্ম্মিনী মৃত স্বামীর চিতারোহণ করেন । তৎপূর্বে রাজকুমারকে দত্তক গ্রহণ করা হইয়াছিল ।

কালীকুমারের পোষ্যপুত্র রাজকুমার সেন ১৮৩৯ খৃঃ স্বয়ং জমিদারীর ভার গ্রহণ করিয়া দক্ষতার সহিত বৈষয়িক কার্য্য নির্বাহ করিতেন । তিনি তিনটা খারিজা সম্পত্তি ক্রয় করেন । ১৮৪৪ খৃঃ রাজকুমার “চৌদ্দমাদন মহোৎসব” করিয়া ভারতীয় বহু বৈষ্ণব সম্প্রদায়কে নিমন্ত্রণ করিয়া যথোচিত টাকা বিদায় দিয়াছিলেন । এই ব্যাপারে তঁাহার লক্ষাধিক মুদ্রা ব্যয় হয় । ১৮৪৫ খৃঃ ১৭ই সেপ্টেম্বর রাজকুমার সেন মানবলীলা সম্বরণ করেন । ষোড়শ বৎসর বয়সে সিদ্ধকারী-নিবাসী কালাচাঁদ সেনের কন্যার সহিত বিবাহ হইয়াছিল । তিনি মৃত্যুকালে একমাত্র নাবালক পুত্র প্রসন্নকুমারকে রাখিয়া যান ।

৬ প্রমত্তকুমার সেন ।

রাজকুমারের পুত্র প্রমত্তকুমার সেন ১৮৩৯ খৃঃ জন্মগ্রহণ করেন । তিনি সাধারণতঃ “নাবালক বাবু” বলিয়া পরিচিত ছিলেন । ষষ্ঠ বৎসর বয়সে পিতৃবিয়োগ হওয়ার গবর্ণমেন্টের পক্ষ হইতে রেলী সাহেব তাঁহার তত্ত্বাবধায়ক নিযুক্ত হন । তিনি প্রথমে বরিশালে বিদ্যাশিক্ষা করেন, তৎপরে ঢাকায় সামান্য ইংরাজি শিক্ষা করিয়া ক্রমে ঐ ভাষায় বুৎপন্ন হন । ১৮৫৭ খৃঃ প্রাপ্তবয়স্ক হইলে গবর্ণমেন্টের নিকট হইতে স্বীয় জমিদারীর ভার প্রাপ্ত হন । তিনি সেলিমাবাদের জমিদারীর অংশ ক্রয় করেন ; তৎপরে পরগণা বোজুরগ-সেদপুর মধ্যে কিছু ভূসম্পত্তি ক্রয় করিয়াছিলেন । তিনি নিজ জমিদারীর উন্নতি সাধন করিয়া যান । কীর্ত্তিপাশাব নানাপ্রকার হিতকর কার্য্য করিয়া যশোভাজন হইয়া গিয়াছেন । ১৮৬৩ খৃঃ তিনি একটি বাঙ্গালা স্কুল প্রতিষ্ঠা করেন ; তাঁহার স্থাপিত মাইনার স্কুলটা বাথরগঞ্জে সর্বোচ্চ স্থান অধিকার করিয়া আসিতেছে । ১৮৭২ খৃঃ তিনি একটি দাতব্য চিকিৎসালয় প্রতিষ্ঠা করেন । ১৮৭৫ খৃঃ স্বর্গীয় ভারতেশ্বর সপ্তম এডওয়ার্ড যুবরাজরূপে কলিকাতায় আগমন কালে তিনি রাজদরবারে নিমন্ত্রিত হইয়াছিলেন । সেই সময় জুওলজিকাল গার্ডেন, রয়েল এসিয়াটিক সোসাইটী, জমিদারী পঞ্চায়ৎ এবং ব্রিটিশ ইণ্ডিয়ান এসোসিয়েশন প্রভৃতি সমিতির সভ্য মনোনীত হন । ১৮৭৬ খৃঃ রাজপ্রতিনিধি লর্ড নর্থব্রুক ঢাকা গমনকালে তদুপলক্ষে তিনি বাথরগঞ্জ জেলার জমিদারগণের মধ্যে নিমন্ত্রিত হন । ১৮৭৬ খৃঃ তিনি তীর্থ ভ্রমণে বহির্গত হইয়া বৈদ্যনাথ, পাটনা, হরিদ্বার, হরিদ্বারছত্র, গয়া, কান্দী, প্রয়াগ, নৈমিষারণ্য, অযোধ্যা, কুরুক্ষেত্র, মথুরা, আগরা, বৃন্দাবন, পুর, জয়পুর, যোধপুর, উদয়পুর, নীলাচল, দিল্লী, দখিচীর আশ্রম, গাজিরাবাদ, অমৃতসহর, আশালা, আজমীর, বৃন্দী

প্রভৃতি স্থান পরিভ্রমণ করেন। তিনি অসাধারণ প্রতিভাশালী ও বদান্ত পুরুষ ছিলেন। ১৮৭৬ খৃঃ প্রসন্নকুমার সেন মানবলীলা স্বধরণ করেন। দ্বাদশ বৎসর বয়ঃক্রমকালে খুলনা জেলার অন্তর্গত তটপ্রতাপ-নিবাসী কালীমোহন সেনের কন্যার সহিত বিবাহ হইয়াছিল। তিনি মৃত্যুকালে রোহিণীকুমার, শ্রীযুক্ত কামিনীকুমার, শ্রীযুক্ত রমণীকুমার ও শ্রীযুক্ত বিনোদকুমার নামে চারি পুত্র এবং তিনটি কন্যা রাখিয়া যান।

১৮৬৭ খৃঃ প্রসন্নকুমারের জ্যেষ্ঠ পুত্র রোহিণীকুমার সেন জন্মগ্রহণ করেন। তিনি অমান্বিক ও বুদ্ধিমান ছিলেন। তাঁহার ইংরাজী ও বাঙ্গালা ভাষায় অধিকার ছিল। তিনি “কনকলতা, চিতোর উদ্ধার, চণ্ড বিক্রম, প্রমোদবালা, মায়াবিনী, কিরণসিংহ, সুধামুখী ও আমার পূর্ব পুরুষ” নামক আটখানি গ্রন্থ প্রণয়ন করিয়া বঙ্গীয় সমাজে প্রশংসিত হন। তিনি জনসাধারণের নিকট সুখ্যাতি অর্জন করিয়া-ছিলেন। কয়েক বৎসর অতীত হইল রোহিণীকুমার সেন লোকান্তরিত হইয়াছেন।

৬ কালার্টাদ সেন ।

রাজারামের কনিষ্ঠ পুত্র কালার্টাদ সেন ১৭৬০ খৃঃ ভূমিষ্ঠ হন। কালার্টাদের দুই কন্যা বাতীত পুত্র সন্তান ছিল না। ১৮২১ খৃঃ ডিসেম্বর মাসে তিনি গতান্ন হন। কালার্টাদ দত্তক পুত্রকে তাঁহার নিজের আট আনি অংশের ছয় আনি ও ভ্রাতৃপুত্র কালীকুমারকে দুই আনি অংশ দিয়া যান। কালার্টাদের মৃত্যুর পর তাঁহার পত্নী তারিণী, চন্দ্র-কুমারকে পোষ্যপুত্র গ্রহণ করেন। তাঁহার বংশধরগণ “ছোট হিস্যার” অধিকারী।

তারিণীর মৃত্যুর পর চন্দ্রকুমার স্বয়ং বিষয় কার্যের ভার গ্রহণ করেন।

তঁাহার দুই কন্যা বাতীত পুত্র সন্তান হয় নাই। তিনি শশিকুমারকে দস্তর্ক গ্রহণ করিয়াছিলেন।

শশিকুমার সেন ১৮৫৭ খৃঃ জন্মগ্রহণ করেন। তিনি কৃতবিদ্যা, বুদ্ধিমান এবং ইংরাজী ও বাঙ্গালা ভাষায় পারদর্শিতা লাভ করেন। ১৮৯২ খৃঃ হুর্ভিক্ষ সময়ে নিজ বাড়িতে একটি অন্নসত্র স্থাপন করিয়া বহু লোকের জীবন রক্ষা করিয়াছেন। তিনি সঙ্গীত শাস্ত্রে ব্যাংপন্ন ছিলেন এবং অনেকগুলি সঙ্গীত রচনা করিয়া গিয়াছেন। তিনি একজন নিষ্ঠাবান হিন্দু ছিলেন। ১৮৯৪ খৃঃ ৩১শে ডিসেম্বর শশিকুমার বিধবা পত্নী, অন্নদা-কুমার ও ভূপেন্দ্রকুমার নামে দুই পুত্র ও চারি কন্যা রাখিয়া লোকান্তরিত হইয়াছেন।

৬ বিষ্ণুরাম সেন।

রামেশ্বরের তৃতীয় পুত্র বিষ্ণুরাম সেন রায়ের কাঠির রাজার অধীনস্থ সুতালরি নামক স্থানে তহশীলদারী কার্যা করিতেন। তিনি সম্পত্তি অনেক বৃদ্ধি করিয়াছিলেন। তঁাহার পুত্র রামেশ্বর রায়ের কাঠির অধীনে চাকরী করিতেন। তদীয় পুত্র দেবীচরণের তিন পুত্র—মদনমোহন, কালাচাঁদ ও রামগতি। পিতার মৃত্যুর পর ত্রাতৃত্রয় পৃথক হইয়াছিলেন।

জ্যেষ্ঠ মদনমোহনের চারি পুত্র—চন্দ্রনাথ, আনন্দনাথ, উমানাথ ও দুর্গানাথ সেন। জ্যেষ্ঠ ও মধ্যমের পুত্র সন্তান হয় নাই। তৃতীয় উমানাথ অতি ধীর ও সরল প্রকৃতির লোক ছিলেন। তঁাহার পুত্র ত্রীযুক্ত মহিমচন্দ্র সেন। কনিষ্ঠ দুর্গানাথ পিরোজপুরে মোক্তারী করিয়া থাকেন। তঁাহার দুই পুত্র—ত্রীযুক্ত তারকচন্দ্র ও সথানাথ সেন।

দেবীচরণের কনিষ্ঠ পুত্র রামগতির দুই পুত্র—গুরুপ্রসাদ ও মোহন চন্দ্র সেন। জ্যেষ্ঠ গুরুপ্রসাদের পুত্র ত্রীযুক্ত কালীপ্রসন্ন সেন। কনিষ্ঠ

মোহনচন্দ্রের তিন পুত্র—শ্রীযুক্ত কৈলাসচন্দ্র, শ্রীযুক্ত যোগেশচন্দ্র ও শ্রীযুক্ত মধুসূদন সেন ।

৮ বলরাম সেন ।

রামেশ্বরের কনিষ্ঠ পুত্র বলরাম সেন নিজ নামে বিষয় সম্পত্তি করিয়া ছিলেন । তাঁহার দুই বিবাহ, তন্মধ্যে প্রথমা পত্নীর গর্ভে শ্যামরাম ও সোনারাম নামে দুই পুত্র এবং অপর পত্নীর গর্ভে জয়চন্দ্র ও গোপীচন্দ্র নামে দুই পুত্র হইয়াছিল ।

জ্যেষ্ঠ শ্যামরামের পুত্র প্রাণনাথিক্য । তাঁহার পুত্র শম্ভুচন্দ্র সেন বুদ্ধিমান ও কার্যাত্মক ছিলেন । তাঁহার পুত্র শ্রীযুক্ত নরীনচন্দ্র সেন ।

তৃতীয় জয়চন্দ্রের দুই পুত্র—গোলকবিহারী ও মোহনবিহারী । জ্যেষ্ঠ গোলকবিহারীর পুত্র অখিলচন্দ্রের পৈতৃক জমিদারীর অধিকাংশ বিক্রয় হইয়া গিয়াছে । তাঁহার পুত্র শ্রীযুক্ত বসন্তকুমার সেন ।

ମକ୍ତବ୍ୟ ଶ୍ରଦ୍ଧ ।

ଚଢ଼ିଘ୍ରାମ ବିଭାଗ ।

ভুলুয়া রাজবংশ ।

৮ বিশ্বস্তুর শূর ।

১২০৩ খৃঃ বক্তিরার খিলিজি কর্তৃক বঙ্গ-বিজয়েব সমকালে বিশ্বস্তুর শূর নামক মিথিলা দেশীয় কোন রাজকুমার চট্টগ্রামের অন্তর্গত চন্দ্রনাথ তীরে আগমন করেন। গৃহে প্রত্যাগমনকালে নাবিকগণ দিক্‌ভ্রান্ত হইয়া বঙ্গোপসাগরের উপকূলে একটি দ্বীপ প্রাপ্ত হইয়া পোতসমূহ ধীরে নিকট সংলগ্ন করিয়াছিল। রাজিকালে বিশ্বস্তুরের প্রতি স্বপ্নাদেশ হয় যে, তাঁহার অর্ণবপোতের দক্ষিণ পার্শ্বে বারাহী দেবী জলমগ্না আছেন ; সমুদ্র হইতে উত্তোলনপূর্ব্বক যথাবিধি দেবীর অর্চনা করিলে সন্নিহিত দ্বীপপুঞ্জে বিশ্বস্তুরের রাজ্য লাভ হইবে। অতঃপর বিশ্বস্তুর বারাহী দেবীকে সমুদ্রগর্ভ হইতে উত্তোলন করিয়া যথাবিধি পূজা করেন। কথিত আছে, ঐ দিবস নিবিড় কুজ্জটিকাজালে আকাশমণ্ডল সমাচ্ছন্ন থাকায় দেবীকে পূর্বাশ্রু করিয়া সংস্থাপিত করা হয়। দক্ষিণ অথবা পশ্চিমাশ্রু করিয়া দেব দেবী প্রতিষ্ঠা করা নিয়ম। দেবীর প্রীত্যর্থ ছাগ বলিদান কালেও দিগ্‌ভ্রমবশতঃ ছাগ পশ্চিমাভিমুখে স্থাপিত হয়, পরে সূর্য্যোদয়ে কুজ্জটিকা অপনীত হইলে ভুল বুঝিতে পারিয়া “ভুল হয়া” স্থির করেন। এই “ভুল হয়া” শব্দ হইতে “ভুলুয়া” নামের উৎপত্তি হইয়াছে। কালক্রমে বিশ্বস্তুর শূরের প্রতিষ্ঠিত নবীন রাজ্য ভুলুয়া নামে অভিহিত হয়। অদ্যাপি ভুলুয়া ঐদেশে বহুস্থানে পশ্চিমাশ্রু করিয়া ছাগ বলি দিবার ব্যবস্থা আছে। রাজা বিশ্বস্তুর কল্যাণপুরে রাজধানী স্থাপন করিয়া বারাহী দেবীকে তথায় প্রতিষ্ঠিত করেন। পরে রাণী শশিসুখী যখন কাশীধামে গমন করেন, তখন অমিশাপাড়ার রাজপুত্রোচিত

রাধাকান্ত চক্রবর্তীর বাটীতে বারাহী দেবী স্থানান্তরিত হন। তদবধি এই স্থানে বারাহী দেবী বিদ্যমান। বঙ্গোপসাগরের উত্তর পূর্ব প্রান্তস্থিত দ্বীপপুঞ্জের সমাহারে ভুলুয়া পরগণার সৃষ্টি হয়। প্রাচীর ভুলুয়া বর্তমান নোয়াখালী জেলার অন্তর্গত। জনশ্রুতি আছে যে, ভুলুয়ার শূর রাজবংশ জাতিতে ক্ষত্রিয় ছিলেন। বিশ্বম্ভর শূর আদিশূরের বংশ বলিয়া এক কিশ্বদন্তী প্রচলিত রহিয়াছে, কিন্তু ইহার কোন বিশ্বাসযোগ্য ইতিহাস প্রাপ্ত হওয়া যায় না। বিশ্বম্ভরের উত্তর পুরুষগণ ত্রিপুরার রাজদণ্ডের অধীনতা স্বীকার করিতে বাধ্য হইয়াছিলেন। ত্রিপুরার সামন্ত শ্রেণীতে ভুলুয়ারাজ সর্বপ্রধান বলিয়া আখ্যাত হইতেন। প্রাচীন ত্রৈপুর নৃপতি-বৃন্দের অভিষেককালে ভুলুয়াপতিগণ তাঁহাদের সলাটে রাজটীকা প্রদান করিতেন। ত্রিপুরেশ্বরগণ সিংহাসনে প্রথম উপবেশন করিলে ভুলুয়ার রাজগণ সর্বপ্রথম “নজর” প্রদান করিতেন। রাজা বিশ্বম্ভরের চারি পুত্র—গণপতি, মনোহর, হেমন্ত ও দামোদর।

৬ গণপতি রায় ।

বিশ্বম্ভরের মৃত্যুর পর তাঁহার জ্যেষ্ঠ পুত্র গণপতি রায় রাজোপাধি ধারণপূর্বক সিংহাসনে আরোহণ করেন। তাঁহার প্রভাবে ও স্মরণে রাজ্যের উন্নতি হইয়াছিল।

৭ শূরানন্দ রায় ।

অনন্তর গণপতির পুত্র রাজা শূরানন্দ খাঁ পিতৃরাজ্যের অধিকারী হন। তিনি মুসলমান সরকারের সৈনিক বিভাগে কার্য্য করিয়া “খাঁ” উপাধি লাভ করেন। তাঁহার তিন পুত্র—দেবানন্দ, জীরাম ও বিদ্যানন্দ খাঁ।

৬ দেবানন্দ রায় ।

অতঃপর তদীয় পুত্র রাজা দেবানন্দ খাঁ ভুলুয়া রাজ্যের শাসনভার প্রাপ্ত হন । তিনি বিচক্ষণ, কৰ্ম্মদক্ষ ও প্রজাবৎসল নরপতি ছিলেন । তাঁহার সুশাসনে রাজ্যের সমধিক উন্নতি হইয়াছিল ।

৬ কবিচন্দ্র রায় ।

তৎপরে শ্রীরাম খাঁর পুত্র রাজা কবিচন্দ্র খাঁ এই রাজ্যের অধিপতি হন । তিনি কায়স্থ সমাজের কুলীনগণের সহিত ভোজ্যার সংস্থাপন মানসে চন্দ্রদ্বীপাধিপতির নিকট আবেদন করেন । তৎকালে ভুলুয়ারাজ কায়স্থ সমাজপতি চন্দ্রদ্বীপাধিপতি ও কুলাচার্যগণকে বশীভূত করিয়া কুলীন কায়স্থগণকে স্বীয় আলয়ে আহ্বান করেন । তদনুসারে কায়স্থ সমাজের কুলীনগণ ভুলুয়ার শূর রাজবংশের অন্ন গ্রহণ করায়, শূরবংশ কায়স্থ সমাজে প্রতিষ্ঠিত হয় । এই সময় পুষণ বম্বর অতি বদ্ধ প্রপৌত্র হংস বম্বর, গোপাল বম্বর (বিক্রমপুর বহরের চৌধুরীগণের পূর্বপুরুষ) বিক্রমপুরের অন্তর্গত চতুর্নগল গ্রামের পাই মিত্র প্রভৃতি কতিপয় কুলীন কায়স্থ ভুলুয়ার শূররাজের অন্ন গ্রহণ করিতে পরাধীন হইয়া রাজপ্রাসাদ হইতে পলায়ন করেন । কায়স্থ সমাজের কিস্বদন্তী অনুসারে প্রোক্ত হংস বম্বর, গোপাল বম্বর ও পাই মিত্র ভুলুয়া হইতে পলায়ন অপরাধে কুলজ শ্রেণীতে অবনত হন । এই ব্যাপারে পাই মিত্রের কুলভ্রংশের পর বঙ্গজ কায়স্থ সমাজে মিত্রবংশের আর কুল থাকে নাই । কবিচন্দ্র খাঁর চারি পুত্র—রাজবল্লভ, রামনাথ, গোপাল ও কৃষ্ণরাম রায় ।

৬ রাজবল্লভ রায় ।

কবিচন্দ্রের দেহান্তে তাঁহার পুত্র রাজা রাজবল্লভ রায় ভুলুয়া রাজ্যের উত্তরাধিকারী হন । তিনি অতি হীনপ্রতাপ ছিলেন । তাঁহার রাজত্ব-কালে আরাকানাদিপতি স্বীয় মগ সৈন্যসহ পূর্বাঞ্চল আক্রমণ করিয়া লুণ্ঠন করিতে থাকেন । মগদিগের আক্রমণবেগ নিবারণ করিতে অসমর্থ হওয়ায় তিনি শ্রবংশীয় জৈনক মুসলমান নৃপতির সাহায্যে মগদিগকে বিতাড়িত করেন । তাঁহার তিন পুত্র—লক্ষ্মণমাণিক্য, অনন্ত-মাণিক্য ও উদয়মাণিক্য রায় ।



৭ লক্ষ্মণমাণিক্য রায় ।

রাজবল্লভের জ্যেষ্ঠ পুত্র রাজা লক্ষ্মণমাণিক্য রায় তৎকালীন দ্বাদশ ভৌমিকের অগ্রতম ছিলেন । তিনি মেঘনা নদীর পূর্বতীরবর্তী ভুলুয়া প্রদেশে রাজত্ব করিতেন । অধুনা তাহা নোয়াখালী জেলার অন্তর্ভুক্ত থাকিয়া অত্র ভূস্বামীর জমিদারীতে পরিণত হইয়াছে । লক্ষ্মণমাণিক্য একজন অসাধারণ বীরপুরুষ ছিলেন । তিনি সংগ্রাম কালে একটি কবচ পরিধান করিতেন, উহার ওজন প্রায় অর্দ্ধমণ ছিল । সেই কবচ এখনও কল্যাণপুর রাজবাটীতে সযত্নে রক্ষিত হইতেছে । তিনি মেঘনার তীরবর্তী অনেকগুলি পরগণার উপর আধিপত্য বিস্তার করিয়াছিলেন । লক্ষ্মণমাণিক্য সংস্কৃত ভাষার সুপণ্ডিত ছিলেন, অর্জুন কর্তৃক কর্ণবধ অবলম্বন করিয়া “বিখ্যাত-বিজয়” নামে একখানি সংস্কৃত কাব্য নাটক রচনা করেন । তৎকালে তিনি ঐ অঞ্চলে কারস্থ গোষ্ঠীপতি ছিলেন । তাঁহার প্রভাবকালে ভুলুয়া সমাজে বহু সম্ভ্রান্ত ব্রাহ্মণ ও কারস্থ বংশ প্রতিষ্ঠিত হয় । লক্ষ্মণমাণিক্য গাভার ঐসিদ্ধ ঘোষবংশের

পূর্বপুরুষ পরমানন্দ ঘোষের সহিত আপনার এক তনয়ার বিবাহ দিয়াছিলেন। গাভার ঘোষবংশ বঙ্গ কায়স্থ সমাজে কোলিন্যের জন্য প্রসিদ্ধ ; কিন্তু পরমানন্দ ভুলুয়া রাজের কন্যা গ্রহণ করায় চন্দ্রদ্বীপ সমাজে অপদস্থ হন এবং অনন্যোপায় হইয়া ভুলুয়ায় প্রত্যাবর্তন করেন। তৎকালে বঙ্গীয় কায়স্থ সমাজে যশোহরের প্রতাপাদিত্য রায়, চন্দ্রদ্বীপের রামচন্দ্র রায়, বিক্রমপুরের কেদার রায় এবং ভূষণার মুকুন্দ রায় স্ব স্ব সমাজের দলপতি ছিলেন। জামাতা সমাজচ্যুত হইয়া ভুলুয়ায় প্রত্যাবৃত্ত হইলে লক্ষণমাণিক্য বিক্রমপুর, ভূষণা, চন্দ্রদ্বীপ ও যশোহর সমাজের অধিপতিগণকে স্বগৃহে নিমন্ত্রণ করিয়াছিলেন। এই বিষয় লইয়া চন্দ্রদ্বীপাধিপতি রামচন্দ্র রায়ের সহিত লক্ষণ মাণিক্যের মনোমালিন্য ঘটিয়াছিল। একদা রামচন্দ্র রায় আত্মীয়তা স্থাপনের ভাণ করিয়া ভুলুয়ায় আগমন করিলে লক্ষণমাণিক্য প্রীত হইয়া রামচন্দ্রের সহিত তাঁহার নৌকায় সাক্ষাৎ করেন। সেই সময় বিশ্বাসঘাতক রামচন্দ্র স্বীয় প্রধান সেনাপতি রামাইমাল ও অন্ত্যাত্ম অহুচর দ্বারা নিরস্ত্র লক্ষণ মাণিক্যকে বন্ধন করিয়া চন্দ্রদ্বীপে লইয়া যান। অতঃপর তাঁহাকে অতি নিষ্ঠুর ভাবে হত্যা করা হইয়াছিল। লক্ষণমাণিক্যের চারি পুত্র—বিজয়মাণিক্য, অমরমাণিক্য, ধর্মমাণিক্য ও চন্দ্রমাণিক্য। বিজয়মাণিক্যের পুত্র রাজা রুদ্রমাণিক্য ও অমরমাণিক্যের পুত্র রাজমাণিক্য এবং অপর দুইজন নিঃসন্তান ছিলেন।

৬ রুদ্রমাণিক্য রায় ।

লক্ষণমাণিক্যের হত্যার পর তাঁহার পৌত্র রুদ্রমাণিক্য রায় ভুলুয়ার অধীশ্বর হন। ১৫২৭ খৃঃ খ্রিপুরাধিপতি অমর মাণিক্য সিংহাসনে আরোহণ করেন। তৎকালে ভুলুয়াপতি চিরপ্রচলিত প্রথাগুসারে তাঁহাকে

রাজটীকা প্রদানপূর্বক “নজর” দিতে অসম্মত হন ; তজ্জন্ত অমর মাণিক্য ভুলুয়া আক্রমণ করিয়া তাঁহাকে রাজস্ব প্রদানে বাধ্য করিয়াছিলেন । তাঁহার রাজত্বকালে ভুলুয়ার অবস্থা অতীব শোচনীয় হয় । রুদ্রমাণিক্য অপুত্রক অবস্থার পরলোকগমন করিলে, রাণী শশিমুখী তৎস্থলে রাজত্ব করেন ।

মগ ও মুসলমানদিগের সহিত বিবাদ করিয়া ত্রিপুরেশ্বরগণ দুর্বল হইলে ভুলুয়াপতি হইতে রাজস্ব গ্রহণে অক্ষম হন । অতঃপর ভুলুয়ার রাজগণ মোগলের অধীনস্থ জমিদার হইয়াছিলেন । ১৭২৮ খৃঃ ভুলুয়া রাজ্য ১৪টি জমিদারীতে বিভক্ত হয় । রাজা রুদ্রমাণিক্য রায়ের পত্নী শশিমুখীর শাসনকালে নিজ ভুলুয়া রাজ্য তিন ভাগে বিভক্ত হইয়াছিল । শূরবংশের দুইটি কনিষ্ঠ শাখা দুই অংশ এবং রাজবংশের দেওয়ান খিল-পাড়া-নিবাসী নারায়ণ রায় চৌধুরী একাংশ গ্রহণ করেন । শূরবংশের সেই দুইটি শাখা দত্তপাড়া ও মাইজদির চৌধুরী বলিয়া অত্য়পি পরিচিত । ১৮৩৩ খৃঃ মাইজদির জমিদার ত্রীযুত রায় চৌধুরী মানবলীলা সম্বরণ করিলে রাজস্ব দায়ে ভুলুয়া পরগণা নীলামে বিক্রয় হয় । সেই সময় ভুলুয়ার রাজলক্ষ্মী পাইকপাড়ার রাজবংশে আশ্রয় গ্রহণ করিয়াছেন । ১৮৩৪ খৃঃ পাইকপাড়ার পূর্বপুরুষ স্বনামধন্য লালাবাবুর পত্নী প্রসিদ্ধা রাণী কাত্যায়নী স্বতঃপ্রবৃত্তা হইয়া তাঁহাদিগকে একটি লাথেরাজ দিয়া-ছিলেন । তাহারও অনেকাংশ হস্তচ্যুত হইয়াছে । অধুনা ভুলুয়া রাজ-বংশের বংশধরগণ অতি সামান্ত ভাবে কালাতিপাত করিতেছেন । তথাকার প্রকাণ্ড ভগ্নাবশেষ ভিন্ন এই রাজবংশের প্রাচীন গৌরবের স্মৃতি আর কিছুই নাই । সেই প্রাচীন নগরের ধ্বংসাবশেষ এখন বিদ্যমান । তাহার বিস্তৃতবক্ষে সৌধমালা ও দেবমন্দিরের ভগ্নস্তূপ এক উদাসকর মহাশ্মশানের চিত্র অঙ্কন করিয়া জগতের নন্দরত্ন ঘোষণা করিতেছে ।

ସତ୍ତା ଥାଉ ।

କରଦ-ରାଜ୍ୟ ।

কোচবিহার রাজবংশ ।

সমগ্র বঙ্গদেশের মধ্যে কোচবিহার সর্বপ্রধান করদ রাজ্য । এই রাজ্যের পরিমাণ ফল ১৩০৭ বর্গমাইল এবং ৬,০২,৬২৪ লোকসংখ্যা । কোচবিহার রাজ্যের নিজস্ব ২ অশ্বারোহী সৈন্তদল, ১৭৬ পদাতিক সৈন্তদল, ৪ কামান আছে । রাজ্যের বার্ষিক রাজস্ব ১৩ লক্ষ ৫০ হাজার টাকা । কোচবিহারের বর্তমান রাজগণ আপনাদিগকে শিববংশীয় বলিয়া পরিচয় দিয়া থাকেন ।

কোচবিহার পূর্বে প্রাচীন হিন্দুরাজ্য কামরূপের অন্তর্গত ছিল । নবকবংশ, পালবংশ, খেনবংশ ও কোচবংশ এই চারি জাতীয় রাজগণ কর্তৃক শাসিত ।

মহাভারত পাঠে অবগত হওয়া যায় যে, অশ্বরাজ নরক দ্বারকাধিপতি যদুকুলতিলক শ্রীকৃষ্ণের একজন সহচর ছিলেন । শ্রীকৃষ্ণ তাঁহাকে কামরূপ রাজ্য প্রদান করেন । নরকরাজ কিরাতদিগের দলপতি ঘটক নামক জনৈক রাজাকে বিভাড়িত করিয়া গোহাটীতে দীর্ঘকাল রাজত্ব করিয়াছিলেন । কালক্রমে অশ্বরাজ নরক অহঙ্কৃত ও গর্বিত হইয়া উঠিলে শ্রীকৃষ্ণ তাঁহাকে হত্যা করিয়া নরকরাজ্য তদীয় পুত্র ভগদত্তকে দিয়াছিলেন । প্রাগ্জ্যোতিষ-পুরেশ্বর ভগদত্ত কামরূপে হিন্দুরাজ্য প্রবর্তন করেন । তিনি সমস্ত পূর্ব ভারতবর্ষ অধিকারপূর্বক কংশের সাহায্যে পশ্চিম ভারতেও হস্ত প্রসারণ করিয়াছিলেন । ভগদত্ত কুরুক্ষেত্রের মহাসমরে পাণ্ডব পক্ষ অবলম্বন না করিয়া কৌরবদিগের সহিত যোগদান করেন । অতঃপর কুরুক্ষেত্রের মহাযুদ্ধে বিশ্ববিজয়ী অর্জুন কর্তৃক নিহত হইয়াছিলেন । হরগৌরীর বিবাহে গিরিরাজ কামরূপ রাজ্য যৌতুক প্রদান করেন । তৎপরে হরগৌরী' তদীয় কন্যা কামতেশ্বরীর (মনসা) বিবাহে

উহা যৌতুক দিয়াছিলেন। বিহারার্থে কামতেখরীর নামানুসারে সেই ভূখণ্ড “কামতা-বিহার” নামে অভিহিত হয়। পরে তাহা কোচবিহার নামে পরিচিত হইয়াছে।

খৃষ্টীয় অষ্টম শতাব্দী হইতে একাদশ শতাব্দী পর্য্যন্ত পাল রাজগণ বাঙ্গালায় রাজত্ব করেন; সেই সময় কামরূপে পাল শাসনকর্তাদিগের বিষয় জ্ঞাত হওয়া যায়।

পালবংশীয় মহীপালগণের পর খেন নামে পরিচিত আদিম অধিবাসীদিগের জনৈক সর্দার এই রাজ্যের রাজা হইয়াছিলেন। তিনি বগুড়া জেলার কোন এক ব্রাহ্মণের গোরক্ষক ছিলেন। কামরূপের ধর্মপালের বংশীয় জনৈক রাজা দুর্বল হওয়ায়, গোরক্ষক তাঁহাকে বিনাশ করিয়া “নীলধ্বজ” নাম গ্রহণপূর্বক রাজা হন। পরিশেষে শঙ্কর চুহিতা মনসার রূপাভাজন হইয়া রাজা নীলধ্বজ কামতাপুর নামক স্থানে রাজধানী প্রতিষ্ঠা করেন। কোচবিহার হইতে দ্বাদশ মাইল দক্ষিণ-পশ্চিম দুর্ল্লা নদীর পশ্চিম তীরে এই স্থান। ১৩২০ খৃঃ নীলধ্বজ কামরূপের অধিপতি হন। তিনি ঘোড়াঘাটের গড় ও অনেক কীষ্টি স্থাপন করিয়াছিলেন। লালবাজার নামক স্থানে অদ্যাপি ধ্বংসাবশেষ দেখিতে পাওয়া যায়। রাজা নীলধ্বজ তাঁহার রাজ্যের যাজনকর্ম্য নির্বাহের নিমিত্ত মিথিলা দেশ হইতে ব্রাহ্মণ আনাইয়া স্বীয় রাজ্যে উপনিবেশিত করেন। তদনুষ্ঠানের প্রতিদানে ব্রাহ্মণগণ খেন সম্প্রদায়কে উচ্চশ্রেণীর শূদ্ররূপে সম্মানিত করিয়াছিলেন। নীলধ্বজের পর ১৩২৮ খৃঃ তাঁহার পুত্র চক্রধ্বজ রাজ্যাধিকার লাভ করেন। তাঁহার সময়ে গোসানীমারী তীর্থ আবিষ্কৃত হয়। তিনি কয়েক বৎসর মাত্র রাজ্য ভোগ করিয়া লোকান্তরিত হন। তৎপরে চক্রধ্বজের পুত্র নীলাধর ১৪৩০ খৃঃ কামতাবিহার রাজ্যের অধিপতি হন। তিনি রাজ্যে রাস্তা, পুকুরিণী, মন্দির প্রভৃতি স্থাপন করিয়াছিলেন। তিনি বঙ্গদেশের মুসলমান রাজগণের উপদ্রব নিবারণার্থ

ঘোড়াঘাট, হাতিবাঁধ, আলিপুর-দুয়ার নামক স্থানে চূর্ণ নিৰ্ম্মাণ করেন । তাঁহার ব্রাহ্মণ মন্ত্রী রাজাস্তঃপুর দূষিত করিলে, রাজা নীলাধর মন্ত্রীর পুত্রকে হত্যা করিয়া তাহার মাংস মন্ত্রীকে ভোজন করাইয়াছিলেন । পরে মন্ত্রী তাহা জানিতে পারিয়া কামতাপুর পরিত্যাগপূৰ্ব্বক গোড়ের তৎকালীন শাসনকর্তা হোসেন সাহর নিকট আগমন করিয়া তৎবৃত্তান্ত অবগত করান । ১৪৯৮ খৃঃ হোসেন সাহ কামতাপুর রাজধানী আক্রমণ করিয়াছিলেন । রাজা নীলাধর বন্দী হইয়া গোড়ে আনীত হন । কেহ কেহ বলেন, তিনি নিহত হইয়াছিলেন । সেই সময় মুসলমানগণ কামতাপুরের কামতেখরৌর মন্দির ভগ্ন করিয়া দিয়াছিল । তখন রাজ-কুমার পলায়ন করিয়া রাজা নীলাধরের প্রথমা কন্যা শ্রীলার নিকট আশ্রয় গ্রহণ করেন । অতঃপর কামাখ্যা প্রদেশে বিশ্বসিংহের অভ্যুদয় কালে, খেনবংশধরগণ অধিকতর হীনবীৰ্য্য হইয়া হুল-কৰ্ষণে জীবিকা নির্বাহ করিতে প্রবৃত্ত হন । তাঁহারা কামতাবংশ নামে পরিচিত হইয়া কামতাবিহারে বাস করিতেছেন ।

রাজা নীলাধরের পতন হইতে কয়েক বৎসর অরাজকতা হইয়াছিল । ১৪৮০ খৃঃ কামরূপ রাজ্য কতকগুলি ক্ষুদ্র রাজ্যে বিভক্ত হয় । সেই সকল ক্ষুদ্র রাজ্যের একটিতে কোচারি নামে এক অসভ্য জাতি বাস করিত । কালক্রমে ক্ষুদ্র রাজ্যসমূহের মধ্যে কোচারি রাজ্য সৰ্ব্বাপেক্ষা প্রতাপশালী হয় । কোচদিগের আক্রমণে মুসলমানগণ কামতাপুর পরিত্যাগ করিতে বাধ্য হইয়াছিল । অতঃপর কামতাপুর রাজ্যের অধিকাংশ কোচদিগের অধিকৃত হইয়া “কোচবিহার” নাম ধারণ করিয়াছে । এই সম্প্রদায়ের মধ্যে হাজো নামে একজন দলপতি ছিলেন । তিনি ক্রমে সমগ্র রংপুর ও কামরূপের অধিকাংশ আপনার শাসনাধীন করেন । হাজোর জীরা ও হীরা নামে দুইটী কন্যা হইয়াছিল । হদিয়া নামে জনৈক মিকিরের সহিত তাঁহাদের উভয়ের বিবাহ হয় । জীরার

ছই পুত্র—চন্দন ও মদন। হীরারও ছই পুত্র—বিণ্ড ও শিণ্ড। তৎকালে কয়েকখানি গ্রাম লইয়া চিক্‌মা পৰ্ব্বতে একটি ক্ষুদ্র হিন্দু রাজ্য ছিল। তাঁহার চারি সহোদরে মিলিত হইয়া হিন্দুরাজকে হত্যা করেন। সেই যুদ্ধে জীরার কনিষ্ঠ পুত্র মদন নিহত হন। তৎপরে তিন ভ্রাতা যুদ্ধে নিহত চিক্‌মারাজের তিন কন্যাকে বিবাহ করিয়াছিলেন। হীরার বংশ-ধরগণ “দেব বা ভূপ” আখ্যায় অভিহিত এবং সিংহাসনে সমাসীনকালে “নারায়ণ” আখ্যায় সম্বোধিত হন। আসাম প্রদেশের বিজনী ও দারজের রাজবংশ, জলপাইগুড়ির অন্তর্গত বৈকুণ্ঠপুরের “রায়কত” রাজগণ এবং রংপুর জেলার পাঙ্গার রাজগণ একবংশে সমুদ্ভূত। কিন্তু পুরাণ ইতিহাস আলোচনায় জানিতে পারা যায় যে, কোচবিহার রাজবংশ দেবাদিদেব বিরূপাক্ষ মহাদেবের অংশে সমুৎপন্ন। মহাদেবের ঔরসে মাধবী দেবীর গর্ভে বিশ্বসিংহের জন্ম উল্লিখিত হইয়াছে। প্রত্নতত্ত্ববিদগণ বিশ্বসিংহ হইতে বর্তমান কোচবিহার রাজবংশের নির্দেশ করিয়া থাকেন। যাহা হউক, কোচবিহার রাজবংশ অতি প্রাচীনকাল হইতে বিশেষ পরাক্রান্ত ও প্রতিষ্ঠান্বিত হইয়াছে।

৬ বিশ্ব সিংহ ।

অতঃপর ১৪৯৭ খৃঃ বিণ্ড “বিশ্ব সিংহ” নাম গ্রহণ করিয়া হিন্দুরাজ চিক্‌মার সিংহাসন অধিকার করেন। সেই সময় তাঁহার সম্ভ্রাদায় রাজপুত নামে পরিচিত হয়। বিশ্বসিংহ রাজা হইয়া চিক্‌মা পৰ্ব্বতে পরিত্যাগ-পূর্বক কোচবিহারে আগিয়া বসতি করেন। তিনি মিথিলা হইতে মৈথিল এবং খ্রীষ্ট হইতে বৈদিক ব্রাহ্মণ আনাইয়া তাঁহাদিগকে যথাক্রমে গুরু ও পুরোহিত পদে বরণ করিয়াছিলেন। তিনি পরাক্রান্ত যোদ্ধা ছিলেন এবং ৫,২২,০০০ সৈন্য প্রস্তুত করেন। বিশ্বসিংহ গৌড়দেশ

আক্রমণ করিয়াছিলেন, কিন্তু অধিকার করিতে পারেন নাই। তিনি কামরূপ অধিকার করিয়া তথা হইতে মুসলমানদিগকে বিতাড়িত করেন। তৎকালে ভোটগণ মধ্যে মধ্যে তাঁহার রাজ্যে উৎপাত করিত বলিয়া বিশ্বসিংহ ভোটরাজ্যের সহিত সন্ধিস্থাপন করিয়াছিলেন। উত্তর আসামের আহম জাতির সহিতও সন্ধি হইয়াছিল। ১৫২৮ খৃঃ রাজা বিশ্বসিংহ সিংহাসন পরিত্যাগ করিয়া বাণপ্রস্থ অবলম্বন করেন। তাঁহার নৃসিংহ, নরনারায়ণ, শুক্লধ্বজ প্রভৃতি ১৮টি পুত্র সন্তান হইয়াছিল,, তন্মধ্যে জ্যেষ্ঠ পুত্র নৃসিংহ ও অপর কয়েকটি সন্তান পিতার জীবিতকালে মৃত্যুমুখে পতিত হন।

৬ নরনারায়ণ ভূপ ।

বিশ্বসিংহের পর ১৫২৮ খৃঃ তদীয় মধ্যম পুত্র নরনারায়ণ ভূপ সিংহাসন প্রাপ্ত হন। তিনি অসাধারণ পরাক্রমশালী ছিলেন। নরনারায়ণ আসাম, কাছাড়, জয়ন্তীয়া, কায়রুম, ডিমারিয়া, ত্রিপুরা, শ্রীহট্ট প্রভৃতি স্থানে প্রভুত্ব বিস্তার করিয়াছিলেন। তিনি আহমরাজ ও ভূটানের দেবরাজকে রাজস্ব প্রদানে বাধ্য করেন। তৎকালে কোচবিহার রাজ্য বহু বিস্তীর্ণ হয়। তাঁহার লক্ষ পদাতিক, চারি সহস্র অশ্বারোহী ও এক সহস্র রণপোত ছিল। তিনি নিজ নামে মুদ্রা প্রচলন করেন, উহা “নারায়ণী” মুদ্রা নামে পরিচিত হয়। ১৫৫০ খৃঃ তিনি গোহাটীর ৬কামাখ্যা দেবীর মন্দির নিৰ্ম্মাণপূর্বক ইহার শৃঙ্গ স্বর্ণমণ্ডিত করিয়া দিয়াছিলেন। অদ্যাপি কামাখ্যা দেবীকে পূজার পুষ্প কোচবিহার প্রাসাদে প্রেরিত হইয়া থাকে। সেই সময়ে প্রসিদ্ধ কালাপাহাড়ের দৌরাখ্য হইয়াছিল। কালাপাহাড়ের প্রকৃত নাম কালাচাঁদ রায়। তিনি রাজসাহী জেলার অন্তর্গত জগদানন্দ রায়ের বংশজাত একটাকিরার ভাছড়ী। তৎকালীন গোড় বাদসাহের

কত্যা হুলালী বিবির পাণিগ্রহণ করিয়া মুসলমান হন । ১৫৫৩ খৃঃ হিন্দু দেবদেবী মুসলমানধর্মী কালাপাহাড় কামরূপ আক্রমণ করিয়া বহুসংখ্যক দেব-দেবী ও মন্দির ধ্বংস করেন । গোড়াধিপতি হোসেন সাহ কর্তৃক কামতাপুর আক্রমণের সময় জলপাইগুড়ির সন্নিকট জলেশ্বর শিব মন্দিরের চূড়া এবং কামতাপুরের কামতেশ্বরীর প্রতিমা প্রভৃতি ধ্বংস হইয়াছিল । রাজা নরনারায়ণ ঐ সকল দেবমূর্তি ও মন্দিরের পুনঃসংস্কার করেন । তিনি স্বীয় নামানুসারে “নারায়ণ দীঘী” নামে একটি বিশাল সরোবর খনন এবং একটি রাজপথ নির্মাণ করাইয়া যান । নরনারায়ণ বিদ্যামুরাগী ও বিদ্যামুখীলনে উৎসাহ প্রদান করিতেন । তাঁহার সময় পুরুষোত্তম বিদ্যাবাগীশ প্রয়োগ-রত্নমালা নামক সংস্কৃত ব্যাকরণ এবং রাম সরস্বতী ভাগবৎ পুরাণের অনুবাদ করিয়াছিলেন । ১৫৮৪ খৃঃ রাজা নরনারায়ণ ভূপ একমাত্র পুত্র লক্ষ্মীনারায়ণকে রাখিয়া পরলোকগত হন । তিনি মৃত্যুর পূর্বে তাঁহার রাজ্য দুই ভাগে বিভক্ত করেন । পশ্চিমভাগ অথবা কোচ-বিহার আপন পুত্র লক্ষ্মীনারায়ণের জন্ত রাখিয়া যান এবং পূর্বভাগ অর্থাৎ আসাম অঞ্চল তাঁহার ভ্রাতুষ্পুত্র রঘুদেব নারায়ণকে দেওয়া হইয়াছিল ।

রাজা রঘুদেব নারায়ণের পর তাঁহার পুত্র পরীক্ষিত নারায়ণ রাজ্যাধিকার লাভ করেন । তাঁহার সময় জাহাঙ্গীর সাহ দিল্লীর সম্রাট এবং ইসলাম খাঁ বাঙ্গালার নবাব ছিলেন । ১৬১০ খৃঃ বঙ্গেশ্বর ইসলাম খাঁ স্বীয় রাজধানী ঢাকা হইতে সেনাপতি মুকরাম খাঁর অধীনে একদল মোগল বাহিনী প্রেরণ করিয়া রাজা পরীক্ষিতের রাজ্য আক্রমণ করেন । সেই যুদ্ধে পরীক্ষিত পরাভূত হইয়া বন্দী হন । অতঃপর তাঁহার রাজ্য মুসলমান রাজ্যের অন্তর্ভুক্ত হইয়া যায় । সেই সময় পরীক্ষিতের ভ্রাতা বলদেব নারায়ণ পলায়ন করিয়া কামরূপের তদানীন্তন রাজা স্বর্গদেবের আশ্রয় গ্রহণ করেন । তাঁহার উত্তেজনার উৎসাহী হইয়া রাজা স্বর্গদেব মোগল সৈন্তের সহিত যুদ্ধে প্রবৃত্ত হন । তিনি মোগলদিগকে পরাভূত করিয়া

কোচবিহারের একাংশ অধিকার করেন ; কিন্তু অবশেষে বিজয়-লক্ষ্মী মোগলের প্রতি অনুকম্পা করিয়াছিলেন । অতঃপর ১৬৩৭ খৃঃ তিনি গোহাটীর ক্ষোভদার নিযুক্ত হইয়াছিলেন ।

৬ লক্ষ্মীনারায়ণ ভূপ ।

নরনারায়ণের দেহান্তের পর ১৫৮৪ খৃঃ তাঁহার পুত্র লক্ষ্মীনারায়ণ ভূপ কোচবিহারের সিংহাসনে আরোহণ করেন । ১৫৯৬ খৃঃ তাঁহার পিতৃব্য পুত্র বিদ্রোহী হইলে লক্ষ্মীনারায়ণ প্রাণভয়ে দুর্গমধ্যে আশ্রয় লইয়াছিলেন । সেই সময় দিল্লীখর আকবর সাঁহের অধীনে অধ্বরাধিপতি রাজা মানসিংহ বঙ্গদেশের শাসনকর্তা । তৎকালে বিপন্ন লক্ষ্মীনারায়ণ রাজা মানসিংহের নিকট সাহায্য প্রার্থনা করেন । কিয়দ্দিবস পরে মানসিংহ কোচবিহারে উপস্থিত হন । লক্ষ্মীনারায়ণ মানসিংহের স্মরণাগত হইয়া নিজ ভগিনী পদ্মেশ্বরীকে তাঁহার সহিত বিবাহ দিয়াছিলেন । মানসিংহ কোচবিহার রাজ্যের সীমা নির্দিষ্ট করিয়া বার্ষিক আশী হাজার নারায়ণী টাকা (ইহার মূল্য বার আনা ছিল) রাজস্ব বন্দোবস্তে কোচবিহার দিল্লীর অধীনে করদরাজ্য মধ্যে পরিগণিত করেন । মানসিংহের ক্ষত্রিয় পত্নীর গর্ভজাত পুত্র জগৎ সিংহের বংশ বিলুপ্ত হইয়াছে । কোচবিহারের রাজকুমারী পদ্মেশ্বরীর গর্ভে যে পুত্র হইয়াছিল তাঁহার সম্ভানগণ অধুনা জয়পুরে রাজত্ব করিতেছেন । সম্রাট্ জাহাঙ্গীরের সময় গোড়ের মুসলমান শাসনকর্তা জেহাজ খাঁ কোচবিহার আক্রমণ করিলে কোচবিহারাধিপতি দিল্লী গিয়া একটি সন্ধি করিয়া জিত রাজ্যগুলি দিল্লীখরকে ছাড়িয়া দিতে বাধ্য হন । ১৬২২ খৃঃ রাজা লক্ষ্মীনারায়ণ ভূপ রাজলীলা সমাপন করেন । তাঁহার চারি পুত্র—বীরনারায়ণ, ভীমনারায়ণ, বজ্রনারায়ণ ও মহীনারায়ণ ।

৬ বীরনারায়ণ ভূপ ।

তৎপরে ১৬২২ খৃঃ লক্ষ্মীনারায়ণের জ্যেষ্ঠ পুত্র বীরনারায়ণ ভূপ পিতৃসিংহাসন অধিকার করেন । তিনি বর্তমান কোচবিহারের নিকট অথরকেট নামক স্থানে রাজধানী স্থানান্তরিত করিয়াছিলেন । তাঁহার সময় অনেকগুলি দেশ রাজ্যচ্যুত হয় এবং ভোটরাজ রাজস্ব বন্ধ করিয়াছিলেন । তিনি রাজ্যের নানাস্থানে বিদ্যালয় স্থাপন করিয়া শিক্ষা বিস্তারে বৃত্তবান হন । ১৬২৬ খৃঃ রাজা বীরনারায়ণ ভূপ অকস্মাৎ মৃত্যুমুখে পতিত হইয়াছিলেন । তিনি মৃত্যুকালে প্রাণনারায়ণ ও মদননারায়ণ নামে দুই পুত্র রাখিয়া যান ।

৬ প্রাণনারায়ণ ভূপ ।

অনন্তর ১৬২৬ খৃঃ রাজার জ্যেষ্ঠ পুত্র প্রাণনারায়ণ ভূপ সিংহাসনে অধিরূঢ় হন । তিনি জলেশ্বর, ভবেন্দ্র, কামতেশ্বরী, গোসানীমারী প্রভৃতির মন্দির সংস্কার করিয়া ঐ সকল বিগ্রহের রক্ষাকল্পে ভূসম্পত্তি দান করিয়া যান । বীরনারায়ণ সংস্কৃতজ্ঞ ও সঙ্গীতজ্ঞ ছিলেন । তিনি কয়েকখানি গ্রন্থ রচনা করেন । ১৬৬১ খৃঃ কোচবিহাররাজ দিল্লীর বিরুদ্ধে বিদ্রোহী হইলে বঙ্গেশ্বর মহম্মদ মীরজুমলা একদল সৈন্যসহ প্রেরিত হইয়া রাজাকে পরাভূত করিয়া কোচবিহার আক্রমণ করেন । কোচরাজ পলায়নপূর্বক একটি পর্বত গুহার লুকায়িত থাকেন । সেই সময় মীরজুমলা অনেকগুলি হিন্দু মন্দির চূর্ণ করিয়া তৎস্থলে মসজিদ নির্মাণের আদেশ দিয়াছিলেন । অতঃপর অধিবাসীগণ রাজার সহিত মিলিত হইয়া মুসলমানদিগকে গোহাটী পর্য্যন্ত বিতাড়িত করিয়াছিল । রাজা প্রাণনারায়ণ পুনরায় রাজ্যভার গ্রহণ করিলেন, কিন্তু তাহার পর

কোচরাজদিগের স্বাধীনতা বিলুপ্ত হয় । ১৬৬৫ খৃঃ রাজা প্রাণনারায়ণ ভূপ পরলোকগত হন । তাঁহার দুই পুত্র—বিষ্ণুনারায়ণ ও বাসুদেব নারায়ণ ।

৬ মদননারায়ণ ভূপ ।

প্রাণনারায়ণের মৃত্যুর পর ১৬৬৫ খৃঃ তাঁহার কনিষ্ঠ ভ্রাতা মদন-নারায়ণ ভূপ কোচবিহারের সিংহাসন অধিকার করেন । তিনি পঞ্চদশ বৎসর রাজত্ব করিয়া ১৬৮০ খৃঃ নিঃসন্তান অবস্থায় লোকান্তরিত হন ।

৭ বাসুদেবনারায়ণ ভূপ ।

অতঃপর ১৬৮০ খৃঃ রাজা প্রাণনারায়ণের কনিষ্ঠ পুত্র বাসুদেবনারায়ণ ভূপ রাজ্যাধিকার লাভ করেন । তাহার দুই বৎসর পরে রাজা লক্ষ্মী-নারায়ণের কনিষ্ঠ সন্তান মহীনারায়ণের পুত্রত্ব ভূটিয়াদিগের সাহায্যে রাজধানী আক্রমণ করেন । মহীনারায়ণের জ্যেষ্ঠ পুত্র জগৎনারায়ণ রাজার শিরচ্ছেদ করিয়াছিলেন ।

৮ মহেন্দ্রনারায়ণ ভূপ ।

অনন্তর ১৬৮২ খৃঃ রাজা প্রাণনারায়ণের জ্যেষ্ঠ সন্তান বিষ্ণুনারায়ণের পুত্র মাননারায়ণের নাবালক পুত্র মহেন্দ্রনারায়ণ ভূপ রাজ্যাধিকার লাভ করেন । কয়েক বৎসর পরে ষোড়শাটের মুসলমান ফৌজদার নাবালক রাজাকে অসহ্য দেখিয়া তাঁহার রাজ্যের কয়েকটি দেশ আক্রমণ করিয়া-ছিলেন । সেই সময় তিনি মহীনারায়ণের জ্যেষ্ঠ পুত্র জগৎনারায়ণের

সহিত মিত্রতা করিয়া তাঁহাকে ছত্র নাজীর নিযুক্ত করেন। রাজা মহেন্দ্রনারায়ণের সময় করদ রাজগণ তাঁহাকে রাজস্ব বন্ধ করিয়া বঙ্গদেশের স্ববাদেরকে রাজস্ব দিতে স্বীকার করিয়াছিল। ১৬৯৩ খৃঃ রাজা মহেন্দ্রনারায়ণ ভূপ ষোড়শ বৎসর মাত্র বয়ঃক্রমকালে মৃত্যুমুখে পতিত হন।

৬ রূপনারায়ণ ভূপ।

তৎপরে ১৬৯৩ খৃঃ ছত্র নাজীর জগৎনারায়ণের পুল্ল রূপনারায়ণ ভূপ সিংহাসন লাভ করেন। তাঁহার সময় অনেকগুলি দেবদেবীর মূর্তি প্রতিষ্ঠিত হয়। তিনি স্বীয় নামানুসারে দেবপুরে “রূপ-মোহ” নামে শিবমূর্তি স্থাপন করেন। তিনি তারশা নদীর পূর্বতীরবর্তী বর্তমান কোচবিহার অথবা গুড়িয়াহাটী নামক স্থানে রাজধানী স্থানান্তরিত করেন। ১৭১৫ খৃঃ রাজা রূপনারায়ণ ভূপ ইহলোক হইতে অপস্থত হন। তাঁহার দুই পুল্ল—খড়্গনারায়ণ ও উপেন্দ্রনারায়ণ; তন্মধ্যে জ্যেষ্ঠ পুল্ল খড়্গনারায়ণ পিতার জীবদ্দশাতে মৃত্যুমুখে পতিত হন।

৭ উপেন্দ্রনারায়ণ ভূপ।

রূপনারায়ণের মৃত্যুর পর ১৭১৫ খৃঃ তাঁহার কনিষ্ঠ পুল্ল উপেন্দ্রনারায়ণ ভূপ সিংহাসনাধিকৃত হন। তাঁহার সময় ১৭৩৭ খৃঃ রংপুরের মুসলমান ফৌজদার রাজ্যের পশ্চিমাঞ্চল আক্রমণ করিয়াছিল। রাজা ভূটীয়া-দিগের সহিত সন্ধি করিয়া তাহাদের সাহায্যে মুসলমান আক্রমণ প্রতিহত করেন। তৎপরে বাঙ্গালার স্ববাদের ইসলাম খাঁর সেনাপতি ঢাকা হইতে মুসলমান সৈন্ত লইয়া সহসা কোচবিহার রাজ্য আক্রমণ

করিয়াছিল, ভোটরাজের সহায়তায় কোচরাজ উপেন্দ্রনারায়ণ নবাবের সেনাপতিকে পরাস্ত করেন। ১৭৬৪ খৃঃ রাজা উপেন্দ্রনারায়ণ ভূপ ধলুয়াবাড়ী নামক স্থানে মৃত্যুমুখে পতিত হন। তিনি মৃত্যুকালে একমাত্র পুত্র দেবেন্দ্রনারায়ণকে রাধিয়া যান।

৩ দেবেন্দ্রনারায়ণ ভূপ ।

উপেন্দ্রনারায়ণের লোকান্তর ঘটিলে ১৭৬৪ খৃঃ তাঁহার অল্পবয়স্ক পুত্র দেবেন্দ্রনারায়ণ ভূপ রাজপদে অভিষিক্ত হন। তিনি নাবালক থাকায় তাঁহার প্রধান মন্ত্রী রাজা শিরিচালনা করিতেন। ১৭৬৫ খৃঃ রাজগুরুর জ্যেষ্ঠ ভ্রাতা রামানন্দ গোস্বামীর পরামর্শানুসারে রতিদেব শর্মা নামক জনৈক ব্রাহ্মণ রাজবাটার পার্শ্বস্থ পদ্মপুষ্করিণীর সন্নিকট নাবালক নরপতিকে নিহত করেন। তাঁহার লোমহর্ষণ হত্যা সংবাদ ভোটরাজের নিকট উপস্থিত হইলে, ভোটরাজ নাবালক রাজার হত্যাকারী ও ষড়-যন্ত্রকারীদিগকে নিহত করিবার আদেশ দিয়াছিলেন। ১৭৬৫ খৃঃ ১২ই আগষ্ট দিল্লীশ্বর সম্রাট সাহ আলম, ইষ্ট ইণ্ডিয়া কোম্পানীকে বঙ্গ-বিহার-উড়িষ্যার দেওয়ানী পদ প্রদান করেন; তদবধি কোচবিহার কোম্পানীকে রাজস্ব দিতে আরম্ভ করিয়াছে।

৪ ঐর্ষ্যেন্দ্রনারায়ণ ভূপ ।

দেবেন্দ্রনারায়ণ নিহত হইলে ১৭৬৫ খৃঃ রাজা রূপনারায়ণের জ্যেষ্ঠ সন্তান খড়্গনারায়ণের কনিষ্ঠ পুত্র ঐর্ষ্যেন্দ্রনারায়ণ ভূপ রাজ্য অধিকার করেন। তিনি রূপনারায়ণের পৌত্র ও দেবেন্দ্রনারায়ণের জ্যেষ্ঠতাত পুত্র ছিলেন। সেই সময় রাজার এক জ্যোতি ভ্রাতা দেওয়ান রাম

নারায়ণ দেব রাজকার্য্য পরিচালনা করিতেন ; কিন্তু দেওয়ান দেবের প্রভুত্ব বিরুদ্ধ হইয়া কোচবিহাররাজ তাঁহাকে হত্যা করিয়াছিলেন । ভোটরাজ এই বৃত্তান্ত অবগত হইয়া আপন ভ্রাতুষ্পুত্র জিম্পীকে কামতাপুর আক্রমণার্থ প্রেরণ করেন । রাজা ধৈর্য্যেন্দ্রনারায়ণের তিন পুত্র—বৈকুণ্ঠনারায়ণ, ধরেন্দ্রনারায়ণ ও হরেন্দ্রনারায়ণ ।

৩ রাজেন্দ্রনারায়ণ ভূপ ।

তদনন্তর অনেক গৃহ বিবাদের পর ১৭৭০ খৃঃ ভোটরাজের অভিমতে দেওয়ান রামনারায়ণ দেবের আশ্রিত পুত্র রাজেন্দ্রনারায়ণকে সিংহাসনে অভিষিক্ত করা হয় । তিনি দুই বৎসর মাত্র রাজত্ব করিয়া ১৭৭২ খৃঃ মৃত্যুযুখে পতিত হন । তাঁহার মৃত্যুর পর নাজীর খগেন্দ্রনারায়ণ, রামনারায়ণের কনিষ্ঠ পুত্র বীরেন্দ্রনারায়ণকে রাজ্যাভিষিক্ত করেন ; কিন্তু ভোটরাজ তাহাতে আপত্তি করিয়া কোচবিহারে একদল সৈন্ত প্রেরণ করিয়াছিলেন । ভুটিয়াগণ খড়্গনারায়ণের জ্যেষ্ঠ সন্তানের পুত্র ব্রজেন্দ্রনারায়ণকে রাজা মনোনীত করেন । তাহার ফলে যুদ্ধ উপস্থিত হইলে নাজীর দেব পরাভূত হইয়া দেশ হইতে বিতাড়িত হন । সেই সময় রাজা ধৈর্য্যেন্দ্রনারায়ণের মধ্যম পুত্র ধরেন্দ্রনারায়ণ ইষ্ট ইণ্ডিয়া কোম্পানীর নিকট সাহায্য প্রার্থনা করেন । ভারতের প্রথম গবর্ণর জেনারেল ওয়ারেন হেস্টিংস বাহাদুর তাহা মঞ্জুর করিয়াছিলেন । ১৭৭৩ খৃঃ এই এপ্রেল একটি সন্ধি স্থাপিত হয়, তাহাতে ইষ্ট ইণ্ডিয়া কোম্পানী অর্দ্ধেক রাজস্ব গ্রহণ করিবেন নির্দ্ধারিত হইয়াছিল । অতঃপর ব্রিটিশ সেনাপতি জেনারেল অধীনে কোচবিহারে একদল ব্রিটিশবাহিনী প্রেরিত হইলে ভুটিয়াগণ পরাজিত হইয়া পলায়ন করিয়াছিল ।

৮ ধরেন্দ্রনারায়ণ ভূপ ।

১৭৭৩ খৃঃ রাজা ধৈর্যোজ্জনারায়ণের মধ্যম পুত্র ধরেন্দ্রনারায়ণ ভূপ কোচবিহারের অধীশ্বর হন। তিনি রাজকার্যে বিশেষ মনোযোগ দিতেন না। তাঁহার পত্নী ও রাজগুরু সর্কানন্দ গোস্বামী রাজকার্য্য পরিচালনা করিতেন। সেই সময় রাণীর সহিত সর্কানন্দ গোস্বামী ও নাজীর দেবের মনোবিবাদ উপস্থিত হয়। তখন রংপুরের তদানৌত্তন কালেক্টার সাহেব বঙ্গীয় গবর্ণমেন্টের প্রতিনিধিরূপে কোচবিহারে উপস্থিত হইয়া রাণীর পক্ষাবলম্বন করেন। ১৭৮০ খৃঃ বঙ্গীয় গবর্ণমেন্টকে নির্দ্ধারিত রাজস্ব প্রদানের স্থির হয়। ১৭৮৩ খৃঃ রাজা ধরেন্দ্রনারায়ণ ভূপ মানবলীলা সম্বরণ করেন। তিনি নিঃসন্তান ছিলেন।

৯ হরেন্দ্রনারায়ণ ভূপ ।

তৎপরে ১৭৮৩ খৃঃ রাজার কনিষ্ঠ ভ্রাতা হরেন্দ্রনারায়ণ ভূপ দুই বৎসর মাত্র বয়সে রাজসম্পত্তি লাভ করেন। স্বর্গীয় রাজার উইল অনুসারে রাণী একমাত্র তাঁহার অভিভাবিকা ছিলেন। তৎকালে নানা প্রকার গৃহ বিবাদ উপস্থিত হইলে রাণী বঙ্গীয় গবর্ণমেন্টের সাহায্য প্রার্থনা করেন। তদনুসারে ১৭৮৮ খৃঃ রাজকুমারের নাবালক সময় কোচবিহারে একজন ইংরাজ রেসিডেন্ট নিযুক্ত হন। ১৮০১ খৃঃ হরেন্দ্রনারায়ণ সাবালক হইলে রাজ্যভার তাঁহার হস্তে অর্পিত হইয়া রেসিডেন্ট অন্তর্ভুক্ত হয়। অতঃপর ১৮১৩ খৃঃ হইতে একজন রেসিডেন্ট কমিশনার তথায় অবস্থান করিতেছেন। তদবধি কোচবিহার একটা করদ রাজ্য মধ্যে গণ্য হইয়া আসিতেছে। হরেন্দ্রনারায়ণের রাজত্বকালে কোচবিহারে সাহিত্য আলোচনার এলিজাবেথীয়ান যুগ। তিনি স্বয়ং

একজন কবি ছিলেন এবং পণ্ডিত নিযুক্ত করিয়া মহাভারত, রামায়ণ, বিষ্ণুপুরাণ প্রভৃতি বহুবিধ গ্রন্থ মূল সংস্কৃত হইতে বাঙ্গালা পদো অনুবাদিত করাইয়াছিলেন । ১৮৩৬ খৃঃ তিনি রাজকাৰ্য্য হইতে অবসর লইয়া বারাণসীধামে গিয়া বাস করেন । ১৮৩৯ খৃঃ রাজা হরেন্দ্রনারায়ণ ভূপ পুণাত্মি কাশীধামে দেহত্যাগ করিয়াছেন । তিনি মৃত্যুকালে শিবেন্দ্রনারায়ণ ও রাজেন্দ্রনারায়ণ নামে দুইটি উপযুক্ত পুত্র রাখিয়া যান ।

৩ শিবেন্দ্রনারায়ণ ভূপ ।

হরেন্দ্রনারায়ণের মৃত্যুর পর ১৮৩৯ খৃঃ তাঁহার জ্যেষ্ঠ পুত্র শিবেন্দ্র-নারায়ণ ভূপ সিংহাসন প্রাপ্ত হন । ১৮৩৯ খৃঃ ২৮শে আগষ্ট বঙ্গীয় গবর্ণমেন্ট কর্তৃক ইহা অনুমোদিত হয় । তিনি নির্বিবাদে রাজ্য পরিচালনা করিয়া যান । তাঁহার সন্তানাদি না হওয়ার তিনি স্বীয় কনিষ্ঠ ভ্রাতা রাজেন্দ্রনারায়ণের চতুর্থ পুত্র চন্দ্রনারায়ণকে দত্তক গ্রহণ করেন । ১৮৪৭ খৃঃ রাজা শিবেন্দ্রনারায়ণ ভূপ কাশীধামে লোকান্তরিত হইয়াছেন ।

৩ নরেন্দ্রনারায়ণ ভূপ ।

শিবেন্দ্রনারায়ণের মৃত্যুর পর তাঁহার পোষ্যপুত্র চন্দ্রনারায়ণ উত্তরাধিকারী হন । তিনি অভিষেক কালে নরেন্দ্রনারায়ণ নাম গ্রহণ করেন । তাঁহার নাবালক সময় কোচবিহার রাজ্য বঙ্গীয় গবর্ণমেন্টের তত্ত্বাবধানে ছিল । ভূটিয়াগণ কোচবিহার রাজ্যে প্রায় উপদ্রব করিতে আসিত, তজ্জন্ত ১৮৫১ খৃঃ ব্রিটিশগবর্ণমেন্টের আদেশ অনুসারে একটি প্রান্তরীমা নির্ধারিত হইয়াছে । ১৮৫৩ খৃঃ নরেন্দ্রনারায়ণ কৃষ্ণনগর কলেজে প্রবিষ্ট হন । নবদ্বীপাধিপতি মহারাজ শ্রীশচন্দ্র রায়ের দুই পুত্র তৎকালে

তাঁহার সহপাঠী ছিলেন। কৃষ্ণনগর কলেজ হইতে তিনি কলিকাতার ওয়ার্ডস্ ইন্সটিটিউসনে স্থানান্তরিত হন। ১৮৫৯ খৃঃ নরেন্দ্রনারায়ণ প্রাপ্তবয়স্ক হইলে রাজসিংহাসনে অভিষিক্ত হইয়াছিলেন। ১৮৬০ খৃঃ গবর্ণমেন্ট তাঁহাকে “মহারাজা বাহাদুর” উপাধি প্রদান করেন। ১৮৬৩ খৃঃ ৬ই আগষ্ট দ্বাবিংশ বৎসর বয়ঃক্রমকালে মহারাজ নরেন্দ্রনারায়ণ ভূপ বাহাদুর মৃত্যুমুখে পতিত হইয়াছেন। তৎকালে নৃপেন্দ্রনারায়ণ ও গজেন্দ্রনারায়ণ নামে দুইটা নাবালক পুত্র রাখিয়া যান। মহারাজের পরলোকান্তে তাঁহার জ্যেষ্ঠ পুত্র নৃপেন্দ্রনারায়ণ কোচবিহারের সিংহাসন প্রাপ্ত হন।

৬ নৃপেন্দ্রনারায়ণ ভূপ।

মহারাজ শ্রীর কর্ণেল নৃপেন্দ্রনারায়ণ ভূপ বাহাদুর ১৮৬২ খৃঃ ৪ঠা অক্টোবর কোচবিহার প্রাসাদে জন্মগ্রহণ করেন। তিনি নাবালক থাকায় বঙ্গীয় গবর্ণমেন্ট রাজ্যভার গ্রহণ করিয়াছিলেন। ১৮৬৪ খৃঃ ২৯শে ফেব্রুয়ারী নৃপেন্দ্রনারায়ণ সিংহাসনে অভিষিক্ত হন। সেই সময় কোচবিহারের তৎকালীন কমিশনার কর্ণেল হটন্ সাহেব তত্ত্বাবধায়ক নিযুক্ত হইয়াছিলেন। ১৮৬৪ খৃঃ ভূটান যুদ্ধে কোচবিহার রাজ্য ব্রিটিশ-রাজকে সহায়তা করিয়াছিল; তজ্জন্ত ব্রিটিশগবর্ণমেন্ট দুইটি কামান উপহার প্রদান করেন। ১৮৬৮ খৃঃ কমিশনার হটন সাহেবের তত্ত্বাবধানে তিনি বারাগসীর ওয়ার্ডস্ ইন্সটিটিউসনে শিক্ষা প্রাপ্ত হন। তথায় পাঁচ বৎসর অধ্যয়ন করিয়া ১৮৭২ খৃঃ কোচবিহারে প্রত্যাগমন করেন। ১৮৭৩ খৃঃ স্বীয় রাজ্যভার প্রাপ্ত হন। ১৮৭৭ খৃঃ মহারাণী ভিক্টোরীয়ার ভারতেশ্বরী উপাধিগ্রহণ, উপলক্ষে দিল্লীর দরবারে ভারতগবর্ণমেন্টের নিকট হইতে তিনি একটি স্তবর্ণ পদক ও একখানি তরবারি পুরস্কার

লাভ করেন। ১৮৭৮ খৃঃ ৬ই মার্চ ব্রাহ্মধর্ম প্রচারক স্বনামধন্য কেশবচন্দ্র সেন মহোদয়ের প্রথম কন্যা শ্রীমতী সুনীতিবালার সহিত বিবাহ হইয়াছিল। তৎপরে তিনি বিদ্যাশিক্ষার্থ বিলাত যাত্রা করেন। তথায় অবস্থান কালে জার্মানী, ফ্রান্স, ইটালী, অষ্ট্রিয়া এবং বেলজিয়ম প্রভৃতি জনপদ পরিদর্শন করিয়াছিলেন। ১৮৭৯ খৃঃ এপ্রেল মাসে কলিকাতায় আসিয়া “পিনেলকোড” অধ্যয়ন করেন। ১৮৮০ খৃঃ ২৩শে ফেব্রুয়ারী তিনি “মহারাজা বাহাদুর” উপাধি প্রাপ্ত হন। ১৮৮২ খৃঃ মহারাজের উত্তোগে ও আংশিক আনুকূল্যে কলিকাতায় “ইণ্ডিয়া ক্লাব” নামক সমিতি প্রতিষ্ঠিত হইয়াছে। তিনি সাবালক হইলে ১৮৮৩ খৃঃ ৮ই নবেম্বর বঙ্গের তৎকালীন ছোটলাট স্যার রিভাস্ টম্‌সন্ কর্তৃক সিংহাসনে অভিষিক্ত হন। ১৮৮৪ খৃঃ ডিসেম্বর মাসে রাজপ্রতিনিধি লর্ড রিপণের বিদায়কালে তাঁহাকে সম্মান প্রদর্শনের জন্ত যে সভা হইয়াছিল, মহারাজ তাহার সভাপতির আসন গ্রহণ করেন। ১৮৮৫ খৃঃ ক্রসের সহিত ইংরাজের যুদ্ধ হইবার আশঙ্কা হইলে মহারাজ ভূটানের সীমান্তে এক সহস্র সৈন্য সমাবেশ করিবার প্রস্তাব করেন, তাহার ফলে তিনি ব্রিটিশ সৈন্য দলের “অনারারী মেজব” পদ প্রাপ্ত হন। উক্ত বৎসর ভারতগর্গমেন্ট তাঁহাকে পুরুষানুক্রমে “মহারাজা বাহাদুর” উপাধি সনন্দ প্রদান করেন। ১৮৮৭ খৃঃ ভারতেশ্বরী ভিক্টোরিয়ার “সুবর্ণ জুবিলী” উৎসব উপলক্ষে যোগদান করিবার জন্ত বিলাত যাত্রা করিয়াছিলেন। তৎকালে সাম্রাজ্ঞী তাঁহাকে “জি-সি-এস-আই” এবং মহারানী সুনীতি দেবীকে “সি-আই” উপাধি সম্মান দিয়াছিলেন। সেই সময় মহারাজ তৎকালীন যুবরাজ সপ্তম এডওয়ার্ডের “অনারারী এডিকং” এবং ব্রিটিশ সৈন্যদলের “লেফ্টেন্যান্ট কর্নেল” পদে সম্মানিত হইয়াছিলেন। ১৮৮৭ খৃঃ মহারাজের প্রদত্ত ভূমির উপর দার্জিলিং লুইস জুবিলী নামক স্থাননিবাস প্রতিষ্ঠিত হইয়াছে। ১৮৮৮ খৃঃ তিনি কোচবিহারে ব্রাহ্মসমাজ এবং

ভিক্টোরীয়া কলেজ স্থাপন করেন। ১৮৮৯ খৃঃ কোচবিহারে আনন্দময়ী ধর্মশালা প্রতিষ্ঠিত হইয়াছে। ১৮৯০ খৃঃ মহারাজ বঙ্গদেশের “ডেপুটী ডিষ্ট্রিক্ট্ গ্রাণ্ড্ মাষ্টার” নিযুক্ত হন। ১৮৯১ খৃঃ “ডিষ্ট্রিক্ট্ গ্রাণ্ড্ মাষ্টার” পদে উন্নীত হইয়াছিলেন। ১৮৯৩ খৃঃ জলপাইগুড়ী সহরে স্থায়ী নামাসু-সারে “নৃপেন্দ্রনারায়ণ হল” প্রতিষ্ঠা করেন। ১৮৯৭ খৃঃ ভারত সীমান্ত তীরা অভিযানে জেনারেল ইয়েটম্যান্ বিগ্‌সের আরদালী অফিসাররূপে উপস্থিত থাকিয়া সুখ্যাতি লাভ করিয়াছিলেন। তীরা যুদ্ধে দক্ষতার পরিচয় পাইয়া ভারতেশ্বরী ভিক্টোরীয়া ১৮৯৮ খৃঃ মহারাজকে “সি-বি” উপাধিতে ভূষিত করেন। ১৯০১ খৃঃ মহারাজ আফ্রিকার বুয়াব যুদ্ধে, যাইতে ইচ্ছা করেন, কিন্তু গবর্ণমেন্ট অস্বীকার প্রদান করেন নাই। ১৯০২ খৃঃ স্বর্গীয় ভারত সম্রাট সপ্তম এডওয়ার্ডের অভিষেক কালে বিলাতে নিমন্ত্রিত হইয়াছিলেন। ১৯০৩ খৃঃ ১লা জানুয়ারী দিল্লীর অভিষেক দরবারে মহারাজ বাহাদুর স্বাধীনরাজের আসন প্রাপ্ত হন। তিনি ষষ্ঠ বেঙ্গল অশ্বারোহী সৈন্যদলের “অনারারী কর্নেল” এবং ‘১৩টা তোপ সম্মানের অধিকারী ছিলেন। দৈনিক বলের উৎকর্ষসাধনে চেষ্টা করিতেন; অধিকন্তু অনেক পালোয়ানকে সমাদর ও পোষণ করিতেন। টম্ ক্যানন্ শারীরিক বলের মহাগোরবে স্ফীত হইয়া কলিকাতায় আগমন করিলে মহারাজ সুপ্রসিদ্ধ পালোয়ান করিমবক্সের দ্বারা তাঁহার দর্পচূর্ণ করিয়াছিলেন। মহারাজ একজন সুদক্ষ বোড়সয়ার ছিলেন। তিনি ইণ্ডিয়ান টারফের “ভাইসরয় কাপ” উপর্যুপরি দুই বৎসর লাভ করেন। তিনি প্রতি বৎসর শীতকালে কলিকাতায় একশত সুবর্ণ মুদ্রার “কাপ” দান করিতেন। তিনি একজন সুনিপুণ শিকারী ছিলেন; ১৯০৯ খৃঃ শিকার সম্বন্ধে ইংরাজীতে একখানি গ্রন্থ রচনা করেন। স্বীয় রাজ্যের উন্নতিকল্পে প্রভূত অর্থ ব্যয় করিতেন। তাঁহার সময় কোচবিহার রাজ্যের সমধিক উন্নতি হইয়াছে। তিনি রাজ্যে রেলপথ বিস্তার করেন। তাঁহার

প্রতিষ্ঠিত কলেজ, স্কুল, চিকিৎসালয়, আদালত, কারাগার প্রভৃতির কার্য্য প্রশংসার সহিত সম্পন্ন হয়। স্বদেশীয় শিল্পের উন্নতিসাধনে চেষ্টা করিতেন। মহারাজ স্বাধীনতার পক্ষপাতী ছিলেন। বঙ্গসাহিত্যক্ষেত্রে মহারাজের কৃপাদৃষ্টি ছিল। তাঁহার সহধর্ম্মিণী শ্রীমতী সুনীতি দেবীও বঙ্গসাহিত্যের অনুরাগিনী। মহারানী তিনখানি পুস্তক রচনা করিয়াছেন। মহারাজ বাহাদুর রাজকার্য্য সংক্রান্ত পরামর্শের নিমিত্ত একটি সদস্য সভা গঠিত করেন। বঙ্গের বরণ্যে সন্তান দেওয়ান কালিকাদাস দত্ত “সি-আই-ই” বাহাদুর মন্ত্রীসভা গঠনের পর তাহার অন্ততম সদস্য পদে প্রতিষ্ঠিত হইয়া বাজা শাসনে অসাধারণ কৃতিত্ব প্রদর্শন করিয়াছিলেন। তাঁহার সময় হইবার রাজস্ব বন্দোবস্ত হইয়া রাজ্যের আয় প্রায় চৌদ্দলক্ষ টাকা বৃদ্ধি হয়। ১৯১০ খৃঃ মহারাজ বিলাত গমন করেন। ১৯১১ খৃঃ ১৮ই সেপ্টেম্বর কোচবিহারাধিপতি মহারাজ স্মার নৃপেন্দ্রনারায়ণ ভূপ বাহাদুর বিলাতের বেঙ্গলহিল নগরে রাজলীলা সম্বরণ করিয়াছেন। তিনি মৃত্যুকালে বিধবা মহারানী, চারি পুত্র ও তিন কন্যা রাখিয়া যান।

৬ রাজেন্দ্রনারায়ণ ভূপ।

মহারাজ নৃপেন্দ্রনারায়ণের লোকান্তরে তদীয় জ্যেষ্ঠ পুত্র রাজেন্দ্রনারায়ণ ভূপ কোচবিহার রাজ্যের সিংহাসন লাভ করেন। ১৮৮২ খৃঃ ১১ই এপ্রেল তাঁহার জন্ম হইয়াছিল। তিনি প্রথমে আজমীরের মেয়োকলেজে শিক্ষা প্রাপ্ত হন। তৎপরে ১৮৯৪ খৃঃ বিলাত গিয়া 'ইটন কলেজে ও অক্সফোর্ডের ক্রাইষ্টচার্চ কলেজে অধ্যয়ন করেন। ১৯১১ খৃঃ ১লা নবেম্বর সুপ্রসিদ্ধ দেওয়ান রায় কালিকাদাস দত্ত বাহাদুর বিদ্যাল্লিশ বৎসরকাল সুখ্যাতির সহিত রাজকার্য্য করিয়া অবসর গ্রহণ করিলে

কলিকাতার দক্ষিণ বোড়াল-নিবাসী প্রিয়নাথ ঘোষ মহোদয় দেওয়ান পদে উন্নীত হন। ১৯১১ খৃঃ ৮ই নবেম্বর রাজেন্দ্রনারায়ণ রাজ্যাভিষেক হন। পশ্চিমবঙ্গের তৎকালীন ছোটলাট মাননীয় ডিউক সাহেব বাহাদুর কোচবিহার প্রাসাদে গমনপূর্বক রাজপদে অধিষ্ঠিত করিয়া গবর্ণমেণ্টের পক্ষ হইতে খিলাত প্রদান করেন। ১৯১১ খৃঃ কলিকাতা সহরে ভারত সম্রাট পঞ্চম জর্জ মহোদয়ের অভ্যর্থনার নিমিত্ত চাঁদায় যে অর্থ সংগ্রহ হয়, মহারাজ তাহাতে ৫০০০ মুদ্রা দান করেন। শ্রীর নৃপেন্দ্রনারায়ণ ইংলণ্ডের বেঙ্গলহিল নামক স্থানে দেহত্যাগ করিলে ১৯১২ খৃঃ মহারাজ রাজেন্দ্রনারায়ণ পিতৃদেবের স্মৃতি স্মরণার্থ তথায় একটি সুন্দর স্মৃতি-ফলকের ফুয়ারা নির্মাণ করাইয়াছেন। ১৯১৩ খৃঃ ৩১শে আগষ্ট মহারাজ রাজেন্দ্রনারায়ণ ভূপ বাহাদুর ইংলণ্ডের ক্রোমার নামক স্থানে পরলোকগমন করেন। তিনি অকৃতদার ছিলেন।

জিতেন্দ্রনারায়ণ ভূপ।

রাজেন্দ্রনারায়ণের মৃত্যু হইলে তাঁহার মধ্যম ভ্রাতা শ্রীযুক্ত জিতেন্দ্র-নারায়ণ ভূপ বাহাদুর কোচবিহারের সিংহাসনে সমাসীন হইয়াছেন। ১৯১৩ খৃঃ ১৭ই নবেম্বর নবীন মহারাজের রাজ্যাভিষেক অনুষ্ঠিত হয়; বঙ্গদেশের প্রথম গবর্ণর লর্ড কারমাইকেল বাহাদুর ইহাকে রাজপদে প্রতিষ্ঠিত করিয়া খিলাত প্রদান করিয়াছেন। বরোদার মহারাজ সন্নাজীরাও গাইকোয়াড়ের দুহিতা শ্রীমতী ইন্দিরা দেবী পিতামাতার সহিত ইউরোপ প্রবাসে ১৯১৩ খৃঃ ২৫শে আগষ্ট ইংলণ্ডে নবীন মহারাজের সহিত পরিণয়সূত্রে আবদ্ধ হইয়াছেন। ১৯১৪ খৃঃ ৭ই অক্টোবর মহারাজের একটি কন্যা হয়। ১৯১৫ খৃঃ ১৫ই ডিসেম্বর মহারাজ বাহাদুর একটি পুত্র সন্তান লাভ করিয়াছেন।

মহারাজের তৃতীয় ভ্রাতা প্রিন্স শ্রীযুক্ত ভিক্টর নিতেন্দ্রনারায়ণ ভূপ নারায়ণপ্রকার সভা সমিতিতে উৎসাহ প্রদান করিয়া থাকেন।

তদীয় কনিষ্ঠ ভ্রাতা প্রিন্স শ্রীযুক্ত হিতেন্দ্রনারায়ণ ভূপ সাধারণতঃ “প্রিন্স হিতি” নামে পরিচিত। ইনি বর্তমান ইউরোপীয় সমরে ভারতীয় সৈন্যদলের জনৈক সেনাপতির সহচর পদে নিযুক্ত হইয়া গমন করেন।

মহারাজ নৃপেন্দ্রনারায়ণের প্রথমা রাজকুমারী শ্রীমতী সুরুতিসুন্দরীর সহিত ১৮৯৯ খৃঃ মহর্ষি দেবেন্দ্রনাথ ঠাকুর মহোদয়ের জামাতা জানকীনাথ ঘোষাল মহাশয়ের একমাত্র পুত্র মিঃ জ্যোৎস্না ঘোষালের বিবাহ হইয়াছে। ইনি বোম্বাই প্রদেশের বিভাগীয় ম্যাজিস্ট্রেট পদে কার্য্য করিতেছেন।

মহারাজের দ্বিতীয়া রাজকুমারী শ্রীমতী প্রাতিভাসুন্দরীর সহিত ১৯১২ খৃঃ ফেব্রুয়ারী মাসে ইংলণ্ডের অন্তর্গত উল্ভার-হাম্পটনের মিঃ ম্যাণ্ডারের বিবাহ হয়।

মহারাজের কনিষ্ঠা রাজকুমারী শ্রীমতী সুধীরাসুন্দরীর সহিত ১৯১৪ খৃঃ মার্চ মাসে মিঃ ম্যাণ্ডারের কনিষ্ঠ ভ্রাতার পরিণয় ক্রিয়া সম্পন্ন হইয়াছে।

ত্রিপুরা রাজবংশ ।

বঙ্গদেশের মধ্যে কোচবিহার ও ত্রিপুরা এই দুইটা করদরাজ্য ব্রিটিশ রাজের সহিত মিত্রতাসূত্রে আবদ্ধ । ত্রিপুরার রাজবংশ অতি প্রাচীন, এরূপ প্রাচীন বংশ ভারতে দ্বিতীয় নাই । তথাকার রাজগণ ব্রিটিশ-রাজকে কোন নির্দিষ্ট রাজস্ব প্রদান করেন না ; কিন্তু নবীন রাজারা সিংহাসনে আরোহণ সময় “নজর” দিয়া থাকেন । রাজগণ দেওয়ানী ও ফৌজদারী মোকদ্দমার বিচার করেন, কিন্তু কোন গুরুতর অপরাধের দণ্ড দিবার সময় ব্রিটিশরাজের অনুমতি লইতে হয় । এই রাজ্যের বায়িক আয় দ্বাদশ লক্ষ মুদ্রা । এদেশের রাজগণের নামে “মাণিক্য” উপাধি হইয়া থাকে ।

প্রাচীনকালে এই স্থান কিরাত নামে প্রসিদ্ধ ছিল । চন্দ্রবংশীয় ক্ষত্রিয় নরপতি যযাতির পুত্র দ্রুহ্য । তাঁহার পুত্র ত্রিপুর হইতে ত্রিপুরা নামের উৎপত্তি হইয়াছে । তিনি প্রাচীন কিরাত নামের পরিবর্তে স্বীয় নামানুসারে রাজ্যের নাম ত্রিপুরা এবং স্বজাতীয়গণকে ত্রিপুরজাতি বলিয়া প্রচার করেন । ত্রিপুররাজ হইতে দান কুরুফা পর্য্যন্ত ২৮ জন রাজা রাজত্ব করেন । তাঁহাদের সময় বিশেষ উল্লেখযোগ্য কোন ঘটনা হয় নাই । তাঁহার অষ্টাদশ পুত্র জন্মিয়াছিল । তিনি কনিষ্ঠ পুত্র রত্নকার বুদ্ধিবত্তা দর্শনে তাঁহাকে রাজ্যের উত্তরাধিকারী মনোনীত করিয়া যান ।

৬ রত্ন মাণিক্য ।

দান-কুরুফার মৃত্যুর পর অত্যাগত পুত্রগণ মিলিত হইয়া কনিষ্ঠ ভ্রাতা রত্নকাকে রাজ্যচ্যুত করিয়া জ্যেষ্ঠ কুমার রাজাকাকে সিংহাসনে স্থাপন

করেন । কুমার রত্নফা রাজ্যে হইতে বহিষ্কৃত হইয়া গোড়ের তৎকালীন মুসলমান শাসনকর্তা মুগিসউদ্দীন তুগ্রীলের আশ্রয় গ্রহণ করিয়াছিলেন । সুলতান তুগ্রীল ত্রিপুর রাজকুমারের সাহায্যার্থে একদল সৈন্য দিয়া-
ছিলেন । অতঃপর ১২৭৯ খৃঃ ভীষণ সংগ্রামে রাজা রাজাফা নিহত হইলে
রত্নফা সিংহাসন প্রাপ্ত হন । ত্রিপুরেশ্বর মুগয়া উপলক্ষে একটি অত্যাঙ্গুল
ভেকমণি প্রাপ্ত হইয়াছিলেন । তিনি সেই মণি ও একশত হস্তী এবং
নানাপ্রকার রত্নমাণিক্য সুলতানকে প্রতিদানে উপঢোকন দিয়াছিলেন ।
গোড়েশ্বর উহা প্রাপ্ত হইয়া রত্নফাকে “মাণিক্য” উপাধি প্রদান করেন ।
তদবধি ত্রিপুরেশ্বরগণ মাণিক্য উপাধি ধারণ করিয়া আসিতেছেন । রত্নফা
নানাস্থান হইতে অধিবাসী আনাইয়া রাজ্যে বসতি করাইয়াছিলেন ।
তিনি মৃত্যুকালে প্রতাপমাণিক্য ও মুকুটমাণিক্য নামে দুই পুত্র সন্তান
রাখিয়া যান ।

৮ প্রতাপ মাণিক্য ।

রত্নফার পরলোকাগন্তে ১৩২৩ খৃঃ তাঁহার জ্যেষ্ঠ পুত্র প্রতাপমাণিক্য
সিংহাসনে আরোহণ করেন । ১৩৪৭ খৃঃ গোড়েশ্বর সামসউদ্দীন হাজী
ইলিয়াস সাহ ত্রিপুরা আক্রমণপূর্বক রাজাকে পরাভূত করিয়া বহু অর্থ
গ্রহণ করিয়াছিলেন । প্রতাপমাণিক্য অপুত্রক অবস্থায় অকালে মৃত্যুমুখে
পতিত হন ।

৯ মুকুট মাণিক্য ।

তদনন্তর তাঁহার কনিষ্ঠ ভ্রাতা মুকুটমাণিক্য সিংহাসন লাভ করেন ।
১৩৯২ খৃঃ তিনি আরাকানপতি মেংদির নিকট উপঢোকন প্রেরণ করিয়া

ঐহার সহিত মিত্রতা স্থাপন করেন । তিনি মৃত্যুকালে একমাত্র পুত্র মহামাণিক্যকে রাখিয়া যান ।

৮ মহা মাণিক্য ।

মুকুটমাণিক্যের পর তদীয় পুত্র মহামাণিক্য সিংহাসনে আরোহণ করেন । তিনি পরম ধার্মিক ও বহু শাস্ত্রে পণ্ডিত ছিলেন । মহামাণিক্য বসন্তরোগে মৃত্যুমুখে পতিত হন । ঐহার পাঁচ পুত্র জন্মে, তন্মধ্যে জ্যেষ্ঠ ধর্মমাণিক্য ও কনিষ্ঠ গগণফার নাম উল্লেখযোগ্য ।

৯ ধর্ম মাণিক্য ।

মহামাণিক্যের জ্যেষ্ঠ পুত্র ধর্মমাণিক্য ১৪০৭ খৃঃ রাজ্যভার প্রাপ্ত হন । তিনি একজন পরাক্রমশালী নরপতি ছিলেন । ধর্মমাণিক্য বঙ্গদেশ আক্রমণ করিয়া সুবর্ণগ্রাম লুণ্ঠন করেন । ঐহার শাসনকালে আরাকানপতি “মেংসো-সোয়ান” ব্রহ্মরাজ কর্তৃক সিংহাসনচ্যুত হইয়া ত্রিপুরপতির আশ্রয় গ্রহণ করিলে ত্রিপুর সৈন্তের সাহায্যে ব্রহ্মরাজ স্বীয় সিংহাসন পুনঃ প্রাপ্ত হইয়াছিলেন । তিনি কাণ্ডকুজদেশীয় কোতুক নামক জনৈক ব্রাহ্মণকে সপরিবারে আনাইয়া স্বীয় পৌরহিত্যে নিযুক্ত করিয়াছিলেন । তিনি সভাপণ্ডিত ব্রাহ্মণকুলজাত বাণেশ্বর ও শুক্রেশ্বর নামক পুরোহিত দ্বারা পিতৃপুরুষগণের কীর্তিকাহিনী বঙ্গভাষায় প্রণয়ন করাইয়া রাজমালা আখ্যা দিয়াছিলেন । তিনি স্বীয় নামানুসারে ধর্মসাগর নামে একটি সরসী খনন করাইয়াছিলেন । ১৪৩২ খৃঃ রাজা ধর্মমাণিক্য পরলোকগমন করেন । ঐহার দুই পুত্র—ধনুমাণিক্য ও প্রতাপমাণিক্য ।

৬ প্রতাপ মাণিক্য।

ধর্মমাণিক্যের দেহান্তে সেনাপতিগণ ষড়যন্ত্র করিয়া তাঁহার কনিষ্ঠ পুত্র প্রতাপমাণিক্যকে সিংহাসনে স্থাপন করেন। তিনি অল্পকাল রাজ্য পরিচালন করিয়া জনৈক সেনাপতি কর্তৃক গোপনে নিহত হন। প্রতাপ-মাণিক্য নিঃসন্তান ছিলেন।

৬ ধনু মাণিক্য।

অতঃপর ১৪৯০ খৃঃ তাঁহার ছোট ভ্রাতা ধনুমাণিক্য সিংহাসন লাভ করেন। তাঁহার শাসন সময় ত্রিপুরার পূর্বপ্রান্তস্থিত সমস্ত কুকিজাতি সেনাপতি চয়চাগ রায়ের বাহুবলে ত্রিপুরার অধীনতা স্বীকার করিয়াছিল। ১৫১২ খৃঃ চট্টগ্রামের আধিপত্য লইয়া তুমুল সংগ্রাম উপস্থিত হয়। ত্রিপুরপতির হুম্মান মূর্তি লাঞ্চিত পতাকা, আরাকানরাজের বৃক্ষবজ এবং গোড়েখর হুসেন সাহের অর্দ্ধচন্দ্রশোভিত পতাকা লইয়া স্ব স্ব সৈন্তগণ সমরারঙ্গনে অবতীর্ণ হইয়াছিল। অবশেষে মগ ও যবনের গর্ক খর্ব করিয়া ত্রিপুর সেনাপতি চয়চাগের বিজয়ী পতাকা উড্ডীন হইয়াছিল। মুসলমানদিগকে পরাজয় করিয়া ধনুমাণিক্য তাহার স্মরণার্থে স্বীয় নামানুসারে একটি সরোবর খনন করাইয়াছিলেন। উহা অদ্যাপি ধনুের দাঁবী আখ্যায় পরিচিত হইয়া থাকে। তিনি সেই সরোবর তীরে বিজয়স্তম্ভস্বরূপ একটি মঠ নির্মাণ করেন। সেনাপতি চয়চাগ মগদিগকে পরাভূত করিয়া আরাকানের কিয়দংশ ত্রিপুরারাজ্যের অন্তর্ভুক্ত করিয়াছিলেন। তৎকালে ত্রিপুরাতে বার্ষিক এক সহস্র নরবলি প্রথা প্রচলিত ছিল; ধনুমাণিক্য উহা রহিত করিয়া কেবল অপরাধী ও যুদ্ধে বন্দীকৃত শত্রুকে বলি দিবার প্রথা প্রচলন করেন। ১৫০১ খৃঃ তিনি দেবী

ত্রিপুরাস্থানরীর মন্দির নির্মাণ করাইয়াছিলেন । এই দেবী চট্টাচল মধ্যে স্ফুটিত ছিলেন । ধত্তমাণিক্য স্বপ্নাদৃষ্ট হইয়া দেবীকে স্বীয় রাজধানী রাজ্যমাটিয়া নগরে প্রতিষ্ঠা করেন । তিনি স্বর্ণময়ী ভুবনেশ্বরী দেবী নির্মাণ করাইয়াছিলেন । এতদ্ব্যতীত কয়েকটি মন্দির নির্মাণ করাইয়া শিব ও শক্তি মূর্ত্তি সংস্থাপন করেন । তাঁহার রাজ্যী কমলাদেবী রাজধানাতে একটি সরোবর খনন করাইয়াছিলেন, তাহা অদ্যাপি “কমলাসাগর” নামে পরিচিত । ধত্তমাণিক্য ত্রিশ বৎসরকাল রাজ্য শাসন করিয়া ১৫২০ খৃঃ বসন্তরোগে মৃত্যুমুখে পতিত হন । তদীয় সহধর্ম্মিণী রাজ্যী কমলাদেবী, ধ্বজমাণিক্য ও দেবমাণিক্য নামে দুই পুত্র রাখিয়া স্বামীর সহিত সহমৃতা হইয়াছিলেন ।

৬ধ্বজ মাণিক্য ।

ধত্তমাণিক্যের লোকান্তরের পর তাঁহার জ্যেষ্ঠ পুত্র ধ্বজ মাণিক্য রাজ্যাধিকার লাভ করেন । তিনি অল্প দিন মাত্র রাজ্য ভোগ করিয়া পরলোক প্রাপ্তি হন । তৎকালে ইন্দ্র মাণিক্য নামে একটি শিশু পুত্র রাখিয়া যান ।

৭দেব মাণিক্য ।

ধ্বজ মাণিক্যের নাবালক পুত্র ইন্দ্র মাণিক্যকে দ্রবীভূত করিয়া তাঁহার পিতৃব্য দেব মাণিক্য ১৫২০ খৃঃ সিংহাসন অধিকার করেন । ১৫২২ খৃঃ তিনি আরাকানপতি গজাবদিকে পরাভূত করিয়া চট্টগ্রাম অধিকার করেন ; কিন্তু তাহার অল্প দিন পরে গোড়েশ্বর সুলতান নাসিরুদ্দীন নসরত সাহ চট্টগ্রাম পুনরাধিকার করিয়াছিলেন । তাঁহার সময় চতুর্দশ

দেবতার প্রধান পূজারী চিন্তাই, ধ্বজ মাণিক্যের পত্নীর সহিত বড়বয়স্ক কন্যা দেবমাণিক্যকে গোপনে হত্যা করেন। দেবমাণিক্যের দুই পুত্র বিজয় মাণিক্য ও অমর মাণিক্য।

৩ইন্দ্ৰ মাণিক্য।

অতঃপর চিন্তাই, ধ্বজ মাণিক্যের নাবালক পুত্র ইন্দ্ৰ মাণিক্যকে সিংহাসনে প্রতিষ্ঠিত করিয়া তদীয় মাতার সহিত মিলিত হইয়া রাজ্য পরিচালনা করিতে থাকেন; পরিশেষে মৈত্রগণ উহা জানিতে পারিয়া প্রধান মন্ত্রীর সহিত পরামর্শ করিয়া ১৫৩৫ খৃঃ চিন্তাই এবং জননীর সহিত ইন্দ্ৰ মাণিক্যকে নিহত করিয়াছিল।

৩বিজয় মাণিক্য।

ইন্দ্ৰ মাণিক্যের হত্যার পর ১৫৩৫ খৃঃ বিজয় মাণিক্য ত্রিপুরার সিংহাসন আলোকিত করেন। তিনি বলবীৰ্য্যশালী ও রাজনীতিকুশল নরপতি ছিলেন। তাঁহার সময় ত্রিপুরার বিশেষ উন্নতি হইয়াছে। তিনি মগ ও মুসলমানদিগকে পরাভূত করিয়া চট্টগ্রাম প্রদেশ অধিকার করেন। অতঃপর উড়িষ্যা বিজয়ী সুলতান সোলেমান চট্টগ্রাম জয়ের অভিপ্রায়ে সেনাপতি মহম্মদ খাঁকে প্রেরণ করিলে প্রায় আট মাস কাল সংগ্রামের পর বিজয়-লক্ষ্মী ত্রিপুরার অঙ্কশায়িনী হন। মুসলমানগণ পরাজিত হইলে যবন সেনাপতি মহম্মদ খাঁকে লৌহ পিঞ্জরে আবদ্ধ করিয়া ত্রিপুরার রাজধানী রাঙ্গামাটিয়ায় আনয়ন করা হয়। তৎপরে বিজয় মাণিক্যের আদেশে তাঁহাকে ত্রিপুরা রাজবংশের কুলদেবতা সমীপে বলিদান দেওয়া হইয়াছিল। বিজয় মাণিক্য বঙ্গদেশ আক্রমণপূর্বক

বিপুল বিক্রমে মুসলমানদিগকে গঙ্গাতীর পর্য্যন্ত বিতাড়িত করিয়াছিলেন । তিনি পূর্ববঙ্গে বিজয় পতাকা উড্ডীন করিয়া জনৈক ব্রাহ্মণকে পঞ্চদ্রোণ ভূমি দান করেন । তদনুসারে সেই স্থান অদ্যাপি “পঞ্চদোনা” নামে পরিচিত । অধুনা ইহা ঢাকা জেলার অন্তর্গত মহেশ্বরদী পরগণার অধীন রহিয়াছে । বিজয়মাণিক্য জয়ন্তীয়াপতিকে আক্রমণ করিলে তিনি নানা প্রকার উপচোকন দিয়া ত্রিপুরেশ্বরের নিকট অবনত হন । তৎকালে সমগ্র ত্রিপুরা ও নোয়াখালী, চট্টগ্রামের উত্তরাংশ এবং শ্রীহট্টের দক্ষিণাংশ তাঁহার শাসনাধীন হয় । তিনি কুকৌদিগকে বশীভূত করিয়া প্রতিজ্ঞাবদ্ধ করাইয়াছিলেন । সেই প্রতিজ্ঞা চিরস্মরণীয় রাখিবায় অভিপ্রায়ে তাহাদিগকে দাতুনিমিত্ত বিতস্তি পরিমিত একটি হস্তী ও প্যাঘের প্রতিমূর্ত্তি উপহার দিয়াছিলেন । তিনি ত্রিপুররাজ্য হইতে প্রবাহিতা একটি নদীর বাঁধ কাটাইয়া ছিলেন ; তজ্জন্ত শ্রোতস্বতী অদ্যাপি “বিজয় নদী” নামে অভিহিত হইতেছে । তিনি দেবতা প্রতিষ্ঠা, জলাশয় খনন, ভূমি দান প্রভৃতি নানা প্রকার সদকুষ্ঠান করিয়া গিয়াছেন । তাহার দুই পুত্র জগন্নাথ ও অনন্ত মাণিক্য । তদীয় কনিষ্ঠ পুত্র অনন্ত মাণিক্য প্রধান সেনাপতি গোপীপ্রসাদের কন্যাকে বিবাহ করেন । গোপীপ্রসাদ চক্রান্ত করিয়া জ্যেষ্ঠ কুমারকে ৬ জগন্নাথদেব দর্শনে উড়িয়ায় প্রেরণ করিয়াছিলেন । সেই সময়ে ১৫৮৩ খৃঃ বিজয় মাণিক্য বসন্ত রোগে মানব-লীলা সম্বরণ করেন ।

৬ অনন্ত মাণিক্য ।

বিজয় মাণিক্যের মৃত্যুর পর ১৫৮৩ খৃঃ তাঁহার কনিষ্ঠ পুত্র অনন্ত মাণিক্য স্বীয় ঋগুরের সাহায্যে সিংহাসনে আরোহণ করেন । তিনি দেড় বৎসর মাত্র রাজত্ব করিয়া ঋগুরের কুমন্ত্রণায় গোপনে নিহত হন । তৎপরে

বিধবা রাজ্ঞী বিশ্বাসঘাতক সেনাপতি অর্থাৎ স্বীয় পিতার নিকট পতির সিংহাসিন প্রাপ্তির জন্ত অমুমতি প্রার্থনা করেন। কিন্তু গোপীপ্রসাদ তাহাতে অসম্মত হইয়া স্বয়ং রাজ্যেশ্বর হইয়া চণ্ডীগড় নামক স্থান জায়গীর প্রদানপূর্বক কতাকে চণ্ডীগড়ের রাণী বলিয়া প্রচার করেন।

৩উদয় মাণিক্য।

অনন্তর গোপীপ্রসাদ “উদয় মাণিক্য” নাম গ্রহণ করিয়া ১৫৮৫ খৃঃ ত্রিপুরার সিংহাসনে অধিরূঢ় হন। তাঁহার সময় চট্টগ্রামের আধিপত্য লইয়া মোগলের সহিত যুদ্ধ উপস্থিত হয়, কিন্তু পরিশেষে মোগলেরা জয়লাভ করিয়াছিল। তিনি রাজধানী রাজ্যমাটিয়ার নাম পরিবর্তন করিয়া স্বীয় নামানুসারে “উদয়পুর” নাম দিয়াছিলেন। কোন একটি হুষ্ঠা স্ত্রীলোকের দ্বারা বিধপানে তাঁহার মৃত্যু ঘটয়াছিল।

৩জয় মাণিক্য।

উদয় মাণিক্যের হত্যার পর ১৫৯৬ খৃঃ তাঁহার পুত্র জয় মাণিক্য রাজ্যাধিকার লাভ করেন। তিনি কেবল মাত্র রাজা ছিলেন; তাঁহার পিতৃবা রঙ্গনারায়ণ রাজ্য শাসন করিতেন। তাঁহার সময়ে বিজয় মাণিক্যের কনিষ্ঠ ভ্রাতা অমর মাণিক্য প্রবল হয়। জয় মাণিক্য এক বৎসর মাত্র রাজ্য ভোগ করিবার পর অমর মাণিক্যের সৈন্তগণ কর্তৃক নিহত হইয়াছিলেন।

৮ অমর মাণিক্য ।

জয় মাণিক্য নিহত হইলে ১৫৯৭খৃঃ অমর মাণিক্য সিংহাসনে আরোহণ করেন । বজ্রের শাসনকর্ত্তা ইসলাম খাঁ ঢাকা নগরীতে রাজধানী স্থাপন করিয়া ১৬০৯ খৃঃ ত্রিপুরা আক্রমণ করিয়াছিলেন, কিন্তু জয় করিতে পারেন নাই । তিনি স্বীয় নামানুসারে অমরসাগর নামে একটি বৃহৎ সরোবর খনন করাইয়া উহার তীরে একটি বাসভবন নিৰ্ম্মাণ করেন ; তাহার চিহ্ন অদ্যাপি বিলুপ্ত হয় নাই । ১৬১১ খৃঃ অমর মাণিক্য অহিফেন সেবনে প্রাণত্যাগ করিয়াছিলেন ।

৯ রাজধর মাণিক্য ।

অতঃপর ১৬১১ খৃঃ অমর মাণিক্যের পুত্র রাজধর মাণিক্য সিংহাসনে আরোহণ করেন । তিনি তিন বৎসর মাত্র রাজ্য শাসন করিয়া ১৬১৩ খৃঃ গোমতী নদীর জলে নিমগ্ন হইয়া ভবলীলা সম্বরণ করেন ।

১০ যশোধর মাণিক্য ।

তদন্তর ১৬১৩ খৃঃ রাজধরের পুত্র যশোধর মাণিক্য ত্রিপুরার সিংহাসন লাভ করেন । দিল্লীখর জাহাঙ্গীর সাহ তাঁহাকে কয়েকটি হস্তী ও অশ্ব রাজস্বরূপে প্রদান করিতে আদেশ দিয়াছিলেন ; কিন্তু ত্রিপুরেশ্বর রাজকর দানে অসম্মত হইলে সম্রাটের আদেশে বাঙ্গালার শাসনকর্ত্তা ইব্রাহিম খাঁ এক দল সৈন্তসহ ত্রিপুরা আক্রমণপূর্ব্বক ত্রিপুরেশ্বরকে বন্দী করিয়া দিল্লীতে উপনীত হইলে দিল্লীখর জাহাঙ্গীর তাঁহাকে মুক্তি দিয়াছিলেন । অতঃপর ত্রিপুরেশ প্রয়াগ, মথুরা প্রভৃতি তীর্থস্থান ভ্রমণপূর্ব্বক বৃন্দাবনে দেহত্যাগ করেন । সেই সময়ে যোগলোরা ত্রিপুরা অধিকার করিয়াছিল ।

৬ কল্যাণ মাণিক্য।

রাজা রাজধরের অভিপ্রায় অনুসারে ধর্মমাণিক্যের কনিষ্ঠ ভ্রাতা গগণধার বংশধর কল্যাণমাণিক্য “মাণিক্য” উপাধি গ্রহণপূর্বক ১৬২৫ খৃঃ ত্রিপুরার সিংহাসন প্রাপ্ত হন। তিনি একজন পরাক্রান্ত ও বুদ্ধিমান নরপতি ছিলেন। তিনি মোগলদিগকে দ্রৌভূত করিয়া পুনরায় ত্রিপুরার স্বাধীনতা ঘোষণা করেন; কিন্তু সমগ্র ত্রিপুরা রাজ্য অধিকার করিতে পারেন নাই। তিনি স্বীয় নামেব সহিত “হবগৌরী” নাম সংযুক্ত করিয়া স্বর্ণ ও রৌপ্য মুদ্রা প্রচলন করেন। কল্যাণ মাণিক্যের পুত্র পর্যন্ত নরপতি ব্যতীত রাজবংশজ অত্যাচার ব্যক্তিগণ “ফা” আখ্যায় পরিচিত হইতেন, তিনি স্বীয় বংশধরগণকে ফা আখ্যায় পরিবর্তে “ঠাকুর” আখ্যা প্রবর্তন করেন। অদ্যাপি ত্রিপুরার রাজপরিজন সেই আখ্যায় অভিহিত হইতেছেন। তিনি অনেক নিষ্কর ভূমি দান এবং স্বীয় নামানুসারে কল্যাণ সাগর নামে একটি বৃহৎ পুষ্করিণী খনন করাইয়াছিলেন। তিনি কৈলাস-গড় দুর্গ মধ্যে কৃষ্ণবর্ণ প্রস্তর নির্মিত দশভূজা মূর্তি সংস্থাপনপূর্বক তাহার সেবার্থে পঞ্চদ্রোণ ভূমি দান করিয়া শাণ্ডিল্য গোত্রীয় বিখ্যাত চক্রবর্তী নামক জনৈক ব্রাহ্মণকে নিযুক্ত করেন। বিখ্যাতের বংশধরগণ অদ্যাপি সেই দেবোত্তর ভূমি ভোগ করিয়া দেবীর সেবাদি নিব্বাহ করিতেছেন। তিনি স্বীয় নামানুসারে কল্যাণপুর নামে একটি গ্রাম স্থাপন করেন। ১৬৫৯ খৃঃ কল্যাণ মাণিক্য কলেবর পরিত্যাগ করিয়াছেন। তাহার চারি পুত্র—গোবিন্দ, নক্ষত্র, জগন্নাথ ও রাজবল্লভ ঠাকুর।

৭ গোবিন্দ মাণিক্য।

কল্যাণ মাণিক্যের মৃত্যুর পর ১৬৫৯ খৃঃ তাহার জ্যেষ্ঠ পুত্র গোবিন্দ মাণিক্য সিংহাসনে আরোহণ করেন। তিনি মোগলদিগের বশীভূত

খাকার তাঁহার বৈমাত্রেয় ভ্রাতা নক্ষত্র ঠাকুর অসন্তুষ্ট হইয়া একটি খণ্ড যুদ্ধে গোবিন্দকে পরাভূত করিয়া ত্রিপুরার সিংহাসন অধিকার করেন।

৬ ছত্র মাণিক্য ।

কুমার নক্ষত্র ঠাকুর ১৬৬০ খৃঃ ছত্র মাণিক্য নাম গ্রহণ করিয়া ত্রিপুরার সিংহাসনে অধিকৃত হন। ত্রিপুরা পক্ষতের সর্বোচ্চ শৃঙ্গ তাঁহার নামানুসারে “ছত্র চূড়া” নামে পরিচিত হইতেছে। এতদ্ব্যতীত কুমিল্লাব নিকটবর্তী “ছত্রের খাল”, চান্দিনা থানার অন্তর্গত “ছত্রের কোট”, বাক্সগবেড়িয়ার * অন্তর্গত “ছত্রপুর” প্রভৃতি গ্রামসমূহ তাঁহার নামানুসারে হইয়াছে। ছত্র মাণিক্য ছয় বৎসর রাজা ভোগ করিয়া গতাস্থ হন। তাঁহার পুত্র উৎসব ঠাকুর, তৎপুত্র জয়নারায়ণ ঠাকুর, তদীয় পুত্র জগৎমাণিক্য।

১৬৬৬ খৃঃ গোবিন্দ মাণিক্য পুনরায় ত্রিপুরার সিংহাসন অধিকার করেন। সেই সময় ছত্র মাণিক্যের পুত্র উৎসব ঠাকুর কাদবা, আমিরা-বাদ প্রভৃতি পরগণা রুস্তিস্বরূপ প্রাপ্ত হন। তিনি স্বীয় নামানুসারে গোবিন্দপুর গ্রাম স্থাপন করেন এবং বাক্সগগণকে নিজের ভূমি দান করিয়াছিলেন। চন্দ্রনাথের শিবমন্দির তাঁহার প্রধান কীর্ত্তি; কিন্তু ভূমিকম্পে সেই মন্দির ধ্বংস হইয়া গিয়াছে। ১৬৬৯ খৃঃ গোবিন্দ মাণিক্য মানবলীলা সম্বরণ করেন। তাঁহার তিন পুত্র—রাম মাণিক্য, নরেন্দ্র মাণিক্য ও দুর্গাদাস ঠাকুর।

৭ রাম মাণিক্য ।

গোবিন্দ মাণিক্যের মৃত্যুর পর ১৬৭০ খৃঃ তাঁহার জ্যেষ্ঠ পুত্র রাম মাণিক্য রাজ্যাভিষিক্ত হন। তিনি স্বীয় নামানুসারে রামসাগর নামে

একটি বৃহৎ সরোবর খনন করাইয়াছিলেন । ১৬৮২ খৃঃ গোবিন্দ মাণিক্য ইহলোক হইতে অপসৃত হন । তাঁহার চারি পুত্র—রত্নদেব, দুর্জয়দেব, ঘনশ্রাম ও চন্দ্রমণি ঠাকুর ।

৮ নরেন্দ্র মাণিক্য ।

রামদেবের মৃত্যুকালে তাঁহার পুত্রগণ নাবালক থাকায় তদীয় মধ্যম ভ্রাতা নরেন্দ্র মাণিক্য ১৬৮২ খৃঃ সিংহাসন অধিকার করেন । তিনি অল্পকাল রাজ্যভোগ করিয়া অকস্মাৎ অকালে মৃত্যুমুখে পতিত হন ।

৯ রত্ন মাণিক্য ।

অনন্তর ১৬৮৪ খৃঃ রামদেবের জ্যেষ্ঠ পুত্র রত্নদেব মাণিক্য সিংহাসন প্রাপ্ত হন । ১৭০৭ খৃঃ তিনি নবাব মর্শিদকুলি খাঁকে গজ ও গজদন্ত প্রভৃতি উপঢৌকন প্রেরণ করিলে নবাব তদ্বিনিময়ে ত্রিপুরেশকে খেলাত দিয়াছিলেন । তাঁহার পুত্র সন্তান হয় নাই ।

১০ মহেন্দ্র মাণিক্য ।

কুমার ঘনশ্রাম ঠাকুর ১৭১২ খৃঃ তদীয় জ্যেষ্ঠ ভ্রাতা রত্নদেবকে হত্যা করিয়া ত্রিপুরার সিংহাসন অধিকার করেন । তিনি রাজ্যাভিষেক সময়ে মহেন্দ্র মাণিক্য নাম গ্রহণ করিয়াছিলেন । তিনি দুই বৎসর মাত্র রাজ্যভোগ করিয়া অকালে গতাস্থ হন ।

৬ ধর্ম্ম মাণিক্য ।

অতঃপর ১৭১৪ খৃঃ তাঁহার মধ্যম ভ্রাতা দুর্জয়দেব ঠাকুর ‘‘ধর্ম্ম মাণিক্য (২) নাম প্রচারপূর্ব্বক রাজ্যাভিষিক্ত হন। তাঁহার সহিত বাঙ্গালার নবাব মুর্শিদকুলি খাঁর সংঘর্ষ উপস্থিত হইয়াছিল। অবশেষে নবাবের সহিত একটি সন্ধি হয়, সেই সন্ধিসূত্রে ত্রিপুরেশ্বর মুরনগর পরগণার জন্ত বার্ষিক পঞ্চবিংশতি সহস্র মুদ্রা রাজস্ব প্রদানে বাধ্য হইয়াছিলেন।

৭ জগৎ মাণিক্য ।

রাজা ছত্র মাণিক্যের প্রপৌত্র জগৎরাম ঠাকুর ১৭৩২ খৃঃ ঢাকা নেয়াবতের দেওয়ান মির হবিবের সহিত মিলিত হইয়া একদল সৈন্যসহ ত্রিপুরা আক্রমণ করিয়াছিলেন। অতঃপর একটি খণ্ডযুদ্ধে ধর্ম্মমাণিক্য পরাজিত হইয়া পর্বর্ত্ত মধ্যে আশ্রয় গ্রহণ করেন। মির হবিব, জগৎরামকে ত্রিপুরার রাজা বলিয়া প্রচার করিয়াছিলেন। তাঁহার চারি পুত্র—বলরাম, রামচন্দ্র, ধনঞ্জয় ও অভিমন্যু ঠাকুর।

রাজা ধর্ম্মমাণিক্য সিংহাসনচ্যুত হইয়া মুর্শিদাবাদ গমন করেন। তিনি জগৎশেঠ কতেচাঁদের সাহায্যে নবাব সুজাউদ্দৌলাকে সমস্ত অবস্থা জ্ঞাপন করেন। নবাব তৎপ্রবণে ঢাকার শাসনকর্ত্তার প্রতি আদেশ প্রচার করিলে পুনরায় স্বরাজ্য প্রাপ্ত হন। তিনি নানাপ্রকার সংকার্য্যের অনুষ্ঠান করিতে ত্রুটি করেন নাই। তাঁহার দুই পুত্র—উদয় মাণিক্য ও গদাধর ঠাকুর।

৮ মুকুন্দ মাণিক্য

ধর্মমাণিক্যের মৃত্যুর পর ১৭৩৪ খৃঃ তাঁহার কনিষ্ঠ ভ্রাতা চন্দ্রমণি ঠাকুর ফৌজদারের সাহায্যে মুকুন্দ মাণিক্য নাম গ্রহণপূর্বক সিংহাসনে আরোহণ করেন । তিনি ব্রাহ্মণ, কায়স্থ, বৈদ্য প্রভৃতিকে নিষ্কর ভূসম্পত্তি দিয়াছিলেন । মুকুন্দ মাণিক্য তাঁহার ছোষ্ঠ পুত্র পাঁচকড়ি ঠাকুরকে প্রতিভূরূপ মুর্শিদাবাদের নবাব দরবারে উপস্থিত রাখিতে বাধ্য হইয়াছিলেন । রাজা কল্যাণ মাণিক্যের তৃতীয় পুত্র জগন্নাথ ঠাকুরের প্রপৌত্র রুদ্রমণি ঠাকুরকে মুকুন্দ মাণিক্য হস্তী পরিবার জন্ত মতিয়া নামক স্থানে প্রেরণ করেন । তথায় রুদ্রমণি কয়েকজন পার্শ্বতা সদারের সহিত মিলিত হইয়া ত্রিপুরার সিংহাসন লাভে বড়গল্প করিয়াছিলেন । সেই সময় হাজি মুনসম নামক জনৈক মুসলমান সদার মুকুন্দ মাণিক্যকে বন্দী করিয়াছিল । তিনি যখন কড়ক বন্দী হইয়া অপমান সহ্য করিতে না পারিয়া বিষপানে প্রাণত্যাগ করেন । তাঁহার পত্নীও সহমৃত্যু হন ।

তদীয় পুত্র—ইন্দ্রমাণিক্য, 'ভদ্রমণি' ও কৃষ্ণমাণিক্য ।

৯ জয় মাণিক্য ।

অতঃপর ১৭৩৭ খৃঃ রুদ্রমণি ঠাকুর জয় মাণিক্য নাম ধারণপূর্বক রাজ্যাভিষিক্ত হন । তিনি মেহেরকুল নাম পরিবর্তন করিয়া ঐ পরগণার “জয়নগর” নাম দিয়াছিলেন । তিনি মৃত্যুকালে একমাত্র পুত্র জয়মঙ্গল ঠাকুরকে রাখিয়া যান ।

১০ ইন্দ্র মাণিক্য ।

রাজা মুকুন্দ মাণিক্যের পুত্র পাঁচকড়ি ঠাকুর পিতৃবিয়োগ ও রাজ্যনাশ প্রভৃতি নবাব দরবারে জ্ঞাত করেন । তৎপ্রবণে নবাব সুজাউদ্দৌলা

তঁাহাকে ত্রিপুরার সিংহাসনে আরোহণ জন্ত সনন্দ প্রদানপূর্বক উপযুক্ত সাহায্য করিবার জন্ত ঢাকার নায়েব নাজীমের প্রতি আদেশ দিয়াছিলেন । ১৭৩৯ খৃঃ তিনি ত্রিপুরায় উপনীত হইয়া নবাব প্রদত্ত সৈন্তের সাহায্যে জয় মাণিক্যকে পরাভূত করিয়া ইন্দ্র মাণিক্য নাম গ্রহণপূর্বক ত্রিপুরার সিংহাসনে অধিরোহণ করেন ।

৬ উদয় মাণিক্য ।

তৎকালে রাজা ধর্মমাণিক্যের পুত্র গঙ্গাধর ঠাকুর ঢাকায় অবস্থিত করিতেন । তিনি উৎকোচ দ্বারা নায়েব নাজীমকে বশীভূত করিয়া উদয় মাণিক্য নাম ধারণপূর্বক ত্রিপুরার রাজদণ্ড গ্রহণ করেন ।

৭ বিজয় মাণিক্য ।

তদনন্তর রাজা জয় মাণিক্যের কনিষ্ঠ ভ্রাতা হরিধন ঠাকুর বিজয় মাণিক্য নাম গ্রহণ করিয়া ত্রিপুরার রাজদণ্ড ধারণ করেন । তিনি নবাব আলিবর্দি খাঁর নিকট হইতে সনন্দ লইয়া সিংহাসনে আরোহণ করিয়াছিলেন । বিজয়মাণিক্য অল্পকাল মাত্র বাজহ করিয়া মৃত্যুমুখে পতিত হন । তাঁহার পুত্র রামচন্দ্র ঠাকুর ।

৮ লক্ষ্মণ মাণিক্য ।

তৎপরে উদয় মাণিক্যের ভ্রাতৃপুত্র ও গঙ্গাধর ঠাকুরের জ্যেষ্ঠ পুত্র বনমালী ঠাকুর লক্ষ্মণ মাণিক্য নাম গ্রহণ করিয়া ত্রিপুরার সিংহাসনে অভিষিক্ত হন । তিনি সমশের গাজী নামক জনৈক পবাক্রমশালী মুসলমানের দ্বারা পরিচালিত হইতেন । তাঁহার পুত্র হর্গা মাণিক্য ।

৮ কৃষ্ণ মাণিক্য।

হুসুন্দ মাণিক্যের কনিষ্ঠ পুত্র কৃষ্ণমণি ঠাকুর ১৭৬০ খৃঃ কৃষ্ণ মাণিক্য নাম ধারণ করিয়া ত্রিপুরার সিংহাসনে অধিরূঢ় হন। তাঁহার সময় চাকলে রোশনাবাদের রাজস্ব পরিশোধ উপলক্ষে ফৌজদারের সহিত বিবাদ হইয়াছিল। সেই বিবাদ ক্রমে সংগ্রামে পরিণত হইলে ফৌজদার নবাবের নিকট হইতে অতিরিক্ত সৈন্ত সাহায্য প্রার্থনা করেন। এই সময় নবাব মীরকাশীম তঁদানীস্তন ইংরাজ গবর্নর ভান্সিটার্ট সাহেবকে ফৌজদারের সাহায্যার্থে সৈন্ত প্রেরণ করিতে অনুরোধ করিয়াছিলেন। তদনুসারে ১৭৬১ খৃঃ চট্টগ্রামের শাসনকর্তা বারলেষ্ট সাহেব চট্টগ্রাম হইতে ব্রিটিশ সৈন্তসহ লেফটেন্যান্ট মণি সাহেবকে ত্রিপুরায় প্রেরণ করেন। ত্রিপুরেশ্বর কৃষ্ণমাণিক্য নিকৃপায় হইয়া মণি সাহেবের হস্তে আত্মসমর্পণ করিতে বাধ্য হইয়াছিলেন। এইরূপে ইষ্ট ইণ্ডিয়া কোম্পানী ত্রিপুরার সমতল ক্ষেত্র ব্রিটিশসিংহের কক্ষিগত করেন। অতঃপর লিক্ সাহেব ত্রিপুরার প্রথম রেসিডেন্ট পদে নিবৃত্ত হন। কৃষ্ণমাণিক্য কুমিল্লা নগরীর পূর্ব পাশ্বে রাজা রত্ন মাণিক্যের মন্দিরের নির্মাণ কার্য সমাধা করিয়া তাহাতে ৮ জগন্নাথ, বলরাম ও সূর্যদ্রার দারুমূর্তি সংস্থাপন করেন। কৃষ্ণ মাণিক্যের জীবদ্দশায় তাঁহার কনিষ্ঠ ভ্রাতা হরিমণি ঠাকুর গতান্ব হন। তৎকালে কণ্ঠমণি ও রাজধর ঠাকুর নামে হরিমণির দুইটা শিশুপুত্র ছিল। অনন্তর কৃষ্ণমাণিক্য তদীয় ভ্রাতৃপুত্র কুমার রাজধর ঠাকুরকে উত্তরাধিকারী মনোনীত করিয়া ১৭৮৩ খৃঃ ১১ই জুলাই মানবলীলা সম্বরণ করেন।

৯ রাজধর মাণিক্য।

অতঃপর রাজধর মাণিক্য ১৭৮৫ খৃঃ রেসিডেন্ট লিক্ সাহেবের অন্তিমোদনে গবর্নমেন্ট হইতে খেলাত প্রাপ্ত হইয়া ত্রিপুরার সিংহাসনে আরো-

হণ করেন। লর্ড কর্ণওয়ালিসের চিরস্থায়ী বন্দোবস্তের সময় রাজধরের সহিত রোশনাবাদের চিরস্থায়ী বন্দোবস্ত হইয়া তাঁহাকে রোশনারীদের শাসনভার প্রত্যর্পণ করা হয়। তিনি অষ্টধাতুর দ্বারা ৮বন্দাবনচক্র নামক দেবমূর্তি নির্মাণ করাইয়াছিলেন। ১৮০৪ খৃঃ রাজা রাজধর মাণিক্য রাজলীলা সমাপন করেন। তিনি মণিপুরপতি জয় সিংহের কন্যাকে বিবাহ করিয়াছিলেন, কিন্তু মণিপুর রাজকুমারীর গর্ভে তাঁহার কোন সন্তান হয় নাই। অত্যাশ্রয় পত্নীর গর্ভে চারি পুত্র জন্মিয়াছিল; তন্মধ্যে দুইটি পুত্র শৈশবাবস্থায় গতানু হন। তিনি মৃত্যুকালে রামগঙ্গা ও কাশী চক্র নামে দুই পুত্র রাখিয়া যান।

৮রামগঙ্গা মাণিক্য ।

রাজধরের মৃত্যুর পর ১৮০৪ খৃঃ তাঁহার জ্যেষ্ঠ পুত্র রামগঙ্গা মাণিক্য সিংহাসন অধিকার করেন। সেই সময় লক্ষণ মাণিক্যের পুত্র হুর্গামণি ঠাকুর তাঁহার প্রতিকূলে অস্ত্রধারণ করিয়াছিলেন। ব্রিটিশ গবর্ণমেন্ট রাজার পক্ষাবলম্বন করিলে হুর্গামণি অন্ত্রোপায় হইয়া দেওয়ানী আদালতে জমিদারী প্রাপ্তির জন্ত মোকদমা উপস্থিত করেন। রাজা রামগঙ্গা ঢাকার বিভাগীয় আদালতের বিচারে পরাজিত হন। অবশেষে রামগঙ্গা মোংগরা গ্রামে তত্ত্ব্য তালুকদারগণ হইতে ভূমি ক্রয় করিয়া স্বীয় নামানুসারে একটি সরোবর খনন করাইয়া তাহার উত্তর দিকে বাসভবন নির্মাণ করিয়া বসতি করেন। সেই রাজ নিকেতন ও গঙ্গাসাগর নামক সরোবর অদ্যাপি বর্তমান রহিয়াছে।

৬ দুর্গামাণি মাণিক্য ।

দেওয়ানী আদালতে জয়ী হইয়া দুর্গামাণি ঠাকুর ১৮০৯ খৃঃ চাকলে রোশনাবাদ অধিকার করেন। অনন্তর বিটিশ গবর্ণমেন্ট তাঁহাকে ত্রিপুরার রাজা বলিয়া সনন্দ দিয়াছিলেন। চব্বিশ-পবগণার অন্তর্গত ভূকৈলাস রাজবংশের পূর্বপুরুষ দেওয়ান গোকুলচন্দ্র ঘোষাল তাঁহাকে সাহায্য করিলে তিনি গোকুলচন্দ্রকে একখানি গ্রাম নিষ্কর দান করিয়াছিলেন। তিনি বারাগসীধামে একটি মন্দির নিৰ্ম্মাণপূর্বক তাহাতে শিবলিঙ্গ প্রতিষ্ঠা করেন। দুর্গামাণিক্য তিন বৎসর রাজ্যাশাসন করিয়া কাশীধাম যাত্রাকালে ১৮১৩ খৃঃ ৬ই এপ্রেল পাটনা নগরীর সন্নিধানে মৃত্যুমুখে পতিত হন। তদীয় প্রথমা মহিষী স্মিনার গর্ভে দুইটী কন্যা জন্মিয়াছিল। তৎপরে তিনি দ্বিতীয়বাব মধুমতীর পাণিগ্রহণ করেন; তাঁহার গর্ভে কোন সন্তান হয় নাই।

৭ রামগঙ্গা মাণিক্য ।

দুর্গামাণিক্যের মৃত্যুর পর ১৮১৩ খৃঃ রামগঙ্গা মাণিক্য পুনরায় শাসনভার প্রাপ্ত হন। ১৮২১ খৃঃ গবর্ণমেন্ট তাঁহাকে সিংহাসনে অভিষিক্ত করেন। তিনি বৃন্দাবনধামে একটি কুঞ্জ নিৰ্ম্মাণ করাইয়া তাহাতে বাসবিহারী বিগ্রহ প্রতিষ্ঠা করিয়া তাঁহার সেবার্থে বামুটীয়া পরগণা দেবোত্তরে দান করিয়া যান। তিনি বর্তমান রাজধানী আগরতলায় স্বীয় গুরুদেব ও তৎপত্নীর নামানুসারে ৬ ভুবনমোহন ও কিশোরী দেবী মূর্তি স্থাপন করেন। তিনি পারসী ভাষায় ও ভূমি-পরিমাণ বিদ্যায় সুশিক্ষিত, শস্ত্র ও মল্লযুদ্ধে পারদর্শী ছিলেন। ১৮২৬ খৃঃ ১৪ই নবেম্বর চন্দ্রগ্রহণ সময় ত্রিপুরেশ্বর রামগঙ্গা মাণিক্য পরলোকগমন করেন। তাঁহার পত্নী চন্দ্রতারার গর্ভে কৃষ্ণকিশোর নামে একটি পুত্র জন্মিয়াছিল।

৬ কাশীচন্দ্র মাণিক্য ।

রামগঙ্গার পরলোকান্তে ১৮২৬খৃঃ তাঁহার কনিষ্ঠ ভ্রাতা কাশীচন্দ্র মাণিক্য রাজ্যের উত্তরাধিকারী হন । ১৮২৭খৃঃ মার্চ মাসে তিনি গবর্ণ-মেণ্টের নিকট হইতে খেলাত প্রাপ্ত হইয়া সিংহাসনে অভিষিক্ত হইয়াছিলেন । তিনি করাসী দেশীয় কোরজোন নামক জনৈক খেতাজকে চাকলে রোশনাবাদের ম্যানেজার পদে নিযুক্ত করেন । এই সময় হইতে ত্রিপুরার রাজসরকারে খেতাজ ম্যানেজার নিযুক্ত আরম্ভ হইয়াছে । ১৮৩০খৃঃ ৮ই জানুয়ারী কাশীচন্দ্র মাণিক্য অপরিমিত মদ্যপানে অকাল মৃত্যুর আলিঙ্গন করেন । তিনি মণিপুরের রাজকুমারী কুটিলান্মীকে বিবাহ করিয়াছিলেন ; এতদ্ব্যতীত তিনটী রমণীর পাণিগ্রহণ করেন । মণিপুর রাজকন্ঠার গর্ভে কৃষ্ণচন্দ্র নামে একটি পুত্র হইয়াছিল ; কিন্তু তিনি অকালে মৃত্যুমুখে পতিত হন ।

৭ কৃষ্ণকিশোর মাণিক্য ।

কাশীচন্দ্রের মৃত্যুর পর ১৮৩০খৃঃ ১৪ই জানুয়ারী রামগঙ্গা মাণিক্যের পুত্র কৃষ্ণকিশোর মাণিক্য ত্রিপুরার রাজদণ্ড গ্রহণ করেন । ১৮৩০খৃঃ ১০ই মে তিনি রাজ্যাভিষিক্ত হন । ত্রিপুরার তদানীন্তন মাজিষ্ট্রেট টমসন্ সাহেব (ভূতপূর্ব ছোটলাট স্যার রিভাস্ টমসনের পিতা) ত্রিপুরার রাজধানী আগরতলায় উপনীত হইয়া তাঁহাকে লর্ড উইলিয়ম বেটিক বাহাদুর প্রদত্ত সনন্দ ও খেলাত দিয়াছিলেন । তিনি পারসী ভাষায় বৃৎপন্ন এবং শস্ত্র ও মল্লযুদ্ধে নিপুণ ছিলেন । তাঁহার তত্ত্বশাস্ত্রে ভক্তি ছিল । তিনি শীকারের সুবিধার জন্য বহু অর্থ ব্যয়ে আগরতলার নিকট-বর্তী জলা-ভূমিতে “নূতন হাবেলী” নামে নগর প্রতিষ্ঠাপূর্বক তথায় রাজ

ভবন নির্মাণ করেন। ১৮৪২ খৃঃ ১৫ই এপ্রেল রাজা কৃষ্ণকিশোর মাণিক্য বজ্রাঘাতে মৃত্যুমুখে পতিত হন। তিনি আসামের আহম বংশীয় রাজকন্যা রত্নমালা এবং মণিপুরাধিপতি মারজিতের কন্যা সুদক্ষিণা, চন্দ্রকলা, অখিলেশ্বরী ও বিষ্ণুকলাকে যথাক্রমে বিবাহ করিয়াছিলেন। রাণী সুদক্ষিণার গর্ভে ঈশানচন্দ্র, উপেন্দ্রচন্দ্র ও বীরচন্দ্র জন্মগ্রহণ করেন। অখিলেশ্বরীর গর্ভে কুমার নীলকৃষ্ণ ভূমিষ্ঠ হন। এতদ্ব্যতীত চক্রধ্বজ, মাধবচন্দ্র, যাদবচন্দ্র, সুরেশকৃষ্ণ ও শিবচন্দ্র নামে পাঁচ পুত্র এবং ১৫টি কন্যা হইয়াছিল।

ঈশানচন্দ্র মাণিক্য।

কৃষ্ণকিশোর গতান্ন হইলে ১৮৪২ খৃঃ যুবরাজ ঈশানচন্দ্র মাণিক্য রাজ্যভাব প্রাপ্ত হন। ১৮৫০ খৃঃ ১লা ফেব্রুয়ারী তিনি গবর্ণমেন্টের নিকট হইতে সনন্দ ও খেলাত প্রাপ্ত হইয়া সিংহাসনে অধিরোহণ করেন। তাঁহার অভিষেককালে গবর্ণমেন্ট ১১১টি স্বর্ণমুদ্রা “নজর” প্রদান জন্ত নির্ধারিত করিয়াছিলেন। ১৮৫৭ খৃঃ ভারতে সিপাহী বিদ্রোহের সময় তিনি ব্রিটিশরাজকে নানাপ্রকারে সাহায্য করেন। ১৮৬২ খৃঃ ৩০শে জুলাই ঈশানচন্দ্র মাণিক্য চৌত্রিশ বৎসর বয়স ইহলোক হইতে অপস্থত হইয়াছেন। তাঁহার প্রথম রাণী রাজলক্ষ্মী দেবীর গর্ভে কোন সন্তান হয় নাই। দ্বিতীয়া পত্নী মুক্তাবলীর গর্ভে জ্যেষ্ঠ কুমার ব্রজেন্দ্রচন্দ্র জন্ম গ্রহণ করেন। চতুর্থা স্ত্রী জাতীন্দ্রাব গর্ভে মধ্যম পুত্র নবদীপচন্দ্র ভূমিষ্ঠ হন। অনন্তর তৃতীয়া সহধর্মিণী চন্দ্রেশ্বরীর গর্ভে একটি কন্যা ও জাতীন্দ্রাবীর গর্ভে কনিষ্ঠ পুত্র রোহিণীচন্দ্র জন্মিয়াছিল।

৮ বীরচন্দ্র মাণিক্য ।

অতঃপর ঈশানচন্দ্রের জ্যেষ্ঠ পুত্র “বীরচন্দ্র মাণিক্য” নাম গ্রহণ করিয়া ত্রিপুরার সিংহাসন স্বেশোভিত করেন । ১৮৭০ খৃঃ ৯ই মার্চ চট্টগ্রামের তদানীন্তন কমিশনার লর্ড ইউলিক্ ব্রাউন্ রাজধানীতে উপস্থিত হইয়া সনন্দ ও খেলাত প্রদানপূর্বক বীরচন্দ্রকে অভিষিক্ত করেন । তৎকালে তিনি গবর্ণমেন্টকে ১২৫টি স্বর্ণমুদ্রা “নজর” দিয়াছিলেন । ১৮৭১ খৃঃ ৩রা জুলাই বজ্রেশ্বর স্থার উইলিয়ম গ্রে কর্তৃক পাওয়ার সাহেব ত্রিপুরার প্রথম পলিটিকেল্ এজেন্ট নিযুক্ত হন । প্রাচীন কাল হইতে ত্রিপুরাধিপতি স্বয়ং দেওয়ানী ও ফৌজদারী সংক্রান্ত বিচারের চূড়ান্ত নিষ্পত্ত করিতেন । ১৮৭২ খৃঃ সেই সকল মোকদ্দমা বিচারের জন্ত মহারাজ “খাস আপীল আদালত” নামে একটি বিচারালয় সংস্থাপন করেন । ১৮৭৪ খৃঃ তিনি ঢাকায় গিয়া রাজপ্রতিনিধি লর্ড নর্থব্রুক বাহাদুরের সহিত সাক্ষাৎ করিয়াছিলেন ; ইহার পূর্বে কোন নরপতি রাজপ্রতিনিধির সহিত সাক্ষাৎ করেন নাই । ১৮৭৭ খৃঃ ১লা জানুয়ারী রাজ্ঞী ভিক্টোরীয়ার ভারত সাম্রাজ্ঞী উপাধি গ্রহণ উপলক্ষে দিল্লীর দরবারে ব্রিটিশ গবর্ণমেন্ট অত্যন্ত নামস্তুবাজের দ্বারা ত্রিপুরেশ্বরকে একটি পতাকা (বেনার) দিয়া “মহারাজা” উপাধি সম্মানে ভূষিত করেন । ১৮৮৬ খৃঃ প্রধান বিচারপতির পদ সৃষ্টি হইয়া যুবরাজ খাস আপীল আদালতের প্রধান বিচারপতি মনোনীত হন । ১৮৮৮ খৃঃ ২৫শে ডিসেম্বর মহারাজ রাজ্যশাসন নিমিত্ত একটি মন্ত্রীসভা গঠন করেন । তিনি ইংরাজী, সংস্কৃত, মণিপুরী, টীগ্রা, বাঙ্গালা ও উর্দু ভাষা শিক্ষা করিয়াছিলেন । মহারাজ একজন স্নকবি ছিলেন ; তাঁহার প্রণীত ছইখানি গীতি কাব্য গ্রন্থ আছে । তিনি সুনিপুণ চিত্রকর ও ফটোগ্রাফার ছিলেন । মহারাজের প্রথম রাজকুমারী অনঙ্গমোহিনী দেবীও

বঙ্গসাহিত্যে সুপরিচিতা, তাঁহার রচিত প্রীতি, কণিক ও শোকগাথা নামে কবিতা পুস্তক আছে। পূর্বে বিজয় মাণিক্য বাহাদুর কুকীদিগকে ধাতু নিষ্কৃত বে প্রতিমূর্তি উপহার দিয়াছিলেন, বীরচন্দ্রের আদেশে উহা রাজধানী আগরতলায় আনীত হইয়াছে। তাঁহার সময় ত্রিপুরা রাজ্যের ষষ্ঠে পরিবর্তন ও উন্নতি হয়। ১৮৯৭ খৃঃ মহারাজ বীরচন্দ্র মাণিক্য ভবলীলা সম্বরণ করিয়াছেন। তাঁহার রাজেশ্বরী, ভানুমতী ও মনোমোহিনী নামে তিন সহধর্মিণী ছিলেন। তিনি প্রায় পঞ্চাশ বৎসর বয়ঃক্রম কালে স্বীয় দ্বিতীয়া মহিষী ভানুমতীর কনিষ্ঠা ভগিনীর কন্যা মনোমোহিনীর পাণিগ্রহণ করেন। তাঁহার তিন রাণীর গর্ভে রাধাকিশোর, দেবেন্দ্রচন্দ্র, নৃপেন্দ্রচন্দ্র, সমরেন্দ্রচন্দ্র, ত্রিপুরেন্দ্রচন্দ্র, জ্ঞানেন্দ্রচন্দ্র, মহেশচন্দ্র, বিমলচন্দ্র ও জ্যোতিরিন্দ্রচন্দ্র নামে ৯টা পুত্র এবং ১৬টা কন্যা জন্মগ্রহণ করেন।

৬ রাধাকিশোর মাণিক্য।

বীরচন্দ্রের মৃত্যুর পর তাঁহার ছোট পুত্র রাধাকিশোর মাণিক্য বাহাদুর ত্রিপুরার সিংহাসন লাভ করেন। ১৮৫৭ খৃঃ তিনি সিপাহী বিদ্রোহের সময় ভূমিষ্ঠ হন। ১৮৯৭ খৃঃ ৫ই মার্চ রাধাকিশোর রাজ্য-ভিষিক্ত হইয়াছিলেন। তাঁহার বঙ্গসাহিত্যে অনুরাগ ছিল। তিনি স্বয়ং বাঙ্গালায় সুন্দর রচনা করিতে পারিতেন। মহারাজ হিন্দুধর্মের অনুরাগী ছিলেন। স্বীয় রাজ্যের দেব-দেবীর মন্দির সংস্কার ও তাঁহাদের পূজার সুব্যবস্থা করিয়া গিয়াছেন। তিনি জলাশয় প্রতিষ্ঠা, দেব মন্দির নির্মাণ, পান্থনিবাস স্থাপন প্রভৃতি সদহুষ্ঠানের জন্য সুখ্যাতি লাভ করেন। মহারাজ প্রজাবৎসল নরপতি ছিলেন। তাঁহার রাজত্বকালে ত্রিপুরায় কার্য্য-নির্বাহক সভা সংগঠিত হইয়াছে। তিনি কানীধামের “বর্ণাশ্রম

বর্ধমন্ডলকিনী" নামক সভার ঐরিক ৬০০ টাকা বৃত্তিবীরের ব্যবস্থা করিয়া গিয়াছেন। ১৯০৯ খৃঃ মার্চ মাসে মহারাজ তীর্থ পূর্ত্যটনে বহির্গত হইয়া কামরূপের ৬ কামাখ্যা দেবী দর্শন করিয়া ঝাংগসীধায়ে গিয়া কানীনরেশ মহারাজ স্ত্রীর শ্রীযুক্ত প্রভুনারায়ণ সিংহ বাহাদুরের আতিথা গ্রহণ করিয়াছিলেন। ১৯০৯ খৃঃ ১২ই মার্চ ত্রিপুরাধিপতি সন্ধ্যার সময় তথায় বায়ু সেবনে বহির্গত হইয়া মোটরযান হইতে পতিত হইয়া ইহলীলা সম্বরণ করিয়াছেন। অষ্টাধিংশ বৎসর বয়ঃক্রমকালে মহারাজের বিবাহ হইয়াছিল। নরেন্দ্রকিশোর, বীরেন্দ্রকিশোর, ব্রজেন্দ্রকিশোর নামে তাঁহার কয়েকটি সন্তান জন্মগ্রহণ করেন; তন্মধ্যে জ্যেষ্ঠ পুত্র নরেন্দ্রকিশোর অকালে মৃত্যুমুখে পতিত হইয়াছেন।

বীরেন্দ্রকিশোর মাণিক্য ।

রাধাকিশোরের দেহান্তে তদীয় মধ্যম পুত্র শ্রীযুক্ত বীরেন্দ্রকিশোর দেব বর্ধন মাণিক্য বাহাদুর রাজ্যের প্রথানুসারে ত্রিপুরার সিংহাসনে সমাসীন হইয়াছেন। ১৯০৯ খৃঃ ২৫শে নবেম্বর পূর্ববঙ্গ ও আসাম প্রদেশের ভূতপূর্ব ছোটলাট স্ত্রীর ল্যান্সলট হেরার বাহাদুর ত্রিপুরার বর্তমান রাজধানী আগরতলার উপনীত হইয়া মহারাজের অভিষেক ক্রিয়া সম্পন্ন করেন। ১৯১০ খৃঃ লোকান্তরিত রাজপ্রতিনিধি লর্ড মিণ্টো বাহাদুরের কলিকাতার প্রস্তর মূর্তি স্থাপন ভাণ্ডারে ১০০০ টাকা দান করিয়াছেন। ১৯১১ খৃঃ ১২ই ডিসেম্বর দিল্লীর বিরাট অভিষেক দরবারে ত্রিপুরেশ্বর নিমন্ত্রিত হইয়া স্বাধীন রাজের আসন প্রাপ্ত হন। ১৯১২ খৃঃ ইনি মণিপুর, কলিকাতা, রাজপুতানা প্রভৃতি স্থান পরিভ্রমণ করেন। ১৯১৩ খৃঃ মহারাজ গইলার কবিত্ত সংকলিত বিভ্রামনিরে পাঁচশত টাকা

দান করিতে প্রতিশ্রুত হন । ত্রিপুরে 'র বর্তমান' ইউরোপীয় মহাবৃদ্ধে বঙ্গীয় স্বেচ্ছাসেবকদিগের ব্যবহারার্থ "ত্রিপুরা" নামে একখানি ক্ষুদ্র বাষ্পীয় পোত উপহার প্রদান করিয়াছেন । ১৯১৪ খৃঃ বারাগসীর আনন্দকাননে, ভারতধর্ম মহামণ্ডলের বাবিক অধিবেশন হইয়াছিল । কাশ্মীরেশ্বর, কাশ্মীরের মহারাজ, ভাঙ্গারপুত্রের রাজা, নদীয়ার মহারাজ এবং ত্রিপুরাব মহারাজ এই পঞ্চ নবেশ পাঁচ দিন সভাপতির কার্য্য করিয়াছিলেন । ত্রিপুরাধিপতি বর্তমান মহাবাজ একজন পবন বৈষ্ণব । হিন্দুধর্মে ইহার বিশেষ অনুরাগ আছে । ইনি একজন প্রজাবৎসল নরপতি বলিয়া প্রজাপুঞ্জের প্রশংসাভাজন হইয়াছেন ।

— সমাপ্ত —

